


Bulu ntam pɔpwe;
Nkonya



New Testament in Nkonya (GH:nko:Nkonya)

Bulu ntam pɔpwɛ; Nkonya

New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 25 Nov 2022 from source files dated 29 Jan 2022
01b09958-fa53-51d1-aae0-88c7e9302503

Contents

Mateo	1
Marko	47
Luka	76
Yohane	123
Gyumagyihé	157
Romafó	200
1 Korintofó	219
2 Korintofó	236
Galatíafó	248
Efesofó	255
Filipifó	261
Kolosefó	266
1 Tesalonikafó	270
2 Tesalonikafó	274
1 Timoteo	277
2 Timoteo	282
Tito	286
Filemon	288
Hebrifó	289
Yakobo	304
1 Petro	309
2 Petro	315
1 Yohane	318
2 Yohane	323
3 Yohane	324
Yuda	325
Ató Lésúnáhé	327

Asun Wanklaán Aní Mateo Lówanlín

*Yesu Anáin Ilínto
(Luka 3:23-38)*

¹ Yesu Kristo, Owíe Dawid mu na, Abraham mu na ámu ilínto ní.

² Abraham lókwí Isak. Isak lókwí Yakob. Yakob lókwí Yuda mu na mu apio yinhé*. ³ Yuda lókwí Peres mu na Sera. Amó yín gyí Tamar. Peres lókwí Hesron. Hesron lókwí Ram. ⁴ Ram lókwí Aminadab. Aminadab lókwí Nahson. Nahson lókwí Salmon. ⁵ Salmon lókwí Boas. Boas mu yin gyí Rahab. Boas lókwí Obed. Obed mu yin gyí Rut. Obed lókwí Yisai. ⁶ Yisai lókwí Owíe Dawid.

Owíe Dawid lókwí Salomo. Salomo mu yin gyí ɔtsi ɔkuá tekɪ ogyi Uria mu ka. ⁷ Salomo lókwí Rehabeam. Rehabeam lókwí Abia. Abia lókwí Asa. ⁸ Asa lókwí Yehosafat. Yehosafat lókwí Yoram. Yoram lókwí Usia. ⁹ Usia lókwí Yotam. Yotam lókwí Ahas. Ahas lókwí Hiskia. ¹⁰ Hiskia lókwí Manase. Manase lókwí Amon. Amon lókwí Yosia. ¹¹ Yosia lókwí Yekonia mu na mu apio yinhé. Mu brésú bekítá Israelfá, híé amó bee buyétsiá Babilon ɔmátó ní.

¹² Amó Babilon yótó á, Yekonia lókwí Sealtiel. Sealtiel lókwí Serubabel. ¹³ Serubabel lókwí Abihud. Abihud lókwí Eliakim. Eliakim lókwí Asor. ¹⁴ Asor lókwí Sadok. Sadok lókwí Akim. Akim lókwí Elihud. ¹⁵ Elihud lókwí Eleasar. Eleasar lókwí Matan. Matan lókwí Yakob. ¹⁶ Yakob lókwí Yosef, Yosef létsiá Maria. Maria lókwí Yesu. Yesu gyí Kristo, (ɔhá ámú Bulu ladá mu ofúli amu) ni.

¹⁷ Mú sɔ tsú Abrahamsɔ bɔtu Owíe Dawidsɔ bɔgyi anáin ilínto dúana. Tsú Dawidsɔ bɔtu bréá bɔyɔ Babilon ɔmátó é bɔgyi anáin ilínto dúana. Asa tsú amó Babilon yótó bɔtu Kristo, (ɔhá ámú Bulu ladá mu ofúli amu) kwíísó é bɔgyi anáin ilínto dúana.

*Yesu Kristo Kwí
(Luka 2:1-7)*

¹⁸ Ɔkpa ánfisɔ Yesu Kristo kwí lɔtsun ni. Bɔpu Maria há Yosef bee ɔtsiá. Táme asa bétsiá, abufia ɔtsi múa oyin á, bowun aní Maria dé ɔmé Ɔye Wankihé túmito. ¹⁹ Mu kulu Yosef a, mu asón da ɔkpa, táme omekle aní ɔbówa mu pélitó. Mú sɔ ɔbɔwe agywun aní obékiná mu njaintó. ²⁰ Táme bréá ɔde mú agywun bwe á, ki, Bulu-ɔbɔpu ɔku léle iwɪ ɔwan súná mu okudetó, bláa mu ɔbéé, “Yosef, Dawid mu na, mánya péli aní fɛkpa fú ká Maria ba fú wá, tsúfɛ ɔmé ámú ɔde ámu itsú Ɔye Wankihé túmito. ²¹ Ɔbókwí obiyímbi, bédínká mu dá Yesu. (Mú así gyí, ‘Ɔlepú.’) Tsúfɛ mu ɔbéle mu ahá tsú amó lakpantó ní.”

²² Inɪ léha Bulu asón ámú ɔleblɪ tsun mu ɔnósó ɔtáípusɔ ámu ileba mútó. ²³ Ɔbéé, “Kɪ, obitebí aní ɔmáókóyó oyin wá kɪ obénya ɔmé. Ɔbókwí obiyímbi, bédínká mu dá Imanuel.” (Mú así gyí, “Bulu bu aní wá.”)

²⁴ Bréá Yosef létsinkí á, olegyi asón ámú Bulu-ɔbɔpu amu lébláa mu amusɔ. Oletsíá Maria, kpáin mu. ²⁵ Táme ɔmɔpu ibi da Maria, kpéfɔn bréá ɔlkwí mu bi yínhé gyankpapu, ɔledínká mu dá Yesu.

* **1:2** Apio yinhé ánfɪ gyí Israel abusuan dúanyɔ ámu anáin ni.

2

Anyansapɔ Akɔ Bɔ

¹ Bréá Owie Herode dé iwie gyí Yudea ɔmátó bɔkwí Yesu wúlu kwá bɔtɛtí mú Betlehem, ɔw Yudea ɔmátó ɔw. Mú ɔma a, anyansapɔ akwá bɔtowun ató ntsrakpabitɔ bɔtsu owí ɔdalikpa ɔmá kwɔ ba Yerusalem wúlutɔ. ² Befíté bɛɛ, “Nkónó bakwí Yudafo owie amɔ? Anílowun mɔ osúna ání igyí ɔtsrakpabi owí ɔdalikpa ɔw. Mú sɔ abá bosúm mɔ.”

³ Owie Herode lónu asún ání á, ɔpúni letsíi mɔa Yerusalemfo féé. ⁴ Mú sɔ ɔletɔ Yudafo Bulu igyí ahapú dehen pó Mose mbla asunápó féé fia, fité amú ɔtínéá bɔkwí Kristo, (ɔhá ámóú Bulu ladá mɔ ofúli amɔ).

⁵ Bebláa mɔ bɛɛ “Betlehem wúlúá ɔw Yudea ɔmátó. Alí Bulu ɔnósó ɔtɔipó ɔkɔ lówanlín tswi ni. ⁶ Ɔbée, ‘Fó Betlehem, Yudea wúlu, fɔmegyí wúlu túkúríibi ɔkpagyíɔkpasɔ Yudea awúlu yilé ámɔtɔ. Tsúfé ɔmásó ogyípó ɔkɔ ɔbédalɔ tsu fótáá, ɔbékpa Bulu ahá Israelfo.’ ”

⁷ Mú sɔ Owie Herode létɔ anyansapɔ amɔ nkɔle, fité amú bréá bowun osúna ɔtsrakpabi amɔ, bebláa mɔ. ⁸ Múú ɔlowa amú Betlehem ɔbée, bɔyódunká kebi ámɔ wankláán. Ní bowun mɔ a, bɔyínki bebláa mɔ, ménɔ mɔ é móyósum mɔ.

⁹ Olenya bláa amɔ tá alí benatí. Ɔtsrakpabi amóú bowun owí ɔdalikpa amɔ, lékpa amú alu yélí ɔtínéá kebi ámɔ bɔ. ¹⁰ Bréá bowun ɔtsrakpabi amɔ a, ansí lehie gyi amú. ¹¹ Bowie wóyító ɔw á, bowun kebi ámɔ mɔa mɔ yin Maria, beɔa akpawunu súm kebi ámɔ. Besankí amú akentebi, bekie mɔ sika pɛpɛ, ɔhién pú ohuam.

¹² Mú ɔma a, Bulu lówa mbla há amú okudetɔ ɔbée, bɔmáyínki yótsɔn Herode wá. Mú sɔ bɔtsɔn ɔkpa bámbású yó amú wúlutɔ.

Yesu Mɔa Mɔ Akwíúpo Egyipte Ɔmátó Yɔ

¹³ Bréá anyansapɔ amɔ benatí á, Bulu-ɔbɔpɔ lélé ɔwɔ ɔwan súná Yosef okudetɔ, bláa mɔ ɔbée, “Kɔsɔ, afɔkpa kebi ámɔ mɔa mɔ yin srí ya Egyipte ɔmátó. Mlɔtsia ɔw yófun bréá nébláa fɔ mbée mliyínki ba, tsúfé Owie Herode obódunká kebi ámɔ, mɔ mɔ.”

¹⁴ Mú sɔ Yosef lókusú onyé-onyé ámɔ, kpá Maria mɔa kebi ámɔ srí ya Egyipte ɔmátó. ¹⁵ Betsiá ɔw yófun bréá Herode lówu. Iní léha Bulu asún ání ɔleblí tsɔn mɔ ɔnósó ɔtɔipó ɔkɔsɔ leba mótó. Ɔbée, “Netɔ mí bí ámɔ tsú Egyipte ɔmátó.”

Betlehemfo Abi Mɔ

¹⁶ Bréá Owie Herode lówwun ání anyansapɔ amɔ bamlé mɔ a, ɔblí lehie kítá mú. Ɔlowa mɔ isá akɔpú ɔbée, bɔyó Betlehem wúlutɔ pú mú nkudasi, abɔyɔmɔ abi yinhé ání bahɔ tsú nfinyɔ ba ayasí féé. Tsúfé anyansapɔ amɔ bebláa mɔ bɛɛ, begyankpá wun ɔtsrakpabi amɔ nfinyɔ ní.

¹⁷ Iní léha Bulu asún ání ɔleblí tsɔn mɔ ɔnósó ɔtɔipó Yeremiasɔ leba mótó. ¹⁸ Ɔbée,

“Bonu isú móa olú kwá imeká tin Rama wúlutɔ.

Rahel dé mɔ abí sú. Omotsulá ání bɔkpáta mɔ, tsúfé bɔtráa bɔma ɔw.”

Yesu Mɔa Mɔ Akwíúpo Yínki Tsú Egyipte

¹⁹ Owie Herode lowu ɔma a, Bulu-ɔbɔpɔ lélé ɔwɔ ɔwan súná Yosef okudetɔ Egyipte ɔw, bláa mɔ ɔbée, ²⁰ “Kɔsɔ, afɔkpa kebi ámɔ mɔa mɔ yin,

amlhyinki yɔ Israel ɔmátɔ. Tsúfɛ ahá á múú bodunká á ní bómɔ kebi ámu, bawú.” ²¹ Mú sɔ Yosef lókusó kpá kebi ámu muɔ mu yin, beyinkí yɔ Israel ɔmátɔ.

²² Táme bréá bowie inu á, olonu á ní Arkelao latsiá mu sɔ Herode obiásó, ɔde Yudea ɔmásó gyí. Mú sɔ olenya ifú á ní ɔbópu kebi ámu ya inu. Bulu lélawá mbila há mu okudeto ɔbéɛ, ɔpúu mu ya Galilea ɔmátɔ. ²³ Mú sɔ bɔyɔ yétsiá Nasaret wúlutɔ. Inu léha Bulu asón á múú ɔleblí tson mu ɔnósó atóipúu ɔbéɛ, “Béti mu Nasaretyin” amu ileba mótɔ ní.

3

Asú Ɔbɔpú Yohane Bulu Asón Ɔkanda

(Marko 1:1-8; Luka 3:1-18; Yohane 1:19-28)

¹ Bré kutɔ á, Asú Ɔbɔpú Yohane léba ɔde Bulu asón ɔkan da Yudea dimbísó. ² Ɔbéɛ, “Mlɔdamli klontɔ, amlisi lakpan bwe, tsúfɛ Bulu iwíegyí lawíé wóyí tá.” ³ Yohane inu asón Bulu ɔnósó ɔtáipú Yesaia lówanlín ɔbéɛ, “Ɔku dékplɔn dimbísó ɔbéɛ,

‘Mlɔla anɔ Wíe ɔkpa.

Mlɔtswii ikpa ha mu’” amu ni.

⁴ Yohane lówa kpósó-imi atadiɛ, ɔlɔpu ɔwolú-kpákpa ɔfɛ klí mósó. Atsantsanku pú ɔkwén otegyi. ⁵ Ahá botsu Yerusalem wúlutɔ, Yudea ɔmátɔ pú Yordan bunɔkpa ɔnó awúlú féesó ba bonu mu ason blíhé. ⁶ Bele amú lakpan blí, ɔlɔbɔ amú asú Yordan ntsutso.

⁷ Táme bréá Farisifɔ pú Sadukifɔ tsɔtsɔtsɔ beba beɛ, ɔbɔɔ amú asú á, ɔlefíté amú ɔbéɛ, “Abɛ abí-aná, ntɔ gyá mli, mliɔrí Bulu isobiti á múú ɔbá ámu? ⁸ Mómú mliɔwie abíá ibósuná á ní lélé mlɔladámlí klontɔ. ⁹ Mlɔmáku mlɔaa, mli náin gyí Abraham. Mú sɔ Bulu méebítí mli isu. Nde mli bláa mbéɛ, Bulu ɔbétalí há abwi ánfɔ ɔbédamli Abraham abí-aná. ¹⁰ Séi á, Bulu lapó efɛ yi nyí-atsitsito. Oyígyíoyí á ní imoswie abɔ wankláán á, bókun mú dá, wá mú féesó ogyá. ¹¹ Mí mú á, ntsu ndepubó mli asú púsúná á ní mlɔladámlí klontɔ. Táme ɔkwa ɔdon mi bu ɔma ɔbá. Mmɔfun á ní nósorá mu ntukota kóráá. Mu ɔbópu Ɔje Wankíhé pú ogyá bó mli asú ní. ¹² Ɔde mu lín, ɔbópufúní ntéte lé ayó ámɔtɔ. Ɔbékpa ayó amú wá mu odudutɔ. Táme ɔbéféi ofuníkpa inu wankláán, kpá ntéte amu wá ogyá á ní itamaduntɔ.”

Yesu Asúɔbɔ

(Marko 1:9-11; Luka 3:21-22)

¹³ Yesu lótsu Galilea ɔmátɔ ba Yordan ntsu ɔnó Yohane wá ɔbéɛ, ɔbó mu asú. ¹⁴ Tɛki Yohane mótsulá á ní ɔbóbɔ mu asú. Inu sɔ ɔlebláa Yesu ɔbéɛ, “Mí ilehián á ní fóbɔ asú. Nkálí ígyi sɔ faba fɛɛ mí ɔbóbɔ fú asú?”

¹⁵ Yesu lébláa mu ɔbéɛ, “Séi á, ha atsu mú alɔ asa, tsúfɛ ilehián á ní abóbwe tógyítá ida ɔkpa Bulu ansítɔ.”

Mú sɔ Yohane lótsulá. ¹⁶ Bréá ɔlɔbɔ Yesu asú tá, Yesu lédalɔ ntsu ámɔtɔ alɔ nwolótáa lefinkí, olowun Bulu Ɔje ɔkplí fɛ abróduma, ilobogyonká muɔ. ¹⁷ Inu ɔme ku lotsu ɔsúsó ɔbéɛ, “Ɔni gyí mí Bía ntɔdwé mu, mi ansí tɛhié gyi mu inu ní.”

4

Yesu Isóki

(Marko 1:12-13; Luka 4:1-13)

¹ Inuɔ Ɔje Wankíhé amu lékpa Yesu ya dimbísó, ménɔ Ɔbunsám ɔbóbɔ mu ki. ² Oletsíá inu klí ɔnó nke advana (40), onyé advana (40). Mú sɔ akún

lehiε kítá mv. ³ Inu Ɔbunsám lósɔ mv ki, bláa mv ɔbéε, “Ní Bulu mv Bi fógyi á, múmó ha abwi ánfɪ idamli bwe bodobodo.”

⁴ Yesu léle mú ɔnó ɔbéε, “Bɔwanlín wá Bulu asón ámɔtɔ beε, ‘Megyí atogyihe wule nyankpɔsa obégyi tsiá nkpa, táme ɔpɔv Bulu asɔn blíhé é tsiá nkpa.’ ”

⁵ Ɔbunsám lékpa mv ya Yerusalem, wúlu wankíhé amɔtɔ, ɔlɔv mv yélí Bulu ɔtswékpa obu ámv ɔántra. ⁶ Inu ɔlebláa Yesu ɔbéε, “Ní Bulu mv Bi fógyi lélé á, tu kpayi. Tsúfé bɔwanlín wá Bulu asón ámɔtɔ beε, ‘Bulu ɔbéha mv abɔv békpatá fú ibitɔ, ménɪ fú yabi mééda ibwi kɔkɔsu.’ ”

⁷ Yesu léle mú ɔnó ɔbéε, “Betrá wanlín beε, ‘Mákapú fú Wíε Bulu ki.’ ”

⁸ Mú ɔma a, Ɔbunsám lɔpv mv ya ibu fúáhé kɔsu, olosuná mv ɔyítɔ iwíε ogyíkpa f́f́é, pɔ mú numnyam. ⁹ Mú ɔlebláa mv ɔbéε, “Ní f́f́da akpawunu súm mí á, nɔpv inɪ f́f́é há f́f́.”

¹⁰ Yesu lébláa mv ɔbéε, “Ɔbunsám, natɪ tɛɪ mísó! Tsúfé bɔwanlín wá Bulu asón ámɔtɔ beε, ‘Da akpawunu ha f́f́ Wíε Bulu. Mv nkɔle fú súm.’ ”

¹¹ Inu Ɔbunsám lénatɪ mv wá, Bulu-abɔv beba beki mvsv.

Yesu Gyumagyihe Asitsúá Galilea Ɔmátɔ
(Marko 1:14-15; Luka 4:14-15)

¹² Mú ɔma a, Yesu lónu ání bakítá Yohane tswɪ obu, oleyinkí ba Galilea ɔsólósv. ¹³ Olotu tsú Nasaret wúluta yó Kapernaum, wúluá ibu mantáa Galilea ɔpv ɔnó, Sebulon móa Naftali ɔsólósv. ¹⁴ Mv inu yɔ léha asón ámúv Bulu ɔnósó ɔtɔ́pɔ́Yesaia léblí ámv ɔleba mótɔ. Ɔbéε,

¹⁵ “Sebulon pɔ Naftali
ɔsólóvá ida Yordan bɔnkpa ɔnó, mantáa Galilea ɔpv.
Galilea ɔmátɔ ɔmá bámbásófv bɔtsie.

¹⁶ Ahá ánfɪ bɔtsie oklúntɔ ánfɪ
bawun wankɪ kpɔnkpɔɔnkpɔntɪ kv.
Bɔtsie ɔsólóvá lowu dé iwíε gyí músó.

Wankɪ kv lawánkí wólí amósó.”

¹⁷ Tsú inu Yesu léfɪ asɪ ɔde Bulu asón ɔkan da, blí ɔbéε, “Mlɪdamli klɔntɔ, Bulu iwíεgyí lawíε wóyí tá.”

Akasípó Abaná Le
(Marko 1:16-20; Luka 5:1-11)

¹⁸ Eke ɔkúv Yesu ná Galilea ɔpv ɔnó á, olowun apíó abanyó akv. Simon ání bɔtɛtɪ mv Petro mvɔ mv gyama Andrea, bude asawu tswí, tsúfé aye alepú bɔgyí. ¹⁹ Mú ɔlebláa amó ɔbéε, “Mlɪba bobuo mv. Nóbwe mlɪ anyánkpɔsa alepú.” ²⁰ Inuɔv besi amó asawu aná tswɪ, kplá buo mv.

²¹ Ɔlenatɪ yó nkpa kpalobí, olowun apíó abanyó akv é, Yakobo mvɔ mv gyama Yohane. Amúv amó sí Sebedeo bɔvɔv ɔklɔntɔ, bude amó asawu bíun, Yesu létɪ amó. ²² Inuɔv amó é benatɪ sí amó sí mvɔ ɔklɔn amv bobuo mv.

Yesu Atósuná, Mv Asón Ɔkanda Pó Ilɔtsa
(Luka 6:17-19)

²³ Yesu léki Galilea ɔmátɔ f́f́é, súná ató Yudafɔ ofiakpa. Ɔleda Bulu iwíεgyí ámv iwɪ asɔn wankláán ɔkan. Ɔletsɔ ɔhétɔ móa awútɔ ɔlɔ kugyíko.

²⁴ Inɪ sv mv iwɪ asón lekleyí yó Siria ɔmátɔ f́f́é. Bɔpv alɔpv tsúa ntíné-ntíné ba mv. Ɔletsɔ ɔlɔ kugyíko, ahá ání bude iwɔsɔn wúun, amóv ɔhe laláhe dé amó háan, amóv ɔlɔ dídahe bv amósó pɔ abubúpv aná f́f́é. ²⁵ Mú sv ɔɔm kpɔnkpɔɔnkpɔntɪ bobuo mv. Ahá ání bɔtsú Galilea ɔmátɔ pɔ

Dekapoli* awúlu amusu, Yerusalem wúluta, Yudea omátó pú Yordan ntsu obin osulúsu fée.

5

Ibusu Atosundhé

¹ Bréá Yesu lówun odom amu a, olodu yó ibu kusu yétsiá asi, mu akasípó amu beba mu wá. ² Inu olosuná amó ató obéé,

Oyúla Asón

(Luka 6:20-23)

³ “Bulu layúla ahá ání amó ansí medín tótosu dun mu Bulu, tsúfè amóbú mu iwíegyi ámu ni.

⁴ Bulu layúla awireho agyíró, tsúfè obólwií amó klon.

⁵ Bulu layúla iwiasí abápu, tsúfè amó obégyi osulúsu amu ni.

⁶ Bulu layúla ahá ání mu apébwé akón múa omewóli de amó, tsúfè obéha amó bómwe.

⁷ Bulu layúla nwe awúnpu, tsúfè obówun amó nwe.

⁸ Bulu layúla ahá ání amó klontó lówankí, tsúfè amó obówun mu ni.

⁹ Bulu layúla ahá nsiné alapó, tsúfè obéti amó obéé mu abí.

¹⁰ Bulu layúla ahá ání budin amósó mu apébwé su, tsúfè amóbú mu iwíegyi amu ni.

¹¹ “Bulu layúla mli, ní bude mli sia, budin mli su, bude afunu wa dínká mli su. ¹² Ansí igyi mli, iwi isanki mli, tsúfè mli ikóká tso osúsó. Alí bóbwe Bulu onósó atáipó agyankpapu amu ni.

Nfóli Múá Wanki

(Marko 9:50; Luka 14:34-35)

¹³ “Mligyi oyító nfóli ni. Ní nfóli itá odwe á, nto bélapówá mú odwe? Itráa ma ale há tótoto bwe. Tsei butetséi mú tsítsá, ahá butetsáta mósó tson.

¹⁴ “Mligyi oyító wanki é ní. Wúluá idin busu tamanjain. ¹⁵ Butamanywé okandie, pú oló bun mósó. Jfóákpa butópóbian, méni iwówanki há ahá ání butsie wóyi ámutó fée. ¹⁶ Mú su mliha mli bwehé iwanki ali, méni ahá bówun mli bwehé wankláán ámu, fówun békanfó mli Sí ámú obu osúsó ámu.

Mose Mbla Iwi Atosundhé

¹⁷ “Mlumáki mliaa, neba Mose Mbla ntée Bulu onósó atáipó amu atosundhéto okakpá. Mmaba mótó okakpá, mboún neba bóbwe mú ifon.

¹⁸ Onokwali nde mli bláa, osó múa asi bómó onó, táme itoduahé ntée asónbi kole kóráa iméedali Mbla ámutó, yófon bréa mótó asón fée laba mótó.

¹⁹ Ohagyíoha ání omobu mbla ámutó túkúríibi ku, olosuná mu aba é obéé bumábu mú á, bėti mu kebi túkúríibi osúsó iwíe ogyíkpa inu. Táme ohá ání olegyi mbla ámu féesó, súná mu aba áni bugyi mósó á, bėti mu oha yilé osúsó iwíe ogyíkpa inu. ²⁰ Mú su nde mli bláa mbée, ní mlimóbwe Bulu apé dun Mose mbla asunápó pú Farisifó ámu a, mlimóowie Bulu iwíegyi ámutó ekekeke.

Obló Iwi Atosundhé

(Luka 12:57-59)

* 4:25 Dekapoli asi gyi awúlu dú.

21 “Mlilanú ání bebláa mli anáin atitifo ámu beε, ‘Mámə əha. Əhagyíəha ání əmó əha a, Bulu obégyi mu asón, há mu ipón.’ 22 Táme mí mó nde mli bláa mbée, əhagyíəha ání olenya əbló wa mu ba á, Bulu obégyi mu asón. Əhá ání olesia mu ba əbée, ‘Əhakpan!’ á, obégyi ipón Yudafo asón agyípu ansító. Əhagyíəha ání əlebláa mu ba é əbée, ‘Raka!’* a, obégyi ipón yó isəbití ogyá ání itamaduntó. 23 Inu su ní fotsu atə hahé fəyó afədie əəəkpá, fəkaín ání fapó asún laláə ku gyi fó bá á, 24 si fó ató amó yaí afədie-asubwisu inu. Yə fəa munyə amlila mli nsuné, asa afəba bəbə afədie ámu ha Bulu.

25 “Ní əku əsáma fu á, wa əsa ha abəyobwií ipa ha mu asa asón ámu ogyíké ifun, ménu fú onyabá ámu əméeəha asón agyípu bəmóəpu fú ha obu adípósú əkípu, əwa fú obu. 26 Mbláa fu əəəkwali, nkéti faká ikə ámu féé tá asa fédalı inu.

Otsiába Əmadalı Iwi Atosundhé

27 “Mlilanú ání bebláa mli beε, ‘Mákle əku tsiába.’ 28 Táme mí mó nde mli bláa mbée, oyingiyoyin ání olowun ətsi, əəbwe mu klé iwı agywun á, alató mbəa dodo mu kləntə. 29 Mó su ní fú gyəpi nsibi tēhá fótəbwé lakpan á, loti mú le, tswı tsalifwi. Ibu aléá fú iwı ətuneku má inu, dən ání bótswı fú nyankpəsa-oyí ámu féé wá isəbití ogyá ání itamaduntó. 30 Mó su ní fú gyəpi ibi tēhá fótəbwé lakpan á, ka mú tswı tsalifwi. Ibu aléá fəma ibi kule, dən ání bótswı fú nyankpəsa-oyí ámu féé wá isəbití ogyá ání itamaduntó.

Əkákiná Iwi Atosundhé

(Mateo 19:9; Marko 10:11-12; Luka 16:18)

31 “Betrá bláa mli beε, ‘Əhagyíəha ání obékiná əká á, əwánlın əkákiná əwəló ha mu asa.’ 32 Táme mí mó nde mli bláa mbée, ní oyin okíná mu ka ání əməkódalı mu əma a, mələhá su ətsi ámu əbédalı mu əma. Oyingiyoyin ání ətsiá ətsi ánfı mu kulu lakíná mu anfi é lató mbəa.

Ntamka Iwi Atosundhé

33 “Mlilétrá nu ání bebláa mli anáin atitifo ámu beε, ‘Máka ntam kpaali. Mboun bwe dınka ntam amú fəka há Bulu ámu su.’ 34 Táme mí mó nde mli bláa mbée, máka tətəətə kóráa. Məpu əsúsú ká ntam, tsúfé Bulu owie obía igyi. 35 Məpu əsólúv ká ntam. Bulu ayabi oyíkpa igyi. Məpu Yerusalem wúlu ká ntam. Awíetə Owíe wúlu kpənkpəntı ní. 36 Mlimápu mli nwnun ká ntam, tsúfé mliméetalı bwe imi kule futútú ntéε bíbi. 37 Mboun fú ‘Inı!’ ubwée ‘Inı!’ Fú ‘O-o!’ é ubwe ‘O-o!’ Kugyíkəá fétrá blı tsia mótó itsú Əbunsám wá.

Lalahe Ikəka Iwi Atosundhé

(Luka 6:29-30)

38 “Mlilanú ání beblı beε, ‘Əha obwíe mu ba nsibi a, bəbwíe mu é mu kle ka ikə. Əha ətsíı mu ba iyín é á, bətsii mu kle ka ikə.’ 39 Táme mí mó nde mli bláa mbée, mlimáklá əha laláə. Mboun ní əha ədá fú isətə á, damli nyəəsi é ha mu ədáa. 40 Nı əha dékléa əbəsamáa fu, hə fú atadie á, pu fú tati é ha mu. 41 Əhá ání ədun fu əhié fú əbée, fəsúra mu ató máılı kule ha mu a, sura mó máılı anyə. 42 Əha əkólı fú ató á, ha mu. Nı əku é əbée fəpáan mu təku á, mákiná.

Alupódwe Iwi Atosundhé

(Luka 6:27-28, 32-36)

43 “Mlilonúá beblı beε, ‘Dwe fú bá, afəlu fú olupú.’ 44-45 Táme mí mó nde mli bláa mbée, mlıdwe mli alupú. Mlıbə mpái ha ahá ání budın mlısu, ménu mləbwe mli Sí ámuó əbə əsúsú ámu abı. Tsúfé mutéhá owı telın, ətəhá

* 5:22 Raka ası gyı “Əwı!”

nyankpɔ é itotswie wɔlɪ aha wanklɔ́án pɔ́ aha laláhe féesú. ⁴⁶ Ní fú adwɛpɔ́ nkɔle futɔ́dwé á, ipán mɔ́mɔ́ fénya? Lampɔ́o ahópɔ́ kórɔ́áá bɔ́tɔ́bwé alɪ. ⁴⁷ Ní fú anyawíe nkɔle futɔ́wá ɔ́nó á, ntɔ́ fakɔ́kɔ́ bwe dɔ́bɪ? Alɪ kén ɔ́mátɔ́fɔ́ bɔ́tɔ́bwé ní. ⁴⁸ Inɪ sɔ́ mlɪfɔ́n fé alɪá mlɪ Sɪ́ ámú ɔ́bɔ́ ɔ́súsú ámú lɔ́fɔ́n.

6

Yilébwe Iwɪ Atosundhé

¹ “Mlɪkɪ wanklɔ́án ání mlɪmóɔ́bwe mlɪ yilé ahá ansítɔ́. Ní mlɔ́bwé mú alɪ á, mlɪméenya ikɔ́ká mlɪ Sɪ́á ɔ́bɔ́ ɔ́súsú wá.

² “Mó sɔ́ ní fɔ́bwé yilé há ohiáni á, máda mú ɔ́kan fé alɪá apin-abwɛbí abwɛpɔ́ bɔ́tɔ́bwé Yudafó ofiakpa pɔ́ dɪnsɔ́, ménɪ ahá békanfú amó. ɔ́nɔ́kwali ndɛ mlɪ bláa mbéɛ, Bulu laká amú ikɔ́ dodo. ³ Táme ní fɔ́bwé yilé há ohiáni á, máha fú bɪna ɔ́bɪ tɔ́á gyɔ́pɪ labwé. Bwe mú njáintɔ́, ⁴ ménɪ fú Sɪ́ oklúntɔ́ atɔ́ owúnɔ́pɔ́ amɔ́ ɔ́béka fú ikɔ́.

Mpáɪɔ́ Iwɪ Atosundhé

(Luka 11:2-4)

⁵ “Ní mlɔ́bɔ́ mpáɪ á, mlɪmábwe fé apinabwɛbí abwɛpɔ́. Amú tekle Yudafó ofiakpa pɔ́ dɪnsɔ́ lí bɔ́ mpáɪ, ménɪ ahá bówwun amó. ɔ́nɔ́kwali ndɛ mlɪ bláa mbéɛ, Bulu laká amú ikɔ́ dodo. ⁶ Táme ní fɔ́bɔ́ mpáɪ á, bitíwíé fú obutótɔ́, afɔ́fin obu wa iwɪ, bɔ́ mpáɪ ha fú Sɪ́ njáintɔ́. Fú Sɪ́ njáintɔ́ atɔ́ owúnɔ́pɔ́ amɔ́ ɔ́béka fú ikɔ́.

⁷ “Ní mlɪdɛ́ mpáɪ bɔ́ á, mlɪmátsiá plá mótɔ́ há mú ɪwa swí fé ɔ́mátɔ́fɔ́. Bɔ́tosúsu bɛɛ, ní bɔ́bɔ́ mú ɪwá swí asa Bulu obónu mú há amó. ⁸ Mlɪmábwe fé amó, tsúfé mlɪ Sɪ́ Bulu yín tɔ́á ɪde mlɪ hián asa mlɪdɛ́ mɔ́ kolí. ⁹ Mó sɔ́ mlɪbɔ́ mpáɪ mlɪaa,

‘Anɪ Sɪ́á fɔ́bɔ́ ɔ́súsú.

Ahá bɔ́búu fú dá.

¹⁰ Ba begyi iwíe.

Ahá bɔ́bwéɛ fú apé ɔ́sulósu, fé alɪá bɔ́tɔ́bwé mú ɔ́súsú.

¹¹ Ha anɪ atogyihéá ɪbɔ́fun anɪ ndɛ.

¹² Si anɪ lakpan kie anɪ,

fé alɪá anɪtesikíé ahá ání bɔ́tɔ́pɔ́ ɪlá gyi anɪ.

¹³ Mákpa anɪ wá ɪsókɪtɔ́, mboún le anɪ tsu ɔ́bɔ́nsám ɪbɪtɔ́.*

¹⁴ “Tsúfé ní mlesí ahá lakpan kíé amó á, mlɪ Sɪ́ ámú ɔ́bɔ́ ɔ́súsú ámú é obési mlɪ klé kíé mlɪ. ¹⁵ Táme ní mlɪmésikíé ahá a, mlɪ Sɪ́ ámú é oméesikíé mlɪ.

ɔ́nókli Iwɪ Atosundhé

¹⁶ “Ní mlɪdɛ́ ɔ́nó klí á, mlɪmábwe mlɪ iwɪ bɔ́mbláán fé alɪá akɔ́ bɔ́tɛpina bwé. Alɪá ahá bówwun ání bɔ́de ɔ́nó klí sɔ́ bɔ́tɔ́bwé iwɪ alɪ. ɔ́nɔ́kwali ndɛ mlɪ bláa mbéɛ, Bulu laká amú ikɔ́ dodo. ¹⁷ Mboún ní mlɪdɛ́ ɔ́nó klí á, mlɪbie ntsu, amlɪfunya nwun, ¹⁸ ménɪ ahá bɔ́móowun ání mlɪdɛ́ ɔ́nó klí. Táme mlɪ Sɪ́ oklúntɔ́ atɔ́ owúnɔ́pɔ́ amɔ́ mú obówwun mlɪ, ká mlɪ ikɔ́.

Atonyahé Pɔ́yáí ɔ́súsú

(Luka 12:33-34)

¹⁹ “Mlɪmákɪ atɔ́ yáí ɔ́sulóv anɪsɔ́. ɔ́tínɛ ánfɪ atéplɛ bɔ́tɔ́wí atɔ́, ikɔ́ aná tɔ́wí nkanɔ́ yíntá, awikpɪlɔ́ é bɔ́tɔ́bwíé wíé obuto wí atɔ́ ánfɪ. ²⁰ Mboún mlɪkɪ atɔ́ yáí ɔ́súsú. Inɔ́ mú á, atéplɛ bɔ́tamawí atɔ́, ɪtamawí nkanɔ́, awikpɪlɔ́ é bɔ́tamabwíé wíé obuto wí atɔ́. ²¹ Tsúfé ɔ́tínéá fú siadiɛ bu a, mú fú agywun tetsiá.

* **6:13** Inɪ bɔ́ nwóló dada amɔ́ akotɔ́: Tsúfé fɔ́bɔ́ iwíegyi, túmɪ pɔ́ iwɪwankɪ bré féesú. Amen.

*Nyankpɔsa-oyi Ɔkandɛ**(Luka 11:34-36)*

²² “Ansibi igyi Ɔkandɛ há nyankpɔsa-oyi. Ní fú ansibi bu alá á, fú nyankpɔsa-oyi ámu fée bówankí. ²³ Táme ní fú ansibi ma alá a, fú nyankpɔsa-oyi ámu fée ibu oklúnto. Ní Ɔkandɛ ámuó ibu foto ámu idun a, mómó fawíe oklún kpɔnkpɔnkpɔntito.

*Bulu Mva Atonyahé Iwi Atosundhé**(Luka 16:13; 12:22-31)*

²⁴ “Ɔhaa méetalí súm awie anyɔ. Ɔbódwe ɔkɔle, lú ɔkɔle. Ntée obóbu ɔkɔle, omóobu ɔkɔle. Fóméetalí súm Bulu, súm kóba.

²⁵ “Mó su nde mli bláa mbée, mli máhan iwi tóá mlégyi, tóá mlónu tsíá nkpa pó tóá mlédídá su. Mbée, nkpa medéhián dun atogiyihe? Ntée ɔyólú medéhián dun ató didáhé? ²⁶ Mliki mbubwi, butamadú, butamasíetí wá idanto, táme mli Sía ɔbu ɔsósú tehá amó atogiyihe. Mli má labi dun amó? ²⁷ Mli tó ma ɔbétalí han iwi pó bré kpalobí tsíá mu nketo?

²⁸ “Ntogyi só mli dé iwi háan mli ató didáhé su? Mliki alá pututɔ-oyi ntswítswi tedan. Itamayó agyómá ntée ló atati. ²⁹ Táme nde mli bláa mbée, Owie Salomo, mu inya fétó a, ɔmetalí híhi iwi, wá akíle fě oyi ntswítswi anfito kòkò. ³⁰ Ní Bulu dé ifá ání nde lí, ɔke ilawú, bawá mó ogyá tati didá á, ntogyi só ɔméetalí didá mli atati dun mó? Mli hógyi mɔtsó!

³¹ “Mó su mli máhan iwi fité mli aa, ‘Nto abégyi?’ ntée ‘Nto abónu?’ ntée ‘Nto abédídá?’ ³² Iní aná ɔmátófo butesrí gya ni. Mli Sí ámuó ɔbu ɔsósú ámu yin ání iní fée de mli hián. ³³ Itóá mli gyánkpa dunka gyí, Bulu iwíegyi pó mu yilébwe, fówun Bulu ɔbópu iní fée tsíá mótó há mli. ³⁴ Mli másusú ɔke iwi. Ɔketo asón igyi ɔke klé. Ekekegyíeketo ason wunhe itso há eke ámu.

7*Ilále**(Luka 6:37-38, 41-42)*

¹ “Mli mále ahá lá, méní Bulu ɔméele mli lá. ² Tsúfě alí ámuó mli dé ahá lá le ámu a, alí Bulu ɔbéle mli lá ní. Itóá fɔpúsusu ha fú bá á, mó kén Bulu ɔbópususu ha fú é ní. ³ Ntogyi só fúde ipí túkúríibi wun fú bá nsibisu, táme fómédé ogyakpatín ání idun fú klésu mó wun? ⁴ Ntée ntogyi só fúde fú bá bláa fée, ‘Ha mí andinkí ipí fú nsibisu?’ bréá ogyakpatín dun fú klésu? ⁵ Apinabwébi ɔbwepú! Gyankpa dinkí ogyakpatín ámu fú nsibisu, méní fówun ató wankláán, tálí dinkí ipí ámu fú bá klésu.

⁶ “Mli mápu Bulu ató wankíhé há ahá ání bogyi fě akíai, Bulu asón tamawá amó ogyá. Bénya ɔbló dámlí dun mli. Alí kén mli mápu mli abutó wulhe há ahá ání bogyi fě mprákuo ní. Tsúfě bétatsáa músú, tsíá mó wá ɔdibató.

*Atókwí Tsú Bulu Wá**(Luka 11:9-13)*

⁷ “Mli kóli Bulu, ɔbéha mli. Mli dunka, mlówun. Mli da mu klónsu, obéfinkí mó há mli. ⁸ Tsúfě ɔhá ání ɔtókólí ató tenyá. Ɔhá ání otodúnká ató towun. Ɔhá ání ɔtedá klónsu bótefinkí há. ⁹ Ma bów mli tóá mu bi ɔkólí mu bodobodo a, obótsu ibwi wá mu ibitɔ? ¹⁰ Ntée ní ɔkólí mu iye a, ɔbékítá iwo wá mu ibitɔ? ¹¹ Mli lakpan abwepú kóráá mliyin alá butɔpú ató wankláán há mli abí. Ntogyi só mli Sí ámuó ɔbu ɔsósú ámu mó móɔpu ató wankláán há ahá ání bode mu kulí.

12 “Bwe ha ahá alíá fudeklé fεε bubwée ha fu. Iní Mose Mbla pú Bulu onósú atóipú amv atosunáhé deblí ní.

Okpa Kplanhe Múa Tේihé

(Luka 13:24)

13-14 “Mlitsun okpa kplanhe amvsv, mlóyɔ nkpa ání itamatátó. Ahá kpalobí pé tebí mú. Táme ní mlotsun téihé ámú ubv atsúnle amvsv á, mlóyɔ ohkprá. Ahá tsotsɔtsɔ tótsun mósú.

Oyi Pó Mú Abi Swiehé

(Luka 6:43-44)

15 “Mlíki wankláán ahá ání butɔwá afunu beε, Bulu onósú atóipú bugyisv. Butepina bwe iwí fé akúfa ba mli wá, táme nkpatakuá bubv iyin búgyi. 16 Amú bwehé mlópobí amú. Butamakpótí kankaba okplóto oyísú, butamakpótí tsɔkpun é tonkpa iflasv. 17 Oyi wankláán toswíé abi wankláán. Oyi laláhe é toswíé abi laláhe. 18 Oyi wankláán méetalí swíé abi laláhe. Alí kén oyi laláhe é méetalí swíé abi wankláán ní. 19 Oyiá itamaswíé abi wankláán á, kún butokun mú dá, wá mú ogyá. 20 Mú alí sv á, onósú atóipú afunupv anfi bwehé mlópobí amú.

Bulu Iwíegyi Amvto Awiepó

(Luka 13:25-27)

21 “Megyi ohagyiáha ání otetí mí obée, ‘Mí Wíé, mí Wíé’ obówie Bulu iwíegyi ámvtɔ. Mboún ohá ání otɔbwé mí Sí ámú obv ɔsúsú ámú apé obóyɔ inu. 22 Bulu asón ogyíké amv a, ahá tsotsɔtsɔ béfité mí beε, ‘Mí Wíé, megyi fú dátó anuléblí Bulu onó asón, gya ohe laláhe lé ahátɔ, bwé ofúla é ní?’ 23 Inu néle bláa amú mbée, ‘Mmeyín mli okpagyiákpasv. Mlinatí tei mísú, mli lakpan abwepó!’

Butású pú Osublúto Obuyi

(Luka 6:47-49)

24 “Mú sv ohagyiáha ání olonu mí asun blíhé anfi, olegyi mósú á, ogyi fé otiansipv okvá oleyi mv obu dínká butású. 25 Nyankpv lótswíé, ntsu lóbulá wa mú, atsufú lótsun wolí mósú, táme imobwie. Tsúfé oleyi mú dínká butású.

26 “Táme ohagyiáha ání olonu mí asun blíhé anfi, omegyi mósú á, ogyi fé oha mimláhe ání oleyi mv obu osublúto. 27 Nyankpv lótswíé, ntsu lóbulá wá mú, atsufú é lótsun wolí mósú. Obu ámú lobwie, iléda así gbloo!”

Túmiá Yesu Bv

28 Bréá Yesu léblí asón anfi tá á, mv atosunáhé leha onó lobwie ɔdam amv. 29 Tsúfé olosuná amú ató túmisv. Omosuná mú fé Mose mbla asunápú amv.

8

Ilɔ Pεpe Olópú Okv Tsa

(Marko 1:40-45; Luka 5:12-16)

1 Bréá Yesu lékplí tsú ubv ámvsv á, ɔdam kponkponkponntí bobuo mv. 2 Inu á, ilɔ pεpe olópú okv léba beda akpawunu mv ayabitɔ, kókóli mv obée, “Owíé! Ní fótisulá á, fétalí há mí iwí bépli.”

3 Múv Yesu létinkí ubi da mv, bláa mv obée, “Natsúlá, fú iwí iplí!” Inu sv mv iwí lépli. 4 Múv Yesu léda mv olá obée, “Mábla ohaa asón anfi. Natí laa afupv fú iwí yosuná Bulu igyi ohapú, afuha mv iwígyvratɔ amúv Mose mbla losuná tsú ilɔ pepetsa iwí ámvs. Igyi adánsie suna ahá ání fú iwí laplí.”

Romafɔ Isá Akɔpú ɔhande Osúmpú ɔku Ilo Tsa

(Luka 7:1-10)

⁵ Yesu lówie Kapernaum wúluto. Romafɔ isá akɔpú ɔhande ɔku léba mu wá, bóbwií ipa há mu ɔbéɛ, ⁶ “Owíé, mí osúmpú délɔ. Alasin tsukule, ɔda wóyítɔ ɔde iwɔɔsin wúun dɔbi.”

⁷ Múú Yesu lébláa mu ɔbéɛ, “Néba betsa mu ilo.”

⁸⁻⁹ Táme ɔhande amu lébláa mu ɔbéɛ, “Owíé, mmɔfun ání féba mí wóyítɔ. Fú mú bli asɔankɔ, iwɔ bówa mí osúmpú amu ɔnlɔn. Tsúfé mí é mbu ahande aku asi, isá akɔpú aku é bubu mí asi. Nelé ɔnɔ mbéɛ amútɔ ɔku ɔnátɔ á, ɔtenátɔ. Ní mbéɛ ɔbá é á, ɔteba. Tógyítɔá nebláa mí osúmpú mbéɛ ɔbwéé á, ɔtabwé.”

¹⁰ Bréá Yesu lónu asún ání á, ɔnɔ lobwie mu, ɔledamli bláa ahá ámúú bubuo mu amu, ɔbéɛ, “ɔnɔkwali nde mli bláa, mmɔkɔwun ɔhá ání ɔbu hógyi kɔnɔkɔntɔ ání odu Israelfɔtɔ kóráá ki!” ¹¹ Nde mli bláa mbéɛ, “Ahá tsɔtsɔtsɔ bótsu owí ɔdalikpa pú owí ɔkplíwíékpa ba, betsiá atɔ ogyíkpa Bulu iwíegyi ámuto, amúá anɔ anáin Abraham, Isak pú Yakob aná bówa ibi gyi atɔ. ¹² Táme béle Israelfɔ ámúú teki bogyi Bulu iwíegyi ámuto atsiánpú amu lé unu, tswi amú wá oklúntɔ. Inú isú móa kpisii bu nu.” ¹³ Múú ɔlelabláa isá akɔpú ɔhande amu ɔbéɛ, “Nati, ibá mótɔ ha fu fú hógyi ɔnɔ.”

Ali bré ámuto pépééé osúmpú amu iwɔ lówa mu ɔnlɔn.

Alɔpu Tsɔtsɔtsɔ Tsa

(Marko 1:29-34; Luka 4:38-41)

¹⁴ Yesu lóyo Petro wóyítɔ. ɔlɔyo á, owísó lakítá Petro mu sia tsíhé, ɔda. ¹⁵ Múú ɔleyékítá ɔtsɔ ámu ibi. Inununu owísó amu lókusú musu, ɔlɔbwe Yesu afɔtɔ.

¹⁶ Múú ntópweɔ á, bɔpu ahá tsɔtsɔtsɔɔá ɔɔe laláhe dé amú háan ba Yesu. ɔlɔtɔi gya ɔɔe laláhe amu, tsá alɔpu amu féé. ¹⁷ Inu léha asún ámúú Bulu ɔnɔsɔ ɔtɔipú Yesaia lébli ámu leba mótɔ. ɔbéɛ, “Mólétsa anɔ ilo, tsú ipian kósó anisv.”

Ahá Aní Bɛɛ Bɔbwe Yesu Abútopu

(Luka 9:57-62)

¹⁸ Yesu lówun ání ɔdɔm babomli mu, ɔlebláa mu akasípú amu ɔbéɛ, “Mliha afa Galilea ɔpu yo mú ɔbun.” ¹⁹ Inu Mose mbala osunápú ɔku léba mu wá, bebláa mu ɔbéɛ, “Osunápú, nóbuo fu yo ɔtínegyi ɔtínéá fýyo.”

²⁰ Yesu lébláa mu ɔbéɛ, “Awíá bubu mbó, mbubwi é bubu asia, táme mí, Nyankpusa-Mu-Bi ání mú mma ɔtínéá nópu mí nwun tswi.”

²¹ Ahá ámúú bubuo mu amuto ɔku lébláa mu ɔbéɛ, “Owíé, ha mí anyopulá mí sí asa ambobuo fu.”

²² Táme Yesu lébláa mu ɔbéɛ, “Bobuo mi, afɔsi awupú abɔpula amú afúli.”

Atsufú Asibá

(Marko 4:35-41; Luka 8:22-25)

²³ Yesu lówie ɔklɔntɔ, mu akasípú amu é bowie buo mu. ²⁴ Bréá bɔyo á, afú kɔnɔkɔnɔkɔntɔ ku lówa tsúun bi. Mú su ntsu deda wíé ɔklɔn amuto, ideklé ime, táme Yesu mú da ɔdedidi. ²⁵ Akasípú amu betsinkí mu, bláa mu bɛɛ, “Anɔ Wíe le anɔ. Anidé ntsu wíe!”

²⁶ Múú ɔlefíté amú ɔbéɛ, “Ntogyi só mlidé ifú nya ali? Mli hógyi mɔtsól!” Inu ɔlɔkusú lé ɔnɔ wa afú móa ntsu ámu, unu féé lolvá.

²⁷ Ifú lehie kítá amú, bɛfité aba bɛɛ, “Nyankpusa ɔmɔmu nu, afú móa ntsu kóráá tonú mu ɔme ali?”

ᾠε Laláhe Gyáa Le Agbedépo Abanyótó

(Marko 5:1-20; Luka 8:26-39)

²⁸ Bréá Yesu lówie Galilea ḡp ḡbɪn, Gadarafɔ ḡsɔlɔsɔ á, ayin abanyótó akvá ḡhe laláhe bu amótó bedali tsu afúli opulákpá befia mu. Amó iyin su ḡhaa tamatáli tson ḡkpa ámɔsu. ²⁹ Inuḡ bu ḡkplón fité Yesu beε, “Bulu mu Bi, amansu igyi? Fɛbá beḡtí aní ató asa Bulu isubitíbi ifun?”

³⁰ Mprákuo tsɔtsɔtsɔ akú buḡegyi inu fón. ³¹ Mú su ḡhe laláhe amu bokokóli Yesu beε, “Ní fégya aní lé ahá ánfítɔ á, ha ayowie mprákuo ánfítɔ.”

³² Yesu lébláa amó ḡbéε, “Mliyo.” Inuḡ bu bedali ayin ámɔtɔ yówie mprákuo ámɔtɔ. Amó féé besrí kplí okúku ku wíε ḡp amɔtɔ, wúwu.

³³ Mprákuo ámu akpapú besrí yó wúlutɔ, yébláa ahá tógyítá ilaba ahá ámúú tekí ḡhe laláhe bu amótó ámɔsu. ³⁴ Mú su wúlu amɔtɔ ahá féé bedali ba Yesu wá. Bréá bowun mu a, bokokóli mu beε, ḡdáli amó ḡsɔlɔsɔ.

9

Tsukɔle Osínpu Tsa

(Marko 2:1-12; Luka 5:17-26)

¹ Mú su Yesu léyinkí wíε ḡkluntɔ, fá ḡp amu yó wúlu amóú otsie mótó ámɔsu*. ² Inu á, akú bɔsɔrá tsukɔle osínpu akpasu ba mu. Bréá Yesu lówun ání bahɔ mu gyi a, ḡlebláa tsukɔle osínpu amu ḡbéε, “Mí bí, klon ídí fú asi. Nasí fú lakpan kíé fú.”

³ Inu Mose mbla asunápú akvá buḡsie inu, beblí wá nwuntɔ beε, “Oyin ánfi labó mbusuo.”

⁴ Yesu lébi amó agywun. Mú su ḡlefíté amó ḡbéε, “Ntogyi só mliḡé inu odu gywín? ⁵ Mámɔ bɔwa ablilé dɔn? ‘Nasí fú lakpan kíé fú.’ ntéε ‘Kusu tsu fú akpa afɔnatí?’ ⁶ Táme ndekléá mlibí aní mí, Nyankpɔsa-Mu-Bi ánfi mbu túmi ḡyi ánfítɔ sí ahá lakpan kíé amú.” Inu ḡlebláa tsukɔle osínpu amu ḡbéε, “Nde fú bláa mbéε, kusɔ. Tsu fú akpa afɔnatí yo wóyítá!”

⁷ Inu ḡlɔkusú náti yó wóyítá. ⁸ Inu lówa amú féé wánwan, bekanfó Bulu ání alapú túmiá igyi alí há anyánpɔsa.

Mateo Ti

(Marko 2:13-17; Luka 5:27-32)

⁹ Bréá Yesu lópu ḡyá á, olowun lampóo ḡhópu ḡkvá butetí mu Mateo tsie lampóo ḡhókpa. Mú ḡlebláa mu ḡbéε, “Bobuo mu.”

Inuḡ Mateo lókusú buo mu.

¹⁰ Mateo létí Yesu mba mu akasípú ató ogyíkpá mu wóyítá. Lampóo ahópu pú lakpan abwɛpú tsɔtsɔtsɔ beba ató ámu ogyíkpá. ¹¹ Farisifɔ ámu benya wun amó alí, befité mu akasípú amu beε, “Ntogyi só mli osunápú mba ahá ánfi odu butɔwá ibi gyi ató?”

¹² Yesu lónu asún ánfi, ḡlebláa amó ḡbéε, “Alḡpu léhián ilo ḡsapó, megyí ahá aní iwí bu amó ḡnlin. ¹³ Mliyo amliyeḡfité Bulu asún ánfi bɔwanlín tswi anfi asi. Beε, ‘Nwewúun ntekle, megyí igyiha.’ Mmɛba aha wankláán ḡtikpá, lakpan abwɛpú ḡtikpá neba.”

ᾠókli Iwí Asɔn Fitéhé

(Marko 2:18-22; Luka 5:33-39)

¹⁴ Ekε ḡku Asú ḡbɔpú Yohane akasípú beba Yesu wá befité mu beε, “Ntogyi só ania Farisifɔ anitekli ḡnó, táme fú akasípú mú butamakli ḡnó?”

* 9:1 Mu wúlu gyi Kapernaum. Kí 4:13.

¹⁵ Yesu léle mú onó obéé, “Otsi akpaínpo anyawíeá bobu mu wá bégyi awireho? Ekekeke! Táme eke ku béba ání békpa oká otsiápo amu náti sí amó. Alí nke ámutó békli onó ní.”

¹⁶ “Ohaa tamapo tati papwe tan tati dada. Tsúfé tati papwe amu békpi kpi tsií dáda amu ku lé, há otánkpa inu bélatéi tsía. ¹⁷ Alí kén butamapo nta papwe wá owóló-kpákpá kente wuhétó ní. Nta papwe amu ibófu fá kente amu, tsítsá, ibéyintá kente amu é. Iní su owóló-kpákpá kente papweto bótápó nta papwe wá, méni mú anyo ámu fée bétsiá.”

Ohande Oku Mu Bi Mva Otsi Oku Ilo Tsa
(Marko 5:21-43; Luka 8:40-56)

¹⁸ Bréá Yesu détoí á, Yudafó ofiakpa ohande oku léba beda akpawunu mu ayabito, kókóli mu obéé, “Mí bí tshé lawú séséséí, táme ba afobopo ibi dinka musu onya nkpa.”

¹⁹ Mú su Yesu lókusó, mva mu akasípó bobuo ohande amu.

²⁰ Otsi okvá obugya de mu wólí nfi dúanyo ní lótsun yo Yesu oma, pó ibi da mu tati osiebí. ²¹ Tsúfé oiebli wá mu nwunto obéé, “Ní napó ibi da mu tati kpán á, ilo bési mí.”

²² Yesu lédamli kí mu, bláa mu obéé, “Mí bí, klon idi fú asi. Fú hógyi latsá fú ilo.” Inonu otsi ámu iwí lówa mu onlin.

²³ Bréá olowie ohande amu wóyító a, olowun ikpe afulípó, nú awireho agyípó amu okitikíti. ²⁴ Olegya amó obéé, “Mlidalí nfi! Otsibi amu mókówú, didí ode.” Ahá ámu bomoí mu. ²⁵ Bréá amó fée bedali ba wunsinésó a, Yesu lébitiwíe obu ámú otsibi amu da móto ámutó yékitá mu ibi, okusó. ²⁶ Asón ánti lékléi wá omá ámutó fée.

Ansibi Abwiepó Ilo Tsa

²⁷ Yesu lédali oyó á, ansibi abwiepó abanyó aku bobuo mu, bude okitikíti sorá kpóli mu bee, “Owíe Dawid mu na, wun aní nwe!”

²⁸ Bréá olowie wóyító a, ansibi abwiepó ámu beba mu wá. Yesu léfité amó obéé, “Mlilahogyi mhaa, nétalí há mli ansibi bóbwií?”

Bele mú onó bee, “Aní Wíé, Ee!”

²⁹ Mú olopo ibi dada amó ansibi, bláa amó obéé, “Ibá móto ha mli, mli hógyi onó.” ³⁰ Inu bowa ató wun bi. Yesu léda amó olá obéé, bumábláa ohaa.

³¹ Táme bréá bedali boyó á, beda mu okan omá ámu féeótó.

Omúmu Ilo Tsa

³² Benya náti alí, bopo oyin okvá oje laláhe bu muto, su alató omúmu ba Yesu. ³³ Olenya gya oje laláhe amu lé oyin ámutó alí, olowa tóí bi. Ahá ámu fée bowun, su onó lobwie amó. Mú su bebli bee, “Anímókówun iní odu Israelfoto kí!”

³⁴ Farisifo ámu bebli bee, “Oje laláhe owíe túmi odepugya oje laláhe lé aháto.”

Ahá Nwewiun

³⁵ Yesu léki awúlu pó nkuda fée asi, súná ató Yudafó ofiakpa. Oleda Bulu iwíegyi ámu iwí ason wankláán okan. Oletsa ilo kugyíku fée. ³⁶ Bréá olowun odám amu a, amó asón lówa mu nwe. Bugyi fé akúfa ání buma okpapó, tsúfé asón de amó háan, buma tóto bwetó. ³⁷ Mú su oiebliá mu akasípó obéé, “Ató kpótíhé amu itsó, táme mó akpótípó bumotsó. ³⁸ Mú su mlíkókoli ndó mu wie, owa ató akpótípó tsotsó abuba bokpotí ató ámu.”

10

*Akasípó Amu Adá**(Marko 3:13-19; Luka 6:12-16, 9:1-6)*

¹ Yesu létí mu akasípó dúanyo ámu, òlaha amó túmi ání bogyí òhè laláhesu. Bogyáa amó lé ahátò, abùtsa ìlò múa iwáwásin kugyíku. ² Sumbí ayópó dúanyo ámu adá ní: Ogyankpapu gyí Simon ání bütetí mu Petro muà mu pio Andrea. Yakobo muà mu pio Yohane ání bogyi Sebedeo abí; ³ Filipo, Bartolomeo, Toma, lampóo òhòpu Mateo, Alfeo mu bi Yakobo, Tadeo, ⁴ Simon ání ogyi iwáwátsiá adunkápó òpasuatò òha pú Yuda Iskariot ání òlèlè Yesu há.

*Akasípó Dúanyo Amu Sumbíwa**(Marko 6:7-13; Luka 9:1-6)*

⁵ Òlòwa sumbí ayópó dúanyo ámu sísí, wá mbala há amó òbée, “Mlímáyo ahá ání bomegyí Yudafo òsulúv pú Samariafo awúlu kùkùsu. ⁶ Mboún mliyo Israelfo wá. Bogyi fé akúfa ání bafwí. ⁷ Ní mlòyó á, mlída asún ámu òkan mlíaa, ‘Bulu iwíegyi amu lawíé wóyí tá.’ ⁸ Mlitsa ìlò, amlitsinki afúli. Mlitsa ìlò pèpè alòpó, amligya òhè laláhe le ahátò. Mlímáhò amó tòtò. Mlìbwe mó pùkie amó, fé aliá napókíe mlí. ⁹ Mlímátsu sika kùkùvoku wá mlí akentetò. ¹⁰ Mlímátsu akpankogyo ání mlòpu ató wá mútò há òkpa ámu tu. Mlímátsu atadié nyòasi, ntùkùta pú oyi yíahé. Tsúfé agyómá ayópó bütèhá atogyihè.

¹¹ “Ní mlòyóswí wúlu kugyíkusu á, mlídunka òha wankláán, amliswu mu wá. Mlitsia ìnu kpèfòn ekéá mlénatí. ¹²⁻¹³ Ní mlowíé wóyítò ìnu á, mlíha amó itsiá mlíaa, ‘Bulu òhá mlí iwílwíi.’ Ní wóyí ámùtòfò bòhò mlí á, mlí oyúla amu isin amósó. Táme ní bùmòhò mlí á, múmó mlí oyúla amu isánki ba mlísu. ¹⁴ Ní bùmòhò mlí, ntée nú mlí asún á, mlídalí wóyí ntée wúlu amùtò, amlìkpakpa mlí ayabítò-ìsì wòli ìnu. ¹⁵ Ònòkwali nde mlí bláa mbée, Bulu òbèbití amó ìsu òn Sodom múa Gomorafò mu asún ogyíké amu.”

*Iwáwásin Aní Ibéba Sumbí Ayópó Amusu**(Marko 13:9-13; Luka 21:12-17)*

¹⁶ Òlètrá bláa amó òbée, “Mlìbì ání nde mlí wa fé akúfa ání bòyó nkpatakutò. Mlìfwifwi ansí fé awò, amlíha mlí iwí òtun fé abróðuma. ¹⁷ Mlìkì mlí iwí wankláán anyánkpòsasò. Tsúfé békítá mlí ya asún ogyíkpa, nwén mlí ató amó ofiakpa. ¹⁸ Mí su békpa mlí ya òmáso agyípó pú awíe ansítò, méní mlégyi mí iwí adánsiè súná amúa òmátòfò. ¹⁹ Ní békítá mlí ya a, mlímágywín asún ání mléblí pú aliá mléle mú ònò. Bòpu asún ání mléblí bré ámùtò wá mlí ònò. ²⁰ Tsúfé megyí mlí òbòtòí. Mlì Sí Òhè ámu òbòtòí tson mlísu.

²¹ “Apíó béle amó apíó há lowu. Abí así béle amó abí há. Abí é bókùsò líí amó akwípòsò, há bómò amó. ²² Mí su ahá féé bólu mlí, táme ní mlétalí wá klòn líí kinkíinkín yòfòn mú ònómò á, Bulu òbòhò mlí nkpa. ²³ Ní bòdìn mlísu wúlu kùtò á, mlísrì yò wúlu bámbátò. Ònòkwali nde mlí bláa. Mlíméeki Israel awúlu amu féésú tá asa mí, Nyankpòsa-Mu-Bi ánfì néyinkí ba.

²⁴ “Okasípó tamadùn mu osunápó. Osúmpú é tamadùn mu wie. ²⁵ Ibówa alé ní òkasípó òbòbwe fé mu osunápó, osúmpú é òbòbwe fé mu wie. Ní batálí bùde wóyí mu wie amu tí bée, ‘Òbùnsám’ ntée ‘Beelsebul’ a, múmó ìda laláhe mòmò bùmòpùtí mu wóyítò atsiápó mú?

*Ohá Aní Abénya Ifú**(Luka 12:2-7)*

²⁶ “Táme mlimánya ifú. Tòtò má unvá babun ató mósó aní bumóobwii mósó. Tógyitò é ma unvá ilenjaín aní uméeln òwan. ²⁷ Ní nelé ató súná mli onyé á, mlikplon bli mó òpa. Mlida asón aní nébláa mli nklobító é òkan. ²⁸ Mlimánya nyankpusa ifú. Òbétalí mó mli òyulú, táme òméetalí mó mli òkláa. Mboún ohá aní mlunyá ifú gyí Bulu. Mv òbétalí yíntá òyulú móa òkláa amv fée isobití ogyá aní itamaduntò. ²⁹ Megyí káple butefé akénsire anyò kéké? Táme amótò òkoko tamakpádá òsulótò aní mli Sí amv méyín mó iwí. ³⁰ Tsúfè Bulu yin mli nwunso-imi kóráá klátò. ³¹ Mó sv mlimánya ifú, tsúfè mlibo ibiá òvn akénsire tsòtsòtsò.”

*Adánsiēgyí Pó Asónkind**(Luka 12:8-9)*

³² “Ní òko létalí gyi mí iwí adánsiē ahátò á, mí é négyi mv iwí adánsiē súná mí Sí òsósó. ³³ Táme ní òko lékiná mí ahátò á, mí é nékiná mv mí Sí ansítò òsósó.

*Ipiān Yesu Lópoba, Megyí Iwilwii**(Luka 12:51-53; 14:26-27)*

³⁴ “Imábwe mli fè iwilwii nòpoba òsulú anfisv. Megyí iwilwii, mboún òdayí iya anyò nòpoba. ³⁵ Tsúfè abi yinhé móa amó así nsiné béyintá. Abi tsihé móa amó ayín é nsiné béyintá. Osia tsihé móa mv sia tsíhényò é nsiné béyintá. ³⁶ Oha alupú bótso mv wóyítò.

³⁷ “Ohá aní òtòdwé mv sv ntée mv yin òvn mli mófòn aní òbóbwe mí òkasípò. Ohá aní òtòdwé mv bi tsihé, ntée mv bi yinhé òvn mli é mófòn aní òbóbwe mí òkasípò. ³⁸ Ohá aní omotsu mv oyikpalíhe bobuo mli é mófòn aní òbóbwe mí òkasípò. ³⁹ Ní òko léprí mv nkpa á, òbòhólú mó. Ní òko é lóhólú mv nkpa mí sv á, obénya mó.

*Yilébwe Iwí Ikòkà**(Marko 9:41)*

⁴⁰ “Ohá aní òlòhò mli lahò mli. Ní òko lóhò mli é á, alahò mí Sí amóú òlòwa mí amv. ⁴¹ Ní fahò Bulu ònósó òtòipò òfòó á, Bulu ònósú òtòipò oyúla fénya. Ohá aní òlòhò yilé òbwepú é òfòó obénya yilé òbwepú oyúla. ⁴² Ònòkwali nde mli bláa. Ohagyíoha aní òleha mí akasípútò òkusu kóráá ntsu-owebe òbò olonu a, òmòòhólú mv ipán.”

11*Yesu Mva Asú Òbòpó Yohane**(Luka 7:18-35)*

¹ Bréá Yesu lópo agyómá anfi wá mv akasípú dúanyò amv ibitò tá á, òlòyo yéki Galilea awúlusv, súná ahá ató, dá asón amv é òkan.

²⁻³ Asú Òbòpó Yohane da obu, olonu Kristo bwehé. Mó sv òlòwa mv akasípú abanyò sísí Yesu òbéē, bvyéfité mv beē, “Fúgyí ohá amóú òbéba amv ni, ntée akí oha bambá òkpa?”

⁴ Yesu lébláa amó òbéē, “Mliyinki yebláa Yohane asón aní mliabonu pú atóá mliabowun. ⁵ Mliabowun aní ansibi abwiepú bude ató wun, abò buna. Ilo pepe alòpú iwí deplí. Isv atínpu bude asón nu. Afúli buketsinkí, ahíánfò é bude asv wankláán amv nu. ⁶ Bulu obóyulá ohá aní mí bwehé mòkúsú líi musv.”

⁷ Bréá Yohane akasípú amv beyinkí bòyó á, Yesu lówa tóí tsú Yohane iwí súná òdòm amv bi. Òbéē, “Bréá mliédalí yò dimbísú unv á, ntv òkíkpa

mlídyo? Fítáa ání afú de mó tsóon lóó? Ekekekeke! ⁸ Ní megyí mó á, ntó kóún akíkpa mlídyo? Ohá ání odidi ntsrim? Ekekekeke! Awíe wóyí atati ámu odu adídápó bütetsiá. ⁹ Mlibla mi! Bulu onósó atóipó mlíledali yéki? Ee, Yohane ni. Jón Bulu onósó atóipó. ¹⁰ Mu iwí asón Bulu lébli bəwanlín mó tswi bēe, 'Ki, nde obi wa gya fu nkpa. Mu obéla akpa há fò ní.' ¹¹ Onakwali nde mli bláa mbéé, ohagyíoha ání oha tshé laken kwí mofon Asú Obopó Yohane, táme mu é omofon Bulu iwíegyí ámutó okuso kóráá. ¹² Tsú Yohane brésó bətu nde á, ahá bode Bulu iwíegyí ámu prú owonlínso. Awonlínpo bode mó prú. ¹³ Tsúfé Bulu onósó atóipó amu pú Mose Mbla ámu bəfon Yohanesu féé bətáí tsú Bulu iwíegyí ámu iwí. ¹⁴ Ní mlóhə asón ámu gyi a, mómu mlébi ání mogyí Elia. Mu obéba ni. ¹⁵ Ohá ání obu asu onúu.

¹⁶ “Séi áni á, amendi nōpu ndemba-abí áni kápó? Bogyi fé nyebíá bətsie dinsu bode aba kpolí, ¹⁷ blí bēe, ‘Anlapléi ansigyísó, mli métsa. Mó su anlalá wá awurehə ib, táme mli mósu.’ ¹⁸ Mligyí fé nyebí áni, tsúfé Yohane léba á, oletsia klí onó, omonu ntá, táme mli aa, ‘Ohe laláhe bu motó!’ ¹⁹ Táme mí, Nyankpəsa-Mu-Bi áni mó naba nde ató gyí, nde ntá núu. Mó é mli aa, ‘Mli ki opotsuapu pú nta obopó, lakpan abwepó pú lampóo ahópu onyawíe.’ Táme Bulu oha tsiátó telé mu nyánsa owan.”

Ahá Aní Bumedamli Kləntə Asóngyí

(Luka 10:13-15)

²⁰ Yesu lópu obló tóí tsú awúlu aku iwí. Awúlu amuá obwē ofúla akpənkpənti mótó, táme bumedamli kləntə ámu. ²¹ Obéé, “Korasinfə, mli gyəwi. Betsaidafə, mli gyəwi ní. Ní Tiro pú Sidon awúlu laláhe amotó nəbwe ofúla akpənkpənti áni nəbwe mli to á, teki bēdamli kləntə dododo. Teki buda akpekpeto, bakpá nsúó wá nwunto púsúná áni badámli kləntə. ²² Mlibi áni Bulu obébiti mli isu mu asón ogyíké dən Tiro móa Sidonfə. ²³ Mli Kapernaumfə, mlidéklé mli aa mlótsu iwí fóá alu yówə osósó? Ekekekeke! Bulu obéba mli así yówie afúlitə. Tsúfé ní Sodom wúlutə nəbwe ofúla akpənkpənti áni odu á, teki wúlu amu itráa bu isu bətu nde. ²⁴ Mli kəan áni Bulu obówun Sodomfə nwe asón ogyíké amu dən mli.”

Mlibeda Okpónú Mí Wá

(Luka 10:21-22)

²⁵ Alí bré ámutó á, Yesu lóbo mpáí blí obéé, “Mí Sí, osó mwa así Owíe! Nedá fú ipán áni falé tóá fəpəhán anyansapu pú asón abupó owan súná ahá áni bumeýin əlala, bogyi fé nyebí. ²⁶ Ee, Mí Sí! Alí fodeklé féé ibá mótó ní.”

²⁷ “Mí Sí lópu tógyító wá mí ibitə. Ohaa méyín Obí ámu, nkéti Osí ámu nkule. Ohaa méyín Osí ámu é, nkéti Obí ámu pú ohá áni Obí ámu latsúlá áni obéle mu súná mu.”

²⁸ “Mliba mí wá, mli ahá áni ilapíán mli, mli atə soráhé de mli dón. Néha mléda okpónú. ²⁹ Mliba iwiasí ha mi, amli suan mi, tsúfé neba iwiasí, nolwií, méní mlénya iwilwii. ³⁰ Tsúfé mí wá tsiá bu atsiálé. Mí atə soráhé é móodun mli sorá.”

12

Okpónú Odaké Mu Wie

(Marko 2:23-28; Luka 6:1-5)

¹ Yesu mwa mu akasípó bətsun ayó ndə kutə okpónú odaké. Akón de akasípó amu, su bəpusáa ayó ámu ku wí. ² Farisifə aku bowun amú, bebláa Yesu bēe, “Ki, fú akasípó amu bode tóá mbla meha akpa bwe okpónú odaké!”

³ Yesu léfité amó òbée, “Mlímókókla nu tóá Owíe Dawid lóbwe bréá akón de mva mu abúopu kí? ⁴ Olebitíwíé Bulu osúmka yótsu bodobodoá bapóhá Bulu igyí ba, mva mu abúopu amu begyi. Bulu igyí ahapó nkole beha okpa, butegyí alí bodobodo amu. ⁵ Mlílakla Mose Mbla, nú ání Bulu igyí ahapó ámu butáyó agyómá Bulu ótswékpa unu okpónó odaké, táme butamahá amó ipón. ⁶ Nde mli bláa mbée, óhá ání odun Bulu ótswékpa amu bów nfi á. ⁷ Bulu asón leblí òbée, ‘Nwewúun ntekle, megyí igyíha.’ Ní mliyin mó así á, teki mlíméeha ahá ánfí amó asón da okpa ánfí ipón. ⁸ Tsúfí mí, Nyankpusa-Mu-Bi ánfí gyí okpónó odaké mu wie ní.”

Ilatsa Okpónó Odaké

(Marko 3:1-6; Luka 6:6-11)

⁹ Yesu lénatí unu, ólwo Yudafo ofiakpa. ¹⁰ Olowun oyin okwá mu ibi kule lawú unu. Farisifo ámu bude Yesu tée. Mó su befíté mu bee, “Mbla leha okpa ání butsáa ilo okpónó odaké?”

¹¹ Mú Yesu léfité amó òbée, “Ní mlíto oku bu kufa, alakpádá wíe ibúntó okpónó odaké á, oméele mu? ¹² Yéé nyankpusa bu labi dun kufa a? Mó su mbla leha okpa ání óha òbóbwe yilé okpónó odaké.” ¹³ Mú ólebláa oyin ámúú mu ibi lawú ámu òbée, “Tínki fú ibi amu.”

Olenya tínki mó alí pé, óhé lowie mótó fé nyóosi amu. ¹⁴ Táme mó ó á, Farisifo ámu bedali yékitá agywun alá bóbwe bómó Yesu.

Osúmbi Aní Bulu Lélé

¹⁵ Yesu lébi amó agywun. Mó su ólenatí unu. Ódam bobuo mu, óletsa amótó alopu fée ilo. ¹⁶ Mú óleda amó ólá òbée, bumáha ahá abubi mu. ¹⁷ Iní léha asón ámúú Bulu ónósú ótáipó Yesaia léblí yáí ámu léba mótó ní. ¹⁸ Òbée, “Kí, mí osúmpóá nalé ní.

Ntódwé mu, mí ansí tegyi mu iwí.

Nópu mí Óhe Wankíhé wá mótó.

Óbébláa ómátófo òbée, ‘négyi amó asón ónkwaliso.’

¹⁹ Oméegyí nwéen, ómóokplón.

Óhaa móonu mu ónó brónusu.

²⁰ Obénya klón há ahá ání amó hógyi ónó ma onlin,

bábwé fé oyíá ílatá bia tá.

Óbówa awítale há ahá ání búma ówonlín,

bábwé fé ókandíeá nfo ílatá mótó,

yófun bréá bébi ání ntegyi asón ónkwaliso.

²¹ Ahá ání bumegyí Yudafo bópu ansí dínká musu.”

Yesu Mva Beelsebul

(Marko 3:20-30; Luka 11:14-23)

²² Unu hópu oyin oku ba Yesu, óhe laláhe bu mótó. Mó su ileha mu ansíbi lobwie; álató omúmu é. Yesu létsa mu ilo, óde ató wúun, ódetáí é. ²³ Ónó lobwie ahá ámu fée, befíté bee, “Megyí Dawid mu na ámu ní?”

²⁴ Táme Farisifo ámu bonu asón ánfí á, beblí bee, “Óhe laláhe owíe Beelsebul túmi ódepyga óhe laláhe lé ahátó.”

²⁵ Yesu lébi amó agywun. Mó su ólebláa amó òbée, “Iwíe ogyíkpa ání laye anyo, bude aba ko bédida. Alí kén wúlu ntée wóyí oduá mótó atsiápó bude aba ko é itobwíé ní. ²⁶ Mó su ní Óbunsám dé mu iwí gyáa a, mu iwíegyí bédida. ²⁷ Ní Beelsebul túmi ndepýga óhe laláhe lé ahátó á, mómó ma túmi mli abí é budepyga óhe laláhe lé ahátó? Mli abí ámu onutó obégyi mli asón. ²⁸ Táme íníá Bulu Óhé ndepýga óhe laláhe su á, mli bi ání Bulu iwíegyí ámu laba mli wá dodo.”

29 Ǿhaa méetalí wíe Ǿwɔnlɔnpó wóyító yókulá mu ató, nkéti alagyankpá kíklí mu tswi, asa Ǿbétalí kólá mu ató fée.

30 Ǿhá ání omobuo mi dé mí lu. Ǿhá ání Ǿmedé mí tsa akpa ahá ba Bulu é dé amó gyáa teía mi. 31 Iní sɔ nde mlí bláa mbéé, Bulu obési ahá lakpan pú abususu kugyíku kíe amó. Táme ní Ǿku Ǿblí Ǿhe Wankíhé amu iwí abususu a, Bulu méesikíe mu ekekeke. 32 Ní Ǿku léblí mí, Nyankpɔsa-Mu-Bi ánfí é iwí asɔn laláhe a, Bulu Ǿbétalí sikíe mu. Táme ní Ǿku léblí Ǿhe Wankíhé amu iwí asɔn laláhe mó á, Bulu méesikíe Ǿhá ámu nde Ǿyi kehe, ntée bré ámóú íbá ámɔtɔ.

Tsiátó Itsú Iklɔntɔ
(Luka 6:43-45)

33 Oyi abí butɔpóbi mó. Oyi wankláán toswié abi wankláán. Oyi laláhe é toswié abi laláhe. 34 Mlí awɔ abí-aná! Nkálí mlí aha laláhe mlétalí blí asɔn wankláán? Tsúfée tóá idɔn Ǿha klɔn a, mótédálí tsu mu Ǿnó. 35 Ǿha wankláán teblí asɔn wankláán tsú mu klɔntɔ, Ǿha laláhe é teblí asɔn laláhe tsú mu klɔntɔ.

36 Nde mlí bláa mbéé, ǾhagyíǾha Ǿbéle asɔn laláhe kugyíkuá Ǿleblí Ǿnó Bulu asɔn ogyíké amu. 37 Tsúfée Ǿha asɔn blihé Bulu Ǿbɔpɔhá mu asu ntée ipón.

Bodunká Ofíla
(Marko 8:11-12; Luka 11:29-32)

38 Múú Farisifɔ pú Mose mbala asunápú amu akɔ bebláa Yesu beé, “Os-unápú, anidéklé aniaa fɔbwéé osúna ku suna ani.”

39 Ǿlebláa amó Ǿbéé “Mlí ndemba-abí laláhe ání mlíladálí Bulu Ǿma, Mlíde osúna dunká amliwun, táme mlímóowun kokukɔ dun Bulu Ǿnósú Ǿtáipó Yona osúna amu. 40 Alí ámóú Yona létsiá bonsu iwíto nkensá, Ǿpa móa onyé ámu a, alí mí, Nyankpɔsa-Mu-Bi ánfí é nétsiá Ǿsɔlɔú Ǿtótó nkensá, Ǿpa móa onyé ní. 41 Niniwefɔ é bókɔsú Bulu asɔn ogyíké amu, há mlí ndemba-abí ánfí ipón. Tsúfée bréá Yona léda Bulu asɔn Ǿkan súná amó á, bedamlí klɔntɔ ba Bulu wá. Mlíki, Ǿhá ání Ǿdɔn Yona onutó líí nfi á. 42 Seba owíe tshé Ǿbókɔsú líí Bulu asɔn ogyíke, há mlí ndemba-abí ánfí ipón. Tsúfée olotsu Ǿsaasí Ǿmá ikɔtɔ kéín gya Ǿkpa ba, bonu Salomo nyánsa atosunáhé. Mlíki, Ǿhá ání Ǿdɔn Salomo líí nfi á.”

Ǿhe Laláhe Yinkí Ba Ǿhato
(Luka 11:24-26)

43 “Ní Ǿhe laláhe idálí Ǿhato á, iteyéki dimbísú dúnká Ǿkpónú Ǿdakpá, táme itamanyá. 44 Inu iteblí ání íbéyinkí yó mó wóyí dadatɔ. Ní ísánkí yó á, itowun ání baféi mótó, lá mótó wankláán, ida kpan. 45 Iteyínkí yékpa mó aba asienó ání butɔbwé laláhe dun mó, buteba betsiá mu. Inu Ǿhá ámu tsiátó teyíntá dun ahá igyi yáí. Alí íbéba ha mlí ndemba-abí laláhe anfi ní.”

Yesu Abusuanfɔ Onutó
(Marko 3:31-35; Luka 8:19-21)

46 Bréá Yesu trá Ǿde ahá ámu asɔn bláa a, mu yin mva mu apíó beba belí kpankpá, bɔdedunká ání bébláa mu asɔn. 47 Ahá ámɔtɔ Ǿku lébláa Yesu Ǿbéé, “Kí, fó yín mva fó apíó bulí kpankpá. Bɔde fú dunká, abɔbla fu asɔn.”*

48 Múú Yesu léfité mu Ǿbéé, “Amendi gyí mí yín mva mí apíó?” 49 Inu Ǿletínkí íbi sísí mu akasípó amu, blí Ǿbéé, “Mlíki, mí yín mva mí apíó gyí ahá ánfí á. 50 ǾhagyíǾha ání Ǿtɔbwé mí Sí ámóú Ǿbu Ǿsúsú ámu apé á, mu gyí mí yín móa mí píó ní.”

* 12:47 Mótó yéé 47 ima nwóló dada amu akɔtɔ.

13

Atá-abí Owunyápu Iwi Yébi
(Marko 4:1-9; Luka 8:4-8)

¹ Eke ámu kén á, Yesu lédali tsu wóyító yétsiá ọ̀pu ọ̀nó. ² Ọ̀dam kpònkpònkpònti beba befia bomlí mu. Mú su ọ̀lọ̀wú wíé ọ̀kluntó, yétsiá ọ̀pu amusu, ahá ámu é bolí ọ̀pu ọ̀nó mu. ³ Inu olosuná amú ató tsòtsòtsò ayébitó ọ̀bée,

“Ọ̀dòtọ̀pu ọ̀ku lóyo atá-abí owunyákpa. ⁴ Bréá ọ̀de mú wunyáa a, ọ̀ku lówolí ọ̀kpató, mbubwi beba bòtswetswée mú fée. ⁵ Ọ̀ku é lówolí abutásó, ọ̀tínéá ısı kpalobí dun. Mú su ọ̀lọ̀wú ọ̀sa kwe, ⁶ táme bréá owí lelun a, ọ̀lọ̀wú mú mó, tsúfée mú nlin mọ̀yo ọ̀tótó. ⁷ Abí ámu ọ̀ku lobun awutó, awu ámu ọ̀lọ̀wú kítá mú. Mú su umedan. ⁸ Táme abí ámu ọ̀ku é lobun ọ̀sulú wankláánsú, ọ̀lọ̀kwe, dan, swie abí. Ọ̀ku lafa (100), ọ̀ku aduesie (60), ọ̀ku é aduasa (30).”

⁹ Yesu lómọ̀ mu asún ọ̀nó ọ̀bée, “Ọ̀ha ání ọ̀bu asu onúu!”

Tóá Sọ́á Yesu Lótáí Ayébisu
(Marko 4:10-12; Luka 8:9-10)

¹⁰ Mu akasípó amu beba befité mu be, “Ntogyi só fude amú asún bláa ayébisu?”

¹¹ Mú ọ̀lẹ̀lé mú ọ̀nó ọ̀bée, “Mli mú á, Bulu lahá mli ọ̀kpa ọ̀bée, mlibi mu iwíegyi ámu ıwı asun ñáínhé, táme ọ̀meha amú mú alı. ¹² Tsúfée ọ̀há ání odekléá obónu mí atosunáhé amu ası á, Bulu ọ̀bọ̀pu ọ̀ku tsia mótó há mu, méni ọ̀bétra bi tsia mótó. Táme ọ̀há ání omedékléá obónu mú ası á, Bulu ọ̀bóswı́ mu kpalobí ámu alabı́ ámu kúráá. ¹³ Tóá sọ́á nde amú asún bláa ayébisu gyı́, bude mú nu, táme bumedé mú ası nu. Bude mú wı́un, táme bumedé mú bi. ¹⁴ Ahá ání só Bulu ọ̀nósó ọ̀tọ̀pú Yesaia asún ání ọ̀leblı́ tswı́ laba mótó ní. Ọ̀bée,

‘Bónu lánú, táme bumedé mú ası.

Béki láki, táme bumedé mú.

¹⁵ Tsúfée amú agywın lawı́.

Batılá asu, bun ansıbi é.

Inı su bumedé mú, bumedé mú é.

Nı megyı́ alı á, teki bówwun ató,

bónu asún, amú agywın bówwı́,

bédamlı́ ba mí wá, nétsa amú ı́.

¹⁶ “Táme mli mú á, Bulu layı́lá mli. Mlétalı́ pó ansıbi wun ató, pó asu nú asún. ¹⁷ Ọ̀nọ̀kwalı́ nde mli bláa. Bulu ọ̀nósó atọ̀pú pó yilé abwepó tsòtsòtsò bekleá bọ̀pu amú ansıbi wun ató ání, abọ̀pu amú asu nu asún ání mli dénu, táme bumenya mú alı.

Atá-abí Owunyápu Yébi Amu Ası
(Marko 4:13-20; Luka 8:11-15)

¹⁸ “Mlinu atá-abí owunyápu yébi amu ası nya. ¹⁹ Ahá ání bonú Bulu iwíegyi ıwı asun ámu, táme bumedé mú ası á, bogyı́ fée abı́ ámu ılobun ọ̀kpató ámu. Ọ̀bunsám teba bele asún ámu bodu wá amú kluntó ámu náti. ²⁰ Abı́ ámu ọ̀lọ̀wú abutásó amu gyı́ ahá ámu bonú asún ámu pé, bahó mú ansıgyı́sú, ²¹ táme inı́a buma nlin su á, ıtamatsı́á amótó yó. Mú su ní budın amósú ntée ıwı asın ọ̀ku ıtú amú asún ámu su á, ını́nı́ butedı́da. ²² Abı́ ámu ọ̀lọ̀wú awutó ámu gyı́ ahá ámu bonú asún ámu a, bahó mú, táme ọ̀yı́ ánífıtó ató híánhe ıwı gywın pó mótó atonyahé ıwı ọ̀nsıpe tegyi Bulu asún ámu su. Inı su butamaswı́é abı́. ²³ Abı́ ámu ọ̀lọ̀wú ọ̀sulú wankláánsú amu gyı́ ahá

ámúú b̄otonú asón ámu, nú mó asi. Iní su itehá b̄ot̄obwé yilé f̄é alíá at̄ó-abí ámu loswie, iku lafa (100), iku aduesie (60), iku é advasa (30) ámu.”

At̄ó-abi Wankláán Pó Ifa Laláhe Iwi Yébi

²⁴ Yesu létrá ha ahá ámu yébi ku ɔ́b̄éé, “Bulu iwíegýí ámu igyi f̄é ɔ́d̄ot̄apu ɔ́kúá oloyódu ayó wankláán mu nd̄ot̄o. ²⁵ Táme onyé, bréá ahá bedi á, mu olupó lóyódu ifa laláhe aní ɔ́lelan ayó ámu wá mót̄s, ɔ́lenatí. ²⁶ Bréá ayó ámu lédan, ɔ́dekwi á, ifá ámu é ɔ́lelan ɔ́wan mót̄s. ²⁷ ɔ́d̄ot̄apu amu apaf̄o botsu nd̄o ámuɔ̄ ba befité mu beé, ‘Ani wíé, megyí ayó fodu wá fú nd̄o ámuɔ̄? Nkónú ifa laláhe é itsú mót̄s?’ ²⁸ Múú ɔ́lebláa amú ɔ́b̄éé, ‘Mí olupó bwehé ní.’ Inu bebláa mu beé, ‘Ní fót̄sulá á, ha ayetsitsii mó ɔ́ ayó ámuɔ̄.’ ²⁹ ɔ́lebláa amú ɔ́b̄éé, ‘O-o! Mliha mó itsia. Ní m̄l̄idé mó tsii á, m̄létsii mí ayó ámu é ku tsít̄sá. ³⁰ M̄lisi mó f̄éé ɔ́lu yófon mó t̄inbi. Ní ifon a, nébláa mó at̄inpu mbéé, b̄ugyánkpa sain ifa laláhe amu, abukli mó tswi ha mó ogyá wa, asa ab̄utin ayó ámu ȳowa mí odudut̄o.’ ”

Takyí-akpin Ibi Yébi

(Marko 4:30-32; Luka 13:18-19)

³¹ Yesu létrá ha amú yébi ɔ́b̄éé, “Bulu iwíegýí ámu igyi f̄é takyí-akpin ibí, oyin ɔ́ku lódu wá mu nd̄ot̄o. ³² Múúgyí t̄úkúr̄íbi nyí-abí f̄éé̄t̄o ní, támé ní ɔ́dan a, it̄obwé ifá f̄óáhé d̄un ifá kugyíku. Mó abámbi tekpíkpli, mbubwi b̄otogyonká m̄úsó.”

Bodobodotu-afá Yébi

(Luka 13:20-21)

³³ Yesu létrá ha amú yébi ku ɔ́b̄éé, “Bulu iwíegýí ámu igyi f̄é bodobodotu-afá aní ɔ́tsi ɔ́ku l̄p̄ot̄sía bodobodo nfúó kente kule, ɔ́leha mó lotu.”

Yesu Lót̄oí Ayébisu

(Marko 4:33-34)

³⁴ Ayébi anfi odu ts̄ot̄s̄ot̄s̄o oletsia p̄obláa ɔ́d̄am amu asón ní. ɔ́mebláa amú asón k̄okv̄á imegyí ayébi ɔ́l̄p̄ot̄sía. ³⁵ Iní léha asón ámuú Bulu ɔ́n̄ósó ɔ́t̄oipó ɔ́ku lébli yáí ámu léba mót̄s. ɔ́b̄éé, “Nót̄oí ayébisu p̄olé asón aní Bulu l̄p̄un̄áin tsú ɔ́yí asitsuáb̄i ɔ́wan.”

Ifa Laláhe Yébi Amu Asi

³⁶ Yesu lénatí ɔ́d̄am amu wá ba wóyít̄o. Múú mu akasípú amu b̄oȳo mu wá yébláa mu beé, “Le nd̄o ámuɔ̄ ifa laláhe iwi yébi amu asi suna ani.”

³⁷ Múú Yesu léle mó ɔ́n̄ó ɔ́b̄éé, “Mí, Nyankp̄usa-Mu-Bi anfi gyí at̄ó-abí wankláán odupó ámu ní. ³⁸ Nd̄o ámu gyí ɔ́yí anfi. At̄ó-abí wankláán ámu gyí Bulu iwíegýí ámuɔ̄ abí. Ifa laláhe amu gyí ɔ́b̄unsám abí. ³⁹ Olupó ámuú olodu ifa laláhe abí ámu gyí ɔ́b̄unsám. At̄ót̄inbi amu gyí ɔ́yí ɔ́n̄óm̄aké. At̄o at̄inpu amu é gyí Bulu-ab̄apu.

⁴⁰ “Alí ámuú besaín ifa laláhe amu, wá mó ogyá ámu a, alí kén ɔ́b̄eba ha aha laláhe ɔ́yí ɔ́n̄óm̄aké ámu ní. ⁴¹ Mí, Nyankp̄usa-Mu-Bi anfi nówa mí ab̄apu b̄ékpa t̄ogyít̄ó itehá ɔ́ha t̄obwé lakpan pó laláhe abwepú f̄éé lé mí iwíegýí amuɔ̄. ⁴² B̄ótswi amú f̄éé wá ogyá k̄p̄on̄k̄ont̄it̄o. Inú isú m̄óá k̄pisii bu ní. ⁴³ Táme yilé abwepú mó b̄ówankí f̄é owí amú Sí Bulu iwíe ogyíkpa inu. ɔ́há aní ɔ́bu asu onúú.”

Siadie M̄éntihé Iwi Yébi

⁴⁴ Yesu létrá ha amó yébi ku é òbée, “Bulu iwíegýí ámu igyi fẹ siadié kuá bopulá ɔsulúu kusu. Oyin ɔku léyémentí mọ́, lánjáin mọ́. Mọ́ iwí ansigýí su á, ɔleyéfe mu ató fẹ́é púbohó ɔsulúu amu.”

Abutó Wólúhẹ Iwí Yébi

⁴⁵ Bulu iwíegýí ámu itráa gyi fẹ́ ibiá ogyípú ɔkuá ɔna ɔde abutó wólúhẹ dunká ɔhó. ⁴⁶ Bréá olowun butóbi wólúhẹ kule péá ihíé bu ibiá á, ɔlefe mu ató fẹ́é púyóhó butóbi amu.

Asawu Iwí Yébi

⁴⁷ Bulu iwíegýí ámu léla igyi fẹ́ asawu ání bɔtswi wa ɔputo lé aye ɔtsan-ɔtsan. ⁴⁸ Bréá aye lɔbolá mọ́ á, aye alepú ámu bebutia mọ́ ba ɔpu ɔnó. Betsiá asi, tósi gyihe amu wá blanwétó, tswi mọ́á butamagyi tsítsá. ⁴⁹ Alí íbéba ɔyí ɔnómaké ámu ni. Bulu-abɔpu béba bɔtɔsí aha laláhe lé aha wankláántó. ⁵⁰ Fówun batswi aha laláhe amu wá ogyá kpankprɔntitó. Inú isú móa kpisii bu ni.

Atonyahé Pɔpwe Múa Dáda

⁵¹ Yesu léfité mu akasípú ɔbée, “Mlilanú mọ́ fẹ́é asi?”

Bee, “Ee, anlanú mọ́ asi.”

⁵² Múbú ɔlebláa amó ɔbée, “Mómú mbla osunápú oduá alakási Bulu iwíegýí ámu iwí asón é bí á, ogyi fẹ́ wóyí mu wie oduá ɔtelé ató pɔpwe múa dáda fẹ́é tsú mu ató ɔyaákpa.”

Bumòhó Yesu Mu Wúlutó (Marko 6:1-6; Luka 4:16-30)

⁵³ Yesu lénya mọ́ mu ayébi amu ɔnó ali, ɔlenatí inu. ⁵⁴ Oleyinkí yó mu onutó wúlutó Nasaret, oloyósuná ató Yudafo ofiakpa. Mu atosunáhé léha ɔnó lobwie ahá ámu fẹ́é. Mú su befité aba bee, “Nkónú olenya nyánsa múa ofúlabwe túmi ánfí é tsú? ⁵⁵ Megýí ató osrépú mu bi ámu ni? Megýí mu yin gyí Maria, mu apio yinhé gyí Yakobo muá Yosef pú Simon muá Yuda? ⁵⁶ Yéé ania mu apio tsihé tsie nfi á? Múbú nkónu olenya iní fẹ́é tsú?” ⁵⁷ Iní su mu asón lókusú líí amósó.

Yesu lébláa amó ɔbée, “Ahá butobú Bulu ɔnósú ɔtáipú ɔtínegyíatíné, táme mu onutó wúlutáfo pú mu wóyító ahá mọ́ butamabú mu.” ⁵⁸ Iníá bumòhó mu gyi su á, ofúla kpalobí ku pé ɔlobwe inu.

14

Asú Ɖbapó Yohane Lowu

(Marko 6:14-29; Luka 9:7-9)

¹ Galilea ɔmású ogyípú Herode lónu Yesu iwí asón ali bré ámutó. ² Múbú ɔlebláa mu asúmpú ɔbée, “Asú Ɖbapó Yohane amu ni. Mólákósú tsú afúlitó. Mú sù ɔde ofúla anfi odu bwe ní.”

³⁻⁴ Bré kutó á, Yohane létsiá bláa Owíe Herode ɔbée, mbla meha ɔkpa ání otsiá mu pio Filipino mu ka Herodia. Iní su Herode léha bekitá Yohane, wá mu ikan, pú mu wá obu. ⁵ Ɖlobwe agywun ání ɔbómá Yohane, táme olenya ahá ámu ifú, tsúfẹ́ butobú Yohane ání Bulu ɔnósú ɔtáipú ogyi.

⁶ Táme eke ɔkuá Owíe Herode dé mu ɔkwíké gyí a, mu ka Herodia mu bi tsihé lóbowie ɔbuntó tsa Herode muá mu ahande ansító. Mu itsáa amu lówa owíe amu ansigýí. ⁷ Mú su ɔleka ntam ɔbée, ɔbéha mu tógýítáá odeklé.

⁸ Otsibi amu nu yin léha mu ɔlebláa Herode ɔbée, “Ndekléá fupú Asú Ɖbapó Yohane nwun dinka ilínsú ha mi séséséí.”

⁹ Asón ánfí léhie han Herode, táme mu ntam amúbú ɔleka, pú ahá ámúbú bubu inu ámu su á, ɔleha mu ahá ɔtínpu ɔkpa ɔbée, ɔbwéé tóá otsibi amu lafité

ha mu. ¹⁰ Ahá otínpu amu léyetun Yohane nwun obu adikpá unu. ¹¹ Móbú olapu nwun ámu dínká ilínsú ba otsibi amu, mu é olapuya mu yin Herodia. ¹² Asú Obopú Yohane akasípú beba botsu mu satin yópulá. Mú oma a, bayo yébláa Yesu asón ání ilaba.

Ahá Mpím-nu Atogyihe Ha

(Marko 6:30-44; Luka 9:10-17; Yohane 6:1-14)

¹³ Yesu lénya nú asón ámu ali, olowie oklontó, fá ntsu yétsiá otineku mu nkole. Táme odom ámu bebi otínéá oyó. Mú su benatí ayabito tsú amú awúlusu gya mu nkpá. ¹⁴ Bréá olekplí dalu oklon amoto, wun odom kpankpankpaniti á, amú asón lówa mu nwe. Mú su letsa amótó alapu.

¹⁵ Owí lapan a, akasípú amu beba mu wá bebláa mu bee, “Dimbísó nfi gyí, owí é deta. Mú su ha amú abuyó awúluá ibu bomlí nfi asi yohó taku gyi.”

¹⁶ Táme Yesu léle mú onó obéé, “Imehián ání bóyo. Mludunka taku ha amú abuyi.”

¹⁷ Mu akasípú amu bebláa mu bee, “Tóá anibu féé gyí bodobodo apin anu pú ntsutso iye bwáhé anyo pé.”

¹⁸ Yesu lébláa amú obéé, “Mlitsu ba mi.” ¹⁹ Móbú oleha ahá ámu betsiatsiá ifa bobwe amusu. Inu olotsu bodobodo anu pú ntsutso iye bwáhé anyo ámu. Inu olotsu ansi fúá kí osósú, aléda Bulu ipán. Móbú olebiabí bodobodo amoto há akasípú amu, amú é beye mú ha ahá ámu féé. ²⁰ Amú féé begyi mwe sian. Akasípú amu botási síanhe amu. Ilabolá alakpá dúanyo. ²¹ Ayin ání begyi ató ámu nkole buyi fé mpím-nu (5,000). Bumekla atsi móa nyebí mú.

Opusu Natí

(Marko 6:45-52; Yohane 6:15-21)

²² Móbú Yesu léha akasípú amu obéé, bowie oklontó, abugyankpa fa opu amu yo mú obin. Mu mú olesin oma sí ahá ámu okpa. ²³ Bréá olesi amú okpa tá á, alodu yó busu yóbo mpái. Mu nkole oletsíá unu yófun owi tahé. ²⁴ Ali bré amoto á, oklon amu lawíé ntsu nsuné. Ilefia afú kpankpaniti ku, opu amu lówa dabi.

²⁵ Bake-bake a, Yesu lénatí ntsu amusu ayabito buo amú. ²⁶ Bréá bowun mu, ona opu amusu á, benya ifú sórá okitikítí, bí bee, “Fúli ogyi.”

²⁷ Táme olówa asa bláa amú obéé, “Mliwa klun. Mí ní. Mlímánya ifú.”

²⁸ Petro lébláa Yesu obéé, “Mí Wíé, ní fú ní mú á, ha mí é annatí opu amusu botu fú.”

²⁹ Yesu lébláa mu obéé, “Natí ba.” Petro lédalí oklon amoto ona opu amusu oyó Yesu wá. ³⁰ Táme bréá olowun alíá afú ámu onó bu onlun á, ifú lowie mu ayeto. Mú su olówa me bi. Móbú olekplón kpolí Yesu obéé, “Mí Wíé, ho mi!”

³¹ Inunu Yesu létinkí ibi kítá mu, bláa mu obéé, “Fú hógyi mətəs. Ntogyi só fúde nwéen gyí?”

³² Benya dú wíé oklon amoto ali, afú ámu léka itin. ³³ Inu ahá amú búbu oklon amoto ámu beda akpawunu Yesu ayabito, bí bee, “Lélé, Bulu mu Bi fúgyi.”

Genesaretfo Alapu Tsa

(Marko 6:53-56)

³⁴ Yesu muva amónyó befa opu amu yési Genesaret otsubúnó. ³⁵ Bréá unfo bebi ání mu ní á, bówa abí ya amú awúlu féésú, há amú bapu alapu féé ba mu. ³⁶ Bokokóli Yesu bee, ohá alapu amu abupu ibi da mu atadie odanó kpan. Amóá bapu ibi da mú féé benya ilotsá.

15

Atitfɔ Amándié
(Marko 7:1-13)

¹ Mú ɔma a, Farisifɔ pú Mose mbla asunápú ako botsu Yerusalem ba Yesu wá, befíté mu beɛ, ² “Ntogyi só fú akasípú amv botamagyi aní anáin amándiésó. Botamafwí ɔbí amándié ɔkpasu asa botegyí ató?”

³ Yesu léle mú ɔnɔ ɔbéɛ, “Ntogyi só mli é mli anáin amándié su mlumédé Bulu mbla ámuɔv gyí? ⁴ Mose lówanlín wá Bulu mbla ámuɔv ɔbéɛ, ‘Bu fú sí muv fú yín,’ ɔletrá wanlín ɔbéɛ, ‘Ní ɔko léblí asukpan tsú mu si ntée mu yin iwí á, bomóv mu?’ ⁵⁻⁶ Táme mli mú mlíaa, ɔha ɔbétalí bláa mu si ntée mu yin ɔbéɛ, ‘Tóá tekú nópohá fú á, napóhá Bulu. Imehián aní nétrá kí fu.’ Mli anáin amándié su mlútráa mlumédé Bulu mblasu gyí. ⁷ Apinabwɛbí abwɛpú! Ɔnɔkwali Bulu ɔnɔsɔ ɔɔɔpú Yesaia léblí tsú mli iwí tswi ɔbéɛ,

⁸ ‘Ahá ánfí buɔɔpɔv amó ɔnɔ bú mí,
táme amó klɔn bu ifó mí wá.

⁹ Kpaali buɔɔe mí sum,

tsúfé basí Bulu mbla tswi, yó buɔɔe anyánkposá mbla suná.’ ”

Tóá Itákpóí Ɔha Bulu Ansító
(Marko 7:14-23)

¹⁰ Yesu létrá tí ɔɔam amv ba mu iwí wá, ɔlebláa amó ɔbéɛ, “Mlíyaa asu, méni mlónu ínɔ asi. ¹¹ Megyí tóá ɔha tegyi tókpóí mu Bulu ansító, mboún móá itedáli tsu mu ɔnɔ tókpóí mu.”

¹² Inu mu akasípú amv beba mu wá befíté mu beɛ, “Foyin aní fú asun blíhé anfi lawɔ Farisifɔ ámu?”

¹³ Yesu léle mú ɔnɔ ɔbéɛ, “Bópulí oyígyíoyí aní megyí mí Sí ámuɔv ɔbu ɔsósó ámu lóswíe tsítsá. ¹⁴ Mlísi Farisifɔ ámu asón. Ansibi abwiepú bugyi, buɔɔe ansibi abwiepú kpa. Ní nsibi obwiepú dé nsibi obwiepú kpa á, ɔbótó amó abanyó buɔɔkpá wíé.”

¹⁵ Múv Petro lébláa mu ɔbéɛ, “Le yébi amv asi suna aní.”

¹⁶ Yesu léfité amó ɔbéɛ, “Mú so mli é mlítamanú asón asi? ¹⁷ Mluméyín aní tóá iwíé ɔha ɔnɔ á, mu iputó itowíé, ɔteyéle mú wá ɔkpɔntó? ¹⁸ Asóngyiasón aní itedáli tsu ɔha ɔnɔ á, mu klɔntó itedáli tsu. Mútkpóí mu Bulu ansító ní. ¹⁹ Tsúfé ɔha klɔntó ágywun laláhe tedáli tsu. Mútéhá ɔtómó ɔha, ɔtótó mbua, ɔtówá atsi móa ayin asón, otowí ató, ɔtówá afunu, otetsii ɔha. ²⁰ Inu aná tókpóí ɔha, táme ní ɔha mófwí ɔbí amándié ɔkpasu asa olegyi ató á, itamakpóí mu Bulu ansító.”

Ɔtsi Ɔkwá Omegyí Yudayin Hógyi
(Marko 7:24-30)

²¹ Yesu lénatí inu yó Tiro móa Sidon nsántó. ²² Kanaanyintse ɔkwá otsie inu léba Yesu wá. Ɔɔɔe okitikítí sɔrá, olokokóli Yesu ɔbéɛ, “Dawid mu na, wun mi nwe! Ɔɔɔe laláhe bu mí bí tsíhétó. Ide mu háan dubi.”

²³ Táme Yesu mékpla mu. Inu mu akasípú amv bobwíí ipa há mu beɛ “Ha ɔtsi ámu ɔnati, tsúfé obuɔ aní ɔɔɔe okitikítí sɔrá dubi.”

²⁴ Yesu lébláa ɔtsi ámu ɔbéɛ, “Israel akúfa fwíhé pé wá Bulu lówa mí.”

²⁵ Táme ɔtsi ámu léda akpawunu mu ayabitó, bláa mu ɔbéɛ, “Mí Wíé, gyi mi buale.”

²⁶ Yesu lébláa mu ɔbéɛ, “Ima alá fóswwí nyebí atogyihe póhá akíai.”

²⁷ Ɔtsi ámu léle mú ɔnɔ ɔbéɛ, “Owíé, ɔbu mótó alí, táme akíai é botegyí atogyihe mpupubi aní itekpákpa bun amó wíé ɔpónúasi.”

28 Múú Yesu lébláa mu óbée, “Ōtsi, fú hógyi lomoni. Ibá mótó ha fu alhá fudeklé.” Inu nu iwí lówa mu bi ámu onlin.

Ahá Tsətsəətsə Ilə Tsa

29 Tsú inu á, Yesu lótsun Galilea əpu onó, dú yétsiá okúku kusv. 30 Ahá tsətsəətsə bəpu abubúpu, ansibi abwiepú, abo, amúmu pú ɔ́ bábmbá aləpú bobun Yesu ayabiasí, əletsə amú fée. 31 Ahá ámu onó lobwie amú bréá bowun amúmu bədetəí, abubúpu iwí lawá amú onlin, abo bəna, ansibi abwiepú é bəde ató wúun, bəkanfú Israel Bulu ámu.

Ahá Mpim-na Atogyihə Ha

(Marko 8:1-10)

32 Yesu létí mu akasípú, bláa amú óbée, “Ahá ánfí asón de mí nwe wa. Nde eke sáásí əpá bubuo mi, butráa buma tətəá bəgyi. Ní nehá amú bəpú akón náti á, ansító bəyebi amú əkpatə.”

33 Mu akasípú amv bəfité mu bəe, “Nkónó abénya atogyihə há ədəm anfi dimbí ánfisv?”

34 Yesu léfité amú óbée, “Bodobodo afíní mlibv?”

Bəle mú onó bəe, “Asienó pú aye pútúpútú kpalobi kv.”

35 Yesu léha ədəm amv bətsiá asi. 36 Múú olotsu bodobodo asienó pú aye amv, dá Bulu ipán, olebiabía mótó há akasípú amv, beye ha amú. 37 Amú fée begyi mwə. Bətəsí síanhe amv búlá alakpá yilé asienó. 38 Ayin áni begyi ató ámu nkole bəgyi mpim-na (4,000). Bəmekla atsi móa nyebí.

39 Inu Yesu lési ahá ámu əkpa, olowie əkluntə fá əpu yó Magadanfə əsolósv.

16

Farisifə Bodunká Ofúla

(Marko 8:11-13; Luka 12:54-56)

1 Eke əku Farisifə pú Sadukifə akv bəba Yesu əsókikpa. Mú sv bebláa mu bəe, əbwée osúna pəsvna amú áni lélé otsú Bulu wá. 2 Yesu lébláa amú óbée, “Ní owí ipən, nsaintə ipé á, mliblí mlíaa, ‘Ōke nsaintə bédí.’ 3 Ní nyankpu obílá tuun nyankí a, mliblí mlíaa, ‘Nde nyankpu obótswie tsun afú.’ Mlibtətáli kí nsaintə, bí tóá ibéba. Ntogyi só mlibmétáli nú tóá mlibdewúun séi ánfí mú asi.* 4 Mli ndemba-abí laláhe áni mlibadáli Bulu əma, mlibé osúna dunká amliwun, táme mlibmóowun kəkəkəv dən Bulu onósú ətəípú Yona osúna amv odu.”

Inu sv əlenatí sí amú.

Farisifə Pú Sadukifə Bodobodotu-afá

(Marko 8:14-21)

5 Yesu akasípú amv bəmekáin tsú bodobodo kítá asa bəfa əpu amv yó əbun. 6 Yesu léda amú əlá óbée, “Mlikí wankláán Farisifə pú Sadukifə Bodobodotu-afásó.”

7 Akasípú amv bəfité aba bəe, “Bodobodo amúú animédé ámu só əde asón ánfí blí lóó?”

8 Yesu lónu asón áni bədeblí. Múú əlebláa amú óbée, “Oo, mli hógyi mótsó. Ntogyi só mlibdébli mlíaa bodobodo amúú mlibmédé ámu sv? 9 Iməkówánkí mli kí? Mliblatan bodobodo apin anu amúú nehə ahá mpim-nu (5,000) begyi amovv? Alakpá afíní lésían mlibtəsí? 10 Ntée mliblatan bodobodo apin asienó amúú nehə ahá mpim-na (4,000) begyi amovv? Alakpá afíní lésían mlibtəsí?” 11 Ntogyi só iməkówánkí mli áni megyí bodobodo iwí

* 16:3 Mótó yée 2 móa 3 ima nwóló dada amv akota.

asón ndeblí? Bláa nde mli bláa mbéé, “Mliki wankláán Farisifo pó Sadukifó Bodobodotu-afásó.”

¹² Inu asa ilowankí amó ání megyí Bodobodotu-afásó òde, mboún amó atosunáhé.

Ohá Aní Yesu Gyí

(Marko 8:27-30; Luka 9:18-21)

¹³ Bréá Yesu lówie Kaesarea Filipi nsáinto á, òlefíté mu akasípó òbéé, “Ma ahá bée mí, Nyankpɔsa-Mu-Bi ánfí ngýí?”

¹⁴ Bele mú ònó bée, “Aku bée, fógýí Asú Ɔbɔpó Yohane. Aku bée, Bulu Ɔnósó Ɔtáíró Elia. Aku é bée, Yeremia ntéé Bulu ònósó Ɔtáíró bambá òku.”

¹⁵ Múó òlefíté amó òbéé, “Mli é mé? Mliá mígyí má?”

¹⁶ Simon Petro léle mú ònó òbéé, “Fógýí Kristo, (ohá ámóú Bulu ladá mu ofúli amu) ni. Bulu Ɔkiankparu amu mu Bi.”

¹⁷ Inu Yesu lébláa mu òbéé, “Bulu layúlá fú Simon, Yona mu bi, tsúfé megyí nyankpɔsa òkoku léle ònòkwali anfi òwan súná fú. Mí Sí ámóú òbu òsúsú ámu ni. ¹⁸ Inu sv mí é nde fú bláa mbéé, fú dá gyí Petro. Mú asi gyí, ‘Butá.’ Butá ánfisú néyi mí ɔpasua dínká ní. Lowu túmi méetalí gyí mósú ekekeke. ¹⁹ Nópɔ Bulu iwíegýí ámu asáafi wá fú ibitɔ. Asóngýiasón ání fékiná ɔsulón anfisú á, Bulu é obékiná mú ɔsúsú. Múá fótisulá á, Bulu é obótisulá mósú ɔsúsú.”

²⁰ Inu òleda amó òlá kpákpáákpa òbéé, bɔmábláa òhaa ání mugyí Kristo amu.

Yesu Iwɔsin Pó Mu Lowu Iwɔ Asón Blí

(Marko 8:31–9:1; Luka 9:22-27)

²¹ Tsú bré ámɔsu á, Yesu léfi asi òde asóntó le súná amó òbéé, “Ilehían ání mójɔ Yerusalem yówun iwɔsin tsòtsòtsò Yudafó ahande, Bulu igýí ahapó òhen pó Mose mbla asunápó ibitɔ. Bómɔ mu, táme Bulu òbélakúsúa mu eke sáásí tsú afúlitɔ.”

²² Mú sv Petro létí mu ya itsétó, yéka mu itin òbéé, “Mí Wíé, Bulu ogyáa mú téi ya fú iwɔ. Inu mába fɔsu ekekeke.”

²³ Inu òledamli bláa Petro òbéé, “Satan, natí tei mísú! Fɔde mí òkpa tíin. Megýí tóá Bulu dégywín fɔdegywín, anyánkpósa klé fɔdegywín.”

²⁴ Múó òlebláa mu akasípó amu òbéé, “Ní òku dékléá obóbuo mi á, osíi tóá otekle bwe, otsu mu oyikpalíhe bobuo mi. ²⁵ Tsúfé ní òku léprí mu nkpa á, ibóhulí mu. Táme ní òku lési mu nkpa há mí sv á, òbélanýá nkpa ání itamatá. ²⁶ Ní òku onýá ɔyító ató fée, táme òhólí mu òkláa a, labi mómɔ òlwa há mu? Ntéé ntó òha òbétalí pótse mu nkpa? ²⁷ Tsúfé mí, Nyankpɔsa-Mu-Bi ánfí néba mí Sí numnyamtɔ, mía mu abɔpu. Inó néka òhagyíòha ikò alíá mu tsiátó gyí ní. ²⁸ Ɔnòkwali nde mli bláa. Aku bɔbɔ mlitɔ nfi ání bómóowu, yófun bréá bawun ání mí, Nyankpɔsa-Mu-Bi ánfí néba mí iwíe ogyíkpa.”

17

Yesu Iwitséé

(Marko 9:2-13; Luka 9:28-36)

¹ Nkensisé ama a, Yesu lékpa Petro muva Yakobo pó mu pio Yohane, bɔdu yó ibu kusu. ² Amó ansító unu á, Yesu iwɔ letse. Mu ansító lówankí fée owí, mu atadié é ledamli fútútuútu. ³ Inu mu akasípó abasá ámu bowun ání Mose muva Elia bele iwɔ òwan, amóa Yesu bɔdetáí. ⁴ Múó Petro lébláa Yesu òbéé, “Mí Wíé, ibu aléá abétsiá nfi. Ní fótisulá á, ha ada abú asa. Fú klé kole, Mose klé kole, Elia é klé kole.”

⁵ Bréá ɔde asón ánfí blí á, agyinde wánkíhé kú lobobun amósó. Inu ɔme kú ledali tsu agyinde ámɔtɔ ɔbéé, “Ɔni gyí mí Bí ɔdwepóá olegyi mí ansí ní. Mlunu mu ɔme.”

⁶ Ifú lehie kítá amó bréá bonu asón ánfí. Mú su bɔwa ɔsa mlí bun ɔsólótɔ. ⁷ Múó Yesu léba bɔpu ibi dada amó, bláa amó ɔbéé, “Mlíkusɔ, mlumánya ifú.”

⁸ Inu bɔwa ansí kí a, bumetrá wun ɔhaa dɔn Yesu nkule.

⁹ Bréá bɔde ibu ámu kplí á, Yesu léda amó ɔlá ɔbéé, bumábláa ɔhaa tóá bayówun, yófon ekeá Bulu ɔbókɔsɔa Nyankpɔsa-Mu-Bi ámu tsú afúlitɔ.

¹⁰ Mu akasípó amu befité mu beé, “Ntogyi só Mose mbala asunápó amu beé, ilehián ání Elia obéyinkí bá asa Kristo amu ɔbéba?”

¹¹ Ɔlele mú ɔnɔ ɔbéé, “Ɔnɔkwali igyi. Elia obégyankpá bá bela tógyítɔ yáí wankláán. ¹² Nde mli bláa mbéé, Elia layínkí bá dodoodo, táme ɔhaa mébí mu. Bowa mu amumoyɔ. Ali kén mí, Nyankpɔsa-Mu-Bi ánfí é nówun iwɔsun amó ibitɔ ní.”

¹³ Inu á, ilowankí akasípó amu ání Asú Ɔbɔpó Yohane iwɔ asón ɔdeblí.

Ilɔ Dídahe Ɔlɔpó Tsa

(Marko 9:14-29; Luka 9:37-43a)

¹⁴ Bréá beyinkí kplí bowie ɔdɔm amu wá á, oyin ɔku léba beda akpawunu Yesu ayabitɔ, bláa mu ɔbéé, ¹⁵ “Mí Wíé, wun mí bí ánfí nwe, tsúfé ilɔ dídahe de mu háan. Otetsiá dida wíé ntsu móa ogyátɔ. ¹⁶ Nɔpu mu ba fú akasípó amu, táme bumetalí tsá mu ilɔ.”

¹⁷ Yesu léle mú ɔnɔ ɔbéé, “Ndeмба-abíá mlímá hógyi, mli tsiátɔ ma ale. Alí nétsiá mli wá yó ekekegyíeke ní? Nnyá klun ha mli yófon ɔmenke? Mlíkpa kebi ámu ba mí!” ¹⁸ Inu ɔɔkplón gya ɔje laláhe amu. Uledali kebi ámɔtɔ, iwɔ lówa mu ɔnlun.

¹⁹ Mú ɔma a, akasípó amu befité Yesu itsétɔ beé, “Ntogyi só aní mú anumétalí gya ɔje laláhe amu dáli kebi ámɔtɔ?”

²⁰⁻²¹ Múó ɔlebláa amó ɔbéé, “Mli hógyi mɔtsó kóráá. Mbláa mli ɔnɔkwali. Ní mli hógyi lomóní fé takyí-akpin ibí á, tekí mlétalí bláa ibu ánfí mlíaa ipúli. Lélé ibópulí, tɔtɔtɔ mósɔdɔn mli bwé.”*

Yesu Lowu Iwɔ Asón Blí Otse Nyɔɔsi

(Marko 9:30-32; Luka 9:43b-45)

²²⁻²³ Bréá akasípó amu féé beba befia Galilea ɔmátɔ á, Yesu lébláa amó ɔbéé, “Béle mí, Nyankpɔsa-Mu-Bi ánfí há adón bómɔ mí, táme Bulu ɔbókɔsɔa mí eke sáásí.”

Asón ánfí lehie han akasípó amu.

Bulu Ɔtswékpa Ofi Ikɔka

²⁴ Yesu mva mu akasípó beba Kapernaum wúlutɔ. Inu Bulu ɔtswékpa ofikɔ ahópu aku beba befité Petro beé, “Fú wíe teká Bulu ɔtswékpa ofi ikɔ?”

²⁵ Petro lébláa amó ɔbéé, “Ɔteká.”

Bréá Petro lóyo wóyítɔ a, Yesu légyankpá fité mu ɔbéé, “Simon, nkáli gyí fú agywun? Amendi téká dúte móa lampóo há awíe? Afóó ntée wúlu awíe?”

²⁶ Petro lébláa mu ɔbéé, “Afóó teká.”

Múó Yesu lébláa mu ɔbéé, “Yéé mómú wúlu awíe bagyi iwɔ ní? ²⁷ Táme mmedéklé mbéé, abókɔsɔ líí amósó su á, tsu ɔdadɔwa afuyɔ ɔpu ɔnɔ yɔtswi. Kí klemetí gyankpapo ání féle ɔnótɔ. Fénya kóba ání ibófon aní abanyó ofikɔ ámu ka. Le mú, afuyeka ha amó.”

* **17:20-21** Mótɔ yéé 21 bu nwóló dada amu akotɔ: Táme iní odu mú á, nkéti mpáí móa ɔnɔklí pé mlétalí pógya mú.

18

Ma Ɔbɔ́bwe Ɔhande?

(Marko 9:33-37; Luka 9:46-48)

¹ Bɛba Kapernaum wúluto, akasípó amu bɛba Yesu wá bɛfité mu bɛɛ, “Ma gyi ɔhande Bulu iwíegyi ámutɔ?”

² Yesu létí kebi ɔku belí amó ansító, ³ ɔleblí ɔbɛɛ, “Ɔnɔkwali nde mli bláa. Ní mlimétse, bwe iwí fé nyebí á, mlimóowie Bulu iwíegyi ámutɔ. ⁴ Ɔhagyíɔha ání ɔleba iwíasi fé kebi ánfí á, mogyi ɔhande Bulu iwíegyi ámutɔ ní. ⁵ Ɔhagyíɔha ání ɔlɔhɔ kebiá ogyi alí mí dátó lahɔ mí.

Ɔha Kpa Wá Lakpantɔ

(Marko 9:42-48; Luka 17:1-2)

⁶ “Ní ɔku léha ahá ánfí bɔmɔkódan mísú hógyitɔ ánfítɔ ɔku lɔ́bwe lakpan á, ní bɛda nfúɔkwebu síán mu ɔmetɔ, tswí mu wá ɔpu okluklúkpa, mó mu pó á, ibu alé don. ⁷ Ɔyítɔ atsiápó bɔgyówi ní. Tsúfé itá itehá ɔha tɔ́bwe lakpan bu mu. Ibéba alí, táme ɔhá ání ina musu mu ba lɔ́bwe lakpan ɔgyówi ní.

⁸ “Mó su ní fó ibi ntée fó yabi téhá futedida hógyitɔ á, ka mó le, afɔtswí mó tsalifwi. Ibu aléá fɔpu ibi kole ntée yabi kole nyá nkpa ání itamatá, don ání fɔpu ibi anyɔ ntée ayabi anyɔ wíé ogyá ání itamaduntɔ. ⁹ Ní fó nsibi téhá fútɔ́bwe lakpan á, loti mó le, afɔtswí mó tsalifwi. Ibu aléá fɔpu nsibi kole nyá nkpa ání itamatá, don ání fɔpu ansibi anyɔ wíé isɔbití ogyá ání itamaduntɔ.

Kufa Fwíhé

(Luka 15:3-7)

¹⁰⁻¹¹ “Mlíki wankláán ání mliméeki nyebí pútúpútú ánfítɔ ɔkuku ansító kótíkótí. Nde mli bláa mbéɛ, bɔbu Bulu-abɔpu ání bɔtɔkósi pú amó asón ya mí Sí ɔsúsú.*

¹² “Mlíyɔ asón ánfítɔ amlíki. Ní ɔku bu akúfa lafakole (100), amótó ɔkole ɔfwí á, ntɔ ɔhá ámu tɔ́bwe? Megyi si otesí adukwebá-kwebá (99) atráhe amu lí okúku amusu, yóduká ɔkole pé ámú alafwí ámu? ¹³ Ɔnɔkwali nde mli bláa. Ní owun mu a, mu ansí bégyi mu iwí don adukwebá-kwebá atráhe amú bɔmɔfwí ámu. ¹⁴ Alí kén mli Sí ámú ɔbu ɔsúsú ámu médékle ɔbɛɛ, nyebí pútúpútú ánfítɔ ɔkuku é ɔfwí ní.

Ní Fɔ́ Bá Ɔpó Ilá Gyi Fɔ

¹⁵ “Ní fó bá ohógyipu ɔpó lá gyi fɔ á, yɔ mu wá, mli abanyó pé amlíbli mó. Ní olonu iwíasi á, falányá opíó. ¹⁶ Táme ní omonu iwíasi á, kpa ɔbakole ntée abanyó manta iwísi amlíyɔ mu wá, méní bégyi asóngyiasón ání mléblí iwí adánsie fé alá Bulu asón leblí. ¹⁷ Ní omonu amó asón é á, pu asón ámu ya mli ɔpasuafɔ. Táme ní omonu amó asón é á, mómu bu mu ɔmátóyín ntée lampóo ɔhɔpu.

Asónkiná Pó Mósú Tsulá

¹⁸ “Ɔnɔkwali nde mli bláa. Asóngyiasón ání mlékiná ɔsulúv anfisú á, Bulu obékiná mó ɔsúsú. Móa mlótsulá á, Bulu obótsulá mósú ɔsúsú.

¹⁹ “Ntráa ndeblí mbéɛ, ní mli abanyó mlɔ́bwe agywun kole ɔsulúv anfisú kólí tɔku á, mí Sí ámú ɔbu ɔsúsú ámu ɔbɔ́bwe mó há mli. ²⁰ Tsúfé ɔ́tíngyíɔ́tíne ání ahá abanyó-abasá befia mí dátó á, mbu amó wá.”

Osúmpó Owuntɔlinpu Iwí Yébi

* **18:10-11** Mótó yée 11 bu nwolú dada amu akoto: Tsúfé mí, Nyankpɔsa-Mu-Bi ánfí neba ání nóho ahá ámú bafwí ámu nkpa.

21 Múú Petro léba befité Yesu óbée, “Mí Wíé, tsefini nsíkie mí bá ní ɔpú alá gyi mi? Tse sienó lóó?”

22 Yesu lébláa mu óbée, “O-o, megyí tse sienó fésikíé mu, tsé aduesienó (70) aku asienó. 23 Inu su Bulu iwíegyi ámu igyi fé asón áñfi. Owíe ɔku lóbwe agywun áñi mu mu asúmpú bóbu akúnta. 24 Bréá olefi mú asi á, mu asúmpú bekpa amótó ɔkúá ɔde mu ɔkó mpim-mpímító ba mu. 25 Táme osúmpú amu má tɔtá ɔbópuká ɔkó ámu su á, owíe amu léha óbée bufée mu mu ka, mu abí pú mu ató fée pókítá ɔkó ámu tɔ. 26 Inu á, osúmpú amu lókusó dá akpawunu owíe amu ayabitɔ, bwíi ipa há mu óbée, ‘Mí Wíé, nya klɔn ha mi. Ibwé néka fú ɔkó ámu fée.’ 27 Mu asón ɔlwa mu wie amu nwe. Mú su olesi ɔkó ámu fée kíé mu, há mu ɔlenatí.

28 “Táme bréá osúmpú amu lédali unu á, ɔɔyótu mu osúmba ɔkúá ɔde mu ɔkó kpalobí kv. ɔlekítá mu ba ámu ɔmetɔ kinkíinkín, bláa mu óbée, ‘Pú mí kóba ha mi!’ 29 Mu osúmba amu é léda akpawunu bwíi ipa há mu, bláa mu óbée, ‘Nya klɔn ha mi. Ibwé néka fú kɔ.’ 30 Táme osúmpú anfi mú mótsulá. ɔleha áñi bupú mu yɔwa obu yófɔn ekéá ɔbéka mu ɔkó ámu. 31 Mu asúmba bowun táá alapógyi mu ba ámu a, ilowie amú iwítɔ. Mú su ɔyɔ yébláa amú wíe asón ámu fée. 32 Múú amú wíe amu léha beti osúmpú amu ba, ɔlebláa mu óbée, ‘Osúmpú owuntɔlnpu, fú ipabwíi su nesi ɔkó tsɔtsɔtsɔ amú fúde mí ámu fée kíé fú. 33 Imá aléá fú mú fówun fú bá ámu nwe fé alíá nowun fu nwe?’ 34 ɔblí lekítá owíe amu. Mú su ɔleha óbée, buwáa mu obu, abupiti mu ató yófɔn ekéá ɔbéka ɔkó ámu fée.

35 “Alí mí Sí amúú ɔbu ɔsúsó ámu ɔbóbwe mlítɔ okugyiákuá omesi mu ba lakpan kíé mu tsú mu kluntɔ ní.”

19

Okákiná Iwí Atosunáhé (Marko 10:1-12)

1 Bréá Yesu lóttá tá á, ɔlenatí Galilea ɔmátó yó Yudea ɔmátó Yordan ntsu ámu ɔbin. 2 ɔdam kpankpankpannti bobuo mu, ɔletsa amú ilo unu.

3 Farisifo aku beba mu wá ɔɔsɔ mu ki, fité mu beɛ, “Ani Mbla léha ɔkpa áñi oyin ɔbétalí kíná mu ka ɔkpagyiákpasu?”

4 Yesu lébláa amú óbée, “Mlimókókla Bulu asón ámu ki áñi bré amúú Bulu léfi ɔyí asi á, ɔtsi múa oyin ɔlɔbwe? 5 Bulu lébli óbée, ‘Inu su oyin ɔbótu sí mu sí mu mu yin yémantá mu kasu, amú abanyó bóbwe ɔyólúú kule ni.’ 6 Mú su nde mli bláa mbée, butráa bumegyí abanyó, táme babwé ɔbakóle. Ahá áñi Bulu labwé amú ikule a, ɔhaa mámaín amú abasu.”

7 Farisifo ámu befité mu beɛ, “Ntogyi só Mose lówa mbla óbée, oyin ɔbétalí wánlín ɔkákiná ɔwolú pókíná mu ka?”

8 Yesu lébláa amú óbée, “Mli kluntɔ odwin só Mose léha mli ɔkpa óbée, mlíkina mli aká, tekí megyí alí Bulu lóbwe mú bréá olefi ɔyí ámu asi ní. 9 Táme nde mli bláa mbée, ní oyin okíná mu ka láyétsiá ɔtsi bámbá á, alató mbua. ɔkpa oduásúá oyin ɔbétalí kíná mu ka pé gyi aladáli mu ɔma.”

10 Múú mu akasípú amu bebli beɛ, “Ní alí okúlu mu ɔkó abatsiátɔ asón igyi ní mú á, múmó ima aléá oyin mu ɔtsi bétsiá aba pó.”

11 Yesu lébláa amú óbée, “Megyí ahá fée ɔbétalí hɔ atosunáhé anfi. Nkétí ahá áñi Bulu lópohá amú pé. 12 Tsúfé ina ɔkpa tsɔtsɔtsɔsu ayin aku butamatsiá aká. Ayin ámu aku á, alí ɔkwíú amú ní. Aku é anyánkpósa láflo amú. Aku é basin kpanku Bulu iwíegyi ámu su. ɔhá áñi ɔbétalí á, ɔhóó mí atosunáhé anfi.”

*Nyebi Yulá**(Marko 10:13-16; Luka 18:15-17)*

¹³ Aha aku bekpa nyebi ba Yesu bee, ɔpɔ́ ubi dinka amósó, ɔkɔli Bulu oyúla ha amó. Táme akasípó amu bɔwa iyin wá amó. ¹⁴ Múú Yesu lébláa akasípó amu ɔbéé, “Mliha nyebi ámu ɔkpa abuba mí wá. Mlumátin amó ɔkpa, tsúfé ahá ánfí odu bú Bulu iwíegyi ámu ni.”

¹⁵ Múú ɔɔpɔ ubi dindínka amósó, ɔlenatí inu á.

*Atonyahé Iwi Atosundhé**(Marko 10:17-31; Luka 18:18-30)*

¹⁶ Eke ɔku oyin ɔku léba Yesu wá befité mu ɔbéé, “Osunápo, yilé mɔmu nóbwe asa nénya nkpa ání itamatá?”

¹⁷ Yesu léfité mu ɔbéé, “Ntogyi sɔ fɔde mí yilé iwi asón fité? Ɔbakóle pé gyi ɔha yilé. Mugyi Bulu. Táme ní fɔdekléa fɔnyáa nkpa ání itamatá á, mómó gyi Bulu mbala asón ámu sɔ.”

¹⁸ Oyin ámu lélafité mu ɔbéé, “Mótó mɔmu?”

Yesu lébláa mu ɔbéé, “Mámó ɔha, máto mbua, máwi ató, máka asón dínka fɔ básó. ¹⁹ Bu fɔ sí mva fɔ yín, afɔdwe fɔ bá fé fɔ iwi.”

²⁰ Ɔyasubi ámu lébláa Yesu ɔbéé, “Ntegyi mú féésó. Ntɔ é ntráa bwe?”

²¹ Yesu lébláa mu ɔbéé, “Ní fɔdekléa fɔfon mú á, yefe fɔ iwisu ató féé, afɔye kóba amu ha ahíanfɔ, méní fénya siadié ɔsósú. Fɔbwé mú tá á, ba afɔbobuo mi.”

²² Bréa ɔyasubi ámu lónu asón ánfí á, dehié han mu, ɔlenatí díín, tsúfé ɔhíé ɔbu ató.

²³ Múú Yesu lébláa mu akasípó ɔbéé, “Ɔnɔkwali nde mli bláa mbéé, ibéhie wá ɔnlín asa iwi onyapó obówie Bulu iwíegyi ámu tɔ. ²⁴ Ntráa nde mli bláa mbéé, ɔɔpɔn ha kpósó ání ɔbótsun ɔbun-ató ɔbótó, dɔn ání iwi onyapó obówie Bulu iwíegyi ámu tɔ.”

²⁵ Akasípó amu bonu asón ánfí á, ɔnó lobwie amó. Iní sɔ befité bee, “Mómó ma mee Bulu ɔbóhɔ nkpa?”

²⁶ Inu Yesu léli kí amó alu. Múú ɔlebláa amó ɔbéé, “Anyánkposato mú á, ɔhaa méetalí bwé iní, táme Bulu mú tetálí bwé tógýító.”

²⁷ Múú Petro léfité mu ɔbéé, “Iníá anilási tógýító tswi bobuo fu á, ntɔ abénya tsú fɔ búoto?”

²⁸ Yesu lébláa amó ɔbéé, “Ɔnɔkwali nde mli bláa. Bréa Bulu ɔbwé ɔyi pɔpwe amu, mí, Nyankpɔsa-Mu-Bi ánfí netsiá mí numnyam owie obiá ámu sɔ á, mli ahá ánfí mlibuo mi ánfí é mlétsiá awie mbíá dúanyɔsɔ, gyi Israel abusuan dúanyɔ ámu asón. ²⁹ Ɔhagyíɔha ání alanatí sí mu wóyí, mu apíó, mu si mva mu yin, mu abí ntée ɔsulúv mí sɔ á, Bulu ɔbéla há mu mú tsé dú tsé lafa, trá lahá mu nkpa ání itamatá. ³⁰ Táme agyankpapu aku béba bemli amapu, amapu amu aku é bébemli agyankpapu.”

20*Ndɔtɔ Agyómá Ayɔpú Iwi Yébi*

¹ Yesu létrá bláa amó ɔbéé, “Mú sɔ Bulu iwíegyi ámu igyi fé asón ánfí. Ɔɔtɔpɔ ɔku létsiá. Eke ɔku ɔɔkɔsú nyanki-nyanki ɔyɔ ipa agyípo odunkákpá, abɔyɔyɔ agyómá mu ndɔtɔ. ² Mva amúnɔ begyi bíá ání ɔbéka amó alíá bɔtɔhɔ ekewóle, ɔɔpɔ amó sísi agyómá ámu ɔyɔkpá. ³ Dokwebátó a, ɔledali yɔ dunsu, oloyówun aku é bulí, bɔmedé tɔtɔ bwe. ⁴ Olotsu amó é ɔbéé bɔyɔyɔ agyómá mu ndɔtɔ ha mu. Ibwé ɔbéka amó tóá ibu alé. Mú sɔ bɔyɔ. ⁵ Dódúanyɔ pú ɔsato é á, ɔletrá pu aku sísi ndɔ ámu tɔ. ⁶ Ntópwe

donutɔ, bréá ɔledali a, ɔletrá wun akvá bulí kpaali. Múú ɔlefíté amú ɔbéé, ‘Ntogyi sù nde fée mlilí nfi, mlumédé tɔtɔ bwé?’⁷ Bebláa mu beé, ‘Ŋhaa mókóbó aní ipa.’ Múú ɔlebláa amú ɔbéé, ‘Mómó mli é mlibɔtsun yɔyɔ agyómá mí ndɔtɔ.’

⁸ “Bréá owí lɔpɔn a, ɔɔtɔpɔv amu létí mu agyómású ɔkírú bláa mu ɔbéé, ɔtí ipa agyípú ámu fée, ɔkáa amú akɔ. Ɔkáa amú tsu amapɔv amusu alu ɔɔtɔv agyankpav amu. ⁹ Bréá ipa agyípú amu beba a, agyómású ɔkírú amu léka ahá ámuú ɔyɔ donutɔ ámu alíá ɔtɔhɔ ekewóle. ¹⁰ Bréá ilɔtɔv agyankpav amu a, buki beé bénya ɔɔn alí, táme alí kén ɔleka amú é ní. ¹¹ Mú sv ɔleka amú akɔ tá á, agyankpav amu ɔɔwa tɔtí ɔɔtɔpɔv amusu bi. ¹² Beblí beé, ‘Amapɔv anfi mú á, ɔɔnhwírí kole pé ɔyɔ agyómá. Aní mú anɔlalí owí kpankpilí ánfisv yó agyómá, táme faká ania amónyɔ fée akɔ kole.’

¹³ “Ɔɔtɔpɔv amu lébláa amótɔ ɔkole ɔbéé, ‘Agya, yée mmákótáfá fu o! Megyí itó ámuú mía fɔnyɔ anɔléblí ámu napóhá fú á?’ ¹⁴ Pɔv fú ató nati. Mídéklé mbéé, néha amapɔv amu alíá naká fú. ¹⁵ Mma ɔkpa ání nɔpɔv mí kóba bwé tɔá ndeklé? Ntée mí awítalewa dé fú iwítɔ wie?’

¹⁶ “Alí amapɔv bóbwé agyankpav, agyankpav é bóbwé amapɔv ni.”

Yesu Lowu Iwí Asón Bli Otse Saasi
(Marko 10:32-34; Luka 18:31-34)

¹⁷ Bréá Yesu ɔyɔ Yerusalem a, ɔlekpa akasípú dúanyɔ ámu ya itsétɔ bláa amú ɔbéé, ¹⁸ “Mlínú! Ayó Yerusalem. Inu á, béle mí, Nyankpɔsa-Mu-Bi ánfí há Bulu igyí ahapó dehen pó Mose mbala asunápó. Béha mí lowu ipón. ¹⁹ Bópɔv mí wá ahá ání ɔumegyí Yudafo ɔbitɔ bóbwé mí ahinlá, bóɔnwen mí mplí, dá mí mántá oyikpalíhesv. Táme Bulu ɔbélakósúa mi eke sáásí tsú afúlitɔ.”

Abi Oyín Ɔkv Atɔ Kvlihé
(Marko 10:35-45)

²⁰ Múú Sebedeo mu ka lékpa mu abi anyɔ beba, ɔleɔa akpawunu Yesu ayabito, kólí mu ɔbéé, ɔbwée tɔkv ha mu.

²¹ Yesu léfité mu ɔbéé, “Ntɔ fudeklé?”

Ɔtsi ámu lébláa mu ɔbéé, “Ha mí abi anyɔ ánfítɔ ɔkole otsia fú gyɔpɔsv, ɔkole é otsia fú binasv bréá fúde iwíe gyí.”

²² Yesu lébláa amú ɔbéé, “Mluméyín tɔá mlídékulí.” Ɔlefíté Yohane muv Yakobo ɔbéé, “Mlétalí wun iwíɔsvn ámuú nebá bowun amu?”

Bebláa mu beé, “Ee, abétalí.”

²³ Múú ɔlebláa amú ɔbéé, “Mlówun iwíɔsvn ámu mú, táme mma túmi ání néle ahá ání bétsiá mí gyɔpɔsv ntee mí binasv. Otsiakpá inu ida gyo ahá ámuú mí Sí Bulu lalá inu yáí há ámu.”

²⁴ Bréá akasípú dú atráhe amu bonu asón ánfí á, Yakobo muv Yohane iwí lówa amú ɔblí. ²⁵ Múú Yesu létí amú, bláa amú ɔbéé, “Mlíyin ání ɔmátófsv agyípú ɔutehíé amú ahá, amú ahande é ɔutenyá túmi amósú. ²⁶ Táme mlítɔ mú á, umába alí. Ɔhagyíɔha ání ɔdekléá ɔbóbwé mlítɔ ɔhande a, ɔbwée mu iwí osúmpú ha mu aba atráhe. ²⁷ Ɔhá ání ɔdekléá ɔbóbwé mli nkpa ogyápv ɔbwée mli ɔkpábi. ²⁸ Alí kén mí, Nyankpɔsa-Mu-Bi ánfí é mméba mbéé, ɔvsum mí ní. Ahá osúmpkpa neba, ampɔv mí nkpa hɔ ahá tsɔtsɔtsɔ nkpa.”

Ansibi Abwiepó Abanyó Ilɔ Tsa
(Marko 10:46-52; Luka 18:35-43)

²⁹ Bréá Yesu muv mu akasípú ɔɔɔledali Yeriko wúlutɔ ɔyɔ á, ɔɔɔm kpankpɔnkpanɔ bobuo amú. ³⁰ Ansibi abwiepó abanyó aku butsie ɔkpa

ámuto, bonu ání Yesu détsóun. Inu ɔ̀kplón blí bεε, “Aní Wíe, Dawid mu na, wun aní nwε.”

³¹ Ɔ̀dam amu ɔ̀kplón wa amó bεε ɔ̀kpa ɔ̀nó bun. Táme belakplón dun alí bεε, “Aní Wíe, Dawid mu na, wun aní nwε!”

³² Múu Yesu lési lí, tí amú, ɔ̀efité amú ɔ̀béε, “Nto mlidéklé mlíaa, mbwée ha mlí?”

³³ Bebláa mu bεε, “Aní Wíe, ha aní awun ató.”

³⁴ Inu amú asún lówa Yesu nwε, ɔ̀ɔ̀pu mu ibí dada amú ansíbi. Inunu bowun ató, bekplá buo mu.

21

Bɔ̀ho Yesu Fé Owíe Yerusalem

(Marko 11:1-11; Luka 19:28-40; Yohane 12:12-19)

¹⁻² Bréá Yesu mva mu akasípó bebéen Yerusalem wúlu, beta Betfage wúlu ání ibu Nfɔ̀-nyíbu* ámu así wie tá á, ɔ̀ɔ̀wa mu akasípó abanyó gyankpá. Ɔ̀lebláa amú ɔ̀béε, “Mlɔ̀yɔ̀ wúlu anfi ida mlí ansító ánfiso. Ní mlówíe wúlu amu ɔ̀nó á, mlówun afrímú tsíhé ɔ̀koá ɔ̀da ɔ̀fétó, mu bi líí mu wá. Mlísanki mu, amlíkpa amú ba mi. ³ Ní ɔ̀ko ɔ̀fíté mlí asvanku á, mlíbla mu mlíaa, ‘Aní Wíe dé amú hián.’ Inunu ɔ̀béha mlípu amú ba mi.”

⁴ Iní léha Bulu asún ámuú ɔ̀leblí tson mu ɔ̀nósó ɔ̀ɔ̀pósu ámu léba mótó. Ɔ̀béε,

⁵ “Mlíbla Sionfɔ̀ mlíaa,

Mlíki, mlí Wíe ɔ̀bá mlí wá.

Ololwíí, ɔ̀din afrímúsó.

Ɔ̀din afrímú ibí yínhésó ɔ̀bá.”

⁶ Yesu akasípó abanyó ámu ɔ̀yɔ̀bwe alí ámuú Yesu lébláa amú ámu. ⁷ Bekpa afrímú mva mu bi ámu ba, beyaí amú atati dínká amúsó, ɔ̀ɔ̀du bian musu. ⁸ Ɔ̀dam kpɔ̀nkpɔ̀nkpɔ̀nti beyaí amú atati tswí ɔ̀kpatɔ̀, aku é bebiabía afitáa bunbun ɔ̀kpa ámu. ⁹ Ɔ̀dam amúú ɔ̀gya Yesu nkpa mva ɔ̀ma amu ɔ̀sɔ̀rá okitikíti bεε, “Hosiána há Dawid mu na ámu! Bulu oyúla owíe anfi ɔ̀bá mu dátó ánfí! Hosiána bu ɔ̀súsúbsú!”

¹⁰ Bréá Yesu lówie Yerusalem a, wúlu amuto féé lɔ̀da kpokiti, ɔ̀defité bεε, “Ma gyí ɔ̀há ánfí?”

¹¹ Ɔ̀dam amúú ɔ̀ubuo mu amu beε mú ɔ̀nó bεε, “Ɔ̀ni gyí Yesu, Bulu ɔ̀nósó ɔ̀ɔ̀pó amúú ɔ̀tsú Nasaret wúluá ibu Galilea ɔ̀mátó ámu ni.”

Yesu Bulu Ɔ̀tswékpa Yɔ̀

(Marko 11:15-19; Luka 19:45-48; Yohane 2:13-22)

¹² Múu Yesu lóyɔ̀ Bulu ɔ̀tswékpa wunsínésó inu, yégya ató afepú pú ató ahópu féé dali. Olowuwíta kóba atsépu mpónú dá, súnsúnki abróduma afepú é mbíá dá. ¹³ Ɔ̀lebláa amú ɔ̀béε, “Bɔ̀wanlín wá Bulu asún ámu ɔ̀bεε, ‘Béti mí ɔ̀tswékpa bεε, mpáí ɔ̀ɔ̀kpa.’ Táme mlílapú inu mlí awíkplu ɔ̀haínkpá.”

¹⁴ Ansíbi abwiepó pú abubúpu aku beba mu wá Bulu ɔ̀tswékpa wunsínésó inu, ɔ̀letsa amú ilɔ̀. ¹⁵ Bréá Bulu igyí ahapú dehen pú Mose mbíla asunápó amu bowun ofúla ání Yesu débwe, pú alíá nyebí ɔ̀deklón Bulu ɔ̀tswékpa wunsínésó inu bεε, “Hosiána há Dawid mu na ámu!” a, ɔ̀bló lekítá amú. ¹⁶ Mó su befité Yesu bεε, “Fɔ̀medénu asún ání nyebí ánfí ɔ̀deblí?”

* **21:1-2** Nfɔ̀-nyíbu igyí obubwí kuá ibu mantáa Yerusalem, ɔ̀betí mú Olífbu.

Yesu léle mú onó obée, “Ndenu. Mlumókókla asón ání Bulu asón wanlínhé amu léblí? Obée, ‘Fasúná nyebí pú amóá bwmókótun nyópu alá bukánfó fú.’”

17 Yesu lédalí wúlu amotó sí amó yó Betania. Inó òledí eke ámu ni.

Pòntò Oyí Lwí
(Marko 11:12-14, 20-24)

18 Gyí kèhè nyanki, bréá Yesu léyinkí obá Yerusalem a, akón de mu. 19 Mú su bréá olowun pòntò kuá ilí mantáa òkpa á, òlèbaí yó mú asi. Òlòyò á, omowun abí kòkò mótó, afitáa sósón bu mósó. Inu òlèbláa pòntò ámu obée, “Tsu nde foméetrá swie abí ekekeeke!” Inonu oyí ámu lówu.

20 Mu akasípú amu bowun alá oyí ámu labwé á, onó lobwie amó. Mú su befíté bée “Ntogyi só oyí ánfí lawú òtsáwòlè pé alí?”

21 Yesu lébláa amó obée, “Ònòkwali nde mli bláa. Ní mlòhò Bulu gyi, mlumégyi nwéen a, mlétalí bwé itó ánfí nabwé oyí ánfí pú múbá idon mú. Mlétalí bláa ibu ánfí mliáa, ‘Puli yowie òputò.’ Ibópulí yó. 22 Ní mlòhò Bulu gyi, mlókólí mu tógýtó á, mli ibi bédá mú.”

Yesu Túmí Iwí Asón Fitéhé
(Marko 11:27-33; Luka 20:1-8)

23 Yesu léyinkí bowie Bulu òtswékpa wunsinésú inu. Bréá òde ató suná á, Bulu igyi ahapó dehèn pú Yudafò ahande amu beba mu wá. Befíté mu bée, “Ma léha fú òkpa, fúde ntobí ánfí bwé? Ma léha fú túmí?”

24 Yesu léle mú onó obée, “Mí é nfíte mli ason kua kulè. Ní mlélé mú onó á, nébláa mli túmí oduá ndepòbwé ntobí ánfí. 25 Bulu wá Asú Òbòpú Yohane lénya túmí póbó ahá asú, ntée nyankpòsa?”

Amó wòlèwòlè bòyò asón ánfíto bée, “Ní ablí aniaa itsú Bulu wá á, obéfíté aní obée, mú ntogyi só anumóhò mu gyi? 26 Ntée ablí aniaa, anyánkpòsa wá itsú.” Táme bude tóá ahá tsòtsòtsò ámu bóbwe amó ifú nya. Tsúfè amó fée bohogyi ání Bulu onósó òtòípú Yohane gyí. 27 Mú su bele mú onó bée, “Ohwée! Animéyín òtínéá olenya mu túmí tsú.”

Múbú Yesu é lébláa amó obée, “Mómó mí é mméebhá mli túmí oduá ndepòbwé ntobí ánfí.”

Oyin Òkú Abi Anyò Iwí Yébi

28 “Mliyò asón ánfíto amlíki. Oyin òku muva mu abi anyò betsiá. Eke òku òlòyò yébláa òdéhèn obée, ‘Mí bí, nde yòyò agyómá mí ndòtò ha mi.’ 29 Òlèbláa mu sí obée, ‘Mmóyò.’ Mú òma a, òlèlatse mu agywun, yó ndò ámuotò. 30 Amó sí lénatí yó òkusú amu é wá yébláa mu alí kén. Òkusú amu lótsulá obée, ‘Mí sí, nòyò.’ Táme òmòyò.” 31 Inu Yesu léfíté ahá ámu obée, “Abi anyò ámuotò òmòmu lóbwe dínká mu sí asónsú?”

Yudafò igyi ahapó dehèn pú Yudafò ahande amu bebláa mu bée, “Òdéhèn amu.”

Múbú Yesu lébláa amó obée, “Ònòkwali nde mli bláa. Lampóo ahópu pú obu-onó atsiápú bówie Bulu iwíegyi ámuotò sí mli. 32 Tsúfè Asú Òbòpú Yohane lóbosuná mli tsiátó oduá ida òkpa Bulu ansító, táme mlumóhò mu gyi. Lampóo ahópu pú obu-onó atsiápú bòhò mu gyi. Òma mlilówun ání amó kóráá batse a, mli métse mli agywun hò mu gyi.

Apafò Laláhe Akv
(Marko 12:1-12; Luka 20:9-19)

33 “Mlinu yébi ikú é. Òdòtòpu òku lódò wán ndò. Olegyi iban bómlí mú. Olokwi wán amu onyimékpá. Òlòpwe obu fúáhé kv há ndò ámu agyópu.

Móú ɔ̀ɔ̀pɔ̀ ndɔ̀ ámu wá apafɔ̀ ɔ̀bitɔ̀, olotu ɔ̀kpa yó ɔ̀má ɔ̀kutɔ̀. ³⁴ Bréá wáin-abí amu kpɔ̀tíbi lɔ̀fɔ̀n a, ɔ̀ɔ̀wa mu asúmpú apafɔ̀ ámu wá ɔ̀béɛ, bɔ̀yóhɔ̀ mu ogyíkpa ba mu. ³⁵ Táme apafɔ̀ ámu bekítá amú, dá ɔ̀kɔ̀lɛ, mó ɔ̀kɔ̀lɛ, dá ɔ̀kɔ̀lɛ é abwi. ³⁶ Ndɔ̀ mu wie amu létrá wa mu asúmpú bámbá ání butso don agyankpaw amu. Apafɔ̀ ámu bɔ̀bwe amú é alí kén. ³⁷ Mó tráhe kóráá á, ɔ̀ɛblí ɔ̀béɛ, ‘Oo, bóbu mí bí kwíhé mú.’ Mó su ɔ̀ɔ̀wa mu é. ³⁸ Táme bréá apafɔ̀ ámu bowun mu bí ámu sísí á, bebláa aba bɛɛ, ‘Ŋni obégyi mu sí ató ní. Mliha amɔ̀ mu, méní ndɔ̀ ámu íbémlí aní klé.’ ³⁹ Mó su bekítá mu, bítia mu dáli ndɔ̀ ámuɔ̀ yómɔ̀ mu.”

⁴⁰ “Ní ndɔ̀ mu wie ɔ̀bá á, ntɔ̀ mlilahogyi mliaa, ɔ̀bɔ̀bwe apafɔ̀ ánfí?”

⁴¹ Yudafɔ̀ igyi ahapú dehen pú Yudafɔ̀ ahandɛ amu beɛ mú ɔ̀nɔ̀ bɛɛ, “Ŋbéha aha láláhe anfi bówu lowu sínsín, ɔ̀ɛlapú ndɔ̀ ámu wá apafɔ̀ bámbá ɔ̀bitɔ̀. Amóá bétsiá pú mu ató-abí ba mu mú kpɔ̀tíbi.”

⁴² Móú Yesu léfité amú ɔ̀béɛ, “Ntée mlímókókla Bulu ason wanlínhé amu kí? Bɔ̀wanlín bɛɛ,

‘Ibwi ámuú obu ayípu bekiná ámu

lébemlí okonkísóbwi ní.

Bulu lóɔ̀bwe mú alí.

Ibú wánwan.’

⁴³ “Mó su ndɛ mli bláa mbéɛ, Bulu ɔ̀bóhɔ̀ mu iwíegyi ámu lé mli ɔ̀bitɔ̀ póhá ɔ̀má ání bɔ̀bwe tɔ́á otekle.

⁴⁴ “Iní su ɔ̀há ání ɔ̀ɛdida ibwi ámu su obébiabía blúblúblúblú. Ní ibwi ámu isúnkí dá ɔ̀kɔ̀su é á, ɔ̀bókwe mu fíkófikófikó fɛ́ nfúó.†” ⁴⁵ Bréá Bulu igyi ahapú dehen pú Farisifɔ̀ ámu bonu Yesu ayébi anfi á, ɔ̀wankí amú ání amú ɔ̀ɛ. ⁴⁶ Teki bekleá bekítá mu, táme benya ifú, tsúfɛ ɔ̀ɔ̀m amu butobú Yesu ání Bulu ɔ̀nɔ̀sú ɔ̀tɔ̀ípú ogyi.

22

Ŋtsikpaín Iwi Yébi

(Luka 14:15-24)

¹⁻² Yesu létrá bláa Yudafɔ̀ igyi ahapú pú Yudafɔ̀ ahandɛ amu asún yébitɔ̀ ɔ̀béɛ, “Bulu iwíegyi ámu igyi fɛ́ asún ánfí. Owíe ɔ̀ku dé ɔ̀tsi kpaín há mu bí, ³ ɔ̀letí ahá ɔ̀béɛ, bɔ̀bá nke ámu asi. Bréá owíe ámu lóɔ̀bwe tá á, ɔ̀ɔ̀wa mu asúmpú ɔ̀béɛ, bɔ̀yéti ahá ámu abuba, táme bekiná bá. ⁴ Mó su ɔ̀ɛlawá mu asúmpú bámbá ɔ̀béɛ, ‘Mliitra yebláa ahá ámu mliaa, nabwé tógyító tá. Bamó mí nnantswie akpɔ̀nkpɔ̀nti ámu pú amóá bawá nfo, níná ató ámu fɛ́é tá. Mó su bɔ̀bá ɔ̀tsi ɔ̀kpaínkpá inu.’ ⁵ Táme ahá ámuú bɛyéti ámu bumekplá amú. Benatí sí amú yó amú agyómásó. Aku benatí yó amú ndɔ̀tɔ̀. Aku é benatí yó amú ibiá ogyíkpa. ⁶ Amú atráhe bekítá asúmpú amu, dá amú, mó amú. ⁷ Bréá owíe amu lónu asún ánfí á, ɔ̀blí lehié kítá mu. Mó su ɔ̀ɔ̀wa mu isá akɔ̀pú, bɔ̀yómɔ̀ ahá ámuú bɔ̀mɔ̀ mu asúmpú amu, wá amú wúlu ogyá. ⁸ Móú ɔ̀ɛbláa mu asúmpú bámbá ɔ̀béɛ, ‘Baníná ɔ̀tsikpaín atogyihe amu tá, táme ahá ámuú netí ámu bumɔ̀fɔ̀n ha mí wóyítɔ̀ ba. ⁹ Mó su mliwie awúluto, amliti ɔ̀hagyíɔ̀ha ání mlówun, ɔ̀ba ɔ̀tsi ɔ̀kpaínkpá inu.’ ¹⁰ Inu asúmpú amu bowie awúluto. Beti ɔ̀hagyíɔ̀ha ání bowun, aha wankláán pú aha láláhe fɛ́é. Mó su ahá bɔ̀bulá ɔ̀tsi ɔ̀kpaínkpá inu dédéédé.

¹¹ “Táme bréá owíe amu lébeki ahá ámuú batí ámu a, olowun oyin ɔ̀kúá ɔ̀mɔ̀wa ɔ̀tsikpaín nketɔ̀ atadiɛ. ¹² Móú ɔ̀ɛfité mu ɔ̀béɛ, ‘Agya, nkáli ɔ̀ɔ̀bwe fómɔ̀wa ɔ̀tsikpaín nketɔ̀ atadiɛ asa feba nfi?’ Oyín ámu métalí lé mú ɔ̀nɔ̀.

† 21:44 Mót yéé 44 uma nwló dáda amu akutɔ̀.

13 Múú owíe amu lélabláa mu asúmpú òbée, ‘Mlìkì mu ayabi pú mu ìbì, amlìtswì mu wa oklùn amòtò. Inó isú móa kpìsìì b̀u nì.’ ”

14 Yesu lómò mu asón onò òbée, “Bulu tetì ahá tsòtsòtso, támè ahá kpalobí pé otélé.”

Lampóoka

(Marko 12:13-17; Luka 20:20-26)

15 Farisifò ámu b̀yòb̀we onò-òkòlè aní b̀ététée Yesu onótò asón nú, abunya mu akítálé. 16 Mú su b̀owa amó akasípú pú Owíe Herode ahá Yesu wá b̀e b̀yéfíté mu b̀e, “Osunápó, anyin aní onòkwalìp̀u f̀ygi, f̀tòsúná Bulu asón ámu é onòkwalìs̀u. F̀utamahá ohaa otse f̀u agywun, tsúfè f̀utamakì ohaa ansító. 17 Mú su anidè f̀u fitè anu. Anì mbla léha òkpa aní akáa lampóo ha Roma owíe dehen Kaesare, ntée animáka?”

18 Támè Yesu lówun amó agywun laláhe amu. Mú su òlefíté amó òbée, “Apinabwebí abwepú, ntogyi só mlidè mí s̀ò kí? 19 Mlitsu kóba amó ò b̀tòpóká lampóo amu ìkò ba m̀i anki.”

B̀p̀p̀ba mu, 20 òlefíté amó òbée, “Ma nwun pú mu dá dín músó?”

21 Bèlè mú onò b̀e, “Kaesare.”

Múú òlebláa amó òbée, “Mómú mlìp̀u t́á igyi Kaesare klé ha Kaesare, amlìp̀u móa igyi Bulu klé é ha Bulu.”

22 Yesu mbuai anfi lób̀wie amó onò. Mú su benatí.

Kusò Tsú Afúlitò Iwì Asòn Fitéhé

(Marko 12:18-27; Luka 20:27-40)

23 Èkè ámu kén á, Sadukifò aku beba Yesu wá. B̀ygi òpasua kòá b̀tèblì b̀e, kusò tsú afúlitò má ìnu. Bèfité mu b̀e, 24 “Osunápó, Mose lówanlín tswì anì òbée, ‘Ní òkò mua mu ka b̀m̀òkwí asa olowu sí mu ka ámu a, mu pio otsú mu ka ámu tsia, f̀éki òkwì ha owupó ámu.’ 25 Oyin òkòlè abí abasiénò aku b̀etsiá. Amótò ogyankpap̀u létsiá òká, támè òm̀òkwí asa olowu. Mu pio lótsu òs̀rapuka amu tsia, 26 támè mu é òm̀òkwí. Osaasi lótsu otse ámu tsia. Mu é òm̀òkwí. Alu yótu osienósì amu. 27 Oma-oma a, òs̀rapu mu é lób̀owu. 28 Afúli òkòsókè a, amótò òm̀òmu òb̀òb̀we mu kulu? Tsúfè amó abasiénò ámu f̀éé b̀etsiá mu.”

29 Múú Yesu léle mú onò òbée, “Megyí mlì ológyi. Mlíméyín Bulu asòn wanlínhé amu ntée Bulu túmì. 30 Ní afúli b̀òkòsò á, b̀òb̀we fè Bulu-ab̀p̀u. B̀m̀éetsiá aká móa akúlu. 31 Mlímókókla asón aní Bulu onutò lébláa mlì tsú afúlikusò iwì? 32 Bulu asòn wanlínhé léblì òbée, ‘Mígyí mlì anáin Abraham mua Isak pú Yakob Bulu ámu nì.’ Inì su megyí awupó Bulu ógyi, akìankpap̀u Bulu ógyi.”

33 Bréá òd̀m amu bonu asón anfi á, mu atosunáhé anfi léha onò lob̀wie amó.

Bulu Mbla Amòtò Múd Idon

(Marko 12:28-34; Luka 10:25-28)

34 Bréá Farisifò bowun aní Yesu lalé Sadukifò ámu asón onò, asón lawú wá amó onò á, b̀ekpa aba ya Yesu wá. 35 Amótò òkòlèá ogyi mbla osunápó léfité Yesu asón, òp̀sò mu kí. 36 Òlefíté Yesu òbée, “Osunápó, Bulu mbla ámòtò m̀òmu d̀ón?”

37 Yesu lébláa mu òbée, “ ‘P̀u f̀u kl̀n, f̀u òkláa pú f̀u agywun f̀éé d̀we f̀u Wìe Bulu.’ 38 Inì gyí mbla ámòtò gyankpap̀u aní idon mú f̀éé ní. 39 Nyòòsì é igyi fè mú. ‘D̀we f̀u bá fè f̀u iwì.’ 40 Mose Mbla pú Bulu onósò atòip̀u amu atosunáhé f̀éé ìlú mbla anyò ánfìs̀u.”

Ma Gyí Kristo Amu?

(Marko 12:35-37; Luka 20:41-44)

⁴¹ Iníá Farisifó ámu bebefia sí bulí su á, Yesu léfité amó òbée, ⁴² “Nkálí mlídé Kristo, (òhá ámóú Bulu ladá mu ofúli amu) iwí gywíin? Ma mu na ní?”

Bébláa mu bee, “Owíe Dawid mu na ní.”

⁴³ Òlèlafité amó òbée, “Mú ntogyi só Òye Wankihé léha Owíe Dawid létu mu òbée ‘Mí Wíé?’ Tsúfé Owíe Dawid léblí òbée,

⁴⁴ ‘Aní Wíe Bulu lébláa mí Wíe òbée,

Tsia mí gyòpísu nfi

yófun bréá néha fètsatsáa fò alupósó?’

⁴⁵ Ní Owíe Dawid onutó létu òhá ánfí Bulu ladá ofúli anfi òbée, mu wie a, nkálí sú òtráa ogyi mu na?”

⁴⁶ Amótó òkòkò métalí lé mú ònó. Tsú eke ámu a, òhaa métrá wa klun fité mu asvansu.

23

Mose Mbla Asunápó Pó Farisifó Tsidító

(Marko 12:38-39; Luka 11:43, 46; 20:45-46)

¹ Asón ánfí òma a, Yesu lébláa òdam amu pó mu akasípó amu òbée, ² “Mose mbla Farisifó pó Mbla asunápó amu buadesuná. ³ Mú su mligyi amó ason blíhé féesó, táme mlimátsiá amó atsiábi. Tsúfé butamagyi amó onutó ason blíhésu. ⁴ Butápó ató dwindwín sóra ahá, táme amó onutó butamapó osrebi òkòle kóráá tsá amó tsu. ⁵ Butòbwé amó tógyító ahá ansísú. Butòwánlín Bulu asón dínká tati téihésu, pòklí amó òsukpí pó amó buna íbasu. Butòlò nfé tìntìntín síánsían amó atadié ònó. ⁶ Butekle otsiákpá yilé tsia nke ogyíkpá pó Yudafo Offiakpa. ⁷ Bedáli yo dínsu á, butekle bee ahá butíu amó bee, ‘Asunápó,’ abubun ha amó itsiá. ⁸ Mli fée á, apió mligyi. Mú su mlimáha abuti mlitò òhaa osunápó. Òbakòle pé gyí mli osunápó. ⁹ Alí kén mlimáti òhaa mli sí òsolóv anfisú ní. Tsúfé Òsí òkòle pé mlibu, òbu òsósú. ¹⁰ Tráhetráhe a, mlitò òhaa máha abuti mu nkpa ogyápu. Tsúfé nkpa ogyápu òkòle pé mlibu. Múgyí Kristo, (òhá ámóú Bulu ladá mu ofúli amu). ¹¹ Mlitò òhande òbwéé mli osúmpó. ¹² Tsúfé fúá fotsu iwí á, Bulu òbéba fu asi. Fúá feba iwiasí é á, Bulu òbótsu fu fúá.

Apinabwebí Abwepó

(Marko 12:40; Luka 11:39-42, 44, 52; 20:47)

¹³⁻¹⁴ “Mli Farisifó pó Mose mbla asunápó, apinabwebí abwepó, mligyòwí ní. Mlilatin Bulu iwíegyi ámu òkpa wá ahá. Mli onutó mlimédekléá mlówie unu, mlídé ahá ání bude mbódí bò bee bówie unu é òkpa tíin.*

¹⁵ “Mli Farisifó pó Mose mbla asunápó, apinabwebí abwepó, mligyòwí ní. Tsúfé mlitefá ilin fá òpu, dó íbu kplí íbu há òha tedámlí klòntò. Táme ní òdámli klòntò tá á, mlitelábwé mu otemlí ísobití ogyá ání ítamaduntò òyòpó òn mli onutó.

¹⁶ “Ansibi abwiepó ání mlídé ahá kpa, mligyòwí ní. Mliteblí mlihaa, ‘Ní òkò òká Bulu òtswékpa obu ámu ntam a, imehián ání obégyi músó. Táme ní òká sika pepe atóá íbu òtswékpa obuto unu mó ntam a, ilehián ání obégyi músó.’ ¹⁷ Ansibi abwiepó! Aha mimláhe! Mótó mòmò bu labi òn? Sika pepe ató ámu lóó, ntée Bulu òtswékpa obu ámóú ilahá sika ámu lamli Bulu

* **23:13-14** Mótó yée 14 bu nwóló dada amu akòtò: Mli Farisifó pó Mose mbla asunápó, apinabwebí abwepó, mligyòwí ní. Mlitebí ahátò bò mpáí tìntìntín, táme mlitòswíí asurapu amó wóyí pó amó ató fée é. Iní su Bulu òbébití mli ísu òn aha tráhe.

klé amv? ¹⁸ Ml̄tetráa bl̄i ml̄iaa, ‘Ní òkv òká af̄òdīe-asubwi n̄tam a, imehián aní obégyi mósú. Táme ní òká af̄òdīe-abòtò ámv n̄tam mú á, ilehián aní obégyi mósú.’ ¹⁹ Ansibi abwiepó! Mótó m̄m̄v bv labi ðvn? Af̄òdīe-abòtò ámv nté̄e af̄òdīe-asubwi ámvò ilahá mú ilaml̄i Bulu klé amv? ²⁰ Ní feká af̄òdīe-asubwi amv n̄tam a, faká ibwi ámv pú atóá id̄in mósú f̄é̄é n̄tam. ²¹ Ní feká Bulu òtswékpa amv n̄tam a, faká Bulu m̄va m̄v otsiákpá n̄tam. ²² Ní feká òsósú n̄tam a, faká Bulu m̄va m̄v owíe obiá n̄tam.

²³ “Ml̄i Farisifò pò Mose mb̄la asunápò, apinabwēb̄i abwepò, ml̄igyōw̄i ní. Ml̄iteye ml̄i òtsòtsú pò kp̄ántánkplámá aná f̄é̄étò id̄ú, pú id̄úsí há Bulu. Táme ml̄imédé Bulu mb̄la ámvò ihíe dehián, igyi asóngyí òn̄kwah̄isv, aba nwewúun pò òn̄kwah̄iwa ámv̄sv gyi. Múdéhíán ní, tám̄e ml̄imákiná iyétò dúsi amv é ha. ²⁴ Ansibi abwiepò aní ml̄idé ahá kpa, ml̄igyōw̄i ní. Ml̄itòtsrò mbépi lé oputsútò, tám̄e ml̄itemé mbéwun.

²⁵ “Ml̄i Farisifò pò Mose mb̄la asunápò, apinabwēb̄i abwepò, ml̄igyōw̄i ní. Tsúf̄é ml̄itòfw̄i ml̄i nwe pò ml̄i n̄l̄epe òma wankl̄áán, tám̄e atóá ml̄ilapò owi móa ònsipe sw̄í ahá s̄ón bv mótò. ²⁶ Farisifò ansibi abwiepò, ml̄igyankpa fw̄i nwe móa n̄l̄epe ámv̄tò, mú òma é b̄étun.

²⁷ “Ml̄i Farisifò pò Mose mb̄la asunápò, apinabwēb̄i abwepò, ml̄igyōw̄i ní. Ml̄ilabwé f̄é n̄tsán aní bakpá mú af̄á futútúútú, mú iw̄i lawá ak̄il̄e. Táme mótò mú á, af̄úli awú pú atò pl̄óhé s̄ón bó mú. ²⁸ Al̄i kén ml̄igyí ní. Ahá b̄uteki ml̄i aní ml̄igyí yil̄é abwepò. Táme ml̄i kl̄ontò mú á, apinabwēb̄ibwē móa lalaheb̄wē s̄ón bó mú.

Bulu Isobití
(Luka 11:47-51)

²⁹⁻³⁰ “Ml̄i Farisifò pò Mose mb̄la asunápò, apinabwēb̄i abwepò, ml̄igyōw̄i ní. Tsúf̄é ml̄it̄pwé Bulu òn̄sòs atóipò pú yil̄é abwepò ámvò betsiá ámv n̄tsán, lá mú iw̄i wankl̄áán, bl̄i ml̄iaa, ‘Ní anl̄étsiá an̄i anáin br̄ésú asa b̄om̄o Bulu òn̄sòs atóipò anfi á, tek̄i animówa ibi mótò.’ ³¹ Ml̄i asv̄n bl̄íhé anfi d̄ésuná aní ml̄igyí Bulu òn̄sòs atóipò ámv̄pò ámv abí-aná ní. ³² Ml̄iwuna yò mósú, aml̄im̄o ml̄i anáin bwehé ámv òn̄o. ³³ Awò, abe abí-aná! Ml̄étalí sr̄i sí ip̄ón ámvò Bulu òb̄éha ml̄i, kpá ml̄i wá isobití ogyá ámvò itamaduntò ámv? ³⁴ Mú sv̄ nde Bulu òn̄sòs atóipò, anyansapv̄ pú Mose mb̄la asunápò wa sísi ml̄i. Táme ml̄óm̄o akv̄, dá amótò akv̄ mántá oyikpalíh̄esv̄. Ml̄ónw̄en amótò akv̄ mpl̄i ml̄i ofiakpa, d̄inká akv̄sv̄ tsú awúlusv̄ yò awúlusv̄. ³⁵ In̄i sv̄ yil̄é abwepò ámvò ml̄ia ml̄i anáin ml̄ilámò tsú Habelsv̄ b̄ofv̄n Sakaria, ogyi Barakia m̄v bi ámvò ml̄ilóm̄o Bulu òtswékpa obu móa af̄òdīe-asubwi amv n̄siné ámv f̄é̄e obugya b̄éba ml̄isv̄. ³⁶ Òn̄kwah̄i nde ml̄i bl̄áa. In̄i aná f̄é̄e sv̄ Bulu isobití b̄éba ml̄i ndemba-abí ánfisv̄ ní.

Yerusalemfò Iw̄i Òdwe
(Luka 13:34-35)

³⁷ “Oo Yerusalemfò, Yerusalemfò! Ml̄itómò Bulu òn̄sòs atóipò, dá abí aní Bulu lawá sísi ml̄i abwi mó ní. Ntekleá nóbun ml̄i abísò brégyíbr̄é, f̄é al̄á bate tobun m̄v abísò, tám̄e ml̄itamahá mí òkpa. ³⁸ Ml̄iki, Bulu obési ml̄i òtswékpa tsw̄i ml̄i, ib̄édīi kpan. ³⁹ Tsúf̄é nde ml̄i bl̄áa mb̄é̄e, ml̄im̄éetrá wun m̄i ekekekeke, yóf̄v̄n ekeá ml̄ébl̄i ml̄iaa, ‘Bulu oyúla òhá ámvò òbá m̄v id̄átò.’ ámv.”

24

Bulu Òtswékpa Amv Bwie
(Marko 13:1-2; Luka 21:5-6)

1 Bréá Yesu lédalí Bulu ɔtswékpa inu ɔyó á, mu akasípó amu benatí yótu mu, súná mu ɔtswékpa inu mbu ámu. 2 Múó ɔlebláa amú ɔbéé, “Mlilawun mbu akpɔnkpɔnkpɔnti ánfí fée? Ɔnɔkwali nde mli bláa. Bóbwie mú fée bun. Ibwí kɔle kóráá méesian dínká mú básó.”

Iwɔsin Múa Ikplán

(Marko 13:3-13; Luka 21:7-19)

3 Bréá Yesu tsie Nfɔ-nyíbu ámuɔv, ɔde Bulu ɔtswékpa amu kí a, mu akasípó amu nkɔle befité mu beé, “Bla aní, bré mɔmɔto íní fée béba? Osúna mɔmɔ é ɔbéba, íbósuná aní fò bábi pò ɔyí ɔnómáké lafun?”

4 Inu Yesu léle mú ɔnó ɔbéé, “Mlíki wankláán, méní ɔhaa méemlé mli. 5 Tsúfě ahá tsɔtsɔtsɔ bópɔ mí dá ba beé, amúgyí Kristo, (ɔhá amúó Bulu ladá mu ofúli amu) ní. Bémlé ahá tsɔtsɔtsɔ bófwi ɔkpa. 6 Ní mlonúá isá ladá mantáa mli ntée ɔtnekú á, opúni mátsíí mli. Tsúfě lehián aní íní aná fée béba, táme imedésuná aní ɔyí ɔnómáké ámu lafun. 7 Tsúfě ɔmá bókɔ aba. Awíe bókɔsú líí abasv. Akón béba, ɔsolúv békpinkí ntíné-ntíné. 8 Iní fée igyi fě iwɔsin aní ɔtsi towun bréá ikwí de mu dwiín.

9 “Alí bré ámɔto á, mí sv ɔmá-ɔmá bólu mli. Bédínká mli sv, pú mli há bówa mli amumɔyɔ, mó mli. 10 Mlíto ahá tsɔtsɔtsɔ bédúda hógýito. Bólu aba, lé aba há. 11 Afunu awapó beblí beé, Bulu ɔnósú atópɔ bgyi tsɔtsɔtsɔ béba bemlé ahá tsɔtsɔtsɔ, há amú bófwi ɔkpa. 12 Lalahébwé bómoní. Mú sv ahá tsɔtsɔtsɔ buméétrá dwe aba. 13 Táme ɔhá aní ɔletalí líí kínkínkin yófun ɔyí ɔnómáké á, Bulu ɔbóho mu nkpa. 14 Mú óó á, ahá béda Bulu iwíegýí ámu iwí asv wankláán ánfí ɔkan ɔyító fée, méní ahá fée bónu mú, asa ɔyí íbómó ɔnó.

Iwɔsin Wúunbí

(Marko 13:14-23; Luka 21:20-24)

15 “Ní mlowun akisítá itobwíé ɔmá, ida Ɔwankíkpá inu, ide Bulu ɔtswékpa inu kpáí, fě alíá Bulu ɔnósú ɔtópɔ Daniel lébli tswí a, —Aklápu, mlinu mú así!— 16 mómú ahá aní búbu Yudea ɔmátó busrí yɔ abusv. 17 Ɔhá aní ɔdin obusv mákpli ɔbéé, moyótsu tɔto obuto. 18 Ɔhá aní ɔbu ndɔto é ɔmá yinkí ba wóyító bɔtsu mu tati. 19 Amenyapó pú abí-ayín aní búpia abi bóbwe alí bré ámɔto, bgyíwí ní. 20 Mlíkokoli Bulu mliáa, mli ɔsríké amu imábwe nyankpɔv múa atsalíbí ntée ɔkpónú ɔdaké. 21 Tsúfě tsú ɔyí asítsuábi a, asv wunhe aní íbéba alí bré ámɔto odu kɔkú mókúba kí. Mú odu kɔkú é méétrá ba ekekeke. 22 Ní Bulu médínkí nke ámu sv á, tɔkí ɔhaa méesian ɔyító. Táme ahá amúó alalé póbwé mu kle amu sv aladínkí nke ámu sv.

23 “Alí bré ámɔto á, ní ɔku lébláa fɔ ɔbéé, ‘Kí, Kristo, (ɔhá amúó Bulu ladá mu ofúli amu) bu nfi ntée nána’ á, máhogyi. 24 Tsúfě ahá aní beé amúgyí Kristo amu pú ahá aní bówa afunu beé, Bulu ɔnósú atópɔ bgyi tsɔtsɔtsɔ béba ɔyító. Bóbwe ofúla pú osúna akpɔnkpɔnti pómle ahá. Ní bétalí kóráá á, bémlé ahá amúó Bulu lalé ámu é. 25 Mlinu, nde mli ɔlá da yáí asa íba.

26 “Ní ɔku ɔbláa mli ɔbéé, ‘Kí, Kristo amu laba ɔbu dimbísó’ a, mli mádalí yéki. Alí kén ní beblí beé, ‘Ɔbu obutótó’ é mli máhogyi ní. 27 Tsúfě mí, Nyankpɔsa-Mv-Bi ánfí ɔbáke íbóbwe fě alí amúó nyankpɔv tɔfwí íbi, bútowun mú tsú owí ɔdalíkpa yédalí owí ɔkplíwíékpá amu.

28 “Ɔtínéá ito wuhé da a, inó alása bútefia.

Nyankpɔsa-Mv-Bi Amv Ibábi

(Marko 13:24-27; Luka 21:25-28)

29 “Iwɔsin wúun amu ɔma a, owí ɔbéta, ɔtsra é ɔméétrá fěí. Ntsrakpabi békpa tsú ɔsósú beda. Nwolótáa múa mútó ató fée békpinkí. 30 Mú ɔma

a, mlówwun mí, Nyankpɔsa-Mv-Bi ánfɪ ɪbá ɪwɪ osúna ɔsósú. Ɔyító ahá fée bósu. Ɔhagyíɔha obówwun ání mí, Nyankpɔsa-Mv-Bi ánfɪ napú túmí móa numnyam kpɔnkpɔntɪ mbu nwwólótáatɔ tsú ɔsósú nebá. ³¹ Inu á, ɔkpe ku ɪbélɪn kóklókúbú, Bulu ɔbówa mu abɔpu béyɛkpa mu ahá ámúbú alalé ámu tsú ɔyí afunka ana ámu féesú.

Ɔyí Ɔnómɔ ɪwɪ Osúna

(Marko 13:28-31; Luka 21:29-33)

³² “Mlɪpɔkɪ pɔntɔ oyí. Ní mó abámbi dɛpɔí, ɪde ate pɔpwe le á, mlɪtɛbí ání awikpan bré lafon. ³³ Alɪ kén, ní mlowun ání ntobí ánfɪ fée ɪde mótó bá a, mlɛbí ání mí, Nyankpɔsa-Mv-Bi ánfɪ ɪbábɪ lafon ta ní. Nawíé wóyí ámu ɔnó tá. ³⁴ Ɔnɔkwali ndɛ mlɪ bláa mbée, ndɛmba-abí ánfɪ fée bɔmóowu tá asa ɪní fée béba mótó. ³⁵ Ɔsú móa asɪ fée bótsɔn, táme mí asɔn blíhé móɔtsɔn ekekekeke.

Nyankpɔsa-Mv-Bi Ámu Ɔbáke

(Marko 13:32-37; Luka 17:26-30, 34-36)

³⁶ “Ɔhaa méyɪn eke ntée bréá ntobí ánfɪ fée ɪbéba. Bulu-abɔpu bomeyɪn. Bulu mu Bi ámu é méyɪn, nkétɪ anɪ Sí ámúbú ɔbɔ ɔsósú ámu nkɔle pé yin. ³⁷ Alɪ ámúbú ilegyi Noa brésú ámu a, alɪ ɪbégyi mí, Nyankpɔsa-Mv-Bi ánfɪ é ɪbábɪ nɪ. ³⁸ Tsúfée asa ntsubólábɪ ámu lafon a, ahá betsiá búde ató gyí, búde ntá núu, búde aká tsiá, búde atsi kítá há akúlu alu yófon ekeá Noa lówie mu dáka kpɔnkpɔnkpɔntɪ ámɔtɔ. ³⁹ Ɔhaa mébɪ tóá ɪde mósú yɔ, kpéfɔn bréá ntsu ámu lɔbólá sórá ámu fée náti. Alɪ kén bɔméebi mí, Nyankpɔsa-Mv-Bi ánfɪ ɪbábɪ nɪ. ⁴⁰ Alɪ bré ámɔtɔ á, ní ayin abanyó bulú ndɔ kɔletɔ búde agyómá yɔ á, Bulu obótsu ɔkɔle sí ɔkɔle. ⁴¹ Ní atsi abanyó búde nfúó kwe á, Bulu obótsu ɔkɔle sí ɔkɔle.

⁴² “Mlɪdɪnka ansí ɪwɪsɔ, tsúfée mlɪméyɪn ekeá mlɪ Wíe ɔbéba. ⁴³ Táme mlɪnu asón ánfɪ. Ní wóyí mu wie yin onyé bréá owikplu ɔbéba mu wóyító a, tekɪ ologyo mu wóyí, owikplu móbwie wíé, wí mu ató. ⁴⁴ Mó sɔ mlɪ é mlɪgyo, tsúfée mí, Nyankpɔsa-Mv-Bi ánfɪ néba bréá mlɪ ansí medín mísú.

Osúmpú Wankláán Pó Ɔlaláhe

(Luka 12:41-48)

⁴⁵ “Ma mɛe gyí osúmpúá ɔletɔn ansí, ɔbɔ ɔnɔkwali? Mu ɪbitɔ mu wie tɔpó mu aba atráhe wá, ɔbéé ɔhá ámu atogyihe dɪnka brésú. ⁴⁶ Ansí bégyi osúmpú ámu, ní mu wie ámu ɔbá bowun ání lélé ɔde mó bwɛ. ⁴⁷ Ɔnɔkwali ndɛ mlɪ bláa. Mu wie ámu ɔbɔpu mu ató fée wá mu ɪbitɔ. ⁴⁸ Táme ní osúmpú laláhe ogyi, ɔleblí wá nwuntɔ ɔbéé, ‘Mí wie méeba séi.’ ⁴⁹ Inɪ sɔ olefi asɪ ɔde mu aba asúmpú da, mu ntá abɔpú búde ató gyí sí ámu, búde ntá núu bu á, ⁵⁰ mu wie ámu ɔbéba bófwie mɔtɔ ekeá ɔmedín ansí. ⁵¹ Mu wie ámu ɔbéhe títi mɔtɔ, trá bití mu apinabwebífo ámu asɔ kékée. Inú isú móa kpisií bu nɪ.

25

Mbitebí Dú Akɔ ɪwɪ Yébi

¹ “Bulu ɪwíegyi ámu ɪbóbwe fé mbitebí dú akɔá botsu ámu nkandíe dálɪ beyéfiá ɔká pɔpwe otsiápu ɔkɔ. ² Amótó abanú bemimláa, abanú é betɪn ansí. ³ Aha mimláhe ámu botsu ámu nkandíe, táme bɔmotsu nfɔ kɔkɔ kítá. ⁴ Táme atiansɪpu ámu botsu nfɔ wá atótó kítá. ⁵ Ɔká otsiápu ámu mókɔsí ba. Mó sɔ mbitebí ámu fée bɔgyɔsí, tsɔn mótó dídi.

⁶ “Ɔyí-nsɪné á, ɔkɔ lósvrá okitikítɪ ɔbéé, ‘Anɪ pi, ɔká otsiápu ámu ɔbá o! Mlɪdalɪ yefia mu!’ ⁷ Inu mbitebí ámu fée bɔkɔsɔ nywé ámu nkandíe. ⁸ Aha mimláhe ámu bebláa atiansɪpu ámu beɛ, ‘Anɪ nkandíe dedúun. Mó sɔ mlɪha

anị nfo kpalobi awa anị kletọ.’ 9 Múú atiansipụ amụ bebláa amú beε, ‘O-o, imot̄s. Imot̄sfun ania mlinyo. Mliȳo afeput̄ wá, amliȳoḥo mli klé.’ 10 Bréá aha mimláhe amụ b̄opu okpa b̄oyó á, oká otsiápu amụ léba. Amú amúú b̄eda iw̄is̄u amụ bobuo oká otsiápu amụ wíé oká otsiákpá inu, oyin amụ asúmpú befin obu amụ.

11 “Mú oma a, mbitebí atráhe amụ é beba belí klun oma, blí beε, ‘Ani sí, finki ha anị awie.’ 12 Táme oká otsiápu amụ lébláa amú obéε, ‘Onokwali nde mli bláa, mmeyín mli okpagyíokpasu.’ ”

13 Yesu lóm̄o mú onó obéε, “Inu so mlida iw̄is̄u, tsúfé mí, Nyankp̄usa-Mu-Bi ánf̄i néba bréá mli ansí medín m̄is̄o.

Asúmpú Abasá Iw̄i Yébi

(Luka 19:11-27)

14 “Nyankp̄usa-Mu-Bi amụ ibábi bóbwe fé okvá oḍe okpa tu, oleti mu asúmpú, ye mu ató há amú obéε, buki m̄osú yaí mu. 15 Ol̄opu sika pep̄e akente anu há okule, pú akente anyo há onȳoasi, ol̄opu kente kole é há osaasi. Oleha okugyíok̄u mu ow̄onlín onó asa oḗenatí. 16 Osúmpú amúú olenya akente anu amụ lówa oṣa pú kóba amụ fi ibiágyí asi. Mú su im̄owa opá k̄uku, olenya akente anu dínká m̄osú. 17 Onȳoasi amụ é lédamlí ibi mu sika pep̄e akente anyo am̄usu ali kén. Mú su olenya akente anyo dínká m̄osú. 18 Táme oṣaasi amúú olenya kente kole amụ mú lóyókwi obó, pú mu wie sika pep̄e amụ n̄j̄áin m̄ot̄s.

19 “Īowa opá asa amú wíε amụ lótsu mu okpa amụ ba, oleti amú obéε, muva amónȳo bóbhu akúnta. 20 Osúmpú amúú olenya sika pep̄e akente anu amụ lótsu m̄oá m̄osú oḗdínka akente anu amụ ba mu wie, bebláa mu obéε, ‘Mí wíé, feha mí sika pep̄e akente anu. Mí é nanyá akente anu dínká m̄osú. Mú ní.’ 21 Mu wie amụ léda mu ipán, blí obéε, ‘Fabwé ató. Osúmpú wankl̄áán f̄ogyi. Inúá fawá onokwali ató t̄úkúríibi ánf̄it̄o su á, n̄p̄u f̄o yáí mí ató tsot̄soḗts̄o onó. Ba afobetsiá mí wá, anya ansigyí.’

22 “Osúmpú onȳoasi amúú olenya sika pep̄e akente anyo amụ é lébláa mu wie obéε, ‘Mí wíé, sika pep̄e akente anyo feha mí. Mí é nanyá anyo dínká m̄osú. Mú ní.’ 23 Mu wie amụ léda mu ipán, blí obéε, ‘Fabwé ató. Osúmpú onokwalip̄u f̄ogyi. Inúá fawá onokwali ató t̄úkúríibi ánf̄it̄o su á, n̄p̄u f̄o yáí mí ató tsot̄soḗts̄o onó. Ba afobetsiá mí wá, anya ansigyí.’

24 “Múú osúmpú amúú olenya sika pep̄e kente kole amụ é lébebláa mu wie obéε, ‘Mí wíé, nyin aní f̄o asún bu onlun. Fot̄okp̄otí ató ot̄ínéá f̄omod̄u; fot̄ekp̄á ató-abí ot̄ínéá f̄omefitá. 25 Mú su n̄nya ifú pú f̄o sika pep̄e amụ n̄j̄áin obót̄o. Mú ní, h̄o f̄o ató.’

26 “Inu mu wie amụ lébláa mu obéε, ‘Osúmpú laláhe, ow̄ol̄iȳopú f̄ogyi. F̄oyin aní nt̄okp̄otí ató ot̄ínéá mm̄odu, ntekp̄á ató-abí ot̄ínéá mm̄efitá ató.

27 Inúá f̄oyin mú ali á, tek̄i f̄opu yótswi sika oyaikp̄á. Inúá naba a, tek̄i n̄oȳoḥo m̄oá m̄osú akente.’ 28 Múú oyin amụ lébláa mu asúmpú amụ obéε, ‘Mlis̄wu mu sika pep̄e kente kole amụ ha om̄vamóú alanyá akente idú amụ. 29 Tsúfé oḗhá aní oḗu tsot̄so á, beṣrá pu iku tsia m̄ot̄s há mu, obénya tsot̄soḗts̄o. Táme oḗhá aní oma á, b̄oswí mu kp̄alobíbiá oḗu, 30 aml̄it̄swi osúmpú anfi oma labi ánf̄i wa okl̄unt̄o. Inú isú m̄oá kp̄isii bu ni.’

Asóngyí

31 “Ní mí, Nyankp̄usa-Mu-Bi ánf̄i néba mí iw̄ie ogyík̄pá, Bulu-ab̄opu féé bubuo mi á, nétsiá mí oṣosú numnyam owie obiású. 32 Békpa oyt̄s̄ ahá féé befia mí ansít̄o. Inu nót̄osí amót̄s, fé alhá mbw̄i okpapú tot̄osí akúfa lé akpalát̄o. 33 F̄owun nahá akúfa amụ balí mí gȳoṣis̄u, akpaláa amụ é balí

mí binasv. ³⁴ Inu mí ánfí ngýi Owíe anfi nébláa ahá ámóú bolú mí gyɔpɩsv ámv mbéé, ‘Mli ahá ánfí mí Sí layúlá ánfí mliba, amlibetsiá iwíegýí ámóú ɔleyáí há mli tsú ɔyí asitsuábí ɔpá ámɔtɔ. ³⁵ Tsúfí akón lekítá mí á, mliléha mí ató negýi. ɔmewólí lekítá mí, mliléha mí ntsu nonu. Nɔbwe ɔfɔ́, mliólhɔ mí ɔfɔ́. ³⁶ Nenatí yayá, mliléha mí tati nedidá. Nɔlɔ, mlilékí mí. Nedi obu, mlilébá beki mí.’

³⁷ “Inu yilé abwepó ámv béfité mí beé, ‘Ani Wíé, ɔmenke anilówun ání akón de fú, aniléha fú ató fegýi? ɔmewólí de fú, aniléha fú ntsu fonu? ³⁸ Fɔbwe ɔfɔ́, anilólhɔ fú ɔfɔ́? ɔmenke fenatí yayá, aniléha fú tati fedidá? ³⁹ ɔmenke fɔlɔ, ntéé fedí obu, anilébá beki fú?’

⁴⁰ “Inu mí ánfí ngýi Owíe ánfí nébláa amó mbéé, ‘ɔnɔkwali nde mli bláa. Tógyítá mliólbwé há mí apíó ánfí ahá butamabú amó wá ahátɔ ánfítɔ ɔkɔ á, mí mliólbwé mó há á.’

⁴¹ “Inu nébláa ahá ámóú bolú mí binasv ámv é mbéé, ‘Mlikpɔkpe tei nfi. Bulu lalwí mli. Mliyɔ ogyá ámóú itamadun, Bulu lélayáí há ɔbunsám móa mv abɔpv amɔtɔ. ⁴² Tsúfí akón lekítá mí, mlioméha mí atogyihe. ɔmewólí lekítá mí, mlioméha mí ntsu annu. ⁴³ Nɔbwe ɔfɔ́, mliólhɔ mí ɔfɔ́. Nenatí yayá, mlioméha mí tati andida. Nɔlɔ, nedi obu; mlioméki mí.’

⁴⁴ “Inu amó é béfité mí beé, ‘Ani Wíé, ɔmenke anilówun ání akón de fú, ɔmewólí de fú, fugýi ɔfɔ́, fona yayá, fɔdelɔ ntéé fuda obu; animébeke fú?’

⁴⁵ Inu mí ánfí ngýi Owíe anfi nébláa amó mbéé, ‘ɔnɔkwali nde mli bláa. Ali ámóú mliólbwé mó há mí apíó ánfí ahá butamabú amó wá ahátɔ ánfítɔ ɔkɔ á, mí mliólbwé há á.’ ⁴⁶ Bulu ɔbéha amó bóyɔ iwɔɔsv aní itamatátɔ, táme yilé abwepó ámv mó bénya nkpa aní itamatá.”

26

Bekiklí Yesu Nwunsv

(Marko 14:1-2; Luka 22:1-2; Yohane 11:45-53)

¹ Bréá Yesu lósuná ató ánfí fíé tá á, ɔlebláa mv akasípó amv ɔbéé, ² “Mliyin ání lasí nkenyó bégyi Israelfɔsv Katsɔn Nke. Nke ámɔtɔ á, ɔkɔ ɔbɔpv mí, Nyankpɔsa-Mv-Bi ánfí wá mí alupó ibitɔ, béda mí mántá oyikpalíhesv.”

³⁻⁴ Ali bré ámɔtɔ á, Yudafo Bulu igýí ahapó dehen pó amó ahande befia igýí ɔhapó dehen Kaiafa wóyítɔ, kítá agywun ɔkpa aní bótsɔn músú kítá Yesu nǎintɔ, mó mv. ⁵ Táme beblí beé bumólbwé mó nke ámɔtɔ, ménú kpokiti mééda ɔmá ámɔtɔ.

Ofobí Fánfánfán Pwólí Yesu

(Marko 14:3-9; Yohane 12:1-8)

⁶ Bréá Yesu bv Betania wúlutɔ, Simon ɔkúá alaló ilɔ pepe kí wóyítɔ ɔde ató gyí a, ⁷ ɔtsi ɔkɔ léba mv wá. ɔde prentwa wankláán kúá ofobí fánfán ání ibu bíá bɔ mó, ɔletséi ofobí ámv wólí Yesu nwuntɔ. ⁸ Yesu akasípó amv benya ɔblɔ bréá bowun ínu. Mó sv befíté beé, “Ntogýi só ɔtsi ánfí layíntá ofobí fánfán ánfí? ⁹ Abétalí fé mó íbíá kpékplé, pú kóba amv há ahiánfɔ.”

¹⁰ Yesu lébɔ aní ɔblɔ lakítá amó. Mó sv ɔlebláa amó ɔbéé, “Ntogýi só mli dé mv háan? Itɔ yilé alabwé há mí. ¹¹ Ahiánfɔ bétsiá mliɔ ekekegyíeke, táme mí mó mméetsiá mli wá yó. ¹² Alatséi ofobí fánfán ánfí wólí mí, púlá mí ɔyólób yáí há mí opuláké. ¹³ ɔnɔkwali nde mli bláa. ɔyítɔ ɔtínegýíótínéá béda Bulu asun wankláán ámv ɔkan a, beblí tó ánfí ɔtsi ánfí labwé ánfí púkáín musv.”

Yuda Iskariot Lótsulá Aní ɔbéle Yesu Há

(Marko 14:10; Luka 22:3-6)

¹⁴ Mú ɔma a, mu akasípó dúanyɔ ámuɔ ɔkwa bɔtɛtí mu Yuda Iskariot lɔyɔ Bulu igyí ahapó dehen amu wá. ¹⁵ Ɔleyéfité amú ɔbéé, “Ní nelé Yesu há mli á, ntɔ mléha mí?” Mú sɔ bekla sika futútú advasa (30) wá mu ibiɔ. ¹⁶ Tsú bré ámuɔ ɔlɔwa ɔkpa dunká ání ɔbɔtsɔn mósú lé Yesu há amó.

Katsɔn Atogyihe Gyi

(Marko 14:12-21; Luka 22:7-14, 21-23; Yohane 13:21-30)

¹⁷ Israelfɔ Bodobodo Mátúhénke ámuɔ eke gyankpavɔ a, akasípó amu beba Yesu wá befité mu beɛ, “Ani Wié, obu mɔmɔtɔ ayela ha fu, afugyi Israelfɔsɔ Katsɔn Nke atogyihe amu?”

¹⁸ Yesu lébláa amú ɔbéé, “Mliyɔ asímasi wá wúluto, amliyébláa mu mliha, ‘Osunápó amu ɔbéé, mí bré lafɔn. Inɔ sɔ mía mí akasípó abá begyi Israelfɔsɔ Katsɔn Nke ámu fú wóyító.’ ”

¹⁹ Mú sɔ akasípó amu bɔyɔbwe alɔ ámuú Yesu lébláa amú ámu pépéépé. Bela obu ámuɔ, bɔwé Katsɔn Nketɔ atogyihe amu yáí mu.

²⁰ Bréá nsantɔ deklúun a, Yesu muva mu akasípó beba betsiá ɔpónú ámu asi. ²¹ Ató ámu ogyíkpa a, Yesu lébláa amú ɔbéé, “Ɔnɔkwali nde mli bláa, mliɔ ɔkɔle ɔbéle mí há.”

²² Asón ánfɔ léhie han akasípó amu. Mú sɔ befi asi buɔde mu fité kɔlekɔle beɛ, “Mí Wié, mí ní lóó?”

²³ Yesu lébláa amú ɔbéé, “Ɔhá ámuú mía mɔnyɔ anidé ibi wa ɔlepe ɔkɔleto ámu ɔbéle mí há. ²⁴ Mí, Nyankpɔsa-Mu-Bi ánfɔ níwúwú fé alíá bɔwanlín tswí, táme ɔhá ámuú ɔbéle mí há ámu ɔgyɔwí ní. Ní bɔmetepí kwí mu kóráá á, tekɔ ibi alé há mu.”

²⁵ Yuda Iskariot amú ɔlele mu há ámu é léfité mu ɔbéé, “Osunápó, mí ní lóó?” Mú Yesu lébláa mu ɔbéé, “Ee, fablí.”

Yesu Ntɔpwe Atogyihe Tráhe

(Marko 14:22-26; Luka 22:14-20; 1 Korintofɔ 11:23-25)

²⁶ Bréá buɔde ató ámu gyí a, Yesu léle bodobodo ipín, ɔleɔda Bulu ipán, bíabía mótɔ púhá mu akasípó amu, blí ɔbéé, “Mliha amligyí. Mí ɔyólúu nɔ.”

²⁷ Inu olotsu ntá-ewe, ɔleɔda Bulu ipán, púhá amú ɔbéé, “Mli féé mliho amlinu. ²⁸ Mí obugya nɔ. Mú Bulu dépɔsí mu ntam* ání alaká há ahásv ní. Bétseí mú wólí asi, ménɔ obési ahá tsɔtsɔtsɔ lakpan kíé amó. ²⁹ Nde mli bláa mbéé, mméetrá nu wáin-abí ntá ánfɔ alu yófɔn ekeá mía mliho abélanu mú pópwe mí Sí iwégyí ámuɔ.”

³⁰ Benya wá ibɔ dá Bulu ipán tá alɔ, benatí yó Nfɔ-nyíbu ámuɔv.

Petro Ɔbɔswí Ɔbéé Mɔmeyín Yesu

(Marko 14:27-31; Luka 22:31-34; Yohane 13:36-38)

³¹ Bréá bowie Nfɔ-nyíbu ámuɔv á, Yesu lébláa amú ɔbéé “Mli féé mléyinkí mí ɔma onyeni. Tsúfé bɔwanlín wá Bulu asón ámuɔ beɛ, ‘Néda akúfa ɔkparɔ ámu léda, mu akúfa bédasáin.’ ” ³² Mú ɔletrá blí ɔbéé, “Táme ní Bulu ɔkósɔa mi tsú afúlito á, négya mli nkpa yó Galilea ɔmátó. Inu mlóɔɔtu mí ní.”

³³ Petro lébláa mu ɔbéé, “Ní amú féé beyinkí fú ɔma kóráá á, mí mú mméeyinkí ekekekeke.”

³⁴ Yesu lébláa mu ɔbéé, “Ɔnɔkwali nde fú bláa. Onyeni, asa bate ɔbéle ɔnó á, físwí pú ibi wá ogyá tse sa féɛ fɔmeyín mí.”

³⁵ Inu Petro lébláa mu ɔbéé, “Ní lowu igyi kóráá á, mméekiná fú ekekekeke.” Alɔ kén akasípó atráhe amu é beblí ní.

* **26:28** Ntam pópwe bu nwóló dada amu akoto.

Mpáibɔ Getsemane

(Marko 14:32-42; Luka 22:39-46)

³⁶ Yesu mɔva mu akasípó bɔyɔ ɔtɛnɛkɔá bɔtɛtí inu Getsemane. Bréá bowie inu á, ɔlebláa amó ɔbéɛ, “Mlɛtsia nfi, nɔyó nkɔá yóbɔ mpál.” ³⁷ Ɖɛkpa Sebedeo abi anyɔ, bɔgyi Yakobo mɔva mu pio Yohane pó Petro ya. Inu asón lehié han mu, mu ansí lepe. ³⁸ Múú ɔlebláa amó ɔbéɛ, “Asón ihíé de mí háan, ideklé ino mí. Mlɛtsia nfi, mía mɛnyɔ agyo.”

³⁹ Inu ɔlenatí yó nkɔá kpalobí, ɔleda akpawunu pó ansító bun ɔsulótɔ, kókóli Bulu ɔbéɛ, “Mí Sí, ní ibówa alé á, ha ntá-ewe ánfí† itson misu. Táme megýí tás ndeklé, mboún móá fudeklé ibá mótó.”

⁴⁰ Múú oleyinkí ba akasípó amu wá bowun ání bɔdedidi. Inu su ɔlefíté Petro ɔbéɛ, “Mó su mɛmɛtalí tsíá, mía mɛnyɔ agyo ɔanhwírɛ kule kpán?” ⁴¹ Mlɛgyo amlɛkokoli Bulu, ménɛ mɛmɛóowie ɛsókɛtɔ, tsúfé mɛ ɔhé deklé, táme nyankpɔsa-oyí lɔpɔn.”

⁴² Yesu létrá yókokóli Bulu ɔbéɛ, “Mí Sí, ní ntá-ewe ánfí móɔtsɔn misu, ibwé ahágyialá nónu mó á, mómú tás fudeklé ibá mótó.” ⁴³ Ɖɛtrá yinkí ba bowun ání akasípó amu bɔtráa bɔdedidi, tsúfé didí de amó bu.

⁴⁴ Mú su ɔlenatí sí amó, trá yókokóli Bulu otse saasi, blí asón ámu kén. ⁴⁵ Oleyinkí ba akasípó amu wá, befité amó ɔbéɛ, “Mɛlútráa si mlɛda mlɛdé ɔkpónó da? Mlɛki, bré ámu lafun ání bópu mí, Nyankpɔsa-Mu-Bi ánfí wá lakpan abwepú ibɛtɔ. ⁴⁶ Mlɛkɔsu ayo. Mlɛki, ɔhá ámuú ɔde mí le há ámu ná á.”

Yesu Kítá

(Marko 14:43-50; Luka 22:47-53; Yohane 18:3-12)

⁴⁷ Yesu ɔnó mesi asa akasípó dúanyɔ ámuɔ ɔkɔléá bɔtɛtí mu Yuda lóbowie inu. Ɖɔɔm kɔnɔkɔnɔkɔntiá bɔde ndayí pó nkpotí bɔbuo mu. Bulu igýí ahapó dehen pó Yudafo ahande amu lówa amó. ⁴⁸ Yuda amóú ɔbéɛ Yesu há ámu lébláa ɔɔm amu yáí ɔbéɛ, “Ɖhá ámuú nélatá pútá ámu gyí ɔhá ámu ni. Mlɛkita mu.”

⁴⁹ Inu su ɔlenatí laa yéha Yesu itsiá ɔbéɛ, “Osunápó, tsia ní!” Ɖɛlatá mu pútá.

⁵⁰ Múú Yesu lébláa mu ɔbéɛ, “Agya, bwe tás ɔbwekpá feba.”

Inu ahá ámu benatí tó Yesu, kítá mu kinkíinkín. ⁵¹ Inu Yesu akasípó amuɔ ɔkɔle lótswi mu ɔdayí, kpá Bulu igýí ɔhapó dehen osúmbi ɔku ɛsu lé. ⁵² Múú Yesu lébláa mu ɔbéɛ, “Yinkia fú ɔdayí wa mó ɔfletɔ. Tsúfé ɔhá ání ɔtenatí kítá ɔdayí á, ɔdayí ɔnó otesin. ⁵³ Fɔmeyín fee nétalí kókóli mí Sí ɔbéha mu abɔpu tsɔtsɔtsɔ akú dúanyɔ béba bɔkɔ hɔ mi? ⁵⁴ Táme ní ibá alí á, nkálɛ ibóbwɛ asa Bulu ason wanlínhé amu ibéba mótó?”

⁵⁵ Inu Yesu léfité amó ɔbéɛ, “Ogyo otswapó ngyi, sɔ mlɛlatsú nkpotí pó ndayí mɛbá mí ɔkitákpá? Ntsie mɛ wá Bulu ɔswékpá inu ekekegyíeke nde mɛ ató suná, mɛmɛkítá mí ekekekeke. ⁵⁶ Táme inu féé laba mótó, ménɛ Bulu ɔnósó atóipó asón wanlínhé amu ibéba mótó.”

Inu akasípó amu féé besrí sí mu.

Yudafo Ahande Ansító Lú

(Marko 14:53-65; Luka 22:54-55, 63-71; Yohane 18:13-14, 19-24)

⁵⁷ Múú Yesu akítápó amu bekpa mu ya Bulu igýí ɔhapó dehen Kaiáfa. Inó mɔva Mose mbla asunápó pó Yudafo ahande amu befia ni. ⁵⁸ Táme Petro lépetí obuo amó ɔma tsútsúútsú alu bowie igýí ɔhapó dehen wóyítɔ inu. Oleyétsiá amó agyópu wá, ménɛ obówun alíá asón ámu ibómɔ ɔnó. ⁵⁹ Inu

† 26:39 Ntá-ewe ánfí igýí iwɔsɛn ání Yesu obówun.

Bulu igyí ðhapó ðehen amó mva Yudafó asón agyíró amó fée bodunká ahá ání béka asón dínká Yesusu, méní bélí mósó mó mv. ⁶⁰ Afunupu tsòtsòtsò ðedali ba, táme amó fée ònó lòtsun òtsan. Mó òma a, ahá abanyó ðedali bélí ahande amó ansító, ⁶¹ bílì bée, “Oyin ánfí léblí ðéé, ‘Nétalí bwíé Bulu òtswékpa amó, lápú nkensá yi mó.’ ”

⁶² Móú Bulu igyí ðhapó ðehen amó lókusó líí fité Yesu ðéé, “Fuma ònó lé? Fuma asòansu bílì pólé fó iwí?” ⁶³ Táme Yesu móbwíí ònó. Bulu igyí ðhapó ðehen amó lélabláa Yesu ðéé, “Neká Bulu òkiankpapu amó, ní fógýí Kristo, (òhá ámóú Bulu ladá mv ofúli), ogyi Bulu mv Bi ámv a, bláa aní.”

⁶⁴ Móú Yesu lébláa mv ðéé, “Mó fablí á. Táme mlíbí ání tsú nde póya a, mlówun mí, Nyankpòsa-Mv-Bi ánfí ntsie Bulu Otúmípu gýòpísv ánfí, ndún òsósú nwolótáasu nèbá.”

⁶⁵ Móú Bulu igyí ðhapó ðehen amó lékitá mv atadié bálí mó kuaan, † bílì ðéé “Alabó mbusuo! Adánsie mómó antráa angyó? Yéé mlílanú abususu ání alablí. ⁶⁶ Nkálí gyí mlì agywíun?”

Bebláa mv bée, “Ílehíán ání obówu!”

⁶⁷ Inu botutúu atsonó wólí mv ansító, wòwò mv atswé. Akú é ðedadáa mv asoto, ⁶⁸ fité mv bée, “Bulu ònósú òtóipó Kristo, ma ladá fó? Bla aní.”

Petro Lósuwí ðéé Mmeyín Yesu

(Marko 14:66-72; Luka 22:56-62; Yohane 18:15-18, 25-27)

⁶⁹ Petro tsie wunsínésú un, otsibí òkò lóbòto mv. Òlebláa Petro ðéé, “Fúa Yesu Galileayin amó nyo ná.”

⁷⁰ Táme Petro lówa ònólí ahá ámv fée ansító ðéé, “Mmeyín asón ánfí fòðeblí ánfí iwí kòkòkò.” ⁷¹ Mó òma wóyí ònó un é á, otsibí òkò é lébì Petro. Mó sv òlebláa ahá ání bulú un ðéé, “Oyin ánfí mva Yesu Nasaretyin amonyò ténátí.”

⁷² Inu Petro lópu ònólí ká ntam, bílì ðéé, “Mmeyín mv.”

⁷³ Mó òma a, ahá ámóú bulú un ámòto akú bèba bebláa Petro bée, “Lélé mó á, aniyin ání fúa Yesunyò ná, tsúfé fó tóito ðe aní suná alí.”

⁷⁴ Inu Petro lówa ntam kakáa bí ðéé, “Neká tógyító, mmeyín oyin ámóú mlílé mv iwí asón bílì ámv!”

Inunv bate lóbòn. ⁷⁵ Petro lékaín ání Yesu lébláa mv ðéé, “Fóswí tse sa fée fmmeyín mí asa bate ðéle ònó.” Inu òedali híé yósu.

27

Yesu Kpa Ya Pilato

(Marko 15:1; Luka 23:1-2; Yohane 18:28-32)

¹ Gyí kehe nyanki-nyanki a, Bulu igyí ahapó ðehen pú Yudafó ahande amó bekítá agywíun bée, bómó Yesu. ² Mó sv beklí mv, pú mv yówa Pilato íbító. Mvgyí Roma ðhandéá òðe Yudea òmású gyí ní.

Yuda Iskariot Iwí Sián

(Gyumagyihé 1:18-19)

³ Yuda amóú òlele Yesu há ámv lówun ání bahá Yesu pón. Ulehan mv. Mó sv oleyinkía sika futútú advasa ámv ya Bulu igyí ðhapó ðehen pú Yudafó ahande amó. ⁴ Òlebláa amó ðéé, “Nalé ðhá ání òmòkóbwé lakpan kòkò há. Mó sv nabwé lakpan.”

Móú bebláa mv bée, “Anímeyín mó iwí kòkò. Fó asón igyí.”

⁵ Mó sv Yuda lótswí sika futútú ámv sísí amó Bulu òtswékpa wunsínésú un, nátí yésíán iwí.

† 26:65 Ilosuná ání asón ámv lawíé mv iwíto ðòbì.

⁶ Bulu igyi ahapó dehen amu botósí kóba amu, blí bεε, “Ani mbla meha okpa ání apúv kóba anfi odu wa Bulu otswékpa kóbató, tsúfé mú iwí metin. Obugya kóba igyi.” ⁷ Mú sv bóbwe agywun, pú kóba ámu yóhó ató opwepú oku osólúv, pú unu bwé afóv ání búbv Yerusalem opulákpá. ⁸ Iní sv botu nde butetí unu bεε, “Obugya osólúv.”

⁹⁻¹⁰ Iní léha Bulu asón ámuóv óleblí tsun mu onósóv otóipó Yeremiasu ámu léha mútót. Óbée, “Botsu sika futútúv advasa ámuóv Israelfó begyi mu ibiá, hó mu amu yóhó ató opwepú oku osólúv fé alíá Bulu lébláa mu.”

Yesu Lú Pilato Ansító

(Marko 15:2-5; Luka 23:3-5; Yohane 18:33-38)

¹¹ Yesu lív omásóv okípú Pilato ansító. Múv Pilato léfité mu óbée, “Fógýí Yudafó owíe amu ní?”

Yesu lébláa mu óbée, “Ee, mú fablí á.” ¹² Táme bréá Bulu igyi ahapó dehen pú Yudafó ahande amu beka asón dínká Yesusu á, oméle kukú onó.

¹³ Múv Pilato léfité mu óbée, “Fómédé asón anfi bakla dínká fúsóv anfi nu?”

¹⁴ Táme Yesu métepi bwíí onó. Mú sv ilobwie Roma óhande amu onó.

Yesu Lowu Ipón Ha

(Marko 15:6-15; Luka 23:13-25; Yohane 18:39-19:16)

¹⁵ Ofifigýiofi, ní búde Israelfósv Katsón Nké gyí a, Roma óhande amu tesí obu ódípú okoléáv ódóm amu búdeklé há amó. ¹⁶ Alí bré ámuótóv á, obu ódípú okúv alahóv dá, butetí mu Baraba da obu. ¹⁷ Mú sv bréá Yudafó ámu féé bebefia a, Pilato léfité amóv óbée, “Ma nsii ha mlí? Baraba lóóv, ntée Yesu, butetí mu Kristo amu?” ¹⁸ Tsúfé Pilato yin ání Yesu iwí olu só Bulu igyi ahapó dehen pú Yudafó ahande amu bakítá mu ba mu.

¹⁹ Bréá Pilato tsie óde Yesu asón ámu gyí a, mu ka lówa obí mu wá óbée, “Mábwe oyin anfi mu asón da okpa anfi tótó. Tsúfé ígye onyé á, nokun okude wun mu, ifú lehié kítá mí.”

²⁰ Táme Bulu igyi ahapó dehen pú Yudafó ahande amu beha ódóm amu onó bεε, bukókoli Pilato osi Baraba, abómó Yesu. ²¹ Mú sv Roma óhande amu lélafitév ódóm amu óbée, “Ahá abanyóv anfitóv omómóv nsii ha mlí?”

Botsu onó bεε, “Baraba!”

²² Múv Pilato létrá fité amóv óbée, “Ntó mbwée Yesu, butetí mu Kristo, (ohá ámuóv Bulu ladá mu ofúli amu)?”

Amó féé bebláa mu bεε, “Ha abuda mu manta oyikpalíhesu!”

²³ Pilato léfité amóv óbée, “Ntogyi sv! Tsitsa mómóv alabwé?”

Inu belakplón kóklókóv bεε, “Ha abuda mu manta oyikpalíhesu!”

²⁴ Bréá Pilato lówun ání alabwé kásíán, kpokiti mbóunv deklé ida unu á, olotsu ntsu fwí ibí amóv ansítóv unu, bláa amóv óbée, “Mí ibí anyóv uma oyin anfi lowutó. Mlí asón igyi.”

²⁵ Yudafó ámu féé bebláa mu bεε, “Mu lowu isóbítív íbáv ania aní abí-anásóv!”

²⁶ Inu Pilato lési Baraba há amóv, óleha mu ísá akópóv bepítí Yesu ató, ólpu mu wá amóv íbitóv óbée, bvyéda mu manta oyikpalíhesu.

Yesu Ahinlá Bwe

(Marko 15:16-20; Yohane 19:2-3)

²⁷ Inu omásóv ogýípúv amu ísá akópóv bekpa Yesu ya mu wóyító. Betí amóv aba ísá akópóv atráhe amu féé, bεda Yesu óbun. ²⁸ Bówóí Yesu atadiε, pú ligá pεpε kv wá mu. ²⁹ Bólúv obungyo-awu, bwé múv owíepa bun mu nwun. Bópúv oyí kv wá mu gyópúv íbitóv, fé akónfra. Bεda akpawunu mu ansítóv, búde mu ahinlá bwe bεε, “Yudafó Owíe, fú nkpasu onlinsu!” ³⁰ Botu atsonó wólí

Yesu, swíi mu oyí ámu pópítí mu nwuntó. ³¹ Bòbwe mu ahinlá tá á, bòwóí amú ligá pepe amu, yínkíá mu onutó atadié wá mu, bekpa mu dáli bọyó abuyeda mu manta oyikpalíhesu.

Yesu Da Mántá Oyikpalíhesu

(Marko 15:21-32; Luka 23:26-43; Yohane 19:17-27)

³² Bréá bọyó á, befia Kireneyin okvá botetí mu Simon. Isá akọpú ámu beka mu híé beé, ohóo oyikpalíhe amu sora. ³³ Boyówie otunekvá botetí mu Golgota. Mú así gyí, “Nwun Okokobi Otsiákpá.” ³⁴ Bọpú afá kítákítá wá ntátó tin Yesu onó beé onúu, táme bréá oléda mú onó á, olekiná nu.

³⁵ Beda mu mántá oyikpalíhe amusu tá á, beye mu atadietó. Inu bọtswi abi pọki ohagyíoha ogyíkpá. ³⁶ Besi bọtsie inu, bude mu iwí gyóo. ³⁷ Múu bọwanlín tóá svá bude mu da mántá oyikpalíhesu, dá mántá mu awunso beé, “YESU, YUDAFỌ OWÍE AMU NU.” ³⁸ Beda awikplu abanyó é mántá nyikpalíhesu tsía muto. Okole bu mu gyọpísu, okole é bu mu binasu.

³⁹ Inu atsonpu bọkpukpúu nwuntó, blí Yesu iwí abusus beé, ⁴⁰ “Yéé fú fée fétalí bwíé Bulu otswékpa amu, lápwe mú nkensá owító ní? Hó fú iwí! Ní lélé Bulu mu Bi fọgyi á, kplí tsu oyí ámusu akí.”

⁴¹ Alí kén Bulu igyí ahapú dẹhen, Mose mbala asunápú pọ Yudafọ ahande amu é bọbwe mu ahinlá ní. ⁴² Beblí beé, “Ọlọhọ ahá nkpa, táme ọmetálí họ mu iwí. Ní mọgyí Israelfọ owíe amu a, okplí tsu oyí ámusu, méní abóhọ mu gyí. ⁴³ Yéé obéé Bulu mu Bi mọgyi, mu ansí dín Bulusu. Bulu olé mu séi, akí ání otekle mu asón.”

⁴⁴ Alí kén awikplu amóu beda mántá nyikpalíhesu mu wá ámu é bọbwe mu ahinlá ní.

Yesu Lowu

(Marko 15:33-41; Luka 23:44-49; Yohane 19:28-30)

⁴⁵ Owí leta ọsólọu amusu fée, tsú dódúanyoto alu yófọn ntópwe dasato. Owí metrá lun é. ⁴⁶ Dosa ámutó á, Yesu lókplon kóklókúú Hebrí oblító obéé, “Eli, Eli, Lama Sabaktani?” Mú así gyí, “Mí Bulu, mí Bulu, ntogyi só fakpá mí ọma?”

⁴⁷ Bréá ahá amóu bulí inu ámutó ako bonu asón ánfí á, beblí beé, “Ọde Elia kpolí.” ⁴⁸ Inu amótó oku lésrí yótsu ọsapọ, púdá ntá ọdátó, pọyi oyísu, tsú mú fúá, pótin mu onó obéé onúu.

⁴⁹ Táme mu aba atráhe amu bebláa mu beé, “Sí, alu kí beé Elia obéba bọhọ mu.”

⁵⁰ Yesu létrá kplón kóklókúú, oléle ọhé.

⁵¹ Inu Bulu lébalí tati amóu bọpuká Bulu Otswékpa obu ámutó anyọ, tsú awunso beyi así kiaan. Bulu léha ọsólọu lekpunkí, oléha abotá lemamáin. ⁵² Olefinfinki ntsán, aha wankíhé tsọtsọtsọ bọkọsú tsú afúlító. ⁵³ Yesu kọsú tsú afúlító ọma a, aha wankíhé anfi bakọsú tsú afúlító ánfí bọyọ Yerusalem wúlu wankíhé amoto, yéle iwí ọwan súná ahá tsọtsọtsọ.

⁵⁴ Bréá isá akọpú ọhande pọ isá akọpú amóu bude Yesu iwí gyóo amu bowun ọsólókpunkí ámu pọ tóá ide mọsú yọ fée á, ifú lehie kítá amú, beblí beé, “Lélé, Bulu mu Bi óyin ánfí gyí.”

⁵⁵ Atsí tsọtsọtsọ bobuo Yesu, bude musu kí tsu Galilea ọmátó. Amú é besi lí tsútsútsú, bude mu kí sísí. ⁵⁶ Amótó ako gyí, Magdalayintse Maria mva Maria ání olókwi Yakobo mva Yosef pọ Sebedeo mu ka ání ogyi Yakobo mva Yohane aná oyín.

Yesu Pulá

(Marko 15:42-47; Luka 23:50-56; Yohane 19:38-42)

57-58 Bréá owí deṛpóon a, Arimateayin iwí onyapó akwá botetí mu Yosef, alamlí Yesu akasípó lóyo Pilato wá, yókulí mu obéé, osíi Yesu fúli amu ha mu. Pilato léha ání busíi fúli amu ha mu. 59 Mú su Yosef lópu óhráda ání iletin wankláán kíkli fúli amu iwí, 60 ólɔpu mu yówa obó ɔɔpwe ání aladá botátó yáí há mu iwíto. Múó olemináa íbwi yíléyílé ku tin obó ámu ónó, ólenatí. 61 Magdalayintse Maria muwa Maria nyɔɔsi amu besi botsie unu fón bode ntsán ámu kíi sísi.

Yesu Ntsán Gyo

62 Yudafɔ iwísu odaké ɔyi kehe, igyi akpónú odaké á, Bulu igyi ahapú dehen, Farisifo ámu fée pó Pilato befia. 63 Bebláa mu beɛ, “Owíe, anlakáin ání bréá ofunupu anfi tsie nkpa á, ɔleblí obéé, ‘Nkensá ɔma a, Bulu obélakósúa mi tsú afúlitó.’” 64 Mú su ha abuyogyo mu ntsán ámu ónó wankláán, yófon eke sáási. Ní megýí alí á, mu akasípó amu bóyówi mu lé, bemlé ahá beɛ alakósú. Ibá alí á, akasípó amu ahámlé bódun mu kle.”

65 Pilato lébláa amú obéé, “Isá akɔpú ní. Mliha amú abuyogyo unu wankláán alíá mlétalí.”

66 Mú su beyétan obó ámu ónó wankláán, há agyópu bogyo mú así.

28

Yesu Kwsó Tsú Afúlitó

(Marko 16:1-10; Luka 24:1-12; Yohane 20:1-10)

1 Yudafɔ akpónú odaké ɔyi kehe, igyi Kwasiada baka a, Magdalayintse Maria muwa Maria nyɔɔsi amu bakwsó yó Yesu ntsán ámu ókíkpa. 2 Inunú á, ɔsolúb lekpiní kóklókóó, Bulu-ɔbɔpu lékplí tsú ɔsósó bemináa íbwi yílé ámu lé obó ámu ónó, tsíá mósú. 3 Mu ansító lehie wankí, ide ogyá kpa. Mu atadie é lofulí futútúútú fě opulí-mpútó. 4 Bréá bowun mu a, ifú lehie kítá unu agyópu amu, bekpinkí kpakpakpakpa, dída, lwíí fě afúli.

5 Bulu-ɔbɔpu amu lébláa atsi ámu obéé, “Mlumánya ifú! Nawun ání Yesu amóú beda mántá oyikpalíhesu ámu mlídédunká. 6 ɔma nfi. Bulu lakósúa mu fě alíá ɔleblí yáí. Mlibeki ɔtíné amóú bɔpu mu tswi amu. 7 Mliwa ɔsa yebláa mu akasípó amu mliha, Bulu lakósúa mu tsú afúlitó. Alagya mli nkpa ɔyó Galilea ɔmátó. Inú mlówun mu ni. Asón ání mbu ha mli ní.”

8 Ifú lekítá atsi ámu, táme bɔpu ansigyí tsíi ɔsrú tsú opulákpá unu bɔyó yebláa akasípó amu tóá bawun.

9 Imowa ɔpá koku Yesu léfia amú, há amú ité. Inu beda akpawunu kítá mu ayabi, súm mu. 10 Yesu lébláa amú obéé, “Mlumánya ifú. Mliyebláa mí apíó ámu mliha, bɔyó Galilea ɔmátó. Inó bówwun mi ní.”

Ntsán Agyópu Amu Asɔn Klahɛ

11 Bréá atsi ámu bɔpu bɔyó á, ntsán agyópu amu aku é bɔyó wúluto yebláa Bulu igyí ahapú dehen amu tóá ilaba fée. 12 Inu su Bulu igyí ahapú dehen amu beti Yudafɔ ahande amu fée fia, kítá agywun. Beha ntsán agyópu amu kóba tsɔtsɔtsɔ. 13 Beha amú ónó beɛ, “Mlibli mliha, ‘Onyé, bréá anidédidi á, Yesu akasípó amu béba bowi mu náti.’” 14 Ní Roma ɔhande onú á, ania munyo abéblí mú, méní mliwóowie asóntá.”

15 Mú su ntsán agyópu amu botsulá hɔ kóba amu, begyi dɔnká Bulu igyí ahapú dehen amu asɔn blíhé anfisú. Ónó ání beha amú ání lobwie wá Yudafɔ ɔmá ámu féeótó bɔfon nde.

Yesu Iwíɔwanle Síná Mu Akasípó

(Marko 16:14-18; Luka 24:36-49; Yohane 20:19-23; Gyumagyihe 1:6-8)

¹⁶ Akasípó dúokun ámv benatí yó Galilea omátó, ibu amú Yesu lósuná amó obéε bufia mv mósú ámvsv. ¹⁷ Bréá bowun mv a, beda akpawunu súm mv, táme imowankí amótó aku ání mv ni. ¹⁸ Mú Yesu lókpokpé ba amó wá, blí obéε, “Bulu lapó osú móa asi túmi fée wá mí ibito. ¹⁹ Mú sv mlyo oyító fée, amlibwe ahá fée mí akasípó. Mlibo amó asú Osí, Obí pó Oye Wankíhé dátó. ²⁰ Mlisuna amó abgyi mbila amó nawa há mli ámv féesú. Mlibi ání mbu mli wá brégyibré, yófun oyí onómá.”

Asun Wankláán Aní Marko Lówanlín

Asú Ọ̀bọ̀pọ̀ Yohane Bulu Asón Ọ̀kanda (Mateo 3:1-12; Luka 3:1-18; Yohane 1:19-28)

¹ Alí Bulu mu Bi Yesu Kristo iwí asun wankláán ámu ilotsuá así ní. ² Ụlẹba mótó fẹ alíá Bulu ọ̀nọ́sọ́ ọ̀tọ̀pọ̀ Yesaia lówanlín wá mu ọ̀wọ̀lótó ọ̀bẹ́e,

“Kí, nde obí wa gya fu nkpa.

Mu ọ̀bẹ́la ọ̀kpa há fọ ní.

³ Ọ̀kọ dẹkplun dimbísú ọ̀bẹ́e,

‘Mlila aní Wíe ọ̀kpa.

Mlitswii ikpa ha mu!’ ”

⁴ Asú Ọ̀bọ̀pọ̀ Yohane lẹba ọ̀de ahá asú bọ, ọ̀de Bulu asón ọ̀kan da Yudea dimbísú ọ̀bẹ́e, “Mlídamlí kluntọ, amlisi lakpan bwe. Bulu osikie mlí, ambọ mlí asú.” ⁵ Ahá botsu Yerusalem wúlutọ pọ Yudea ọ̀mátó fẹ́e bá mu wá. Bẹ́e amú lakpan blí, ọ̀bọ́ amú asú Yordan ntsutso.

⁶ Yohane lówa kpọ́sọ́-imi atadiẹ, ọ̀lọ̀pọ̀ ọ̀wọ̀lọ́-kpákpá ọ̀fẹ́ klí mọ́sú. Atsantsanku pọ ọ̀kwén otegyi. ⁷ Oletsia dá asón ọ̀kan, blí ọ̀bẹ́e, “Ọ̀kọ́ ọ̀dun mi bu ọ̀ma ọ̀bá. Mmọ́fun aní nógyonká sánkí mu ntọkuta ọ̀fẹ́ kóráá. ⁸ Mí mú á, ntsu ndepọ́bọ́ mlí asú, táme mu mú ọ̀bọ̀pọ̀ Ọ̀je Wankíhé bọ mlí asú.”

Yesu Asúba Pọ Mu Isókí (Mateo 3:13-4:11; Luka 3:21-22; 4:1-13)

⁹ Nke ámọ́tọ́ á, Yesu lótsu Nasaret, wúlúá ọ̀bu Galilea ọ̀mátó ba Yohane wá, Yohane lóba mu asú Yordan ntsutso. ¹⁰ Yesu lénya dali ntsu ámọ́tọ́ alí, olowun nwołótáa lefinkí, Ọ̀je Wankíhé dẹkplí dali mótó fẹ́ abróduma, ọ̀lọ̀bọ̀yonká mọ́sọ. ¹¹ Inu ọ̀me kọ lótsu ọ̀sọ́sọ́ ọ̀bẹ́e, “Fúgyí mí bíá ntọdwé, mi ansí tẹhíe gyí fọ iwí ní.”

¹² Inunv Ọ̀je Wankíhé amu lẹkpa Yesu ya dimbísú. ¹³ Oletsia inu nke advana, Satan létsia bọsọ mu kí. Mọ́a pututọ-mbwi létsia, Bulu-ọ̀bọ̀pọ̀ beba beki mọ́sọ.

Yesu Gyumagyihe Asitsudá (Mateo 4:12-22; Luka 4:14-15; 5:1-11)

¹⁴ Bekítá Yohane tswi obu ọ̀ma a, Yesu lóyọ Galilea ọ̀mátó, ọ̀de Bulu asun wankláán ámu ọ̀kan da. ¹⁵ Ọ̀bẹ́e, “Bré ámu lafun. Bulu iwíegyi ámu lawíe wóyí tá. Mlídamlí kluntọ ba Bulu wá, amlíhọ mu asun wankláán ámọ́sọ gyi.”

¹⁶ Eke ọ̀kọ Yesu ná Galilea ọ̀pọ ọ̀nọ́, olowun Simon mọ́a mu gyama Andrea. Bude asawu tswí, tsúfẹ́ aye alepọ́ bọgyi. ¹⁷ Múú ọ̀lẹ́bláa amú ọ̀bẹ́e, “Mliba bobuo mi. Nóbwe mlí anyánkpọ́sa alepọ́.” ¹⁸ Inunv besi amú asawu aná tswi, kplá buo mu.

¹⁹ Ọ̀lenatí yó nkpa kpalobí á, olowun Sebedeo abí, Yakobo mọ́a mu gyama Yohane é. Bubu ọ̀kluntọ, bude amú asawu bíin. ²⁰ Inunv Yesu létí amú é, benatí sí amú sí mọ́a mu apafọ́ wá ọ̀klun amọ́tọ́ ba bobuo mu.

Yesu Ọ̀je Laláhe Gyáa (Luka 4:31-37)

21 Yesu mva mu akasípó bɔyɔ Kapernaum wúluto. Ɖɔyɔ Yudafo ofiakpa yósuná ató akpónó adaké. 22 Mv atosunáhé lobwie amó onó, tsúfɛ olosuná amó ató túmisu. Megyí fɛ Mose mbla asunápó amu.

23 Oyin oku léba ofiakpa inu, ɔɛ laláhe bu musu. 24 Ɖɔkplón blí ɔbéɛ, “Yesu Nasaretyin, amansu búv ania funyɔ nsiné? Aní ɔhukpá feba lóó? Nyin ɔhá oduá fɔgyi. Fúgyí Bulu Ɖha Wankíhé amu ní!”

25 Yesu lókpɔn wa ɔɛ ámu ɔbéɛ, “Kpa onó bun, afudali mɔto.”

26 Inu ɔɛ laláhe amu lówɔsɔv oyin ámu ɔwɔnlínsó, sɔrá okitikíti kóklókúó, dáli mɔto. 27 Onó lobwie amó fɛɛ, befítɛ aba beɛ, “Nto ofúla ní? Iní mú á, atosunáhé pɔpwe ní. Oyin ánfɛ bu túmi, ɔɔkplón wa ɔɛ laláhe, itobú mu.”

28 Iní sv Yesu idá leklei wá Galilea ɔmá ámɔto fɛɛ.

Alɔv Tsɔtsɔtsɔ Tsa
(Mateo 8:14-17; Luka 4:38-41)

29 Yesu mva mu akasípó benya dáli Yudafo ofiakpa inu alɔ, bɔyɔ Simon mva Andrea wóyító. Yakobo mva Yohane é bubu amótó. 30 Bɔyɔ á, owísó lakítá Simon mu sia tsihé, ɔda. Inuɔv bebláa Yesu ɔtsɔ ámu iwɔ asón. 31 Múv ɔyɔ yékítá ɔtsɔ ámu ibi, tsú mu kósú. Inuɔv owísó ámu lókúsú musu, ɔɔbwe amó afóto.

32 Mú ntópwe fɔɔn a, bɔv alɔv pú ahá aní ɔɛ laláhe de amó háan fɛɛ ba Yesu. 33 Wúlu amu fɛɛ beba befia wóyí ámu onó. 34 Yesu létɔa ahá tsɔtsɔtsɔá buɔɔ ɔ ɔtsan-ɔtsan lo, olegya ɔɛ laláhe tsɔtsɔtsɔ é lé aháto. Ɖmeha ɔɛ laláhe amu abɔto, tsúfɛ amó fɛɛ buyin mu.

Bulu Asón Ɖkanda Galilea Ɖmátó
(Luka 4:42-44)

35 Mú ɔyi kehe bake a, Yesu léɔali wúlu amɔto yɔ itsétó ɔɔɛ mpáí bɔ. 36 Táme Simon mva mu aba bɔbɔ mbódí dúnká mu alu yówun mu. 37 Bréá bowun mu a, bebláa mu beɛ, “Ahá fɛɛ buɔɔ fú dunká.”

38 Múv Yesu lébláa amó ɔbéɛ “Mliha ayɔ awúlu bámbásó, anyɛda Bulu asón ámu ɔkan inu é, tsúfɛ iní sv neba ní.”

39 Inu ɔyɔ yéki Galilea ɔmátó fɛɛ, ɔɔɛ asón ámu ɔkan da Yudafo ofiakpa fɛɛ, ɔɔɛ ɔɛ laláhe é gyáa le aháto.

Ilɔ Pɛɛ Ɖlɔpó Ɖku Tsa
(Mateo 8:1-4; Luka 5:12-16)

40 Ilɔ pɛɛ ɔlɔpó oku léba beɔa akpawunu Yesu ayabitɔ, kókóli mu ɔbéɛ, “Owíé! Ní fótɔsulá á, fétalí há mí iwɔ bépli.”

41 Mv asón lówa Yesu nwe. Mú sv ɔletunkí ibi da mu, bláa mu ɔbéɛ, “Natsúlá, fú iwɔ uplí!” 42 Inuɔv ilɔ pɛɛ amu ɔleta, mu iwɔ lépli. 43-44 Múv Yesu léda mu ɔlá ɔbéɛ, “Mábla ɔhaa asón ánfɛ. Natɔ laa afɔv fú iwɔ yosuná Bulu igyí ɔhapó, afɔha mu iwɔgyɔrátó amóv Mose mbla lósuná tsú ɔ ɔpɛpɛtsa iwɔ ámu. Igyi adánsɛ suna ahá aní fú iwɔ laplí.”

45 Táme oyin ámu lénya dáli inu alɔ, ɔɔwa mú ɔkan da bi. Ɖleɔa asón ámu ɔkan wúlu amɔto fɛɛ fiá. Mú sv Yesu métra talí lé iwɔ ɔwan wíé wúlu kukɔto, itsétó oletsiá tsíá. Táme mú ó á, ahá betsiá tsú ntínɛ-ntínɛ ba mu wá.

2

Tsukvɛ Osɔnpv Tsa
(Mateo 9:1-8; Luka 5:17-26)

1 Nke kpalobí kv ɔma a, Yesu léyinkí yó Kapernaum wúluto. Ahá bonu aní alaba wóyí. 2 Mú sv ahá tsɔtsɔtsɔ beba bɔbulá wóyí ámu. Ɖkpa kóráá itráa ma uná fótɔson wie mótó. Yesu léda Bulu asón ámu ɔkan súná amó.

³ Ahá abaná bəsuɾá tsukole osínpu ɔku akpasu ba mu. ⁴ Ɔɔɔm amu su buɔmenya ɔkpa pú mu wíe Yesu wá. Inu su bəyɔɔdu obu ámu awunso, dá mú ɔtineku tíí, beklíá akpa amu tsun ɔbó ámuɔtə, pú mu tswi Yesu ansító. ⁵ Bréá Yesu lówun ání bahə mu gyi a, ɔlebláa tsukole osínpu amu ɔbée, “Mí bí, nasí fú lakpan kíe fú.”

⁶ Inu Mose mbla asunápu akvá buɔsɩe inu, beblí wá nwuntə bɛɛ, ⁷ “Ntə asón oyin ání déblí alí? Megyí mbusuo álabó á? Ma é ɔbétalí sí lakpan kíe ahá dɔn Bulu nkole?”

⁸ Yesu lébu ání buɔde nwéɛn gyí amú nwuntə. Mú su ɔlefíté amú ɔbée, “Ntogyi só mlidé inu odu gywíin? ⁹ Məmu bówa ablíle ání nébláa tsukole osínpu anfi? ‘Nasí fú lakpan kíe fú’ ntée ‘Kusu tsu fú akpa afonati?’ ¹⁰ Táme ndekléá mlíbú ání mí, Nyankpɔsa-Mu-Bi ání mbu túmi ɔyí ánfítə sí ahá lakpan kíe amú.” Inu ɔlebláa tsukole osínpu amu ɔbée, ¹¹ “Nde fú bláa mbée, kusɔ! Tsu fú akpa afonati yə wóyító!”

¹² Inuɔɔɔɔɔ ɔlɔkusú, tsú mu akpa, náti amú ansító inu. Inu lówa amú féé wánwan, bekanfó Bulu blí bɛɛ, “Animókówun ofúla anfi odu ki.”

Lewi Ti

(Mateo 9:9-13; Luka 5:27-32)

¹³ Yesu létrá yə Galilea ɔpu ɔnó. Ɔɔɔm kpənkpəɔnkpənti beba mu wá, olosuná amú ató. ¹⁴ Bréá ɔlɔpu ɔyó á, olowun Alfeo mu bi Lewi tsie mu lampóo ɔhókpa. Mú ɔlebláa mu ɔbée, “Bobuo mi.” Inuɔɔ ɔlɔkusú buo mu.

¹⁵ Mú ɔma a, Lewi létí Yesu mva mu akasípú ató ogyíkpa mu wóyító. Lampóo ahópu pú lakpan abwepú tsətsəɔtsə é bobuo mu ba ató ámu ogyíkpa. ¹⁶ Bréá Mose mbla asunápu amutə akvá bugyi Farisifə bowun ání Yesu mva lakpan abwepú pú lampóo ahópu buɔde ató gyi a, befité mu akasípú bɛɛ, “Ntogyi só mva lakpan abwepú pú lampóo ahópu buɔde ibi wa gyi ató?”

¹⁷ Yesu lónu asón ání, ɔlebláa amú ɔbée, “Alɔpu léhián ɔlɔ ɔtsapú, megyí ahá ání iwí bu amú ɔnlín. Mmɛba aha wankláán ɔtikpá, mboun lakpan abwepú ɔtikpá neba.”

Ɔnókli Iwi Asun Fitéhé

(Mateo 9:14-17; Luka 5:33-39)

¹⁸ Asú Ɔbopú Yohane akasípú pú Farisifə buɔtetsiá klí ɔnó. Eke ɔku akú beba befité Yesu bɛɛ, “Ntogyi só Yohane akasípú pú Farisifə akasípú buɔteklí ɔnó, táme fú akasípú mú buɔtamaklí ɔnó?”

¹⁹ Yesu léle mú ɔnó ɔbée, “Ní ɔtsi ɔkpaínpu bu mu anyawíe wá á, béklí ɔnó? Ekekeke! Inuá ɔbu amú wá ání mú á, buɔméeklí ɔnó. ²⁰ Táme eke ku béba ání békpa ɔká ɔtsiápu amu náti sí amú. Alí nke ámuɔtə béklí ɔnó ní.

²¹ “Ɔhaa tamapú tati pəpwe tan tati dada. Tsúfé tati pəpwe amu békpkpí tsíí dáda amu iku lé, há ɔtánkpa inu bélatéi tsía. ²² Alí kén buɔtamapú nta pəpwe wá ɔwulú-kpákpá kente wuhétó ní. Nta pəpwe amu ibófu fá kente amu tsítsá, yíntá kente amu é. Inu su ɔwulú-kpákpá kente pəpweɔtə búɔtəpu nta pəpwe wá.”

Ɔkpónú Ɔdaké Mu Wie

(Mateo 12:1-8; Luka 6:1-5)

²³ Yesu mva mu akasípú buɔtsun ayó ndə kutə ɔkpónú ɔdaké, mu akasípú buɔpɔsáa ayó ámu ku wí. ²⁴ Farisifə akú bowun amú, befité Yesu bɛɛ, “Kí, ntogyi só buɔde tásá aní mbla meha ɔkpa bwe ɔkpónú ɔdaké?”

²⁵ Yesu léfité amú ɔbée, “Mlímókókla nu tásá Owíe Dawid lóbwe bréá akón de mva mu abúopu, buɔma tətəá bégyi kí? ²⁶ Olebitíwíe Bulu osúmkpa

yótsu bodobodoá bapóhá Bulu igyí ba, mva mu abúopu amu begyi, Bulu igyí ahapó dehen Abiata bísú. Bulu igyí ahapó nkole bele okpa bótég yi ali bodobodo amu.”

²⁷ Múú òlètrá bláa amú òbée, “Nyankpusa sù Bulu lóbwe òkpónú òdaké ámu. Megyí òkpónú òdaké ámu sù Bulu lóbwe nyankpusa. ²⁸ Mú sù mí, Nyankpusa-Mu-Bi ánfí gyí òkpónú òdaké mu wie!”

3

Ìlòtsa Òkpónú Òdaké

(Mateo 12:9-14; Luka 6:6-11)

¹ Yesu létrá yó Yudafo ofiakpa inu á, oyin òku tsie inu, mu ibi kule lawú. ² Aha aku bode Yesu téé, abuki bee òbétsa mu òlò òkpónú òdaké ámu, méní bénya mu iwí asón blí. ³ Yesu lébláa oyin ámúú mu ibi kule lawú ámu òbée, “Kusu belí amú ansító nfi.” ⁴ Múú òlèfité amú òbée, “Ntò aní mbla léha okpa aní abwée òkpónú òdaké? Yilé lóó, ntée lalahé. Ahóò zha nkpa lóó, ntée amóò mu?”

Táme zhaa méle mú ònó. ⁵ Yesu lópu òblé kí amú bómí. Òhò mu òsin, tsífé klontò bu amú odwin. Múú òlèbláa oyin ámu òbée, “Tínkí fú ibi amu.” Olenya tínkí mú ali pé, zhé lowie mútò. ⁶ Farisifò ámu bedali yó, amóa Owíe Herode ahá bekítá agywiun inunu aliá bóbwe bómú Yesu.

Ahá Tsòtsòòtsò Ìlò Tsa

⁷⁻⁸ Yesu mva mu akasípú benatí báyó Galilea opu ònó. Òdòm kpònkpònkpòntí bobuo mu tsú Galilea múa Yudea òmátò, Yerusalem, Idumea, Yordan bònkpá òbin pò Tiro múa Sidon nsáintò ba mu wá. ⁹ Ahá ámu bòdubi. Mú sù òlèbláa mu akasípú òbée, bódúnka òklun ku yai ha mu, méní bómòputá mu. ¹⁰ Tsífé alatsá ahá tsòtsòòtsò òlò. Mú sù alòpu amòtò okugyíòku dékléá òbòpu ibi da mu. ¹¹ Ní ahá aní zhe lalahé bu amúsú benyá wun mu ali á, badida mu ayabiasí, sùrá okitikítí blí bee, “Fógyí Bulu mu Bi ámu ni!”

¹² Táme òleda zhe lalahé amu òlá kínkíínkín òbée, imáha ahá abubi mu.

Akasípú Amu Adá

(Mateo 10:1-4; Luka 6:12-16)

¹³ Yesu lódu yó bòsu, òletí ahá aní mu onutò odeklé, báyòtu mu. ¹⁴⁻¹⁵ Múú òlèle amútò ahá dúanyò, òletí amú mu sumbí ayòpó aní mva amónyò bétsiá, otsia wa amú abuyeda mu asón òkan, abugya zhe lalahé lé ahátò.

¹⁶ Ahá dúanyò ámu adá gyí, Simon aní òledunká mu Petro; ¹⁷ Sebedeo abí Yakobo mva mu pio Yohane (òledunká amú adá òbée, “Boanerges.” Mú así gyí, “Òpráda abí.”); ¹⁸ Atráhe gyí, Andrea, Filipino, Bartolomeo, Mateo, Toma, Alfeo mu bi Yakobo, Tadeo mva Simon aní ogyi iwíòtsiá adunkápó opasuato zha; ¹⁹ pò Yuda Iskariot aní òlèbele mu há.

Yesu Mva Beelsebul

(Mateo 12:22-32; Luka 11:14-23; 12:10)

²⁰ Bréá Yesu lóyò wóyítò a, òdòm betrá ba inu. Mva mu akasípú bóményá okpa aní bég yi ató kóráá. ²¹ Bréá mu wóyítò ahá bonu mu iwí asón á, báyò beyékpa mu, tsífé bókí bee mu nwun layíntá.

²² Mose mbla asunápú akvá bòtsu Yerusalem ba inu beblí bee, “Zhe lalahé owíe Beelsebul tsíe mòtò. Mu túmí òdèpugya zhe lalahé lé ahátò.”

²³ Mú sù Yesu létí amó ba mu iwí wá, òlèbláa amú asón ayébitò òbée, “Nkálí Òbònsám òbétalí gya iwí? ²⁴ Iwíe ogyíkpá aní ilaye anyò, bode aba kò

ibédida. ²⁵ Wóyí oduá mótó atsiápó bode aba kó é itobwíé. ²⁶ Mú sù ní Òbunsám dé m̀wɪ gyáa a, oméetalí líí. M̀wɪ onó omokpá ní.

²⁷ “Ọhaa méetalí wíé awonlínpó wóyító yókolá m̀wɪ ató, nkéti alagyankpá kíkí m̀wɪ tswi, asa obétalí kólá m̀wɪ ató f́éé.

²⁸ “Ọnkwali nde m̀li bláa mbéé, Bulu obétalí sí lakpan p̀wɪ abususɔ kugyíko kíé nyankpɔsa. ²⁹ Táme ní oku oblí abususɔ Ọje Wankíhé am̀wɪ á, Bulu méesikíé m̀wɪ ekεεεεε, tsúf́é alabwé lakpan aní sikíé ma m̀wɪ.”

³⁰ Aha akwɛ beblí bεε, ọje laláhe bó Yesutɔ. Mú sù ɔde íni blí ní.

Yesu Abusuanfɔ Onutó

(Mateo 12:46-50; Luka 8:19-21)

³¹ Yesu m̀wɪ yin m̀wa m̀wɪ apio beba belí kpankpá, bowa oku bεε, ɔtí m̀wɪ ha amú. ³² Ọdam bɔtsie bomlí m̀wɪ, bebláa m̀wɪ bεε, “Fú yin m̀wa fú apíó bulí kpankpá, bode fú dunká.”

³³ Mú Yesu léfité amú obéé, “Amendi gyí mí yin m̀wa mí apíó?” ³⁴ Mú ɔleki ahá amú bɔtsie bomlí m̀wɪ am̀wɪ, blí obéé, “Mliki, mí yin m̀wa mí apíó gyí ahá anfi á! ³⁵ Ọhagyíha aní ɔabwé Bulu apé a, m̀wɪ gyí mí pío p̀wɪ mí yin ní.”

4

Ató-abí Owunyápv Iwɪ Yébi

(Mateo 13:1-9; Luka 8:4-8)

¹ Yesu létrá kɔsú yó ɔde ató suná Galilea ɔpv onó eke oku. Ọdam am̀wɪ bobomlí m̀wɪ. Mú sù ɔlɔdu wíé ɔklɔntɔ, yétsiá ɔpv am̀wɪ, ahá am̀wɪ é bulí ɔpv onó inu. ² Inu olosuná amú ató tsɔtsɔtsɔ ayébitɔ obéé,

³ “Mli nu! Ọdɔtɔpv oku lóyɔ ató-abí owunyákpa. ⁴ Bréá ɔde mú wunyáa a, iku lɔwólí ɔkpatɔ, mbubwi beba bɔtswetswéé mú f́éé. ⁵ Iku é lɔwólí abutású, ɔtínéá isi kpalobí d̀n. Iłwa ɔsa kwe, ⁶ táme bréá owí lelɔn a, ulɔtɔ mú m̀wɪ, tsúf́é mú nlin m̀wɪ ɔtótó. ⁷ Abí am̀wɪ ku lobun awutɔ, awu am̀wɪ lɔbolá kítá mú, imedan. Mú sù imoswie abí. ⁸ Táme abí am̀wɪ ku é lɔwólí ɔsɔlɔw wankláánsú, ulkwε, dan, swie abí, iku adɔasa (30). Iku aduesie (60), iku é lafa (100).”

⁹ Inu ɔlɔmɔ mú onó obéé, “Ọhá aní ɔbɔ asu onúu!”

Tɔá Svá Yesu Lɔtí Ayébisɔ

(Mateo 13:10-17; Luka 8:9-10)

¹⁰ Bréá ilesi Yesu m̀wa sumbí ayɔpó dúanyɔ am̀wɪ p̀wɪ ahá kpalobí akwá bubuo m̀wɪ a, bobwii ipa há m̀wɪ bεε, ɔlé yébi anfi así suna amú. ¹¹ Mú ɔlebláa amú obéé, “Mli mú á, Bulu lahá m̀li ɔkpa obéé, m̀li bí m̀wɪ iwíegyí am̀wɪ iwɪ asɔn ọáínhé. Táme nde aha bambá asón bláa ayébisɔ,

¹² ‘m̀éni bówun láwun,
táme b̀m̀éébi mú.

Bónu lánú,

táme b̀m̀óonu mú así.

Ní megyí alí tɛki bédamlí klɔntɔ,

Bulu obési amú lakpan kíé amú.’ ”

Ató-abí Owunyápv Yébi Am̀wɪ Así

(Mateo 13:18-23; Luka 8:11-15)

¹³ Mú Yesu léfité amú obéé, “Ní m̀limónu yébi anfi así á, mú nkálí m̀lóbwe asa mlónu tráhe f́éé así? ¹⁴ Ató-abí amú owunyápv am̀wɪ déwunyáa am̀wɪ gyí Bulu asón am̀wɪ. ¹⁵ Abí amú lɔwólí ɔkpasu am̀wɪ gyí ahá amú benyá nù Bulu asón am̀wɪ alí Òbunsám labele mú lé amú klɔntɔ náti am̀wɪ. ¹⁶ Abí amú

ɔwɔlɪ abutásó amu gyí ahá amóú bonú asón ámu pé, bahɔ mó ansigyísó, 17 táme iníá buma nlin su á, asón ámu itamatsiá amótó yó. Mó su ní budun amósó ntée iwɔsɪn ku itó amó asón ámu su á, inɔnɔ butedida. 18 Abí amóú ɔwɔlɪ awutó ámu gyí ahá amóú bonú asón ámu a, bahɔ mó, 19 táme ɔyí ánfito ató hiánhe iwɪ gywíin, pó mótó atonyahé iwɪ ɔnsípe tegyi asón ámu su. Inɪ su butamaswíé abí. 20 Abí amóú ɔwɔlɪ ɔsólúw wankláánsó amu gyí ahá amóú bonú asón ámu a, butegyi mósó. Inɪ su itehá butəbwe yilé fé alhá ató-abí ámu loswie, ɪku adɔasa (30), ɪku aduesie (60), ɪku é lafa (100) ámu.”

*ɔkandíe Iwɪ Yébi
(Luka 8:16-18)*

21 Yesu léfité amó ɔbéé, “Butonywé ɔkandíe pó ɔlɔ bun mósó, ntée pówá mpá ayasi? Megyi ɔfúákpá butəpóbian? 22 Tɔtɔ ma inwá ibénjaín, iméelɪn ɔwan. Asɔn njaínhé kɔkɔ é uma inwá buméebi mó. 23 ɔhagyíɔha ání ɔbu asu onú!”

24 Móú ɔleblɪ ɔbéé, “Mliɣaa asu wankláán mli asón-nutó. Itáá mlópusúsu ha mli aba á, mó kén Bulu ɔbópɔsúsu mó wankláán, lápú ɪku tsia mótó há mli ní. 25 Tsúfɛ ɔhá ání odekkléá obónu mí atosunáhé amu asi á, Bulu ɔbópɔ ɪku tsia mótó há mu. Táme ɔhá ání omedékléá obónu mó asi á, Bulu ɔbósɔwí mu kpalobí amóú alabí ámu kóráá.”

Oyi-ibíá Idédáan Iwɪ Asón

26 Yesu létrá blí ɔbéé, “Bulu iwíegyi amu igyi fé alhá ɔha todú oyi-ibí mu ndɔtɔ. 27 Ní owí itá á, ɔhá ámu tekledɪ. Ní ɔyí ɪke a, ɔtelákósó, táme omeyín alhá itəbwe asa oyi-ibí ámu itəkwɛ dan. 28 ɔsólúw onutó tehá mó təkwe. Itegyankpá lé ate, wá ntswítswí, asa itəbəbwe abí onutó. 29 Táme ayó ámu inyá blí pé, ɔdópɔ amu latsú mu ɔdayí ɔyétɪn mó, tsúfɛ mó tɪnbɪ lafɔn.”

*Takyí-akpin Ibí Yébi
(Mateo 13:31-32, 34; Luka 13:18-19)*

30 Inu Yesu léfité ɔbéé, “Ntɔ Bulu iwíegyi ámu lelian? Ntée yébi mɔmɔ nópɔsúná alhá igyi? 31 Igyi fé takyí-akpin ibí. Múgyí túkúríibi nyí-abító féé ní. 32 Táme ní idan a, itəbwe ífá fóáhé dɔn ífá kugyíku. Mó abámbi tekpíkpli, mbubwí botogyónká mó asi.”

33 Oletsíá pú ayébi anfi odu tsɔtsɔtsɔ súná amó ató, yófɔn alhá ahá ámu bétalí nú mó asi. 34 ɔmebláa amó asón kɔkɔvá imegyí ayébi ɔlɔpótóí. Táme ní isí mwa mu akasípó nkɔle a, ɔtelé tógyító asi.

*Atsufú Asibá
(Mateo 8:23-27; Luka 8:22-25)*

35 Alɪ ɛke ámu ntópɔwɛsu á, Yesu lébláa mu akasípó ɔbéé, “Mliha afa Galilea ɔpu yɔ mó ɔbin!” 36 Móú bowie ɔklɔntɔ, akasípó amu beplá mó, benatí sí ɔdɔm amu. Nklɔn bámbá ku é lobuo amó. 37 Afú kpankɔpɔnkɔntɪ ku lówa tsóɔn bi. Mó su ntsu dɛda wíé ɔklɔn amotɔ, ideklé ime. 38 Táme Yesu mó nɛlín sumuesu ɔklɔn amu ɔma ɔdɛdidi. Akasípó amu betsinkí mu. Móú befité mu beɛ, “Osunápó, iníá anidé ntsu wie á, fɔmotsu kɔkɔ lé mótó?”

39 Inu Yesu lókɔsólé lé ɔnɔ wa afú ámu, ɔlebláa ɔpu amu ɔbéé, “Kpa ɔnɔ bun! Dɪ díin!” Inu afú ámu lési tsóɔn, inu féé lɔlvá. 40 Móú ɔlefité amó ɔbéé, “Ntogyi só mlidé ifú nya alí? Mlimá hógyi?”

41 Ifú lehɪe kítá amó, befité aba beɛ, “Nyankɔusa ɔmɔmu ni, afú móa ntsu kóráá tonú mu ɔme alí?”

5

Ἰηε Laláhe Gyáa Le Ogbedéptó
(Mateo 8:28-34; Luka 8:26-39)

1 Bréá Yesu muá mu akasípú amu bowie Galilea oḡu amu ɔbu Gerasefo* ɔsolósu á, 2 olenya kplí dáli ɔklóntɔ alí, oyin ɔkuá oḡe laláhe bu muɔ́to lédalí tsu afúli opulákpá befia mu. 3 Oyin áñfi lapú afúli opulákpá ínu bwé mu otsiákpá. ɔhíe ɔbu iyn. Mú su oḡaa tamatráa talí bwé mu otsia díín, ntée wá mu íkan. 4 Tsúfẹ teki betsiá wá mu ayabi pú mu íbi íkan, támẹ oletsiá tɔn mú, bíabía íkan amu tsálífwí. ɔḡaa é má ɔwɔńlín ání ɔbétalí pón mu. 5 Ekekegyíeke oḡa múa onyé fée á, ɔbu afúli opulákpá ínu múa abusu, ɔde okitikíti, ɔdepu abwi tsantsan íwi.

6 Olenya wun Yesu sísí alí, ɔlesrí yéda akpawunu mu ayabito. 7 Múó ɔlɔsuɔrá okitikíti kóklókúú ɔbée, “Ɔsósúsú Bulu mu Bi Yesu, amansu igyi? Tanu Bulu ání fómépuṭí mí ató!” 8 Ɔleblí asón áñfi, tsúfẹ Yesu lébláa mu ɔbée, “Ἰηε laláhe, dali oyin áñfito.”

9 Ínu Yesu léfité mu ɔbée, “Nkálí buṭetí fú?” Ɔlele mú ɔnó ɔbée, “Mí dá gyí, ‘Ɔɔám’, tsúfẹ anihíe aní tsó.” 10 Ínu oḡe laláhe amu behie kókóli mu bee, ɔmágya amú lé Gerasefo ɔsolób amusu.

11 Mprákuo tsɔtsɔatsɔ aku budegyí okúku kusu ínu fón. 12 Ἰηε laláhe amu bokokóli mu bee, ɔhá amú abuyowie mprákuo ámuɔ́to. 13 Múó ɔleha amú ɔkpa. Bedalí oyin ámuɔ́to yówie mprákuo ání bóbwe fé mpím-anyɔto (2,000). Amú fée besrí kplí okúku ku wíe oḡu amuɔ́to, wúwu.

14 Mprákuo ámu akpapó besrí yéblí asón áñfi ilaba anfi awúlusu pú nkudasí fée. Ahá bedalí bee beba beki tás ilaba. 15 Bréá beba bowie Yesu wá á, bowun ání oyin ámuó oḡe laláhe betsiá muɔ́to ámu ansító ladí, alawá atadie otsie. Ilɔwa amú ifú. 16 Ahá ámuó bowun tás ilaba oyin ámuó teki oḡe laláhe tsie muɔ́to ámu pú mprákuo ámuɔ́to amú bebláa amú tás ilaba fée.

17 Ínu bokokóli Yesu bee, ɔdálí amú ɔsolósu. 18 Bréá olowie ɔklon amuɔ́to á, oyin ámuó teki oḡe laláhe tsie muɔ́to ámu lókokóli mu ɔbée, ɔhá amubuo mu natí.

19 Támẹ Yesu méha mu ɔkpa. Mbuún ɔlebláa mu ɔbée, “Yínki yó fú apíó wá wóyító, afuyebláa amú ito yiléa aní Wíe Bulu labwé há fú, pú alía alawun fu nwe.”

20 Mú su oyin ámu lénatí tsuntson, ɔde ito yilé ámuó Yesu labwé há mu blí Dekapoli† awúlu amu féeṭó. Ɔnó lobwie ahá ámu fée.

Ɔhande Ɔku Mu Bi Mu Ɔtsí Ɔku Ilɔ Tsa
(Mateo 9:18-26; Luka 8:40-56)

21 Yesu léla fá oḡu amu yó mú ɔbu. Bréá ɔbu oḡu ɔnó ínu á, ɔɔám kpáñkpáñkpáñti beba bobomlí mu. 22 Ínu Yudafó offiakpa ɔhande ɔkuá buṭetí mu Yairo léba ínu. Bréá olowun Yesu a, ɔleɔda akpawunu mu ayabito, 23 kókóli mu ɔbée, “Mí bí tsíhíe déwu. Ba, afubɔpu íbi dínka musu, mu awútó íwa mu ɔnlín, onya nkpa.”

24 Múó muá Yesu benatí bɔyó á. Ɔɔám kpáñkpáñkpáñti bekláa buo mu, kpá pútá mu.

25 Ɔtsí ɔku é bu ahá ámuɔ́to, obugya de mu wolí nfi dúanyó ní. 26 Alahíe wun ipian iló atsapú tsɔtsɔatsɔ íbitɔ, hólí mu íwísu ató fée, támẹ iló ámu imekálá bwé mu. Iyn ídewa tsía. 27 Bréá ɔtsí áñfi lónu Yesu nka á, ɔlɔtsun yo mu

* 5:1 Gadarafó bu nwóló dada amu akuto. † 5:20 Dekapoli así gyí awúlu dú.

ama, fifitiwíe odam amoto yópu ibi da Yesu atadié. ²⁸ Tsúfè òleblí wá mu nwuntò obéé, “Ní nàpó ibi da mu atadié kpán á, ìlò ámu ibési mí.”

²⁹ Olenya pò ibi da mu atadié ámu alí, obugya amu léka itin. Olonu mó nka mu awútó ání ìlò ámu lasí mu. ³⁰ Inu Yesu lónu mó nka mu awútó mu é ání òjé kv ladáli mvto. Inunu òledamlí kí odam amu, òlefíté amó obéé, “Ma lápó ibi da mí atadié?”

³¹ Mú mu akasípó amu befíté mu bée, “Fó onutó fawun ání odam bakpá putá fu. Mú futráá fudefité fée, ‘Ma lápó ibi da mí?’ ”

³² Yesu lówa ansí kí amótó fèé, òde òhá ání òlòpu ibi da mu dunká. ³³ Ifú lékítá òtsi ámu. Mú sv òlòwa kpinkí kpakpakpakpa bi, tsúfè oyin itóá alanyá. Inu òleba bèda akpawunu Yesu ayabito, bláa mu ònòkwali amu fèé. ³⁴ Yesu lébláa mu obéé, “Mí bí, fó hògyi lahò fu nkpa. Natí iwilwiitò. Fó ìlò ámu ita.”

³⁵ Bréá Yesu bu mósó òdetóí á, aha aku botsu ofiakpa òhande amu wóyító ba bebláa mu bée, “Òhande, fó bí tsíhé ámu òdikpa mówa alé. Mátepi trá wa osunápó tóí.”

³⁶ Yesu mékplá asón amóú bodeblí ámu. Mboún òlebláa mu obéé, “Mánya ifú. Fó mó hogyi wòle.” ³⁷ Yesu méha òhaa òkpa obuò mu òn Petro pò Yakobo mva mu pio Yohane nkule. ³⁸ Bréá bowie òhande amu wóyító á, Yesu lówun ání ahá babólá inu, bodesú, buðe okitikíti. ³⁹ Olowie inu fité amó obéé, “Ntogyi só mlidé ipian wúun, mlidé okitikíti alí? Otsibi amu mákówú, didí òde.”

⁴⁰ Ahá ámu bómási mu. Mú olegya amó fèé dáli ba wunsiné, òlekpa obí ámu akwípó pò mu akasípó amóú bubuò mu amu bebitíwíé obu amóú otsibi amu da mótó amoto. ⁴¹ Inu òlekítá kebi ámu ibi, bláa mu amó òblítò obéé, “Talita Kuum!” (Mó así gyí, “Obitebí, kusv!”)

⁴² Inunu òlòkusò òna. (Otsibi amu lahò nfi dúanyò.) Ilòbwie ahá ámu fèé ònó dáfá. ⁴³ Mú òleða amó òlá kínkínkín obéé, bumábláa òhaa asón ánfi. Inu òlebláa amó obéé, buháa kebi ámu ató ogyi.

6

Bumàhò Yesu Mv Wúluto (Mateo 13:53-58; Luka 4:16-30)

¹ Yesu mva mu akasípó bedali òmá ámto yínkí yó mu wúluto. ² Òkpónú òdaké lenya fun alí, òlòyò òde ató suná Yudafo ofiakpa. Mu atosunáhé leha ònò lobwie ahá tsòtsòtsòá bonu mó. Mú sv befíté aba bée, “Nkónú olenya nyánsa móa ofúlábwe túmi ánfi é tsú? ³ Megyí ató osrépó amu ni. Megyí mu yin gyí Maria, mu apio yinhé gyí Yakobo, Yosef, Yuda pò Simon? Yéé ania mu apio tshé é tsie nfi á?” Benya òbló musu.

⁴ Yesu lébláa amó obéé, “Ahá butobú Bulu ònósó òtáipó òtínegyíòtíne, táme mu wúlutofò, mu abusuanfò pò mu wóyító ahá mó butamabú mu.”

⁵ Iníá bumàhò mu gyí sv òmetalí bwé ofúla kvkv, òn ahá kpalobí akusu òlòpu ibi dínká, tsá amó ìlò. ⁶ Ilòwa mu ifú ání bumàhò mu gyí.

Akasípó Dúanyò Amu Sumbíwa (Mateo 10:5-15; Luka 9:1-6)

Yesu léki nkuda ání inu bomlí inu asi, òde ató suná. ⁷ Inu òletí akasípó dúanyò ámu ba mu iwí wá. Mú òlòwa amó sumbí abanyó-abanyó. Òleha amó túmiá bópogyi òje laláhesu. ⁸ Òleða amó òlá obéé, “Mlímátsu tòtò kítá yó òkpa ámu, òn mlí oyi yíáhé! Mlímátsu atogyihe nté akpankogyo, nté kóba kítá! ⁹ Mlíwa ntokota, táme mlímátsu atadié nyòòsí kítá!

¹⁰ Wóyígyíwóyíá mláswíí mótó á, mlítsia inu yófun bréá mlédali wúlu amoto. ¹¹ Ní mláyó wúlu kusu, bumáho mli, ntée bumekleá bónu mli atosunáhé, mlíédali mótó mláyó á, mlikpakpa mli ayabito-isi wuli inu, isuna ání bumebi bwé.”

¹² Mú sv bóyo yéda asón ámu okan béé, ahá budámli klonto. ¹³ Begya oje laláhe tsotsotsó lé ahátó, bekpa alápu tsotsotsó é ofobí, tsá amó ilo.

*Asú Ọ̀bọ̀pọ̀ Yohane Lowu
(Mateo 14:1-12; Luka 9:7-9)*

¹⁴ Galilea amásó ogyípó Herode lónu Yesu iwí asón ání, tsúfẹ́ mu idayilé dé otínegyíotíné. Aku budeblí béé, “Asú Ọ̀bọ̀pọ̀ Yohane lákósú tsú afúlitó. Mú sù, adé ofúla anfi odu bwe ní.”

¹⁵ Táme aku é béé, “Bulu onósó otáipó dada Elia ní.”

Aku é béé, “Bulu onósó atáipó dada amoto oku ní.”

¹⁶ Bréá Herode lónu asón ámu a, odebli obée, “Yohane amóu neha betun amu látsínkí tsú afúlitó.” ¹⁷⁻¹⁸ Herode léha bekitá Yohane, wá mu ikan, pú mu wá obu. Tsúfẹ́ oletsiá bláa Herode obée, mbla meha okpa ání obétsiá mu pio Filipino mu ka Herodia amóu otsia amu.

¹⁹ Mú sv Herodia lóhó Yohane asón wá iwíto. Ọ̀bawé agywun ání obómó mu, táme ometáli, tsúfẹ́ Herode méhá mú okpa. ²⁰ Herode yin ání Yohane asón da okpa, ogyi oha wankíhé. Mú sv olenya mu ifú, okéki musu wankláán ání toto móbwe mu. Ibo mótóá Yohane asun blíhé tehan Herode, táme oteke mú nu.

²¹ Tóá Herodia dédunká léba ha mu. Eké okuá Herode dé mu okwíké gyí a, ootswi opónú, tí ahande pú isá akópó dehen pú Galileafó ahande ba ató ámu ogyíkpá. ²² Bréá Herodia mu bi tshé lóbowie obontó tsa a, ilowa Herode mu ahande amu féé ansigyí. Herode lébláa mu obée, “Fite mí tógyítá fudeklé, néha fú.” ²³ Inu okéka ntam há mu obée, “Néha fú tótógyítá féfité mí. Ní igyi mí iwíe ogyíkpá ifun kóráá.”

²⁴ Otsibi amu lédalí yéfité mu yin obée, “Ntó nfite?”

Mu yin lébláa mu obée, “Fite Asú Ọ̀bọ̀pọ̀ Yohane nwun.”

²⁵ Ọ̀sasú otsibi amu léba bebláa Herode obée, “Ndekléá fupó Asú Ọ̀bọ̀pọ̀ Yohane nwun dinka ilínsú ha mi sésésé sí.”

²⁶ Asón ámu léhíe han owíe amu, táme mu ntam amóu okéka, pú ahá amóu bubu inu ámu sv á, omekleá obótun ntam amu. ²⁷ Inuonu olowa mu ahá otínpu obée, oyétun Yohane nwun ba mu. Ọ̀láyó yétun Yohane nwun obu okíkpá inu. ²⁸ Múto olápu nwun ámu dínká ilínsú ba otsibi amu, mu é olápu yáa mu yin Herodia. ²⁹ Bréá Yohane akasípó bonu asón ání á, beba botsu mu satin yópulá.

*Ahá Mpim-nu Atogyihé Ha
(Mateo 14:13-21; Luka 9:10-17; Yohane 6:1-14)*

³⁰ Yesu sumbí ayópó ámu beyínkí bá bebláa mu atóá bayóbwe pú múá bayósuná féé. ³¹ Mú oma a, ahá buna amó wá alu, bumenyá okpa gyi ató kóráá. Mú sv okébláa amó obée, “Mliha ayó itsétó fléén, ayeda okpónú.” ³² Inu bowie oklonto, pú okpa bóyo itsétó otineku.

³³ Táme ahá tsotsotsó bowun amó, bí otínéá bóyo. Mú sv botsu awúlu ámu féésú, tsíí osrú gyankpá yówie otíné amóu Yesu aná bóyo ámu. ³⁴ Bréá Yesu lékplí dálí oklun amoto, wun odom kpónkpónkpónti ámu a, amó asón lowa mu nwe, tsúfẹ́ búgyi fé akúfa ání buma okpapó. Mú sv olosuná amó ató tsotsotsó. ³⁵ Owí lópon a, akasípó amu beba mu wá bebláa mu béé, “Itsétó

nfi gyí, owí é latá. ³⁶ Ha amó abuyɔ nkuda móa awúlu ání ibu bomlí nfi así yodunká tɔku gyí.”

³⁷ Táme Yesu léle mú ɔnɔ ɔbéε, “Mlɔdunka ató ha amó abuyi.”

Móú befité mu beε, “Abétalí nyá sika* hɔ ató há ahá ánfí fée bégyi?”

³⁸ Yesu léfité amó ɔbéε, “Bodobodo apin afiní mlibu? Mliyo amliyeki!”

Beyinkí bebláa mu beε, “Bodobodo apin anu pó ntsutso iye bwáhé anyɔ bu inu.”

³⁹ Yesu lébláa amó ɔbéε, “Mliha amó abɔtsiatsia ifá bɔbwε amusu.”

⁴⁰ Betsiá así akúsú-akúsú, aku lafa (100), aku é aduenu (50). ⁴¹ Inu olotsu bodobodo anu pó ntsutso iye bwáhé anyɔ ámu. Móú olotsu ansí fúa kí ɔsósú, ɔleɗa Bulu ipán. Inu olebiabia bodobodo amu há mu akasípú amu ɔbéε, buyée ha amó. Oleye iye bwáhé anyɔ ámu é há amó, bɔpuhá ahá ámu.

⁴² Amó fée begyi mwe sian. ⁴³ Akasípú amu bɔtɔsí bodobodo móa iye sianhe amu a, ɔbɔlú alakpá dúanyɔ. ⁴⁴ Ayin ání begyi ató ámu nkɔle bugyi mpímu (5,000).

Ɔpɔvɔ Natí

(Mateo 14:22-33; Yohane 6:15-21)

⁴⁵ Benya gyi ató ámu tá alí, Yesu lébláa akasípú amu ɔbéε, buwíε ɔklɔntɔ abugyankpa fa ɔpu amu yɔ Betsaida wúlutɔ. Mu mú olesin ɔma sí ɔɗam amu ɔkpa. ⁴⁶ Bréá olesi amó ɔkpa tá á, ɔlɔɗu yó buɔvɔ yóɔɔ mpái. ⁴⁷ Bréá owí lɛta, ɔklɔn amu lawíε ntsu nsuné á, ilesi Yesu nkɔle ibu ámuɔvɔ. ⁴⁸ Inu olowun ání ɔklɔn amu plá de ɔnlɔn wa wá akasípú amu, tsúfé afú kpɔnkpɔntɔ detsúɔn fia amó. Bake-bake a, Yesu lɛnatí ntsu ámuɔvɔ ayabitɔ buo amó, odeklé ɔtsɔn amósú. ⁴⁹ Táme bréá bowun mu a, buki beε, fúli ogyi. Mú su bɔsɔrá okitikíti. ⁵⁰ Opúni letsii amó fée.

Táme ɔlɔwa ɔsa bláa amó ɔbéε, “Mliwa klɔn. Mí ní. Mlimánya ifú.”

⁵¹ Móú ɔlɔɗu wíε ɔklɔn amɔtɔ, afú ámu lɛka itin á. Asún ánfí lówa amó wánwan. ⁵² Amó klɔntɔ-odwin sɔ buɔmɔkónyá nú bodobodo iwɔ asún ámu asi.

Táme ɔlɔwa ɔsa bláa amó ɔbéε, “Mliwa klɔn. Mí ní. Mlimánya ifú.”

⁵¹ Móú ɔlɔɗu wíε ɔklɔn amɔtɔ, afú ámu lɛka itin á. Asún ánfí lówa amó wánwan. ⁵² Amó klɔntɔ-odwin sɔ buɔmɔkónyá nú bodobodo iwɔ asún ámu asi.

Genesaretɔ Alɔpv Tsa

(Mateo 14:34-36)

⁵³ Yesu muva amónyɔ befa ɔpu amu yési Genesaret ɔtsubúɔ, bɔwa ɔfé kítá ɔklɔn amu. ⁵⁴ Benya kplí dáli ɔklɔn amɔtɔ alí ahá bowun Yesu, bí mu ɔtsáwɔle pé. ⁵⁵ Mó su besrí yótsu amó alɔpv sɔrá akpasu, tsú ntíné-ntíné bɔtu mu inu. ⁵⁶ Ɔtínεgyíɔtínéá Yesu lóyɔ, igyi wúlutɔ ntée akuda ó á, bɔpu amó alɔpv bɔtswi brɔnusu, kókóli mu beε, ɔhá alɔpv amu abɔpu ibi da mu atadie ɔdanú kpán. Amóá bɔpu ibi da mú fée benya ɔlɔtsá.

7

Atitfɔ Amándíε

(Mateo 15:1-9)

¹ Farisifɔ pó Mose mbla asunápú aku botsu Yerusalem ba befia Yesu wá.

² Móú bowun ání mu akasípú amu aku buɔmɔfwɔ ibi amándíε ɔkpasu asa buɗe ató gyí.

³ (Tsúfé Yudafɔ, títriu Farisifɔ buɔmɔkósí amó anáin amándíétɔ. Mú su ní buɔmɔkófwi ibi amándíε ɔkpasu á, buɔtamagyi ató. ⁴ Alí kén ní buɔmɔkógyóra iwɔ á, buɔtamagyi t́á bɔpuɔsúa bíású ba ni. Amándíε bámbá ku aná é bu inu, buɔtráa buɗe mótt́ tsú nwe núu ntsu, nló pó nlanka iwɔ.)

* 6:37 Sika ánfí igyi sika futútú lafa-anyɔ (200), igyi ɔha nke lafa-anyɔ (200) ikóká.

5 Mú su amó Mose mbla asunápó befíté Yesu bée, “Ntogyi só fú akasípó amu butamagyi aní anáin amándíésó, bwmǎfwǐ ɪbǐ amándíé ǎkpasu asa abugyi ató?”

6 Yesu léle mú ǎnó ǎbéé, “Ɖnǎkwali Bulu ǎnósó ǎtǎipúYesaia léblǐ tswǐ tsú mǐ apinabwebǐ abwepó ánfǐ ɪwǐ ǎbéé,

‘Ahá ánfǐ bodeɣu amó ǎnó bú mí,

támé amó klǎn bu ɪfó mí wá.

7 Kpaali bode mí sum,

tsúfé basǐ Bulu mbla tswǐ,

yó bode anyánpósa mbla suná.’

8 “Mlilasǐ Bulu mbla ámu tswǐ, mlidé mǐ anáin amándíétó.”

9 Inu ǎlebláa amó ǎbéé, “Mlulapina si Bulu mbla ámu tswǐ nyánsato, ménu mlégyi mǐ onoto amándíésó. 10 Tsúfé Mose lǎwanlín wá Bulu mbla ámuoto ǎbéé, ‘Bu fú sí muǎ fú yin.’ Ɖletrá wanlín ǎbéé, ‘Ní ǎku léblǐ asokpan tsú mu sǐ ntéé mu yin ɪwǐ á, bwmǎó mu.’ 11 Támé mǐ mú mǐaa, ǎha ǎbétalǐ bláa mu sǐ ntéé mu yin ǎbéé, ‘Tóá tekǐ nǎpohá fú á, napóbwé Koban.’* 12 Mlilahá ahá bwmédé toto bwe há amó akwǐpó. 13 Mǐ anáin amándíé su mlitráa mlumédé Bulu mblasu gyǐ. Ntóbǐ tsotsǎtsǎ é bu inuǎ mlitráa mlidébwe tsǐa ínito.”

Tóá Itǎkpóí Ɖha Bulu Ansító

(Mateo 15:10-20)

14 Yesu létrá tǐ ǎdǎm amu ba mu ɪwǐ wá, ǎlebláa amó ǎbéé, “Mǐ fée mǐyaa asu amlinu ínǐ asi! 15-16 Megyǐ tóá ǎha tegyi tǎkpóí mu Bulu ansító. Mboun móá itedáli tsu mu ǎnó.†”

17 Bréá ǎlenatǐ sí ǎdǎm amu yó wóyító a, mu akasípó amu befíté mu yébi anfi asi. 18 Ɖlele mú ǎnó ǎbéé, “Mǐ é mlitamanú asún asi? Mlímeyín aní tóá itowíé ǎha ǎnó tamakpóí mu Bulu ansító? 19 Tsúfé megyǐ mu klǎntó itowíé, mboun mu iputo itowíé, ǎteyéle mú wá ǎkpǎntó.” (Yesu léle mótó pósúná aní atogyihe kugyǐku ɪwǐ letin.)

20 Inu ǎlebláa amó ǎbéé, “Tóá itedáli tsu ǎha klǎntó tǎkpóí mu Bulu ansító. 21 Tsúfé ǎha klǎntó ágywun laláhe kugyǐku tedáli tsu. Mútehá mu ǎtǎwá atǐ móa ayin asún, otowí ató, ǎtǎmó ǎha, ǎtǎtǎ mbua, 22 ǎtǎwá ǎnsipe, ǎtǎbwé laláhe, ǎtemlé ahá, ǎtǎwá hakpan, ǎtǎwá olu, otetsii ǎha, ototsú ɪwǐ, ǎtǎbwé mimlála. 23 Ɖha klǎntó, atǎ laláhe anfi fée itedáli tsu. Mótǎkpóí mu ni.”

Ɖtsǐ Ɖkǎ Omegyǐ Yudayin Hógyi

(Mateo 15:21-28)

24 Yesu lénatǐ inu yó Tiro nsáunto. Ɖlǎyóswǐ wóyǐ kutǎ. Omedéklé ǎbéé ahá bobú aní maba inu, támé ǎmetalǐ njáin mu ɪwǐ. 25 Ɖhe laláhe bu ǎtsǐ ǎku mu bi tsíhétó. Olenya nú Yesu nka alǐ, ǎlǎwa ǎsa bédá akpawunu mu ayabito. 26 Griikiyintse ǎtsǐ ánfǐ gyǐ. Bǎkwǐ mu Siro Foenike ǎsolósu. Olokokóli Yesu ǎbéé, ogyáa ǎhe laláhe amu le mu bi ámuoto. 27 Támé Yesu lébláa mu ǎbéé, “Ha nyebǐ ámu abwmwe asa, tsúfé uma aléǎ fǎswǐ nyebǐ atogyihe póhá akǐaǐ.”

28 Ɖtsǐ ámu léle mú ǎnó ǎbéé, “Owíé, ɪbu mótó alǐ, támé akǐaǐ aní buda ǎpónú ámu asi é butegyǐ nyebǐ atogyihe mpupubiǎ itekpákpa bun amó ǎpónúasi.”

29 Múú Yesu lébláa mu ǎbéé, “Fabǐ lé mú ǎnó. Mó su natǐ, ǎhe laláhe amu ladáli fú bí tsíhé ámuoto.”

30 Bréá ǎtsǐ ámu lǎyǎ wóyító a, olowun aní ǎhe laláhe amu ladáli mu bi ámuoto, alási ǎda mpású.

* 7:11 Koban asi gyǐ, napókíé Bulu. † 7:15-16 Mótó yée 16 bu nwló dada amu akoto: Ɖhagyǐha aní ǎbu asu, onúu!

Yesu Létsa Isvtín Okvá Otamatási Wankláán

³¹ Yesu lénatí Tiro inu yó Sidon yóbomlí kplí ba Dekapoli[‡] awúlu amu nsainto asa oléladú yó Galilea opu onó. ³² Bapu isvtín oku ba mu, otamatáli tói wankláán. Bokokóli mu bee, opu ibi duka musu. ³³ Múú olekpa oyin amu ya ifóntó, pú mu asrebi wá oyin amu asoto, olotu atsonó dínká mu osrebisu, pódá oyin amu odandusu. ³⁴ Inu olotsu ansí fóa kí asósú, lón oné fú. Múú olebli obée, “Hefata.” Hebri oblító. Mú asi gyí, “Finki.”

³⁵ Inonu mu asu lefinkí, mu odandu é lesankí, olotoi wankláán. ³⁶ Múú Yesu léda ahá amu olá kpákpáákpá obée, bumábláa ohaa. Táme tsé dódódúdá oléda amú olá á, ali kén beda asón amu okan nu. ³⁷ Onó lehie bwíé amú, bebli bee, “Alabwé tógyító wankláán. Alahá asvtín bude asón nu, amúmu é budetói.”

8

Ahá Mpím-na Atogyihe Ha

(Mateo 15:32-39)

¹ Nke amuto á, odam kpankpankpani betrá befia Yesu wá. Amú atogyihe leta. Mú su Yesu léti mu akasípú, bláa amú obée, ² “Ahá ánfí asón de mí nwe wa. Nde eke sáásí opa bubuo mi. Butráa buma tótóá bégyi. ³ Ní nehá amú bapu akón náti báyó wóyí á, ansító béyébi amú okpató, tsúfé amótó aku okpa bu ifó.”

⁴ Múú akasípú amu befité mu bee, “Nkónú abénya atogyihe há ahá ánfí fée bégyi mwe dimbí ánfísu.”

⁵ Yesu léfité amú obée, “Bodobodo afini mliwu?”

Bee mó onó bee, “Asienó.”

⁶ Yesu léha odam amu betsiá osólótó. Múú olotsu bodobodo asienó amu, dá Bulu ipán, olebiabía mótó há akasípú amu beye mó há amú. ⁷ Bubu ntsutso iye bwáhé kpalobí ku é. Yesu lóyulá mósú, olapu mó é há akasípú amu, beye ha amú. ⁸ Amú fée begyi mwe. Akasípú amu botosi isianhe bólá alakpá yilé asienó. ⁹ Ahá amú bóbwe fé mpím-na (4,000), Yesu lési amú okpa. ¹⁰ Inonu mu mu akasípú bodu wíé oklontó ba Dalmanutafó osólósu.

Farisifo Bodunká Ofúla

(Mateo 12:38-42; 16:1-4)

¹¹ Farisifo bonu ání Yesu laba inu, beba bude mu asón fité. Bebláa mu bee, obwée osúna pusuna amú ání lélé otsú Bulu wá. ¹² Yesu lólon oné fú. Múú olefité amú obée, “Ntogyi só mli ndemba-abí mlidé osúna dunká amliwun? Mbláa mli onokwalí. Mmáobwe osúna kuku súná mli!”

¹³ Inu olenati sí amú, yó du wíé oklontó, fá opu amu yó mó obin.

Farisifo Pó Owie Herode Bodobodotu-afá

(Mateo 16:5-12)

¹⁴ Yesu akasípú amu bumekáin tsú bodobodo kítá. Ipin kole pé bu oklon amuto. ¹⁵ Bréá buđin ntsu amusu báyó á, Yesu léda amú olá obée, “Mliki wankláán Farisifo pú omású ogyípú Herode bodobodotu-afású.”

¹⁶ Akasípú amu befité aba bee, “Bodobodo amúú anumédé amu só ode asón ánfí blí lóó?”

¹⁷ Yesu lónu asón ání budebli. Múú olefité amú obée, “Ntogyi só mlidébli mlihaa, mliuméde bodobodo? Mú su oklontó bu mli odwin mli é? ¹⁸ Mli ansibi tamawun ató, mli asu é tamanú asón? Mlitamakáin asónsú? ¹⁹ Bréá neye

[‡] 7:31 Dekapoli asi gyí awúlu dú.

bodobodo apin anu ámu há ahá mpím-nu (5,000) á, isíanhε alakpá afinu mlílótásí?”

Bele mú onó bεε, “Dúanyo.”

²⁰ “Bodobodo apin asienó ámú neye ha ahá mpím-na ámu é mé, isíanhε alakpá yilé afinu mlílótásí?”

Bele mú onó bεε, “Asienó.”

²¹ Inu Yesu léfité amó obéε, “Imokówánkí mli kí?”

Ansibi Obwiepó Oko Ansibi Bwii

²² Yesu mva mu akasípó beba Betsaida wúluto. Aha ako bekpa ansibi obwiepó oko ba. Bobwii ipa há mu bεε, opúu ibi da mu, otsa mu ilo. ²³ Yesu lékítá ansibi obwiepó ámu ibi, kpá mu dáli wúlu amuto. Inu olotu atsonó dínká oyin ámu ansíbisu, pú ibi dínká musu. Múú òlefíté mu obéε, “Fude ató wúun?”

²⁴ Ansibi obwiepó ámu lótsu nwun fúá kí, òleblí obéε, “Nde anyánpúsa wúun, táme bogyi fé nyí buna.”

²⁵ Inu Yesu létrá pu mu ibi dínká mu ansíbisu. Oyin ámu lóbwii ansibi kí a, mu ansibi lawá alé, òde tógýtó wúun wankláán ngya. ²⁶ Yesu léyinkía mu sísí wóyító obéε, “Nati laa ya wóyí. Mátepi wíé wúlu amuto kóráá.”

Ohá Aní Yesu Gyí

(Mateo 16:13-20; Luka 9:18-21)

²⁷ Yesu mva mu akasípó amu benatí inu boyó Kaesarea Filipi awúluso. Bréá buna okpató á, òlefíté amó obéε, “Ma ahá bεε ngyi?”

²⁸ Bele mú onó bεε, “Aku bεε, fógýí Asú Obopó Yohane. Aku bεε, Bulu onósó otáipó Elia. Aku é bεε, Bulu onósó atáipó amuto oko.”

²⁹ Múú òlefíté amó obéε, “Mli é mé? Mlia mígyí ma?”

Petro léle mú onó obéε, “Fógýí Kristo, (ohá ámúú Bulu ladá mu ofúli amu) nu.”

³⁰ Inu òleda amó olá obéε, “Mlimábláa ohaa mí iwí asón ánfí.”

Yesu Iwiasin Pó Mu Lowu Iwí Asón Blí

(Mateo 16:21-28; Luka 9:22-27)

³¹ Inu Yesu léfi asi òde asóntó le súná amó obéε, “Ilehían ání mí, Nyankpúsa-Mu-Bi ánfí néhιe wun iwiasin tsotsotsó. Yudafó ahande, Bulu igyí ahapó dehen pó Mose mbala asunápó féé bekiná mí bεε, megýí mígyí Kristo amu. Bómó mí, táme Bulu obélakósóa mí tsú afúlitó nkensá oma.”

³² Omopu asón ánfí nájín amó. Mú su Petro létí mu ya itsétó yéka mu itin obéε, omátrá blí ali. ³³ Inu òledamlí kí akasípó amu, òlakplón wa Petro obéε, “Satan, nati tei mísó! Megýí tóá Bulu dégywíin fudegywíin, anyánpúsa klé fudegywíin.”

³⁴ Inu òleti òdom amu pó mu akasípó ba mu iwí wá. Múú òlebláa amó obéε, “Ní oko dékléá obóbuo mí á, osíí tóá otekle bwe, otsu mu oyikpalíhε bobuo mí. ³⁵ Tsúfé ní oko lépri mu nkpa á, obóhulí mú. Ní oko é lóhulí mu nkpa mía Bulu ason wankláán ámúsu á, Bulu obóhó mu nkpa. ³⁶ Ní oko onyá oyító ató féé, táme ohúli mu okláa a, labi mómú ilowa há mu? ³⁷ Ntéε ntó oha obétali pútse mu nkpa? ³⁸ Tsúfé ní oko onyá mía mí atosunáhé péli ndemba-abí laláhéá badámlí oma há Bulu ansító á, mí, Nyankpúsa-Mu-Bi ánfí é nénya mu péli bréá mía Bulu-abopu wánkíhé amu aniná mí Sí numnyamto abá.”

9

¹ Yesu lóyo mu tóisu obéε, “Omokwali nde mli bláa. Aku bobu mlito nfi bumóowu, yófun bréá bawun ání Bulu iwíegýí amu ina túmisu ibá.”

Yesu Iwitsée

(Mateo 17:1-13; Luka 9:28-36)

² Nkensié oma a, Yesu lékpa Petro, Yakobo mva Yohane, mva amónyo bɔɔv yó ɔbu kɔsɔ amó nkɔle. Inu Yesu létse amó ansító. ³ Mv atadié ledamlí futútúútú, ide ogyá kpa. Tɔtɔ ma ɔsɔlɔv anfisúvábá ɔbétalí bwé mó ɔbɔfulí alí. ⁴ Inu Elia mva Mose beɛle iwí ɔwan, amóv Yesu buɔetóí. ⁵ Múv Petro lébláa Yesu ɔbée, “Osunápó, ɔbu aláv abétsiá nfi. Ha ada abú asa. Fú klé kɔle, Mose klé kɔle, Elia é klé kɔle.” ⁶ Ifú lehie kítá Petro mva mv aba ámv dɔbi. Mú sv omowun asón ání ɔbli.

⁷ Inu agyinde kv lobobun amósó, ɔme kv ledalí tsu mótó ɔbée, “Ŋni gyí mí Bí ɔɔwepó ní! Mliyaa asv amlinu mv asón!” ⁸ Inu belakí, táme bɔmetrá wun ɔhaa dɔv Yesu nkɔle.

⁹ Bréá buɔe ɔbu ámv kplí á, Yesu léda amó ɔlá ɔbée, “Mábláa ɔhaa t́á bayóvun, yófvn ekeá Bulu ɔbókɔsúvábá mí, Nyankpɔsa-Mv-Bi ánvfi tsú afúlitó.”

¹⁰ Asón ánvfi lesin amó nwuntó, betsiá fíté aba beɛ, “Kɔsɔ tsú afúlitó ánvfi asv mé?” ¹¹ Inu befité Yesu beɛ, “Ntogyi sɔ Mose mbɔla asunápó amv beɛ, ilehián ání Elia obéyinkí bá asa Kristo amv ɔbéba?”

¹² Ŋlele mó ɔnó ɔbée, “Ŋnɔkwali igyi, ání Elia obégyankpá bá beɛla tógýító yáí wankláán. Mú ntogyi sɔ Bulu asv wanlínhé amv kén léblí tsú mí iwí ɔbée, mí, Nyankpɔsa-Mv-Bi ánvfi néhie wun ipian, ahá bósɔpáa mí? ¹³ Nde mlí bláa mbée, Elia layinkí bá dodo. Ahá bɔbwe mv alá buɔdeklé, fé alá bɔwanlín wá Bulu asón ámvto.”

Ilo Didahé Ɔlɔpó Tsa

(Mateo 17:14-21; Luka 9:37-43a)

¹⁴ Bréá beyinkí bowie akasípó atráhe amv wá á, bowun ání ɔɔm kpɔnkpɔnkpɔntí bafia bomlí amó, Mose mbɔla asunápó akv buɔe akasípó amv nwéen gyí. ¹⁵ Bréá ɔɔm amv bowun Yesu a, ɔlɔwa amó wánwan, besrí yéfia mv, há mv ayé. ¹⁶ Yesu léfité mv akasípó amv ɔbée, “Amansv mliha amónyo mlíɔdebití?”

¹⁷ Ɔɔm amvto ɔkv léle mó ɔnó ɔbée, “Osunápó, nekpa mí bí yínhé ba fv mbée afvtsa mv ɔlɔ. Ŋhe laláhe lahá ɔtamatóí. ¹⁸ Brégyíbréá ɔhe laláhe amv ɔba mvsv á, ɔtɔwósv mv, fin mv dá ɔsɔlótó. Mv ɔnó tɔbwé afu, ɔtɔwí ayín, ɔtesinsin. Nebláa fú akasípó mbée, bgyáa ɔhé ámv le mto ha mv, táme bɔmetalí.”

¹⁹ Yesu lébláa amó ɔbée, “Nɔemba-abíá mlímá hógýi, alí nétsiá mlí wá yó ní? Yófvn ɔmenke nnyá klɔv ha mlí? Mlikpa kebi ámv ba mv!” ²⁰ Bekpa kebi ámv ba Yesu.

Ŋhe laláhe amv lénya wun Yesu alí, ɔlɔwvsóv kebi ámv fin mv dá. Odemináa, mv ɔnó é ide afu. ²¹ Yesu léfité obí mv sv ámv ɔbée, “Tsu bré mɔmto ɔlɔ ánvfi lefi asv?”

Ŋlele mó ɔnó ɔbée, “Tsu mv nyebito ɔpá. ²² Itatswi mv wá ogyá mva ntsu aná féétó, itekléa ɔbómó mv, táme ní fétalí bwé tɔkv tsú mó iwí á, wun anu nwe afogyi anu bvale.”

²³ Yesu léfité mv ɔbée, “Blí fɔɔe fée, ní nétalí? Tógýító lɔpɔv ha ohógýipv.”

²⁴ Inu obí mv sv ámv lókplɔv blí ɔbée, “Nohogyi, táme mí hógýi mɔtsó. Gyi mv bvale, mí hógýi imoní!”

²⁵ Bréá Yesu lóvun ání ɔɔm amv butráa bsvrí beba á, ɔlɔkplɔv wa ɔhe laláhe amv ɔbée, “Fú ɔɔdandubiabíá mva ɔvotín ɔhé, dali kebi ámvto. Mátrá wie mto ekekeke!”

26 Ɔɛe laláhe amu lósurá okitikíti kóklókóó, ìetrá wusúu mu nyányányányáa, ìedali mutó. Ɔɛé leta mu. Mú su ahá ámutó aku beblí bee, “Alawú.” 27 Táme Yesu lékítá mu ìbi tsú mu fúá, òlakúsú líí.

28 Mú ɔma, bréá Yesu mu akasípú amu nkole bubu wóyító a, befité mu bee, “Ntogyi só aní mú anímétalí gya ɛɛe laláhe amu dáli kebi ámutó?”

29 Múó òlebláa amú ɔbé, “Iní odu mú á, nkéti mpá* pé mlétalí pógya mú.”

Yesu Lowu Iwi Asón Blí Otse Nyɔɔsi

(Mateo 17:22-23; Luka 9:43b-45)

30 Bréá Yesu mu akasípú amu benatí inu á, bɔtsɔn Galilea ɔsolúsu, támé Yesu mékléá ɔhaa ɔbí ɔtínéá mubbu. 31 Tsúfé ɔde akasípú amu ató suná ɔbé, “Béle mí, Nyankpɔsa-Mu-Bi ánfí há adón bómo mí, támé Bulu ɔbélakúsóa mi eke sáásí.”

32 Akasípú amu bɔmonu mú asi, ifú é de amú aní befité mu.

Ma Ɔbóbwe Ɔhande?

(Mateo 18:1-5; Luka 9:46-48)

33 Beba Kapernaum wúluto. Bréá bowie wóyító á, Yesu léfité amú ɔbé, “Ntò nwéen mlídegyí ɔkpató?”

34 Bekpa ɔnó bun músú, tsúfé ìhande budeprí. 35 Yesu létsiá asi, òleti akasípú dúanyɔ ámu, òlebláa amú ɔbé, “Ní mlíto ɔku dékléá ɔbóbwe mlí nkpa ogyápu a, ɔbwéé mu iwi ɔma ogyápu pó mlí f́é osúmpú.” 36 Inu òlekpa kebi ɔku belí amú ansító, látá mu pútá, òlebláa amú ɔbé, 37 “Ɔhagyíɔha aní ɔlɔhɔ kebiá ogyí alí mí dátó lahɔ mi. Ɔhagyíɔha aní ɔhɔ mi á, megyí mí ɔlɔhɔ, mbouin ɔhá ámuó ɔlɔwa mí ámu.”

Aní Obúopu

(Luka 9:49-50)

38 Yohane lébláa Yesu ɔbé, “Osunápú, anilówun oyin ɔku dépu fú dá gya ɛɛe laláhe, anuléka mu tin, tsúfé ɔma anito.”

39 Táme Yesu lébláa amú ɔbé, “Mlumáka mu itin! Tsúfé ɔhaa má inuá ɔbóbwe ofúla mí dátó, láblí mí iwi ason laláhe. 40 Tsúfé ɔhá aní ɔmòkusú líí anísu buo aní. 41 Ɔnòkwali nde mlí bláa mbéé, ní ɔku ɔhá mlí ntsu-owebe mlonu, mí dá aní ìdin mlísu su á, ɔmóɔholú mu ipán.

Ɔha Kpa Wá Lakpantó

(Mateo 18:6-9; Luka 17:1-2)

42 “Ní ɔku léha ahá ánfí bɔmòkódan mísú hógyitó ánfíto ɔku lóbwe lakpan á, ní beɔa nfúókwebu sián mu ɔmetó, tswi mu wá ɔputó pó á, ìbu alé ðun. 43-44 Ní fú ìbi kule téhá fútóbwe lakpan á, ka mú le! Ìbu aléá f́pu ìbi kule nyá nkpa aní itamatá, ðun aní f́pu ìbi anyɔ wíé ìsubití ogyá aní itamaduntó.† 45-46 Ní fú yabi kule téhá fútóbwe lakpan á, ka mú tswi tsalífwi! Ìbu aléá f́pu yabi kule nyá nkpa aní itamatá, ðun aní f́pu ayabi anyɔ wíé ìsubití ogyá aní itamaduntó.† 47 Ní fú nsibi téhá fútóbwe lakpan á, loti mú le. Ìbu aléá f́pu nsibi kule wíé Bulu iwíegyi ámutó, ðun aní f́pu ansibi anyɔ wíé ìsubití ogyá aní itamaduntó. 48 Ɔtínéá inu anyambi butamawú, inu ogyá é itamadun.

49 “Tsúfé bópu ogyá tun ɔhagyíɔha iwi, f́e alíá butɔpó nfólí tun afɔɔie iwi.

50 “Nfólí bu ɔdwe, támé ní itá ɔdwe á, ntò bélapówá mú ɔdwe?

“Mliha ɔdwe itsia mlíto f́e nfólí, iwílwii itsia mliha mlí aba nsiné.”

* 9:29 Mpáí móa ɔnòklí bu nwóló dada amu akotó. † 9:43-44 Mótó yéé 44 móa 46 belian 48, támé uma nwóló dada amu akotó. ‡ 9:45-46 Mótó yéé 44 móa 46 belian 48, támé uma nwóló dada amu akotó.

10

Okákiná Iwí Atosundhé

(Mateo 19:1-12; Luka 16:18)

¹ Yesu lókusó tsú inu yó Yudea omátó, Yordan ntsu obun. Odom betrá befia bomlí mu, oletrá suná amó ató fé alíá otobwé yáí.

² Farisifo ako beba mu wá, bodekléá bósó mu kí. Mú su befité mu bee, “Ani Mbla leha okpa ání oyin obétalí kíná mu ka?”

³ Yesu léfité amó obéé, “Nkálí aní náin Mose lówa mbla há mlí?”

⁴ Bele mu onó bee, “Mose léha okpa ání oyin owánlín okákiná owoló pokina mu ka.”

⁵ Yesu lébláa amó obéé, “Mlí klontó-odwin só Mose lówanlín mbla ánfí há mlí. ⁶ Tsú bréá Bulu léle oyí á, ot sí múa oyin ólóbwe. ⁷ Iní su oyin obótu sí mu sí mva mu yin yémantá mu kasu, ⁸ amó abanyó bóbwe oyilúv kule ní. Botráa bomegyí abanyó, mboúin babwé obakóle. ⁹ Iní su ahá ání Bulu labwé amó ikole a, ohaa mámaín amó abasu.”

¹⁰ Bréá beyinkí ba wóyító a, Yesu akasípó amu betrá fité mu asón tsú asón ánfí iwí. ¹¹ Yesu lébláa amó obéé, “Ní oyin okíná mu ka láyétsiá ot sí bábmbá á, alató mbua. ¹² Alí kén ní ot sí okíná mu kulu láyétsiá oyin bábmbá á, alató mbua ní.”

Nyebi Yula

(Mateo 19:13-15; Luka 18:15-17)

¹³ Aha aku bekpa nyebi ba Yesu bee, oþúv ibi dinka amósó, táme mu akasípó amu bowa iyin wá amó. ¹⁴ Bréá Yesu lówwun a, obló lekitá mu. Mú ólebláa akasípó amu obéé, “Mliha nyebi ámu okpa abuba mí wá. Mlimátin amó okpa, tsúfé ahá ánfí odu bó Bulu iwíegyi ámu ní. ¹⁵ Onokwali nde mlí bláa. Ohá ání omohó Bulu iwíegyi ámu fé kebi á, omóowie mótó.” ¹⁶ Mú ólelatá amó pútá, pó ibi dindínka amósó, oloyulá amó á.

Atonyahé Iwí Atosundhé

(Mateo 19:16-30; Luka 18:18-30)

¹⁷ Bréá Yesu lópv okpa oyó á, oyin oku lésrí ba beða akpawunu mu ayabito fité mu obéé, “Osunápó yilé, ntó nóbwe asa nénya nkpa ání itamatá?”

¹⁸ Yesu léfité mu obéé, “Ntogyi só fode mí tí oha yilé? Ohaa mégyí oha yilé, nkéti Bulu nkole. ¹⁹ Yéé fuyin Bulu mbla ámu dodo? Obéé, mámo oha, máto mbua, máwi ató, máka asón dínká fú básó, másisii oha, bu fú sí mva fú yín.”

²⁰ Oyín ámu lébláa mu obéé, “Osunápó, tsú mí nyebito opa nde iní féésó gyí.”

²¹ Yesu léki mu díin, mu asón lówa mu odwe. Mú ólebláa mu obéé, “Ilasí tokukoleá fóbwe. Yéfé fú iwísu ató féé, afuye kóba amu ha ahíánfo, méni fénya siadié osósó. Fóbwé mú tá á, ba afubobuo mí.” ²² Bréá oyin ámu lónu asón ánfí á, iwí lowu mu. Mú su olenatí díin, tsúfé ohíé obv ató.

²³ Yesu léki bomlí, olebláa mu akasípó amu obéé, “Ibéhie wá onlun asa iwí onyapó obówie Bulu iwíegyi ámutó!”

²⁴ Bréá akasípó amu bonu asón ánfí á, onó lobwie amó. Táme Yesu lélabláa amó obéé, “Mí abí, Bulu iwíegyi ámutó wie íbéhie wá onlun! ²⁵ Ilapón ha kpósó ání obótson obun-ató obótó, dón ání iwí onyapó obówie Bulu iwíegyi ámutó.”

²⁶ Asón ánfí leha onó lehie bwíé amó. Mú su befité aba bee, “Mómó ma mee Bulu obóho nkpa?”

²⁷ Yesu léki amó díin, olebláa amó obéé, “Tóá idun nyankpusa bwe mádón Bulu, tsúfé Bulu mú tetáli bwé tógyító.”

28 Mób Petro lébláa mu obée, “Yée anı mú anlası tógyıtı tswı bobuo fu o!”

29 Yesu lébláa mu obée, “Onakwalı nde mli bláa. Ohagyısha anı olesı mu wóyı, mu apıó, mu sı mu ma mu yin, mu abı ntée mu osulúv omagyáa, mıa mı asun wankláan amu su á, 30 obélanyá mu wóyı, mu apıó, mu ayın, mu abı pú mu agyapade amu odu tsé lafa séı. Bédinká musu é séı, táme obénya nkpa anı itamatá bré amúv ıbá amúv. 31 Táme agyankpapu tsotsotsu béba bemlı amapu, amapu é béba bemlı agyankpapu.”

*Yesu Lowu Iwı Asın Blı Otse Saası
(Mateo 20:17-19; Luka 18:31-34)*

32 Yesu mu ma mu akasıpó amu bapu okpa bogyó Yerusalem wúluto, Yesu gyánpká. İlwa amú wánwan, ifú lekıtá ahá amúv bobuo amú amú. Mób okpa akasıpó dúanyo amu ya itsétó, oetrá bláa amú tóá ıbéba musu. 33 Obée, “Mlinu! Nı awıé Yerusalem a, béle mı, Nyankpusa-Mu-Bı anfi há Bulu igyı ahapó dehen pú Mose mbıa asunápó. Béha mı lowu ipón, pú mı wá ahá anı bumegyı Yudafo ıbıtó. 34 Bóbwe mı ahınlá, tú atsonó wólı mı, nwén mı mplı, mó mı, táme eke sáası a, Bulu obókosúa mı tsú afılıto.”

*Ohande Osım Mu Aba
(Mateo 20:20-28)*

35 Sebedeo abı Yakobo mu Yohane bokpokpé mantáa Yesu bláa mu bee, “Osunápó, anıdékléa fobwée toku ha anı.”

36 Mób Yesu léfıté amú obée, “Nto mlıdéklé mlıaa mbwée ha mli?”

37 Bebláa mu bee, “Ha anıtó okole otsia fı gyopısu, okule é otsia fı binasu bréa Bulu owá fı numnyam.”

38 Táme Yesu lébláa amú obée, “Mlıméyın tóá mlıdékolı! Mlétalı wun iwıasın amúv neba bowun amú, ntée mlétalı wú lowu amúv nówu amú?”*

39 Bele mú onó bee, “Ee abétalı.”

Mób oelbláa amú obée, “Mlıwun iwıasın amúv neba bowun amú, wú lowu amúv nówu amú é, 40 táme nma túmı anı néle ohá anı obétsıá mı gyopi ntée binasu. Alı otsıákpá anfi mú ıda gyo ahá amúv Bulu lalá unı yái há amú.”

41 Bréa akasıpó ıdú atráhe amú bonu asın anfi á, Yakobo mu Yohane iwı lówa amú oblı. 42 Yesu létı amú fée ba mu iwı wá, oelbláa amú obée, “Mlıyın anı ahá anı butobú amúv bogyı omátófosu agyıpú butehıé amú ahá, amú ahande é butenyá túmı amúsú. 43 Táme mlıto mú á, ımába alı. Ohá anı odekléa obóbwe mlıto ohande obwée mli fée okpábi. 44 Nı mlıto oko é dékléa obóbwe mli nkpa ogyápu a, obwée mli fée okpábi. 45 Tsúfé mı, Nyankpusa-Mu-Bı anfi é mmeba mbée, busım mı. Ahá osımkpá neba, ampu mı nkpa ho ahá tsotsotsu nkpa.”

*Ansıbi Obwiepó Oko İlwa Tsa
(Mateo 20:29-34; Luka 18:35-43)*

46 Boyówie Yeriko wúluto. Bréa mu ma mu akasıpó pú odım kpónkpónkpontı amúv bobuo mu amú bodedalı unı á, bowun Timeo mu bı Bartimeo. Mu ansıbi labwıé, otsie okpató ode ató kulı. 47 Bréa olonu anı Yesu Nasaretyın amú détsúun a, olwa kplón bı obée, “Anı Wıe Dawıd mu na Yesu, wun mı nwe!”

48 Amútó ahá tsotsotsu bokplón wa mu bee, okpá onó bun, táme mu mú oelakplón dun alı obée, “Anı Wıe Dawıd mu na, wun mı nwe!”

49 Yesu lési líı, oelbláa amú obée, “Mlıtı mu ha mı.”

* 10:38 Mlétalı wun iwıasın ... wú lowu amúv nówu amú? Ntée Mlétalı nu ntá neba bonu ntée há bóbó mli asú amúv neba bóbó amú?

Bokpolí ansibi obwiepú ámu, bebláa mu bee, “Fó klon idí fó asi, afokusu ba. Ǿde fó ti!”

⁵⁰ Inu oyin ámu lótswi mu Ǿsósú atadi tsálífwí, wáan kusú ba Yesu wá.

⁵¹ Yesu léfité mu Ǿbéé, “Nto fudeklé fee mbwée ha fu?”

Inu ansibi obwiepú ámu lébláa mu Ǿbéé, “Osunápó, ha mí anwun ató!”

⁵² Inu Yesu lébláa mu Ǿbéé, “Nati, fó hógyi latsá fó ilo.”

Inunu mu ansibi lobwíí, Ǿlekplá buo Yesu.

11

Bəhə Yesu Fə Owie Yerusalem

(Mateo 21:1-11; Luka 19:28-40; Yohane 12:12-19)

¹ Bréá bowie Betfage móa Betania, awúlu aní ibu Nfə-nyíbu ámu* asi, batá Yerusalem wie tá á, Ǿlwa mu akasípó abanyó gyankpá. ² Ǿbéé, “Mliyo wúlu anfi ida mli ansító ánfítə. Ní mlowie wúlu amu Ǿnó á, mlówun afrímú kanáhe Ǿku da Ǿfétó, Ǿhaa mókótsiá musu ki. Mlisanki mu, amlikpa mu ba mi. ³ Ní Ǿku Ǿfité mli Ǿbéé, ‘Ntogyi só mli dé mu sankí?’ á, mlibla mu mliaa, ‘Ani Wíe dé mu hián. Obéyinkia mu ba séi.’ ”

⁴ Bəyo á, bəyótu afrímú ibí ámu da Ǿfétó wóyí ámu Ǿnó Ǿkpabá. ⁵ Bréá bude mu sankí á, aha akvá bulí inu befité amú bee, “Ntogyi só mli dé afrímú ibí ámu sankí.”

⁶ Bele mó Ǿnó ali ámuó Yesu lébláa amú ámu pépéépé. Besi amú; akasípó amu besankí mó. ⁷ Bekpa afrímú ibí ámu ba Yesu. Beyai amú atati dínká musu, Ǿlodu bian musu. ⁸ Amótó ahá tsətsətsə beyai amú atati tswi Ǿkpato, aku é bebiabia afitáa bunbun Ǿkpa ámusu. ⁹ Ahá ámuó bəgya Yesu nkpá móa Ǿma amu bəsurá okitikiti bee, “Hosiána! Bulu oyúla Ǿhá ánfí Ǿbá aní Wíe dátó ánfí! ¹⁰ Bulu oyúla aní náin Dawid iwíegyi ámuó íbá ámu! Hosiána bu Ǿsósúósó!”

¹¹ Bréá Yesu lówie Yerusalem a, Ǿlwo Bulu Ǿswékpá, Ǿlwa ansí ki tógyító wunsínésú inu wankláán. Owí lapən. Mó su muu mu akasípó dúanyo ámu beyinkí yó Betania wúluta.

Pəntə Oyí Lwí

(Mateo 21:18-19)

¹² Ǿyi kehe bréá beyinkí tsú Betania bebá á, akón de Yesu. ¹³ Olowun pəntə kuá ilahíe pói sísi, ilú mantáa Ǿkpa. Ǿlwo yéki bee obénya ku mótó. Táme olowie mó asi á, afitáa són bu mósú, tsúfé oyí ámu swiebí məkófun. ¹⁴ Inu Ǿlebláa oyí ámu Ǿbéé, “Tsú nde pýa a, Ǿhaa méétrá gyi fó abi swiehé.” Mu akasípó amu é bonu asón ánfí.

Ibia Agyipó Gyda Le Bulu Ǿswékpá Wunsínésú

(Mateo 21:12-17; Luka 19:45-48; Yohane 2:13-22)

¹⁵ Bréá bowie Yerusalem a, Yesu lóyo Bulu Ǿswékpá wunsínésú. Inunu Ǿlwa ató afepó pó ató ahópu amu aná féé gyáa dalí inu bi. Olowuwíta kóba atsépu mpónú dá, fənsúnki abróduma afepó mbíá dá. ¹⁶ Ǿmeha ató Ǿfepó Ǿkoku Ǿsura mu ato séhé ka tsun Ǿswékpá wunsínésú inu kóráá. ¹⁷ Olosuná amú ató Ǿbéé, “Buməwanlín wá Bulu asun wanlínhé amuto bee, ‘Béti mí Ǿswékpá bee, Ǿmá féé mpái Ǿbəkpa?’ Táme mli lapó inu mli awikplu Ǿjainkpá.”

¹⁸ Bréá Bulu igyi ahapó dehen pó Mose mbli asunápó amu bonu tśá alabwé á, bodunká Ǿkpa aní bótsun mósú mó mu. Benya ifú, tsúfé mu atosunáhé amu leha Ǿnó lobwie Ǿdam amu.

* **11:1** Nfə-nyíbu igyi obubwí kuá ibu mantáa Yerusalem, botetí mó Olifbu.

19 Bréá owí lɔpɔn a, Yesu mua mu akasípó bedalı wúlu amuto.

Hógyi Iwí Atosundhé

(Mateo 21:20-22)

20 Bréá budetsóon nyanki a, bowun ání pɔntɔ oyí ámu ilawú tsú mó ɔsó beyi así. 21 Inu Petro lékain asón ání Yesu lébláa pɔntɔ oyí ámu. Múú ɔlebláa Yesu ɔbéé, “Osunápó, ki, pɔntɔ oyí ámuó fɔlwi ámu ilawú!”

22 Yesu lébláa amó ɔbéé, “Mliho Bulu gyi. 23 Onɔkwali nde mli bláa, ɔhagyíɔha ání ɔbébláa ibu ánfí ɔbéé, ‘Púli yowie ɔputɔ’, omegyí nwéen mu klɔntɔ, olohogyi ání asón ámuó mablí ámu íbɛba mótɔ á, íbɔpulí yó. 24 Inu su nde mli bláa mbéé, tógýítá mlɔkólí Bulu á, mlihogyi ání mlilanyá mó dodo. Mli íbɛ bédá mó. 25-26 Ní mlilí mlidé mpái bɔ, ɔku asón bu mli klɔntɔ á, mlisi ɔhá ámu lakpan kie mu, méni mli Sí ámuó ɔbu ɔsúsú ámu é obési mli klé kíé mli.†”

Yesu Túmi Iwí Asɔn Fitéhé

(Mateo 21:23-27; Luka 20:1-8)

27 Yesu mua mu akasípó amu betrá yinkí ba Yerusalem. Bréá ɔna odeki Bulu ɔswékpa wunsínésú inu á, Bulu igyi ahapó dehen, Mose mbila asunápó pú Yudafɔ ahande amu beba mu wá. 28 Befíté mu beé, “Túmi mɔmu fódɛpɔbwé ntobí ánfí? Ma léha fú túmi ámu?”

29 Yesu lélé mó ɔnó ɔbéé, “Nfíte mli asɔn kua kɔle. Ní mlélé mó ɔnó há mí á, mí é nébláa mli túmi oduá ndɛpɔbwé ntobí ánfí. 30 Bulu wá Asú Ɔbɔpó Yohane lénya túmi póbó ahá asú lóó, ntéé nyankpɔsa? Mlibla mi!”

31 Amó wulewule bɔyɔ asón ánfítɔ beé, “Ní ablí aniaa itsú Bulu wá á, ɔbéfíté aní ɔbéé, mó ntogyi só mlímóho mu gyi? 32 Ntéé ablí aniaa itsú anyánpɔsa wá?” Táme bude ahá ámu ifú nya, tsúfɛ amó fɛé bohogyi ání lélé Bulu ɔnósú ɔtɔípú onutó Yohane gyi. 33 Mú su bele mó ɔnó beé, “Ohwée! Anuméyín ɔtínéá olenya mu túmi tsú.”

Múú Yesu é lébláa amó ɔbéé, “Mómó mí é mméébláa mli túmi oduá ndɛpɔbwé ntobí ánfí.”

12

Apafo Laláhe Akv

(Mateo 21:33-46; Luka 20:9-19)

1 Yesu lówa amó asón bláa ayébitɔ bi. Ɔbéé, “Oyin ɔku lódo wáin ndo. Olegyi iban bómlí mó. Olokwi wáin amu onyimékpá, ɔlɔpwe obu fódáhé ku há ndo ámu agyópu. Múú ɔlɔpu ndo ámu wá apafo íbitɔ, olotu ɔkpa.

2 Bréá wáin-abí ámu kpɔtíbi lɔfun a, ɔlɔwa mu osúmpú apafo ámu wá ɔbéé, ɔyóho mu ogyíkpá ba mu. 3 Táme apafo ámu bekítá mu, dá mu, gya mu sísí íbikpan. 4 Ndo mu wie amu létrá wa mu osúmpú nyɔɔsi amó wá. Apafo ámu beda mu é, pílan mu nwuntɔ, sópa mu. 5 Ɔletrá lawá ɔbambá. Mu mó á, bɔmɔ mu. Alí kén bɔbwe atráhe é ní. Beda aku, mó aku é. 6 Ilesi mu onutó mu bi ɔkule péá ɔtamatsúlá musu. Ɔki ɔbéé, bóbu mu mó. Mú su ɔlɔwa mu é. 7 Táme apafo ámu beblí beé, ‘Ɔni obégyi mu sí ató ní. Mliha amɔ mu, méni ndo ámu íbémlí aní klé.’ 8 Mú su bekítá mu, mó mó, tswi mu dálí ndo ámu.

9 “Ɔkéá ndo mu wie amu ɔbá á, ntɔ mlilahogyi mliaa ɔbóbwe apafo ánfí? Ɔbéha bɔmɔ amó. Ɔbélapú ndo ámu wá apafo bámbá íbitɔ. 10 Ntéé mlumókúkla Bulu asɔn wanlínhé amu kí? Bɔwanlín beé, ‘Ibwi ámuó obu ayípu bekiná ámu

† 11:25-26 Mótó yée 26 bu nwoóló dada amu akotɔ: Táme ní mlumésikíé ahá a, mli Sí ámuó ɔbu ɔsúsú ámu é oméésikíé mli.

lébemlí okonkísóbwi ní.

¹¹ Bulu lóbwε mú alí.

‘Ibu wánwan.’”

¹² Inu Yudafo ámu bekleá békítá Yesu, tsúfé bebí aní amó su alahá yébi ánfí, táme bode ɔdom amu ifú nya. Mú su benatí sí mu.

Lampóoka

(Mateo 22:15-22; Luka 20:20-26)

¹³ Oma a, bowa Farisifo pú Owíe Herode ahá bee, buyétetéé Yesu ɔnótó asón nu, abonya mu akítalé. ¹⁴ Bréá beba mu wá á, bebláa mu bee, “Osunápó, anyin aní ɔnɔkwalipu fɔgyi. Futamahá ohaa ɔtse fú agywun, tsúfé futamaki ohaa ansító. Mboún Bulu asón ámúú igyi ɔnɔkwali amu fodesuná. Mú su anidé fú fité anu. Aní mbla léha ɔkpa aní akáa lampóo ha Roma owíe dehen Kaesare, ntée animáka?”

¹⁵ Yesu lébi aní buki ansí. Mú su ɔlefíté amó ɔbéé, “Apinabwébi abwepó, ntogyi só mlidé mí sɔo kí? Mlitsu kóba amu iku ba mi anki.”

¹⁶ Bɔpɔba mu. Múú ɔlefíté amó ɔbéé, “Ma nwun pú mu idá dín músó?”

Bele mú ɔnó bee, “Kaesare.”

¹⁷ Múú ɔlebláa amó ɔbéé, “Mómú mlipu tóá igyi Kaesare klé ha Kaesare, amlipu móa igyi Bulu klé é ha Bulu.”

Mu iwí lówa amó ifú.

Kosó Tsú Afúlitɔ Iwí Asɔn Fitéhé

(Mateo 22:23-33; Luka 20:27-40)

¹⁸ ɔpasua kvá bɔteti mú Sadukifo aku beba Yesu wá. Bugyi ɔpasua kvá bɔtebli bee, kosó tsú afúlitɔ ma inu. Befité mu bee, ¹⁹ “Osunápó, Mose lówanlín tswi aní ɔbéé, ‘Ní ɔku mva mu ka bɔmɔkwíí asa olowu sí mu ka ámu a, mu pio otsú mu ka ámu tsia, féki ɔkwu ha owupó ámu.’” ²⁰ Oyin ɔkole abí abasiénó aku betsiá. Amótó ogyankpapu létsiá ɔká, táme ɔmɔkwíí asa olowu. ²¹ Mu gyama lótsu ɔsɔrapuka amu tsía, táme mu é ɔmɔkwíí. ɔsaasi lótsu ɔtsi ámu tsia. Mu é ɔmɔkwíí. ²² Alu yótu osienósi amu. Amótó ɔkoku mɔkwíí asa olowu. ɔma-oma a, ɔsɔrapu amu é lóbowu. ²³ Afúli ɔkɔsóké a, amótó ɔmɔmu ɔbóbwe mu kulu? Tsúfé amó abasiénó ámu féé betsiá mu.”

²⁴ Múú Yesu léle mú ɔnó ɔbéé, “Megyí mli ológyi. Mliméyín Bulu asɔn wanlínhé amu ntée Bulu túmi. ²⁵ Tsúfé ní afúli bɔkósú á, bóbwe fé Bulu-abɔpu. Buméetsiá aká móa akúlu. ²⁶ Táme afúlikɔsú iwí mú á, yé mlilakla Mose ɔwoló, nú asón ámúú Bulu lébláa mu dimbísú bréá olowun oyíbi ku de ogyá tsií, táme imedéhóo amu? ɔbéé, ‘Mígyí mli anáin Abraham mva Isak pú Yakob Bulu ámu ní.’” ²⁷ Inu ɔlebláa amó ɔbéé, “Megyí awupó Bulu ógyi, akiankpapu Bulu ógyi. Mli mú mlilafwí féé.”

Bulu Mbla Amɔtɔ Móa Iɔn

(Mateo 22:34-40; Luka 10:25-28)

²⁸ Mose mbla asunápó amɔtɔ ɔkole lóboɔ amó inu, olonu asón aní bɔdebutí. Olowun aní Yesu lalé Sadukifo ámu asón ɔnó wankláán. Mú su ɔlefíté Yesu ɔbéé, “Bulu mbla amɔtɔ mɔmu dón?”

²⁹ Yesu léle mú ɔnó ɔbéé, “Bulu mbla amɔtɔ móa iɔn ní. ‘Israelfo, mlinu. Bulu ɔkole pé aní Wíe Bulu gyí. ³⁰ Mú su pu fú klɔn, fú ɔkláa, fú agywun pú fú ɔwonlín féé dwe fú Wíe Bulu.’” ³¹ Mú nyɔɔsi é gyí, ‘Dwe fú bá fé fú iwí.’ Mbla koku itráa ma inwá iɔn iní.”

³² Mbla osunápó amu lébláa Yesu ɔbéé, “Osunápó, fablí ɔnɔkwali. Aní Wíe Bulu nkole pé bu inu, ɔkoku trá oma inu. ³³ Apóu aní klɔn, aní agywun pú aní ɔwonlín féé dwe mu, adwe aní aba fé aní iwí. Iɔn mbwi tóhé pú afodié kugyíku.”

³⁴ Yesu lówun ání alabí lé asón ámu onó wankláán, òlebláa mu obée, “Foma ifó Bulu iwíegyi ámutò.”

Mó oma a, ohaa métrá wa klun fité mu asvansu.

Ma Gyi Kristo Amu?

(Mateo 22:41-46; Luka 20:41-44)

³⁵ Bréá Yesu dé ató suná Bulu otswékpa nwunsinésú inu á, òlefíté obée, “Nkálí sù Mose mbla asunápó amu betalí blí bée, Owíe Dawid mu na gyí Kristo, (ohá ámutó Bulu léda mu ofúli amu)? ³⁶ Tsúfè Ɔɲɛ Wankíhé léha Owíe Dawid onutó léblí obée,

‘Aní Wíe Bulu lébláa mí Wíe obée,

“Tsia mí gyopisu nfi

yófun bréá néha fetsatsáa fú alupósú.” ’

³⁷ Owíe Dawid onutó léti mu obée mu wie. Nkálí su otráa ogyi mu na?”

Asón ánti lówa oðam kpɔnkpɔnkpɔnti ámutó befia bomlí mu amu oðwe, bɔpu ansigyí nú mu asón.

Mose Mbla Asunápó Tsiátó

(Mateo 23:1-36; Luka 20:45-47)

³⁸ Yesu léblí mu atosunáhé amutò obée, “Mlíki wankláán Mose mbla asunápósú. Butekle ligá wa náti kí, butekle bée, ahá bɔbún ha amú itsiá dinsu. ³⁹ Otsiákpá yilé butekle tsiá Yudafo ofiakpa pú nke ogyíkpá. ⁴⁰ Botesisi asorapu, swíi amú amú wóyí. Bɔtepiná bɔ mpái tɪntɪntɪn ahátò pɔbun amú lalahesu. Bulu obébití amú isu kínkíinkín!”

Ɔsorapu Ɔku Tswitswi

(Luka 21:1-4)

⁴¹ Yesu létsiá mantáa tswitswi dáka Bulu otswékpa inu, oðe ahá kí bɔɔpɔ amú tswitswi bɔwa mótó. Ahá ání amú ibitò bu odwin bɔɔpɔ kóba akpɔnkpɔnti bɔwa. ⁴² Inu ɔsorapu ɔkúá oma tɔtò é lópu mu kóba-ana bɔwa dáka ámutò. ⁴³ Múú oleti mu akasípó amu ba mu wá, òlebláa amú obée, “Ɔnɔkwali nde mli bláa, tswitswiá ɔsorapu anfi oma tɔtò lawá á, idun ohagyíoha klé. ⁴⁴ Tsúfè atráhe amu fée á, amú kóba tsɔtsɔtsɔ balé kpalobí tsú bɔwa. Táme iníá ɔsorapu anfi mú má tɔtò su tóá obo fée alapó bɔwa á.”

13

Bulu Otswékpa Amu Bwie

(Mateo 24:1-2; Luka 21:5-6)

¹ Bréá Yesu lédalí Bulu otswékpa wunsinésú inu oyo á, mu akasípó amutò ɔkule lébláa mu obée, “Osunápó, kí mbu wankláán pú abwi akpɔnkpɔnti ánti bɔpuyi mú ánti akíle!”

² Múú òlebláa mu obée, “Yée fawun mbu akpɔnkpɔnkpɔnti ánti? Bóbwie mú fée bun. Ibwi kule kóráá méesian dúnká mú bású.”

Iwiasin Mba Ikplán

(Mateo 24:3-14; Luka 21:7-19)

³ Bréá Yesu tsie Nfo-nyibu ámusu, oðe Bulu otswékpa mbu ámu kí a, Petro, Yakobo, Yohane muva Andrea nkule befité mu bée, ⁴ “Bla aní, bré mɔmɔtò iní fée béba? Osúna mɔmɔ é obéba, ibósuná ání mú bré lafon?”

⁵ Inu Yesu lébláa amú obée, “Mlíki wankláán, méní ohaa méemlé mli. ⁶ Ahá tsɔtsɔtsɔ bɔpu mí dá ba bée, amúgyí Kristo amu nu. Bémlé ahá tsɔtsɔtsɔ bɔfwí ɔkpa. ⁷ Ní mlonúá isá ladá mantáa mli ntée ɔtnekú á, opúni mátsíí mli Tsúfè lehián ání iní aná fée béba, táme imedésuná ání

ɔyí ɔnómaké ámu lafun. ⁸ Tsúfɛ ɔmá bókɔ aba. Awíe bókusú líí abasu. Ɔsolúb békpunkí ntíné-ntíné. Akón é béba. Iní fɛé igyi fɛ iwɔɔsin ání ɔtsɪ towun bréá ikwíí de mu dwíín.

⁹ “Mó su mli mó mlikí mli iwí wankláán. Tsúfɛ mí su bópu mli há Yudafɔ asún agyípó, béda mli amó ofiakpa awúlu-awúlusɔ. Békpa mli ya ɔmású agyípó pó awíe ansító, méní mlégyi mí iwí adánsɪ. ¹⁰ Táme ilehián ání bégýankpá dá asun wankláán ámu ɔkan súná ɔyító ahá fɛé. ¹¹ Ní bekítá mli ya a, mlímágywín asún ání mléblí. Mlibli asóngýiasún ání Bulu ɔbópɔwá mli ɔnó alí bré ámuɔ. Tsúfɛ megyí mli onutó ɔbótóí, Ɔhe Wankíhé ɔbótóí tsun mliɔ.

¹² “Apíó béle amó apíó há lowu. Abí así béle amó abí há. Abí é bókusú líí amó akwípúɔɔ, há bómɔ amó. ¹³ Mí su ahá fɛé bólu mli, támé ní mlétalí wá klon líí kinkíínkín yáfun mó ɔnómɔ á, Bulu ɔbóhɔ mli nkpa.

Iwɔɔsin Wúunbɪ
(Mateo 24:15-28; Luka 21:20-24)

¹⁴ “Táme ní mlowun akísítá itobwíé ɔmá, ida ɔtínéá mlímédín ansí ání íbéba a, (aklápu, mlinu mó así.) Mómú ahá ání búbu Yudea ɔmátó búsrɪ yo abusɔ. ¹⁵ Ɔhá ání ɔdin obusɔ mákpli botsu tɔtɔ obuto! ¹⁶ Ɔhá ání ɔbu ndɔtɔ é máyinkí botsu mu tati. ¹⁷ Amenýapú pó abí-ayín ání buɔpia abi bɔbwe alí bré ámuɔ, búgyówí ní! ¹⁸ Mlíkokolí Bulu mlíaa, mli ɔsríké amu imábwe nyankpu móa atsalíbí. ¹⁹ Tsúfɛ asun wunhe ání íbéba alí bré ámuɔ odu məkóba tsú bréá Bulu lóbwe ɔyí ɔpá kí. Mó odu koku é iméetrá ba ekekeke. ²⁰ Ní Bulu mɛdínkí nke ámuɔ á, tekí ɔhaa méesian ɔyító. Táme ahá ámuó alalé póbwé mu kle amu su aladínkí nke ámuɔ.

²¹ “Alí bré ámuɔ á, ní ɔku lébláa fu ɔbéɛ, ‘Kí, Kristo, (ɔhá ámuó Bulu ladá mu ofúli amu) bu nfi ntée nána’ á, máhógyi. ²² Tsúfɛ ahá ání beɛ amógyí Kristo amu pó ahá ání bówa afunu beɛ, Bulu ɔnósú atóipú bugyi tsɔtsɔtsɔ béba ɔyító. Bóbwe ofúla pó osúna pómle ahá. Ní bétalí kóráá á, bémlé ahá ámuó Bulu lalé ámu é. ²³ Táme mlikí wankláán! Nabláa mli tógyító asa íbéba.

Nyankpɔsa-Mu-Bi Amu Ibábi
(Mateo 24:29-31; Luka 21:25-28)

²⁴ “Iwɔɔsin wúun amu ɔma a, owí ɔbéta, ɔtsra é ɔméetrá fɛí. ²⁵ Ntsrakpabi békpa tsú ɔsúsú beda. Nwulótáa móa mótó ató fɛé békpunkí. ²⁶ Ɔhagyíɔha obówun ání mí, Nyankpɔsa-Mu-Bi ánfí napó túmí móa numnyam kpɔnkpɔntí mbu nwulótáatɔ tsú ɔsúsú nebá. ²⁷ Inu Bulu ɔbówa mu abɔpu béyekpa mu ahá ámuó alalé ámu tsú ɔyí afonka ana ámu fɛésú.

Ɔyí Ɔnómɔ Iwí Osúna
(Mateo 24:32-35; Luka 21:29-33)

²⁸ “Mlípu kí pɔntɔ ɔyí. Ní mó abámbi deɔpóí, ide ate pɔpwe le á, mlítebí ání awikpan bré lafun. ²⁹ Alí kén, ní mlowun ání ntobí ánfí fɛé ide mótó bá a, mlébi ání mí, Nyankpɔsa-Mu-Bi ánfí íbábi lafun ta ní. Nawíé wóyí ámu ɔnó tá. ³⁰ Ɔnɔkwálí nde mli bláa. Ndɛmba-abí ánfí fɛé búmóowu tá, asa íní fɛé béba mótó. ³¹ Ɔsú móa así fɛé bótsun, támé mí asun blíhé mótusun ekekeke.

Nyankpɔsa-Mu-Bi Amu Ibábi
(Mateo 24:36-44)

³² “Táme ɔhaa méyín eke ntée bréá ntobí ánfí fɛé íbéba. Bulu-abɔpu búmeyín. Bulu mu Bi ámu é méyín, nkétí aní Sí ámuó ɔbu ɔsúsú ámu nkúle pé yin. ³³ Mlídínka ansí iwíɔɔ, tsúfɛ mlíméyín ekeá bré ámu íbɔfun. ³⁴ Igyi fɛé ɔkwá ɔde ɔkpa tu, olesi mu wóyí wá mu asúmpó íbitɔ. Ɔleha okugyíɔku

agyómá òbée òbwéé. Ǿlebláa wóyí ámu ogyópu é òbée, oyíri iwí ogyo wóyí ámu wankláán. ³⁵ Mú su mlidinka ansí iwísu, tsúfè mlíméyín bréá wóyí mu wie ámu òbéba. Fíalí ntópwe o, oyí-nsiné o, baka o, ntéé nyanki. ³⁶ Mlidinka ansí iwísu, méní òbá bofwie mlítò á, òmòbòtu mli ání mlíladídi. ³⁷ Asón ánfí nde mli bláa anfi kén nde oyítò ahá fèé bláa. Mbéé, ‘Mlidinka ansí iwísu.’”

14

Bekiklí Yesu Nwunsu

(Mateo 26:1-5; Luka 22:1-2; Yohane 11:45-53)

¹ Ilesi nkenyó Yudafò abugyi Israelfòsu Katsun Nke pú Bodobodo MátúhéNke. Alí bré ámuòtu Bulu igyí ahapú dehen pú Mose mbala asunápú bodunká òkpa ání bòtsun mósú kítá Yesu njáintò, mó mu kokooko. ² Táme beblí bée, “Megyí Katsun Nke ánfítò abómò mu, méní kpokiti méeda òmá ámuòtu.”

Ofobí Fánfánfán Pwólí Yesu

(Mateo 26:6-13; Yohane 12:1-8)

³ Bréá Yesu bu Betania wúlutò, Simon òkúá alaló ilò pepe kí wóyítò òde ató gyí a, òtsí òku léba unu; òde prentwa wankláán kuá ofobí fánfán ání ibu ibiá bu mótò. Oletíí mú ònò, òletséi ofobí ámu wólí Yesu nwuntò. ⁴ Aku búbu unvá unòwa amú òdwe. Befíté aba bée, “Ntogyi só òde ofobí ánfí yintá? ⁵ Teki abétalí fè ofobí fánfán ánfí, mú ibiá bódun òbakòle ofi òkòle ikòká ánfí, púhá ahíánfò.” Behie wá iyun wá òtsí ámu.

⁶ Táme Yesu léblí òbée, “Mlísí mu! Ntogyi só mlidé mu háan? Itò yilé alabwé há mí. ⁷ Ahíánfò bétsiá mli wá ekekegyíeke. Brégyíbréá mlidéklé a, mlétalí wá awítale há amú, táme mí mú mméetsiá mlítò yó. ⁸ Alabwé múá òbétalí pólá mí oyólúv yáí há mí opuláké. ⁹ Ǿnòkwali nde mli bláa. Oyítò òtínegyíòtínéá béda Bulu asun wankláán ámu òkan a, béblí tó ánfí òtsí ánfí labwé ánfí pókáín musu.”

Yuda Iskariot Lótsulá Aní Ǿbéle Yesu Há

(Mateo 26:14-16; Luka 22:3-6)

¹⁰ Mú òma a, mu akasípú dúanyò ámuòtu òkuleá bütetí mu Yuda Iskariot lóyówun Bulu igyí ahapú dehen amú, méní òbéle Yesu há amú. ¹¹ Bréá bonu asón ánfí á, ilehie wá amú òdwe. Behie mu así ání béka mu ikò. Mú su olodunká òkpa ání òbòtsun mósú lé Yesu há amú.

Katsun Atogyihe Gyi

(Mateo 26:17-25; Luka 22:7-14, 21-23; Yohane 13:21-30)

¹² Bodobodo MátúhéNke ámuòtu eke gyankpapwá bütómó Israelfòsu Katsun Nke akúfa lófún. Yesu akasípú befíté mu bée, “Osunápú, obu mòmòtu ayela ha fu, afogyi Katsun Nketò atogyihe amu?”

¹³ Múò òlòwa amótò abanyó, bláa amú òbée, “Mliyò Yerusalem wúlutò, mléfia oyin òkúá òsu ntsu-òlò, mlíbuo mu. ¹⁴ Wóyí oduátò obówie á, mlífite wóyí mu wie ámu mlíaa, ‘Nkónú afòò òswíkpa bu, ání mía mí akasípú abéba begyi Israelfòsu Katsun atogyihe amu?’ ¹⁵ Obósuná mli abansòróv yilé kuá balá mótò yáí. Mlíbwé ató ámu yayí unu.”

¹⁶ Yesu akasípú amú bòyò wúlu amúòtu á, bowun tógyítò alí ámuó Yesu lébláa amú ámu pépéépé, bóbwe Israelfòsu Katsun atogyihe amu yáí unu.

¹⁷ Bréá nsaintò deklúun a, Yesu mwa mu akasípú beba unu. ¹⁸ Ató ámu ogyíkpa a, Yesu lébláa amú òbée, “Ǿnòkwali nde mli bláa, mlítò òkuleá mía mnyò ibi da òlepetò òbéle mí há.”

¹⁹ Asón ánfí léhiε han akasípú amu. Mú sù befi así buδε mu fité ikule-kule beε, “Mí ní lóó?”

²⁰ Yesu lébláa amó óbée, “Mli ahá dúanyo ánfito okuleá mía munyo ibi da ólεpeto óbée mí há ní. ²¹ Mí, Nyankpusa-Mu-Bi ánfí nówu fé alíá bwanlín tswi, táme óhá amúó óbée mí há ámu ógyówi ní. Ní bumetepí kwíí mu kóráá á, teki ibu alé há mu.”

Yesu Ntópwe Atogyihe Tráhe

(Mateo 26:26-30; Luka 22:14-20; 1 Korintofó 11:23-25)

²² Bréá buδε ató ámu gyí a, Yesu léle bodobodo ipín, óleda Bulu ipán, bíabíá mótó póhá amó, bíí óbée, “Mliho, mí oyólób nu.”

²³ Inu olotsu ntá-εwe, óleda Bulu ipán, póhá amó féé bonu. ²⁴ Múó ólebláa amó óbée, “Mí obugya nu. Mú Bulu dépsú mu ntam* ání alaká há ahásv ní. Bétséi mú wólí así ahá tsotsótsó lakpan sv. ²⁵ Onokwali nde mli bláa, mmétrá nu wáin-abí ntá ánfí alu yófon εkeá nónu mó pópwe Bulu iwíegyi ámuo.”

²⁶ Benya wá ibu dá Bulu ipán tá alí, benatí yó Nfó-nyíbu ámuo sv.

Petro Óbóswí Óbée Mómeyín Yesu

(Mateo 26:31-35; Luka 22:31-34; Yohane 13:36-38)

²⁷ Múó Yesu lébláa amó óbée, “Mli féé mléyinkí mí óma. Tsúfé Bulu ónósó atóipú amu bwanlín wá Bulu asón ámuo beε, ‘Néda akúfa ókparú ámu lédá, mu akúfa bédasáín.’” ²⁸ Táme ní Bulu ókósóa mi tsú afúlitó á, négya mli nkpá yó Galilea ómátó.”

²⁹ Petro lébláa mu óbée, “Ní amó féé beyinkí fú ómá kóráá á, mí mú mméeyinkí εkeεkeε.”

³⁰ Yesu lébláa mu óbée, “Onokwali nde fú bláa. Onyeni, asa bate óbée ónó tse nyó á, fóswwí pú ibi wá ogyá tse sa fee fómeyín mí.”

³¹ Inu Petro léfin yabi yi óbée, “Ní lowu igyi kóráá á, mméekiná fú εkeεkeε.”

Alí kén atráhe amu é féé beblí ní.

Mpáibó Getsemane

(Mateo 26:36-46; Luka 22:39-46)

³² Boyówie ótnεkvá butetí inu Getsemane. Múó Yesu lébláa mu akasípú amu óbée, “Mlitsia nfi, ngyóbo mpái.” ³³ Ólekpa Petro muva Yakobo pú Yohane buo iwí. Inu asón léhiε han mu, mu ansí lepε. ³⁴ Múó ólebláa amó óbée, “Asón ihíε de mí háan. Ideklé mō mí. Mlitsia nfi, amligyo.”

³⁵ Inu ólenatí yó nkpá kpalobí, óleda akpawunu kókóli Bulu óbée, “Ní ibówa alé á, ha bré ánfí itson misu.” ³⁶ Múó óleblí óbée, “Abba† Mí Sí, fvetalí bwé tógyító. Ha ntá-εwe ánfí‡ itson misu! Táme megyí tóá ndeklé, mboun móá fudeklé íbá mótó!”

³⁷ Oleyinkí bá akasípú amu wá bowun ání buδεδίδι. Inu sv ólefíté Petro óbée, “Simon, fδεδίδι? Fómetalí gyo dónhwírí kule kpán? ³⁸ Mligyo amlíkokoli Bulu, méní mímóowie isókito. Tsúfé óhε ámu déklé, táme nyankpusa lópón.”

³⁹ Óletrá yóbo mpái, bláa Bulu asun kua kule amu kén. ⁴⁰ Óletrá yinkí ba bowun ání akasípú amu butráa buδεδίδι, tsúfé didí de amó bu. Bumetalí bláa mu asvansu.

⁴¹ Bréá óleba otse saasi a, ólefíté amó óbée, “Mlilatráa si mlida mlidé ókponó da? Itsía alí ngya! Bré ámu lafon ání bópu mí, Nyankpusa-Mu-Bi

* 14:24 Ntam pópwe bu nwóló dada amu akoto. † 14:36 ‘Abba!’ así gyí, ‘Mí Sí!’ ‡ 14:36 Ntá-εwe ánfí igyi iwíasin ání Yesu obówun.

ánfi wá lakpan abwepó ibitò. ⁴² Mlikusv ayò. Mlikì, òhá á múò òde mí le há ámu ná á!”

Yesu Kítá

(Mateo 26:47-56; Luka 22:47-53; Yohane 18:3-12)

⁴³ Yesu ònó mesì asa akasípó dúanyò ámutò òkoleá botetì mu Yuda lóbowie inu. Òðam ání bode ndayí pò nkpotì bòbuo mu. Bulu igyí ahapú dehen, Mose mbla asunápó pò Yudafò ahande amu lówa amó. ⁴⁴ Yuda amóò òlele Yesu há ámu lébláa òðam amu yáí òbée, “Òhá á múò nélatá pútá ámu gyí òhá ámu ni. Mlikita mu kinkíinkín, amlíkpa mu natì.”

⁴⁵ Inu òlenatí laa yó Yesu wá, yókpólí mu òbée, “Osunápó!” Òlelatá mu pútá. ⁴⁶ Inu ahá ámu benatí tó Yesu, kítá mu kinkíinkín. ⁴⁷ Táme inu alíópó amutò òkole lótswi mu òdayí kpá Bulu igyí òhapú dehen osúmbi òku isv lé. ⁴⁸ Inu Yesu léfité amó òbée, “Ogyo otswapú ngyi, sò mlilatsú nkpotì pò ndayí mlebá mí òkitákpá? ⁴⁹ Ntsie mli wá Bulu òtswékpa wunsínésó inu ekekegyíeke, nde mli ató suná, mlímékítá mí ekekeeke. Inu lahá Bulu asun wanlínhé amu òlaba mútò.”

⁵⁰ Inu mu akasípó amu fée besrí sí mu.

⁵¹ Ilesi òyasubí òkúá òlòwa ligá nkule. Bekítá mu, ⁵² támé òlòkòlì, sí mu ligá ámu wá amó òbitò, pò yayá srí.

Yudafò Ahande Ansítò Lú

(Mateo 26:57-68; Luka 22:54-55, 63-71; Yohane 18:13-14, 19-24)

⁵³ Bekpa Yesu ya Bulu igyí òhapú dehen wóyí. Igyí ahapú dehen, Mose mbla asunápó pò Yudafò ahande amu fée bafia inu. ⁵⁴ Petro lépetí buo amó òma tsútsúútsú, alu yówie wóyítò inu. Inu oleyétsiá inu asúmpó wá, òde ogyá núu. ⁵⁵ Inu Bulu igyí ahapú dehen pò Yudafò asón agyípó[§] atráhe fée bodunká ahá ání béka asón dínká Yesusu, ménì béliú amó asón blíhésu mó mu, támé bumenya. ⁵⁶ Tsúfè ahá tsòtsòtsò bowa afunu dínká musu, támé amó fée ònó lòtsun òtsan.

⁵⁷ Inu ako bókusú ká asón dínká musu bee, ⁵⁸ “Anilónuá òleblí òbée, ‘Nóbwie Bulu òtswékpa anfi bapó ibi yi anfi, támé nkensá òma a, nélayi pópweá megýí nyankpusa òbópó ibi yi mú.’ ” ⁵⁹ Táme amó é amó ònó mabwé kulé.

⁶⁰ Inu Bulu igyí òhapú dehen amu lókusú líí amó fée ansítò, òlefíté Yesu òbée, “Foma ònó lé? Foma asvansu blí pólé fò iwí?”

⁶¹ Táme Yesu méle asvansu ònó. Múò Bulu igyí òhapú dehen amu létrá fité mu òbée, “Bulu á múò botekánfó ámu mu Bi gyí fú? Fúgyí Kristo, (òhá á múò Bulu léda mu ofúli amu) ni?”

⁶² Yesu léle mó ònó òbée, “Ee! Mí ní! Mlówun ání mí, Nyankpusa-Mu-Bi ání ntsie Bulu Otúmípu gyòpísv ání ndin nwólótáasu tsú òsósó nebá.”

⁶³ Bulu igyí òhapú dehen amu lékítá mu atadié bálí mó kiaan.* Múò òleblí òbée, “Adánsie mòmú anitráa anígyó? ⁶⁴ Mlilanú abususu ání alablí. Nkálì gyí mli agywun?”

Amó fée botsulá ání olegyi pón, bómóò mu.

⁶⁵ Amótò ako bowa atsonó tutúu wólí mu bi. Bòpu ató tin mu ansíbi, bòfolí mu atswé, bláa mu bee, “Bulu ònósó òtópó, suna aní òhá ání òlòfolí fú itswé!” Inu agyópó amu é bedadáa mu asvò.

Petro Lóswií Òbée Mómeyín Yesu

(Mateo 26:69-75; Luka 22:56-62; Yohane 18:15-18, 25-27)

[§] 14:55 Yudafò asón agyípó anfi botetì Sanhedrin Griiki òblítò. * 14:63 Ilosuná ání asón ámu lawíé mu iwitò dubi.

⁶⁶ Petro lési otsie wunsínésú ìnu, Bulu igyí ahapú dehen amò osúmbi tsíhé òko léba. ⁶⁷ Bréá olowun Petro tsie òde ogyá núu a, òlekí mu díín. Múò òlefíté Petro òbée, “Fóba Yesu Nasaretyin amò nyò ná.”

⁶⁸ Táme Petro lóswíí bílì òbée, “Mmeyín tòtò tsú asón ánfí fùdeblí ánfí iwí!” Òlenatí yélu òkpa ònó, ìnu bate lóbun.†

⁶⁹ Osúmbi tsíhé ámu létrá yótu mu ìnu, òlòwa ahá ámóú bulí ìnu ámu bláa bí òbée, “Amótó òkòlè gyí oyin ánfí.” ⁷⁰ Táme Petro létrá swíí pò bí wá ogyá. Ìlòbwe kpalobí á, ahá ámóú bulí ìnu ámu bebláa Petro bée, “Lélé mú á, amótó òkòlè fogyi, tsúfè Galileayin fò é fúgyi?”

⁷¹ Ìnu Petro lówa ntam kakáa bí òbée, “Neká tógyítá, mmeyín oyin ánfí mlídé mu iwí asón bílì ánfí.”

⁷² Ìnu bate lóbun otse nyòòsi. Múò Petro lékaín asón ámóú Yesu lébláa mu òbée, “Fóswíí tse sa fée fumeyín mí asa bate òbèle ònó tse nyò.” ámusu. Múò òlekpa isú yi, híé sú woo.

15

Yesu Pilato Ansító Lí

(Mateo 27:1-2, 11-14; Luka 23:1-5; Yohane 18:28-38)

¹ Ǿyi kehe nyanki-nyanki a, Yudafo ahande-ahande amò fée befia kitá agywun. Akò bogyi, Bulu igyí ahapú dehen, Mose mbala asunápú pò Yudafo ahande atráhe*. Ìnu beha beklí Yesu, pò mu yówa Pilato ibitò. ² Pilato léfité Yesu òbée, “Fúgyí Yudafo owíe amò ní?”

Yesu léle mú ònó òbée, “Ee, mú fablì á!”

³ Ìnu igyí ahapú dehen amò beka asón tsòtsòtsò dínká Yesusu. ⁴ Mú su Pilato léfité Yesu òbée, “Kí asón tsòtsòtsòá baká dínká fósú, fuma mú ònó lé?”

⁵ Táme Yesu mele asòansu ònó. Mu su òlòwa Pilato wánwan.

Yesu Lowu Ipón Ha

(Mateo 27:15-26; Luka 23:13-25; Yohane 18:39–19:16)

⁶ Katsun Nke kugyikotò á, igyí amású ogyípú Pilato amándíe ání obési obu adípútó òkòlèá amò onutó budeklé há amó. ⁷ Oyín òkúá botetí mu Baraba mwa mu aba buda obu alí bré ámutò. Bòkòsú líí amású, kpokiti léda, bómò òha mótó. ⁸ Ǿdam amóú bòyò Pilato wá yóbwií ipa há mu bée, osíí obu òdípú òkòlè ha amò alí amóú otetsiá bwé há amó ámu. ⁹ Múò Pilato léfité amò òbée, “Mlídéklé mlíaa, nsii Yudafo Owíe anfi ha mlí lóó?” ¹⁰ Òlefíté amó alí, tsúfè olowun ání Yesu iwí olu só Bulu igyí ahapú dehen amò bakítá mu ba mu.

¹¹ Igyí ahapú dehen amò beha òdam amò ònó bée, bókòkoli Pilato, osi Baraba mboun ha amó. ¹² Pilato létrá fité amó òbée, “Ntò mbwée òhá ámóú mlídétí mlíaa, Yudafo Owíe amò?”

¹³ Ìnu amó fée bòsòrá okitikítí bée, “Da mu manta oyikpalíhesò!”

¹⁴ Pilato léfité amó òbée, “Tsitsa mòmú alabwé?”

Táme belasúra okitikítí kóklókóú bée “Da mu manta oyikpalíhesò!”

¹⁵ Pilato dékléá òbóbwe òdam amò apé há amó. Mú su olesi Baraba há amó, òlèha mu isá akòpú bepítí Yesu mplí, òlòpu mu wá amó ibitò òbée, bùyéda mu manta oyikpalíhesò.

Yesu Ahinlá Bwé

(Mateo 27:27-31; Yohane 19:2-3)

† **14:68** Ìnu bate lóbun uma nwóló dada amò akotò.

* **15:1** Ahande atráhe anfi botetí Sanhedrin Griiki oblíto.

16 Isá akòpó ámu bekpa Yesu ya òmàsú ogyípó ámu wóyító. Bèti ámu aba isá akòpó atráhe ámu f́éé, bèda Yesu òbun. 17 Bòpò ligá pèpè kú wá mu, bòbò obungyo-awu, bwé mú owiépa bun mu nwun. 18 Inu bòbwe mu ahinlá, bèti mu bée, “Yudafò Owíe, f́ò nkpasu ònlinsu!” Bòtswí opé! 19 Inu bòpò oyí sísi mu nwuntò, tutúu atsonó wólí mu, dá akpawunu mu ansító. 20 Bòbwe mu ahinlá tá á, bòwóí ámu ligá pèpè ámu, yínkíá mu onutó atadié wá mu, bekpa mu dáli bèyéda mu mántá oyikpalíhesu.

Yesu Da Mántá Oyikpalíhesu

(Mateo 27:32-44; Luka 23:26-43; Yohane 19:17-27)

21 Bèfia Kireneyin òkúá b́tèti mu Simon, ogyi Aleksandro m̀ba Rufe òsí. Otsú abú así òbá, bèka mu híé bée, òsóra oyikpalíhe ámu. 22 Múú bekpa Yesu ya òtnekúá b́tèti inu Golgota. Mú así gyí, “Nwun Okokobi Otsiákpá.” 23 Bòpò afá kúá iteba iwòsin así wá ntátó tin Yesu ònó bée onúu, táme omonu. 24 Bèda mu mántá oyikpalíhe ámusu tá á, beye mu atadié. Inu bòtswí abi ṕókí òhagyíòha ogyíkpá. 25 Ibòbwe f́é nyankú dokwebátó bèda mu mántá oyikpalíhesu. 26 Múú b̀wanlín t́á śá b́dè mu da mántá oyikpalíhe ámusu d́nká mu awunso bée, “YUDAFÒ OWÍE.” 27-28 Bèda awikplu abanyó akú é mántá nyikpalíhesu tsíá mutò. Òkole bu mu gyòpísu, òkúle é bu mu b́nasu.†

29 Inu atsónpò b̀kpòkpòsú nwuntò, blí mu iwí abususu bée, “Yéé f́ò f́éé, f́étalí bwíé Bulu òtswékpá ámu, láp̀wé mu nkensá owító ní? 30 Hò f́ò iwí, afòkplí tsu oyí ámusu akí!”

31 Bulu igyí ahapó dehen p̀ Mose m̀bla asunápó ámu é bòbwe mu ahinlá bée, “Òlòhò ahá nkpa, táme òmetálí hò mu iwí. 32 Ní m̀gyí Israelfò owíe, Kristo, (òhá ámúú Bulu léda mu ofúli) a, òkplíu tsu oyí ámusu awun, ahò mu gyí!”

Ahá ámúú bèda mántá oyísú mu gyòpísu múa b́nasu ámu é bòbwe mu ahinlá.

Yesu Lowu

(Mateo 27:45-56; Luka 23:44-49; Yohane 19:28-30)

33 Bréá dódúanyò lèda á, owí lèta òsolúu ámusu f́éé alu ýfòun ntópwe d̀sato. 34 D̀sa ámutò a, Yesu lókp̀lun ḱklókókú, blí òb́éé, “Eloi, Eloi, Lama Sabaktani?” Mú así gyí, “Mí Bulu, mí Bulu, ntogyi śú fakpá mí òma?”

35 Ahá ámúú bulí inu ámutò akú bonu asón ánfí, bèblí bée, “Mlilu, òdè Elia kpólí.” 36 Inu amótó òkú lésrí tsú òsapa, ṕd́á ntá òd́áto, ṕyí oyísú, tsú mú f́óá ṕtín mu ònó òb́éé, onúu. Múú òlèblí òb́éé, “Mlilu akí bée, Elia òb́éba bèsiéi mu lé oyí ámusu?”

37 Inu Yesu lókp̀lun ḱklókókú, òlèlè òh́é.

38 Inunú Bulu lèbalí tatiá b̀pòká òtswékpá obu ámutò anyò, tsú awunso beyi así. 39 Bréá isá akòpó òhandéá òlú Yesu ansító òdèkí lówun alá Yesu léle òh́é tráhe a, òlèblí òb́éé “Lélé, Bulu mu Bi oyin ánfí gyí!”

40 Atsú akú é bulí ifóntó b́dèkíu sísí. Amótó akú gyí, Magdalayintse Maria, Salome p̀ Maria ání òlòkwí Yakobo m̀ba mu gyama Yosef. 41 Amú é b́tsiá buo Yesu, tsíá kú m̀usu bréá òbu Galilea. Atsú tsòtsòtsò akúá bobuo mu ba Yerusalem é b̀bu inu.

Yesu Pulá

(Mateo 27:57-61; Luka 23:50-56; Yohane 19:38-42)

† 15:27-28 Mótó yéé 28 bu nwóló dada ámu akòts: Inu léha Bulu asón ámúú b̀wanlín tswí ámu léba mótó. Asón ámu gyí, “Bèkla mu wá lakpan abwepótó.”

⁴² Eke ámu igyi ekeá Yudafo butəpólá iwí asa butegyí amó əkpónú ɔdaké. Bréá owí depóon a, ⁴³ Arimateayín Yosef lówa iklon yó Pilato wá yókólí mu ɔbé, osíí Yesu fúli ha mu amupula. Yudafo asún ogyípó ogyi, butobú mu. Mu é ɔde Bulu iwíegyí ámu əkpa kí. ⁴⁴ Iłwa Pilato wánwan aní Yesu lawúna wu. Mó so ɔleti mu isá akəpó ɔhande, fité mu ní olowu ilawá ɔpá. ⁴⁵ Bréá isá akəpó ɔhande amu lótsulá mósó á, Pilato lési fúli amu há Yosef. ⁴⁶ Múú Yosef lóhə ɔhráda, ɔbɔy yésiei Yesu lé oyí ámuvo, kíklí mu wá ɔhráda ámuvo, tsú mu yópulá ɔbó kwá beda butátó, olemináa ibwi yíléyílé ku tin ɔbó ámu ɔnó. ⁴⁷ Magdalayintse Maria muvə Yosef mu yin Maria bowun Yesu opulákpá.

16

Yesu Kvsú Tsú Afúlitə

(Mateo 28:1-8; Luka 24:1-12; Yohane 20:1-10)

¹ Yudafo əkpónú ɔdaké ámu ɔlɔtsun a, Magdalayintse Maria muvə Yakobo mu yin Maria pú Salome bəhə ofobí fánfán ku bεε, beyékpə Yesu fúli amu. ² Kwasiada nyanki, bréá owí lopwié a, bəyɔ Yesu opulákpá imu. ³ Bréá buvəna əkpatə á, amó wɔlɛwɔlɛ bude aba fité bεε, “Ma abénya obémináa ibwi ámu lé ɔbó ámu ɔnó há aní?” ⁴ Botsu ansí kí a, bamína ibwi ámu lé ɔbó ámu ɔnó dodo. Ibwi ámu léhie móní. ⁵ Bréá bebitíwíé ɔbó ámuvo á, bowun aní ɔyasubi ɔku lówa ligá futúúúúú, otsie ɔbó ámu gyɔpɔsɔ. Ifú lekítá amó.

⁶ ɔyasubi ámu lébláa amó ɔbé, “Mlumánya ifú. Nawun aní Yesu Nasaretyin amóú beda mantá oyikpalíhesu ámu mlidédunká. Bulu lakósú mu, ɔma nfi. Mlíki ɔtíné ámuú bopulá mu amu. ⁷ Mlyebláa mu akasípó amu pú Petro mlíaa, alagya mli nkpá ɔyó Galilea ɔmátó. Inú mlówun mu fé alí ámuú ɔlebláa mli ámu ni.”

⁸ Inu besrí dalí ɔbó ámuvo, tsúfé opúni letsíí amó, ɔnó é lobwie amó. Mó su bréá bəyɔ á, buvəbláa ɔhaa, tsúfé ifú de amó, budekpínkí kpakpakpakpa.

Yesu Iwəwanle Súná Magdalayintse Maria

(Mateo 28:9-10; Yohane 20:11-18)

⁹ [Kwasiada bəke, bréá Yesu lókúsú tsú afúlitə á, olegyankpá lé iwí ɔwan súná Magdalayintse Maria amóú olegya ɔɛ laláhe asienó lé muvo ámu. ¹⁰ Mu é ɔleyébláa Yesu abúopu amóú bude mu sú, bude awurehə gyí amu. ¹¹ Táme bréá ɔlebláa amó ɔbé, Yesu lakósú, mawun mu a, buvəhogyi.

Yesu Iwəwanle Súná Mu Abúopu Abanyó

(Luka 24:13-35)

¹² Inu ɔma a, Yesu léle iwí ɔwan əkpa bámbású súná mu abúopu abanyó bréá buvəna bəyɔ akuda, táme buvəkəsí bí mu. ¹³ Amó é beyínkí yébláa atráhe amu, táme amó é buvəhogyi.

Yesu Iwəwanle Súná Mu Akasípó

(Mateo 28:16-20; Luka 24:36-49; Yohane 20:19-23; Gyumagyihe 1:6-8)

¹⁴ Inu féé ɔma a, Yesu léle iwí ɔwan súná mu akasípó dúɔkɔn ámu bréá bude ató gyí. Amó klɔntə-odwin pú amó máhogyi su ɔłwa iyin wá amó. Tsúfé buvəhə ahá ámuú bowun mu mu kvsú tsú afúlitə ɔma amu gyi. ¹⁵ Múú ɔlebláa amó ɔbé, “Mlyə ɔyító féé, amlyeada Bulu asun wankláán ámu ɔkan ha ahá féé. ¹⁶ ɔha aní olohogyi, bəhə mu asú á, Bulu ɔbóhə mu nkpa, táme ɔhá aní omohogyi obégyi pón. ¹⁷ Osúna anfi obóbúo ahá aní bohogyi ni. Bégya ɔɛ laláhe mí idátó, béblí ɔblí bámbá, ¹⁸ békítá awə ɔbitə, bónu

afá ání itómó kugyíko, táme imóobwe amó tótó. Bópu ibi dínká alápusu, iwí bówá amó onlín.”

Yesu Osósó Yó

(Luka 24:50-53; Gyumagyihe 1:9-11)

¹⁹ Bréá aní Wíe Yesu lébláa amó asón tá á, Bulu lótsu mo ya osósó, oleyétsiá mo gyapísu. ²⁰ Mo akasípó amó befi así búde asón ámo okan da otínegyíótíné. Aní Wíe Yesu lélí amó oma bəyə agyómá. Olotsun osúna ání bəbweśu, wá asón ámo əwənlín.]*

* **16:20** Mótó yée 9-20 uma nwoló dada amó akotó.

Asun Wankláán Aní Luka Lówanlín

¹ Onumnyampu Tiofilo:

Ahá tsotsɔtsɔ babó mbódí wanlín tóá lɛba anɔtɔ tswi. ² Bɔwanlín tóá ahá ámú bɔbɔ unɔ tsú mó nfiasí, bɔgyi mó asúmpó amɔ bowun, dá mó ɔkan amɔ bebláa aní pépéépé. ³ Onumnyampu Tiofilo, mí é nabó mbódí kwí mótó wankláán tsú mó nfiasí. Mó sɔ ndekléá nówanlín mó pépéépé há fú, ⁴ méni fébíá ató ámú basúná fú ámɔ igyi ɔnɔkwali.

Asú Ɖbɔpú Yohane Kwí Asón

⁵ Bréá Herode dé iwíe gyí Yudea ɔmátó á, Bulu igyi ɔhapú ɔku létsiá, bɔtɛtí mɔ Sakaria. Otsú Bulu igyi ahapú ɔpasua kwá bɔtɛtí mó Abiatɔ. Mɔ ka gyí Elisabet, otsú Bulu igyi ɔhapú Aaron abí-anátó. ⁶ Mɔa mɔ ka asón da ɔkpa Bulu ansító. Bɔtegyi aní Wíe Bulu mbála pú mɔ nhuhé féésó pépéépé. ⁷ Bɔma obi, tsúfé Elisabet mégyi ɔtsi kwíípú. Mɔa mɔ kulu féé bahié dan.

⁸ Eke ɔku ɔlɔtɔ Sakaria aná ɔpasua ání amó ɔbɛha Bulu igyi. Sakaria lóyɔ ɔbɔ Bulu ansító ɔde mɔ agyómá yɔ. ⁹ Abi bɔtɔtswi pulé ɔhá ání obébitwíe Ɖwankíkpa unɔ yówa ɔhién ogyá, igyi ahapú ámɔ amándié ɔnó. Bɔtswi a, ileyi Sakariasɔ. ¹⁰ Bréá ɔde ɔhién ámɔ ogyá wa á, ɔɔm ání bɔyɔ ɔtswékpa unɔ féé bulí kpankpa bɔde mpáí bɔ.

¹¹ Bulu-ɔbɔpɔ ɔku lébelí afɔdiɛ-asubwi ámɔ gyɔpɔsɔ, lé iwí ɔwan súná Sakaria. ¹² Bréá olowun Bulu-ɔbɔpɔ amɔ a, ɔlwan, ifú lowie mɔ ayetɔ. ¹³ Inɔ Bulu-ɔbɔpɔ amɔ lébláa mɔ ɔbée, “Sakaria, mánya ifú! Bulu lanú fú isú. Fú ká obénya ɔmé kwí obi yinhé há fú. Dunka mɔ dá ‘Yohane.’” ¹⁴ Obí ánfí kwí bówa mli ɔdwe, wá mli ansigyí. Ibówa ahá tsotsɔtsɔ é ansigyí. ¹⁵ Tsúfé kebi ámɔ ɔbóbwe ɔha kpankpanɔ Bulu ansító. Nta bohé kuku máda mɔ ɔnó ekekeke. Ɖɛ Wankíhé ɔbóbólá mɔtɔ tsú bréá ɔbɔ mɔ yin iwí. ¹⁶ Ɖbɛha Israelfɔ tsotsɔtsɔ bédamli klɔntɔ ba amó Wíe Bulu wá. ¹⁷ Bulu ɔnósó ɔɔípúElia túmi pú mɔ ɔɛbɛtsiá mɔtɔ. Obégya aní Wíe nkpa bá. Ɖbɛha abí así bódwe amó abí, ɔbédamli ahá ání bɔtɔkúsó líí Bulusɔ agywun, ɔbwe fé yilé abwɛpú klé, méni ɔbɛla ahá yáí wankláán há aní Wíe.”

¹⁸ Sakaria léfité Bulu-ɔbɔpɔ amɔ ɔbée, “Ntɔ nɔpɔbí ání asón ánfí ɔbɛba mótó? Tsúfé mía mí ká anɔlapɔn.”

¹⁹ Inɔ Bulu-ɔbɔpɔ amɔ lébláa mɔ ɔbée, “Mí dá gyí Gabriel. Bulu ansító ɔlípú ngyi. Móláwá mí ɔbée, mbébláa fɔ asun wankláán ánfí. ²⁰ Tsú nde póya ekeá asón ánfí ɔbɛba mótó á, fɔtɔ omúmu, tsúfé fómɔhɔ mí asun blíhé ánfí ɔbɛba mó brétó ánfisɔ gyi.”

²¹ Ɖbɔwe alí á, imɔwánkí ahá ámú bulí bɔgyo Sakaria amɔ tóá svá alawá ɔpá ɔtswékpa obutótó inɔ alí. ²² Bréá ɔledali ba a, alató omúmu. Mó sɔ bowun ání alawun tɔku obutótó inɔ. Inúá ɔmetálí tóí sɔ á, ɔlɔpɔ mɔ ibí móa mɔ nwun bláa amó asón.

²³ Sakaria létsiá ɔtswékpa unɔ yófun ekeá ɔleha Bulu igyi tá, oleyinkí yó wóyí. ²⁴ Nke ámɔ ɔma a, Elisabet lénya ɔmé, tsíá nájín iwí alu tsra anu kéké. ²⁵ Elisabet léblí ɔbée, “Inú mí Wíe Bulu labwé há mí ní. Alawun mí nwe, dínkí nsópa lé mísó ahátɔ.”

Yesu Kwí Iwí Asón

26 Bréá Elisabet omé lɔhɔ tsra asie á, Bulu lówa mu obɔpu Gabriel wúlu kuá ibu Galilea omátɔ, butetí mu Nasaret. 27 Bulu lówa mu obitebí okuá omakódí oyin wá ki, butetí mu Maria wá. Alí bré ámɔtɔ buɔɔpu obitebí ámu há oyin okuá butetí mu Yosef, ogyi owíe Dawid mu na bɛɛ otsiá. 28 Bulu-obɔpu amu léba Maria wóyítɔ beha mu itsiá, bláa mu obéɛ, “Bulu lagyi fu buale, alahíe yúlá fú!”

29 Asón ánfí leha Maria légyigyáa, ɔlefíté mu iwí obéɛ, “Ngya ntɔ itsiá odu ɔhá ánfí lahá mí alí?” 30 Bulu-obɔpu amu lébláa mu obéɛ, “Maria, mánya ifú. Bulu lahíe yúlá fú!” 31 Ki, fénya omé kwíí obi yinhé. Dínka mu dá ‘Yesu.’ 32 Obóbwe ɔha yilé. Bétí mu Ɔsúsúúsú Bulu mu Bì. Aní Wíe Bulu obéyaí mu mu nain Owíe Dawid obiású. 33 Obégyi iwíe Yakob* wóyísú bré féétɔ. Mu iwíegyi mómɔ ɔnɔ ekekekeke.”

34 Maria léfíté Bulu-obɔpu amu obéɛ, “Nkálí ɔbóbwe asa ínɔ ɔbéba mótɔ, tsúfé mmeyín oyin.”

35 Bulu-obɔpu amu léle mú ɔnɔ obéɛ, “Ɔɣe Wankíhé ɔbéba fusu. Ɔsúsúúsú Bulu ámu túmí bóbun fusu. Iní su ahá bétí Obi wankíhé amúú fɔkwíí ámu bɛɛ, ‘Bulu mu Bì.’” 36 Ki, fú obusuanyin Elisabet kóráá ɔbá bɔkwíí obi yinhé mu tsídehen anfitɔ. Ahá bɛɛ, megyi ɔtsi kwíípu ogyi, táme mu omé lahɔ tsra asie dodo. 37 Tsúfé tɔtɔ mɔdón Bulu bwe!”

38 Inu Maria lébláa Bulu-obɔpu amu obéɛ, “Bulu osúmbi ngyi. Ibá mótɔ ha mi fé alí fáblí.” Inu á, Bulu-obɔpu amu lénatí sí mu.

Maria Léyesinda Elisabet

39 Nke ámɔtɔ á, Maria lókulá atɔ, wa ɔsa yó Yudea abusu wúlu kutɔ. 40 Múú olowie Sakaria wóyítɔ há Elisabet itsiá. 41 Elisabet lénya nú itsiá ámu alí kebi ámu lékan iwí mu iwítɔ, Ɔɣe Wankíhé lɔbulá mɔtɔ. 42 Inu ɔlɔkplón blí obéɛ, “Bulu layúlá fú atsi féétɔ. Alayúlá fú iwítɔ obi ámu é. 43 Iyé! Mí Wíe mu yin onutɔ lába mí wá á? Ntogyi sú Bulu lawá mí numnyam anfi odu? 44 Ki, nenyánú fú itsiá ámu alí obi ámúú ɔbu mí iwítɔ ámu lékan iwí ansigyísú. 45 Bulu layúlá fú, tsúfé fahogyi ání tɔá alahíe há fú ɔbéba mótɔ.”

Maria Bulu Kanfɔ Ib

46 Inu Maria lówa ɔb obéɛ,

“Mí ɔkláa dé mí Wíe Bulu kanfɔ.

47 Mí Nkpa Ɔhópɔ Bulu lahá ansí de mí gyí.

48 Tsúfé alakáín mí mu osúmbi ání ɔma tɔtɔ bwetɔsú, wun mi nwe. Tsú séi póya a, abí-aná féé béblí bɛɛ, Bulu layúlá mí.

49 Bulu Otúmípu amu labwé atɔ kprɔnkprɔntí há mí. Ɔlɔwankí.

50 Otowun ɔlín kugyíkɔtɔ

ahá ání butenyá mu ifú nwe.

51 Alapó mu túmí bwé atɔ akprɔnkprɔntí, pódá iwí atsupó nwuntɔ asón sáín.

52 Alakplí awíe mbíású, tsú ahá ání buma tɔtɔ bwetɔ fúá.

53 Alahá ahíánfɔ bamlí iwí anyapó, há iwí anyapó banátí ɔbikpan.

54-55 Alakpá mu asúmpó Israelfɔ.

Ɔmetan ání ɔleblí obéɛ, mówun aní anáín Abraham muva mu abí-aná nwe bré féé, fé alí ɔlebláa amú.”

* 1:33 Israelfɔ gyi Yakob abí-aná.

Alí Maria lómò mu ìbá ámu onó ní. ⁵⁶ Oletsíá Elisabet wá fẹ́ tsra asa asa oleyinkí yó wóyí.

Asú Ọ̀bọ̀pú Yohane Kwí

⁵⁷ Bréá Elisabet lóbàkwí á, òlòkwí obi yinhé. ⁵⁸ Mò abusuanfò pú mu aba bonu ání aní Wíe Bulu lahíé wun mu nwe. Mú sù ansí légyi amó fẹ́é.

⁵⁹ Obí ámu lénya ndawótswí á, mu iwísu ahá beba mu obuto òlekpá, abutin mu keté, dínka mu dá. Tèkí beé abupò mu sí dá Sakaria dínka mu, ⁶⁰ táme mu yín lébláa amó ọ̀bée, “O-o! Mhídínka mu Yohane.”

⁶¹ Ahá ámu bebláa mu beé, “Animókónú abuti fú obusuanyin òkòkò alí kú.” ⁶² Inu bóbwe mu sí ibi, fité mu alíá butí kebi ámu.

⁶³ Sakaria lóbwe ibi ọ̀bée butsúu tókò ha mu amòwanlín mú dínka mósó, òlòwanlín ọ̀bée, “Mú dá gyí ‘Yohane.’ ” Ilofwie amó fẹ́étó. ⁶⁴ Inu mu òdandù lesankí, òlòtòí kánfú Bulu. ⁶⁵ Ifú lèkitá apíó aba ámu fẹ́é. Alí asón ánfí lèkléí wá Yudea abusu awúlu amu fẹ́étó. ⁶⁶ Ọ̀hagyíoha ání olonu asón ánfí léfíté mu iwí ọ̀bée, “Ntò obí kebi ánfí ọ̀bóbwe èkékó?” Tsúfẹ́ ìlòwankí amó ání Bulu ibi dín mu sù.

Sakaria Bulu Kanfú Iw

⁶⁷ Inu á, Ọ̀ye Wankíhé lòbolá Sakariatò, òlòwa asón ání Bulu lapóhá mu blí bi.

⁶⁸ Ọ̀bée,

“Mliha akanfú aní Wíe Israel Bulu.

Tsúfẹ́ alabelé mu ahá, há anilagyi iwí.

⁶⁹ Alalé Ọ̀hópú Ọ̀wonlín pú òkò

tsú mu osúmpú Owíe Dawid abusuantò há aní.

⁷⁰ (Fé alíá òleblí tsun mu onósó atóipú wankíhé amusu tswí dodoodo.)

⁷¹ Ọ̀bée, méle aní tsú aní alupó

pú ahá ání butamafia aní ibitò.

⁷²⁻⁷³ Ọ̀bée, mówun aní anáin nwe.

Ọ̀méesetan mu ntam wankíhé amó òleka há aní náin Abraham amusu.

⁷⁴ Ọ̀bée, méle aní tsú aní alupó ibitò,

méni abétalí sùm mu, animéenya adón ifú.

⁷⁵ Ọ̀bèha abóbwe mu ahá,

bwé yilé mu ansísú aní nkpatò fẹ́é.

⁷⁶ Mí bí, fú mó á, ahá bétí fú beé, ‘Ọ̀súsúúsú Bulu ámu onósó atóipú.’

Tsúfẹ́ fégya aní Wíe nkpa,

lá òkpa há mu.

⁷⁷ Fébláa mu ahá fée, Bulu ọ̀bétalí hò amó nkpa

tsun lakpansikiésó.

⁷⁸ Aní Wíe Bulu nwewúun sù

Kristo amu ọ̀bédalí fẹ́ owí tsú ọ̀súsú ba aní wá.

⁷⁹ Ọ̀bówankí wólí ahá ámu búsíe oklúntò pú lowu òkpasu ámu fẹ́ésú.

Ọ̀békpa aní tsun iwílwíi òkpasu.”

Iní Sakaria lópomó mu asón onó ní. ⁸⁰ Kebi ámu lédan, nya Ọ̀hétó ọ̀wonlín. Oletsíá òlòwankí alí yófun èkéá òlele iwí ọ̀wan súná Israelfò.

2

Yesu Kristo Kwí
(Mateo 1:18-25)

¹ Alí bré ámu tó á, Roma owíe òhèhèn Augusto lówa mbla ọ̀bée, bukíá ahá ání bóbú Romafò así fẹ́é, abòwanlín amó adá. ² Mógýí ahákla gyankpapu

ni. Ali bré ámòtò á, oyin òkúá òtètí m̀v Kirenio dé Siria òmàsó gyí. ³ Iní sù òhagyíòha lóyò dá òwanlínkpá m̀v onutó wúlutò.

⁴ Yosef é lókúsú tsú Nasaret wúlú aní ɔ̀v Galilea òmátó dú yó Yudea òmátó, Owíe Dawid wúlutò Betlehem. Tsúfè Owíe Dawid m̀v na ógyi. ⁵ M̀v Maria amóú bapóhá m̀v b̀e ɔ̀tsía, òna odwinsù ám̀v nyò lóyò dá ám̀v òwanlínkpá. ⁶ Bréá b̀v Betlehem inu á, ikwí lekán Maria, ⁷ òkwí m̀v bití, ogyi oyin. Òlekiklí m̀v wá tatidatò, p̀v m̀v tswí mbwí atogyihè dákato, tsúfè b̀vmenya otsiákpá afò òswíkpá.

Akúfa Akpapó Pó Bulu-abòv

⁸ Ali bré ámòtò á, akúfa akpapó ako b̀v inu f̀n dimbító, b̀vde amó akúfa iwí gyo onyé. ⁹ Bulu-òbòv lèlè iwí òwan súná amó, Bulu numnyam lówankí wólí amósú. Mú sù ifú lehè kítá amó. ¹⁰ Inu á, Bulu-òbòv amu lébláa amó òbèe, “M̀mánya ifú! M̀kí, napó ason wankláán aní ɔ̀b̀wa m̀ha òyítò ahá f̀éé ansigyí ba m̀. ¹¹ Nde bakwí nkpa Òhòv, aní Wíe Kristo, (òhá amóú Bulu ladá m̀v ofúli amó) há m̀ Owíe Dawid wúlutò! ¹² T́sá m̀lòp̀b̀í m̀v gyí, m̀lówun kebi b̀b̀wè òkúá bapó tatida kiklí m̀v iwí, òda mbwí atogyihè dákato.”

¹³ Òtsáwùlè pé á, Bulu-abòv tsòtsòtsò b̀eba betsiá Bulu-òbòv amòtò, b̀vde Bulu kanfó b̀e,

¹⁴ “M̀ha apv numnyam ha Buluá òv òsúsúsú!

Iwí ilwí ahá aní Bulu ansí tegyi amó iwí òsolòsù.”

¹⁵ Bréá Bulu-abòv amu beyinkí yó òsúsú á, akúfa akpapó ám̀v bebláa aba b̀e, “M̀ha ayò Betlehem, ayekí itò ánfi òlaba, Bulu lalé súná aní anfi.”

¹⁶ Iní sù òb̀wa òsa yó. Lèlè á, bowun Maria m̀v Yosef p̀v kebi b̀b̀wè amu, òda mbwí atogyihè dákato. ¹⁷ Bréá bowun kebi ám̀v a, b̀e m̀v iwí asún amóú bonu ám̀v blí. ¹⁸ Akúfa akpapó asún ánfi lówa ahá aní bonu mó f̀éé wánwan. ¹⁹ Támè Maria mó lékítá asún ám̀v f̀éé wá nwuntò, tsíá gywín mó iwí. ²⁰ Bréá akúfa akpapó ám̀v beyinkí b̀yó á, b̀vna b̀vde Bulu adábi da, kánfó m̀v, asún amóú bonu p̀v itò amóú bayòwun fé ali amóú Bulu-òbòv amu lébláa amó ám̀v sù.

Yesu Idá Dínká

²¹ Kebi ám̀v obuto òleké á, betun m̀v keté, dínká m̀v dá Yesu. Idá ánfi Bulu-òbòv amu léha m̀v asa m̀v yin lénya m̀v òmé ní.

Yesu Poya Bulu Òtswékpá

²² Bréá m̀v akwípó b̀gyoráa iwí Mose Mbla ònò ləfòn a, b̀v m̀v dú yó Yerusalem, p̀v m̀v yòp̀v wá Bulu ɔ̀bitò. ²³ (Tsúfè b̀wanlín wá Mose Mbla ámòtò b̀e, “Ìlehíán aní Israelfò b̀p̀v amó bití okugyíòku há Bulu.”) ²⁴ Mú sù b̀yòb̀ò afòdiè ám̀v Mbla ám̀v ònò. Abròduma anyò ntèe aklobi anyò b̀p̀v b̀b̀ ali afòdiè ánfi há Bulu.

²⁵ Ali bré ámòtò á, oyin dehen òkù b̀v Yerusalem, òtètí m̀v Simeon. Yilé òwep̀v ógyi, otenyá Bulu ifú. Òhè Wankíhé b̀v m̀v, otsie ogyo bréá Bulu òbòv Òlèp̀v ba m̀v ahá Israelfò. ²⁶ Òhè Wankíhé amu lèlè súná m̀v aní omóowu, yòfòn bréá alawun Kristo, (òhá amóú Bulu ladá m̀v ofúli amó) asa. ²⁷ Òhè Wankíhé amu léha Simeon lóyò Bulu òtswékpá wunsínésú. Ali bré ámòtò á, Yesu akwípó baba m̀v amándíé ánfi òwèkpá fé aliá Mose Mbla ám̀v leblí. ²⁸ Inu Simeon lóhò kebi b̀b̀wè amu, òlekanfó Bulu òbèe,

²⁹ “Mí Wíé! Asún amóú feblí tswí amu òlaba móú.

Séi mó á, mí f̀v osúmbi anfi nétalí wú iwílwíitò nya.

³⁰ Tsúfè mí onutó napó mí ansíbi wun Òlèp̀v ám̀v.

³¹ Fú onutó falá m̀v b̀wé ahá f̀éé ansítò.

³² Wanki ogyi, obéle fú súná ahá ání bomegyí Israelfo, pú numnyam ba fú ahá Israelfo.”

³³ Asón anfi Simeon léblí tsú kebi bəbwe anfi iwí leha onó lobwie mu akwíró. ³⁴ Simeon lóyulá amó, əlebláa obí mu yin Maria əbée, “Ina kebi anfi su Israelfo əfan bédida, əfan é béli. Osúna ogyi tsú Bulusu, ahá bókoso líi musu. ³⁵ Iní su Bulu obéha ahá tsotsotsə klonsu asón bəlín əwan. Fú é á, awirehə béhie kítá fú klón. Ibóhə fú əsin fé ədayí iya anyə bakpié yi fu.”

³⁶ Otsi dehen əkúá ogyi Bulu onósó ətoírú é bu inu. Mu dá gyí Hana. Mu si gyí Fanuel, otsú Asa abusuantə. Otsi dehen anfi mwa mu kulu betsiá aba nfinsienó, mu kulu lówu. ³⁷ Olosu isora alu bəfun bréá ələhə nfi adukwe-na (84). Ələpə Bulu ətswékpa wunsinésú inu mlí mu ədikpa, əde Bulu súm, klí onó, bó mpái əpa mwa onyé. ³⁸ Mu é əledali ba bekanfú Bulu, blí kebi bəbwe amu iwí asón súná ahá amó bəde Yerusalemfo iwígyí əkpa kí amu.

Yesu Yinkia Ya Nasaret Wuluta

³⁹ Bréá Yesu akwíró bəbwe amándié ámu tá Bulu mbla ámu onó á, beyinkí kplí yó amó wuluta Nasaret, Galilea əsulúsu. ⁴⁰ Kebi ámu lédan, nyá əwónlín, nyá nyánsa, Bulu é lóyulá mu.

Yesu Bu Bulu Ətswékpa

⁴¹ Yesu akwíró bətetsiá yó Yerusalem yégyi Israelfosu Katsun Nke offigyiofi. ⁴² Bréá Yesu lóhə nfi dúanyə á, mwa amónyə bəyə nke ámu ogyíkpa fé alíá bətəyó yái. ⁴³ Bréá begyi nke ámu tá beyinkí á, Yesu akwíró bəmebi áni alasin inu. ⁴⁴ Buki bée mwa mu abanyə ná. Mú su benatí ekewóle owítə asa bəwa mu dunká apíó abato bi. ⁴⁵ Bréá bodunká mu kásián á, beyinkí yó Yerusalem, yódunká mu. ⁴⁶ Eke sáási a, boyówotii musu Bulu ətswékpa wunsinésú inu. Otsie Mose mbla asunápo wá, əde asu yáa amó asóntə, əde amó asón fité. ⁴⁷ Onó lobwie ahá áni bəbu inu féé, tsú alíá əde asón ámu así nu pú alíá əde mú onó le. ⁴⁸ Onó lobwie mu akwíró bréá bowun mu. Mu yin léfité mu əbée, “Mí bí, ntogyi su fabwé aní alí? Mía fú sínycə ansí lapé anidé fú dunká.”

⁴⁹ Inu Yesu léfité amó əbée, “Ntogyi su mlidé mí dunká? Ilehían áni mlébi áni mí Sí wóyítə nétsiá.” ⁵⁰ Táme mu akwíró bəmonu asón áni əde amó bláa asi.

⁵¹ Mwa amónyə beyinkí yó Nasaret, əleba iwiasí há amó. Maria lékitá asón ámu féé wá kpawunuta, tsíá gywín mú iwí. ⁵² Yesu lédan, wa əwónlín, nyá nyánsa, Bulu mwa anyánkpoša féé ansí legyi mu iwí.

3

Asú Əbəpú Yohane Bulu Asón Əkanda

(Mateo 3:1-12; Marko 1:1-8; Yohane 1:19-28)

¹⁻² Roma owie dehen Tiberio iwígyí ofi dúanusitə á, Bulu lébláa mu igyí əhapú Sakaria mu bi Yohane dimbísú əbée, ədáa mu asón əkan. (Alí bré ámutə á, Pontio Pilato dé Yudea əmású gyí. Herode dé Galilea əmású gyí. Herode mu dehen Filippo é dé Iturea pú Trakoniti əmású gyí, Lisania é dé Abilene əmású gyí. Bulu igyí ahapú dehen áni bəbu inu alí bré ámutə é gyí Hana mwa Kaiafa.) ³ Mú su Yohane léki Yordan bənkpa onó, əde əkan da blí əbée, “Mlidamli kluntə, amlisi lakpan bwe. Bulu osikie mlí, ambə mlí asú.”

⁴ Bulu onósó ətoírú Yesaia lówanlín Yohane iwí asón wá mu əwolótə əbée, “Oko dékplon dimbísú əbée,

‘Mlila aní Wie əkpa.

Mlitswii ikpa ha mo!

⁵ Mliti bɔnkpa kugyiko,
amlibwiebwie abɔ mɔa nkuku fɛɛ.

Mlitswii ikpa,
amlila mɔsɔ wanklɛɛn.

⁶ Ahɛ fɛɛ bɔwun Bulu nkpanhɔ. ”

⁷ Ɔdam beba Yohane wɛ beɛ, ɔbɔ amɔ asɔ. Ɔlefite amɔ ɔbeɛ, “Abe abi-anɛ, nto gyɛ mli, mlisri Bulu isɔbiti amɔ uba amɔ? ⁸ Mɔmɔ mliswie abi oduɛ ibɔsunɛ anɛ lɛlɛ mliladamlɛ klɔntɔ. Mlimaki mliɛa, mli nain gyi Abraham. Nde mli blaa mbɛɛ, Bulu ɔbetali ha abwi anfi ibɛdamli Abraham abi-anɛ. ⁹ Sei a, Bulu lapɔ efɛ yi nyi-atsitsitɔ. Oyi gyi oyi anɛ imoswie abi wanklɛɛn a, bokun mɔ da, wa mɔ fɛɛ ogya.”

¹⁰ Ɔdam amɔ befitɛ Yohane beɛ, “Nto mɛɛ abwɛɛ?”

¹¹ Yohane lɛblaa amɔ ɔbeɛ, “Fɔa fɔbɔ atadiɛ anyɔ a, pɔ kɔlɛ ha ɔha anɛ ɔma kɔkɔ. Fɔa fɔbɔ atogyiɛ ɛ bwe mɔ alɛ.”

¹² Lampɔ ahɔpɔ akɔ ɛ beba asɔ ɔɔkpɛ. Befite Yohane beɛ, “Osunapɔ, nto ilehiɛn anɛ abɔbwe?”

¹³ Yohane lɛblaa amɔ ɔbeɛ, “Mlimatswi dɛnkɛ ahɛ. Mliha tɔa beɛ mlihaɔ.”

¹⁴ Isa akɔpɔ akɔ ɛ befitɛ Yohane beɛ, “Anɛ ɛ mɛ, nto abwɛɛ?”

Yohane lɛblaa amɔ ɔbeɛ, “Mlimapɔ ɔwɔnlin swii ɔhaa kɔba, ntɛɛ wa afunɔ dɛnkɛ ɔhaasɔ. Mli akatua igyi mli ansɛ.”

¹⁵ Inɛ amɔ ansɛ dɛn Kristo amɔsɔ, bɔde mɔ ɔkpa kɔ su a, imɔwanki amɔ ni Yohane gyi Kristo amɔ. ¹⁶ Mɔ su Yohane lɛblaa amɔ ɔbeɛ, “Ɔkɔɔ ɔɔbɔn mɔ bɔ ɔma ɔba. Mmɔfɔn anɛ nɛsanki mɔ ntɔkɔta ɔfɛ kɔraa. Mi mɔ a, ntsu ndɛpɔbɔ mli asɔ. Mɔ ɔbɔpɔ Ɔɛ Wankihɛ pɔ ogya bɔ mli asɔ ni. ¹⁷ Ɔde mɔ ilin, ɔbɔpɔfɔni ntɛɛ lɛ ayɔ amɔtɔ. Ɔbekpa ayɔ amɔ wa mɔ odudutɔ. Tame ɔbefɛi ofunɛkpɛ mɔ wanklɛɛn, kpɛ ntɛɛ amɔ wa ogya anɛ itamaduntɔ.”

¹⁸ Yohane lɛda asɔn wanklɛɛn amɔ ɔkan, blaa ahɛ amɔ asɔn tsɔtsɔtsɔ ɔbeɛ, bɔdamli klɔntɔ.

¹⁹ Iso ogyipɔ Herode laswii mɔ dɛhen Filipino mɔ ka Herodia tsia, tra bwe lalaha tsɔtsɔtsɔ tsia mɔtɔ. Mɔ su Yohane lɛkinɛ ha mɔ. ²⁰ Mɔa idɔn kɔraa gyi, Herode lɛha bekita Yohane wa obu.

Yesu Asubɔ

(Mateo 3:13-17; Marko 1:9-11)

²¹ Brɛa Yohane dɛ ahɛ amɔ asɔ bɔ a, Yesu ɛ lɛba, Yohane lɔbɔ mɔ asɔ. Brɛa Yesu dɛ mpai bɔ a, nɔwɔlɔtaa lefinkɛ, ²² Ɔɛ Wankihɛ lɛdamli fɛ abrɔdɔma, kpɛ bogyonka mɔsɔ. Ɔme kɔ lotsu ɔsɔsɔ ɔbeɛ, “Fɔgyi mi bia ntɔdwɛ, mɔ ansɛ tɛhiɛ gyi fɔ iwi ni.”

Yesu Anɛn Ilintɔ

(Mateo 1:1-17)

²³ Brɛa Yesu lɔha fɛ nfi adɔasa a, olefi Bulu asɔn ɔkanda asɛ. Ahɛ mɔ buyin anɛ Yosef mɔ bi ni. Yosef mɔ sɛ gyi Eli. ²⁴ Eli mɔ sɛ gyi Martat. Martat mɔ sɛ gyi Lewi. Lewi mɔ sɛ gyi Melki. Melki mɔ sɛ gyi Yanai. Yanai mɔ sɛ gyi Yosef. ²⁵ Yosef mɔ sɛ gyi Martatia. Martatia mɔ sɛ gyi Amos. Amos mɔ sɛ gyi Nahum. Nahum mɔ sɛ gyi Hesli. Hesli mɔ sɛ gyi Nagai. ²⁶ Nagai mɔ sɛ gyi Mahat. Mahat mɔ sɛ gyi Martatia. Martatia mɔ sɛ gyi Semein. Semein mɔ sɛ gyi Yosek. Yosek mɔ sɛ gyi Yoda. ²⁷ Yoda mɔ sɛ gyi Yohanan. Yohanan mɔ sɛ gyi Resa. Resa mɔ sɛ gyi Serubabel. Serubabel mɔ sɛ gyi Sealtiel. Sealtiel mɔ sɛ gyi Neri. ²⁸ Neri mɔ sɛ gyi Melki. Melki mɔ sɛ gyi Adi. Adi mɔ sɛ gyi Kosam. Kosam mɔ sɛ gyi Elmadam. Elmadam mɔ sɛ gyi Er. ²⁹ Er mɔ sɛ gyi Yosua. Yosua mɔ sɛ gyi Elieser. Elieser mɔ sɛ gyi Yorim. Yorim mɔ sɛ gyi

Martat. Martat mu si gyi Lewi. ³⁰ Lewi mu si gyi Simeon. Simeon mu si gyi Yuda. Yuda mu si gyi Yosef. Yosef mu si gyi Yonam. Yonam mu si gyi Eliakim. ³¹ Eliakim mu si gyi Melea. Melea mu si gyi Mena. Mena mu si gyi Martata. Martata mu si gyi Natan. Natan mu si gyi Owie Dawid. ³² Owie Dawid mu si gyi Yisai. Yisai mu si gyi Obed. Obed mu si gyi Boas. Boas mu si gyi Salmon. Salmon mu si gyi Nahson. ³³ Nahson mu si gyi Aminadab. Aminadab mu si gyi Admin. Admin mu si gyi Arni. Arni mu si gyi Hesron. Hesron mu si gyi Peres. Peres mu si gyi Yuda. ³⁴ Yuda mu si gyi Yakob. Yakob mu si gyi Isak. Isak mu si gyi Abraham. Abraham mu si gyi Tera. Tera mu si gyi Nahor. ³⁵ Nahor mu si gyi Serug. Serug mu si gyi Reu. Reu mu si gyi Peleg. Peleg mu si gyi Eber. Eber mu si gyi Sala. ³⁶ Sala mu si gyi Kainan. Kainan mu si gyi Arfaksad. Arfaksad mu si gyi Sem. Sem mu si gyi Noa, Noa e mu si gyi Lamek. ³⁷ Lamek mu si gyi Metusela. Metusela mu si gyi Enok. Enok mu si gyi Yared. Yared mu si gyi Mehalaleel. Mehalaleel mu si gyi Kenan. ³⁸ Kenan mu si gyi Enos. Enos mu si gyi Set. Set mu si gyi Adam. Adam e mu si gyi Bulu.

4

Yesu Isoki

(Mateo 4:1-11; Marko 1:12-13)

¹ Breá Yesu léyinkí tsú Yordan ntsu onó á, Ŋhe Wankihé lɔbulá mutɔ, ilekpa mu ya dimbísú. ² Breá obu inu á, Ŋbunsám létsiá bɔsɔ mu ki nke advana kéké. Yesu mégyii tɔtɔ nke ámutɔ féé. Mú su breá nke ámu ilomɔ onó á, akón híé de mu.

³ Inu Ŋbunsám lébláa mu obéé, “Ní Bulu mu Bi fɔgyi á, mómú ha ibwi ánfí idamli bodobodo.”

⁴ Yesu lélé mú onó obéé, “Bɔwanlín wá Bulu asón ámutɔ beé, ‘Megyí atogyihe wole nyankpɔsa ogyii tsia nkpa.’ ”

⁵ Ŋbunsám lɔpu mu ya ibu fóáhé kɔsu. Olosuná mu oyító iwíe ogyíkpa féé ɔtsáwule pé. ⁶ Múú ɔlebláa mu obéé, “Nɔpu ɔmá ánfí féé túmi pú amó numnyam há fú, tsúfé mí ibitɔ bapówá. Ŋhá ání ndeklé a, mu nɔpuhá. ⁷ Mú su ní fosúm mí á, nɔpu mú féé há fú.”

⁸ Yesu lébláa mu obéé, “Bɔwanlín wá Bulu asón ámutɔ beé, ‘Da akpawunu ha fú Wíe Bulu. Mu nkɔle fu súm.’ ”

⁹ Ŋbunsám lékpa mu ya Yerusalem, ɔlɔpu mu yélí Bulu ɔtswékpa obu ámu ɔtántra. Inu ɔlebláa Yesu obéé, “Ní Bulu mu Bi fɔgyi lélé á, tu kpayi.

¹⁰ Tsúfé bɔwanlín wá Bulu asón ámutɔ beé, ‘Bulu obéha mu abɔpu béki fɔsu.

¹¹ Békpatá fú ibitɔ, méní fú yabi méeda ibwi kɔkɔsu.’ ”

¹² Yesu lélé mú onó obéé, “Betrá wanlín beé, ‘Mákapó fú Wíe Bulu ki.’ ”

¹³ Breá Ŋbunsám lómɔ isókí anfi féé onó á, ɔlɔku náti sí mu asa.

Yesu Gyumagyihe Asitsúá Galilea ɔmátó

(Mateo 4:12-17; Marko 1:14-15)

¹⁴ Ŋhe Wankihé túmi lékpa Yesu, oleyinkí yó Galilea ɔmátó. Mu iwí asón lékléi wa ɔmá ámu féétó. ¹⁵ Oletsíá súná ató Yudafɔ ofiakpa, ahá ámu féé bekanfó mu.

Buməho Yesu Mu Wuluto

(Mateo 13:53-58; Marko 6:1-6)

¹⁶ Inu Yesu léyinkí bá Nasaret, ɔtínéá oletsíá dan. Fé alíá otetsíá bwé á, ɔlɔyɔ Yudafɔ ofiakpa ɔkpónó ɔdaké. Breá ɔlɔkusó yélí amó ansító obékla

Bulu asón á, ¹⁷ botsu Bulu onósó otáipó Yesaia owóló há mu. Olesankí mú á, olowun otinekúá bəwanlín wá bεε,

¹⁸ “Ani Wíe Bulu ladá mí ofúli.

Ini su mu Ŋjé bu misu.

Alalé mí obéε, ndáa ason wankláán ámu okan suna ahá aní buma toto.

Obéε, mbébláa nkpábi mbéε, masí amú iwí há amú.

Mí ambla ansibi abwiepó mbéε, mabwíí amú ansibi.

Obéε mbébláa ahá aní bude amú ipiantə wa é mbéε, malé amú ipiantə.

¹⁹ Fówun mí ambli mbéε,

ani Wíe ahá nwewúunbi lafon.”

²⁰ Inu olokuntá owóló ámu, yínkía ha mósó okípu, oləwóí tíá asi. Ahá amú bubu ofiakpa inu ámu féé besi bude mu kíí díín. ²¹ Inu Yesu lébláa amú obéε, “Nde, Bulu ason wanlínhé anfi laba mótó. Mó mlilanú á.”

²² Ahá ámu féé bonu ason wankláán amú idədali mu onó ámu. Onó lobwie amú, befíté bεε, “Megyí Yosef mu bi ámu ni?”

²³ Yesu lébláa amú obéε, “Nyin aní mléha mí yébi anfi mlíaa, ‘Ilo otsapó, tsa fú iwí!’ Mlélabláa mi mlíaa, ‘Bwe ató amú anilanú aní fódεbwe Kapernaum amú fú wúluto nfi é.’ ” ²⁴ Inu oleyinkí bláa amú obéε, “Ŋnokwali nde mli bláa. Butamahə Bulu onósó otáipó okoku asón mu wúluto.

²⁵ “Mlinu, Bulu onósó otáipó Elia bísó á, nyankpu mótswíε nfinisa múa ifon kéké. Akón lehie ba Israel omátó féé. Ibu mótó aní asurapu tsətsətsə betsiá Israel omátó alí bré amoto, ²⁶ táme Bulu méha Elia oyo amótó okoku wá. Osurapu okúá obu Sarefat wúluto, Sidon omátó nkule wá əleha mu əloyo. ²⁷ Ilo pepe aləpú tsətsətsə é betsiá Israel omátó Bulu onósó otáipó Elisa bísó. Táme omeha okoku iwí meplí, don Naaman aní otsú Siria nkule.”

²⁸ Obíó lehie kítá ahá amú bubu ofiakpa inu ámu, bréá bonu Yesu ason blíhé anfi. ²⁹ Bəkusó gya mu dáli amú wúluto. Wúlu amú idin busu. Begya mu alu yówie wúlu amú onó, bεε abowuta mu wa tsonkolito. ³⁰ Yesu lénatí tson amótó yó otínéá oyó.

Yesu Ŋjε Laláhe Gyáa

(Marko 1:21-28)

³¹ Inu Yesu lékplí yó Kapernaum, Galilea wúlu kuto. Olosuná amú ató amú ofiakpa okpónú odaké. ³² Mu atosunáhé lobwie amú onó, tsúfé olosuná amú ató tímísu. ³³ Oyin oku bu ofiakpa inu, oje laláhe bu musu. Okəklón blí obéε, ³⁴ “Kí mi! Yesu Nasaretyin, amansu bu ania fonyo nsiné? Ntéε aní okupá febá lóó? Nyin ohá oduá fúgyi. Fúgyí Bulu Ŋha Wankíhé amú ni!”

³⁵ Yesu ləkplon wa oje ámu obéε, “Kpa onó bun, afodalí muto.” Inu oje laláhe amú léfin oyin ámu dá ahá amoto inu, dáli muto. Təto məbwe mu.

³⁶ Onó lobwie amú féé, befíté aba bεε, “Amansu ni? Oyin anfi bu túmi, okəklón wa oje laláhe, ide mu bu, dáli ahátó?” ³⁷ Mu iwí asón leklei wá omá ámu féétó.

Aləpu Tsətsətsə Tsa

(Mateo 8:14-17; Marko 1:29-34)

³⁸ Yesu lédali Yudafə ofiakpa inu yó Simon wóyító. Oloyo á, owísó lakítá Simon mu sia tsíhé, əda kínkíínkín. Bεbláa Yesu bεε, ogyii mu buale. ³⁹ Yesu ləkpukpé tú otsí ámu, okəklón wa owísó ámu obéε, ikósu musu. Inunu ilokúsu musu, otsí ámu ləkúsu bwé amú afóto.

⁴⁰ Bréá owí deta á, ahá bəsurá amú ahá aní bude ilo otsan-otsan lo ba, Yesu ləpu ibi dínká amúsó tsá amótó okugyíokú ilo. ⁴¹ Ŋjε laláhe bu amótó akuto.

Yesu lóklɔn wa ɔɲe laláɛ amɔ. Bedali, buɔe okitikíti beɛ, “Fógyí Bulu mu Bi ámu ní.”

Táme Yesu lówa mbla wá ɔɲe laláɛ amɔ ání buɔmátɔí, tsúfɛ buyin ání muɲyí Kristo, (ɔhá ámuó Bulu ladá mu ofúli amɔ) ní.

Bulu Asón Okanda Yudafɔ Ofiakpa
(Marko 1:35-39)

⁴² Mú ɔyi keɛe baɛe a, Yesu léɔali wúlu amɔtɔ yó itsétó ɔtineku. Ahá bodunká mu alu yótu mu, bokokóli mu beɛ ɔmánatí sí amó. ⁴³ Táme ɔlebláa amó ɔbéɛ, “Ilehián ání néɔa Bulu iwíegyi iwɔ asɔn wankláán ámu ɔkan awúlu atráɛ amɔ ésó. Tsúfɛ mú ɔbwekpá Bulu lówa mí ní.”

⁴⁴ Inɔ sɔ oleki Yudea ɔmátó f́éé, dá Bulu asɔn wankláán amɔ ɔkan amó ofiakpa.

5

Yesu Akasípɔ Gyankpapɔ Tɔ
(Mateo 4:18-22; Marko 1:16-20)

¹ Eke ɔku Yesu líí Genesaret paati* ɔnó, ahá tsɔtsɔtsɔ beba boputá mu ání bónu Bulu asón. ² Olowun nklɔn anyɔ paati ámu ɔnó. Aye alepú ámu bakplí yó buɔe amó asawutɔ da. ³ Yesu lóɔv wíé kɔleá igyi Simon klétɔ. Múó ɔlebláa Simon ɔbéɛ, osún mú kpalobí dinka ntsusu. Inu oletsiá mútɔ súná ahá ámu ató.

⁴ Bréá ɔlɔtɔí tá á, ɔlebláa Simon ɔbéɛ, “Mɔɔpla ɔklɔn amɔ ya okluklúkpa, amɔɲɔtswɔ asawu le aye.”

⁵ Múó Simon lébláa mu ɔbéɛ, “Owíé, anɔlɔbwe kásián igye onyé f́éé, anuménya tɔtɔ. Táme iníá fee ayó, sɔ nɔyɔtswɔ asawu amɔ.” ⁶ Bréá bɔyɔtswɔ asawu amɔ a, bele aye tsɔtsɔtsɔ. Mú sɔ asawu amɔ lówa tití bi. ⁷ Inu bɔbwe ibi tí amó agyómá ayɔbá ámuó buɔv ɔklɔn nyɔɔsɔtɔ ámu beɛ buɔbɛtsa amó. Beba bɛtsa amó, bele aye amɔ bólá nklɔn anyɔ ámu déɔéɔé, ideklé ime. ⁸ Bréá Simon Petro lówun mú alɔ á, ɔleɔa akpawunu Yesu ayabitɔ, bláa mu ɔbéɛ, “Mí Wíé, mákpɔkpé mantáa mi! Lakpan ɔbweɔú ngyi.”

⁹ Tsúfɛ aye amó balé ámu lówa muɔ mu aba ámu wánwan. ¹⁰ Alɔ kén ilɔwa Sebedeo abí Yakobo muɔ Yohane, buɲyi Simon agyómá ayɔbá ámu é wánwan ní.

Múó Yesu lébláa Simon ɔbéɛ, “Mánya ifú! Tsú nde púya a, anyánkɔpsa f́éɛ.” ¹¹ Simon muɔ mu aba ámu benya plá nklɔn amɔ besi osubúno alɔ, besi tógyítɔ tswɔ, kplá buo Yesu.

Ilɔ Pepe ɔlɔpú ɔku Tsa
(Mateo 8:1-4; Marko 1:40-45)

¹² Eke ɔku Yesu bu wúlu kɔsɔ, ilɔ pepe ɔlɔpú ɔku lówun mu. Inu ɔlebedá akpawunu, pú ɔsɔkpi yi ɔsulótɔ, kókóli mu ɔbéɛ, “Owíé, ní fótɔsulá á, f́étalí há mí iwɔ béplí.”

¹³ Yesu létinkí ibi da mu, bláa mu ɔbéɛ, “Natsúlá, fú iwɔ iplí.” Inɔnu ilɔ ámu léɲa le mu iwɔ. ¹⁴ Inu Yesu léɔa mu ɔlá ɔbéɛ, “Mábla ɔhaa. Natɔ laa afɔpɔ fú iwɔ yosuná Bulu igyi ɔhapó, afɔha mu iwɔgyɔrátɔ amóó Mose mbla losuná tsú ilɔ pepɛtsa iwɔ ámu. Igyi adánsɛ suna ahá ání fú iwɔ laplí.”

¹⁵ Táme Yesu iwɔ asón létrá kleí yó ntíné dínká músó. ɔɔm beba mu atosunáhé onukpá, ɔtsa amótɔ alɔpɔ é ilɔ. ¹⁶ Táme oletsiá dáli amótɔ bré ku yó dimbísó ɔtineku mu nkɔle yóɔbɔ mpái.

* 5:1 Genesaret paati: Mú kén gyí Galilea ɔpɔ ní.

*Tsukole Osínpu Tsa**(Mateo 9:1-8; Marko 2:1-12)*

¹⁷ Eke oku Yesu dé ató suná. Farisifo, Mose mbla asunápu akvá botsú Galilea pú Yudea omátó pú Yerusalem beba betsiá así nu. Bulu túmi bu Yesuto há dlotsa. ¹⁸ Inu á, ayin aku basura tsukole osínpu akpasu ba. Bekleá bópu mu wíe wóyító, pú mu tswi Yesu ansító. ¹⁹ Odám amu su bumenya akpa. Inu su bayódu obu ámu awunso, dá mú otneku tíí, beklía akpa amu tswi ahá ámuoto Yesu ansító nu. ²⁰ Bréá Yesu lówun ání bahó mu gyi a, ðebláa tsukole osínpu amu ðéé, “Opíó, nasí fú lakpan kíe fú.”

²¹ Mose mbla asunápu pú Farisifo ámu beblí wá nwunto beé, “Ma gyí oyin áñfi ðe abususu blí áñfi? Ma ðétalí sí lakpan kíe ahá ðun Bulu nkule?”

²² Yesu lébi amú agywun. Mú su ðefíté amú ðéé, “Ntogyi sù mliðé inu odu gywún? ²³ Mómú lópón ha blí? ‘Nasí fú lakpan kíe fú.’ lóó, ntéé ‘Kusu tsu fú akpa afonati?’ ²⁴ Táme ndekléa mlibú ání mí, Nyankpusa-Mu-Bi áñfi mbu túmi gyí áñfito sí ahá lakpan kíe amú.” Inu ðebláa tsukole osínpu amu ðéé, “Nde fú bláa mbéé, kusu. Tsu fú akpa afonati yo wóyí!”

²⁵ Inunusunu tsukole osínpu amu lókusó líi amú féé ansító, tsú mu akpa, ðopu akpa oyó wóyí ðe Bulu kanfú. ²⁶ Onó lobwie ahá ámu féé. Ifú lowie amú féétó, bekanfú Bulu beé, “Nde anlawun ofúla!”

*Lewi Tí**(Mateo 9:9-13; Marko 2:13-17)*

²⁷ Mú oma bréá Yesu lédalí nu á, olowun lampóo ðhópu akvá butetí mu Lewi, tsie mu lampóo ðhókpa. Yesu lébláa mu ðéé, “Bobuo mi.” ²⁸ Inu Lewi lókusó, sí mu tógyító omagyáa, yóbuo mu.

²⁹ Mú oma a, Lewi lótswi opúnú mu wóyító há Yesu. Lampóo ahópu tsotsotsó pú aha bambá é beba ató ámu ogyíkpá. ³⁰ Farisifo pú Mose mbla asunápu ání bubu Farisifo ámuoto befité Yesu akasípu amu beé, “Ntogyi sù mliha lampóo ahópu pú lakpan abwepú mliðé ubi wa gyi ató, mliðé ntá nú?”

³¹ Yesu léle mú onó ðéé, “Alópu léhián ilo otsapó, megyí ahá ání iwí bu amú onlin. ³² Mmeba aha wankláán otikpá. Mboún lakpan abwepú otikpá neba, méní bédamli klonto.”

*Onóklí Iwí Asun Fitéhé**(Mateo 9:14-17; Marko 2:18-22)*

³³ Aha aku bebláa Yesu beé, “Asú ðopó Yohane akasípu butetsiá klí onó bó mpái. Farisifo akasípu é butóbwé alí, táme fú akasípu mú buðegyí, buðenú.”

³⁴ Yesu léfité amú ðéé, “Otsi okpaínpu anyawíe béklí onó bréá obu amú wá? Ekekeke! ³⁵ Táme eke oku béba ání békpa mu náti sí amú. Alí nke ámuoto béklí onó ní.”

³⁶ Inu ðeha amú yébi ðéé, “Ohaa tamapú tati pópwe tan tati dada. Ní ðbwé mú alí á, alayintá pópwe amu, pópwe amu pú dada amu ansí é iméekanáa aba. ³⁷ Alí kén butamapú nta pópwe wá ðwuló-kpákpá kente wuhétó ní. Nta pópwe amu ibófu fá kente amu tsítsá, yintá kente amu é. ³⁸ Inu su ðwuló-kpákpá kente pópwetó bótópú nta pópwe wá. ³⁹ Ohaa tamafité nta pópwesu bréá alanu dánhe. Tsufé ðteblí ðéé, ‘Idánhe amu bu alé ðun.’ ”

6*Okpónú Ddaké Mu Wie**(Mateo 12:1-8; Marko 2:23-28)*

¹ Yesu mva mu akasípó bətsən ayó ndə kətə əkpónú ədaké. Mu akasípó amu bəprəvən ató-abí ámu kv, bəpəvsáa mú wí. ² Farisifə ámu aku bəfité amú bεε, “Ntogyi só mlídé t́á aní mbla meha əkpa aní bəbweε əkpónú ədaké bwε?”

³ Yesu léfité amú əbée, “Mlumókókla nu t́á Owíe Dawid lóbwe bréa akón de mva mu abúopu kí? ⁴ Olebitíwíé Bulu osúmka yótsu bodobodoá bapóhá Bulu igyí ba, mva mu abúopu amu begyi. Bulu igyí aha pú nkole beε əkpa bótegyi ali bodobodo amu.”

⁵ Mú Yesu əlmə mu asún ənó əbée, “Mí, Nyankpəsa-Mu-Bi anfi gyí əkpónú ədaké mu wie.”

Ilətsa Əkpónú Ədaké

(Mateo 12:9-14; Marko 3:1-6)

⁶ Yesu lóyə ató osunákpá Yudafə ofiakpaəkpónú ədaké bámhá. Oyin əkvá mu gyəpi ibi lawú bu inu. ⁷ Mose mbla asuná pú Farisifə aku bεε Yesu kí bεε, əbėtsa ilə əkpónú ədaké, méni bénya mu iwí asún, póyénatí mvsu súná ahande. ⁸ Yesu yin amú nwuntə asún. Mú su əlebláa oyin ámuú mu ibi kole lawú ámu əbée, “Kvsu belí amú ansítə nfi.” Inu oyin ámu lóksú belí amú ansítə. ⁹ Mú Yesu lébláa amú əbée, “Nde mli fité, ntə mbla ámu léha əkpa aní abwée əkpónú ədaké? Yilé lóó, ntée lalahe? Ahə əha nkpa lóó, ntée amə mu?” ¹⁰ Inu əledamlí kí amú fée fiá. Mú əlebláa oyin ámu əbée, “Tinkí fə ibi amu.” Olenya tinkí ibi amu ali pé, əhé lowie mótə.

¹¹ Əblə ləkítá amú, bəfité aba bεε, “Ntə kóún abéhie bwé Yesu anfi?”

Akasípó Amu Adá

(Mateo 10:1-4; Marko 3:13-19)

¹² Eke əku Yesu lódu yó ibusu yóbə mpáí há Bulu tsú onyé yéha əyi kehe. ¹³ Mú əyi kehe a, əletí mu akasípó, əlele amótə dúanyə, əletí amú mu sumbí ayəpó. ¹⁴ Amúgyí, Simon aní əledinká mu Petro mva mu pio Andrea; Yakobo mva Yohane; Filipo, Bartolomeo, ¹⁵ Mateo, Toma, Alfeo mu bi Yakobo, Simon aní ogyi iwisətsiá adunkápú əpasuatə əha; ¹⁶ Yakobo əku mu bi Yuda pú Yuda Iskariot aní əlebele Yesu há.

Yesu Atósundá Múə Ilə Tsa

(Mateo 4:23-25)

¹⁷ Yesu mva sumbí ayəpó ámu bekpłí tsú ibu ámuvsu ba əsvlúvə tantasu. Mu abúopu tsətsətsə pú ədəm kənkəpənkəntiá bətsú Yudea əmátə, Yerusalem pú əpu ənó awúlu Tiro múə Sidonsu beba inu. ¹⁸ Beba bεε bebhá bonu mu asun blíhé, ətsa amú ilə. Ahá aní əje laláhe de amú háan é beba, olegya əje laláhe lé amótə. ¹⁹ Amú fée bekleá bəpú ibi da mu, tsúfə əje dədəli mətə, əletsa amú fée ilə.

Oyúla Asón

(Mateo 5:1-12)

²⁰ Yesu lótsu ansí kí mu akasípó, əlebláa amú əbée,

“Bulu layúlá mliá mlimá tətə,
tsúfə mlibó mu iwíegyí amu ni.

²¹ Bulu layúlá mliá akón de mli séi,
tsúfə mléba begyi mwε.

Bulu layúlá mliá mliđésú séi,
tsúfə mléba bəməsí.

²² “Bulu layúlá mliá bəde mli lu, bəde mli gyáa le amótə, síá mli, tí mli ida laláhe mí, Nyankpəsa-Mu-Bi anfi sv. ²³ Ansí igyí mli eke ámu, amlifuli

kpayi ansigyísó, tsúfè mli ikáká tsò òsúsó. Alí amó anáin bə̀bwe Bulu ɔ̀nósó atáíró amó ní.

24 Táme mli ání mlilanyá iwí séi, mligyɔ̀wí ní.

Tsúfè mli ansigyí fée mlilanyá á.

25 Mli ání mlilamwé séi, mligyɔ̀wí ní.

Tsúfè akón béba bekítá mli.

Mli ání mlidémási séi, mligyɔ̀wí ní.

Tsúfè mléba begyi awiréhó, su.

26 “Mli ání ahá fée bɔ̀de mli kanfó, mligyɔ̀wí, tsúfè alí mli anáin bekanfó Bulu ɔ̀nósó atáíró afunupó amó é ní.

Alupódwe

(Mateo 5:38-48; 7:12a)

27 “Táme nde mli ání mlónu bláa mbéé, Mlidwe mli alupó, amlibwe yilé ha amó. 28 Mliyula ahá ání bɔ̀təlwí mli, amlibɔ̀ mpái ha ahá ání bɔ̀tesíá mli. 29 Ní ɔ̀ha ɔ̀dá fú ɪsɔ̀tə a, damli nyɔ̀sɪ é ha mu ɔ̀da. Ní ɔ̀ku ɔ̀swíí fú tati á, wɔ̀l fú atadié é ha mu. 30 Ní ɔ̀ku ɔ̀kólí fú ató á, ha mu. Ní ɔ̀ku é ɔ̀tsú fú ató á, máyɔ̀hó mú. 31 Bwe ha ahá alá fudeklé fée bɔ̀bweé ha fu.

32 “Ní fú adwepó nkɔ̀le fɔ̀tədwe á, ipán məmó fénya? Lakpan abwepó kóráá bɔ̀tədwe amó adwepó. 33 Ní ɔ̀há ání ɔ̀təbwe yilé há fú nkɔ̀le fɔ̀təbwe yilé há á, ntogyi só Bulu ɔ̀dáa fú ipán? Lakpan abwepó é bɔ̀təbwe ali. 34 Ní ɔ̀há ání foyin ání obénya há fú nkɔ̀le fɔ̀təhá ipán a, ntogyi só Bulu ɔ̀dáa fú ipán? Lakpan abwepó óó bɔ̀təpó ató pan amó aba, yínkí hɔ̀ mú ali. 35 Mú sɔ̀ mli dwé mli alupó, mli bwe yilé ha amó, mli pan amó ató, mli máti amó akɔ̀, ménú Bulu ɔ̀béka mli iká tsə̀tsə̀tsə̀. Fówun mlilabwé Ɔ̀súsúsú Bulu ámu abi. Tsúfè ɔ̀bu awitəle há ahá ání ató tamagyi amó ansi pó aha laláhe fée. 36 Mli bwe nwe awúnpu fé alá mli Sí Bulu gyí nwe owúnpu.

Ilále

(Mateo 7:1-5)

37 “Mli mále ahá ilá, ménú Bulu mééle mli ilá. Mli máha ɔ̀haa ipón, ménú Bulu é ɔ̀mééha mli pón. Mlisi mli aba ilá kie amó, Bulu osi mli klé kie mli. 38 Mli ha ahá tóá de amó hián, Bulu ɔ̀bélahá mli. Ɔ̀bópu atə susúhe wankláán wá mú, wósúw mú, silá mú, ibábulá tsítsá há mli. Tsúfè tóá fə̀pósúsu ha fú bá á, mú kén Bulu ɔ̀bópusúsu ha fu ní.”

39 Yesu létrá ha amó yébi ɔ̀béé, “Nsibi obwiepó ɔ̀bétalí kpá nsibi obwiepó? Amó fée bɔ̀mékpa wíé ɔ̀bótó? 40 Ɔ̀kasípó tamadun mu wie, táme ɔ̀kasípó ɔ̀kásí bí á, ɔ̀təbweé fə̀ mu wie.

41 “Ntogyi só fòde ipí tükúríbi wúun fú bá nsíbiso, táme fə̀medé ogyakpatín ání idun fú klésu mú wúun? 42 Ntée ntogyi só fòde fú bá bláa fée, ‘Mí pío, ha mí andinkí ipí fú nsíbiso’, táme fə̀medé ogyakpatín ání idun fú klésu mú wun? Apinabwebí ɔ̀bwepó, gyankpa dínki ogyakpatín ámu fú nsíbiso, ménú fówun ató wankláán, tálí dínkí ipí ámu fú bá klésu.

Oyi Pó Mú Abi Swiehé

(Mateo 7:6-20; 12:33-35)

43 “Oyi wankláán méetalí swíé abi laláhe. Ali kén oyi laláhe é méetalí swíé abi wankláán ní. 44 Tsúfè oyí-ibí bɔ̀təpóbí mú. Bɔ̀tamakpótí kankaba okplóto oyísó, bɔ̀tamakpótí tsə̀kpən é tənkpə iflasu. 45 Ɔ̀ha wankláán telé tsíató wankláán ɔ̀wan tsú mu klɔ̀ntə, ɔ̀ha laláhe é telé tsíató laláhe ɔ̀wan tsú mu klɔ̀ntə. Tsúfè tóá idun ɔ̀ha klɔ̀n a, mútédálí tsu mu ɔ̀nó.

*Butásó pò Osublútò Obuyi**(Mateo 7:24-27)*

⁴⁶ “Ntogyi só mlidé mí tì mhaa, ‘Mí Wíé! Mí Wíé!’ táme mlitamagyi mí ason blíhésu? ⁴⁷ Nósuná mli alá òhá ání òlèba mí wá bonu mí asón, gyi dinká mósú gyí. ⁴⁸ Ogyi fé òhá ání òbá beyi obu á, olegyankpá kwí mú ntswiasí òbó yótu butá, òlòwa ntswiasí ámu dinká mósú. Bréá ntsu lóbulá kítá mú á, imetalí kpínkí obu ámu, tsúfé oleyi mú wankláán. ⁴⁹ Táme òhagyíòha ání olonu mí ason blíhé, omegyi mósú gyí fé òhá ání oleyi mu obu òsulúsu kèkè, òmòwa mú ntswiasí. Bréá ntsu lóbulá wa mú á, ilobwie dá gbloo inonu, yintá fée!”

7*Romafò Isá Akòpò Òhande Osúmpò Òkú Ilò Tsa**(Mateo 8:5-13; Yohane 4:43-54)*

¹ Bréá Yesu lébláa ahá ámu asón ánfí fée tá á, òlòyò Kapernaum wúluto. ² Romafò isá akòpò òhande òkú bu inu. Òbu osúmpò òkúá òtèhíé kle mu asón. Osúmpò amu délò, odeklé owu. ³ Bréá isá akòpò òhande amu lónu Yesu nka á, òlòwa Yudafò ahande aku sísí Yesu òbée, buyókokóli mu òbetsa mu osúmpò amu ilò ha mu. ⁴ Ahande amu behiè kókóli Yesu bée, “Abwíí ipa, ní òkú léhián fú mbua á, mómú oyin ánfí ní! ⁵ Tsúfé òtòdwé aní pi. Muléyi aní offiakpa kóráá há aní ní.”

⁶ Mú sù Yesu mua amónyò bòpu òkpa. Bréá beta wóyí ámutò wie tá á, isá akòpò òhande amu lówa mu anyawíe òbée buyéfiá Yesu, abubla mu bée, mbée, “Owíé! Máhan fú iwí, tsúfé mmòfun ání fèba mí wóyító. ⁷ Nawun ání mí é mmòfun ání néba fú wá. Fú mú bli asòanku, iwí bówa mí osúmpò amu ònlín. ⁸ Tsúfé mí é mbu ahande aku así. Isá akòpò aku é búbu mí así. Nélé ònó mbée amótò òkú ònátí á, òtènátí. Ní mbée òbá é á, òtèba. Tógyítá nébláa mí osúmpò mbée òbwée á, òtòbwé.”

⁹ Bréá Yesu lónu asón ánfí á, ònó lobwie mu, òledamli bláa òdòm amúú búbuo mu amu òbée, “Ònòkwali asón, nde mli bláa, mmòkòwun òhá ání òbu hógyi kpònkpòntí ánfí odu Israelfòtò kóráá kú!”

¹⁰ Bréá abòpu amúú isá akòpò òhande amu lówa ámu beyínkí yó wóyító a, bowun ání osúmpò amu iwí lawá mu ònlín.

Òsurapu Òkú Mu Bì Tsínkí

¹¹ Imòwa òpá kòkú Yesu lóyò Nain wúluto. Òdòm búbuo mua mu akasípò. ¹² Bréá olowíe wúlu ònó á, òlòtu aku, búsun fúli akpasu bebá. Obi yinhé òkòlè pé ogyi há òsurapu òkú. Òdòm kpònkpònkpòntíá botsú wúlu amutò é búbuo òtsí ámu. ¹³ Bréá aní Wíe lówun òtsí ámu a, mu asón lówa mu nwe, òlèbláa mu òbée, “Másu!” ¹⁴ Múú òlòyòpu ibí da akpa amu, asurápò amu besi lí. Inu òlèbláa fúli amu òbée, “Oyasubi, nde fú bláa mbée, kusu!” ¹⁵ Inu fúli amu lókusú tsíá, wá tóí bí. Yesu lópu mu wá mu yin ibutò.

¹⁶ Ifú lèkítá ahá ámu fée, bekanfó Bulu bée, “Bulu labòbá mu ahá! Mu ònósú òtòipò kpònkpòntí òkú lalín anitò!”

¹⁷ Yesu iwí asón ánfí lèkleí wá Yudea òmá pò awúlu ání ibu nsiné inu féeétò.

*Yesu Mva Asú Òbòpò Yohane**(Mateo 11:2-19)*

¹⁸ Asú Òbòpò Yohane akasípò beyébláa mu asón ánfí fée. Mú sù òlòwa amótò abanyò sísí Yesu òbée, ¹⁹ buyéfité mu bée, “Fúgyí òhá amúú òbèba amu ni, ntée akí òha bambá òkpa?”

20 Bréá ahá ámu beba bowie Yesu wá á, bebláa mu beε, “Asú Ɖɔɔpú Yohane ɔbéε abéfíté fú aníaa, ‘Fúgyí ɔhá ámúú ɔbéba amu ni, ntée akú ɔha bambá ɔkpa?’ ”

21 Yesu létsa alɔpu pú ahá ání iwí dé amú ɔsin tsɔtsɔɔtsɔ alí bré ámutɔ. Olegya ɔɛ laláhe lé ahátɔ, bwíí ansibi abwiepú tsɔtsɔɔtsɔ é ansibi. 22 Inu ɔlele Yohane akasípú asón ámu ɔnó ɔbéε, “Mliyinki yebláa Yohane tɔ́á mlɔlabowun pú móa mlɔlabonu. Mlɔlabowun ání ansibi abwiepú bude ató wúun, abɔ bɔna. Ilo pepe alɔpú iwí deplí, isu atínpu bude asón nu. Afúli buɔetsinkí, ahíánfɔ é bude ason wankláán ámu nu. 23 Bulu obóyulá ɔhá ání mí bwehé makúsú líí musu.”

24 Bréá abí ámúú Yohane lɔ́wa sumbí ámu beyinkí bɔ́y á, Yesu lɔ́wa tóí tsú Yohane iwí súná ɔɔm amu bi. Ɖbéε, “Bréá mlɔlédalí yɔ dimbísú inu á, ntɔ ɔkíkpa mlɔlɔ́yɔ? Fitáa ání afú de mó tsúun lóó? Ekekeεke! 25 Ní megýí mú á, ntɔ kótún ɔkíkpa mlɔlɔ́yɔ? Ɖhá ání ɔɔɔdí ntsrim. Ekekeεke! Ahá ání buɔéɔɔɔɔɔ tati ámu odu gyi ɔdwe á, awíe wóyí buɔetsíá. 26 Mlɔbla mí! Bulu ɔnósú ɔɔɔpú mlɔlédalí yéki? Ee, Yohane ni. Ɖɔun Bulu ɔnósú ɔɔɔpú. 27 Mu iwí asón Bulu lébli bɔ́wanlín mó tswi beε, ‘Kí, nde obí wa gya fu nkpa. Mu ɔbéla ɔkpa há fú ní.’ ” 28 Yesu lóyɔ mu asónsú ɔbéε, “Nde mlí bláa mbée, ɔhagyíɔha ání ɔha tshé laken kwí mófɔn mu, táme mu é ɔmɔfɔn Bulu iwíegýí ámutɔ ɔkusú kóráá.”

29 Aha ání bonu Yesu asón ání pú lampóo ahópú kóráá bowun ání Bulu asón da ɔkpa. Botsulá há Asú Ɖɔɔpú Yohane lóbo amú asú. 30 Táme Farisífɔ pú Mose mbla asunápú amu mó bɔ́meha Yohane ɔbo amú asú. Bekiná tɔ́á Bulu léhúhie ha amú bwe.

31 Yesu lóyɔ mu asónsú ɔbéε, “Séí ání á, amendi nópukápú ndemba-abí ání? Ntɔ belian? 32 Buggy fé nyebíá bɔ́tsie dunsu bude aba kpolí, bí beε, ‘Anɔlpléí ansigyísú, mlumétsa. Mó su anɔlawá awíreho ilo, táme mlumósú.’

33 Mligýí fé nyebí ání, tsúfé Yohane léba á, oletsíá klí ɔnó, omonu ntá, táme mlíaa, ‘Ɖɛ laláhe bu mutɔ!’ 34 Mí, Nyankpɔsa-Mu-Bi ání mó naba nde ató gyí, nde ntá núu. Mó é mlíaa, ‘Mlíki opotsuapu pú nta ɔbɔpú. Lakpan abwepú pú lampóo ahópú onyawíe.’ 35 Táme ɔhá ání ɔbu Bulu nyánsa á, mu tsíátó telé mó ɔwan.”

Ɖtsi Lakpan Ɖbwepú Ɖku

36 Farisiyin ɔku létí Yesu ató ogyíkpa mu wóyító. Bréá Yesu tsie ɔpónú ámu así á, 37 ɔtsi ɔkúá ɔbu wúlu amutɔ, ogyi lakpan ɔbwepú lónu Yesu nka ání batswi ɔpónú há mu Farisiyin amu wóyító. Inu olotsu mu ofobí fánfán ání ibu bíá prentva wankláán ɔbo ba inu. 38 Ɖlebede akpawunu Yesu ayabiasí, ɔlekpa isú yi woo. Ɖɔpu mu ntsú fwí Yesu ayabiasí, pú mu nwunsu-imi tsísi mó. Ɖlɔkolá Yesu ayabi pútá, tséí ofobí fánfán ámu wólí mu ayabisu. 39 Bréá Farisiyin amúú ɔletí Yesu amu lównu íní á, ɔleblí wá nwunto ɔbéε, “Ní Bulu ɔnósú ɔɔɔpú oyin ání gyí lélé á, tekí alawun ɔhá oduá ɔtsí ání gyí asa ɔɔɔpu ibi da mu, tsúfé lakpan ɔbwepú ogyi.”

40 Yesu lébláa oyin ámu ɔbéε, “Simon, mbu asɔanko bláa fu.”

Simon léfíté mu ɔbéε, “Osunápú, amansu igyi? Bla mu.”

41 Yesu lébláa mu ɔbéε, “Ahá abanyó aku bepan sika oyin ɔku wá. Ɖkɔle lépan blíba-anu (5,000,000), ɔkɔle é lépan mpím lafanu (500,000)*. 42 Bɔ́menyá kóba amu ká. Mó su oyin ámu lésikíé amú abanyó fée. Bla mí, amótó ɔmɔmu ɔbódwe oyin ámu dun?”

* 7:41 Sika ání gyi sika futútú lafanu (500) móa aduenu (50), igyi ɔha nke lafanu (500) móa aduenu (50) ikóká.

⁴³ Simon lébláa mu óbée, “Nahogyiá omuamóu mu ịkọ tso dun amu.”

Yesu lébláa mu óbée, “Onokwali igyi.” ⁴⁴ Inu Yesu léyinkí kị ọtsi ámu, ólebláa Simon óbée, “Fawun ọtsi ánfí? Neba fú wóyítá a, fumeha mí ntsu anwí ayabiasí. Táme ọtsi ánfí mú lapó mu ntsu fwí mí ayabiasí, pú mu nwunso-imi tsítisi mó. ⁴⁵ Fumelatá mí pútá, táme tsú bréá neba nfi ọpá á, ọtsi ánfí mókósi mí ayabi kolá pútá. ⁴⁶ Fumetséí ofobí wólí mí nwuntó, táme mu mú alatséí ofobí fánfán wólí mí ayabisí. ⁴⁷ Mú so nde fú bláa mbéé, ọdwe tsotsótsó ánfí alalé súná mí ánfí idesuná ání Bulu lasí mu lakpan tsotsótsó ámu fée kíé mu. Táme óhá ání Bulu osii lakpan kpalobí kíé á, ọdwe kpalobí ọtelé súná.”

⁴⁸ Inu Yesu lébláa ọtsi ámu óbée, “Nasí fú lakpan fée kíé fú.”

⁴⁹ Ahá ámuó amóa Yesu bọtsie ọpónóasí ámu, beblí wá nwuntó beé, “Ma gyi oyin ánfí óbée mu na mọde ahá lakpan sikíé amó.”

⁵⁰ Múu Yesu lébláa ọtsi ámu óbée, “Fú hógyi laho fu nkpa. Natí iwilwiitó.”

8

Atsíd Bobuo Yesu

¹⁻² Imọwa ọpá kọkọ, Yesu lékí awúlu móa nkuda así, ọde Bulu iwíegyi ámu iwí asón wankláán ọkan da. Mu akasípú dúanyó ámu pú atsí akvá ole-gya ọje laláhe lé amótó, tsá amó ilo bobuo mu. Atsí ámu gyí, Magdalayintse Maria ání Yesu légya ọje laláhe asienó lé mọtó. ³ Owíe Herode wóyísú ọkírú Kusa mu ka Yohana. Ọtsi ọkvá bọtetí mu Susana pú atsí tsotsótsóá betsiá pú amó ató kị Yesu mu a mu akasípúso.

Ató-abí Owunyápu Iwí Yébi

(Mateo 13:1-9; Marko 4:1-9)

⁴ Bréá ọdọm kponkponkponnti bọtsu awúlu-awúlusú ba befia Yesu wá á, óleha amó yébi óbée,

⁵ “Ọdọtọpọ ọkọ lóyó ató-abí owunyákpa. Bréá ọde mú wunyáa a, ịkú lówólí ọkpató, ahá betsatsáa mósú, mbubwí é bọtswetswéé mú fée. ⁶ Ịkú lówólí abótású, ọtínéá ịsị kpalobí dun. Ilowa ọsa kwé, táme bréá owí lelun a, ịdọtó mú mó, tsúfée imenya ntsu. ⁷ Abí ámu kú lówólí awutó, awu ámu lóbólá kítá mú, ịmedan. ⁸ Abí ámu kú lówólí ọsulúw wankláánsú, dan. Iloswie abí tsotsótsó fée mú amóu olodu ámu odu tsé lafa.”

Yesu lómọ mu asón ọnó óbée, “Óhá ání ọbọ asu onúu.”

Tóá Súd Yesu Lótáí Ayébisu

(Mateo 13:10-17; Marko 4:10-12)

⁹ Yesu akasípú befité mu yébi anfi así. ¹⁰ Ólebláa amó óbée, “Bulu lahá mlí ọkpa óbée, mlíbú mu iwíegyi ámu iwí asón njaínhé. Táme nde aha bambá asón bláa ayébisu, méní bówwun, táme bọméesi. Bónu, táme bọmóonu mú así.

Ató-abí Owunyápu Yébi Amu Así

(Mateo 13:18-23; Marko 4:13-20)

¹¹ “Yébi amu así ní. Ató-abí ámu gyí Bulu asón. ¹² Abí ámuó ịlówólí ọkpató ámu gyí ahá ání bọtonú asón ámu, táme Ọbunsám tẹba bele mú lé amó klonntó, méní bọmósoho mósú gyi, fówun bénya nkpa ání itamatá. ¹³ Abí ámuó ịlówólí abótású amu gyí ahá ámuó bonú asón ámu pé, bahó mú ansigyísú, táme bọma nlin. Mú so bọtamahogyi wa ọpá. Ní ịsókí kú inyá tó amó pé, badida. ¹⁴ Abí ámuó ịlówólí awutó ámu gyí ahá ání bonú asón ámu a, bahó mú, táme ọyí ánfító ató hiánhe iwí gywín, pú mótó atonyahé iwí ansigyí tegyi asón ámuso. Iní su bọtamaswíé abí dan. ¹⁵ Abí ámuó ịlówólí

osulúv wankláánsó ámu gyí ahá ámóú bonú asón ámu a, butohó mu wá klun wankláán aní itonú asón, gyi mósótó. Iní sv butotomi swíé abí tsòtsòtsò.

Okandíe Iwi Yébi
(Marko 4:21-25)

16 “Ohaa tamanywé okandíe pú ató bun mósó, ntée pówá mpá ayasi. Ofoákpá otópúbian, méní ibòwankí há ahá aní béba wóyí ámutò.

17 “Tsúfè tótò má unvá íbéñaín, uméelun owan. Asun ñaínhé kòkò é ma unvá buméebi mú.

18 “Mlíki wankláán mlí asón-nutó. Tsúfè ohá aní odekléá obónu mí atosunáhé amu asi á, Bulu obópu íkò tsia mótó há mu. Táme ohá aní omedékléá obónu mú asi á, Bulu obóswí mu kpalobí ámóú olosusúu aní alabí ámu kóráá.”

Yesu Abusuanfò Onutó
(Mateo 12:46-50; Marko 3:31-35)

19 Yesu mu yin mva mu apíó beba mu wá, táme odòm amu sv bumetalí wíé ba mu wá. 20 Ahá ámutò okò lébláa Yesu obéé, “Fó yín mva fó apíó bulí kpankpá, budekléá bówun fu.”

21 Yesu lébláa amú obéé, “Mí yín mva mí apíó gyí ahá aní butonú Bulu asón ámu, gyi mósó.”

Atsufú Asibá
(Mateo 8:23-27; Marko 4:35-41)

22 Èké okò Yesu lébláa mu akasípó obéé, “Mliha afa Galilea opu yo mú obin.” Mú sv bəpu okpa bəyó. 23 Bréá bəyó á, Yesu lédídi. Inu afú kpənkpənkpənti kò lówa tsóvə bi. Ntsu ámu ídèda wíé oklun amutò, ideklé umé. Uòvò amú ansí pepé. 24 Mú sv betsinkí Yesu, bláa mu bée, “Aní Wíe! Anidé ntsu wíe!”

Yesu lókusó lé onó wa afú múa ntsu ámu, unv fée ləlvá. 25 Inu oləfité amú obéé, “Mli hógyi mé?”

Ifú ləkítá amú, onó lobwie amú, bəfité aba bée, “Nyankpəusa əməmu ni, alalé onó wa afú múa ntsu kóráá, banú mu əmē alí?”

Oñe Laláhe Gyáa Le Ogbedéptó
(Mateo 8:28-34; Marko 5:1-20)

26 Yesu mva mu akasípó befa opu tsú Galilea yówie Geraséfó* osulúsv. 27 Bréá Yesu dédalí oklun amutò á, oyin okvá otsú wúlu amutò, oñe laláhe bu mutò lébefia mu. Oyin ánfi lékpa ató, tú dálí wóyító, yó otsie afúli opulákpá ilawá opá. 28 Bréá olowun Yesu a, oləsorá okitikíti, dá akpawunu Yesu ayabito, kplón blí obéé, “Osósúsó Bulu mu Bi Yesu, amansu igyi? Kókoli, máputí mí ató.” 29 Alí bré ámutò á, Yesu lakplón wa oñe laláhe amu obéé, ídálí mutò dodo. Mú sv oyin ámu léblí alí ní. Oñe laláhe amu itowíé mutò brégyibré. Mú sv butəwá mu ibi pú mu ayabi íkan, gyo mu iwí. Mú óó á, otebíá íkan amu, oñe laláhe amu itehá mu otəsí wíé aputu.

30 Inu Yesu léfité mu obéé, “Nkálí butətí fó?”

Oyin ámu lélé mú onó obéé, “Mí dá gyí ‘Odòm.’ ” Tsúfè oñe laláhe tsòtsòtsò bu mutò. 31 Oñe laláhe amu bokokóli Yesu obéé, omágya amú yówa ilán klúklúúklúá uma okatò.†

32 Mprákuo tsòtsòtsò ako budegyí okúku kusu unv fón. Mú sv oñe laláhe amu bokokóli Yesu bée, ohá abuyowie mprákuo ámutò. Oñe ha amú okpa

* 8:26 Gadarafó bu nwló dáda amu akotò. † 8:31 Ilán klúklúúklúá uma oka gyí oñe laláhe isv obítíkpá.

ɔbée buyó. ³³ Inuɔ bɛdali oyin ámutɔ yówie mprákuo ámutɔ, amó fée besrí kpákplí okúku amu wíe ɔputɔ, wúwu.

³⁴ Bréá mprákuo akparú ámu bowun tóá ilaba a, besrí yéblí asón ánfí wúlutɔ pó ɔmá ámutɔ. ³⁵ Inu ahá beba beki tóá ilaba. Bowun ání oyin ámutó tekíɔɔ laláhe bubu mutɔ ámu ansító ladí, alawá atadie otsie Yesu wá. Ilɔwa amó ifú. ³⁶ Ahá ámutó bowun itó ámutó ilaba amu bebláa amó aliá oyin ámutó ɔɔ laláhe bubu mutɔ ámu lénya mu ilɔtsá. ³⁷ ɔmá ámutɔ ahá fée bokokóli Yesu beɛ, ɔdáli amó ɔmátó, tsúfé ifú lehie kítá amó. Mú su Yesu lówie ɔklɔn amutɔ ɔbée amɔnati. ³⁸ Oyin ámutó tekí ɔɔ laláhe tsie mutɔ ámu lókokóli mu ɔbée, “Ha mí ambuo fu yɔ.” Táme Yesu méha mu ɔkpa.

³⁹ Mboún ɔlebláa mu ɔbée, “Yinki yɔ wóyí, afuyɛbláa mlí pí toyiléá Bulu labwé há fú.”

Mú su oyin ámu léki wúlu amu fée fiá, ɔde toyilé ámutó Yesu labwé há mu amu blí wúlu amutɔ fée.

*ɔhande ɔku Mu Bi Mva ɔtsi ɔku Ilɔ Tsa
(Mateo 9:18-26; Marko 5:21-43)*

⁴⁰ Bréá Yesu léyinki yówie ɔpu amu ɔbin a, ɔɔm bəhɔ mu atúu, tsúfé buɔde mu ɔkpa kí. ⁴¹ Inu oyin ɔkuá butɛtí mu Yairo, ogyi Yudafɔ ofiakpa ɔhande léba beɔa akpawunu mu ayabitɔ, kókóli mu ɔbée, ɔbá abuyɔ mu wóyító. ⁴² Mu bi tsihé ɔkɔle péá ɔbu, alahɔ nfi dúanyɔ da odewu.

Bréá Yesu lópu ɔyó inu á, ɔɔm ámutó bubuo mu amu bekpa buo mu yeɛ. ⁴³ ɔtsi ɔkuá obugya de mu wolí nfi dúanyɔ ní, ɔhaa mókótálí tsá mu, alayíntá mú iwísu ató fée ilɔ atsapú ibitɔ bu ahá ámutɔ. ⁴⁴ ɔtsi ánfí lótsun yɔ Yesu ɔma, pú ibi da mu tati osiebí. Inuɔ obugya amu leka itin. ⁴⁵ Múu Yesu léfité ɔbée “Ma lápú ibi da mi?”

Bréá ahá ámu fée beɛ bumákópú ibi da mu a, Petro léfité Yesu ɔbée, “Mí Wíé, ɔɔm anfi bɔpu fú ánfí á, mú fúde asón ánfí fité?”

⁴⁶ Táme Yesu léblí ɔbée, “ɔku lapó ibi da mi. Nawun ání ɔɔ ke ku ladáli mutɔ.” ⁴⁷ Bréá ɔtsi ámu lówwun ání itó ámutó mabwé ámu lalin ɔwan á, ɔledali ba. ɔdekpinkí kpakpakpakpa, ɔleyéda akpawunu Yesu ayabitɔ, bláa mu ahá ámu fée ansító tóá swá mɔpu ibi da mu, pú aliá manyá ilɔtsá. ⁴⁸ Inu Yesu lébláa mu ɔbée, “Mí bí, fú hógyi latsá fú ilɔ. Natí iwílwíitɔ.”

⁴⁹ Bréá Yesu bu mu tɔi anfisú á, ɔku lésrí tsú Yairo wóyító ba bebláa Yairo ɔbée, “Fú bí ámu ɔɔkpa mɔwa alé. Mátepi trá wa osunápú tɔi.”

⁵⁰ Bréá Yesu lónu asón ánfí á, ɔlebláa Yairo ɔbée, “Mánya ifú. Fú mú hogyi wɔle, obénya nkpa.”

⁵¹ Bréá Yesu lówie wóyító inu á, ɔmeha ɔhaa obuo mu yɔ obuá kebi ámu da mótó, dɔn Petro, Yohane, Yakobo pó kebi ámu akwíró. ⁵² Alí bré ámutɔ á, ahá ámu fée buɔdesú, buɔde okitikíti. Yesu lébláa amó ɔbée, “Mlɔsi okitikíti swá. ɔmákówú, didí ɔde.”

⁵³ Ahá ámu fée buyin ání otsibi amu lawú. Mú su bɔmɔsí Yesu. ⁵⁴ Inu Yesu lékítá otsibi amu ibi, kpólí mu ɔbée, “Obí, kusú!” ⁵⁵ ɔɔɔ lelawíé mu, ɔɔkusú líí ɔtsáwɔle pé. Múu Yesu lébláa amó ɔbée, “Mlɔdunka taku ha mu ogyi.” ⁵⁶ ɔnó lobwie otsibi amu akwíró, táme Yesu léda amó ɔlá ɔbée, “Mlɔmábláa ɔhaa asón ánfí.”

9

*Akasípú Dúanyɔ Amu Sumbíwa
(Mateo 10:5-15; Marko 6:7-13)*

¹ Yesu létí akasípú dúanyɔ ámu fia, ɔleha amó túmí, há amó ɔkpa ɔbé, bugyáa ɔɛ laláhe fée, abutsa ilo. ² Ɔlɔwa amó ɔbé, buyéda Bulu iwíegyi ámu ɔkan, abutsa alɔpu. ³ Ɔlebláa amó ɔbé, “Ní mlɔyó á, mlímátsu tɔtɔ. Mlímátsu oyi yíáhé, akpangkogyo, atogyihe, kóba ntée atadie nyɔɔsi. ⁴ Wóyigyiwóyítá báh mli á, mlítsia inu yófun ekéá mlédalí wúlu amɔtɔ. ⁵ Ní bumɔhɔ mli wúlu kusɔ, mlídédalí mlɔyó á, mlíkpakpa mli ayabitɔ-isi wuli wúlu amɔtɔ, isuna ání bumɛbi bwé.” ⁶ Benatí kí nsiné inu awúlu féesú, buɛ asɔn wankláán ámu ɔkan da, tsá ilo.

Herode Légyigyáa

(Mateo 14:1-12; Marko 6:14-29)

⁷ Bréá Galilea ɔmáású ogyípú Herode lónu tásá ide mósú yɔ á, olegyigyáa. Tsúfé aku buɛblí beɛ, “Asú Ɔɔɔpú Yohane lakósú tsú afúlitɔ.” ⁸ Aku é beɛ, “Bulu ɔnósú ɔtɔípú dada Elia lálé iwí ɔwan.” Aku é beɛ, “Bulu ɔnósú atɔípú dada amɔtɔ ɔku lákósú tsú afúlitɔ.” ⁹ Herode léblí ɔbé, “Nahá batɔn Yohane. Ngya oyin ɔmɔm iwí asón ntráa ndenu alí?” Mú sɔ ɔɔbɔ mbódí ání mówun Yesu.

Ahá Mpim-nu Atogyihe Ha

(Mateo 14:13-21; Marko 6:30-44; Yohane 6:1-14)

¹⁰ Yesu sumbí ayɔpú amu beyinkí bá bebláa mu tásá bayóbwɛ. Ɔlekpa amó buo iwí, amó nkule bɔyɔ Betsaida wúlutɔ. ¹¹ Bréá ɔɔm amu bebi ání ɔbu inu á, begya mu ɔkpa yó inu. Yesu lóhɔ amó atúu, ɔlebláa amó Bulu iwíegyi amu iwí asón, ɔletsá amúá buɛlo.

¹² Bréá owí ɔɔpɔn a, sumbí ayɔpú dúanyɔ ámu beba bebláa Yesu beɛ, “Ha amó abɔnati, méní bétalí yó awúlu ání ɔbu mantáa nfiɔ yódunká atogyihe múá ɔdikpa, tsúfé animéenya tɔtɔ há amó dimbí ánfítɔ.”

¹³ Táme Yesu léle mú ɔnɔ ɔbé, “Mlídunka ató ha amó abɔgyi.”

Akasípú amu bebláa mu beɛ, “Tásá anɔbu fée gyí bodobodo apin anu pú ntsutso iye bwáhé anyɔ. Nkétí anɔlayóhɔ atogyihe ba ahá ánfí fée.” ¹⁴ (Ayin ání bubu inu bóbwe fé mpim-nu (5,000).)

Yesu lébláa akasípú amu ɔbé, “Mlɔha amó abutsia okútú. Iku kule ɔbwéé fé ahá aduenu (50).”

¹⁵ Akasípú amu ɔbwɛ dínká mósú, ɔhagyíɔha létsiá así. ¹⁶ Inu olotsu bodobodo anu pú ntsutso iye bwáhé anyɔ ámu. Inu olotsu ansí fúá kí ɔsúsú, ɔleɔda Bulu ipán. Múú olebiabía mótó púhá akasípú amu ɔbé, buyéé mú ha ahá ámu fée abɔgyi. ¹⁷ Amu fée begyi mwe sian. Bréá akasípú amu bɔtásí ísianhe amu a, ɔbɔblá alakpá dúanyɔ.

Ɔhá Aní Yesu Gyi

(Mateo 16:13-19; Marko 8:27-29)

¹⁸ Eke ɔku Yesu nkule dé mpái bɔ, mu akasípú amu bubu inu. Múú ɔlefíté amó ɔbé, “Ma ahá beɛ ngyi?”

¹⁹ Bele mú ɔnɔ beɛ, “Aku beɛ, fúgyí Asú Ɔɔɔpú Yohane. Aku beɛ, Bulu Ɔnósú Ɔtɔípú Elia. Aku é beɛ, Bulu ɔnósú ɔtɔípú dada ɔku lákósú tsú afúlitɔ.”

²⁰ Múú ɔlefíté amó ɔbé, “Mli é mé? Mliá mígyí ma?” Petro léle mú ɔnɔ ɔbé, “Fúgyí Kristo, (ɔhá ámuú Bulu ladá mu ofúli amu) ní.”

Yesu Iwɔsin Pó Mu Lowu Iwí Asón Blí

(Mateo 16:20-28; Marko 8:30-9:1)

²¹ Inu Yesu léda amó ɔlá kpákpaákpa ɔbé, bumábláa ɔhaa mu iwí asón ánfí. ²² Ɔletrá bláa amó ɔbé, “Ilehían ání mí, Nyankpusa-Mu-Bi ánfí néhie

wun iwiasin tsotsɔtsɔ Yudafɔ ahandɛ, Bulu igyí ahapó dehen pɔ Mose mbala asunápú ibito; amó fée békiná mí, há bómɔ mí, táme Bulu ɔbélakósúa mí tsú afúlito eke sáásí.”

²³ Inu ɔlebláa ahá ámu ɔbéɛ, “Ní ɔku dékléá obóbuo mí á, osíi tɔ́a otekle bwɛ, otsu mu oyikpalíhe ekekegyíeke bobuo mí. ²⁴ Tsúfɛ ní ɔku léprɪ mu nkpa á, ɔbóhulú mú. Ní ɔku é lési mu nkpa há mí su é á, Bulu ɔbóhɔ mu nkpa. ²⁵ Ní ɔku onyá ɔyítɔ́ ató fée, táme ɔhólú mu ɔkláa a, labi mɔmu ɔlɔwa há mu? ²⁶ Ní ɔku onyá mía mí atosunáhé péli a, mí, Nyankpɔsa-Mu-Bi ánfɪ é nénya mu péli bréá nna mía mí Sí pɔ́ mu abɔpu wánkíhé numnyamto neba. ²⁷ Ɔnɔkwali ndɛ mli bláa. Aku bobu mlito nfi bómóowu asa bówun Bulu iwíegyí amó.”

Yesu Iwitséɛ

(Mateo 17:1-8; Marko 9:2-8)

²⁸ Yesu léblí asón ánfɪ ndawótswí ɔma a, ɔlekpa Petro muva Yohane pɔ Yakobo buo iwɪ, bɔɔv yó mpái ɔɔkpá ibu kusv. ²⁹ Bréá ɔde mpái ámu bɔ á, mu ansítɔ́ letse. Mu atadiɛ lofulí hónánáná, ide ogyá kpa. ³⁰⁻³¹ Inu á, ahá abanyó ání batsiá kɪ, bɔgyi Mose muva Elia beɛ iwɪ ɔwan ɔsúsú numnyamto. Amóa Yesu bɔtɔ́i tsú mu lowuá Bulu léhie tswi mu ání imóowa ɔpá obówu Yerusalem iwɪ. ³² Petro muva mu aba ámu bɛdɪdɪ. Bréá bɔwan tsinkí á, bowun Yesu numnyam, ahá abanyó ámu é bɔlú mu wá. ³³ Bréá ahá abanyó ámu bɔdenatí á, Petro lébláa Yesu ɔbéɛ, “Mí Wíé, ibu aléá abétsiá nfi. Ha ada abú asa. Fú klé kule, Mose klé kule, Elia é klé kule.” (Ɔmebi tɔ́a ɔdeblí).

³⁴ Bréá ɔde asón ánfɪ blí á, agyinde ku lobobun amó féesó. Inu ifu lekítá amó abasá ámu. ³⁵ Inu á, ɔme ku ledali tsu agyinde amoto ɔbéɛ, “Ɔni gyí mí Bía nalé ní. Mliyaa asv amlinu mu ɔme.”

³⁶ Ɔme amv lótsutsúa ibeka tin á, lasí Yesu nkole inu. Akasípú amv bekpa ɔnɔ bun asón ánfɪsv nke ámɔtɔ. Bumebláa ɔhaa itáá bayówun.

Ilɔ Didahe Ɔlɔpɔ Tsa

(Mateo 17:14-18; Marko 9:14-27)

³⁷ Mú ɔyi kehe a, Yesu muva akasípú abasá ámu bekpí tsú ibu ámɔsv, ɔɔɔm amv befia mu. ³⁸ Inu amótɔ́ ɔku lókpɔlɔn ɔbéɛ, “Osunápú, kókoli, damli kɪ mí bí ha mi. Obi yinhé ɔkole pé ogyi mí. ³⁹ Ɔhe laláhe ku towié mɔtɔ, ɔtɔkplón. Ɔtedida gbala, ɔdekɔ tsikitsiki, mu ɔnɔ tɔbwé afu. Ipiantɔ asa itesí mu, ide mu yintá. ⁴⁰ Nobobwií ipa há fú akasípú amv mbée, bɔgyáa mú le mɔtɔ, táme bɔmetali.”

⁴¹ Yesu léle mú ɔnɔ ɔbéɛ, “Ndemba-abía mli má hógyi, mli tsiátɔ́ ma ale. Alí nétsiá mli wá, nyá klɔn há mli ekekegyíeke ní?”

Inu ɔlebláa oyin ámu ɔbéɛ, “Kpa fú bí ámu ba mí.” ⁴² Bréá ɔlekpa kebi ámu ɔbá á, ɔhe laláhe amv léfin mu dá, ɔdekɔ tsikitsiki. Táme Yesu lókpɔlɔn wa ɔhe laláhe amv, tsá kebi ámu. Inu oleyinkia mu há mu sv. ⁴³ Bulu túmi kpɔnkpɔntɪ ámu leha ɔnɔ lobwie ahá ámu fée.

Yesu Lowu Iwɪ Asón Blí Otse Nyɔɔsi

(Mateo 17:22-23; Marko 9:30-32)

Bréá mu bwehé ide ɔhagyíɔha wánwan wa á, Yesu lébláa mu akasípú ɔbéɛ, ⁴⁴ “Mlihie yaa asv amlinu. Béle mí, Nyankpɔsa-Mu-Bi ánfɪ há adón bómɔ mí.” ⁴⁵ Táme akasípú amv bomonu mú asi. Bulu lópu mú asunu njáin amó. Mú sv imɔwankí amó asón ání ɔdeblí. Ifú é de amó ání bɛfité mu.

Ma Ɔbɔbwɛ Ɔhandɛ?

(Mateo 18:1-5; Marko 9:33-37)

46 Nwéén kú léba akasípú amú nsiné, tsú amótó òhá ání òbóbwe òhande íwí. 47 Yesu lébí amó agywun. Mú sù òlekpa kebi òkú belí m̀v wá. 48 Múò òlebláa amó òbée, “Òhagyíòha ání òlòhò kebi ánífí mí dátó lahò mí. Òhagyíòha ání òhò mí é lahò òhá ámúò òlòwa mí ámú. Tsúfè òhá ání ogyi òtráhe ml̀tò fèé gyí òdèhen.”

Aní Obúopv

(Marko 9:38-40)

49 Yohane lébláa Yesu òbée, “Mí Wíé, aníòwun oyin òkú dépu fó dá gya òhe laláhe, aníèka m̀v tin, tsúfè òma anító.”

50 Táme Yesu lébláa amó òbée, “M̀l̀m̀áká m̀v tin! Tsúfè òhá ání òm̀òkúò líí ml̀sù buo ml̀.”

Samariafò B̀m̀òhò Yesu

51 Bréá nkéá Bulu obótsu Yesu ya òsòsò òekpòkpe ba a, òbòwe agywun ání òbòyò Yerusalem kokooko. 52 Òlòwa abí gyankpá yó Samaria wúlu kùsù òbée, b̀yèla inu yaí ha m̀v. 53 Táme b̀m̀òhò m̀v wúlu amòtò, tsúfè Yerusalem òyó. 54 Bréá m̀v akasípú Yakobo m̀va Yohane bowun alí á, b̀efítè m̀v b̀ee, “Aní Wíé, f̀òdeklé f̀ee ahá ogyá itsu òsòsò b̀òhò amó m̀ó?”

55 Táme Yesu lédamlí, wá íyin wá amó.* 56 Múò b̀òpu òkpa yó wúlu b̀ám̀básó a.

Ahá Aní B̀ee B̀òbwe Yesu Abúopv

(Mateo 8:18-22)

57 Bréá b̀ona òkpato b̀oyó á, oyin òkú lébláa Yesu òbée, “Nòbuo f̀v yó òtíngyíòtíneá f̀oyó.”

58 Yesu lébláa oyin ámú òbée, “Awíá b̀òbù mbó, mbubwí é b̀òbù asia, táme mí, Nyankpòsa-M̀v-Bi ánífí m̀v á, m̀ma òtíneá nòpu mí nwun tswí.”

59 Yesu lébláa òha bambá é òbée, “Bòbuo mí.”

Táme oyin ámú lébláa m̀v òbée “Owíé, ha mí anyopolá mí sí asa ambobuo f̀v.”

60 Múò Yesu lébláa m̀v òbée, “Si awupú† abòpula amó afúli. Táme f̀v m̀v yó af̀oyeda Bulu iwíegyí ámú òkan.”

61 Òkú é lébláa m̀v òbée, “Mí Wíé, nòbuo f̀v, táme ha mí anyinki yeklá mí wóyító ahá asa.”

62 Yesu lébláa m̀v òbée, “Òhá ání òtesrí dámlí kí òma m̀òfòn ha Bulu iwíegyí ámòtò agyómá yó.”

10

Akasípú Aduesienó-nyò Sumbí Wa

(Mateo 10:7-16)

1 Inu òma a, Yesu léle m̀v akasípú aduesienó-nyò (72)* akú é, òlòwa amó abanyó-abanyó òbée b̀ugyánkpa yó wúlugyíwúluá m̀v onutó m̀yò m̀sú.

2 Òlebláa amó òbée, “Atò kpòtíhé amú itsò, táme m̀v akpòtípú b̀m̀òtsó. Mú sù ml̀kòkòli ndò m̀v wie, òwa akpòtípú tsòtsò abuba b̀òkpòtí m̀v ató ámú.

3 M̀l̀natí, ml̀bí ání nde ml̀ wa f̀é akúfabi òyó adúndutò. 4 M̀l̀m̀átsu sika kente, akpankogyo ntée ntukta kítá. Ní ml̀nà òkpato á, ml̀m̀álí tóntòn ahá. 5 Ní m̀lowíé wóyígyíwóyító a, ml̀gyankpa bla amó ml̀iaa, ‘Bulu òhá ml̀ iwílwíi.’ 6 Ní wóyí m̀v wie amú tekle iwílwíi a, ml̀ iwílwíi b̀ésin

* 9:55 Inu b̀v nwóló dada amú akòtò: Òbée, “M̀l̀m̀éyín òhé oduá ide ml̀ kpa. Tsúfè Nyankpòsa-M̀v-Bi ámú mèba ahá òm̀òkpá, nkpa òhòkpa òleba.” † 9:60 Awupó gyí ahá ání bawú òhétó.

* 10:1 Aduesienó-nyò (72): Aduesienó (70) b̀v nwóló ámú akòtò.

wóyí ámuṣu. Táme ní otamakle iwilwii a, ibésankí bá mlí wá. ⁷ Mlitsia wóyí ámúbò bəhə mlí mótó ámuṣə. Mligyi ató, amlinu tógyítáá béha mlí, tsífé agyómá əyərú bətéká ikə. Mlimátu láyétsiá wóyí bámbátó. ⁸ Ní mlówié wúlu kusu, bəhə mlí á, mligyi tóá béha mlí. ⁹ Mlitsa aləpυ ání bəbυ wúlu amuṣə, amlibla wúlu amuṣə ahá mlíaa, ‘Bulu iwíegyi lawíé wóyí tá.’ ¹⁰ Táme ní mlówié wúlu kusu, bəməhə mlí á, mlídalí yelí brənuṣu, amlibli mlíaa, ¹¹ ‘Anidé mlí wúlutə otútúu amúbò ilawólí aní ayabiasí amυ kóráá kpakpáa wólí. Táme mlíbi ání Bulu iwíegyi ámu lawíé wóyí tá.’ ¹² Nde mlí bláa mbéé, Bulu əbébití wúlu amuṣə ahá isυ dən Sodomfə mu asón ogyiké amu.

Ahá Aní Bumedamli Klwntə Asóngyi
(Mateo 11:20-24)

¹³ “Korasinfə, mligyowí. Betsaidafə, mligyowí ní. Ní Tiro pú Sidon awúlu laláhe amuṣə nəbwe ofúla akpənkpəntí ání nəbwe mlitə ání á, təkí buda akpekpetə, bakpá nsúó wá nwuntə púsúná ání badámli klwntə. ¹⁴ Táme mlíbi ání Bulu əbébití mlí isυ mu asón ogyiké dən Tiro móa Sidonfə. ¹⁵ Mlí Kapernaumfə, mlídeklé mlíaa mlótsu iwí fúá alí yówə əsósú? Ekəkəkəké! Bulu əbéba mlí así yówie afúlito.”

¹⁶ Yesu lébláa mu akasípú amυ əbéé, “Ọhá ání ọhə mlí asón lahə mu. Ọhá ání olekiná mlí asón hə lakíná mí asón hə. Ọhá ání olekiná mí asón hə é lakíná mí Sí amúbò əlwə mí ámu asón hə.”

Akasípú Aduesienó-nyə Amυ Yínkí Ba

¹⁷ Akasípú aduesienó-nyə ámu beyinkí ba ansigyísú. Bəbláa Yesu bée, “Aní Wíé, ní akplón wa ọje laláhe kóráá fú dátó a, bətobú aní.”

¹⁸ Yesu lébláa amó əbéé, “Nowun ání Satan ləkpa tsú əsósú fə alí nsaintə tafwí ibi bəda əsolótə pə. ¹⁹ Mlunu! Nahá mlí túmi ání mlitsatsa awə pú nyankpəkpiesυ tsən, amligyí Ọbunsám túmi féesú. Tətəwə móəbwe mlí. ²⁰ Táme ansí mágyi mlí ání ọje laláhe labú mlí. Mbóún ansí igyi mlí ání Bulu lawánlín mlí adá tswí əsósú.”

Ansí Legyi Yesu
(Mateo 11:25-27; 13:16-17)

²¹ Alí bré amuṣə á, Ọje Wankíhé léha ansí ləhiə gyi Yesu. Múbə əleblí əbéé, “Mí Sí, əsú móa así Owíé! Nədə fú ipán ání falé tóá fəpəñáín anyansapυ pú asón abípú əwan súná ahá ání bumedayín əlala, bəgyi fə nyebí. Ee, Mí Sí! Alí fudeklé fəe ibá mótó ní.”

²² Múbə əlebláa mu akasípú amυ əbéé, “Mí Sí lapó tógyító wá mí ibitə. Ọhaa méyín ọhá ání Obí ámu gyí, nkétí Ọsí ámu nkule. Ọhaa méyín Ọsí ámu é, nkétí Obí ámu, pú ọhá ání Obí ámu latsúlá ání əbéle mu súná mu.”

²³ Bréá ọhaa má amó wá á, əledamli kí amó, bláa amó əbéé, “Mlí mó á, Bulu layúlá mlí, mlíde ató ání wúun. ²⁴ Nde mlí bláa mbéé, Bulu əsósú atəípú pú awíe tsətsəwətsə bekle ání bówun ató ání, abonu asón ání mlídeńu, táme bumenya mó alí.”

Samariayin Awitəlepυ Ọkə

²⁵ Mose mbla osunápú ọku lókusó líí fité Yesu asón ání pəsə mu kí. Ọlefíté mu əbéé, “Osunápú, ntə mbwée asa anya nkpa ání itamatá?”

²⁶ Yesu lébláa mu əbéé, “Nkálí Mose Mbla léblí? Nkálí fonu mó así?”

²⁷ Oyin ámu lébláa mu əbéé, “Pυ fú klwń, fú ọkláa, fú əwənlín pú fú agywun féesú dwe fú Wíe Bulu, afudwe fú bá fə fú iwí.”

²⁸ Yesu lébláa mu əbéé, “Mú fablí á. Bwe mó, fénya nkpa ání itamatá.”

²⁹ Táme oyin ámu lékléá obósuná ání mú asún da òkpa. Mú su òlefíté Yesu òbée, “Ma gyí mí bá?”

³⁰ Yesu lébláa mu òbée, “Bré kusu oyin òku lékplí tsú Yerusalem òyó Yeriko. Bréá òna òkpatò á, oleyéfia ogyo atswapó aku. Ahá ánfí békpa mu tati, swíí mu ató fée, dá mu sian mu mò, náti sí mu tswi. ³¹ Bulu igyí òhapó òku ná òkpa ámu kénsó. Bréá olowun mu sísí á, òlebaí tsun ifóntó náti sí mu. ³² Alí kén Lewiyin òku é lóbòtu mu, báí tsun ifóntó náti ní. ³³ Táme Samariayin òkúá òná òkpa ámu su mú léba bowotií mu su. Bréá olowun oyin ámu a, òlwa mu nwe. ³⁴ Òlenatí yótu mu. Òletseí nta kpekplé wólí mu nòsu, yí ofobí wá mú, klí mú, tsú mu dínká mu afrímúsú, pò mu ya afóò òswúkpá yéki mu su. ³⁵ Mú òyi kehe a, Samariayin amu léle sika futútú anyò há afóò òswúkpá mu su òkírú òbée, ‘Kí mu su ha mí. Ní feyintá tòku tsía a, neyínkí néka fò.’ ”

³⁶ Yesu lómò mú ònò òbée, “Fó atò kíheto á, ahá abasá ánfíto òmòmu gyí oyin ámu òlefia ogyo atswapó ámu mu ba?”

³⁷ Mose mbla osunápó amu lébláa mu òbée, “Oyin ámu òlowun mu nwe ámu.” Yesu lébláa mu òbée, “Mú mú yò afuyòbwe mú odu.”

Marta Mva Maria Wá Yò

³⁸ Bréá Yesu mva mu akasípó buna òkpatò bòyó Yerusalem a, bowie wúlu kusu. Òtsi òkúá butetí mu Marta lóhò mu afóò, òlekpa mu ya mu wóyító. ³⁹ Mu pio tsihé gyí Maria. Maria anfi lébetsiá Yesu ayabiasí, òde mu atosunáhé nu. ⁴⁰ Marta nkòle dédamlí tsun mótó, alíá ibóbwe òbóbwe amú afóòtò. Ìdòdun mu. Mú òlenatí yó Yesu wá, yéfíté mu òbée, “Mí Wíé, fawun ání mí píó lasí agyómá ámu fée tswi mí nkòlesu? Bla mu òbetsa mí.”

⁴¹ Yesu lébláa mu òbée, “Oo Marta, Marta! Fude fò iwí háan ntóbí tsòtsòtso iwí. ⁴² Toku kòle pé déhián, Maria lalé múá ibu alé dùn. Òhaa méetalí swíí mu.”

11

Mpáibo Iwi Atosundhé

(Mateo 6:9-13; 7:7-11)

¹ Èke òku Yesu bu òtunekò òde mpáí bò. Bréá òlòbò mpáí ámu tá á, mu akasípó amòtò òkòle lébláa mu òbée, “Mí Wíé, suna aní mpáí bò fé alíá Asú Òbòpó Yohane lósuná mu akasípó.”

² Yesu lébláa amú òbée, “Ní mlóbò mpáí á, mlibò mú alí.

‘Aní Sí,

ahá búbúu fò dá.

Ba begyi iwíe.

³ Ha aní atogyihéá ibòfon aní ekekegyíeke.

⁴ Si aní lakpan kie aní,

fé alíá anitesikíé ahá ání butòpó ilá gyi aní.

Mákpa aní wá isókító.’ ”

⁵ Ìnu òlebláa amú òbée, “Ní mlitò òku bu onyawíe a, òbòkusú yó mu wá òyínsuné yébláa mu òbée, ‘Mí nyáwíé, pan mí bodobodo apin asa. ⁶ Mí nyáwíé òku labòswí mí sésééséí. Mma tótóá néha mu obégýí.’

⁷ “Mu nyawíe amu òlébláa mu sísí òbée, ‘Máwa mí tóu. Mía mí abí aníladí. Nafin obu, mméetalí kúsú beha fò tótò.’ ⁸ Nde mlí bláa mbée, fialí onyawíe òkpasò á, òmòkúsú há mu. Táme alíá òde mu kokóli kótóò su á, òbòkusú há mu alíá odeklé.

⁹ “Mú su nde mlí bláa mbée, mlíkòli Bulu, òbéha mlí. Mlídunka, mlówun. Mlída mu klònsò, obéfinkí mú há mlí. ¹⁰ Tsúfé òhá ání òtòkólí ató tenyá. Òhá

ání otodúnká ató towun. Ǿhá ání otedá klónsu bótefinkí há. ¹¹ Ǿsí omamv bu unv, mu bi okóli mu iye a, obékítá iwá wá mu ibuto? ¹² Ntéé ní okóli mu bano a, obékítá nyankpukpíe wá mu ibuto? ¹³ Mli lakpan abwepó kórará mliyin alíá butópó ató wankláán há mli abí. Ntogyi só mli Sí ámúú obv osúsú ámu mó móppv Ǿhe Wankíhé há ahá ání bode mu kolí?"

Yesu Mva Beelsebul

(Mateo 12:22-30; Marko 3:20-27)

¹⁴ Yesu légya Ǿhe laláhe lé oyin okvá alató omúmutó. Bréá Ǿhe laláhe amv lédali a, oyin ámu lówa tóí bi. Mó sv onó lobwie odam amv. ¹⁵ Táme amótó akv beblí beé, "Ǿhe laláhe owíe Beelsebul túmi odεpυgya Ǿhe laláhe lé ahátó."

¹⁶ Amótó akv é bekleá bósó Yesu kv. Mó sv bebláa mu beé, obwéé osúna posuna ání lélé otsú Bulu wá. ¹⁷ Táme Yesu lébi amó agywun. Mó sv olebláa amó obéé, "Iwíe ogyíkpa ání ilaye anyo, bode aba kó tedida. Wóyí oduá mótó atsiápó bode aba kó é tobwíé. ¹⁸ Ní Satan iwíe ogyíkpa labóí anyo, bode aba kó á, mu iwíegyí bédida. Táme mli déblí mliáa, Beelsebul dátó nde Ǿhe laláhe gyáa le ahátó. ¹⁹ Ní Beelsebul túmi ndεpυgya Ǿhe laláhe lé ahátó á, mómú ma túmi mli abí é bodepυgya Ǿhe laláhe lé ahátó? Mli abí ámu onutó obégyí mli asón. ²⁰ Táme íniá Bulu túmi ndεpυgya Ǿhe laláhe sv á, mli bi ání Bulu iwíegyí ámu laba mli wá dodo.

²¹ "Tsúfé ní Ǿwonlínú bu akotó, ode mu wóyí gyo a, mu toto tamafwí. ²² Táme ní Ǿhá ání obv Ǿwonlín dun mu obá begyi musv á, otoswíí mu mu akotó ámúú mu ansí din mósú ámu, yée mu atóá olenya étó.

²³ "Ǿhá ání omobuo mi dé mí lu. Ǿhá ání omédé mí tsa akpa ahá ba Bulu é dé amó gyáa teía mi.

Ǿhe Laláhe Yinkí Ba Ǿhato

(Mateo 12:43-45)

²⁴ "Ní Ǿhe laláhe idáli Ǿhato á, iteyéki dimbísú dúnká otsiákpá, táme itamanyá. Inu iteblí ání ibéyinkí yó mó wóyí dadato. ²⁵ Ní isánkí yó á, itowun ání baféí mótó, lá mótó wankláán. ²⁶ Iteyínkí yékpa mó aba asienó ání butobwé laláhe dun mu, buteba betsiá unv. Inu Ǿhá ámu tsiátó teyíntá dun alíá igyi yái."

Oyúla Onutó

²⁷ Bréá Yesu dé asón ání blí á, otstí okv bu odam amv. Otstí ámu lótsu omé fóá blí obéé, "Bulu layúlá opúni amóú fedí mótó pú nyópυ amóú fonyópυ ámu."

²⁸ Táme Yesu lébláa mu obéé, "Ahá ání butonú Bulu asón, gyí mósú mboún Bulu layúlá!"

Bodunká Ofúla

(Mateo 12:38-42)

²⁹ Bréá odam amv budemoní tsía a, Yesu léblí obéé, "Ndemba-abí laláhe, mli dé osúna dúnká amliwun, táme mli móowun kokovkv dun Bulu onósó otópó Yona osúna amv. ³⁰ Tsúfé alí ámúú Yona lóbwe osúna há Niniwefó ámu a, alí mí, Nyankpusa-Mv-Bi ání é nóbwe osúna há ndemba-abí ní. ³¹ Seba owíe tshé obókósó líí Bulu asón ogyíké, há mli ndemba-abí ání ipón. Tsúfé olotsu osaasi omá kvto kéin gya okpa ba, bonu Salomo nyánsa atosunáhé. Mli kv, Ǿhá ání odun Salomo líí nfi á. ³² Niniwefó é bókósó líí Bulu asón ogyíké amv, há mli ndemba-abí ání ipón. Tsúfé bréá Yona léda Bulu asón okan súná amó á, bedamli klontó ba Bulu wá. Mli kv, Ǿhá ání odun Yona onutó líí nfi á.

Nyankpɔsa-oyi Okandie

(Mateo 5:15; 6:22-23)

³³ “Ohaa tamanywé okandie pónáin, ntée pɔ ɔ́lɔ bun mósú. Ófɔ́ákpá ɔ́tɔ́pɔ́bian, méní ɔ́bɔ́wankí há ahá ání béba wóyí ámuɔ. ³⁴ Fɔ́ ansíbi igyi ɔ́kandíe há fɔ́ nyankpɔsa-oyí. Ní fɔ́ ansíbi bu alá á, fɔ́ nyankpɔsa-oyí ámu féé ɔ́bɔ́wankí. Táme ní fɔ́ ansíbi ma alá a, fɔ́ nyankpɔsa-oyí ámu féé ɔ́bɔ́klun. ³⁵ Mú sɔ́ mlíkí ání wankí onutó bú mlítɔ́, megyí oklún. ³⁶ Ní fɔ́ nyankpɔsa-oyí ámu lɔ́wankí, oklún ma ɔ́tɔ́netine a, fɔ́ iwí féé ɔ́bɔ́wankí fé alá ɔ́kandíe tɔ́wánkí wólí fósú.”

Mose Mbla Asunápo Pó Farisifo Tsiátó

(Mateo 23:1-36; Marko 12:38-40)

³⁷ Bréá Yesu lɔ́tɔ́i tá á, Farisiyin ɔ́ku létí mu ató ogyíkpá mu wóyítá. Mú sɔ́ Yesu lóyɔ́ yétsiá ɔ́pónú ámu asi. ³⁸ Úlɔ́wa Farisiyin ámu wánwan ání Yesu mɔ́fwí ɔ́bi púgyóra iwí asa ɔ́de ató ámu gyí. ³⁹ Iní sɔ́ Yesu lébláa mu ɔ́béé, “Mlí Farisifo mlítɔ́fwí mlí nwe pú mlí ablanwé wankláán, táme ɔ́nsípe múa owuntɔ́lun sósón lábólá mlí. ⁴⁰ Mlí aha mimláhe, megyí mótó múa mú ɔ́ma féé Bulu lóbwé? ⁴¹ Mlípu mlí atonyahé ámu ha ahíánfɔ́, tógyító iwí bétun ha mlí.

⁴² “Farisifo, mlígyɔ́wí ní! Mlíteye mlí ɔ́tsɔ́tsú pú kpántánkplámá aná féétɔ́ idú, pú idúsí ámu há Bulu. Táme mlímédé Bulu mbla ámuó ihíe dehián, igyi asóngyí ɔ́nɔ́kwalsɔ́ pú Buludwe ámu sɔ́ gyí. Múdehián ní, táme mlímákiná iyétɔ́ dúsí ámu é ha.

⁴³ “Farisifo, mlígyɔ́wí ní! Mlítekle ɔ́tsiákpá yílé tsiá Yudafɔ́ ofiakpa. Mlítekle mlíaa, ahá ɔ́bɔ́bún ha mlí itsiá dɔ́nsɔ́. ⁴⁴ Mlígyɔ́wí ní! Mlílabwé fé ntsán ání ɔ́umehie mó nso*,” ahá ɔ́utɔ́tsɔ́n mósú ɔ́umeyín ání ntsán igyi.”

⁴⁵ Mose mbla asunápo ámuɔ ɔ́kole lébláa Yesu ɔ́béé, “Osunápo, ní feblí alí á, fasiá aní é o.”

⁴⁶ Yesu léblí ɔ́béé, “Mose mbla asunápo, mlí é mlígyɔ́wí ní! Tsúfé mlítɔ́pɔ́ ató dwindwín súra ahá, táme mlítamapó osrebi ɔ́kole kóráá tsá ámu sɔ́rá.

⁴⁷ Mlígyɔ́wí ní! Tsúfé mlítɔ́pɔ́wé Bulu ɔ́nósú atáipú ámuó mlí anáin ɔ́mɔ́ ámu ntsán wankláán. ⁴⁸ Iní désuná ání mlíatsúlá dínká mlí anáin ɔ́wéhé ámu sɔ́ ní. Tsúfé mlí anáin ɔ́mɔ́ ámuó, mlí é mlílapwé ámuó ntsán. ⁴⁹ Mú sɔ́ Bulu lópu mu nyánsa blí ɔ́béé, ‘Nówa mí ɔ́nósú atáipú pú mí sumbí ayɔ́pú amótó. Bómɔ́ aku, dínká aku ésú.’ ⁵⁰ Bulu ɔ́béfité mlí ndemba-abí ání mu ɔ́nósú atáipú ámu obugya ámuó ɔ́lɔ́wolí asi tsú bréá ɔ́yí lelín ɔ́pá ámu.

⁵¹ ɔ́béfité tsú Habel obugyasɔ́ alí ɔ́ɔ́fɔ́n Sakaria klésu. Mu ɔ́mɔ́ afɔ́die-asubwí múa Bulu ɔ́tswékpa ámu nsiné ní. Ee! Nde mlí bláa mbée, Bulu ɔ́béfité mó tsú mlí ndemba-abí ání wá.

⁵² “Mose mbla asunápo, mlígyɔ́wí ní! Tsúfé mlídé asónbí sáafi ámu. Mlímfínkí wíé, mlíméhá ahá ɔ́kpa é abuwie.”

⁵³ Bréá Yesu lénatí inu ɔ́yó á, Mose mbla asunápo pú Farisifo ámu ɔ́pɔ́ mu iwí ɔ́blá, yó ɔ́bude mu asón tsɔ́tsɔ́tsɔ́ fité púfíní mu yibi, ⁵⁴ kí beé bénya mu ɔ́nótó aswanku pókítá mu.

12

Apinabwébibwe Iwí Oláda

(Mateo 10:26-27)

¹ Igyi alí, bréá ahá mpím-mpím beba befia inu, ɔ́bude aba ayabiasí tsatsáa a, Yesu légyankpá dá mu akasípú ámu ɔ́lá ɔ́béé, “Mlíki wankláán

* **11:44** Yudafɔ́ amándíe ɔ́nó á, ní fetsá ntsánsó a, ifin lada fɔ́. Mú sɔ́ ɔ́tekpá mó afá futútú, póhié mó nso.

Farisifɔ Bodobodotu-afású,* tsúfɛ apinabwɛbí abwɛpó bɔgyi. ² Tɔtɔ má inuá babun ató mósú ání bómóobwíí mósú. Tógyító é ma inuá ilejaín ání iméelin ɔwan. ³ Bédá asón ání mlúléblí nklobító ɔkan. Kugyíkúá igyi, ipló bóbon.

Ọhá Aní Abénya Ifú
(Mateo 10:28-31)

⁴ “Apíó aba, nde mli bláa mbéé, mlimánya nyankpɔsa ifú. Ọbétalí mós mli ɔyólú, táme ɔméetalí bwé mli tɔtɔ mó ɔma. ⁵ Nósuná mli ọhá ání mlinyá ifú. Mɔgyí Bulu. Mv ɔmós mli ɔma a, ɔbu túmi tswi mli ɔkláa é wá ɔsubití ogyá ání itamaduntɔ. Ee! Mv mlinyá ifú ní!

⁶ “Afini bɔtɔkɔkɔ fɛ akénsire anu kéké? Megyí kóba ana? Amó kóráá á, Bulu tamatan ɔkókɔsɔ, ⁷ méní bɛɛ mliá Bulu yin mli nwunsu imi kóráá klátɔ. Mú sv mlimánya ifú. Mlibu ibiá don akénsire tsɔtsɔtsɔ!

Adánsɛgyi Pó Asónkind
(Mateo 10:32-33; 12:32; 10:19-20)

⁸ “Nde mli bláa mbéé, ní ɔku létalí gyi mí iwí adánsɛ ahátɔ á, mí, Nyankpɔsa-Mv-Bi ánfí é négyi mv iwí adánsɛ Bulu-abɔpu ansítɔ. ⁹ Táme ní ɔku lékiná mí ahátɔ á, mí é nékiná mv Bulu-abɔpu ansítɔ.

¹⁰ “Ọhagyíha ání ɔleblí mí, Nyankpɔsa-Mv-Bi ánfí iwí ason laláhe a, Bulu ọbétalí sikíé mv. Táme ní ɔku léblí Ọhe Wankíhé amv iwí abususu a, Bulu méesikíé nde, oméesikíé mv ɔke.

¹¹ “Ní bɛkpá mli ya Yudafo ofiakpa, ntée ɔmású agyípú pú awíe ansítɔ á, mlimágywín asón ání mléblí póká iwí lé ntée alíá mléle mó ɔnó. ¹² Tsúfɛ Ọhe Wankíhé amv obósuná mli alíá mléblí alí bré ámɔtɔ.”

Osikani Mimláhe Ọku Iwí Yébi

¹³ Ọdam amɔtɔ ɔku lébláa Yesu ɔbéé, “Osunápó, bla mí déhen, ọha mía mnyɔ aye atóá aní sí lési yáí anutɔ.”

¹⁴ Táme Yesu léfité mv ɔbéé, “Agya, ma léyai mí asón ogyípú ntée atótó oyépu há mli?” ¹⁵ Múú ɔlebláa ahá ámv fɛé ɔbéé, “Mlíki wankláán ɔnsípewasv, tsúfɛ nyankpɔsa nkpa ima atonyahé tsɔtsɔtsɔtɔ.”

¹⁶ Inu ɔleha amó yébi ɔbéé, “Osikani ɔku ndɔtɔ ató lehie wá alé ofi ɔku. ¹⁷ Múú ɔlefíté mv iwí ɔbéé, ‘Nkálí nóbwe mí ató-abí? Mma ɔtínéá nópoyáí.’ ¹⁸ Inu ɔleblí ɔbéé, ‘Nyin tóá nóbwe. Nóbwie mí idan, lává akpɔnkpɔnti. Mútó nópu mí atíkɔ pú mí ntobí ámv wá ní. ¹⁹ Fówun nabláa mí ɔkláa mbéé, ‘Mí ɔkláa, iklɔn idí fú así. Kí, fubu ató tsɔtsɔtsɔtɔá ida ha fú nfi-nfi. Gyi, afunu, ansí igyi fu.’ ” ²⁰ Inu Bulu lébláa mv ɔbéé, ‘Ọha mimláhe! Onyeni nde fú ɔkláa hɔ́ le fú ibitɔ. Ma obégyi ató ánfí fakle yáí ánfí fɛé?’ ”

²¹ Yesu lómɔ mó ɔnó ɔbéé, “Alí bóbwe ọhá ání olekle ató yáí há mv iwí ɔsólú anfisv, táme ɔma tɔtɔ Bulu wá ní.”

Ansí Pvdínká Bulusv
(Mateo 6:25-34)

²² Inu Yesu lébláa mv akasípú ɔbéé, “Mú sv nde mli bláa mbéé, mlimáhan iwí tóá mlégyi, tóá mlónu pú tóá mlédídá sv. ²³ Nyankpɔsa nkpa dehián don atogyihe. Mv ɔyólú é idon ató didáhé. ²⁴ Mlíki aklankpa. Bɔtamadú, bɔtamasiétí wá idantɔ. Buma idan ntée ifa, táme Bulu tehá amó atogyihe. Mlimá labi don mbubwi? ²⁵ Mlító ma ọbétalí han iwí pú bré kpalóbí tsía mv nketo? ²⁶ Ní mliméetalí bwé itó túkúríibi ánfí kóráá á, ntogyi sù mlidé iwí háan tráhe amusu? ²⁷ Mlíki alíá pututɔ-oyí ntswítswí tedan. Itamayó

* 12:1 Farisifɔ Bodobodotu-afá gyí amó afunu atosunáhé. Kí Mateo 16:12.

agyómá ntée ló atati. Táme nde mli bláa mbéé, Owíe Salomo, mu inya féétá a, ɔmetalí híhiε iwí wá akíε fé oyí ntswítswí anfito koku. ²⁸ Ní Bulu dé ífá ání nde ilí, ɔke ilawí, bawá mú ogyá tati didá á, ɔméetalí didá mli atati dun mó? Ntogyi sù mli hógyi matsó ali?

²⁹ “Mú sv mli mágywín tóá mlégyi ntée tóá mlónu iwí, íha mli ansí ípe. ³⁰ Tsúfé ínı aná ɔmá-ɔmá butesrí gya ni. Mli Sí ámu yin ání ide mli hián. ³¹ Itóá mli gyánkpa dunka gyí Bulu iwígyí, Bulu ɔbópu ínı tsía mótó há mli.

Atonyahé Pvyáí Ɔsósó

(Mateo 6:19-21)

³² “Ɔpasua tókúríibi, mli mánya ífú. Tsúfé íbu mli Sí ámu ɔdwe ání ɔbópu iwíε ogyíkpa ámu há mli. ³³ Mlífe mli iwísv ató, amlípu kóba ámu kie ahá ání buma tótó. Mlíbin akentéá iméeyintá ha mli iwí. Múgyí, mliya mli siadiε ɔsósó. Inu mú á, koku méedalí mótó, tsúfé awikplu buma inu, atéple é butamawí ató inu. ³⁴ Tsúfé ɔtínéá fú siadiε bu a, inó fú agywín tetsiá.

Asúmpúá Bvtoogyo

³⁵ “Mliwa atadiε, amlinywe mli nkandíε. ³⁶ Mlíbwε iwí fé asúmpúá bude amó wíε ɔkpa kí, obótsu ɔká otsiákpá ba. Fékí ní ɔbá beda klonsu á, bífinkí há mu. ³⁷ Ansí bégyi asúmpú oduá amó wíε ɔbéba bɔtu amó butsie bugyo mu. Ɔnɔkwali nde mli bláa. Amó wíε ámu ɔbésabáa tati, há amó bétsiá ɔpónóasi, mu onutó ɔbókɔnkí atogyiε ámu há amó. ³⁸ Ansí bégyi amó, ní ɔbá bɔtu amó butsie bugyo mu, ɔyínsiné ntée bákε. ³⁹ Táme mlinu asón ánfı. Ní wóyí mu wie yin bréá owikplu ɔbéba mu wóyító a, tekı omesi wóyí ámu tswı, owikplu móbwie wíε wí mu ató. ⁴⁰ Mli é mli gyó, tsúfé mí, Nyankpɔsa-Mu-Bi ánfı néba bréá mli ansí medín mísú.”

Osúmpú Wankláán Pó Ɔlaláε

(Mateo 24:45-51)

⁴¹ Petro léfité mu ɔbéε, “Anı nkule fude yébi anfi ha lóó, ntée ania ahá ánfı féé?”

⁴² Yesu léblí ɔbéε, “Ma mee gyí osúmpúá ɔletın ansí, ɔbu ɔnɔkwali? Mu ibito mu wie tɔpó mu aba atráhe wá, ɔbéε ɔhá amó atogyiε dunka brésú. ⁴³ Ansí bégyi osúmpú ámu ní mu wie ámu ɔbá bowun ání lélé ɔde mú bwe. ⁴⁴ Ɔnɔkwali nde mli bláa. Mu wie ámu ɔbópu mu ató féé wá mu ibito. ⁴⁵ Táme ní osúmpú ámu léblí wá nwuntó ɔbéε, ‘Mí wíε íbábi mɔkúfun, ɔbówa ɔpá.’ Inı sv olefi ası ɔde mu aba asúmpú atı móa ayin da, ɔde ató gyí si amó, ɔde ntá núu bu á, ⁴⁶ mu wie ámu ɔbéba bofwie muto ekeá ɔmedín ansí. Mu wie ámu ɔbéhiε títi muto, trá butí mva ahá ání bɔmɔhɔ mu gyi ísv kékée.

⁴⁷ “Osúmpú oduá oyin tóá igyi mu wie apé, táme ɔmela iwí bwé yáí á, mu wie ɔbéhiε pítı mu ató wankláán. ⁴⁸ Táme osúmpúá omeyín mu wie apé, ɔbɔwε tóá ilehián ha ató pítı á, mu wie ɔbépítı mu kpalobí. Bulu tefité tsɔtsɔ tsú ɔhá ání ɔleha mu tsɔtsɔ wá, ɔtefité tsɔtsɔtsɔ é tsú ɔhá ání ɔleha tsɔtsɔtsɔ wá.

Ipian Yesu Lópɔba, Megyí Iwilwii

(Mateo 10:34-36)

⁴⁹ “Ogyá ɔdudákpá neba ɔsulúb anfisv. Ní mí nkule sv mú á, tekı idetsií dodoodo. ⁵⁰ Asúbó kv ida misá bóbó mí. Mí klun méedı mí ası yófun bréá ilamó ɔnó. ⁵¹ Imábwe mli fé iwilwii nɔpɔba ɔsulúb anfisv. Megyí iwilwii, ahá nsné yintá nɔpɔba. ⁵² Tsúfé tsú séi póya a, wóyí ání ahá abanú bɔbu mótó á, abasá bókusú lí abanyósú. Abanyó é bókusú lí abasású. ⁵³ Abi yinhé

móa amó así nsiné béyintá. Abi tsihé móa amó ayín é nsiné béyintá. Osia tsihé móa mu sia tsihé nsiné é béyintá.”

Brétó Asón Asinu
(Mateo 16:2-3)

⁵⁴ Yesu létrá bláa ahá ámu obéé, “Ní nyankpu obilá busu á, mlitebli mlíaa, nde nyankpu obótswie, lélé ototswie. ⁵⁵ Ní nsainto itsú fúá á, mlitebli mlíaa, nde owí obélin, lélé itelin. ⁵⁶ Apinabwébi abwepó! Mliyín alá butelé osulúso pú nwulótáaso ató asi. Ntogyí só mlimétáli nú itó ánfí idébá séi ánfí mó asi?”

Anyabá Nsinéla
(Mateo 5:25-26)

⁵⁷ “Ntogyí só mlítamatáli gyí asón wankláán há mli iwí? ⁵⁸ Ní oku osáma fu á, wa asa ha amlibli mú wóyító, méní fú onyabá móapu fú ya asón ogyíkpa. Fówun asón ogyípú méegyí fú asón, pú fú wá prósiyín ibito, owa fú obu. ⁵⁹ Ní megýí alí á, mméemlé fú, nkéti faká tógyító tá asa fédalí un.”

13

Mlidamli Iklwnto, Ménu Mlimóowu

¹ Ahá ámúú bubu unu alí bré ámutó aku bebláa Yesu beé, Pilato lámó Galileafó aku bréá bude afódie bó há Bulu, Yerusalem Bulu ótswékpa unu, há obugya lada afódie ámu. ² Yesu léfité amó obéé, “Mlíki mlíaa, Galileafó ánfí bugyi lakpan abwepó dun Galileafó atráhe, só bowun iwiasin ánfí odu? ³ Nde mli bláa mbéé, megýí alí ígyi! Ní mli é mlimédamli klwnto á, mli féé mlówu fé amó. ⁴ Ntéé ahá dúkwe ámúú abansóru lobwie dá mó Siloam omanti ání ibu Yerusalemto ámu mé, mlíki mlíaa, lakpan abwepó bugyi dun aha atráhe ání betsiá Yerusalem alí bré ámutó féé? ⁵ Nde mli bláa mbéé, megýí alí ígyi. Ní mlimédamli klwnto á, mli é mlówu fé amó.”

Ponto Máswiéhé

⁶ Múú aleha amó yébi obéé, “Oyin oku lótswie pಂತo mu ndoto. Eke oku oloyo yéki beé, abí ku idin mótó. Oloyo á, kuku medín mótó. ⁷ Inu su alebláa mu apayin obéé, ‘Nfinsa ní, nna oyí ánfí asi. Mmækówwun kukukuku mótó. Ntogyí só íbétrá lí yíntá osulúv? Kun mú da!’ ⁸ Táme apayin amu lébláa mu obéé, ‘Mí wíé, fú mó si mó itra lu ofi okule, ampulipuli mó asi, kpa wúna wa mó asi. ⁹ Ní ofiébéá iloswie á, ibu alé, táme ní imoswie á, nakun mó dá.’ ”

Ọtsi Oku Ilo Tsa Okpónú Odaké

¹⁰ Yesu lóyo ode ató suná Yudafo offiakpa okpónú odaké iku. ¹¹ Ọtsi okuá oje laláhe lówa mu ilo nfi dúkwe ní, ilahá mu alaklo, ometáli bwíí náti bu unu. ¹² Bréá Yesu lówwun mu á, oleti mu bláa mu obéé, “Ani yín, iwí iwá fú onlin!” ¹³ Inu olopu ibi da ọtsi ámu. Inonu olotswíí lí kánfú Bulu.

¹⁴ Offiakpa ohande amu lénya obló ání Yesu latsá oha okpónú odaké. Mú su alebláa ahá ámu obéé, “Nkensíé bu unu há agyómá yo. Mliba nke ámutó, abutsa mli ilo. Megýí okpónú odaké!”

¹⁵ Aní Wíe Yesu léle mó onó obéé, “Apinabwébi abwepó! Mlito okugyíaku tawóí mu nnantswie ntéé afrímú lé ibantó, pú amó ya ntsu onúkpa okpónú odaké. ¹⁶ Mú ima alá mí mú nésankí Abraham mu na ánfí Ọbonsám lakíki mu nfi dúkwe kéké ánfí okpónú odaké?” ¹⁷ Mu ason blíhé ánfí léha péli lékitá mu alupú ámu, ansí légyi atráhe amu féé, ofúla kpónkpónti ámúú odebwe ámu su.

*Takyí-akpin Ibi Yébi**(Mateo 13:31-32; Marko 4:30-32)*

¹⁸ Inu Yesu léfité ɔbée, “Ntɔ Bulu iwíegyi ámu lehan? Ntée ntɔ nópukápó mu? ¹⁹ Igyi fé takyí-akpin ibí, oyin ɔku lódu wá mu ndɔtɔ. Uedan mlí oyi yilé, mbubwi botogyónká mó abámbitɔ.”

*Bodobodotu-afá Yébi**(Mateo 13:33)*

²⁰ Yesu létrá blí ɔbée, “Ntɔ mpókapa Bulu iwíegyi ámu? ²¹ Igyi fé Bodobodotu-afá ání ɔtsi ɔku lóputsiá bodobodo nfúó kente kole, leha mú ilotu.”

*Obu-ɔnó Kplánhe**(Mateo 7:13-14, 21-23)*

²² Bréá Yesu ɔyó Yerusalem a, ɔlɔtsɔn nkudasí pú awúlusu. Ɔna ɔde amó ató suná. ²³ Ɔha ɔku léfité mu ɔbée, “Owíé, ahá kpalobí ku obénya nkpa?”

Yesu lébláa ahá ámu ɔbée, ²⁴ “Mlibɔ mbódí amlitsɔn obu-ɔnó kplánhe amɔtɔ. Tsúfé ahá tsɔtsɔtsɔ bóbɔ mbódí ání bótsɔn wie inu, táme bɔméesalí. ²⁵ Táme ní wóyí mu wie ɔkósú fin obu ámu, mlebá belí klɔn ɔma, dá klɔn amusu mlíaa, ‘Owíé, finki ha aní!’ á, ɔbébláa mlí ɔbée, ‘Mmeyín mlí, mmeyín ɔtínéá mlotsú.’ ²⁶ Inó mléblí mlíaa, ‘Ania funyɔ létsiá gyi ató, nú ntá, fetsiá súná ató aní dunsu!’ ²⁷ Táme ɔbéle mú ɔnɔ ɔbée, ‘Mmeyín mlí. Mmeyín ɔtínéá mlotsú. Mlnati tɛi mísú, mlí laláhe abwepó féé!’ ²⁸ Ní mlowun Abraham, Isak, Yakob pú Bulu ɔnɔsú atɔpú amu féé bɔbu Bulu iwíe ogyíkpa, táme bɔmeha mlí mó ɔkpa amlíwie inu á, inó mlósu kpisí ni. ²⁹ Ahá bótsu owí ɔdalíkpa pú owí ɔkplíwíékpa, bɔnasu móa gyɔpɔsu ba betsiá ató ogyíkpa Bulu iwíegyi ámɔtɔ. ³⁰ Ɔnɔkwali, amapu aku bémlí agyankpavu. Agyankpavu aku é bémlí amapu.”

*Yesu Lósu Ha Yerusalem**(Mateo 23:37-39)*

³¹ Inu Farisifo aku beba Yesu wá bebláa mu beɛ, “Dalí Galilea ɔmátó nfi, tsúfé ɔmáso ogyípó Herode dékléá ɔbómɔ fɔ.”

³² Yesu lébláa amó ɔbée, “Mlɔyeblláa ɔkpataku ámu mlíaa, ‘Négya ɔhe laláhe lé ahátɔ, tsá ahá ilo nde, gya le ɔke, mó mó ɔnɔ kláu.’ ³³ Táme ilehián ání nɔyɔ mí ɔnátí amusu nde, ɔke móa kláu. Tsúfé ɔkpa má inuá bómɔ Bulu ɔnɔsú ɔtɔpú ɔkuku ɔtɔnetɔne, dun Yerusalem!

³⁴ “Oo Yerusalemfɔ, Yerusalemfɔ! Mlítómmó Bulu ɔnɔsú atɔpú, dá abí ání Bulu lawá sísí mlí abwi mó ní. Ntekleá nóbun mlí abísú brégyíbré, fé alíá bate tobun mu abísú, táme mlítamahá mí ɔkpa. ³⁵ Mlíki, Bulu obési mlí ɔtswékpa tswi mlí. Nde mlí bláa mbée, mlíméesétrá wun mi ekekεεke, yɔfun ekéá mléblí mlíaa, ‘Bulu oyúla ɔhá ámú ɔbá mu dátó’ ámu.”

14*Ɔlɔpɔ Ɔku Tsa*

¹ Farisifo ɔhande ɔku létí Yesu ató ogyíkpa mu wóyító ɔkpónú ɔdaké. Ahá bɔpɔ ansí yi Yesusu, bɔde mu tée. ² Inu oyin ɔkuá alapúnyá léba Yesu wá. ³ Yesu léfité Mose mbla asunápó pú Farisifo ámu ɔbée, “Aní mbla léha ɔkpa ání butsiá ilo ɔkpónú ɔdaké lóó, ntée imeha ɔkpa?”

⁴ Amótó ɔkuku móbwíi ɔnɔ. Múy Yesu lékitá oyin ámu, tsá mu ilo, olesi mu ɔlenatí. ⁵ Inu ɔlefíté ahá ámu ɔbée, “Mlító ma mu bi ntée mu ɔnantswie ɔbékpadá wíé ibúntó ɔkpónú ɔdaké, ɔmóɔkasi lé mu?”

6 Bometalí lé mú onó.

Iwasibá

7 Inu Yesu lówun ání ahá amúu beti ató ogyíkpá unv amuto aku bude otsiákpá yilé dunká bétsiá. Múú òleha amú yébi òbée, ⁸ “Ní òku otí fú òká otsiákpá a, máyétsiá òfuákpá. Fíalí òleti òhande òkwá òdun fu. ⁹ Inu òhá amúu òleti mli ámu òbebláa fu òbée, ‘Mí wíé, kusu pu obíá ha òhá áñfi.’ Inu péli békítá fú, fèpétí yódunká òtneku tsíá. ¹⁰ Mú su ní òha otí fú ató ogyíkpá a, yetsiá obíá kusubisu mboún, òhá ámu òbebláa fu òbée, ‘Mí wíé, betsiá òfuákpá nfi.’ Inu obótsu fú ansító fúá ahá ámu fée ansító. ¹¹ Tsúfè òhagyíòha ání ototsú iwí á, Bulu teba mu asi. Òhagyíòha ání òteba iwiasí é á, Bulu totsú mu fúá.”

¹² Yesu lébláa òhá amúu òleti mu ató ogyíkpá amú é òbée, “Ní fòtswi òpónú òpa onyé á, máti fú anyawíe, fú apíó, fú abusuanfò ntée iwí anyapúá butsie mantáa fú. Ní fòbwé mú alí á, amú é bèlatí fú amú kle asi ká ikò. ¹³ Mboún tí ahiánfò, tsukòle asínpu, abubúpu pú ansibi abwiepú. ¹⁴ Bulu obóyulá fú, tsúfè buma tótóá bópuká fú ikò. Bulu òbéka fú ikò ekeá òbókúsóa aha yilé tsú afúlitò.”

Nke Kpònkpònti Kò Yébi

(Mateo 22:1-10)

¹⁵ Ahá amúu amúa Yesu butsie òpónúasí amuto òkòle lónu mu asun blíhé anfi, òleblí òbée, “Ansí bégýi ahá ání bégýi ató Bulu òpónú òtswíke mu iwíegýí amuto!”

¹⁶ Táme Yesu lébláa mu òbée, “Oyin òku lótswi òpónú kpònkpònkpònti ku, òleti ahá tsòtsòtsò. ¹⁷ Bréá beniná atogyíhe amú tá á, òlwa mu asúmpú òbée buyébláa ahá amúu òleti ámu bee, ‘Babwé tá!’ ¹⁸ Táme amú fée beblí bee amú ibí de. Ogyankpapu òbée, ‘Nahò òsulúw ku. Ilehíán ání néyékí mú. Mú su mlíkita mótó ha mi.’ ¹⁹ Onyòòsí é òbée, ‘Nahò nnantswie yínhé idú, bópulipúli mí ndòto há mí. Neyékapú amú kí. Mú su mlíkita mótó ha mi.’ ²⁰ Òbambá é òbée, ‘Nwéen kótóó netsiá òká. Mú su mméetalí ba.’

²¹ “Inu osúmpú amú léyinkí bebláa mu wie. Òblí lekítá mu wie amú, òlebláa mu òbée, ‘Wa òsa srí yekí ònsu pú brònsu, afòkpa ahiánfò, tsukòle asínpu, ansibi abwiepú pú abubúpu ba.’ ²² Imòwa òpá osúmpú amú léba bebláa mu òbée, ‘Mí wíé, nayó sumbí ámu, táme otsiákpá trá da.’ ²³ Mu wie amú lébláa mu òbée, ‘Tsun mmuátse múa nkpakwí fée. Tí òhagyíòha ání fówun fée òbá, méni ahá bóbulá mí wóyító. ²⁴ Nekáse, ahá amúu nehue tí amuto òkuku méeada mí ató áñfi onó!’ ”

Yesu Búotò Ipián

(Mateo 10:37-38)

²⁵ Yesu múa òdam kpònkpònkpònti ámu ná bəyó. Múú òledamlí bláa amú òbée, ²⁶ “Òhagyíòha ání òleba mí wá, táme òde mu sí, mu yin, mu otsiába, mu abí, mu apíó, mu onutó kóráa iwí dwe dun mi á, òméetalí bwé mí òkasípú. ²⁷ Òhá ání omotsu mu oyikpalíhe bobuo mi mófòn ání òbóbwe mí òkasípú.

²⁸ “Mlító òmòmu bú unv, ní obéyi obu kpònkpònti á, oméetsiá asi kí tóá obéyintá, wun ání mu kóba bófòn? ²⁹ Ní òmeki mú alí, asa òkòsú wá obu ámu ntswiasí, pwé mú fun òkpatò, òmetalí mó mú onó á, obu ámu awúnpu fée bómásí mu. ³⁰ Bèblí bee, ‘Oyin áñfi lókúsú òde obu yíi, òmetalí mó mú onó.’

³¹ “Ntée owíe òmòmu bu inuá ní owíe òku dé akòpú mpím-advanyò (20,000) òhá bəkò mu a, oméetsiá asi kí alíá òbóbwe òbòpu mu isá akòpú mpím-dú (10,000) yéfiá amú? ³² Ní owun ání òméetalí á, òbówa abí òsasú

bóyókokóli mu há ikulebwe, bréá bumakónyá kpókpé ba. ³³ Inu su mlito òhá ání omesi mu tógyítò òmagyáa òmèetalí bwé mí òkasípò.

Nfólá Ima Labi

(Mateo 5:13; Marko 9:50)

³⁴ “Nfólá bu alá, táme ní itá òdwe á, ntò bélapówá mú òdwe? ³⁵ Itráa ma alá há tótòtò bwe. Tséí butetséí mú tsítsá wúnasv. Òhá ání òbu asv onúu asún ánfí.”

15

Kufa Fwihé

(Mateo 18:12-14)

¹ Èke òku lampóò ahópu pò lakpan abwepò beba Yesu asv blíhé onukpá. ² Farisifò pò Mose mbala asunápò amv bowuntí mu be, “Oyin ánfí muv lakpan abwepò ténátí, butòwá ibi gyi ató kóráá.” ³ Mú sv Yesu léha yébi púsúná amú ató òbé,

⁴ “Mlito ma bú akúfa lafakule (100), òkule òfwí á, omesi adukwebá-kwebá (99) tráhe wá dimbítò unv, yódunká mu alu kpéfún bréá obówun mu? ⁵ Nahogyi mbéé, ní owun mu a, ansí bégyi mu, obótsu mu wá nkònkò, ⁶ pú mu ya wóyítò. Òbétí mu anyawíe pò mu aba, bláa amú òbéé, ‘Mliha anya ansigyí. Nawun mí kufa amú òlofwí ámu!’ ⁷ Alí kén nde mli bláa mbéé, ní lakpan òbwepò òkule pé òdámli klòntò á, ansí béhie gyi ahá òsòsú unv òvun alá ibégyi amú aha wankláán adukwebá-kwebá (99) ání bumetrá hián klòntòdamlí iwí.

Kóba Fwihé

⁸ “Ntée ní òtsi òku bu sika futútú dú, mótò kule lafwí á, omóonywe òkandíe kiki mu wóyítò wankláán, kpákpá ntobítò ki, féí wóyí ámutò wankláán yòfun bréá alawun mú? ⁹ Ní owun mú á, òbétí mu apíò aba, bláa amú òbéé, ‘Mliha anya ansigyí. Nawun mí sika futútú ámu òlofwí ámu. ¹⁰ Nde mli bláa mbéé, alá ansí béhie gyi Bulu-abòpu ní lakpan òbwepò òkule òdámli klòntò ní.’ ”

Obi Fwihé Òkv

¹¹ Yesu létrá ha amú yébi òbéé, “Oyin òku létsiá, òbu abi yinhé anyò. ¹² Òkusv amv lébláa mu sí òbéé, ‘Mí sí, ye fú atótò, afupu mí klé ha mi.’ Inu mu sí lékitá mu atótò ye há amú. ¹³ Imegyí nke koku òkusv amv lókolá mu ató féé, olotu òkpa yó tsútsúútsú òmá kvò. Inu oleyétsiá nkpa laláhe yíntá mu ató ámu féé. ¹⁴ Bréá oleyíntá ató ámu tá á, akón kpònkpònti kv léba òmá ámutò, òlòwa akón òi bi. ¹⁵ Mú sv òlòpu iwí yémantá unv yin òkusv, oyin ámu lékpa mu yáa mu ibúasí òbéé, òyékí mu mprákuosv ha mu. ¹⁶ Tekí olekleá obétsiá gyi mprákuo atogyihe amv kv, táme òhaa méha mu mú iwí òkpa. ¹⁷ Bréá mu ansí leyinkí ba mu iwísv á, òlefíté mu iwí òbéé, ‘Apafò amòmu kóráá má mí sí wóyítò, bumédé ató gyí sian ekekegyíeke? Mú ntsie nfi, akón òe mí mu? ¹⁸ Nókusú yínkí yó mí sí wá, yébláa mu mbéé, mí sí, napò ilá gyí Bulu, púgyi fú é. ¹⁹ Mmekanáa ání fétrá tí mí fú bí. Pv mí bwéé fú apafò ámutò òkule.’ ²⁰ Mú sv òlòkusú pú òkpa òbá mu sí wá.

“Bréá olowotíí, mu sí lówun mu sísí á, òlòwa mu nwe, òlesrí yéfia mu, látá mu pútá. ²¹ Inu mu bi ámu lébláa mu òbéé, ‘Mí sí, napò ilá gyí Bulu, púgyi fú é. Mmekanáa ání fétrá tí mí fú bí.’ ²² Táme mu sí létí mu asúmpò, bláa amú òbéé, ‘Mliwa òsa yotsu atadiwé wankláán ámu bawá mu. Mliwa mu opetia, amliwa mu ntòkòta. ²³ Mliyele ònantswie yínhé kánáhe amú òlòwá nfò

ámu ba, amlibom̄ mu, apugyi nke ha mu. ²⁴ Tsúfē mí bí ánfí lawú tsínkí. Ọ́lọ́fwi, anulawun mu.’ Inu bowa nke gyí bí.

²⁵ “Alí bré ámutò á, obi dehen amu bu ndoto. Bréá olotsu ndo ámutò obá, alatá wóyító wie tá á, olonu ání pléí de wóyító unu. ²⁶ Mú su ọ́leti mu sí asúmpó amuto okule, fité obéé, ‘Amanso lába?’ ²⁷ Osúmpó amu léle mú onó obéé, ‘Fó píó laba. Mú su fó sí lahá bamó onantswie kánáhe amu, tsúfē alayínkí botu mu, obu nkpa, obu onlin.’

²⁸ “Ọ́bló lekítá odéhen amu. Mú su olesin mmuáa. Mu sí lédalí ba bokokóli mu obéé, obá wóyító. ²⁹ Táme ọ́lele mú onó obéé, ‘Mí sí, kí nfi dódúódúá napótsiá fó wá sùm fó. Mmakóbwé mábúla kuku kí. Táme fomakóhá mí ọ́kpalábi fée mía mí aba apówa iwí ansigyí kí. ³⁰ Táme fó bí ánfí alayíntá fó tógýító, muva akipú bayégyi nkpa ánfí mú laba a, famó onantswie yinhé kánáhe amú alawá nfo ámu há mu!’ ³¹ Inu mu sí lébláa mu obéé, ‘Mí bí, yéé fó mú fóbú mí wá brégyíbré. Fóbú mí ató fée. ³² Fó píó ánfí lawú tsínkí. Ọ́lọ́fwi, anulawun mu. Mú su lehián ání abégyi mú nke, nyá ansigyí.’ ”

16

Agyómásó Ọ́kípú Ansítínú Ọ́kú

¹ Yesu lébláa mu akasípó obéé, “Iwí onyapú oku létsiá, obu agyómásó ọ́kípú. Ahá bowi tsá mu wie amusu beé ode mu gyí. ² Inu su ọ́leti oyin ámu, fité mu obéé, ‘Nto asún ndenu tsú fó iwí alí? Bobu akúnta ha mi, tsúfē foméetrá kí mí agyómásó.’ ³ Agyómásó ọ́kípú amu léfité mu iwí obéé, ‘Nkálí nóbwe? Mí wie obá begya mi. Mma owonlín ání nénatí do ha ahá. Ibo mi péli ání nénatí kólí ató é. ⁴ Ibo alé! Nyin tóá nóbwe, méní ní osí mí á, nénya ahá ání bóhó mi wá amó wóyító.’

⁵ “Mú su ọ́leti ahá ání bude mu wie ikó kulekule. Ọ́lefíté ogyankpapu obéé, ‘Ikó afinú fódé mí wie?’ ⁶ Ikó ọ́kitápú amu léle mú onó obéé, ‘Nfo agbongbó lafa-anyo (200).’ Agyómásó ọ́kípú amu lébláa mu obéé, ‘Tsan fú adánsiẹ owuló ámutò, afowanlin lafakule (100).’ ⁷ Ọ́lefíté oku é obéé, ‘Ikó afinú fódé?’ Ikó ọ́kitápú amu lébláa mu obéé, ‘Bodobodo nfúó akente opim-okule (1,000).’ Agyómásó ọ́kípú amu lébláa mu obéé, ‘Tsan fú adánsiẹ owuló ámutò afowanlin lafakwe (800).’

⁸ “Osikani ámu lékanfó agyómásó ọ́kípú anfi oma onakwali ánfí ání alatálí tin ansi alí.” Yesu lómó mú onó obéé, “Ndeмба-abí ání bubuo oyító ató ansítín ání bopu botsie amó abato idun amóá buyin Bulu klé.

⁹ “Nde mlí bláa mbéé, mlipu oyító ató bwe apió, méní ní itá á, Bulu obóhó mlí wá mu wóyíá ibu unu bré féeétó. ¹⁰ Ọ́há ání ọ́letalí kítá ató túkúríibi, olegyi onakwali mósú á, mu kén obégyi onakwali ató kpónkpontí ésú ni. Táme ọ́há ání omowa onakwali ató túkúríibisú omóowa onakwali ató kpónkpontisú. ¹¹ Mú su ní mlumá onakwali oyító atósú a, ma mee obóhó mlisu gyi, pú osósú ató onutó wá mlí ibito? ¹² Ntéé ní foma onakwali oku klésú á, ma mee obópu fó klé há fó?

¹³ “Osúmpó okoku méetalí sùm awie anyo. Ọ́bódwe okule, lú okule. Ntéé obóbu okule, omóobu okule. Fóméetalí sùm Bulu, sùm Kóba.”

Yesu Asun Blíhé Kú

(Mateo 11:12-13; 5:31-32; Marko 10:11-12)

¹⁴ Farisifó butódwé kóba. Mú su bréá bonu Yesu asun blíhé anfi á, bóbwe mu ahinlá. ¹⁵ Inu Yesu lébláa amó obéé, “Mlitelé iwí súná ání aha yilé mlígyí ahá ansító, táme Bulu mú yin mlí klontó. Tsúfē tóá nyankpusa tekiá ibu labi igyi Bulu akisító.

16 “Mose Mbla ámu pú Bulu ɔ́nósú atáíró amu asún wanlínhé ɔ́yɔ agyómá alu bɔ́fun Asú Ɖɔ̀pú Yohane brésú. Tsú mɔ́sɔ bɔ̀de Bulu iwíegyi ámu iwí asún wankláán ɔ́kan da, ahá é bɔ̀depríu wie mótó. 17 Ɖsó móa así bétalí mó ɔ́nó, táme itoduáhé ntéé asúnbi ikole kóráá móowu Mose Mbla ámuɔ́ta.

18 “Oyin okíná mu ka láyétisiá ɔ́tsi bámbá á, alató mbua. Oyingyíoyin ání ɔ́tsia ɔ́tsi ání mu kulu lakíná mu é lató mbua.”

Iwí Onyapú Ɖku Mva Lasaro

19 Yesu lébláa amó ɔ̀béé, “Iwí onyapú ɔ́ku létsiá. Atati wolihé ɔ̀tedídá, otegyi nkpa wankláán ekekegyíeke. 20 Ató ɔ̀kólípú ɔ́kuá mu iwí letsitsí nlo é létsiá. Bɔ̀teti mu Lasaro. Betsiá pú ohiáni ání yéyáí iwí onyapú ámu ɔ́kpa ɔ́nó. 21 Ɖkiá obénya atogyihe mpupubiá íbékpakpáa bun oyin ámu ɔ̀pónbasí gyi. Akíai létsiá beyintá mu nlo ámu kóráátó.

22 “Bréá ohiáni ání lówu á, Bulu-abɔ̀pu bɔ́tsu mu ya, oleyétsiá aní náin Abraham wá ɔ́súsú. Iwí onyapú ání é lóbowu, bopulá mu. 23 Ɖɔ́yɔ ɔ́bu ísubítí ogyá ání itamaduntó, ɔ̀de iwíɔ́sin wúun. Olotsu ansí fúá, olowun ání Lasaro tsie Abraham wá tsútsúútsú. 24 Inu ɔ̀kɔ́plón ɔ̀béé, ‘Aní sí Abraham-ée! Wun mi nwe, afuha Lasaro ɔ̀yɔpu mu osrebi da ntsutso pɔ̀bɔ̀da mí ɔ̀dandɔ́sɔ, ilwii kpalobí. Nde iwíɔ́sin wúun ogyá ánfító dɔ̀bú!’

25 “Táme Abraham lébláa mu ɔ̀béé, ‘Obí, kaun, fú nkpatsiátó a, fegyi ɔ̀dwe, Lasaro é letsia ɔ́sintó. Séi á, ɔ́bu ɔ̀dwetó, fú é fúbu ɔ́sintó. 26 Ɖma a, ilán kɔ̀nkpɔ̀nkpɔ̀ntí ku da ania funyɔ́ nsuné. Mú sɔ́ ɔ́haa méetalí fá tsú nfi ba fú wá inu, ɔ́haa é méetalí fá tsú inu ba aní wá nfi.’ 27 Oyin ámu lébláa Abraham ɔ̀béé, ‘Mómó nobwíí ipa, aní sí Abraham, wa Lasaro sisi mí sí wóyító. 28 Mbu apio yinhé abanú aku inu, ɔ̀yɔda amó ɔ́lá, méní bowú á, buméeba bowun iwíɔ́sin ání odu.’

29 “Abraham léle mú ɔ́nó ɔ̀béé, ‘Mose mva Bulu ɔ́nósú atáíró amu nwló bu amó wá, ide amó ɔ́lá da. Bunúu mú, abɔ́gyi músó.’ 30 Oyin ámu léle mú ɔ́nó ɔ̀béé, ‘Aní sí Abraham, asún ámu nu keke mééha amó abɔ̀damli klɔ́ntó. Mboun ní ɔ́ku ɔ̀kósú tsú afúlitó yó amó wá á, bédamli klɔ́ntó.’ 31 Táme Abraham lébláa mu ɔ̀béé, ‘Ní bumegyi Mose mva Bulu ɔ́nósú atáíró amu nwlóbtó asún ámu sɔ́ á, ɔ́ku ɔ̀kósú tsú afúlitó yó inu kóráá á, bumóonu ɔ́há ámu asón.’”

17

Lakpanbwe

(Mateo 18:6-7, 21-22; Marko 9:42)

1 Yesu lébláa mu akasípú amu ɔ̀béé, “Ibɔ̀wébwéébwé á, tɔ́ku béha nyankpɔ́sa ɔ̀bóbwé lakpan, táme ɔ́há ání ina mɔ́sɔ mu ba lóbwé lakpan ɔ̀gyówi ní. 2 Ní ɔ́ku léha ahá ání buməkódan mísó hógyító ánfító ɔ́ku lóbwé lakpan á, ní beda nfúókwebu síán mu ɔ́metó, tswi mu wá ɔ̀pu okluklúkpa pó á, íbu alé dun. 3 Mú sɔ́ mlíkí mlí iwí wankláán.

“Ní fú bá ɔ̀pó ilá gyi fu á, wa iyin wa mu. Ní ɔ̀edamli klɔ́ntó á, sikie mu. 4 Ní ɔ̀ɔ́pu ilá gyi fu tse sienó* ekewóle owító, ɔ́lela bobwíí ipa há fú á, sikie mu.”

Hógyi

5 Yesu sumbí ayɔ̀pú ámu bebláa mu beé, “Ha aní hógyi imoni tsia.”

6 Yesu léle mú ɔ́nó ɔ̀béé, “Ní mlí hógyi lómoní fé takyí-akpin ibí á, mlétalí bláa kelí ání mlíaa, ‘Pulí yelí ɔ̀pɔ́tá.’ Ibóbwé dínká músó.

* 17:4 Idesuná ání tsé dódóá ɔ̀ɔ́pu ilá gyi fu.

Osúmpó Gyumagyihe

7 “Ní mlíto oku bu osúmpó á tǎyǎ agyómá mu ndǎto ntéte áteki mu akúfaso, otsu agyómátó ba a, bláa mu wie tebláa mu ábée, ‘Wa ósa bwe afogyi ató?’ Ekekeke! ⁸ Bláa átebláa mu ábée, ‘Tsu tati saba, afubotswi ópónó ha mi. Belí mí angyi ató. Negyi ta á, fayégyi fó klé.’ ⁹ Ótedá osúmpó amu ipán ábée, alabwé tǎa mawa mu bwe? Ekekeke! ¹⁰ Inu su ní mli é mlábwé tǎa bowa mli bwe tá á, mlibli mlíaa, ‘Asúmpó keke angyí. Tǎa igyi aní bwehé anilabwé á.’”

Ilo Peye Alapó Dú Tsa

¹¹ Yesu ná Samaria pú Galileafó okasu óyǎ Yerusalem. ¹² Bréa óleta wúlu kusu wie tá á, ilo peye alapó dú ako búna bebá befia mu, besi lí tsútsú. ¹³ Inu bókplón bí beé, “Yesu! Owíé! Wun aní nwe.”

¹⁴ Yesu lótsu ansí kí amó, átebláa amó ábée, “Mlupu mli iwí yosuná Bulu igyi óhapó.†”

Bréa ópu okpa óyǎ á, amó iwí lépli. ¹⁵ Okule mú lówun aní mu iwí laplí a, oleyinkí ódekplón kanfó Bulu kóklókóó. ¹⁶ Olebemlí bún Yesu ayabito, óde mu ipán da. Samariayin oyin ánfí gyí. ¹⁷ Inu Yesu léfité ábée, “Megyí ahá idú natsá? Mú kwebá atráhe mé? ¹⁸ Mú su amótó okuku méba bekanfó Bulu dún Samariayin ófó ánfí nkole?” ¹⁹ Inu átebláa oyin ámu ábée, “Kusu natu. Fú hógyi latsá fú ilo.”

*Bulu Iwiegí Amu Ibá**(Mateo 24:23-28, 37-41)*

²⁰ Farisifó ako befité Yesu beé, “Ómenke Bulu iwiegí ámu íbéba?” Yesu lébláa amó ábée, “Megyí tǎa óha óbópu ansíbi wun Bulu iwiegí ámu igyi. ²¹ Óhaa méetalí bí ábée, ‘Kí, móbu nfi.’ Ntéte ‘Móbu nána á.’ Tsúfé mli kluntá Bulu iwiegí amu bu.”

²² Inu Yesu lébláa mu akasípó ábée, “Eke oku íbá, mlódunká aní mlówun mí, Nyankpusa-Mu-Bi ánfí ekewóle pé, táme mlimóowun mú. ²³ Ahá bébláa mli beé, ‘Óbu nfi.’ ntéte ‘Óbu nána,’ táme mlimásrí buo amó yéki. ²⁴ Tsúfé mí, Nyankpusa-Mu-Bi ánfí óbáke bóbwe fé alí amú nyankpu tǎfwí íbi, bútowun mú nsaintó féé ámu. ²⁵ Táme négyankpá wun iwíwásin tsotsótsó, ndemba-abí ánfí é békiná mí. ²⁶ Alí amú ílegyi Noa brésó amu a, alí íbégyi mí, Nyankpusa-Mu-Bi ánfí é íbábi ní. ²⁷ Ahá betsiá, búde ató gyí, búde ntá núu; búde aká tsiá, búde atsi kítá há akúlu alu yófon ekeá Noa lówie mu dáka kpánkprntí ámúto, ntsu lóbúlá bómá amó féé. ²⁸ Alí kén íleba Lot é brésó ní. Ahá betsiá, búde ató gyí, búde ntá núu, búde ató hǎo, búde ató fé; búde ató du, búde íbu yíi, ²⁹ yófon ekeá Lot lédalí Sodom wúlutó, ogyá móa atonkodu lotswie tsu ósósó behi amó féé. ³⁰ Alí kén mí, Nyankpusa-Mu-Bi ánfí iwíwanléké bófwie ahátó ní.

³¹ “Eke ámu a, óhá aní ódín obusu, mu ató íbu obuto ómáklí botsu tǎto. Alí kén óhá aní óbu ndǎto é máyinkí botsu tǎto ní. ³² Mlíkan Lot mu ka asónsú!‡ ³³ Tsúfé ní oku lódunká aní óbéprí mu nkpa á, óbóhulú mú. Táme ní oku lóhulú mu nkpa á, óbélanyá mú. ³⁴ Nde mli bláa mbée, alí eke ámu onyé á, ní ahá abanyó búda oklan kulesu á, Bulu obótsu okule sí okule.

³⁵⁻³⁶ “Ní atsi abanyó búde nfúó kwe á, Bulu obótsu okule sí okule.‡”

³⁷ Yesu akasípó amu befité mu beé, “Aní Wíe, nkónó íbéba?”

† 17:14 Abóbi aní mli iwí laplí Mose mbala okpasu. ‡ 17:32 Bréa omobu Bulu, áledamli kí óma a, olemlí nfíhísin. Kí Genesis 19:26. § 17:35-36 Mótó yée 36 bu nwóló dada amu akoto: Ní ayin abanyó búde agyómá yó ndǎ kuletó á, Bulu obótsu okule sí okule.

Yesu lébláa amú ɔ́bée, “Ɔ́tínéá ito wuhé da a, inó alása butefia ni.”

18

Ɔ́sɔrapu Mva Asón Ogyípú Ɔku

¹ Inu Yesu léha yébi ku pòsúná ání bɔ́bó mpáí brégyíbré, imákpɔn amú. ² Ɔ́lebláa amú ɔ́bée, “Asón ogyípú ɔku létsiá wúlu kusɔ. Ɔ́tamanyá Bulu ifú, ɔ́tamanyá ɔ́haa é péli. ³ Ɔ́sɔrapu ɔku é létsiá wúlu amɔtɔ. Oletsíá bokokóli mu ɔ́bée, ogyí mu asón ɔ́nɔkwalisu ha mu, ɔ́le mu tsu mu olupú ibitɔ! ⁴ Teki olekle okina, táme ɔ́ma-ɔ́ma a, ɔ́lebláa mu iwɔ ɔ́bée, ‘Ibu mótóá ntamanyá Bulu ifú, ntamanyá ɔ́haa é péli. ⁵ Táme ali ánfí ɔ́sɔrapu anfi ná ɔ́de mí háan anfi su á, négyi mu asón ɔ́nɔkwalisu. Ní megyí ali á, oméesi mí tóí wa. Ɔ́méesha mméenya ɔ́kpa bwé tɔtɔ.’ ”

⁶ Yesu lóyo mósú ɔ́bée, “Mliki aliá asón ogyípú anfi ɔ́tamagyi asón ɔ́nɔkwalisu ánfí lablí. ⁷ Mómú nkáli Bulu mó méegyí mu ahá ámú alalé, budesú kpólí mu ɔ́pa-onyé ámu asón ɔ́nɔkwalisu? Obési amú asón wá obiátó? Ekekeke! ⁸ Nde mli bláa mbée, obégyi mó ɔ́nɔkwalisu há amú ɔ́sasɔ. Táme ndefíté mbée, ní mí, Nyankpɔsa-Mu-Bi ánfí neyínkí bá a, nówun ahógyipu aku ɔ́sɔlúu anfisɔ?”

Lampóo Ɔ́hópu Mva Farisiyin

⁹ Yesu létrá ha yébi ku pòsúná amú ató tsú ahá ání buteki amú iwɔ yilé abwepó dun amú aba. ¹⁰ Ɔ́leha yébi amú ɔ́bée, “Ayin abanyó aku bɔ́du yó mpáí ɔ́bɔkpá Bulu ɔ́tswékpa. Amótó ɔ́kole gyí Farisiyin, ɔ́kole é gyí lampóo ɔ́hópu.

¹¹ “Farisiyin amú lókusú líí, bó mpáí wá nwuntɔ ɔ́bée, ‘Bulu, nedá fú ipán ání mme gyí fé aku. Mí mu mma ɔ́nsípe, ntamasísi ɔ́ha, ntamató mbɔa, mme gyí fé Lampóo ɔ́hópu anfi é. ¹² Nteklí ɔ́nó tse nyɔ ndawótswí ikuletɔ. Nteye mí ató féesú dú, lé idúsi há fú.’

¹³ “Táme lampóo ɔ́hópu amú mó léyelií tsútsú, oloko nwuntɔ wá. Omot-sulá tsú ansí kórará fúá kí ɔ́sósú. Ɔ́ɔpu ɔ́bumáa dá ibitɔ, kókóli Bulu ɔ́bée, ‘Oo Bulu, wun mi nwe, lakpan ɔ́bwepó ngyi.’ ” ¹⁴ Yesu lómɔ mó ɔ́nó ɔ́bée, “Nde mli bláa mbée, asa beyínkí yó wóyí á, Bulu ansí légyi lampóo ɔ́hópu amú iwɔ dun Farisiyin amú. Tsúfé ɔ́há ání ototsú iwɔ á, Bulu ɔ́béba mu asi. Ɔ́há ání ɔ́teba iwiasí é á, Bulu obótsu mu fúá.”

Nyebi Yulá

(Mateo 19:13-15; Marko 10:13-16)

¹⁵ Aha aku bɔ́pu amú abí ba Yesu bee, ɔ́pɔu ibi dinka amósú, oyula amú. Mu akasípú bowun amú. Mú su bɔ́wa iyin wá amú. ¹⁶ Táme Yesu léti nyebí ámu ba mu iwɔ wá, ɔ́lebláa akasípú amú ɔ́bée, “Mliha nyebí ámu abɔba mí wá. Mlimátin amú ɔ́kpa, tsúfé ahá ánfí odu bó Bulu iwíegyí amú ni. ¹⁷ Ɔ́nɔkwali nde mli bláa. Ɔ́há ání ɔ́mɔhɔ Bulu iwíegyí ámu fé kebi á, omóowie mótó.”

Atonyahé Iwɔ Atosundhé

(Mateo 19:16-30; Marko 10:17-31)

¹⁸ Eke ɔku Yudafo ɔ́hande ɔku lébefíté Yesu ɔ́bée, “Osunápó yilé, ntɔ nóbwe asa nénya nkpa ání itamatá?”

¹⁹ Yesu léfíté mu ɔ́bée, “Ntogyi sù fude mí ti ɔ́ha yilé? Ɔ́haa mégyí ɔ́ha yilé, nkéti Bulu nkole. ²⁰ Yéé foyin Bulu mbla ámu o. Múgyí, máto mbɔa, mámo ɔ́ha, máwi ató, máka asón dínká fú básó, bu fú sí mu fú yín.”

²¹ Ɔ́hande amú lébláa mu ɔ́bée, “Tsú mí nyebitɔ ɔ́pá nde mó féesú gyí.”

²² Yesu lónu mu asun blíhé anfi á, òlebláa mu òbée, “Toku kule ilasí ání fóbwe. Yefe fú iwisu ató fée, afuye kóba amu ha ahíánfó, méní fénya siadié òsúbó. Fóbwé mó tá á, ba afubobuo mi.” ²³ Bréá oyin ámu lónu asún ání á, iláto mu klun, tsúfé chíé òbu ató.

²⁴ Yesu lówun ání ilahan mu. Mó su òleblí òbée, “Tbu ònlun asa iwí onyapú obówie Bulu iwíegyi ámòto. ²⁵ Lélé mó á, òpòn ha kpósó ání òbòtsun òbunato òbótó, òun ání iwí onyapú obówie Bulu iwíegyi ámòto.”

²⁶ Ahá ání bonu asún ání befíté bee, “Mómó ma mee Bulu òbóhò nkpa?”

²⁷ Táme Yesu lébláa amú òbée, “Tóá nyankpusa méetalí bwé mádón Bulu bwé.”

²⁸ Inu Petro lébláa Yesu òbée, “Mí Wíe, kí, anlasí aní wóyí tswi bobuo fu.”

²⁹ Yesu lébláa amú òbée, “Ònakwali nde mi bláa. Ohaa má uná obési mu wóyí, mu ka, mu apíó, mu akwípó ntée mu abí tswi Bulu iwíegyi ámu su, ³⁰ Bulu méelawá mó otsiákpá há mu tsé dú tsé lafa séi, láha mu nkpa ání itamatá bré ámúó íbá ámòto.”

*Yesu Lowu Iwí Asún Blí Otse Saasi
(Mateo 20:17-19; Marko 10:32-34)*

³¹ Yesu létí akasípó dúanyò ámu ya itsétó, òlebláa amú òbée, “Ayó Yerusalem. Inú asún ámúó Bulu ònósó atáipó amu bōwanlín tsú mí, Nyankpusa-Mu-Bi ání iwí ámu fée béba mótó ní. ³² Béle mí há ahá ání bomegyi Yudafo. Bóbwe mí ahinlá, síá mí, tú atsunó wólí mí. ³³ Béputí mí ató, mó mí. Mó eke sáási a, nókòsò tsú afúlító.”

³⁴ Akasípó amu bomonu íni asi, tsúfé Bulu lóponjáin amú. Bomebi tóá òleblí é.

*Ansibi Obwiepú Oku Ilo Tsa
(Mateo 20:29-34; Marko 10:46-52)*

³⁵ Yesu léta Yeriko wúluto wie tá á, ansibi obwiepú oku tsie okpa ònó, òde ató kulí. ³⁶ Ansibi obwiepú ámu lónu ání òdòm bòdetsòun. Móú òlefíté òbée, “Amansu igyi?”

³⁷ Ahá bebláa mu bee, “Yesu Nasaretyin amu détsòun.”

³⁸ Inu ansibi obwiepú ámu lókplon bí òbée, “Aní wíe Dawid mu na Yesu, wun mi nwe!”

³⁹ Ahá ámúó bogyá Yesu nkpa ámu bókplón wa ansibi obwiepú ámu bee, òwáa òsa kpa ònó bun. Òlelakplón òun alí òbée, “Aní wíe Dawid mu na, wun mi nwe!”

⁴⁰ Yesu lési lí, òleha òbée bukpa mu ba mu. Bréá bekpa mu ba a, Yesu léfíté mu òbée, ⁴¹ “Ntó fudeklé fee mbwéé ha fu?”

Òlele mó ònó òbée, “Owíe, ha mí anwun ató!”

⁴² Yesu lébláa mu òbée, “Fó hógyi latsá fú ò. Wun ató.”

⁴³ Inonon mu ansibi lobwíí, òlekplá buo Yesu, òde Bulu kanfó. Òdòm amu fée bowun íni, amú é bekanfó Bulu.

19

Yesu Mva Sakeo

¹ Yesu déka tsun Yeriko wúluto. ² Lampóo ahópun òhande òkúá òbu kóba bu wúlu amòto, bótétí mu Sakeo. ³ Oyin ání dékléá òbópun ansibi wun Yesu, táme òma iswí, ahá é bòdubi. ⁴ Mó su òlesrí yódu pòntò-oyí kúá Yesu òbòtsun mó asi, méní obówun mu. ⁵ Bréá Yesu lówie oyí ámu asi á, olotsu ansí fúá, wun Sakeo, òlebláa mu òbée, “Sakeo, wa òsa kpli ba. Nde, fú wóyí nòswí ní.”

6 Sakeo lówa ɔsa kpá, pò ansigyí kpá mu ya wóyító. 7 Ahá ání bowun mú fée bowuntí bɛɛ, “Oyin ání layóswí lakpan ɔbwɛpó wóyító.”

8 Sakeo lókúso líí wóyító inu, bláa aní Wíe Yesu ɔbée, “Mí Wíé, kí, néye mí atótó anyo, pò ifon kíé ahíánfó. Ní nasisi ɔku é á, nélahá mu mú aku ana.”

9 Yesu lébláa mu ɔbée, “Nde Bulu lahó wóyí ání nkpa, tsúfé Abraham mu na ɔní ání é gyí. 10 Ahá ání bafwí odunkákpá mí, Nyankpɔsa-Mu-Bi ání nɛba, anhó amó nkpa.”

Asúmpó Kóba Ha
(Mateo 25:14-30)

11 Ahá ámu buɔe asón amóú Yesu déblí ámu nu. Alí bré ámɔtɔ á, Yesu latá Yerusalem wie tá. Mú sɔ ɔleha amó yébi pótswí amó, tsúfé buɔdesusú bɛɛ Bulu iwíegyi béfi así inɔnu. 12 ɔleha yébi amu ɔbée, “Iwí onyapó ɔku lóbwe agywun ɔbée, mótu ɔkpa yó amó owíe dehen wá, ɔyai mu owíe, oyinki begyi iwíe mu ɔmátó. 13 Asa ɔbóyɔ á, ɔleti mu asúmpó idú, oleye pɔɔnu kulekule há amó fée. ɔlebláa amó ɔbée bupúyɔ agyómá yófon ekeá méba. 14 Táme mu wúluto ahá bolu mu, wá abí buo mu bɛɛ, bumedékléá ɔbwée amó owíe.

15 “Táme mú óó á, owíe dehen amu léyai mu iwíe amu, ɔlesankí ba wóyí. Olenya wíe pé ɔleha beti mu asúmpó amu, ɔkí tóá banyá dínká kóba amusu.

16 Ogyankpapo léba bebláa mu ɔbée, ‘Mí wíé, nanyá pɔɔnu dú tsía fú klé amɔtɔ.’ 17 Mú ɔlebláa osúmpó amu ɔbée, ‘Fabwé ató. Osúmpó wankláán fógyi. Iná fawá ɔɔkwali itó túkúrífí ání iwí sɔ á, nɔpu awúlu idú wá fú ibito, féki mósó.’ 18 Onyɔasi léba bebláa mu ɔbée, ‘Mí wíé, nanyá pɔɔnu anu tsía fú klé amɔtɔ.’ 19 Owíe amu lébláa mu ɔbée, ‘Fó é féki awúlu anusu.’

20 “ɔbambá é léba bebláa mu ɔbée, ‘Mí wíé, fú sika ámu ní. Neda mú wá dúkubi ɔnó yáí. 21 Nyin fu. Nde fú ifú nya, tsúfé fú asón bu ɔnlín. Fútotsú ató ɔtínéá fómɔpu tɔtɔ yáí, fútɔkpótí ató é ɔtínéá fómɔdu tɔtɔ.’ 22 Mú wie amu lébláa mu ɔbée, ‘Osúmpó laláhe. Fú ɔnótó asón nɔpugyi fu asón. Yéé foyin ání mí asón ihé bu ɔnlín, ntotsú ató ɔtínéá mmɔpu tɔtɔ tswi, kpótí ató ɔtínéá mmɔdu tɔtɔ a? 23 Mú ntogyi sɔ fómɔpu mí kóba amu yótswi sika ɔyai kpá. Féki ní neyínki ba a, nóyɔhó móa mósó abí?’

24 “Inu owíe amu lébláa ahá ání buɔbu inu ɔbée, ‘Mlɔswi osúmpó anfi kóba amu ha ɔmɔamóú olenya idú ámu.’ 25 Táme ahá ámu bebláa mu bɛɛ, ‘Nanáin, ɔbu pɔɔnu dú dodo o!’ 26 Owíe amu lébláa amó ɔbée, ‘Nde mli bláa mbée, ɔhá ání omedékléá obónu mí atosunáhé amu así á, Bulu ɔbópu iku tsía mótó há mu. Táme ɔhá ání omedékléá obónu mí atosunáhé amu así á, Bulu ɔbóswí mu kpalobí amóú alabí ámu kóráá. 27 Séí á, mlíkpa ahá amóú bókúso líí mísú bɛɛ mmágyi iwíe amu ba, amlibɔmɔmɔso amó mí ansító nfi!’ ”

Bɔhó Yesu Fée Owíe Yerusalem
(Mateo 21:1-11; Marko 11:1-11; Yohane 12:12-19)

28 Yesu léha amó yébi anfi tá á, ɔlɔtsɔn gyankpá pò ɔyó Yerusalem. 29 ɔleta Betfage móa Betania awúluá idun Nfó-nyíbu* ámusu wie tá á, ɔlɔwa mu akasípú abanyó gyankpá, 30 bláa amó ɔbée, “Mlyɔ wúlu anfi ida mli ansító ánfisú. Ní mlówíe wúlu ɔnó á, mlówun afrímú kanáhe ɔku da ɔfétó, ɔhaa mókótsiá musu kí. Mlɔsanki mu ba mí. 31 Ní ɔku ɔfíté mli ɔbée, ‘Ntogyi sɔ mlídé mu sankí?’ á, mlibla mu mlíaa, ‘Aní Wíe dé mu hián.’ ”

* 19:29 Nfó-nyíbu igyi obubwí koá ibu mantáa Yerusalem, botetí mú Olifbu.

³² Akasípó abanyó ámu bəyówun afrímú kánáhe ámu fě alíá Yesu lébláa amó. ³³ Bréá buđe mu sankí á, mu awíe befité amó bεε, “Ntogyi só mlidé mu sankí?”

³⁴ Bεε mú onó bεε, “Ani Wie dé mu hián.” ³⁵ Besi bekpa afrímú kánáhe amu ba Yesu, bεyai amó atati dínká musu, tsú Yesu bian musu. ³⁶ Bréá Yesu tsie musu oyó á, ahá ámu bekpa amó atati yái tswi okpatə, əlenatí mósú tsun.

³⁷ Bréá Yesu lówa Nfə-nyíbu ámu kplí oyó Yerusalem wúluto bɪ a, mu abúopu amu fěé bətswi opé kánfú Bulu kóklókóó, ofúla amóú əlbwε, bowun amu fěé su. ³⁸ Bεε, “Bulu oyúla owíe anfi əbá mu dátó ánfí! Iwilwii bu əsósú. Numnyam ibwéε Bulu klé əsósúúsú inu.”

³⁹ Farisifo aku bubu ədəm amutə. Inu bebláa Yesu bεε, “Osunápó, ka fú abúopu anfi itin!”

⁴⁰ Yesu lébláa amó əbée, “Nde mli bláa mbée, ní ahá ánfí behíé kpá onó bun kóráá á, abwi ánfí bókplən kanfó Bulu.”

Yesu Lósú Yerusalem Su

⁴¹ Bréá Yesu léta Yerusalem wie tá, olowun wúlu amu sísí á, olosu ha mó. ⁴² Əbée, “Yerusalemfə, tɛki ilehián ání mlébi tóá itəpú iwilwii ba ndε, táme mlímétálí bí mó. ⁴³ Bré ku ibá, mli alupú békafia mli abuntii, pwé okpó wá mli, sá mli tin əkpagyíəkpasə. ⁴⁴ Béhu wúlu anfi pú mótó atsiápó. Bumeési ibwi kole dínká mó bású, tsúfě mlímébi bréá Bulu léba mli nkpa əhókpa!”

Ibíá Agyípó Gyáa Lε Bulu Ətswékpa Wunsinésó

(Mateo 21:12-17; Marko 11:15-19; Yohane 2:13-22)

⁴⁵ Bréá Yesu lówie Yerusalem a, əloyo Bulu ətswékpa wunsinésó. Olenya wíe inu alí, əlɔwa ibíá agyípó gyáa bɪ. ⁴⁶ Əlebláa amó əbée, “Bəwanlín wá Bulu asón ámutə bεε, ‘Béti mí ətswékpa bεε, mpái əbəkpa.’ Táme mlilapú inu mli awikplu əhainkpa.”

⁴⁷ Oletsiá súná ató Bulu ətswékpa inu ekekegyíεke. Bulu igyí ahapú dehen, Mose mbła asunápó pú Yudafə ahande amu bodunká əkpa ání bótəun mósú mó mu. ⁴⁸ Táme bumenya, tsúfě ahá ámu fěé bubuo mu ason blíhé.

20

Yesu Túmi Iwi Asun Fitéhé

(Mateo 21:23-27; Marko 11:27-33)

¹ Eke əku Yesu bu Bulu ətswékpa wunsinésó inu əde Bulu asón wankláán ámu əkan da, əde ató suná. Inu Bulu igyí ahapú dehen, Mose mbła asunápó pú Yudafə ahande beba bətu mu. ² Befité mu bεε, “Ma léha fú əkpa fúde ntobí ánfí bwε? Ma léha fú túmi?”

³ Yesu léle mú onó əbée, “Mí é nfite mli asun kua kole. ⁴ Bulu wá Asú Əbəpó Yohane lénya túmi púbə ahá asú lóó, ntée nyankpəsa? Mlibla mi.”

⁵ Amó wolεwolε bəyə asón ánfito bεε, “Ní ablí aniaa itsú Bulu wá á, əbéfité aní əbée, mú ntogyi só anumóhə mu gyi? ⁶ Ní ablí aniaa nyankpəsa wá é á, ədəm anfi béda aní abwi mó, tsúfě bohogyi ání Bulu onósú ətəpó Yohane gyí.” ⁷ Mó su beε mú onó bεε, “Ohwée! Anuméyín ətínéá olenya mu túmi tsú.”

⁸ Yesu lébláa amó əbée, “Mómú mí é mméεbláa mli túmi oduá ndεpəwbé ntobí ánfí.”

Apafə Laláhe Aku

(Mateo 21:33-46; Marko 12:1-12)

⁹ Inu Yesu létrá ha amó yébi ɔ́bée, “Ɔ́dɔ́tɔ́pɔ ɔ́ku lɔ́dɔ wáun ndɔ, ɔ́lɔpɔ ndɔ ámu wá apafɔ ibitɔ, tú ɔ́kpa yó ɔ́má kutɔ yétsiá inu nfi-nfi. ¹⁰ Bréá wáun-abí ámu kpɔ́tíbi lɔ́fun a, ɔ́lɔwa mu osúmpɔ apafɔ ámu wá ɔ́bée, ɔ́yóhɔ mu ogyíkpa ba mu. Táme apafɔ ámu beda obí ámu, gya mu sísí ibíkpan. ¹¹ Ɔ́dɔ́tɔ́pɔ amu lélawá mu osúmpɔ nyɔ́ɔsi amó wá. Apafɔ ámu beda mu, sɔ́pa mu, gya mu é sísí ibíkpan. ¹² Ɔ́lɔtrá lawá ɔ́ba sáási. Apafɔ ámu bepilán mu, gya mu lé ndɔ ámɔtɔ. ¹³ Múú ndɔ mu wie amu lébli ɔ́bée, ‘Nkálí kóráá nóbwe? Nówa mí onutó mí bí ɔ́dwepɔ amó wá. Fíalí bóbu mu mó.’ ¹⁴ Táme bréá apafɔ ámu bowun mu bi ámu sísí á, bebláa aba bee, ‘Ɔ́ni obégyi mu si ató ní. Mliha amɔ mu, méní ndɔ ámu ibémlí aní klé.’ ¹⁵ Inu bekitá mu, bítia mu dáli ndɔ ámɔtɔ yómɔ mu.

“Ntɔ mlilahogyi mlíaa ndɔ mu wie amu ɔ́bóbwe apafɔ ánfí? ¹⁶ Ɔ́béba bɔ́mɔ amó, pú ndɔ ámu wá apafɔ bámbá ibitɔ.”

Bréá ahá ámu bonu asón ánfí á, bebli bee, “Iní mó itsóun aniso!”

¹⁷ Yesu léki amó ansító díin, ɔ́lefíté amó ɔ́bée, “Bulu asón ánfí así mé? ‘Ibwi ámóú obu ayípu bekiná ámu

lébemlí okonkísóbwi ní.’

¹⁸ Ɔ́hagyíɔ́ha aní ɔ́ledída ibwi ámɔsu obébiabía blúblúblúblú. Ní ibwi ámu isúnkí dá ɔ́kusɔ é á, ibókwe mu fikófikófikó fé nfúó.”

Lampóoka

(Mateo 22:15-22; Marko 12:13-17)

¹⁹ Iɔ́wankí Mose mbíla asunápó pú Bulu igyí ahapó amu aní amó iwí yébi alahá. Inu bekleá bekitá mu, táme benya ahá ámu ifú. ²⁰ Mó su bodunká ɔ́kpa aní bótsun mósú kítá Yesu. Inu bele ahá bee bupína bwe iwí fé aha wankláán, abɔ́te mu kí bee bónu asɔ́wanku tsú mu ɔ́nó, méní belí mósú kítá mu ya ɔ́mású ogyípó. Móbúu túmi gyi mu asón. ²¹ Yesu atépu amu befité mu bee, “Osunápó, aniyin aní ɔ́nɔ́kwalipu fugyi, fótosúná mó é. Fɔ́tamakí ɔ́haa ansító. Mbóún fótosúná Bulu ɔ́kpa ámu ɔ́nɔ́kwalipu. ²² Afíte fú! Aní mbíla leha ɔ́kpa aní akáa lampóo ha Roma owíe dehen Kaesare, nté anumáka?”

²³ Táme Yesu lówun amó agywíun. Mó su ɔ́lebláa amó ɔ́bée, ²⁴ “Mlipu kóba amu ku ba mí anki.” Bɔ́pɔba mu. Múú ɔ́lefíté amó ɔ́bée, “Ma nwun pú mu idá dín mósú?”

Bele mó ɔ́nó bee, “Kaesare.”

²⁵ Múú ɔ́lebláa amó ɔ́bée, “Mómú mlipu tóá igyi Kaesare klé ha Kaesare, amlipu móá igyi Bulu klé é ha Bulu.”

²⁶ Mó su bɔ́metalí líí Yesu asɔ́n blíhé anfisɔ kítá mu ahá ámu ansító. Ɔ́nó é lobwie amó, bɔ́metalí trá bwií ɔ́nó.

Kusú Tsú Afúlitɔ Iwí Asɔ́n Fitéhé

(Mateo 22:23-33; Marko 12:18-27)

²⁷ Sadukifɔ ɔ́pasua bɔ́tebli bee, kusú tsú afúlitɔ ma inu. Amótó aku beba Yesu wá, ²⁸ befité mu bee, “Osunápó, Mose lówanlín tswí aní ɔ́bée, ‘Ní ɔ́ku mɔa mu ka bɔ́mɔkwí asa olowu sí mu ka ámu a, mu pio otsú mu ka ámu tsia, féki ɔ́kwu ha owupó ámu.’ ²⁹ Oyin ɔ́kɔle abí abasiénó aku betsiá. Amótó ogyankpapu létsiá ɔ́ká, táme ɔ́mɔkwí asa olowu. ³⁰ Mu gyama lótsu ɔ́sɔrapɔka amu tsia, táme mu é ɔ́mɔkwí. ³¹ Ɔ́saasi é lótsu ɔ́tsí ámu tsia. Mu é ɔ́mɔkwí. Alu yótu osienósi amu. Amótó ɔ́kɔku mɔ́kwí asa olowu. ³² Ɔ́ma-ɔ́ma a, ɔ́sɔrapɔ amu é lóbowu. ³³ Afúli ɔ́kusóké a, amótó ɔ́mɔmu ɔ́bóbwe mu kulu? Tsúfé amó abasiénó ámu féé betsiá mu.”

³⁴ Múú Yesu léle mó ɔ́nó ɔ́bée, “Ɔ́yí ánfítɔ ahá tétsiá aká móa akúlu. ³⁵ Táme iméeba alí bré ámóú íbá ámɔtɔ. Ahá ámóú bɔ́fun aní bókusó tsú afúlitɔ, tsíá nkpa ɔ́yí ámóú íbéba amɔtɔ ámu mó bɔ́méetsiá akúlu,

boméetsiá aká. ³⁶ Boméetrá wu, tsúfě bóbwe fě Bulu-abəpu. Bulu ahá bogyi, tsúfě bakósú tsú afúlitó. ³⁷ Aní náin Mose kóráá lówanlín ató tsú afúlikusó iwí. Tsúfě əłwanlín əbée, eke ámú olowun oyíbi ku de ogyá tsíí, táme imedéhó amu a, əletí Bulu əbée, ‘Abraham muva Isak pú Yakob Bulu.’ ³⁸ Megyí awupó Bulu ógyi, akiankpa pu Bulu ógyi, tsúfě mu ansító mú á, amú fěé bubu nkpa.”

³⁹ Inu Mose mbla asunápó amu aku beblí be, “Osunápó, fabí lé mú ənó!”
⁴⁰ Mú su amótó əkəkəkə métrá wa klən fité mu asvansu.

Ma Gyí Kristo Amv?

(Mateo 22:41-46; Marko 12:35-37)

⁴¹ Inu Yesu léfité mbla asunápó amu əbée, “Nkálí ɔbwe asa ahá be, Owíe Dawid mu na gyí Kristo amv? ⁴² Tsúfě owíe Dawid onutó léblí Israelfə ɔl amutə əbée,

‘Aní Wíe Bulu lébláa mí Wíe əbée,

Tsia mí gyəpisu,

⁴³ yəfun bréá nəpu fú alupó bwé fú ayabi oyíkpa.’

⁴⁴ Owíe Dawid létí Kristo amu əbée, mu wie. Mú nkálí su ətráa ogyi mu na?”

Mose Mbla Asunápó Tsiát

(Mateo 23:1-36; Marko 12:38-40)

⁴⁵ Inu əlebláa mu akasípó ahá ámu ansító əbée, ⁴⁶ “Mlíki Mose mbla asunápó anfi wankláán. Butekle ligá wa náti kí. Butekle be ahá bubún ha amú itsiá dunsu. Otsiákpá yilé butekle tsiá Yudafə ofiakpa pú nke ogyíkpa.

⁴⁷ Butəswíə asurapu amú wóyí, butepina bə mpáí títítíntín ahátə pəbun amú lalahəsu. Bulu əbébití amú isu kinkíinkín!”

21

Ɔsurapu Ɔku Tswitswi

(Marko 12:41-44)

¹ Bréá Yesu tsie mantáa tswitswi dáka ámu Bulu ətswékpa inu á, olowun alíá ahá ání amú ɔbitə bu odwin buɔpu kóba akpənkpənti bəwa dáka ámutə. ² Inu əsurapu ohiáni əku é ləpu mu kóba ana bəwa mótó. ³ Mú Yesu léblí əbée, “Ɔnəkwalí nde mli bláa, tswitswiá əsurapu anfi, əma tətə anfi lawá á, ɔdun əhagyíəha klé. ⁴ Tsúfě atráhe amu fěé á, amú kóba tsətsətsə balé kpəlobí tsú bəwa. Táme əsurapu anfi mú íniá əma tətə su tóá əbu fěé alapó bəwa á.”

Bulu Ɔtswékpa Amv Bwie

(Mateo 24:1-2; Marko 13:1-2)

⁵ Yesu akasípó aku buɔtəí tsú alíá bəpu abwi ání ɔbu bíá yi Bulu ətswékpa amu, pú atokiehé wankláán lá mótó. Táme Yesu lébláa amú əbée, ⁶ “Bré ku ɔbá, bóbwie mú fěé bun. Ibwi kole kóráá méesian dinká mú bású.”

Ɔwəsin Múə Ɔkplán

(Mateo 24:3-14; Marko 13:3-13)

⁷ Mú mu akasípó amu befité mu be, “Osunápó, bré məmutə íni fěé béba? Osúna məmu abəpubíá bré ámu ɔlafən?”

⁸ Inu Yesu lébláa amú əbée, “Mlíki wankláán, mēni əhaa méemlé mli. Tsúfě ahá tsətsətsə bəpu mí dá ba be, amúgyí Kristo amu ni. Mú bré ɔlafən ta, táme mlumábuo amú. ⁹ Ní mlonúá isá mva kpokiti ladá á, opúni mátsíí mli. Tsúfě ilehián áni íni aná bəgyankpá bá, táme oyí ənóməké iméba unu.”

¹⁰ Inu ɔlebláa amó ɔbéɛ, “Ŋmá bókɔ aba. Awíe bókusó líi abasv. ¹¹ Ɔsólóv ibékpínkí ntíné-ntíné. Akón móa ilo tsánkíhé é béba ntíné-ntíné. Ntobíá ihíé bu ifú pó osúna akpɔnkpɔnti béba tsú ɔsúsó. ¹² Táme asa mó fée béba a, békítá mli, béhiɛ dínká mlisv, pó mli ya Yudafo ofiakpa yégyi mli asón, wá mli obu. Mí sv békpa mli ya awíe pó ɔmású agyípó ansító. ¹³ Inu ɔbéha mli ɔkpa mlétáli gyi mí iwí adánsiɛ súná amó ní. ¹⁴ Táme mli máhan mli iwí susúu alá mléle iwí ɔnó. ¹⁵ Tsúfɛ néha mli nyánsa móa ɔnɔwanki, mli anyabá ámɔtɔ ɔkɔkɔ méétáli gyi mli nwéɛn. ¹⁶ Mli akwíró, mli apíó, mli wóyító ahá pó mli anyawíe kóráá béle mli há, bómɔ mlitɔ akv. ¹⁷ Mí sv ahá fée bólu mli. ¹⁸ Táme mli nwunsv-imi kole kóráá móɔfwí. ¹⁹ Ní mletáli líi kínkín á, mlénya nkpa ání itamatá.

Yerusalem Bwie Iwí Asón Bli
(Mateo 24:15-21; Marko 13:14-19)

²⁰ “Ní mlowun ání isá akpó bakáfia Yerusalem wúlu a, mli bíá wúlu amv ibá obwiekpá. ²¹ Mó mó ahá ání bubv Yudea ɔmátó busrí yɔ abusv. Ahá ání bubv Yerusalem wúlutɔ budáli. Amóá buma wúlu amɔtɔ é bumáyínkí ba. ²² Tsúfɛ alí nke ámv ibóbwe Israelfɔ isubítí nke fée alá Bulu ɔnósó atáíró amv bɔwanlín tswí. ²³ Amenyapó pó abí ayín ání bupia abi bɔbwe alí bré ámɔtɔ, bugyówí ní. Tsúfɛ asv wunhe amv ɔnó bówa ɔnlín. Iklán kpɔnkpɔnti béba ɔsólósv, isubítí kpɔnkpɔnti é ibéba mósó atsiápósv. ²⁴ Amótó akv básín ɔdayí ɔnó. Békítá amó akv é ndoun ya ɔmá-ɔmátó. Yerusalem wúlu bétsiá ɔmá bámbásófó asi, alí yófvn bréá amó ɔmá ámv asitsiábí lamó ɔnó.

Nyankpɔsa-Mv-Bi Amv Ibábi
(Mateo 24:29-31; Marko 13:24-27)

²⁵ “Bówun osúna owí, ɔsra pó ntsrakupabisv. Ɔpv béda ifúsó. Ɔsólósv atsiápó bénya ifú, buméebi tóá bɔbwéɛ. ²⁶ Nwólótáa móa mótó ató fée békínkí. Mó sv ahá bénya ifú, tún nje tóá idebá sv. ²⁷ Alí bré ámɔtɔ á, ɔhagyíɔha obówun ání mí, Nyankpɔsa-Mv-Bi ánfí napó túmi móa numnyam kpɔnkpɔnti mbv nwólótáatɔ tsú ɔsúsó nebá. ²⁸ Ní ntobí ánfí ide mósó yɔ á, mlíkɔsv lu, amlitsv ansí fva kí, tsúfɛ mli nkpháɔbí lafvn.”

Ɔyí Ɔnómá Iwí Osúna
(Mateo 24:32-35; Marko 13:28-31)

²⁹ Yesu léha amó yébi ɔbéɛ, “Mlipvki pɔntɔ móa nyí atráhe. ³⁰ Ní ide ate pɔpwe le á, mlitowun mó, bí ání awikpan bré lafvn ta. ³¹ Alí kén, ní mlowun ání ntobí ánfí fée ide mótó bá a, mli bí ání Bulu iwígyí ámv dawíé wóyí tá.

³² “Ɔnɔkwali nde mli bláa. Ndemba-abí ánfí fée bumóowu tá, asa ínɔ fée béba mótó. ³³ Ɔsú móa asi fée bótsv, táme mí asv blíhé móɔtsv ekekekeke.

Iwísvda

³⁴ “Mlíki wankláán, ménɔ opotsuawa, ntábv pó ɔyító ató ɔmagyáa méegyí mli agywunsv, ménɔ mí, Nyankpɔsa-Mv-Bi ánfí ɔbáke amv méebekítá mli fɛ yibi. ³⁵ Tsúfɛ ibéba ɔyító ahá féesú. ³⁶ Inu sv mli gyó, amlí bɔ mpái, ménɔ mlénya ɔwɔnlín tálí tsv ofúla amv féesú, belí mí, Nyankpɔsa-Mv-Bi ánfí ansító.”

³⁷ Nke ámɔtɔ á, Yesu létsiá yósuná ató Bulu ɔtswékpa inu ɔpa. Onyé á, alanátí yó Nfɔ-nyíbv ámvsv. ³⁸ Ahá tsɔtsɔtsɔ bɔtɔkúsú ba Ɔtswékpa inu bake, bonu mv asv blíhé.

22

Bekiklì Yesu Nwunsv

(Mateo 26:1-5; Marko 14:1-2; Yohane 11:45-53)

¹ Israelfɔ Bodobodo Mátúhénkε, igyi amósú Katsɔn Nkε ámu gyí íbá bɔfɔn. ² Bulu igyi ahapú dehen pú Mose mbla asunápú amu bodunká ɔkpa ání bɔtsɔn mósú kítá Yesu ñaintɔ, mó mu, tsúfɛ bɔde ahá ámu ifú nya.

Yuda Iskariot Lótsulá Aní Ɔbéle Yesu Há

(Mateo 26:14-16; Marko 14:10-11)

³ Inu Ɔbunsám lówie Yuda Iskariot, ogyi Yesu akasípú dúanyɔ ámutɔ ɔkɔletɔ. ⁴ Mó sv ɔɔyɔ Bulu igyi ahapú dehen pú Bulu ɔtswékpa agyópu dehen wá, bekítá agywun alhá ɔbéle Yesu há amú. ⁵ Ansi légyi amú. Mó sv bɔtsulá ání béka mu ikɔ. ⁶ Yuda lótsulá. Mó sv olodunká ɔkpa ání ɔbɔtsɔn mósú híéé lé Yesu há amú, bréá ahá tsɔtsɔtsɔ ámu buma unu.

Katsɔn Atogyihe Gyi

(Mateo 26:17-19; Marko 14:12-21; Yohane 13:21-30)

⁷ Bodobodo Mátúhénkε ámutɔ ekéá bɔtɔmɔ Israelfɔsv Katsɔn Nkε akúfa lɔfɔn. ⁸ Yesu lówa Petro mva Yohane ɔbéle, buyóbwe Israelfɔsv Katsɔn atogyihe amu yai ha amú.

⁹ Petro mva Yohane befité mu beε, “Ani Wíé, nkónu ayóbwe mó yai?”

¹⁰ Múú ɔlebláa amú ɔbéle, “Ní mlowié wúlu ɔnɔ á, mléfia oyin ɔkúá ɔsv ntsu-ɔlɔ. Mlibuo mu yɔ wóyítɔ. ¹¹ Mlowié á, mlfite wóyí mu wie amu mliaa, ‘Osunápú ɔbéle, afite fú, nkónu afɔɔ ɔswíkpa bu, ání mía mí akasípú abéba begyi Katsɔn atogyihe amu?’ ¹² Obósuná mli abansóru yilé kuá balá mótó yái. Mlibwe ató ámu yai unu.”

¹³ Petro mva Yohane bɔpu ɔkpa. Boyówun tógyítɔ alí ámúú Yesu lébláa amú ámu pépéépé, bɔbwe Katsɔn atogyihe amu yái unu.

Yesu Ntópwe Atogyihe Tráhe

(Mateo 26:26-30; Marko 14:22-26; 1 Korintofɔ 11:23-25)

¹⁴ Ató ámu gyíbi lɔfɔn, Yesu mva mu sumbí ayɔpú beba betsiá ɔpónú ámu asi. ¹⁵ Yesu lébláa amú ɔbéle, “Nhíé ndeklé mbéε, mía mlinyɔ abégyi Katsɔn Nkεtɔ atogyihe anfi asa mí anwun iwɔɔsin. ¹⁶ Tsúfɛ nde mli bláa mbéε, mméetrá gyi mó ekεkεkε yófun ekéá itó ámúú atogyihe anfi ulí há ámu laba mótó Bulu iwíegyí ámutɔ.”

¹⁷ Inu olotsu ntá-εwe, dá Bulu ipán, ɔlebláa amú ɔbéle, “Mliho amlinu ha aba. ¹⁸ Tsúfɛ nde mli bláa mbéε, mméetrá nu wáin-abí ntá ánfí ekεkεkε yófun bréá Bulu iwíegyí ámu íbéba.”

¹⁹ Inu ɔlele bodobodo ipín, ɔleda Bulu ipán, biábía mótó póhá amú, blí ɔbéle, “Mí ɔyɔlúá mli sv nasí há ní. Mlitsia bwe iní pɔkain mísú.” ²⁰ Alí kén, bréá begyi ató ámu tá á, olotsu ntá-εwe ámu há amú, blí ɔbéle, “Ntá-εwe ánfí gyí Bulu ntam pɔpwe ání nɛtséí mí obugya wólí púsí mósú há mli ní.

²¹ “Iná ndeblí á, mía ɔhá ámúú ɔbéle mí há ámu ibi da ɔlepe ɔkɔletɔ. ²² Mí, Nyankpɔsa-Mu-Bi ánfí nówu fé alhá Bulu léhue yái, táme ɔhá ámúú ɔbéle mí há ámu ɔgyówi.”

²³ Inu befi asi bɔde aba fité beε, “Ngya anitɔ ma ɔbóbwe ínɔ?”

Ma Ɔbóbwe Ɔhande?

²⁴ Nwéngyí léba sumbí ayɔpú ámutɔ, ámutɔ ɔmúá ɔbóbwe ɔhande sv. ²⁵ Yesu lébláa amú ɔbéle, “Ɔmátɔfɔ awíε bɔbu túmi amú ahásu. Ahá ámu bɔtɛtí amú ahande beε, ‘Buale agyípu.’ ²⁶ Táme mliɔ mó á, imába alí. Ɔhá ání odekléá ɔbóbwe mliɔ ɔhande ɔbwéε mu iwɔɔtráhe. Ɔhá ání odeklé ɔbéle,

móbwe mli nkpá ogyápu é ɔbwéé mu iwí fě osúmpó. ²⁷ Ma dón mu ba? Ọhá ání otsie ɔpónúasi lóó, ntéé ọhá ání odesúm ɔpónú ámu asi? Megyí ọhá ámuó otsie mó asi ámu dwn? Táme mbu mlito fě osúmpó.

²⁸ “Mlílówa klon buo mi mí isókí fěétó ni. ²⁹ Alí ámuó mí Sí layáí mí owie amu a, alí mí é nde mli yaí ní, ³⁰ méní mlétsiá mí ɔpónúasi, gyí ató, nú ntá mí iwíe ogyíkpa unu. Mlétsiá awíe mbíásó, gyí Israel abusuan dúanyo ámu asón.”

Petro Ọbóswú Ọbée Momeyin Yesu

(Mateo 26:31-35; Marko 14:27-31; Yohane 13:36-38)

³¹ Yesu lébláa Simon Petro ọbée, “Simon, Simon! Kí, Ọbunsám dé ọkpa kulí ọbée, obófuní mli fě ayó. ³² Táme nakókóli Bulu há fú mbée, fómádída hógýitá. Ní feyínkí ba mí wá á, wa fú aba ámu é ɔwonlín.”

³³ Petro lébláa mu ọbée, “Mí Wié natsúlá, ní obu igyí kóráá mía funyo abédi. Ní lowu igyí é á, mía funyo abówu.”

³⁴ Yesu lébláa mu ọbée, “Petro, nde fú bláa mbée, nde, asa bate ọbéle ọnó á, fósuwí pú ibí wá ogyá tse sa fée fómeyín mí.”

Iwikí Aní Ibéba Ekekó

³⁵ Inu Yesu léfité akasípó amu ọbée, “Bréá nɔwa mli sumbí, mlímédé sika akente, mlímédé akpankogyo ntéé ntókota nyọsá a, tọko lehián mli?”

Bele mó ọnó bee, “Ekekéke! Tọto mehián aní.”

³⁶ Múú ọlebláa amú ọbée, “Táme séí mó á, fúá fúbu sika kente, ntéé akpankogyo a, tsu kita. Ní mlito ọku má ọdayí iya anyo á, ọfě mu tati puho ku! ³⁷ Tsúfě ilehián ání mí iwí asón ámuó ibu Bulu ason wanlínhétó ámu ibéba mótó. Bowanlín bee, ‘Bekla mu wá lakpan abwepótó.’ Tsúfě asón ámuó bowanlín tsú mí iwí ámu ibá lafun ta.”

³⁸ Akasípó amu bebláa mu bee, “Aní Wie, kí, ndayí anyo ní.”

Múú Yesu lébláa amú ọbée, “Itso.”

Mpáibo Nfọ-nyíbusu

(Mateo 26:36-46; Marko 14:32-42)

³⁹ Yesu lédalí wúluto yó Nfọ-nyíbu ámuosu, fě alíá otetsiá yó unu yaí. Mu akasípó é bobuo mu. ⁴⁰ Bréá bowie unu á, ọlebláa amú ọbée, “Mlíkokoli Bulu, méní mlímóowie isókíta.”

⁴¹ Múú ọledalí amótó yó nkpá kpalobí fě nfi múa nfi, yéda akpawunu bó mpái ọbée, ⁴² “Mí Sí, ní fótisulá á, ha ntá-ewe ánfí* itsun misu. Táme megyí tóá ndeklé, múa fudeklé ibá mótó.” ⁴³ Inu Bulu-ɔbọpu lótsu ọsósú bá bele iwí ɔwan súná mu, wá mu ɔwonlín. ⁴⁴ Asún ihíé de mu háan. Mú su ọlọbọ mpái kinkínkín. Ileha mu apípi lemlí fě obugya, idetún da ọsulótó ta-ta-ta.

⁴⁵ Bréá ọlọkọsú tsú mpái ámu ọbọkpá, yínkí ba akasípó amu wá á, olowun ání budeḍidi. Awiréhọ de amú. Mú su iwí lawú amú. ⁴⁶ Múú ọlefíté amú ọbée, “Ntogyí sọ mlíḍéḍidi? Mlíkọsu amlíkokoli Bulu, méní mlímóowie isókíta.”

Yesu Kitá

(Mateo 26:47-56; Marko 14:43-50; Yohane 18:1-11)

⁴⁷ Yesu ọnó mesi, ọdám bowotíí amósú. Akasípó dúanyo ámuotó ọkuléá bọtetí mu Yuda gyá amú nkpá. Inu ọlenatí tó Yesu ọbée, amulata mu puta, ⁴⁸ táme Yesu léfité mu ọbée, “Yuda, latá fělatá mí, Nyankpọsa-Mu-Bí ánfí pútá, pólé mí há?”

⁴⁹ Akasípó amúó bọbu Yesu wá ámu bowun tóá ibá. Mú su befité Yesu bee, “Akóó amú? Aníbu ndayí.” ⁵⁰ Inu amótó ọkule lótswi mu ọdayí kpá Bulu igyí ọhapú dehen osúmpó ọku gyọpí-isu lé.

* 22:42 Ntá-ewe ánfí igyí iwíọsin ání Yesu obówun.

⁵¹ Yesu lébláa akasípó amu obéé, “Mábwe! Isii mli aka!” Inu olóru ibi da osúmpó amu isu ámu, ileyinkí tsá.

⁵² Mób Yesu léfité Bulu igyí ahapó dehen, Bulu otswékpa agyóru ahande pú Yudafo ahande amób beba mu okitákpá amu obéé, “Ogyo otswapó ngyi, só mlilatsú nkpotí pú ndayí mlebá mí okitákpá?” ⁵³ Ntsie mli wá Bulu otswékpa wunsínésú ekekegyíeke, mlumóru ibi da mi ekekeeke. Táme mli bré ní, oklún túmi dé iwíe gyí.”

Petro Lóswú Obéé Mmeyín Yesu

(Mateo 26:57-58, 69-75; Marko 14:53-54, 66-72; Yohane 18:12-18, 25-27)

⁵⁴ Inu ahá ámu bekítá Yesu, kpá mu ya Bulu igyí ahapó dehen wóyító. Petro lépetí obuó amó oma tsútsúútsú. ⁵⁵ Táme bréá bosun agyabi wunsínésú inu, bɔtsie mú así á, Petro léyétsiá amó wá. ⁵⁶ Otsibi okvá ogyi osúmpó inu lówun ání Petro tsie ogyá ámu asi, oleki mu díin, blí obéé, “Oyin ánfí é buo Yesu!”

⁵⁷ Táme Petro lóru onáí blí obéé, “Otsi, mmeyín mu otunetine!”

⁵⁸ Uobwe kpalobí á, oha oko é lówun Petro, olebláa Petro obéé, “Fú é fóbú amótó.”

Táme Petro lébláa mu obéé, “Owíé, megí mí ní!”

⁵⁹ Fé dɔnhwírí kule oma a, oha bambá é léba bɔtsulá mósú obéé, “Lélé, oyin ánfí é létsiá mu wá, tsúfé Galileayin ogyi.”

⁶⁰ Táme Petro léle mú onó obéé, “Agya! Ki, mmeyín asón ánfí iwí koku.”

Petro onó mesi, bate lóbɔn. ⁶¹ Aní Wie Yesu lédamli kí Petro. Inu Petro lékaín asón amób aní Wie lébláa mu obéé, “Fóswú tse sa fée fɔmeyín mí asa bate obéle onó onyenu.” ámu. ⁶² Inu oledali yó kpankpá híe yósu.

Yesu Ahinlá Bwe

(Mateo 26:67-68; Marko 14:65)

⁶³ Yesusu akíru befi así bude mu ahinlá bwe, bude mu da. ⁶⁴ Bɔru ató klí mu ansíbi, fité mu beé, “Bulu onósú otáíró, maládá fú? Bla aní.” ⁶⁵ Bekpa mu asiabí, bláa mu nyányála.

Yudafo Asón Agyipó Ansító Lú

(Mateo 26:59-66; Marko 14:55-64; Yohane 18:19-24)

⁶⁶ Yudafo ahande, Bulu igyí ahapó dehen pú Mose mbala asunápó amu befia oyi kehe nyanki-nyanki, bebitía Yesu belí amó ansító. ⁶⁷ Bebláa Yesu beé, “Ní fúgyí Kristo, (ohá amób Bulu ladá mu ofúli amu) a, bla aní.”

Yesu lébláa amó obéé, “Ní nebláa mli kóráá, mlumóohogyi. ⁶⁸ Ní nefité mli asɔnko é á, mluméle mú onó. ⁶⁹ Táme tsú séi póya a, mí, Nyankpɔsa-Mu-Bi ánfí nétsiá Bulu Otúmíru amu gyɔpísu.”

⁷⁰ Amó féé befité Yesu beé, “Mó sɔ fúgyí Bulu mu Bi ámu ní?”

Yesu lébláa amó obéé, “Ee, onakwalí amu mlilablí á.”

⁷¹ Inu befité aba beé, “Ntogyi só abétrá dunká adansífo bámbá? Mó anlanú tsú mu onutó onó á.”

23

Yesu Kpa Ya Pilato

(Mateo 27:1-2, 11-14; Marko 15:1-5; Yohane 18:28-38)

¹ Inu ahá amób befia inu ámu bókusú kpá Yesu ya omású ogyipó Pilato. ² Bekpa asón dínká mu. beé, “Anilawun ání oyin ánfí dé omá ánfító ahá yintá. Ode amó bláa obéé, bɔmátra ka lampóo há Roma owíe dehen. Odeblí

é ɔbée, mogyí Kristo, (ɔhá ání Bulu ladá mu ofúli amu), idesuná ání owíe ogyi.”

³ Pilato léfité Yesu ɔbée, “Fúgyí Yudafɔ owíe amu ní?”

Yesu léle mú ɔnɔ ɔbée, “Ee, mú fablí á.”

⁴ Pilato lébláa Bulu igyí ahapó dehen pú ɔɔm amu ɔbée, “Mmɔkówun tsitsa kokuá oyin ánfí labwé.”

⁵ Táme amú mú bɔde mótó kótóó be, “᾿Οδρου μου atosunáhé tí utré móa ikó wá Yudea ɔmá ánfíto. Olefi mú así tsú Galilea, alapó bowie nfi.”

Yesu Lú Herode Ansítɔ

⁶ Bréá Pilato lónu asón ánfí á, ɔléfité ɔbée, “Galileayin oyin ánfí gyí?”

⁷ Bréá ɔlebi ánfí Yesu otsú Galilea, ɔtínéá owíe Herode dé iwíe gyí a, ɔleha bekpá mu ya Herode. Alí bré ámɔto á, Herode bu Yerusalem wúluto mu.

⁸ Bréá owíe Herode lówun Yesu a, ansí lehie gyi mu. Tsúfě olodunká ání obówun mu dodoodo, mu iwí asón ání alanú su. Odeklé ání Yesu ɔbwéé osúna ku suna mu. ⁹ Mú su ɔléfité Yesu asón tsɔtsɔtsɔ, táme Yesu mélé kuku ɔnɔ. ¹⁰ Bulu igyí ahapó dehen amu pú Mose mbla asunápú amu bulí mu, bɔdeklɔn ka asón dínká musu. ¹¹ Owíe Herode mba mu isá akapó ámu é bɔspáa mu, bwé mu ahinlá. Bɔpu sriki ligá ku wá mu, beyinkia mu ya Pilato. ¹² Owíe Herode mba Pilato bemlí anyawíe tsú eke ámu. Teki amú nsíné ima ale yáí.

Yesu Lowu Ipón Ha

(Mateo 27:15-26; Marko 15:6-15; Yohane 18:39–19:16)

¹³ Pilato léti Bulu igyí ahapó dehen, Yudafɔ ahande pú ɔmá ámu fěé befia.

¹⁴ Mú ɔlebláa amú ɔbée, “Mlúlékpa oyin ánfí ba mi mlíaa, ɔde ɔmá ámu agywun yintá. Nafité mu ɔnótó asón mlí ansító, nawun ání asón ámúú mlúléka dínká musu ámu uma mótó. ¹⁵ Owíe Herode é lawun mú alí. Mú sɔ alayinkia mu sísí aní ní. Oyin ánfí mókúbwé tɔtɔá bómɔ mu. ¹⁶ Iní su néha bépití mu ató, mí ansi mu ɔnati.”

¹⁷⁻¹⁸ Inu ɔɔm amu fěé bɔkplón blí be, “Le mu mu, afɔsi Baraba ha aní!”*

¹⁹ (Baraba anfi da obu, tsúfě ɔlɔkusó lí wúlu amusu, ɔlɔmɔ ɔha é mótó.)

²⁰ Pilato lékléá obési Yesu. Mú su ɔletrá tɔi kplá ɔɔm amu. ²¹ Táme bɔkplón kóklókúú bláa mu be, “Da mu manta oyikpalíhesu! Da mu manta oyikpalíhesu!”

²² Pilato lébláa amú otse saasi ɔbée, “Tsitsa mɔmu alabwé? Mmɔkówun tɔá alabwé, sɔ néha bómɔ mu. Néha abupiti mu ató, ɔnati.”

²³ Táme bubu mósú bɔdeklɔn kúklókúú be, ɔháa abuda mu manta oyikpalíhesu. Inu bɔɔun mu ɔnólí. ²⁴ Mú su Pilato lóbwe dínká tɔ ámúú bɔdedunká ámusu. ²⁵ Olesi oyin ámúú ɔlɔkusó lí ɔmá ámusu, mú ɔha mótó sɔ ɔda obu ámu, olesi Yesu há mu isá akapó ɔbée bubwéé mu alíá ahá ámu bɔdeklé.

Yesu Da Mántá Oyikpalíhesu

(Mateo 27:32-44; Marko 15:21-32; Yohane 19:17-27)

²⁶ Bréá bekpá Yesu bɔyɔ á, befia Kireneyin ɔkúá bɔteti mu Simon. Otsú abúasi. Isá akapó ámu beka mu híe be ɔsúra oyikpalíhe amu buo Yesu.

²⁷ ɔɔm bobuo Yesu. Atsía bubu amótó bɔpu amú anyópu, bɔhíe budesú ha Yesu. ²⁸ Yesu lédamlí, ɔlebláa amú ɔbée, “Yerusalemfɔ atsi, mlumásu mi. Mlísu mlí iwí pú mlí abí. ²⁹ Tsúfě nke ku íbá mléblí mlíaa, ‘Bulu layúlá atsiá

* **23:17-18** Mótó yée 17 bu nwóló dada amu akoto: Katsɔn Nke kugyíkoto á, lehián ání Pilato obési obu ɔdúpó ɔkole ání Yudafɔ ámu bɔdeklé há amú.

bomakókwií ki, obí mákódí amó opúnitò ki, obí mákónyópó amó é ki.’³⁰ Alí bré ámutò á, ahá bébláa abú bée, ‘Mlibwie bun anisú. Nkúku, mliṣpula aní.’³¹ Tsúfí ní búde oyi bóbwe ogyá wa alí á, nkálí bóbwe oyi wolihe?”†

³² Isá akápó ámu bekpa lalahé abwepó abanyó é mántá Yesusu, boyómo amó. ³³ Bréá bowie otinekúá butetí inu “Nwun Okokobi” a, beda Yesu mántá oyikpalíhesu. Beda amó abanyó ámu é mántá nyikpalíhesu. Okule bu Yesu gyárisu, okole é bu mu binasú. ³⁴ Inu Yesu léblí obéé, “Mí Sí, sikie amó, tsúfí bumeýín tóá búdebwe.”‡

Isá akápó ámu bətswí abi ye Yesu atadietò. ³⁵ Ahá tsətsətsə amóú bobuo amó yó inu ámu besi bulí inu búde mu kí. Yudafo ahande amu bəbwe mu ahinlá bée, “Olohə ahá nkpa. Ní lélé mugyí Kristo, (ohá amóú Bulu ladá mu ofúli), mu Bulu lalé ní á, ohó mu iwí nkpa!”

³⁶⁻³⁷ Isá akápó ámu é bəpu ntá odáí tin mu onó, bwé mu ahinlá bée, “Ní fúgyí Yudafo owíe amu ní á, lé fú iwí!”

³⁸ Bəwanlín ató mántá oyikpalíhe amu awunso bée, “YUDAFƏ OWÍE AMU NI.”

³⁹ Lalahé abwepó amóú beda mántá oyikpalíhesu ámutò okule léblí Yesu iwí abusus obéé, “Megyí fúgyí Kristo amu ní? Lé fú iwí, afole aní mee!”

⁴⁰ Táme onyəsı amu lówa iyin wá mu obéé, “Fumédé Bulu ifú nya! Fúa munyò féé dé isubití kule hóó. ⁴¹ Aní mó á, aní isubití ida okpa, aní lakpan aní anilóbwe su. Táme oyin ánfí mó mákóbwe laláhe koku.” ⁴² Múú əlebláa Yesu obéé, “Yesu, ní febá fú iwíe ogyíkpa a, kain mısú!”

⁴³ Yesu lébláa mu obéé, “Oəkwalı nde fú bláa. Nde, mía funyò abétsiá Paradiso.”

Yesu Lowu

(Mateo 27:45-56; Marko 15:33-41; Yohane 19:28-30)

⁴⁴⁻⁴⁵ Alí bré ánfí ibóbwe fé əpa dódúanyò. Owí leta əsolób amusu féé alu yəfun ntəpwe dəsətò. Owí metrá lın ε. Inu á, tati amóú bəpəká Bulu Otswékpa obu ámutò ilebalí anyò. ⁴⁶ Yesu lókpłbn kóklókúú blí obéé, “Mí Sí, napó mí oné wá fú ibitò.” Olenya blí alí tá pé, əlele oné.

⁴⁷ Bréá isá akápó əhande amu lówun tóá ilaba a, əlekanfó Bulu obéé, “Lélé, əha yilé oyin ánfí gyí.”

⁴⁸ Ahá amóú bulí inu ámu féé bowun tóá ilaba, bəpu awirehə nátí bəyó wóyí. ⁴⁹ Táme amóá bəyin Yesu pó atsi amóú bobuo mu tsú Galilea əmátó ámu besi bulí tsútsúútsú búde itóá ide mısú yó kí.

Yesu Pulá

(Mateo 27:57-61; Marko 15:42-47; Yohane 19:38-42)

⁵⁰⁻⁵¹ Oyin əku létsiá, butetí mu Yosef. Otsú Yuda wúlu kuá butetí mó Arimateatò. Əha yilé ogyí, obú é bu musu. Ibu mótóá əbu əmá ámu asón agyípótò, táme omotsulá dínká amó agywun pó amó bwehé ánfisú. Otsie ogyo Bulu iwíegyí ámu. ⁵² Oyin ánfí lóyò Pilato wá, yókulí mu okpa obéé, osíi Yesu fúli amu ha mu. Pilato léha mu okpa. ⁵³ Inu Yosef léyeyeié Yesu fúli, ələpu əhráda kíklí mu iwí, pó mu yówa əbó kuá mu onutó əleha beda butátó há mu iwí, bomakópúlá əhaa mótó ki. ⁵⁴ Əke ámu igyi Fieda. Əke ámu igyi ogyá ədudáké. Owí inyá tá pé, əkpónú ədaké ámu lafi asi.

⁵⁵ Atsi amóú bobuo mu tsú Galilea amu bobuo Yosef yéki Yesu opulákpá pó alá ələpu fúli amu tswí əbó ámutò. ⁵⁶ Beyinkí yó wóyí yókwε ohuam,

† **23:31** Ní mí ánfí mí asón da okpa ánfí kóráá búdebwe alí á, nkálí Bulu obóbwe ahá aní bəgyi pón mu ansítò? ‡ **23:34** Mótó yée 34 ima nwóló dada amu akotò.

ohién pò ofobí fánfán ání b́p̀p̀ ýkpa Yesu. Botsutsúa abubwe ta á, owí latá, beda okpónú okpónú odaké ámu fé alá Mose Mbla leblí.

24

Yesu Kvsó Tsú Afúlitó

(Mateo 28:1-10; Marko 16:1-8; Yohane 20:1-10)

¹ Kwasiéda, igyi ndawótswító eke gyankpapu bake a, atsi ámu b́kvsó tsú afá ámúú b́kwe yáí ámu yó Yesu ntsán ámu asi. ² Bowun ání bamína ibwi ámúú b́p̀utin ób́ ámu óń ámu lé inu. ³ Mú su bebitíwíé ób́ ámu, táme bumowun Yesu fúli ámu. ⁴ Besi bulí, bude nwuntó bu. Beki a, ayin abanyó aku líi amú wá inu á. Amú atadie de ogyá kpa. ⁵ Ifú lekítá atsi ámu, beda akpawunu pò ansító bun ósulótó. Táme ayin ámu b́fité amú bee, “Ntogyi sò mlídé okiankpapu dunká afúlitó? ⁶ Óma nfi, alakósó! Mlikaun asón ámúú ólebláa mli bréá mliá mnyó mliwu Galilea ómátó ámu. ⁷ Ób́éé, ‘Ilehián ání béle mí, Nyankpósa-Mu-Bi ání há lakpan abwepó. Béda mí mántá oyikpalíhesu. Mú eke sáásí a, nókvsó tsú afúlitó.’ ” ⁸ Inu atsi ámu bekaín Yesu asón ánfisú. ⁹ Beyinkí tsú ntsán ámu asi bebláa sumbí ayópó dúakun ámu pò aha atráhe amúú b́bu inu ámu féé t́á bayówun.

¹⁰ Atsiá b́yó ntsán ámu asi gyí, Magdalayintse Maria, Yohana pò Yakobo mu yin Maria. Amúa atsi akwá b́bu amótó lékla asón ání suná sumbí ayópó ámu. ¹¹ Asón ámu lóbwe sumbí ayópó ámu fé mimlála. Mú su bumáho mósó gyi. ¹² Táme Petro mú lókvsó, tsíi ósri yó ntsán ámu asi. Olobun kpeléki ób́ ámu. Tati ámúú b́p̀p̀ulá Yesu nkole olowun ání ida ífóntó. Oleyinkí yó wóyító, óde nwuntó bu tsú asón ání ilaba anfi iwí.*

Emaus Wúlutó Yó

(Marko 16:12-13)

¹³ Eke ámu kén á, abúopu amu abanyó benatí b́yó wúlu kwá butetí mú Emaustó. Tsú Yerusalem ya inu b́bwe fé máli asienó. ¹⁴ Amú nkole buna bude nkambó gyi tsu asón ámúú ilaba amu iwí. ¹⁵ Bréá bude mótó yó á, Yesu onutó é lóbótu amú, muá amónyó buna. ¹⁶ Bulu létin amú ansí. Mú su bumebi mu. ¹⁷ Yesu léfité amú ób́éé, “Amansu iwí nkambó mliná mlidégýi alí?”

Besi líi tikpa, awireho lekítá amú. ¹⁸ Amótó ókoleá butetí mu Kleopa léfité ób́éé, “Fú nkole gyi ófó Yerusalem wúlutó, fómeyín asón ání ilaba inu nke ánfító?”

¹⁹ Yesu léfité mu ób́éé, “Amansu igyi?”

Bebláa mu bee, “Yesu, Nasaretyin amu iwí asón igyi. Bulu ónósó ótáípó ogyi. Ólóbwe ofúla akp̀nkp̀nti, blí Bulu asón túmisu, Bulu muá anyánpósa féé ansító. ²⁰ Aní Bulu igyi ahapó dehen pò wúlu ahande bapó mu há ahá, bahá mu lowu ipón, dá mu mántá oyikpalíhesu. ²¹ Teki mogyi óhá ání anléki okpa aniaa, óbéha aní Israelfó abégýi iwí ní. Nde eke sáásí ópá asón ání lébá. ²²⁻²³ Ḿá idun kóráá á, anitó atsi aku bayó mu ntsán ámu asi bakiení, táme bumowun mu fúli ámu. Bee, bayówun Bulu-abopu aku babláa amú bee, óbu nkpa. T́á beyinkí bebláa aní lawá aní wánwan. ²⁴ Iní su anitó aku é basrí yó ntsán ámu asi, bayówun mú fé alá atsi ámu beba beblí. Amú é bumowun fúli ámu.”

²⁵ Yesu lébláa amú ób́éé, “Mlímimĺa o! Mli agywun tamayó agyómá ósasú. Nkálí igyi sò mlímóho asón ámúú Bulu ónósó ótáípó amu beblí tswi amu féésó gyi? ²⁶ Mlímeyín mliáa, ilehián ání Kristo, óhá ání Bulu ladá

* **24:12** Mótó yée 12 ima nwóló dada amu akoto.

mu ofúli amu) obówun iwiasin, asa obénya mu numnyam?" 27 Inu Yesu léle mu iwí asón aní bəwanlín wá Bulu ason wanlínhé amoto, tsú Mosesu bətu Bulu onósú atáipú amu féesú así súná amó.

28 Bréá bowie wúlu amoto bayó á, Yesu lóbwe fé odetsoun oyó otine bambá. 29 Táme abúopu amu bebláa mu beε, "Ani sí, owí lapon, di aní wá nde." Mú su Yesu lébaí yó amó wá. 30 Bréá bode ató gyí a, Yesu léle bodobodo ipín, dá Bulu ipán. Múú olebiabía mótó póhá amó. 31 Inonu amó ansísú letitú amó, bebi mu, táme oləfwí sí amó. 32 Inu befité aba beε, "Ansi mehie gyí aní bré amúú ania munya aniná, ode aní asón bláa, ode Bulu ason wanlínhé amu así le súná aní amó?"

33 Bəkusó inonu yínkí ba Yerusalem. Beba a, sumbí ayəpó dúakon amó pú aha tráhe bafia, 34 bódəblí beε, "Lélé, aní Wie lakósó. Alalé iwí əwan súná Simon!"

35 Mú su ahá abanyó amó é beblí tóá bayówun əkpató. Tóá bəpəbí mu gyí bodobodo amóú oleye ha amó amó.

Yesu Iwəwanle Súná Mu Akasípó

(Mateo 28:16-20; Marko 16:14-18; Yohane 20:19-23; Gyumagyihe 1:6-8)

36 Ahá abanyó amó bəbu mósú budətóí alí á, Yesu onutó léba belí amó nsiné. Oləblí əbéε, "Iwí ilwíi mlí."†

37 Opúni letsíí amó, bəwan. Iləbwe amó fé fúli bədewúun. 38 Inu Yesu léfité amó əbéε, "Ntogyi só mlidé ifú nya, mlidé nwéεn gyí mlí klontó alí? 39 Mlíki mí ibí, amlíki mí ayabiasí. Megyí mí onutó ní? Mlíki mí amlíki. Fúli má əyulúv móa awú fé alíá mbu."

40 Bréá oləblí asón anfi tá á, ələpu mu ibí pú mu ayabí súná amó. 41 Ansi ləhie gyí amó, asón amó é lówa amó wánwan. Mú su bəmohogyi aní lélé mu ní. Inu oləfité amó əbéε, "Mlíbu atogyihe ko nfi?" 42 Beha mu iye təhé itin ko, 43 oləhə mú, wí mú amó ansító inu.

44 Inu oləbláa amó əbéε, "Iní gyí asón aní nebláa mlí bréá mbu mlí wá ní. Nebláa mlí mbéε, ilehián aní mí iwí asón kugyíkəvá bəwanlín wá Mose Mbla, Bulu onósú atáipú nwló pú Israelfə ilə əwlótó fée béba mótó."

45 Inu olobwíí amó agywan, méní bónu Bulu ason wanlínhé amu así. 46 Oləbláa amó əbéε, "Bəwanlín tswí beε, Kristo, (əhá amóú Bulu ladá mu ofúli amu) amu obówun iwiasin, wú. Bulu əbókəśóva mu mú eke sáásí tsú afúlitó. 47 Mú əma a, ahá bəda Bulu ason wankláán amu əkan mí idátó há əmá fée beε budámli klontó, fékí Bulu obési amó lakpan kíé amó. Béfi mú así tsú Yerusalem. 48 Mlgyí mí adansífə há asón anfi ní. 49 Nəpu Əhe Wankíhé amóú mí Sí ləhie yáí há mlí amó sísí mlí. Mú su mltsia wúlu anfito alu yəfən ekeá Əhe Wankíhé amu obótsu əśósó bá beha mlí túmi."

Yesu Əśósó Yə

(Marko 16:19-20; Gyumagyihe 1:9-11)

50 Bréá Yesu léblí asón anfi tá á, əlekpa amó dáli, bəyə Betania wúlutó. Inu olotsu ibí fúá, yúlá amó. 51 Bréá əde amó yulá á, mva amónyə nsiné lówa ifə wa bí, Bulu lótsu mu ya əśósó. 52 Inu bəda akpawunu súm mu, bəpu ansigyí kənkəntí yínkí yétsiá Yerusalem. 53 Betsiá yó Bulu ətswékpa inu brégyíbré, yékanfó Bulu.

† 24:36 Oləblí əbéε, "Iwí ilwíi mlí." uma nwló dáda amu akoto.

Asun Wanklaán Aní Yohane Lówanlín

1 Asa oyi lebelun a, Asón ámu bu unv. Asón ámu mva Bulu bu unv. Asón ámu gyí Bulu.

Asón Aní Itehá Nkpa

2 Asón ámu mva Bulu bu unv asa oyi lebelun. 3 Músú Bulu lótsun bwe tógyító. Tótótó má unvá Bulu lóbwε tson mu oma. 4 Mótó nkpa itsú. Nkpa ámu tópu wanki ba ahá fée ní. 5 Wanki anfi tówánkí oklúntó, táme oklún mókógyi músú ki.

6 Bulu lówa oyin okvá botetí mu Yohane* sísí. 7 Oeiba bebláa ahá wanki amu iwí asón, méní ahá fée bóhó asón ámusu gyi. 8 Megyí Yohane onutó gyí wanki amu. Mu mó wanki amu iwí asón oieba bebláa ahá. 9 Ohá ámuó ogyi wanki onutó, otówánkí há ohagyíoha amu obá oytó.

10 Obu oyi ánfító. Músú Bulu lótsun bwe oyi, táme oyi ánfító atsiápó bumebu mu. 11 Oieba mu onutó omátó, táme mu pi bumóhó mu. 12 Táme oieha ahá aní bóhó mu, hó mu gyi fée okpa aní bobwée Bulu abí. 13 Amó Bulu abí bwe motsú líntó, ntée nyankpósa apébwεtó, ntée oyin otówí okpasu. Mboún Bulu onutó lóbwε amó mu abí.

14 Asón ámu lébemlí nyankpósa, oletsíá anító. Awítale pú onokwali sónn létsíá mótó. Anilówun mu numnyam. Mu Si lówa mu numnyam amu, tsúfée Obí okokónú okole pé ogyi há mu.

15 Yohane léle mu súná, tsi tsú mu iwí obée, “Oni iwí asón neblí mbée, ‘Ohá ámuó obu mu obá ámu dun mi, tsúfée obu unv asa bokwí mí’ ” ní.

16 Mu awítale itsó. Iní só oie awítale tsotsótsó anfi wa há aní fée ní. 17 Mosesu Bulu mbla ámu ná oieba, táme onokwali móa awítale mó ina aní Wíe Yesu Kristosu oieba. 18 Ohaa mókówun Bulu ki. Obí okokónú okole pé, mu onutó ogyi Bulu, otsie Osi ámu gyópisu, Osi ámu teshé kle mu asón ámu, nkole labláa aní alhá Bulu gyí.

Asú Obópó Yohane Bulu Asón Okanda

(Mateo 3:1-12; Marko 1:1-8; Luka 3:1-18)

19-20 Yudafó ahande aní bobu Yerusalem bowa Bulu igyí ahapó pú Lewifó Yohane wá beε buyéfité mu beε, ma ogyi? Yohane mési asoansu njáin amó. Oiele bláa amó obée, “Megyí mígyí Kristo, (ohá ámuó Bulu ladá mu ofúli amu).” 21 Befité mu beε, “Mómú fógýí ma? Fógýí Elia?”

Oiele mú onó obée, “Megyí mígyí Elia.”

Betrá fité mu beε, “Fógýí Bulu onósó otóipó amú obéba amu?”

Oiele mú onó obée, “O-o.”

22 Múó befité mu beε, “Ma fohíé fogyi? Bla aní, méní abéyébláa ahá ámuó bowa aní ámu. Nkálí fúdeblí tsú fú onutó iwí?”

23 Yohane lópu asón aní Bulu onósó otóipó Yesaia léblí tswí lé mú onó obée, “Mígyí ohá ámuó oieklplón dimbísú obée,

‘Mlitswii aní Wíe ikpa ámu ha mu’ amu ní.”

24-25 Inu Farisifó akvá bowa Yohane wá é befité mu beε, “Ní megyí fógýí Kristo amu, megyí fógýí Elia ntée Bulu Onósó Otóipó amú obéba amu é á, ntogyi só fude ahá asú bó?” 26 Yohane léle mú onó obée, “Ntsu ndepubó ahá

* 1:6 Asú Obópó Yohane

asú, táme zha zku bu mlito nfi, mliméyín mu. ²⁷ Mubgyi zhá ání obuo mi zba ní. Mmáfon ání nésankí mu ntokota zfé kpán.”

²⁸ Asón áñfi fée léba Yordan ntsu zbin Betania wúluto. Inú Yohane létsiá bó ahá asú ní.

Bulu Okúfabi

²⁹ Zyi kehe a, Yohane lówun áni Yesu ná zba mu wá. Mú zlebláa ahá ámu zbéé, “Mliki, Bulu Okúfabi amu zba á. Músó Bulu tatsun sí zytó ahá lakpan kíe amú ní! ³⁰ Mu iwí asón neblí mbéé, ‘Zku buo mi zba. Zdon mi, tsúfée zbu inu asa bawkwí mí’ ní. ³¹ Mí onutó mmeyín mu, táme neba nde ahá asú bó, ménì Israelfo bébi zhá áni ogyi.”

³² Yohane léblí zbéé, “Nowun Zhe Wankíhé amu, zlekplí tsú zósús fée abróduma bogyonká musu. ³³ Mí onutó mmeyín mu, táme Bulu lówa mí zbéé mbá bapv ntsu bó ahá asú. Múlébláa mi zbéé, ‘Zhá ámú fówun Zhe Wankíhé amu zlékplí tsú zósús bogyonká musu ámu zópu Zhe Wankíhé amu bó ahá asú ní.’ ³⁴ Nawun áni ilaba mótó. Mú so nde mu iwí adánsie gyí mbéé, muggy Bulu mu Bi ámu ní.”

Yesu Akasípó Agyankpapv

³⁵ Mú zyi kehe a, Yohane mva mu akasípó abanyó besankí ba inu. ³⁶ Bréá Yohane lówun Yesu détsóun a, zleblí zbéé, “Mliki, Bulu Okúfabi amu ná inu á.”

³⁷ Akasípó abanyó ámu bonu asón áñfi. Mú so bekplá buo Yesu. ³⁸ Yesu lédamlí kí wun áni bobuo mu. Mú zlefíté amú zbéé, “Nto mlidédunká?”

Befíté mu beé, “Osunápó, nkónu futsie?”

³⁹ Yesu léle mú zno zbéé, “Mluba beki.” Mú so ayin abanyó ámu bobuo Yesu yéki mu otsiákpá. Ibówwe fée ntópwe donato. Betsiá mu wá tá owí.

⁴⁰ Ayin ámú bonu asón áni Yohane léblí tsú Yesu iwí, bekplá buo Yesu amuto zku gyí Simon Petro mu pio Andrea. ⁴¹ Mú zma a, ito gyankpapvá Andrea lóbwe gyí, oloyódunká mu pio Simon, bláa mu zbéé, “Anilawun Mesia.” (Mú asi gyí, “Kristo”, zhá ámú Bulu ladá mu ofúli amu.)[†] ⁴² Inu zlekpa Simon ba Yesu wá.

Yesu léki mu díin, zleblí zbéé, “Fúgyi Yohane mu bi Simon ní. Tsú nde poya a, bétí fó Kefa.” (Griiki zblíto “Petro.” Mú asi gyí, “Botá.”)

Filipo Mva Nataniel Ti

⁴³ Zyi kehe a, Yesu lóbwe zbéé mýo Galilea zmató, olowun Filipino. Mú zlebláa Filipino zbéé, “Buo mi.” ⁴⁴ Filipino otsú Betsaida, Andrea mva Petro wúluto. ⁴⁵ Filipino lówun Nataniel, zlebláa mu zbéé, “Anilawun oyin ámú Mose lówanlín mu iwí asón wá Bulu mbla ámuto, Bulu zno zó atóipú amu é bowanlín mu iwí asón ámu. Mu dá gyí Yesu. Mu sí gyí Yosef, otsú Nasaret wúluto.”

⁴⁶ Nataniel léfíté mu zbéé, “Itó yilé ku bétalí dalí tsu Nasaret wúluto?”

Filipo lébláa mu zbéé, “Ba afubeki.”

⁴⁷ Bréá Yesu lówun Nataniel zba mu wá á, zleblí zbéé, “Israelyin onutónutó ní. Afunu koku ma mto.”

⁴⁸ Nataniel léfíté Yesu zbéé, “Nkálí lóbwe febi mí?”

Yesu léle mú zno zbéé, “Nowun fu bréá fubu pಂತo-oyí ámu asi inu, asa Filipino lébetí fó.”

⁴⁹ Nataniel lébláa mu zbéé, “Osunápó, fúgyi Bulu mu Bi Israel Owie amu ní.”

[†] 1:41 Kristo igyi Griiki zblí, Mesia é igyi Hebri zblí.

⁵⁰ Yesu lébláa mu óbée, “Alí amó nabláa fu mbée, nowun fu pònto-oyí amu así amu su fahogyi? Fówun ofúla ání idon íni.” ⁵¹ Yesu létrá bláa mu óbée, “Ónòkwali nde mli bláa, mlówun ání ósósú lafinkí, Bulu-abòpu bude ósósú yò yínkí bá Nyankpusa-Mu-Bi ámusu.”

2

Okátsiá Kana Wúluto

¹ Eke sáásí a, betsiá oká Kana wúlu ání ibu Galilea omátó. Yesu mu yin bu inu. ² Beti Yesu mua mu akasípú é mú así. ³ Bréá amó ntá leta á, Yesu mu yin lébláa mu óbée, “Botráa buma ntá.”

⁴ Yesu lébláa mu óbée, “Amó yín, yée megyí mí asón igyi o! Mí bré makónyá fun.”

⁵ Mu yin lébláa wóyí ámutò asúmpú óbée, “Mlibwe dínka asóngyiasón ání óbéláa mliwu.”

⁶ Yudafò butòfwí iwí amó amándíé okpasu. Mú su bəpu awondu akpənkpənkpənti asie yáí wóyí ámutò. ⁷ Yesu lébláa inu asúmpú amu óbée, “Mli sa ntsu bula awondu ámu fée.” Lélé besa. ⁸ Inu ólebláa amó óbée, “Mli sa iku ya nkesu okipu amu.” Besa ya mu. ⁹ Óleda mú onó á, uladámli bwé ntá. Omeyín otínéá benya ntá ámu tsú. (Táme asúmpú amu mú buyin.) Inu óletí oká otsiápu amu ya itsétó, ¹⁰ ólebláa mu óbée, “Nta wankláán ohagyíoha tegyankpá yáí. Ní bonu mú tá asa butəpú múá ima ale ba. Táme fú mú fapú wankláán ámu yáí bəfun séi.”

¹¹ Iní gyí osúna gyankpapu ání Yesu lóbwe ní. Ólóbwe mú Kana ání ibu Galilea omátó, pólé mu numnyam owan. Uleha mu akasípú bəhə mu gyi.

¹² Iní oma a, Yesu mua mu yin, mu apíó pú mu akasípú bəyə Kapernaum wúluto, yétsiá inu nke kpalobí.

Yesu Bulu Ótswékpa Yə

(Mateo 21:12-13; Marko 11:15-17; Luka 19:45-46)

¹³ Bréá nkeá Yudafò bəpəgyi Israelfəsu Katsən Nke lowie wóyí tá á, Yesu lódu yó Yerusalem. ¹⁴ Óləyə Bulu ótswékpa amu wunsinésó yówun ání ahá bude nnantswie, akúfa pú abródoma fə. Olowun aku é butsiə mpúnóasí bude kóba tsée. ¹⁵ Inu ólóbwe mli, wíé amótó, gyáa amóa mbwí ámu fée dáli. Olowutá kóba atsépu amu mpúnó dá, dá amó kóba sáín. ¹⁶ Múó ólebláa abródoma afəpú ámu óbée, “Mlié amó nfi! Mlimápu mí Sí wóyító bwé mli ibiá ogyíkpa.” ¹⁷ Iníá ileba ali su á, mu akasípú amu bəkaín Bulu asən wanlínhé anfiso. “Fú osúmkpá amu asón ihíé igyi mí asənbogya.”

¹⁸ Yudafò ahande amu beba Yesu wá bəfité mu bee, “Osúna məmu fóbwe púsúná aní ání Bulu túmitó fóde íni bwe?”

¹⁹ Yesu lébláa amó óbée, “Mlibwie Bulu ótswékpa anfi, nópu nkensá yí mú.”

²⁰ Yudafò ahande amu bebláa mu bee, “Nfi advana-sie kéké bəpuyi obu anfi. Mú fú mú fəe, fəpu nkensá yí mú?”

²¹ Táme mu nyankpusa-oyí iwí asón ódeblí, megyí Bulu ótswékpa amu.

²² Bréá Bulu lókusóda mu tsú afúlitó oma a, mu akasípú amu bəkaín ání óleblí asón anfi. Mú su bəhə Bulu asón pú Yesu asən blíhé ámusu gyi.

Yesu Yin Nyankpusa Klúntə

²³ Yesu lóbwe osúna tsətsətsə Israelfəsu Katsən Nke ámutò bréá əbu Yerusalem, ahá tsətsətsə bowun. Mú su bəhə mu gyi. ²⁴ Táme Yesu mópú ansí dínká amósú, tsúfə oyin alíá amó fée bogyi. ²⁵ Mehián ání ohaa óbéláa mu oha iwí asón, tsúfə mu onutó oyin asón ání ibu nyankpusa klúntə.

3

Yesu Mva Nikodemo

¹ Yudafɔ ɔhandɛ ɔku létsiá, butetí mu Nikodemo. Farisiyin ogyi. ² Ɖleba Yesu wá eke ɔku onyé bebláa mu ɔbéɛ, “Osunápú, aniyin ání Bulu lówa fú sísí fɛ ató osunápú. Tsúfɛ ɔhaa méetalí bwé osúna anfi fúdebwɛ ánti, ní Bulu móbúo mu.”

³ Yesu léle mú ɔnó ɔbéɛ, “Ɖnɔkwali nde fú bláa, ɔhaa méetalí nyá Bulu ogyi iwíe musu, nkéti balákwíi mu.”

⁴ Nikodemo léfité mu ɔbéɛ, “Nkálí bɛlakwíi ɔhá ání aladan? Ɖbétalí sánkí wíé mu yin iputo, ɔbɛlakwíi mu?”

⁵ Yesu léle mú ɔnó ɔbéɛ, “Ɖnɔkwali nde fú bláa. Ní bumelakwíi ɔku tson ntsu móa Ɖɛ Wankihétó á, ɔméetalí wíé Bulu iwíegyi ámuto. ⁶ Ɖyolúo nkpa itsú nyankpusato, ɔhétó klé é itsú Bulu Ɖhétó. ⁷ Mú su máha mú iwa fú wánwan ání nabláa fu mbéɛ, ilehián ání bɛlakwíi mli. ⁸ Afú tɔtsɔn yɔ ɔtínéá ideklé. Fotonú mú nka, táme fomeyín ɔtínéá itsú pú ɔtínéá iyó. Alí kén igyi há ɔhagyíɔha ání bakwíi mu tsú Ɖhɛ ámuto ní.”*

⁹ Nikodemo léfité mu ɔbéɛ, “Ngya nto asón ní?”

¹⁰ Yesu léle mú ɔnó ɔbéɛ, “Israelfɔ osunápú yilé fúgyi, mú fɛɛ fomakónú asón ánti así? ¹¹ Ɖnɔkwali nde fú bláa. Tóá aniyin iwí anidétóí tsú, tóá anlawun é iwí anidé adánsiɛ gyí, táme mlutamahɔ aní asón ámu. ¹² Ní nebláa mli tóá ide mósú yɔ ɔyi ántiɔ, mli móhogyi a, nkálí ibóbwe nebláa mli tóá ide mósú yɔ ɔsúsú mboun mlóhogyi? ¹³ Ɖhaa mókódú yó ɔsúsú inu ki, nkéti Nyankpusa-Mu-Bi ámú olotsu inu ba amu.

¹⁴ “Alí ámú Mose lɔpu kɔɔbrí iwɔ síán oyísú, tsú mú líi dimbísó inu ámu a, alí kén ilehián ání bɛda Nyankpusa-Mu-Bi ámu mánta oyísú, tsú mú líi, † ¹⁵ méní ɔhagyíɔha ání ɔlɔhɔ mu gyi obénya nkpa ání itamatá ní. ¹⁶ Tsúfɛ dwé Bulu léhiɛ dwé anyánpúsa. Mú su ɔlɔpu mu Bi ɔkukónú ɔkole pé ámu há, méní ɔhagyíɔha ání ɔlɔhɔ mu gyi omóowu, mboun obénya nkpa ání itamatá. ¹⁷ Bulu mɔpu mu Bi ámu sísí ɔyi ántiɔ ɔbéɛ, ɔbá begyi ahá asón, ɔha ahá ipón, mboun ɔbéɛ, ɔbá bɔhɔ ahá nkpa.

¹⁸ “Ɖhá ání ɔlɔhɔ mu Bi ámu gyi lagiy asu. Ɖhá ání ɔmɔhɔ mu Bi ámu gyi a, Bulu lahá mu ipón dodo, tsúfɛ ɔmɔhɔ mu Bi ɔkole pé ámu gyi. ¹⁹ Alíá ɔbéha ipón ámu gyí, wanki amu laba ɔyító, táme ahá bɔdwe oklún dun wanki amu, tsúfɛ lalahɛ abwɛpú bugyi. ²⁰ Ɖhagyíɔha ání ɔtɔbwé lalahɛ tolú wanki amu. Ɖtamakpókpe mantáa mú, tsúfɛ ɔde ifú nya ání mu bwéhé béliɔ wan. ²¹ Táme ɔhá ání ɔtɔbwé yilé tehá wanki amu tɔwánkí wólí musu, méní ahá bówun ání Bulu apɛ ɔdebwɛ.”

Yesu Mva Asú Ɖbɔpó Yohane

²² Iní ɔma a, Yesu mva mu akasípú bɛdalí Yerusalem yó Yudea ɔmátó. Betsiá inu kpalobí, oletsíá bɔ ahá asú. ²³ Alí bré ámuto á, Yohane é dé ahá asú bɔ Aenon nsáuntó, mantáa Salim wúlu. Tsúfɛ ntsu dada nsiné inu. Ahá betsíá yó mu wá, oletsíá bɔ amú asú. ²⁴ (Bumakónyá kítá Yohane tswí obu alí bré ámuto.)

²⁵ Iwiyɔrɔra iwí nwéngyi ku leba Yohane akasípú pú Yudayin ɔku nsiné. ²⁶ Inu Yohane akasípú bɔyɔ mu wá yébláa mu bɛɛ, “Osunápú, yéɛ fakáin oyin ámú fúa mɔnyɔ mli létsiá Yordan bunkpá ɔbin, fegyí mu iwí adánsiɛ wankláan ámusu? Ɖde ahá asú bɔ, ahá fɛé bude mu wá yɔ.”

* **3:8** Ɖhɛ móa afú lɛhan aba Griiki ɔblító. † **3:14** Mu oyikpalihɛsu síán iwí asón ɔdeblí.

27 Yohane léle mú onó obéé, “Ohaa méetalí bwé tótó, nkéti Bulu lahá mu okpa. 28 Mli onutó mlétali gyi mi adánsie áni nebláa mli mbéé, ‘Megyí mígyí Kristo amu, táme Bulu lówa mí gya mu nkpa.’ ” 29 Inu oléha amú yébi obéé, “Oká otsiápu bú mu ka. Oká otsiápu amu mu nyawie é tetsiá oká otsiákpá mu, méni ansí bégyi mu ní onú mu nyawie amu omé. Alí kén ansí de mí gyí séi ní. 30 Mí atómabi béta wíé mu kletó.”

Jhá Aní Olotsu Osósó Ba

31 Jhá ámúú otsú osósó ámu don ohagyíoha. Jhá áni otsú osólósu é gyí osólósu oha. Osólósu asón oteblí, táme ohá áni otsú osósó don ohagyíoha. 32 Otegyi tóá alawun pú tóá alanú iwí adánsie, ohaa tamahó mu asón blíhé. 33 Táme ohagyíoha áni olóhó mu asón blíhésu gyi dé mósó si áni Bulu asón igyi onokwali. 34 Jhá ámúú Bulu lówa ámu telé Bulu asón blí, tsufé Bulu tápó Jhé ámu bólá mótó. 35 Osí ámu tódwé mu Bi ámu, alapó túmi fée wá mu ibitó. 36 Ohagyíoha áni olóhó mu Bi ámu gyi bu nkpa áni itamatá. Ohagyíoha áni omóhó mu gyi má nkpa áni itamatá. Bulu isubití é idin musu.

4

Yesu Mva Samariayintse Oku

1 Farisifo bonu áni Yesu dé abúopu nya, bó amú asú don Yohane. 2 (Táme megyí Yesu onutó dé amú bə. Mu akasípú dé amú bə.) 3 Bréá Yesu lébi áni Farisifo ámu banú asón ánfí á, alədali Yudea omátó yínki yó Galilea omátó.

4 Táme lehián áni obótsun Samariafo osólósu.

5 Yesu lóyówie Sikar áni igyi Samaria wúlu kutó. Wúlu anfi bu mantáa osólósu kwá Yakob lópohá mu bi Yosef bímbí ámu. 6 Inó Yakob ibún bu ni. Okpa ámu bu ífó. Mú su Yesu lótsutsúa obowie inu á, ilapián mu. Mú su oletsíá ibún ámu asi. Alí bré ámútó á, ilabwé fé opawísú.

7 Inu á, Samariayintse oku léba ntsu osakpá. Yesu lókolí mu obéé, “Nobwíi ipa, ha mí ntsu annu.” 8 Alí bré ámútó á, Yesu akasípú bəyó wúluto yóhə atogyihe.

9 Yudafó botamapó ibi da Samariafo nwe núu ntsu. Mú su otsi ámu léfité Yesu obéé, “Yudayin fogyi, mí é Samariayintse ngyi. Nkálí igyi só fude mí ntsu kolí?”

10 Yesu léle mú onó obéé, “Ní fuyin Bulu atokiehé pú ohá áni ode fú ntsu kolí á, teki fókólí mu, obéha fú ntsu áni itehá nkpa.”

11 Otsi ámu lébláa mu obéé, “Ani sí, fumedé ofé, ibún ánfito é bu oklú. Nkónu fénya ntsu áni itehá nkpa? 12 Fódun ani náin Yakob áni olokwi ibún ánfí há ani, mva mu abí pú amú mbwí bonu ntsu mótó?”

13 Yesu léle mú onó obéé, “Omewóli bélakitá ohagyíoha áni otonu ibún ánfito ntsu. 14 Táme ohagyíoha áni obónu ntsuá néha mu a, omewóli méetrá kitá mu ekekeke. Ntsu ámúú néha mu amu íbédamli ntsu owíkpa mótó áni íbélín ha nkpa áni itamatá.”

15 Otsi ámu lébláa mu obéé, “Ani sí, ha mí ntsu ánfí ku, méni omewóli méetrá kitá mí, mméetrá ba nfi é besa ntsu.”

16 Yesu lébláa mu obéé, “Yeti fú kúlu amliba.”

17 Otsi ámu léle mú onó obéé, “Mma okúlu.”

Yesu lébláa mu obéé, “Onokwali igyi fablí áni fuma okúlu. 18 Tsufé fatsiá akúlu tse nu ki. Mégyí fú kúlu gyí oyin ámúú fúa munyó mliná séi ámu é. Fawá onokwali.”

19 Móbú ɔtsi ámu lébláa mu ɔbéé, “Ani sí, nawun áni Bulu ɔnósó ɔɔ́pú fɔgyi. 20 Ani anáin Samariafɔ bosum Bulu ibu ánfisu, táme mli Yudafɔ mó mlíaa Yerusalem kóún lehián áni ɔhagyíɔha obósum Bulu.”

21 Yesu lébláa mu ɔbéé, “Ɔtsi, hɔ mí asón ánfisu gyi. Bré ku béba áni ahá bumétrá súm Ɔsí ámu ibu ánfisu ntée Yerusalem. 22 Mli Samariafɔ mliméyín ɔhá áni mlidésu. Ani Yudafɔ mó anyin ɔhá áni anidésu, tsúfɛ Yudafɔsu ina nkpa hɔ́ ɔ́ba ɔ́yító. 23 Bré íbá, ílafon ta áni Bulu asúmpú anɔkwaliɔ bosum Ɔsí ámu ɔ́hétó pú ɔnɔkwaliɔ. Tsúfɛ ahá ánfɔ odu Ɔsí ámu dédunká ɔbéé busúm mu ni. 24 Ɔ́hɛ Bulu gyi. Mó su ilehián áni ahá áni botosúm mu bósu mu ɔ́hétó pú ɔnɔkwaliɔ.”

25 Ɔtsi ámu lébláa mu ɔbéé, “Nyin áni Mesia*, (ɔhá ámu Bulu ladá mu ofúli amu) ɔbéba. Ní ɔbá á, ɔbéle asóngyiasón asi súná aní.”

26 Móbú Yesu lébláa mu ɔbéé, “Mí ánfɔ nde fú asón bláa ánfɔ gyi Kristo amu ni.”

27 Inu akasípú amu besankí tsú wúluto ba bɔtu amú. Ilɔwa amú wánwan áni bawun Yesu mɔa ɔtsi bulí budeɔ́. Táme amótó ɔkuku métalí fité ɔbéé, “Ntɔ fudedunká tsú mu wá, ntée ntogyi só fɔa ɔtsi ámu mlidétó?”

28 Ɔtsi ámu lési mu ɔ́s yáí inu, yínkí yó wúluto yébláa ahá ɔbéé, 29 “Mliba amlibekí oyin ɔkwá alabláa mi tóá nabwé kí fɛ́é. Mlilahogyi mlíaa, megýi Kristo amu ni?” 30 Mó su ahá bɛdali tsu wúlu amɔ́tɔ bekí Yesu.

31 Ali bré amɔ́tɔ á, mu akasípú ámu bude mu kokóli bɛɛ, ogyíi ató.

32 Táme ɔlébláa amú ɔbéé, “Mbu tóá négyi, mliméyín mó iwí kɔkɔkɔ.”

33 Mó su akasípú amu bɛfité aba bɛɛ, “Ntée ɔku labɛha mu tɔku alagýi?”

34 Yesu lébláa amú ɔbéé, “Mí atogyihɛ gyí áni nóbwe tóá ɔhá ámu ɔlɔwa mí sísí ámu ɔbéé mbwéé, ammó mó ɔ́n. 35 Yéé mliteblí mlíaa, ‘Tsra ana pé lasí ayó tɔ́nbí bɔ́fon?’ Táme nde mli bláa mbéé, mlitsu ansí kí adɔ́bú amɔ́tɔ, ayó ámu ílablɔ fon tɔ́n. 36 Bude mu atɔ́npu akɔ́ ka dodo. Bude mó tɔ́n yáí há nkpa áni ítamata. Mó su ansí bégýi adupó móa atɔ́npu amu fɛ́é ekewóle. 37 Mó su ɔnɔkwali igýi bɔteblí bɛɛ, ‘Ɔku todú, ɔku é tetin.’ 38 Nɔ́wa mli mbéé mlíyétin ayóá mlimóyɔ mó odukpá. Aha bambá lóyɔ mó iwí agyómá, ílawá labi há mli.”

39 Samariafɔá bɔbu wúlu amɔ́tɔ tsɔtsɔtsɔ bɔ́hɔ Yesu gyi, adánsi ámu ɔtsi ámu légyi suná amú ɔbéé, “Alabláa mi tógyítá nabwé mí nkpatɔ fɛ́é” ámu su. 40 Iní su bréá beba Yesu wá á, bokokóli mu bɛɛ, ɔtsiá amú wá. Yesu létsiá inu nkenyó.

41 Yesu asun blíhé su Samariafɔ ámu tsɔtsɔtsɔ é belahɔ mu gyi. 42 Bebláa ɔtsi ámu bɛɛ, “Megýi fú asón ámu só anlétrá hɔ mu gyi ngya o. Ani onutó anlanú, anilawun áni lélé oyin ánfɔ gyí ɔ́yító Nkpa Ɔ́hɔ́pú amu ni.”

Jhände Ɔku Mu Bi Ilo Tsa

43 Nkenyó ámu ɔ́ma a, Yesu lénatí yó Galilea ɔmátó. 44 (Tsúfɛ mu onutó olowun blí ɔbéé, “Bɔtamabú Bulu ɔnósó ɔɔ́pú mu onutó ɔmátó.”) 45 Bréá olowie Galilea a, inu fɔ́ bɔ́hɔ mu atúu, tsúfɛ amú onutó bɔyɔ Yerusalem Yudafɔsu Katsɔn Nke ámu ogyíkpa. Mó su bowun tóá ɔ́bwe inu fɛ́é.

46 Yesu létrá yínkí yó Galilea ɔmátó, Kana wúluto, ɔ́tíné ámu ɔ́ledamli ntsu bwé ntá ámu. Ɔ́má jhände ɔku tsie Kapernaum wúluto. Ɔ́bu obi yínhé ɔkwá ɔ́da ɔ́delo. 47 Bréá jhände amu lónu áni Yesu latsú Yudea ba Galilea a, olegya mu ɔ́kpa yókókóli mu ɔbéé, mu bi yínhé lawú tá, ɔ́kplí ba Kapernaum, ɔ́betsa mu ílɔ ha mu. 48 Yesu lébláa mu ɔbéé, “Mó su ní mlimókówwun osúna a, mlimóhɔ mu gyi ekékéeké?”

* 4:25 Griikifó tétí Mesia bɛɛ Kristo.

49 Ǫmá ǵhande amu lébláa mu ǵbéé, “Owíé! Ní aní ayabi mǵwa ǵsa á, kebi ámu obówu.”

50 Yesu lébláa mu ǵbéé, “Yǵ! Fǵ bí ámu obénya nkpa!”

Oyin ámu lǵhǵ asón ámuǵ Yesu lébláa mu amǵsu gyi, oleyinkí ǵyǵ wǵyí. 51 Bréá ǵyǵ á, mu asúmpǵ beba befia mu, bláa mu beé, “Fǵ bí ámu lanyá nkpa.”

52 Inu ǵlefíté amǵ bréá iwí lǵwa mu bi ámu ǵnlun. Bebláa mu beé, “Owísǵ ámu lési mu ígye ǵpa ǵǵ-kuleta.” 53 Inu á, ǵlekainí aní alí bré ámuǵ kén Yesu lébláa mu ǵbéé, mu bi ámu obénya nkpa ní. Iní su muǵa mu wǵyítǵfǵ féé bǵhǵ Yesu gyi.

54 Iní gyí osúna nyǵǵsía Yesu lǵbwe bréá olotsu Yudea ba Galilea ní.

5

Tsukole Osinpu Ǫku Ilo Tsa

1 Asón anfi ǵma a, Yesu lǵǵu yǵ Yerusalem Yudaǵ Bulusúm nke kv ogyíkpá. 2 Bǵpwe buntíi wá wǵlu amu. Bokwi ibún kv mantáa buntíi amu ǵkpa ǵnǵ kuá botetí mú Akúfa Ǫtsúnkpa. Botetí ibún ámu Betesda Hebrí ǵblítǵ. Beyi mbu anu bómlí mú. 3-4 Alǵpu tsǵtsǵtsǵ bǵbun ibún ámu así mbu ánfítǵ. Amǵtǵ aku bǵgyi ansibi abwiepǵ, abǵ pǵ tsukole asínpu.* 5 Oyin ǵkuá alasin tsukole nfi advasa-kwe (38) kéké da inu. 6 Bréá Yesu lǵwun mu a, olowun aní alalǵ, dí inu wá ǵpá. Mú su ǵlefíté mu ǵbéé, “Fǵdeklé féé iwí iwá fǵ ǵnlun?”

7 Tsukole osínpu amu léle mú ǵnǵ ǵbéé, “Owíé, ní bowúli ntsu ámuǵ á, mma ǵhá aní obótsu mí wá mútǵ. Nóttsúsía ambǵbwe á, ǵku lagyankpá wíé mútǵ dodo.”

8 Yesu lébláa mu ǵbéé, “Kusǵ! Tsu fǵ ǵklan, afǵnati!” 9 Inuǵǵǵu oyin ámu iwí lǵwa mu ǵnlun, ǵǵkǵsǵ tsu mu ǵklan, wá nati bi.

Alí eke ámu igyi Yudaǵ Ǫkǵnǵ Ǫdaké. 10 Mú su Yudaǵ ahande beka oyin ámuǵ Yesu latsá mu ilo ámu ansítǵ, blí beé, “Nde igyi Ǫkǵnǵ Ǫdaké. Aní mbla meha ǵkpa aní fǵsǵrá fǵ ǵklan.”

11 Ǫlebláa amǵ ǵbéé, “Ǫhá ámuǵ ǵletsa mí ilo ámu lébláa mí ǵbéé, ‘Tsu fǵ ǵklan, afǵnati.’ ”

12 Mú su befité mu beé, “Ma lébláa fu ǵbéé, fǵtsúu fǵ ǵklan afǵnati?”

13 Oyin ámu mébi ǵhá aní ǵletsa mu ilo, tsúfé ahá buhíé bǵtsǵ inu, Yesu lǵfwí wá amǵtǵ.

14 Ǫma a, Yesu lǵyǵwun mu Bulu ǵtswékpa inu. Múǵ ǵlebláa mu ǵbéé, “Yéé fawun aní iwí lawá fǵ ǵnlun. Mátrá bwe lakpan, méní múǵ idun iní méeba fǵsu.”

15 Oyin ámu léyébláa Yudaǵ ahande amu ǵbéé, Yesu létsa mu ilo. 16 Iná Yesu dé ntobí anfi odu bwe ǵkǵnǵ ǵdaké su á, Yudaǵ ahande amu bǵwa mu kpekpeé bi. 17 Táme Yesu lébláa amǵ ǵbéé, “Mí Sí mǵkǵsí agyǵmá yǵ. Mú su mí é mmǵkǵsí.”

18 Mu ason blíhé anfi su á, Yudaǵ ahande amu bekle aní bómu mu ǵkpagyǵkpasu. Tsúfé megyí ǵkǵnǵ ǵdaké mbla ámu nkule túǵn su, mbouǵn ǵleblí ǵbéé, mu sí gyí Bulu, ilosuná aní muǵa Bulunyǵ bǵgyi kékéé.

Bulu Téhd Mu Bi Amu Túmi

19 Yesu léle mú ǵnǵ ǵbéé, “Ǫnǵkwali nde mli bláa. Mí Bulu mu Bi anfi onutǵ mméetalí bwé tǵtǵ mí iwísu. Tǵá nowun aní mí Sí débwe á, mú ntǵbwé. 20 Tsúfé mí Sí tǵdwé mí, otosuná mí itǵá mu onutǵ ǵdebwe féé. Inn!

* 5:3-4 Mótǵ yéé 4 bu nwlǵ dáda amu akotǵ: Ibo nu bu inu á, Bulu-ǵbǵpu tobowullí ntsu ámuǵ. Inu su bǵtsie inu bǵgyo mu. Tsúfé ní ǵhá bowullí mú á, fǵá fegyankpá wíé mútǵ á, futenyá ilotsá.

l̄b̄owa mli wánwan ání obósuná mí móbá id̄on alí. ²¹ Alí á múbú mí Sí Sí t̄okósú ahá tsú afúlit̄o, há amó nkpa ámu a, alí mí é ntehá ahá ání ndeklé nkpa ní. ²² Mí Sí tamagyi asón há ip̄ón, táme alapó asóngyí f̄éé wá mí ib̄ito, ²³ méní òhagyíòha obóbu mí f̄é alíá otobú mí Sí ámu. Òhá ání òtamabú mí tamabú mí Sí á múbú òl̄op̄o mí sísí ámu é.

²⁴ “Òn̄okwali nde mli bláa mbéé, òhagyíòha ání otonú mí asón, òt̄òhò òhá á múbú òl̄owa mí sísí ámu gyi, bu nkpa ání itamatá. Bulu méegyí mu asón, há mu p̄ón, tsúf̄é aladálí lowut̄o ba nkpat̄o dodo. ²⁵ Òn̄okwali nde mli bláa. Bré ku ibá. Bré ámu ilawúna fun ání ahá ání bugyi f̄é aha wuhé† bónu Bulu mu Bi ámu òme. Amóá bonu mú bénya nkpa. ²⁶ Tsúf̄é mí Sí b̄óu túmi, òt̄ehá nkpa. Alí kén alahá mí áñfi ngyi mu Bi áñfi túmi, òb̄éé nháa ahá nkpa ní. ²⁷ Alahá mí túmi òb̄éé, ngyií ahá asón, tsúf̄é mígyí Nyankpusa-Mu-Bi ámu ní. ²⁸ Asón áñfi imáwa mli wánwan. Bré ku ibá, afúli f̄éé bónu mí òme, ²⁹ kósó. Amóá b̄òbwe yilé b̄elakósó, nyá nkpa ání itamatá. Amóá b̄òbwe laláhe a, négyi amó asón, há amó ip̄ón.”

³⁰ “Mm̄éetalí bwé t̄òt̄òt̄o mí iw̄is̄u. Asón ání nonú tsú mí Sí wá á, mú nt̄óp̄ogí asón. Mú s̄o ntegyi asón òn̄okwalis̄u ní. Tsúf̄é ntamabwé t̄óá mí onutó ndeklé, mbouín t̄óá òhá á múbú òl̄owa mí sísí ámu tekle.”

Yesu Iwi Adánsie Wankláán Agyipó

³¹ Yesu l̄oȳo m̄ósó blí òb̄éé, “Ní mí onutó negyi mí iw̄i adánsie á, m̄l̄im̄òhò mó ání òn̄okwali igyi.‡ ³² Bulu é tegyi mí iw̄i adánsie. Nyin ání mí iw̄i adánsie á múbú odegylí amu igyi òn̄okwali. ³³ M̄l̄ilawá abí sísí Yohane. Alabláa mli òn̄okwali amu. ³⁴ Mí mú á, mmehián anyánkpósa adánsie. Mbouín nde mli asón áñfi bláa, méní Bulu òb̄òhò mli nkpa. ³⁵ Yohane ason blíhé l̄òbwe f̄é òkandíe ání idewankí. Mú s̄o m̄l̄ilótsulá gyi mú òdwe kpalobí. ³⁶ Mbu t̄óá itegyi mí iw̄i adánsie, id̄on Yohane klé amu. Agyómá á múbú mí Sí lawá òb̄éé mbwéé m̄o mú òn̄ó, nde mú bwe ámu dé adánsie gyi ání m̄l̄ól̄wa mí sísí. ³⁷ Mí Sí á múbú òl̄owa mí ámu onutó lagyi mí iw̄i adánsie. M̄l̄im̄ókónu mu òme, m̄l̄im̄ókówun mu é ki. ³⁸ M̄l̄im̄òhò mu asón wá mli kl̄ont̄o, tsúf̄é m̄l̄im̄òhò mí á múbú òl̄owa sísí ámu gyi. ³⁹ M̄l̄ikíá m̄lénya nkpa ání itamatá tsú Bulu ason wanlínhé am̄ot̄o. Mú s̄o mli ansí lapé, m̄l̄idé mú kasí ní. Mí iw̄i adánsie Bulu ason wanlínhé amu idegyí. ⁴⁰ Táme m̄l̄ilakíná mí wá bá, méní m̄lénya nkpa ámu.

⁴¹ “Mmedédunká mbéé, ahá bukánfu mí, ⁴² tsúf̄é nyin mli dodo. Nyin ání m̄l̄itamadwé Bulu tsú mli kl̄ont̄o. ⁴³ Naba mí Sí dát̄o, m̄l̄im̄òhò mí. Táme ní òha bambá òbá mu onutó iw̄is̄u á, m̄l̄òhò mu. ⁴⁴ M̄l̄itek̄leá m̄l̄ékanf̄o aba, táme m̄l̄itamabó mbódí ání Bulu òkole pé ámu òkánfu mli. Nkálí òb̄òbwe m̄l̄òhò mí gyi? ⁴⁵ M̄l̄im̄ákí m̄l̄iaa, néle mli ilá mí Sí ansít̄o. Mose á múbú mli ansí id̄in mus̄u m̄l̄iaa òb̄òhò mli nkpa ámu mbouín òb̄éle mli ilá Bulu ansít̄o ní. ⁴⁶ Ní l̄élé m̄l̄ilòhò Mose asóns̄o gyi a, tekí m̄l̄òhò mí asóns̄o gyi, tsúf̄é mí iw̄i asón òl̄owanlín tswi. ⁴⁷ Táme íniá m̄l̄im̄òhò t̄óá òl̄owanlín tswís̄u gyi a, nkálí òb̄òbwe m̄l̄òhò mí ason blíhés̄u gyi?”

6

Ahá Mpím-nu Atogyihe Ha

(Mateo 14:13-21; Marko 6:30-44; Luka 9:10-17)

¹ In̄i òma a, Yesu m̄ua mu akasíp̄o b̄efa Galilea òp̄uá butetí mú Tiberia amu yó mú òb̄un. ² Òdam betsiá buo mu, tsúf̄é òde al̄op̄u tsa wánwans̄u. ³ M̄ua mu

† 5:25 Ahá ání bawú òh̄ét̄o. ‡ 5:31 Mose m̄bla l̄ósuná ání ahá abanyó ogyí adánsie.

akasípú bədu yó okúku kəsu, yétsiá así unv. ⁴ (Alí bré ámutə á, Yudafo nkeá bəpugyi Israelfəsu Katsən Nke ámu ilafən ta.) ⁵ Inu Yesu lótsu ansí fúá wun ání ədəm krənkprənkprənti bəbá mu wá. Múú əlefíté Filipo əbée, “Nkónú abénya atogyihə hə ha ahá ánfí bəgyi?” ⁶ (Yesu léblí asún ánfí pəsə Filipo ki, tsúfé oyin tśá əbəwə dodo.)

⁷ Filipo léle mú ənó əbée, “Ní apó tsra kwe ikəká hə atogyihə kóráá á, unəfəun ání okugyiaku obénya kpalobí gyí!”

⁸ Simon Petro mu pio Andrea, ogyi akasípú amutə əkule lébláa Yesu əbée, ⁹ “Oyimbi əku dé bodobodo apín pútúpútú anu pó ntsutso iye bwáhé anyo. Táme ntə ínı bəbwe ahá tsətsətsə ánfí?”

¹⁰ Yesu lébláa mu akasípú amv əbée, “Mliha amú abutsiatsia ası.” Ahá ámu féé betsiá ifású. Ayin ání bəbu amótó bəbwe fé mpím-nu (5,000). ¹¹ Múú Yesu lóhə bodobodo amv, dá Bulu ipán, əleha beye mú há ahá amúú bətsie unv ámu. Alı kén əbwe ntsabi bəáhé amv é ní. Amótó okugyiaku lénya alá odeklé. ¹² Bəgyi mwə sian. Yesu lébláa akasípú amv əbée, “Mlikola sianhə amv, ménı unəbwe atə yintáhé.” ¹³ Lélé, bətsí sianhə amúú benya tsú bodobodo anu ámutə ámu. Iləbulá alakpá dúanyə kéké.

¹⁴ Ahá ámu bowun osúna anfi Yesu labwé ánfí. Mú sv bəbli bəe, “Lélé, oyin ánfí gyí Bulu ənósú ətəipú amúú bəwanlín mu iwı asún wá Bulu asúntó bəe, əbəba əyító ámu ní.” ¹⁵ Yesu lówun ání ahá ámu babwé agywun bəe, bəba bəkitá mu əwunlínntə yáí mu iwıe. Mú sv mu nkule ələladó yó nkpá sí amú.

Opusu Natí

(Mateo 14:22-33; Marko 6:45-52)

¹⁶ Bréá owí ləpən a, Yesu akasípú bəkplí ba Galilea əpu ənó. ¹⁷ Owí latá, táme Yesu mókóyínki bətu amú. Mú sv bədu wíe əkləntə, bədefa bəyó Kapernaum. ¹⁸ Afú krənkprənti ku léba idetsəun, əpu amv lówa dabi. ¹⁹ Alı bré ámutə á, akasípú amv bəplá əklən amv yó fé máılı asa ntée ana. Inu bowun ání Yesu ná əpu aməsv əbá amú wá. Mú sv ifú lekítá amú. ²⁰ Táme Yesu lébláa amú əbée, “Mí ní, mlımánya ifú!” ²¹ Inu bətsu mu wá əklən amutə ansigyísó. Ilotsutsúa iwankı amú á, əklən amv lawíe otsubúno, ətíne amúú bəyó ámu.

Yesu Dunká

²² Əyí kehe a, ədəm amúú besi bəbu əpu amv əbun unv ámu bowun ání əklən kuku itráa melíı unv. Múá tekı ilı unvə akasípú amv bowie nátı ní. Bowun ání Yesu mówie mótó asa bənátı. ²³ Mú əma a, nklən aku lótsu Tiberia wúlutə belı mantáa ətíne amúú bəgyi bodobodo amúú Yesu léda Bulu ipán púhá amú ámu. ²⁴ Ədəm amv bowun ání Yesu lanátı unv, mu akasípú amv é buma unv. Mú sv bədu wíe nklən amutə yó Kapernaum, bəde Yesu dunká.

Bodobodoá Itəhá Nkpa

²⁵ Bréá ədəm amv boyówun Yesu ntsu əbun unv á, bəfíté mu bəe, “Os-unápú, bré məmo fobowie nfi?”

²⁶ Yesu lébláa amú əbée, “Ənəkwalı nde mlı bláa. Megyí osúna amúú ndəbwe mlidəwúun amv sv mli gyá mí əkpa. Mboun bodobodo amúú nəha mlı, mlilégyı mwə ámu sv. ²⁷ Mlımáwun ipian atogyihə ání iteyíntá sv. Mboun mlıwun ipian múá ibétsiá yó, wéha nkpa ání itamatá, ání mí, Nyankpəsa-Mv-Bi ánfı nəha mlı sv. Tsúfé mí mí Sí Bulu lahıe nsə ání mbv əkpa há mú.”

²⁸ Befitè Yesu bεε, “Gyoma m̄m̄m̄ abwée isuna ání anídé t́á Bulu tekle bwε?”

²⁹ Yesu léle mó onó obée, “T́á Bulu déklé obée mlibwée gyí, mliho mí áñfi olwa sísí áñfi gyi.”

³⁰ Inu befítè Yesu bεε, “Osúna m̄m̄m̄ f́bwε abówun, ménì abóho fu gyi? Nt́o f́bwε? ³¹ Anì anáin begyi mana dimbí ám̄m̄. B́owanlín mó wá Bulu asón ám̄m̄ bεε, ‘Mose léha amó at́á ilotsu osúsó bá begyi.’ ”

³² Ḿó Yesu lébláa amó obée, “Oǹkwali nde mli bláa. Megyí Mose léha mli atogyihe am̄m̄ tsú osúsó. Mí Sí léha mli bodobodo onutónutó am̄m̄ tsú osúsó. ³³ Tsúf́é bodobodo ání Bulu tehá gyí mí áñfi natsú osúsó bá, nebá beha oyító ahá nkpa áñfi.”

³⁴ Ahá am̄m̄ bebláa mu bεε, “Owíé, tsia ha anì bodobodo anfi brégyíbré, tsú séi ṕya.”

³⁵ Yesu lébláa amó obée, “Mígyí bodobodo amó itehá nkpa am̄m̄ ni. Akón méekitá ohá áñfi olwa mí wá ekekeke. Om̄wóli méekitá ohá áñfi olwa mí gyí é ekekeke. ³⁶ F́é alíá nebláa mli á, mliawun mí, táme mliakóho mí gyi b́m̄m̄ séi. ³⁷ Ohagyíoha ání Osí am̄m̄ léha mí obéba mí wá. Mméegya ohagyíoha áñfi olwa mí wá. ³⁸ Tsúf́é mm̄otsu osúsó ba mbée, nebá b́bwε t́á ndeklé. Mboun t́á ohá amó olwa mí sísí am̄m̄ déklé obwekpá neba. ³⁹ T́á ohá amó olwa mí sísí am̄m̄ déklé gyí, ahá amó olwuhá mí am̄m̄ okoku mádalí mí ibi. Mboun nkósa amó f́é tsu afúlito eke tráhe am̄m̄. ⁴⁰ T́á mí Sí am̄m̄ tekle gyí, ohagyíoha áñfi olowun mí, mu Bi áñfi, ho mí gyi obénya nkpa áñfi itamatá. Nókúsóa mu tsú afúlito eke tráhe am̄m̄.”

⁴¹⁻⁴² Iníá Yesu léblí obée, “Mígyí bodobodo amó notsu osúsó ba am̄m̄ ni” su á, Yudafó am̄m̄ b́wa mu wuntí bi. Bεε, “Megyí Yosef mu bi Yesu am̄m̄ ni? Anuméyín mu si m̄m̄ mu yin? Okpa m̄m̄m̄ śo deblí obée, ‘Osúsó notsu neba?’ ”

⁴³ Yesu lébláa amó obée, “Ml̄si wuntí mli wolewole. ⁴⁴ Ohaa méetalí ba mí wá, nkéti mí Sí amó olwa mí sísí am̄m̄ lakpá mu ba mi. Mí é nókúsóa mu tsú afúlito eke tráhe am̄m̄. ⁴⁵ Bulu onósó at́ipó am̄m̄ oku ĺwanlín tswi obée, ‘Bulu obósuná ahá f́é at́.’ Ohagyíoha áñfi alanú mí Sí asón, kásí mó tsú mu wá teba mí wá. ⁴⁶ Ohaa mókówun Osí am̄m̄ ki. Mí áñfi notsu Bulu wá bá anfi nkole ĺawun mu ki. ⁴⁷ Oǹkwali nde mli bláa. Ohagyíoha áñfi olwa mí gyi bu nkpa áñfi itamatá. ⁴⁸ Mígyí bodobodoá itehá nkpa ní. ⁴⁹ Iníá mli anáin begyi mana dimbísó óó á, amó f́é bowu. ⁵⁰ Táme bodobodo anfi gyí ḿa dlatsú osúsó bá, ménì ohagyíoha áñfi obégyi mó móowu ní. ⁵¹ Mígyí bodobodo amó ntehá nkpa, natsú osúsó ba am̄m̄ ni. Ohagyíoha áñfi ogyi bodobodo anfi obétsiá nkpa, omóowu ekekeke. Mí oyólú gyí bodobodo am̄m̄. Mó nésí há, ménì oyító bénya nkpa ní.”

⁵² Inu Yudafó am̄m̄ benya asón anfi Yesu lablí áñfi iwí oblé. Amó wolewole begyi aba nwéen bεε, “Nkálí oyin áñfi obétalí ṕo mu oyólú há anì obée agyíi?”

⁵³ Yesu lébláa amó obée, “Oǹkwali nde mli bláa. Ní mli mégyi mí, Nyankp̄sa-Mu-Bi áñfi oyólú, nu mí obugya a, mli má nkpa áñfi itamatá kókukuk mli to. ⁵⁴ Ohá áñfi olegyi mí oyólú, nu mí obugya bu nkpa áñfi itamatá. Nókúsóa mu tsú afúlito eke tráhe am̄m̄. ⁵⁵ Tsúf́é mí oyólú igyi atogyihe onutó, mí obugya é igyi atonuhe onutó. ⁵⁶ Ohá áñfi ogyi mí oyólú, nu mí obugya tsie m̄m̄, mí é ntsie m̄m̄. ⁵⁷ Mí Sí Okiankparu am̄m̄ ĺwa mí sísí. Mu śo m̄m̄ nkpa. Mó su f́ó fegyí m̄ a, mí su f́ó é fubw nkpa. ⁵⁸ Mígyí bodobodo onutó notsu osúsó ba ni. Mli anáin begyi mána, táme bowu. Ohá áñfi ogyi bodobodo anfi mó obétsiá nkpa áñfi itamatá.”

59 Yesu léblí asón ánfí bréá ɔde ató suná Kapernaum, Yudafo ofiakpa.

Nkpa Aní Itamatá Asón

60 Yesu abúopu tsɔtsɔtsɔ ámutɔ aku bonu asón ánfí á, beblí bee, “Ato-sunáhé ánfí mú bu ɔnlín o! Ma ɔbétalí hɔ mó?”

61 Yesu lówun ánfí mu abúopu amutɔ aku buɔde wunti ánfí alablí alí sɔ á, ɔlefíté amú ɔbéé, “Asón ánfí ulahan mlí? 62 Mómú ní mlowun Nyankpɔsa-Mu-Bi ámu ɔyó ɔtínéá olotsu ba me, nkálí mlóbwe? 63 Bulu Ɔhé ámu téhá nkpa. Nyankpɔsa ɔwonlín mú á, kpaalí ígyi. Asón ánfí nde mlí bláa anfi itsú Ɔhé ámutó ɔtehá nkpa ámu wá, 64 táme mlítɔ aku bumɔhɔ mósú gyi.” Yesu lówun amúá bumɔhɔ mósú gyi pú ɔhá ánfí ɔbéle mu há yáí dodoodo. 65 Ɔletrá bláa amú ɔbéé, “Iní sù nebláa mlí mbéé, ɔhaa méetalí ba mí wá, nkéti mí Sí lakpá mu ba mí” ní.

66 Tsú eke ámu a, Yesu abúopu amu tsɔtsɔtsɔ beyinkí mu ɔma, bumetrá buo mu. 67 Mú sɔ Yesu léfíté mu akasípú dúanyɔ ámu ɔbéé, “Mlí é mlídékléá mléyinkí mí ɔma lóó?”

68 Simon Petro lébláa mu ɔbéé, “Owíé, ma wá abóyo? Fú wá asón ánfí itehá nkpa ánfí itamatá bu. 69 Anlahogyi, anilabí ánfí fúgyí Ɔha Wankihé amúó fotsú Bulu wá ámu ní.”

70 Inu Yesu lébláa amú ɔbéé, “Mlí ahá dúanyɔ nele, táme mlítɔ ɔku gyí ɔbunsám!” 71 (Simon Iskariot mu bi Yuda ɔde á. Tsúfé ogyi akasípú dúanyɔ ámutɔ ɔkole. Mu ɔbéle mu há ní.)

7

Yesu Mu Mv Apio Yinhé

1 Mú ɔma a, Yesu létsiá kí Galilea ɔmátó. Omekleá ɔbóyo Yudea ɔmátó, tsúfé Yudafo ahande amu buɔde mu téé abumɔ mu. 2 Táme Yudafo Kantankpatɔtsiá Nkegyí lafun. 3 Mú sɔ mu apio yinhé bebláa mu bee, “Nati yɔ Yudea nke ámu ogyíkpá, méni fú abúopu amúó bubu inu ámu é bówun ofúla ánfí fɔdeɔbwe. 4 Ɔhá ánfí odekléá ahá bubú mu gymagyihe tamanjain iwí. Iníá fódé ntobiá igyi alí bwe á, wuna le mú suna, ɔyí féé abowun.” 5 (Mu apíó ámu kóráá bumɔhɔ mu gyi. Mú sɔ bebláa mu alí ní.)

6 Iní sɔ Yesu lébláa amú ɔbéé, “Bréá nóyo inu mɔkónyá fun. Mlí mó mlétalí yó inu brégyíbré. 7 Ɔyítófo buméetalí lú mlí, táme mí mú buɔde mí lu, tsúfé nde amú ilá le. 8 Mliyɔ nke ámutɔ. Mí mó mmɔkónyá yó, tsúfé mí bré mɔkófɔn.”

9 Yesu léblí asón ánfí tá á, olesi tsiá Galilea ɔmátó.

Yesu Kantankpatɔtsiá Nke Amu Ogyíkpá Yɔ

10 Táme bréá Yesu apíó ámu benatí yó nke ámu ogyíkpá a, mu é olenjain iwí yó inu. 11 Yudafo ahande amu bodunká mu nke ámu ogyíkpá, buɔde ahá fité bee, “Oyin ámu me?”

12 Ɔdam ámu beblí asón tsɔtsɔtsɔ nklobító tsú Yesu iwí. Aku bee, “Ɔha wankláán ogyi.” Aku é bee, “Ekekeke, ɔde ahá mlé.” 13 Táme amótó ɔhaa méetalí blí mu iwí asón kókló ahá abonu, tsúfé buɔde Yudafo ahande amu ifú nya.

14 Bréá bowie nke ámu nsiné á, Yesu lódu wíé Bulu ɔtswékpa wunsínésú inu yéfi ató suná asi. 15 Mu atosunáhé lobwie Yudafo ahande amu ɔnó. Mú sɔ befíté aba bee, “Oyin ánfí mɔkókásí ɔwoló yó nkpa. Nkálí ulóbwe asa ɔlebi ɔwoló alí?”

16 Yesu léle mú ɔnó ɔbéé, “Megyí mí wá atosunáhé anfi itsú. Itsú Bulu wá. Mólwa mí sísí. 17 Ní ɔku dékléá ɔbóbwe Bulu apé á, obówun ní atosunáhé anfi itsú mí wá ntée Bulu wá. 18 Ɔhá ánfí ɔde mu onutó asón blí dé mu

numnyam dunká. Táme ní ọ̀kọ̀ todúńká numnyam há ọ̀há ání ọ̀lọ̀wa mu sí sí á, ọ̀nọ̀kwalı̀pọ̀ ọ̀há ámu gyí. Ọ̀tamawá afunu. ¹⁹ Yéé Mose lópu mbla ámu ba mli a? Táme mlítọ̀ ọ̀kọ̀kọ̀ mēdé mósó gyi. Ntogyi sọ̀ mlídékléá mlómọ̀ mí?”

²⁰ Ibo ọ̀dọ̀m amu bebláa mu beé, “Ọ̀je laláhe bu fọ̀tọ̀! Ma dékléá ọ̀bọ̀mọ̀ fọ̀?”

²¹ Yesu lébláa amú ọ̀bée, “Ofúla kọ̀le pé nọ̀bwe ọ̀kpónú ọ̀daké, mli fée ọ̀nọ̀ lobwie mli. ²² Mose lówa mbla há mli ọ̀bée, mlítún keté. (Ibo mótọ̀ ání megyí Mose lótsọ̀ keté tın, mli anáin léfi mú asi.) Yéé mú sọ̀ mlítetun ahá keté ọ̀kpónú ọ̀daké ní a? ²³ Ní mlídé keté tın ọ̀kpónú ọ̀daké, mēni mlímọ̀wun sí lí Mose mbla ámu sọ̀ á, ntogyi sọ̀ mlilanyá ọ̀blọ̀ mísú mliaa, natsá nyankpọ̀sa kēin ọ̀kpónú ọ̀daké? ²⁴ Mliyo asóntọ̀ wankláán, asa amliha ipón. Mliyo ọ̀nọ̀kwalı̀ gyi asón.”

Yesu Iwí Nwéengyi

²⁵ Yerusalemfọ̀ akọ̀ befíté amú iwí beé, “Megyi oyin ánfí Yudafọ̀ ahande bu dedunká abumọ̀ ní? ²⁶ Megyi mu líi ahátọ̀ ọ̀detọ̀, amótọ̀ ọ̀kọ̀kọ̀ mékpla mu a? Ntée ilawánkí amú ání mu gyí Kristo, (ọ̀há amóú Bulu ladá mu ofúli amu) ni? ²⁷ Oyin ánfí mú a, aní fée anyin ọ̀tínéá otsú, táme ní Kristo ámu ọ̀bá á, ọ̀haa mēbi ọ̀tínéá otsú.”

²⁸ Bréá Yesu bu mósó ọ̀de atọ̀ ámu suná Bulu ọ̀swékpá wunsínésú iwo á, olotsu ọ̀nọ̀ fúá blí ọ̀bée, “Mliyin mi, mliyin ọ̀tínéá notsú, táme megyi mí onutọ̀ tımísiw neba. Ọ̀nọ̀kwalı̀pọ̀ ọ̀há amóú ọ̀lọ̀wa mí sí sí ámu gyí. Mliyéyin mu. ²⁹ Táme mí mú nyin mu, tsúfẹ̀ mólówa mí sí sí. Mu wá notsu ba.”

³⁰ Ibo bekle abokita mu, táme bumọ̀pọ̀ ibi da mu, tsúfẹ̀ mu bré mọ̀kọ̀fun. ³¹ Táme amótọ̀ ahá tsọ̀tsọ̀tsọ̀ bọ̀họ̀ mu gyi. Mú sọ̀ befíté beé “Ní Kristo amu ọ̀bá á, ọ̀bétalı̀ bwé osúna dọ̀n mú ánfí oyin ánfí débwe?”

Bọ̀wa Bée Bokita Yesu

³² Bréá Farisifọ̀ ámu bonu ání ọ̀dọ̀m amu bu de Yesu iwí asón blí nklobító á, amóú Bulu igyi ahapọ̀ dehen amu bọ̀wa Bulu ọ̀swékpá agyọ̀pọ̀ beé bokita Yesu. ³³ Iwo sọ̀ Yesu lébláa amú ọ̀bée, “Ilasí nke kpalobí pé nétsiá mli wá. Mú ọ̀ma a, néyinkí yó ọ̀há amóú ọ̀lọ̀wa mí sí sí ámu wá. ³⁴ Mlódunká mí, táme mlímọ̀wun mi. Mli méetalí ba ọ̀tínéá mbu é ekekeke.”

³⁵ Yudafọ̀ ahande amu befíté aba beé, “Nkónú oyin ánfí obótu ọ̀kpá yó, sọ̀ abódunká mu anímọ̀wun mu? Ntée odekléá ọ̀bọ̀yo Griikifọ̀ awúlu amóú aní pi badásáin yó mósó ámu sọ̀, ntée obóyósuná Griikifọ̀ ámu atọ̀? ³⁶ Asón ánfí ọ̀deblí é asi mé? Ọ̀bée, ‘Mlódunká mí, táme mlímọ̀wun mi. Mli méetalí ba ọ̀tínéá mbu é.’”

Nkpa Ntsu

³⁷ Nke ámu eke tráheá igyi eke títriu á, Yesu lókusú líi kplon blí ọ̀bée, “Ní ọ̀mewóli de ọ̀kọ̀ á, ọ̀bá mí wá obonu ntsu. ³⁸ Ọ̀hagyiọ̀ha ání ọ̀lọ̀họ̀ mi gyi a, ‘Nkpa ntsu bọ̀wí dalí mọ̀tọ̀.’ Alí bọ̀wanlín wá Bulu asón ámọ̀tọ̀ ní.” ³⁹ (Ọ̀je Wankíhé amóú Bulu ọ̀béha ahá ání bọ̀họ̀ mu gyi amu iwí asón ọ̀deblí. Alí bré ámọ̀tọ̀ á, Ọ̀je Wankíhé amu mókónyá ba, tsúfẹ̀ Bulu mókónyá wá Yesu numnyam.)

Ahá Amótọ̀ Leye

⁴⁰ Bréá ọ̀dọ̀m amu bonu Yesu asón blíhé anfi á, amótọ̀ akọ̀ beblí beé, “Lélé, Bulu ọ̀nọ̀sọ̀ ọ̀tọ̀pọ̀ amóú anidé mu ọ̀kpá kí amu ni.”

⁴¹ Akọ̀ é beé, “Kristo amu ni!” Táme amótọ̀ akọ̀ é beblí beé, “Yéé megyi Galilea ọ̀mátọ̀ Kristo amu obótsu o. ⁴² Bọ̀wanlín wá Bulu asón ámọ̀tọ̀ beé, Owíe Dawid abusuantọ̀ Kristo amu ọ̀bédalı̀ tsu. Bókwí mu Betlehem,

Dawid wúlutò.” 43 Ina Yesu iwí asón ánfí sù ìkòlèbwe metsiá amótó. 44 Amótó akò bekle abókíta Yesu, táme òhaa mópù ibí da mu.

Yesu Mdhogyi

45 Ọma-ọma a, Bulu ọ̀swékpá agyópu amóú bọ̀wa sumbí ámu besankí ba Bulu igyí ahapú dehen pọ̀ Farisifó ámu wá. Befíté agyópu amu bée, “Ntogyi sù m̀h̀m̀ékítá mu ba?”

46 Bele mú ọ̀nó bée, “Ọ̀haa m̀ókótói fẹ̀ oyin ánfí kí!”

47 Farisifó ámu befíté amó bée, “Mú sù oyin ámu lamlé mlí é. 48 M̀l̀l̀awun ọ̀hande ntée Farisiyin ọ̀kò lahò mu gyi kí? 49 Èkèkèkè! Ọ̀dòm anfi b̀m̀meyín Mose mbla ámu iwí tótò. Mú sù Bulu ọ̀lwú amú.”

50 Inu Farisifó ámu ọ̀kòlè, ogyi Nikodemo amóú ọ̀lọ̀ọ̀ Yesu wá onyé ámu léfíté amó ọ̀bée, 51 “Aní mbla leha ọ̀kpa aní abéha ọ̀kò ipón asa abéfíté mu ọ̀nótó asón nú?”

52 Befíté mu bée, “Galileayin fú é fúgyi? Kí Bulu asón ámu ọ̀tò wankláán. Fówun aní Bulu ọ̀nású ọ̀táipú ọ̀kòkòkò móotsu Galilea ọ̀mátó.” 53 [Inu amó fée benatí yó wóyító.

8

Ọ̀tsi Ọ̀kò Mbọ̀tò Pọ̀ M̀v Kítá

1 Bréá ahá ámu bédasáin á, Yesu lódu yó Nfọ̀-nyíbu ámu sù* . 2 Mú oyi kehe bákè a, oleyinkí ba Bulu ọ̀swékpá wunsínésú inu. Ahá ámu fée beba mu wá. Mú sù oletsíá asi, olefi asi ọ̀de amó ató suná. 3 Bréá ọ̀détóí á, Farisifó pọ̀ Mose mbla asunápú amu bekpa ọ̀tsi ọ̀kọ́á bakítá mu, ọ̀de mbọ̀tò ba belú amó ansító. 4 Mú bẹ̀bláa Yesu bée, “Osunápú, bakítá ọ̀tsi ánfí mbọ̀ta ọ̀tákpá. 5 Mose Mbla ámu léblí ọ̀bée, adáa atsi ánfí odu abwi m̀. Nkálí f̀d̀eblí tsú asón ánfí iwí?” 6 Asónklé sù befíté mu asón ánfí, abuyọ̀tò mu ha ahandé. Inu Yesu lóbun, pọ̀ osrebi ọ̀de ató wanlín ọ̀sólótò.

7 Bréá butráa bode asón ámu fité plá á, olobwii tsíá, bláa amó ọ̀bée, “Mlító ọ̀há aní ọ̀m̀k̀ób̀wé lakpan kí ogyánkpa da ọ̀tsi ánfí ibwi.” 8 Ọ̀lèblí mú ali á, oleyinkí bun ọ̀de mu ató wanlín ọ̀sólótò. 9 Bréá ahá ámu bonu mu asón ánfí á, bọ̀wa natí ìkòlè-kòlè bí, tsú ahandeso bọ̀tu nyebísó. Ilebese Yesu mu ọ̀tsi ámu nkòlè ọ̀bun nsíné inu. 10 Yesu lóbwií tsíá, ọ̀lèfíté ọ̀tsi ámu ọ̀bée, “Ọ̀tsi, nkú ahá ámu me? Ọ̀kòkò mésian aní ọ̀béha fú ipón?”

11 Ọ̀tsi ámu lélé mú ọ̀nó ọ̀bée, “Owíé! Ọ̀kòkò méha mí pón o!” Mú Yesu lébláa mu ọ̀bée, “Ibu alé! Mí é mméeha fú ipón! Natí, mátrá bwe lakpan.”†

Ọ̀yító Wankí

12 Iní ọ̀ma a, Yesu léyinkí bláa Farisifó ámu ọ̀bée, “Mígyí ọ̀yító wankí ní. Ọ̀hagyíhà aní obuò m̀i obénya wankí aní ibéha mu nkpa, oméésin oklúntò èkèkèkè.”

13 Inu á, Farisifó ámu bẹ̀bláa mu bée, “Nfólí tamakánfú mu iwí. F̀m̀k̀ób̀lí tótò.”

14 Yesu lébláa amó ọ̀bée, “Ní mí onutó nde mí iwí adánsiè gyí ó á, ọ̀nòkwali igyi. Tsúfè mí mú nyin ọ̀tínéá notsú pọ̀ ọ̀tínéá nọ̀yó. Táme m̀l̀m̀eyín ọ̀tínéá notsú pọ̀ ọ̀tínéá nọ̀yó. 15 Anyánkpósa asóngyí ọ̀kpasu mlitegyi asón tson, táme mí mú ntamagyi ọ̀haa asón. 16 Ní negyi asón ó á, ọ̀nòkwali ọ̀kpasu negyi mú tson. Tsúfè megyí mí nkòlè tegyi mú. Mía mí Sí amóú ọ̀lọ̀wa mí sísí ámu nyọ tegyi mú. 17 Bọ̀wanlín wá mlí onutó Mbla ámu ọ̀tò bée, ‘Ní adansifó

* 8:1 Nfọ̀-nyíbu igyi obubwí kọ́á ibo mantáa Yerusalem, botetí mú Olifbu. † 8:11 Ima Griikifò nwlólú dada amu akotò.

abanyó beblí ason kua kole a, amó asón ibu mótó.’ 18 Mí onutó ntegyi mí iwí adánsiε. Mí Sí lówa mí sísi. Mv é otegyi mí iwí adánsiε.”

19 Befité mv beε, “Nkónó fú sí bu?”

Yesu léle mó onó obéε, “Mluméyín mí wankláán, mluméyín mí Sí ámu é. Ní mliyín mī wankláán á, tekī mlébi mí Sí ámu é.”

20 Yesu léblí asón ánfí bréá oδε ató suná Bulu oτswékpa tswitswi adáka otsiákpá. Táme ohaa mékítá mv, tsúfé mv bré məkónyá fon.

Yesu Osúsóyo

21 Yesu létrá bláa amó obéε, “Mí mó nayo. Mlódunká mí. Mlówu wá mli lakpantó. Mluméetalí ba otínéá nayo.”

22 Yudafo ahande amv befíté beε, “Mó obómó mv iwí, só oδεblí obéε, mluméetalí ba otínéá nayo?”

23 Yesu léle mó onó obéε, “Mli mó mlotsú oyí ánfító, táme mí mó notsú osósó. Oyí ánfítófo mligyí. Mmegyí oyí ánfítóyin mí mó ngyi. 24 Mó só nde mli bláa mbéε, mlówu wá mli lakpantó ní. Mlówu wá mli lakpantó, ní mlimóhógyi ání ‘Mígyí ohá ámóú mbéε ngyi ámu.’ ”

25 Befíté mv beε, “Fógyí ma?”

Yesu lébláa amó obéε, “Ohá ámóú ntebláa mli yái mbéε, ngyi ámu kén ntráa nde mli bláa a. 26 Mv asón tsatsotsóá néblí tsú mli iwí póhá mli pón. Táme onəkwalipw ohá ámóú olowa mí sísi ámu gyí. Asón ání nonu tsú mv wá nde mli oyítófo bláa.”

27 Imawankí amó ání mv Si ámóú obv osósó ámu iwí asón oδε amó bláa. 28 Mó sv Yesu lébláa amó obéε, “Ní mledá Nyankpusa-Mv-Bi ámu mántá oyikpalihεsv, tsú mó líí á, mlówun ání ‘Mígyí ohá ámóú mbéε ngyi’ ámu. Mlébi ání ntamabwé tətətə mí onutó túmitó. Múá mí Sí lópwá mī onó á, mó nteblí. 29 Ohá ámóú olowa mí sísi ámu buo mī. Oməkóyínkí mí oμα, tsúfé tóá itegyí mv ansí ntəbwé brégyíbré.”

30 Inu ahá ámóú bonu mv asón ánfító tsətsətsə bəhə mv gyi.

Abraham Abi-aná

31 Yesu lébláa Yudafo ámóú bəhə mv gyi amv obéε, “Ní mlobuo mí atosunáhé a, mligyí mí akasípó lélé. 32 Mlébi onəkwalí amv. Onəkwalí amv íbēha mlégyi iwí.”

33 Beblí beε, “Abraham abí-aná anígyí. Anímókóbwé ohaa nkpábi kí. Mó ntogyi só fúde aní bláa féε, ‘Mlégyi iwí?’ ”

34 Yesu léle mó onó obéε, “Onəkwalí nde mli bláa. Ohagyíoha ání otəbwé lakpan á, ogyi lakpan okpábi. 35 Okpábi tamatsiá mv wie wóyí yó, obi tetsiá mv sv wóyí yó. 36 Mó sv ní Bulu mv Bi ámu ohá mlegyi iwí á, mó móú mlilagyi iwí féé. 37 Nyin ání Abraham abí-aná mligyí, táme mlidékléá mlómó mí, tsúfé mlimóhó mí atosunáhé. 38 Tóá nowun tsu mí Sí wá ndeblí. Mli é asón ání mlilonu tsú mli sí wásó mlidégyí.”

39 Bebláa mv beε, “Aní sí gyí Abraham.”

Yesu lébláa amó obéε, “Ní Abraham abí mligyí á, tekī mli bwehé lelian Abraham. 40 Mlídékléá mlómó mí, tsúfé nde mli onəkwalíá nonu tsú Bulu wá bláa. Abraham móbwε alí! 41 Mli sí bwehé mlidébwe.”

Bebláa Yesu beε, “Megyí mbva bətə kwíí aní. Bulu onutó gyi aní Sí. Anímá osí okoku tsia mvto.”

42 Yesu lébláa amó obéε, “Ní mli Sí gyí Bulu á, tekī mli tədwdé mí, tsúfé mv wá notsu ba. Mlólwa mí sísi. Megyí mí onutó túmitó neba. 43 Ntogyi só mlimédé mí ason blíhé asi nu? Mlumédé mó asi nu, tsúfé mí asón de mli asutə wóo. 44 Obvnsám gyí mli sí. Mó sv mliteklea mlóbwε tóá mli sí tekle.

Ahá ɔmɔpó ogyi tsú nfiásí. Ɖamabuo ɔnɔkwali. Mú su ɔnɔkwali kɔku uma mɔtɔ. Ní ɔwá afunu a, mu tsiátó ɔwan ɔdele, tsúfɛ ofunupu ogyi. Mɔgyí afunupu fɛé ɔsí ní. ⁴⁵ Táme nteblí ɔnɔkwali. Mú su mlitamaho mí asónsú gyi ní. ⁴⁶ Mlito ma ɔbétalí súná ání lakpan ɔbwepú ngyi? Ní nde ɔnɔkwali blí á, mú ntogyi mlimósho mí gyi? ⁴⁷ Ɖhá ání otsú Bulu wá teyáá asu nú mu asón. Mlì mó mlimótsú mu wá. Mú su mlitamayáá asu nú mu asón ní.”

Yesu Mva Nandin Abraham

⁴⁸ Yudafo ámu bebláa mu bee, “Ní ablí aniaa Samariayin fogyi, ɔɣe laláhe bu foto á, anlawá afunu?”

⁴⁹ Yesu lébláa amú ɔbéé, “Ɖɣe laláhe ma mító. Ntobú mí Sí, táme mlì mú mlitamabú mí. ⁵⁰ Mmedé mí iwí numnyam wa. Ɖha ɔku bu inuá ɔde mú dunká há mí. Mɔgyí asón ogyípú wankláán ámu ní. ⁵¹ Ɖnɔkwali nde mlì bláa. Ɖhagyísha ání otegyi mí atosunáhésu omóowu ekekekeke.”

⁵² Inu Yudafo ámu bebláa mu bee, “Séi ánfí mú á, anlawun ání lélé ɔɣe laláhe bu foto! Abraham mva Bulu ɔnósú atóipú amu bawú. Táme fó mú fɔdeblí fɛe, ɔhagyísha ání otegyi fó atosunáhésu omóowu ekekekeke. ⁵³ Aní náin Abraham lówu. Fvki fɛe fɔdɔn mu? Bulu ɔnósú atóipú amu é bowu. Nkálí fɔde fó iwí kí?”

⁵⁴ Yesu léle mú ɔnó ɔbéé, “Ní nɔwá mí iwí numnyam a, kpaali igyi. Mí Sí gyí ɔhá ání ɔtɔwá mí numnyam. Mu mlidéblí mlíaa ogyi mlì Bulu ní. ⁵⁵ Ibo mótó ání mliméyín mu, táme mí mú nyin mu. Ní neblí mbéé mmeyín mu a, nabwé ofunupu fé mlì. Mí mú nyin mu, ntegyi mu asónsú. ⁵⁶ Mlì náin Abraham lénya ansigyí ání mówun mí bábi. Olowun mú é, ansí legyi mu.”

⁵⁷ Yudafo ámu bebláa mu bee, “Fumókóhɔ nfi aduenu (50) kóráá, mú fɛe foto Abraham?”

⁵⁸ Yesu lébláa amú ɔbéé, “Ɖnɔkwali nde mlì bláa. Mbu inu asa bɔkwí Abraham.”

⁵⁹ Yesu lénya blí alí pé, ahá ámu bɔkolá abwi bee abutswi da mu mɔ. Táme Yesu lóbwe híéé, dáli Bulu ɔtswékpá wunsínésú inu.

9

Ansibi Obwiepú Ɖku Tsa

¹ Eke ɔku Yesu mva mu akasípú bɔna ɔkpatɔ, bowun oyin ɔkúá bɔkwí mu ansibi obwiepú. ² Yesu akasípú amu befité mu bee, “Osunápú, ma lakpan sú bɔkwí oyin ánfí ansibi obwiepú? Mu onutó lakpan su lóó, ntée mu akwípú?”

³ Yesu léle mú ɔnó ɔbéé, “Megyí mu ntée mu akwípú lakpan su bɔkwí mu ansibi obwiepú. Mboun alá Bulu ɔbéle mu túmi súná tson mu ilo ámɔtɔ su. ⁴ Ilaí kpalobí owí ɔbéta. Ɖhaa méetalí trá yo agyómá. Mú su ilehián ání abɔyo agyómá ámú ɔhá ámú ɔbwa mí sísí ámu lówa mí ɔbéé nyóo amu. ⁵ Iní nanya mbu oyí ánfíto á, mígyí oyí ánfíto wanki.”

⁶ Bréá Yesu lébláa amú asón ánfí tá á, olotu atson tswi ɔsolúto, ɔɔpu osrebi tsíá isi, títi mú tan ansibi obwiepú ámu ansibisú. ⁷ Mú ɔlebláa ansibi obwiepú ámu ɔbéé, “Nati yɔfwí ansítú Siloam paatitɔ.” (Siloam asu gyí, “Bɔwa mu sísí.”) Oyín ámu lóyɔfwí ansítú yínkí ɔbá wóyí á, ɔde ató wúun.

⁸ Mu aba pó ahá ání bɔtowun mu ɔde ató kólí befité bee, “Megyí oyin ánfí tetsíá kólí ató bré ámu ní?”

⁹ Amótó aku bee, “Mu ní!” Aku é bee, “O-o, lían ɔlehan mu.”

Inu oyin ámu onutó léblí ɔbéé, “Mí ní.”

¹⁰ Befité mu bee, “Nkálí ilóbwe asa fɔde ató wúun ngya?”

11 Ɔlele mú ɔnɔ ɔbée, “Oyin ámúú bɔteti mu Yesu amu lɔbwe ɔdiba tan mí ansibisu. Múú ɔlebláa mi ɔbée, nnátɔ yɔfwɔ ansító Siloam paatɔ. Nɔyɔfwɔ, múú nde ató wúun a.”

12 Befitɛ mu beɛ, “Nkónú ɔbu?” Múú ɔlele mú ɔnɔ ɔbée, “Ohwée.”

Farisifo Ansibi Obwiepó Amu Asón Fitɛ

13 Inu bekpá oyin ámúú teki ogyi ansibi obwiepó amu yáa Farisifo wá. 14 Eke ámúú Yesu lɔbwe ɔdiba pɔbwíi mu ansibi amu igyi ɔkpónú ɔdaké. 15 Mú sv Farisifo ámu belafitɛ oyin ámu alíá ɔlobwe asa ɔde ató wúun. Ɔlebláa amú ɔbée, “Ɔdiba ɔlɔpotan mí ansibisu, nɔyɔfwɔ ansító. Múú nde ató wúun ngya a.”

16 Farisifo ámu aku beblí beɛ, “Megyí Bulu ɔha oyin ámúú ɔlobwíi mu ansibi amu gyí, tsúfɛ ɔtamagyi ɔkpónú ɔdaké mbla ámu sv.”

Táme aku é befitɛ beɛ, “Nkálí lakpan ɔbwepó ɔbétalí bwé osúna anfi odu? Asón anfi sv bumetrá bwe kule.”

17 Mú sv belafitɛ oyin ámu beɛ, “Fɛɛ mɔlɔbwíi fú ansibi. Amansu fɔbu blí tsú mu iwɔ?”

Oyin ámu léle mú ɔnɔ ɔbée, “Bulu ɔnɔsú ɔtáipú ogyi.”

18 Yudafɔ ahandɛ amu bumohogyi ání lélé, bɔkwíi mu ansibi obwiepó asa séi ɔde ató wúun, kpéfɔn bréá beti mu akwíipú ba. 19 Befitɛ amú beɛ, “Mli bí ámúú mliáa, mu ansibi lobwie asa mlilókwíi mu amu ni? Nkálí ɔlobwe asa ɔde ató wúun ngya?”

20 Mu akwíipú amu bele mú ɔnɔ beɛ, “Aniyin ání aní bí ní. Aniyin ání anilókwíi mu ansibi obwiepó. 21 Táme alíá ɔlobwe asa ɔde ató wúun pú ɔhá ání ɔlobwíi mu ansibi mú á, animéyín. Kókoli mli, mlifite mu onutó. Megyí kebi ɔgyi, aladan. Ɔbétalí lé mú ɔnɔ.” 22 Mu akwíipú amu buɔde Yudafɔ ahandɛ amu ifú nya. Mú sv beblí alí ní. Tsúfɛ ahandɛ amu bablí tswi beɛ, ɔhagyíɔha ání ɔbéblí ɔbée, Yesu gyí Kristo, (ɔhá ámúú Bulu ladá mu ofúli amu) a, bégya mu lé Yudafɔ ofiakpa inu. 23 Mú sv mu akwíipú amu beɛ, “Megyí kebi ɔgyi, aladan, mlifite mu onutó!” ní.

24 Belatí oyin ámúú bɔkwíi mu ansibi obwiepó amu otse nyɔɔsi, bláa mu beɛ, “Ka ntam Bulu ansító ání féblí ɔnɔkwali. Aniyin ání lakpan ɔbwepó oyin ámúú ɔlobwíi fú ansibi amu gyí.”

25 Múú oyin ámu léle mú ɔnɔ ɔbée, “Ní lakpan ɔbwepó ogyi o, yilé ɔbwepó ogyi o, mí mú mmeyín. Toku kule pé nyin. Múgyí, teki bré ámu ntamawun ató, táme séi mú ndewúun.”

26 Múú befitɛ mu beɛ, “Nkálí ɔlobwe fú? Nkálí ɔlobwíi fú ansibi amu?”

27 Múú ɔlele mú ɔnɔ ɔbée, “Nabláa mli dodoodo, táme mlumónu. Ntogyi só ntráa bla mli? Mli é mlidékléá mlɔbwe mu akasípó lóó?”

28 Besia mu, bláa mu beɛ, “Fúgyí mu ɔkasípó. Aní náin Mose akasípó aní mú anigyí. 29 Aniyin ání Bulu lótoí bláa Mose asón, táme animéyín ɔtínéá oyin anfi mú otsú.”

30 Oyin ámu lébláa amú ɔbée, “Ngya ntɔ asón ní? Mliméyín ɔtínéá otsú, táme mɔlɔbwíi mí ansibi ni o. 31 Aní féé aniyin ání Bulu tamanú lakpan abwepó isu. Ɔhá ání otobú mú, otegyi mu mblassu isu otonú. 32 Tsú bréá Bulu lɔbwe ɔyí ɔpá á, ɔhaa mókónú ání ɔku labwíi ɔhá ání bɔkwíi mu ansibi obwiepó ansibi ki. 33 Ní megyí Bulu ɔha oyin anfi gyí á, teki ɔmétalí bwé tɔtɔɔɔ.”

34 Ahandɛ amu bele mú ɔnɔ beɛ, “Fú anfi fúgyi lakpan ɔbwepó tsú bréá bɔkwíi fú anfi dékléá fósuná aní asón?” Inu sv begya mu lé ofiakpa inu.

Ɔhétó Ansibi Bwie

35 Yesu lónu ání bagya oyin ámu lé ofiakpa inu. Mú sv bréá olowun mu a, ɔlefíté mu ɔbéé, “Fɔhɔ Nyankpɔsa-Mu-Bi ámu gyi?”

36 Oyin ámu lébláa mu ɔbéé, “Owíé, suna mí ɔhá ání ogyi, mí anho mu gyi!”

37 Yesu lébláa mu ɔbéé, “Fawun mu dodo. Mbugyí ɔhá ání ɔde fú asón bláa séi ání á.”

38 Múó oyin ámu lébláa mu ɔbéé, “Mí Wíé, nahɔ fu gyi.” Inu olosúm Yesu.

39 Yesu léblí ɔbéé, “Asón ogyíkpa neba ɔyí ánfító, ménú ahá ání bɔmɛdé ató wúun bówun ató. Ahá ání bɔdewúun é ansibi ibwie.”

40 Farisifo akwá bubu Yesu wá inu bonu asón ání. Múó befité mu beé, “Mú sv fodeblí fée aní é anigyí ansibi abwiepó?”

41 Yesu léle mú ɔnɔ ɔbéé, “Ní ansibi abwiepó mligyí á, teki Bulu mééha mli ipón. Táme íná mhaa mli dé ató wúun sv á, mli lakpan lasin mli sv.”

10

Akúfa Ɔkparó Mva Mu Akúfa

1 Yesu léblí ɔbéé, “Ɖnɔkwali nde mli bláa. Ɖhá ání ɔdó tson akúfa ibansu wíé mótó, ɔmɔtsun ɔkpa ɔnɔ á, owikpɔ pú ogyo otswapó ogyi. 2 Tsúfé iban ɔnɔ akúfa ɔkparó tɔtsun wie mótó. 3 Iban ámusu ɔkípu tefinkí mú há akúfa ɔkparó ámu tebitíwíé. Ɖtɔpó akúfa amu dá tí amó, bɔtonú mu ɔme, ɔtekpá amó dáli. 4 Ní ɔkpá akúfa amu fée dáli a, otegya amú nkpa, bɔtobuo mu, tsúfé bɔyin mu ɔme. 5 Bɔtamabuo ɔfó. Srí bɔtesrí sí mu, tsúfé bɔmeyin mu ɔme.”

6 Yesu léha amó yébi anfi, táme bɔmonu mú asi.

Akúfa Ɔkparó Wankláán Amu

7 Yesu létrá bláa amó ɔbéé, “Ɖnɔkwali nde mli bláa. Mígyí akúfa iban ámu ɔnɔ ní. 8 Awikpɔ pú ogyo atswapó ahá ání begyankpá ba fée bɔgyi. Akúfa amu bɔmɛbi amó ɔme. 9 Mígyí akúfa iban ámu ɔnɔ ní. Ní ɔku ɔtsun mitó wíé dáli a, tɔtɔ mɔɔbwe mú. Obéyéná ató gyí mwe. 10 Owikpɔ agywuun gyí, ɔbá bowi, ɔmɔ, oyinta ató. Mí mú neba, ménú ahá bénya nkpa ání lɔfun.

11 “Mígyí akúfa ɔkparó wankláán ámu ní. Akúfa ɔkparó wankláán tɔtsúlá hólí mu nkpa há mu akúfa. 12 Táme akúfa ɔkparó ání ɔde ipa gyí, megyí mu onutó bó akúfa amu tesrí ní owun ɔkpataku ɔbá bekitá amó. Ɖkpataku ámu tekítá akúfa amoto ɔku, atráhe bɔtedásáin. 13 Oyin ámu tesrí, tsúfé ipa keke odegýí. Akúfa amu nkpa tamahían mu. 14 Mígyí akúfa ɔkparó wankláán ámu ní. Nyin mí akúfa, mí akúfa é bɔyin mí, 15 fé alá mí Sí ámu yin mí á, alí mí é nyin mu ní. Ntɔhólí mí nkpa há mí akúfa. 16 Mbu akúfa bámbá aku é. Bɔma akúfa iban ánfító. Ilehían ání nékpa amó é ba. Amó é bónu mí ɔme. Amó fée bóbwe akúfa iku kole pú ɔkparó ɔkole.

17 “Iní só mí Sí tekle mí asón ní. Tsúfé natsúlá ání nɔhólí mí nkpa há ahá, ménú nélanyá mú. 18 Ɖhaa méetalí swíí mí. Mí onutó latsúlá ání nɔhólí mú. Mbu ɔkpa hólí mí nkpa, mbu ɔkpa lánýá mú é. Iní mí Sí lébláa mí ɔbéé mbwée ní.”

19 Mu asun blíhé anfi sv Yudafo ahande amu bɔmetrá bwe kole. 20 Amótó aku beblí beé, “Ɖhe laláhe bu mutó. Mu nwun ideyintá. Ɖhaa mátrá nu mu asun blíhé.”

21 Aku é beé, “Ɖhá ání ɔhe laláhe bu mutó méetalí blí asón ání odu. Ɖhe laláhe ɔbétalí bwíí ansibi obwiepó ansibi?”

Yesu Kind

22 Ekéá bwtápókáín Bulu ótswékpa gyvrásu Yerusalem lófún. Alí bré ámu igyi lilitó. 23 Yesu lóyo odeki Bulu ótswékpató ótunekvá bwtetí unu “Salomo Abrándaaśó.” 24 Yudafo ahande amu aku befa bomlí mu. Befité mu beε, “Ómenke kéní asa fébláa aní ónókwalí amu? Ní fógýí Kristo, (ohá amóú Bulu ladá mu ofúli amu) a, wuna le mó tii aní.”

25 Yesu lébláa amó óbéε, “Nébláa mlí bótson, táme mlímédéhogyi. Ofúla amóú ndébwε mí Sí dátó ámu dé mí iwí adánsie gyí. 26 Táme mlímédéhogyi, tsúfé mlímá mí akúfató. 27 Mí akúfa bwtónú mí óme. Nyin amó, bwtobuo mu. 28 Ntehá amó nkpa aní itamatá. Bwmóowu ekekεεke. Óhaa méetalí swíí mí amó. 29 Mí Sí amóú ólópυ amó há mí ámu dun tógýtító. Óhaa méetalí swíí amó lé mí Sí íbitó. 30 Mía mí Sí angyí kole.”

31 Inu á, Yudafo ahande amu betrá kulá abwi beε abwtswí da Yesu mō. 32 Táme Yesu léfité amó óbéε, “Nabwé ofúla tsótsóatsóá itsu mí Sí wá súná mlí. Mótó mōmu só mlidékkléá mléda mí abwi?”

33 Bebláa mu beε, “Megyí ofúla aní fabwé kókukuko só aníaa abéda fú abwi. Alí amóú fablí abususu pókósó líí Bulusu ámu su. Nyankpōsa fógýi, táme fεε Bulu fógýi.”

34 Yesu léfité amó óbéε, “Bwmōwanlín wá mlí Mbla ówoló ámutó beε, Bulu óbéε, ‘Mlgyí fé Bulu?’ 35 Aniyin aní ónókwalí Bulu asón igyi. Mó su ní Bulu létí ahá amóú ólópυ mu asón há ámu óbéε, bugyi fé mu a, ntogyi só mlidé óbló nya? 36 Mí mó á, mí Sí léle mí yáí, ngyi mu kle, ólwa mí sísí óyí ánfíto. Ntogyi só mlidéblí mlíaa nablí mbéε, ‘Bulu mu Bi ngyi’ su nablí abususu pókósó líí mōsu? 37 Ní megyí mí Sí agyómá ndébwε mó á, mlímáhō mī gyi. 38 Táme ní mí Sí agyómá ndébwε, asa mlímáhō mī gyi kóráá á, mómú mlíhō ofúla amóú ndébwε ámu mó gyi, amlíbi aní Mí Sí ámu bu mitó, mí é mbu mutó.”

39 Betrá bwε aní békítá mu, táme óledalí amó íbi, nátí sí amó.

40 Yesu léyinkí fá Yordan óbún ba ótíné amóú Yohane létsiá bó ahá asú ámu, olesi tsiá unu. 41 Ahá tsótsóatsó beba mu wá, bwdε aba bláa beε, “Yohane móbwε osúna kókukuko, táme asón aní Yohane léblí tsú oyin ánfí iwí féé laba mótó pépéépé.” 42 Ahá tsótsóatsó bóhō mu gyi unu.

11

Lasaro Lowu

1 Oyin ókwá bwtetí mu Lasaro mva mu apio tshé Maria pó Marta betsiá Betania wúlutó. Oyin ámu lóló. 2 Maria anfi létsei mu ofobí fánfáánfán wólí aní Wíe Yesu ayabisu, pó mu imi tsítsi mó ní. Mu pio yínhé gyí Lasaro anfi óda ódéló á.* 3 Mó su mu apio tshé anfi bōwa abí sísí Yesu beε, “Owíé, fú ódwepó délo.”

4 Yesu lónu asón ámu a, óleblí óbéε, “Megyí íló anfi óbómō mu, mbouin íbéle Bulu numnyam ówan. Ibówa mí Bulu mō Bi anfi é numnyam.”

5 Yesu tekle Marta mva Maria pó Lasaro féé asón. 6 Táme bréá olonu aní Lasaro délo á, ólétrá sí tsiá ótínéá óbu nkenyó kéké. 7 Mó óma a, ólebláa mu akasípó óbéε, “Mlíha ayinkí yo Yudea.”

8 Mu akasípó amu befíté mu beε, “Osunápó, nwén nfi Yudafo ahande bakle aboda fú abwi mō. Mó fεε fétrá yinkí yó unu?”

9 Yesu lópυ yébi lé mó ónó óbéε, “Megyí dōnhwírí dúanyó bu ekewóletó? Ní óha ná óyí keheto á, ótamasúti, tsúfé nsaintó lówankí, su odewúun. 10 Táme ní óku ná oklúntó á, otosúti, tsúfé ómedé ató wúun.” 11 Asón anfi óma a, ólétrá blí óbéε, “Aní nyáwíe Lasaro ladídu, táme nōyó anyetsinkí mu.”

* 11:2 Imí kén bu 12:1-8to.

12 Akasípó amu bebláa mu beε, “Ani Wíe, ní ɔdedidi mú á, iwí b́owa mu ɔnlun!”

13 Lasaro lowu iwí asón Yesu déblí, táme akasípó amu mó buki beε mu didi keke iwí asón ɔdeblí. 14 Inu Yesu lówunáa kpa mó opulu ɔbéε, “Lasaro lawú. 15 Mli sv ilawá mí ansigyí ání mma inu asa olowu, ménu mlóhɔ mu gyi. Mliba ayeki mu.”

16 Inu Toma ání ogyi Tabí† lébláa mu aba ámu ɔbéε, “Mliha ania munyɔ féé ayɔ, ménu ní lowu igyi kóráá á, ania munyɔ awu!”

Ọhá Aní Ọ̀tọ̀kọ̀súa Ahá Tsú Afúlitọ, Há Amó Nkpa

17 Yesu lówie Betania wúluto á, bebláa mu beε bopulá Lasaro ilagyi nkená. 18 Tsú Betania ya Yerusalem mafon máili anyɔ. 19 Mú sv Yudafɔ tsɔtsɔtsɔ beba Maria mva Marta gyɔwí ɔhakpá, amú pío lowu sv.

20 Benya bláa Marta ání Yesu ɔbá alí, ɔ̀ɔkɔsú yéfia mu ɔkpa. Maria mó lésin wóyító. 21 Mú Marta lébláa Yesu ɔbéε, “Mí Wíe, teki ní fubv nfi á, teki mí pío mówu sí mí. 22 Táme séi kóráá nyin ání tógyítá f́kólí Bulu á, ɔbéha fú.”

23 Yesu lébláa mu ɔbéε, “Fú pío ámu ɔbélakósú.”

24 Marta lébláa mu ɔbéε, “Nyin ání ɔ̀ɔkɔsú eke tráhe amú afúli bókusú ámu.”

25 Yesu lébláa mu ɔbéε, “Mígyi ɔhá ání ntọ̀kọ̀súa ahá tsú afúlitọ, há amó nkpa. Ọhá ání ɔ̀ɔhɔ mu gyi owú kóráá á, ɔbétrá tsiá nkpa. 26 Ọhá ání otsie nkpa, ɔ̀ɔhɔ mu gyi é móowu ekekekeke. Fahɔ mósó gyi?”

27 Marta lótsulá mósó ɔbéε, “Ee! Mí Wíe, nahogyi ání f́gyí Kristo, (ɔhá ámu Bulu ladá mu ofúli), Bulu mu Bi ámu beε ɔbéba ɔyító ámu ni.”

Yesu Lósú

28 Bréa Marta léblí alí tá á, oleyinkí ba wóyító beti Maria ya itsétó, bláa mu ɔbéε, “Osunápó laba, ɔde f́ tɔ.” 29 Maria lénya nú mó alí, ɔ̀ɔkɔsú ý Yesu wá. 30 (Alí bré ámu ɔ́ á, Yesu mókónyá wíe wúluto. Ọ́lí ɔ́tíné ámu Marta lóyító mu amu.) 31 Bréa ahá ámu bɔtsie Maria wá wóyító, bude mu klɔn yíá ámu bowun ání alakósú ɔtsáwule pé ɔy á, bókusú buo mu. Buki beε ɔy opulákpá inu yósu.

32 Bréa Maria lówie Yesu wá á, ɔ̀ɔeda akpawunu, bláa Yesu ɔbéε, “Mí Wíe, ní fubv nfi á, teki mí pío mówu sí mí!”

33 Bréa Yesu lówun ání Maria mva ahá ámu bɔbuo mu amu féé budesú a, ilehie han mu. Mú sv mu ansí lepe. 34 Ọ́lefíté amú ɔbéε, “Nkónú mlulópulá mu.”

Inu bebláa mu beε, “Ani Wíe, beki.”

35 Inu Yesu lósú. 36 Mú sv Yudafɔ ámu beblí beε, “Kí alíá ɔtehié dwé Lasaro!”

37 Táme amótó ako beblí beε, “Megyi oyin ání lóbwií ansibi obwiepó ámu ansibi ni. Ntogyi só ɔmetalí kítá Lasaro yáí, alawú?”

Lasaro Kúsá

38 Yesu ansí létrá pé, ɔ́lenatí ý opulákpá inu. Ibwi alato bopulá mu, bemináa ibwi tin mó ɔ́nó. 39 Inu ɔ́lebláa amú ɔbéε, “Mlímína ibwi ámu lé ɔ́bó ámu ɔ́nó.”

Táme owupó ámu mu pio tsíhé Marta lébláa mu ɔbéε, “Mí Wíe, nde aná mó á, alayintá. Nde eke náási ɔ́pá bopulá mu.”

40 Yesu lébláa mu ɔbéε, “Mmebláa fu mbée ní fohogyi a, fówun alíá Bulu iwí bu ifú?” 41 Inu bemináa ibwi ámu lé ɔ́bó ámu ɔ́nó. Yesu lótsu ansí f́óá kí

† 11:16 Didimus móa Toma así gyí Tabí Griiki móa Hebri ɔ́blitọ.

osósú, bílì òbée, “Mí Sí, neda fú ipán aní fanú mí òme. ⁴² Nyin aní fotonú mí mpáí ekekegyíeke. Táme ahá ánfí bulí nfi ánfí sù nablì alì, ménì bóhogyi aní fólówa mí.” ⁴³ Bréá òlòbò mpáí ánfí tá á, òlòkplón bílì òbée, “Lasaro, dali ba!” ⁴⁴ Lasaro lédali a, tati klì m̀v̀ ibi p̀v̀ m̀v̀ ayabi. Dúku é klì m̀v̀ ansítò. Yesu lébláa amó òbée, “M̀s̀s̀anki m̀v̀ ònatì.”

Bekiklì Yesu Nwunsv

⁴⁵ Yudafò amóú bobuo Maria ba inu ámv̀ bowun tóá Yesu labwé. Mó sv amó tsòtsòtsò bòhò m̀v̀ gyì. ⁴⁶ Táme amótò akv̀ b̀ỳỳ yébláa Farisifò ámv̀ tóá Yesu labwé. ⁴⁷ Inuv̀v̀ Bulu igyì ahapó dehen p̀v̀ Farisifò ámv̀ beti aba asón agyípó fia. Móú befítè aba b̀èè, “Nkálì abóbwè? Lélé mó á, oyin ánfí dé osúna tsòtsòtsò bwè. ⁴⁸ Ní anuméka m̀v̀ itin á, òhagyíòha òbòhò m̀v̀ gyì. Ibéha Romafò b̀èbà bobwie anì Bulu òtswékpa amv̀, yíntá anì òmá!”

⁴⁹ Táme amótò òkvléá butetì m̀v̀ Kaiafa, ogyi Bulu igyì ahapó dehen ofi ámv̀tò lébláa amó òbée, “M̀lì mó m̀l̀m̀éyín òlala! ⁵⁰ M̀l̀m̀ókóbí aní ibv̀ aléá òbakòlè obówu ahá f̀é̀é̀ nwunsv, òv̀n anì òmá ámv̀tò ahá f̀é̀é̀ b̀é̀hì?” ⁵¹ Megyì Kaiafa onutò agywun òlòp̀v̀bí asón ánfí. Táme iná ofi ámv̀tò m̀gyì Bulu igyì ahapó dehen sv á, igyì asón aní òleblì tswì aní ilehián aní Yesu obówu há Yudafò òmá. ⁵² Megyì b̀èè òmá ámv̀ nkvlè pé sv obówu, mbouín alíá òbékpa Bulu ahá aní badásáin f̀é̀é̀ b̀òwa abato, b̀òb̀wè òkvlè sv.

⁵³ Tsú eke ámv̀ b̀òwa agywun bwè aní bómò Yesu bí. ⁵⁴ Inì sv Yesu métrá tsíá lé iwì òwan Yudafòtò. Mbouín òlenatí yó wúlu kvá butetì mó Efraim, aní ibv̀ òimbísú. M̀v̀ m̀v̀ akasípó m̀v̀n òv̀n betsiá inu.

⁵⁵ Bré ámv̀tò á, Yudafò nkeá b̀òp̀gyi Israelfòsv Katsun Nke ámv̀ lawíé wóyí tá. Ahá tsòtsòtsò bòtsu awúlusò dó yó Yerusalem aní b̀ỳỳgyoráa iwì asa nke ámv̀ ifun. ⁵⁶ Bréá b̀ỳỳ Bulu òtswékpa wunsinésú inu á, bodunká aní bówun Yesu. Mó sv befítè aba b̀èè, “Nkálì m̀l̀d̀ékí? M̀l̀l̀ahogyi m̀l̀l̀aa, òb̀èbà nke ánfítò lóó?” ⁵⁷ Táme bré ámv̀tò á, Bulu igyì ahapó dehen p̀v̀ Farisifò ámv̀ babláa ahá b̀èè, ní òkv̀ owun òtínéá Yesu bv̀ a, òhá amó ibi, ménì b̀èỳékítá m̀v̀.

12

Ofobí Fánfáanfán P̀v̀wólì Yesu
(Mateo 26:6-13; Marko 14:3-9)

¹ Ilesì nkensíé abugyi Israelfòsv Katsun Nke a, Yesu lóyò Lasaro amóú òlòkvsáa tsu afúlitò ámv̀ wúlutò Betania. ² Mó ntópwesv bòtswì òp̀nó há m̀v̀. Marta léye atogyihè òp̀nó ámv̀ asi. Lasaro m̀v̀ ahá amóú beti ámv̀ b̀òwa ibi gyì ató Yesu wá. ³ Inu Maria l̀p̀v̀v̀ ofobí fánfáanfán aní ibv̀ ibiá p̀r̀nt̀v̀a yílè òbò betséí wólì Yesu ayabisv̀, òlòp̀v̀ m̀v̀ nwunsv-imi tsítsi mó. Ofobí ámv̀ òfan l̀hò wóyí ámv̀tò f̀é̀é̀.* ⁴ Táme Yuda Iskariot, ogyi Yesu akasípó amóú òkvlè, òbéle Yesu há ámv̀ mó léblì òbée, ⁵ “Ofobí ánfí bv̀ bíá. Ntogyì sù b̀m̀efè mó, p̀v̀ k̀òba amv̀ há ahíánfò? Mó bíá b̀òb̀wè òbakòlè ofi òkvlè akatua.” ⁶ Megyì ahíánfò nwewúun sv Yuda dé asón ánfí bí. Owikplu ógyi sv. M̀v̀ wá sika okentebi bv̀, otetsiá wí kv̀ lé mótò.

⁷ Yesu léblì òbée, “M̀l̀s̀ì m̀v̀ òp̀v̀ ofobí ánfí wólì mí ha mí opuláké. ⁸ Ahíánfò mó b̀é̀tsiá m̀l̀ì wá ekekegyíeke, támè mí mó nméetsiá m̀l̀ì wá yó.”

Bekiklì Lasaro Nwunsv

* **12:3** Oyí kvá butetì Naadi nlin butòp̀v̀wé ofobí ámv̀.

⁹ Yudafə tsətsətsə bonu ání Yesu laba Betania. Mú sɔ begya əkpə yó mu əkíkpa. Megyí mu nkɔlɛ sɔ bəyó inu. Beyéki Lasaro amóú Yesu lókusó tsu afúlitə ámu é. ¹⁰ Mú sɔ Bulu igyí ahapó dehen amu bəbwe agywun bɛe bómə Lasaro é. ¹¹ Tsúfé mu kosó tsu afúlitə sɔ Yudafə tsətsətsə bɔde əma yinkí bəhə Yesu gyi.

Bəhə Yesu Fə Owie Yerusalem

(Mateo 21:1-11; Marko 11:1-11; Luka 19:28-40)

¹² Ɔyi kehe a, ədam amóú baba nke ogyíkpa amu bonu ání Yesu əbá Yerusalem. ¹³ Mú sɔ beka mbláa, bəpu əkpə beyéfi mu. Bɔde okitikíti bɛe, “Hosiána! Bulu oyúla əhá ənfi əna aní Wíe Bulu dátó əbá ənfi! Bulu oyúla Israel Owie amu!”

¹⁴ Yesu lénya afrímú əku, ələdu bian mɔsu, fé alí bəwanlín wá Bulu asóntó bɛe,

¹⁵ “Sionfə, mlumánya ifú!

Mli Wíe dín afrímú ibísó əbá á!”

¹⁶ Yesu akasípó amu buməkasi nú asón ənfi asu. Táme bréa Bulu lókusó Yesu tsú afúlitə, wá mu numnyam əma a, bekaín ání bəwanlín asón ənfi tsú mu iwɛ. Mú bəbwe há mu a.

¹⁷ Aha ání bobuo Yesu bréa əletɛ Lasaro fúli-əbótó, kósó mu tsú afúlitə bəyó mósó dá asón ənfi əkan. ¹⁸ Inu sɔ ədam amu beyéfi mu ni. Bonu ání alabwé osúna ənfi. ¹⁹ Farisifə amu bebláa aba bɛe, “Mlulawun ání anlabwé kásián. Mliki, ahá fɛe bayó bɔbuo mu o!”

Griikifə Aku Bodunká Yesu

²⁰ Griikifə aku bɔbu ahá amóú beba Bulu osúmkpá Yerusalem Israelfəsu Katsɔn Nke ámɔtə. ²¹ Bəyó Filipino ání otsu Betsaida ání ɛbu Galilea əmátó wá yébláa mu bɛe, “Owíe, anidékléa abówun Yesu.”

²² Filipino lébláa Andrea, mu mɔnyə beyébláa Yesu. ²³ Yesu lébláa amú əbée, “Bré lafun ání bəwa Nyankpɔsa-Mu-Bi ámu numnyam. ²⁴ Ɔnokwali nde mli bláa. Ní kpolibí məkówíe əbótó, ikwe, pló á, kpoli ibi-kulɛ amu kén igyi. Táme ní ikwe, pló á, itəbwé abí tsətsətsə. ²⁵ Ní əku tədwé mu nkpa əyí ənfítə á, əbóhulú mú. Ní əku é tamadwé mu nkpa á, obénya nkpa ání itamatá. ²⁶ Ní mlítə əku əbée mósum mí á, ilehián ání obóbuo mi, mənɛ obétsiá ətínéa mbu. Ní əku dé mí sum á, mí Sí əbówa mu numnyam.”

Yesu Lowu Iwɛ Asón Blí

²⁷ Yesu lóyə mósó əbée, “Séi á, asón dé mí klun háan! Amansu nébli? Blí ntebli mbée, Mí Sí, ɛ mí tsu ason wunhe ənfítə lóó? O-o, mú sɔ neba ni. ²⁸ Mí Sí, wa fú iwɛ numnyam!”

Inu á, əme əku lótsu əsós ba əbée, “Nawá mí iwɛ numnyam dodo. Nétrá wa mú.”

²⁹ Bréa ədam amóú bulí inu ámu bonu əme amu a, bebli bɛe “Ɔpráda lapótí.” Aku é bɛe, “Bulu-əbpu lábláa mu asón!”

³⁰ Inu Yesu lébláa amú əbée, “Mli sɔ əme ənfi lalun, megyí mí. ³¹ Bréa Bulu obégyi əyítəfə asón ní. Bréa Bulu əbəkplí Ɔbunsám, əyísú ogyípó amu obíasó ní. ³² Táme mí mó á, ní bedá mí mántá oyikpalihɛsɔ, tsú mó líí á, nékpa ahá féé ba mí iwɛ wá.” ³³ (Yesu lébli asón ənfi pəsúná lowu oduá mówu.)

³⁴ Inu ədam amu befité mu bɛe, “Ani mú anilonu tsú aní Mbla əwolú ámɔtə ání Kristo, (əhá amóú Bulu ladá mu ofúli amu) obétsiá bré féé. Mú ntogyi sɔ fədəbli fɛe, ilehián ání bedá Nyankpɔsa-Mu-Bi ámu mántá oyísó, tsú mó líí? Ma gyí Nyankpɔsa-Mu-Bi ámu?”

³⁵ Yesu lébláa amú òbée, “Bré kpalobí kv pé ɪlasí ání Wankí amv òbétrá tsiá mli wá. Iníá Wankí amv trá òbv mli wá á, mɪnatí wankí amvto, méní owí méeta wá mli. Tsúfě òhá ání òna oklúntò tamabí òtunéá òyó. ³⁶ Bré ánfí wankí† amv trá òbv mli wá á, mliho mvo gyi, méní mlóbwe wankí amv abí.”

Yudafò Yesu Mahogyi

Bréá Yesu lébláa amú ason anfi tá á, òlenatí yérjaín. ³⁷ Iníá òlbwe osúna tsòtsòòtsò amú ansító ó á, bvmòho mvo gyi. ³⁸ Iní léha Bulu ònósú òtòipú Yesaia asón ámúò òleblí tswí dodo amv léba mótó. Òbée, “Aní Wíe, ma láho asón ámúò aniléblí ámvsò gyi?”

Ma aní Wíe lalé mvo túmi súná?”

³⁹ Mú sv bvmetálí ho Yesu gyi, tsúfě Yesaia létrá blí òbée,

⁴⁰ “Aní Wíe Bulu lahá bvmédéwúun,

bómedé asón nu,

Mó sv bvmóowun ató,

bvmóonu asón, méní bédamlí ba mí wá,

nétsa amú ɪlo.”

⁴¹ Yesaia lówun Yesu numnyam. Mó sv òleblí asón ánfí tsú mvo ɪwí ní.

⁴² Mú ó á, Yudafò ahande amv tsòtsòòtsò bəho mvo gyi, táme bvméle amú hógyi òwan. Tsúfě benya ifú ání Farisifò ámvo bébi amú, gya amú lé amú ofiakpa. ⁴³ Tsúfě bvtokle bee ahá bokánfv amú òvn ání Bulu òbékanfú amú.

Yesu Asón Bulu Òbópvgyi Ahá Asón

⁴⁴ Yesu lókplon blí òbée, “Megyí mí nkole òhagyíòha ání òlòho mvo gyi déhógyi. Òhá ámúò òlòwa mí sísí ámvo é. ⁴⁵ Òhagyíòha ání òde mí wúun dé òhá ámúò òlòwa mí sísí ámvo é wúun. ⁴⁶ Naba òyí ánfíto fě wankí, fěki òsolóv anfvsv ɪwankí, méní òhagyíòha ání òlòho mvo gyi méésin oklúntò. ⁴⁷ Ní òkv onú mí asón, táme omegyí mósú á, megyí mí òbėha mvo ipón. Tsúfě mməba asón ogyíkpa. Ahá nkpa òhókpa neba. ⁴⁸ Òha ání okíná mí, òmòho mí asón é bv asón ání bópvhá mvo ipón. Mí ason blíhé amv ɪbėha mvo ipón eke tráhe amv. ⁴⁹ Tsúfě megyí mí onutó túmi nəpvtóí. Mí Sí lówa mí sísí. Mvlėha mí asón ání mblí, pú alíá mblí mó. ⁵⁰ Nyin ání mvo asón ámvo ɪtehá nkpa ání ɪtamatá. Mó sv asón ání òtəwá mí blí kóún nteblí.”

13

Akasípú Amv Ayabiasí Fwí

¹ Asa béfi Israelfòsv Katsòn Nke ámvo gyí así á, Yesu lébi ání mvo bré lafòn ání médalí òyí ánfíto yó mvo Sɪ wá. Òlòdwe ahá ámúò bvgyi mvo kle òsolósv nfi ámvo alu yófvn mvo owuké.

² Mva mvo akasípú amv befia ntópwe ató ogyíkpa. Alí bré ámvtò á, òbònsám lawúna wie Simon Iskariot mvo bi Yuda klvntò ání òyéle Yesu ha.

³ Yesu yin ání mvo Sɪ lópv tógýtó wá mvo ɪbitò. Oyin ání Bulu wá motsu ba, mvo wá méyinkí yó ní. ⁴ Mú sv òlele ɪbi òlepe ámvtò, òlòkvsó wóí mvo atade tswí, tsú òsan sába. ⁵ Òletsei ntsu wá onuwétó, òlefi así òde mvo akasípú amv ayabiasí fwí. Òfwí òmáýín a, alapú mvo osiétó òsan ámvo tsítsi mvo ayabiasí.

⁶ Bréá ɪlòtv Simon Petro a, òlefíté Yesu òbée, “Mí Wíé, fú òbófwi mí ayabiasí?”

⁷ Yesu léle mó ònò òbée, “Fvmóonu tó ánfí ndebwe ánfí así séi. Òma asa fóbonu mó así.”

⁸ Múv Petro lébláa mvo òbée, “O-o! Mméesi, afvfwí mí ayabiasí ekekekeke.”

Yesu lébláa mvo òbée, “Ní mməfwí fú ayabiasí á, fvméenyə ogyíkpa mí wá.”

† 12:36 Yesu gyí Wankí amv.

⁹ Simon Petro lébláa mu obée, “Mí Wíé, megyí mí ayabi nkole. Wuna fwi mí ibi pó mí nwuntó é.”

¹⁰ Yesu lébláa mu obée, “Ọhá ání alabie ntsu métrá hián nsubíe. Mboun mu ayabiasí fwi pé, tsúfẹ alaln dodo. Mli iwí lalin, táme megyí mli fẹé.”

¹¹ (Yesu lébláa mu alí, tsúfẹ oyin ọhá ání obéle mu há. Mú su ọleblí obée, “Megyí mli fẹé lálun” ni.)

¹² Bréá ọlẹfwi amó ayabiasí tá á, ọlẹlatsú mu atadié wá, yínkí yétsiá ọpónú ámu así. Mú ọlẹfité amó obée, “Mlilanú itó ánfí nabwé há mli ánfí así?

¹³ Mliletí mí ‘Osunápó,’ mliletí mí ‘Owíé.’ Mú ọkpa ní, tsúfẹ mó ngyi ní. ¹⁴ Ní mí ání ngyi mli osunápó pó mli Wíe, nafwí mli ayabiasí á, mómó ilehián ání mli é mlófwí mli aba ayabiasí. ¹⁵ Nabwé súná mli, méní mlóbwé mú alí á mú nabwé mú há mli ámu. ¹⁶ Ọnọkwali nde mli bláa. Osúmpú ọkọkọ módun mu wie. Alí kén sumbí ọyọpó módun ọhá ání ọlọwa mu ni. ¹⁷ Iná mlilabí ọnọkwali anfi á, Bulu obóyulá mli ní mlegyi mósú.

¹⁸ “Megyí mli fẹé iwí asón ndeblí. Tsúfẹ nyin ọhá ání nalé. Táme lehián ání Bulu asón ání ibéba mótó. Asón ámu obée, ‘Ọhá á mú mli mnyo anidé ibi wa ọlẹpeto ámu lakúsó lí mí súsú.’ ¹⁹ Nde mli bláa séi asa iba, méní ní ibá á, mlóhọ mí gyi ání mígyí ọhá á mú mbée ngyi ámu ni. ²⁰ Ọnọkwali nde mli bláa. Ọhagyíhọ ání ọlọhọ ọhá ání nọwa sumbí lahọ mí. Alí kén ọhagyíhọ ání ọlọhọ mí lahọ mí Sí ámu ọlọwa mí sí sí ámu é ní.”

Yesu Lẹ Há

(Mateo 26:20-25; Marko 14:17-21; Luka 22:21-23)

²¹ Bréá Yesu léblí asón ánfí tá á, asón ihíe de mu háan mu kluntó. Mú su olowunáa kpa mó tati obée, “Ọnọkwali nde mli bláa, mlitọ ọkole obéle mí há.”

²² Akasípú amu bekpelé kí aba ansító, tsúfẹ bomeyín amótó ọmá ọde.

²³ Akasípú amutọ ọkoleá otsie mantáa Yesu, gyí ọmá Yesu tehíe dwé ní.

²⁴ Mú su Simon Petro lóbusu mu ansíbi obée, ọfite mu ọhá ání obéle mu há.

²⁵ Mú ọkasípú amu léyínkí kpísá Yesusu, fité mu obée, “Mí Wíé, ma obéle fú há?”

²⁶ Yesu lébláa mu obée, “Ọhá á mú nẹbia bodobodo, pódá oputsútó há ámu gyí mu ni.” Inu olebia bodobodo pódá oputsútó há Yuda, ogyi Simon Iskariot mu bi. ²⁷ Olenya họ mó alí, Ọbunsám lówie motọ. Mú su Yesu lébláa mu obée, “Bwé tóá fudekléá fóbwe sasa!” ²⁸ Ahá á mú butsie ọpónú ámu así ámutọ ọkọkọ mébi tóá sọá Yesu lébláa mu asón ánfí. ²⁹ Amótó akọ bukí bee, Yuda gyí amó sikasú ọkípú. Fíalí Yesu dé mu bláa obée, ọyóhọ atóá bọpugyi nke ámu, ntée ọpón tọku ya ahíánfọ.

³⁰ Yuda lénya họ bodobodo amu alí, ọlẹdalí. Owí latá alí bré ámu.

Mbla Pọpwe

³¹ Yuda lénya dáli obuto inu alí Yesu léblí obée, “Bréá Mí, Nyankpọsa-Mu-Bi ánfí numnyam béln ọwan ní. Bulu ọbótsun misu lé mu numnyam ọwan. ³² Ní ọtsun misu lé mu numnyam ọwan á, alí kén ọbótsun mu iwísu lé mí numnyam ọwan ní. Ọbówa mí numnyam inu. ³³ Mí abí, mmétrá tsiá mli wá, wá ọpá. Mlódunká mí. Alí á mú nebláa Yudafo ahande amu mbée, ‘Mlumétalí ba ọtínéá nọyó ámu’ a, alí kén nde mli bláa mli é ní. ³⁴ Mbla pọpwe ndewa há mli mbée, mlidwe aba. Alí á mú nọdwe mli ámu a, alí kén mlípú ọdwe ámu dwe mli aba ní. ³⁵ Ní mlidé aba dwe á, ibósuná ahá fẹé ání mí akasípú mligyí.”

Petro Ọbáswú Ọbée Momeyín Yesu

(Mateo 26:31-35; Marko 14:27-31; Luka 22:31-34)

³⁶ Simon Petro léfité Yesu ɔbéɛ, “Mí Wíé, nkónu fɔyó?”

Yesu léle mú ɔnɔ ɔbéɛ, “Ɖtíné á mú ɔnɔyó á mú a, fóméetalí buo mí yó unu séí. Táme ɔma a, fóbobuo mí.”

³⁷ Petro léfité mú ɔbéɛ, “Mí Wíé, ntogyi sù mméetalí buo fu séí. Nówu fú sù!”

³⁸ Yesu léfité mú ɔbéɛ, “Fówu mí sù? Ɖnɔkwali nde fú bláa. Fóswí pù ibi wá ogyá tse sa fee fumeýin mí asa bate ɔbéle ɔnɔ.”

14

Ɖsí Amu Wá Ɖkpa

¹ Yesu lébláa mú akasípó amu ɔbéɛ, “Opúni mátsii mí. Mliho Bulu gyi, amlího mí gyi. ² Otsiákpá tsɔtsɔtsɔ bu mí Sí wóyító. Ní otsiákpá ma unu á, teki mmébláa mí mbéɛ neyéla unu yái mí. ³ Ní nɔyó yéla otsiákpá amu yái mí tá á, néyinkí bá bekpa mí yáa mí iwí wá, méní mlétsiá ɔtínéá mbu. ⁴ Mliyin ɔkpa ání ida ya ɔtíné á mú ɔnɔyó.”

⁵ Inu Toma léfité mú ɔbéɛ, “Mí Wíé, anuméýin ɔtínéá fɔyó, nkáli abóbwe abébi ɔkpa á mú?”

⁶ Yesu léle mú ɔnɔ ɔbéɛ, “Mígyí ɔkpa á mú, ɔnɔkwali amu pù nkpa á mú. Ɖhaa méetalí yó mí Sí á mú wá, nkéti alatsɔn músu. ⁷ Ní mliyin mí lélé á, teki mlilabí mí Sí á mú é. Táme séí mú mlilawun mú, mlilabí mú é.”

⁸ Filipino lébláa mú ɔbéɛ, “Aní Wíé, suna aní fú Sí á mú. Mú kpán tso aní.”

⁹ Yesu léfité mú ɔbéɛ, “Filipo! Mbu mí wá dododo. Mú sù fómakóbí mí? Ɖhagyíɔha ání alawun mí ki lawun mí Sí á mú. Ntogyi sù fúdeblí fee, nsúna mí Ɖsí á mú? ¹⁰ Fómohogyi ání mbu mí Sí á mútɔ, mú é ɔbu mítɔ? Asón ání nde mí bláa ání motsú mí onutó wá. Mbóun mí Sí á mú ɔbu mítɔ á mú dé mú agyómá ya. ¹¹ Ní nde mí bláa mbéɛ, mbu mí Sí á mútɔ, mú é ɔbu mítɔ á, mliho mí gyi. Ní mliwóɔho asón á mú sù gyi óó á, ofúla amú ɔnde bwe á mú sù mliho mí gyi. ¹² Ɖnɔkwali nde mí bláa. Ɖhagyíɔha ání ɔlɔho mí gyi a, ɔbóbwe itáá nde bwe. Ɖbóbwe mú dun mí klé, tsúfé mí mú nɔyó mí Sí á mú wá. ¹³ Nóbwe tógyítá mlákolí mí idátó há mí, méní nówa mí Sí á mú numnyam. ¹⁴ Ní mlákolí tógyító mí idátó á, nóbwe mú.”

Ɖhe Wankihé Amu Ibá

¹⁵ “Ní mlitɔdwé mí á, mlégyi mí mblasu. ¹⁶ Nókulí mí Sí, ɔbópu Ɖma Ɖlípó bambá sísí mí, ɔbéba betsiá mí wá bré féé. ¹⁷ Mogyí Ɖhe Wankihé. Mutósúná ɔnɔkwali ání ibu Bulutɔ. Ɖyító ahá bóméetalí ho mú, tsúfé bómédé mú dunká. Bóméebi mú é, táme mí mú mliyin mú, tsúfé ɔbu mí wá, obétsiá mlitɔ.”

¹⁸ “Mméesi mí tswí fé awumbi. Néyinkí bá mí wá. ¹⁹ Ilasí kpalobí ɔyító ahá bómétrá wun mí, táme mí mú mlówun mí. Iníá mbu nkpa sù á, mí é mlétsiá nkpa. ²⁰ Ní eke á mú ifun a, mlébi ání mbu mí Sí á mútɔ. Mlí é mlihu mítɔ fé alí á mú mí é mbu mlitɔ á mú.”

²¹ “Ahá ání bude mí mblasu gyí a, amúgyí mí adwepó ní. Ɖhagyíɔha ání ɔtɔdwé mí á, mí Sí ɔbóbwe mú. Mí é nódwé mú, lé mí iwí ɔwan súná mú.”

²² Múó Yuda (megyí Yuda Iskariot) léfité mú ɔbéɛ, “Mí Wíé, ntogyi sù aní nkole pé féle iwí ɔwan súná, megyí ɔyító ahá féé?”

²³ Yesu léle mú ɔnɔ ɔbéɛ, “Ní ɔku dé mí dwe á, ɔbóbwe dínká mí atosunáhésu. Mí Sí ɔbóbwe mú. Mía mí Sí á mú nyo abéba betsiá mú wá. ²⁴ Ɖhá ání ɔtamadwé mí ɔmóbwe dínká mí atosunáhésu. Asón ání ndeblí mlidénu ání motsú mí onutó wá. Mí Sí lówa mí, mú wá itsú.”

25 “Nde mli asón ánfí bláa, séi ánfí mbu mli wá. 26 Táme Oma Ọlúpó, ogyi Ọje Wankíhé amóú mí Sí ọ̀bọ̀pọ̀sísí mí idátó ámu obósuná mli tógyító. Ọ̀bẹ̀kaín mli asúngyiasón aní nebláa mli.

27 “Iwilwii nde mli ha! Napó mí iwilwii há mli. Megyí mú amóú ọ̀yítófó botehá ámu odu. Mlumáha opúni itsii mli. Ifú é mákítá mli. 28 Nabláa mli bọ̀tsun mbée, ndenatí, táme néyinkí bá mli wá. Ní mli tódwé mí á, teki mlénya ansigyí aní nọ̀yó mí Sí wá, tsúfẹ̀ ọ̀dun mu. 29 Nde mli iní fẹ́é bláa yáí, méní ní ibá mótó á, mlóhogyi. 30 Mmétrá tói yó nkpa, tsúfẹ̀ ọ̀yísó ogyípó ámu ọ̀bá. Oma túmi mísó. 31 Ntonú mí Sí ọ̀me, méní ọ̀yítófó bébì aní ntódwé mu.

“Mlikọ̀sọ anati.”

15

Wáin Oyi Onutó

1 Yesu léblí ọ̀bée, “Mígyí wáin ifla onutó. Mí Sí gyí mú ọ̀dọ̀pọ̀. 2 Bámbigyíbámbiá ibu mí iwí, itamaswíé á, ọ̀tekpálí mú tsítsá. Táme kugyíkọ̀wá itoswíé á, ọ̀telá mú wankláán, méní ibóswie tsọ̀tsọ̀tsọ̀ dún. 3 Mí atosunáhé anfi mlilanú anfi sọ̀ mli iwí latin dodo. 4 Mlitsia mító, mí é antsia mlitọ̀. Bámbi kọ̀kọ̀kọ̀ méetalí swíé abí, nkéti ita mú oyísó brégyíbré. Alí kén mli é mli méetalí swíé abí, nkéti mli bu mitọ̀ ní.

5 “Mígyí wáin ifla ámu. Mligyí mú abámbi. Ọ̀há aní ọ̀bu mitọ̀, mí é mbu mitọ̀ obóswie abí tsọ̀tsọ̀tsọ̀, tsúfẹ̀ mli méetalí b́wé tọ̀tọ̀tọ̀ tsun mí ọ̀ma. 6 Ọ̀hagyíọ̀ha aní ometsie mitọ̀ gyí fẹ́ bámbiá bakpálí mú bun, ibówọ̀lì, békpa mú wá ogyá. 7 Ní mlitsie mitọ̀, mí asón é ibu mlitọ̀ á, mléfite mí Sí tógyítáá mli dẹ̀klé, ọ̀bẹ̀ha mli. 8 Ní mloswíé abí tsọ̀tsọ̀tsọ̀ á, ibówa mí Sí numnyam. Mú obósuná aní mí akasípó mligyí ní. 9 Alí amóú mí Sí tódwé mí ámu a, alí kén mí é ntódwé mli ní. Mlitsia mító, méní nódwé mli yó. 10 Ní mlegyi mí mblasu á, nódwé mli yó, fẹ́ alí amóú mí é ntegyi mí Sí mblasu, ọ̀tódwé mí yó ámu.

11 “Nabláa mli asón ánfí fẹ́é, méní ansigyí amóú ibu mitọ̀ ámu bẹ̀tsiá mlitọ̀. Fówun ansí bẹ̀gyi mli wankláán. 12 Mbla aní ndepuhá mli gyí; mli dwe aba fẹ́ alíá ntódwé mli. 13 Ọ̀dwe kọ̀kọ̀ mọ̀dún aní ọ̀ku obówu mu nyawie nwunsch. 14 Ní mlegyi mí mblasu á, mí anyawíe mligyí. 15 Mmétrá ti mli mí asúmpọ̀. Tsúfẹ̀ osúmpọ̀ méyín tóá mu wie dẹ̀bwe. Nde mli mí anyawíe, tsúfẹ̀ nabláa mli tógyítáá nonu tsú mí Sí wá. 16 Megyí mli léle mí. Míléle mli yáí mbée, mli yó amliyoswie abíá ibẹ̀tsiá bré fẹ́é, méní mí Sí ọ̀bẹ̀ha mli tógyítáá mlókolí mu mí idátó. 17 Mbla aní ndewa há mli gyí, ‘Mli dwe aba.’

Ahá Bólu Mli

18 “Ní ọ̀yító ahá bọ̀de mli lu á, mli káin aní mí begyankpá lú. 19 Ní ọ̀yító ahá mligyí a, teki ọ̀yító ahá bódwe mli fẹ́ amó abí. Táme nalé mli tsú ọ̀yítófó, sọ̀ mli má amótó. Iní sọ̀ ọ̀yítófó butolú mli ní. 20 Mli káin asón amóú nebláa mli mbée, ‘Osúmpọ̀ ọ̀kọ̀kọ̀ mọ̀dun mu wie’ amusu. Ní ahá bọ̀din mísó a, mli é bẹ̀dinká mli sọ̀. Ní begyi mí asónsú á, mli é bẹ̀gyi mli asónsú. 21 Táme mibó mli, sọ̀ bọ̀pọ̀ iní fẹ́é gyi mli, tsúfẹ̀ bọ̀meyín ọ̀há amóú ọ̀lọ̀wa mí ámu. 22 Ní mmakóbláa amó asvansu á, teki bọ̀ma ipón kọ̀kọ̀ gyí. Táme séi ánfí mú bọ̀ma ọ̀nó lé. 23 Ọ̀hagyíọ̀ha aní otolú mí tolú mí Sí é. 24 Nabọ̀we agyómá aní ọ̀haa mákóbwé mú odu kí amótó. Ní bọ̀mọ̀pọ̀ amó ansibi wun mú á, teki Bulu méeha amó ipón. Bowun tóá nọ̀bwe asa bọ̀de mía mí Sí lu. 25 Ilehián aní ibẹ̀ba alí, méní asón amóú bọ̀wanlín wá amó Mblatọ̀ bẹe, ‘Bolu mí kpaal’ ámu ibẹ̀ba mótó.

26 “Nówa Oma Olípó obótsu mí Sí wá bá. Mvgyí Oje Wankíhé amu. Mutósúná onkwali ání ibu Bulutó. Obégyi mí iwí adánsiε. 27 Mli é mlégyi mí iwí adánsiε, tsúfé mlilatsiá mí wá tsú bréá nefi ató suná asi.

16

1 “Nabláa mli asón anfi fée, ménι mluméedida hógyitó. 2 Yudafo ahande bégya mli lé amó ofiakpa. Bré kv kórará íbéba ání ahá bómó mli, súsu bæε Bulu agyómá bodeyo. 3 Bópu íni gyi mli, tsúfé bómakóbí mí ntée mí Sí ámu. 4 Táme nabláa mli asón ánfι, ménι ní íbá á, mlékaín ání nebláa mli yái.

Oje Wankíhé Gyumagyihe

“Mmákósi bláa mli asón ánfι, tsúfé mbo mli wá. 5 Táme séi nde mli bláa, tsúfé ngyó ohá ámúyó olówa mí sí sí ámu wá. Táme mlitó okoku méfité mí obée, ‘Nkónú foyó.’ 6 Iníá nabláa mli asón ánfι sv á, awirehó lahíé kítá mli. 7 Táme nde mli onkwali bláa. Oklára lawá mli ogyá ání ngyó. Tsúfé ní mmayo á, Oma Olípó amu oméeba mli wá. Táme ní ngyó á, nópu mu sí sí mli. 8 Ní obá á, obéle súná oyító ahá ání lakpanbwe sv bafwí, obéle tóá igyi Bulu yilébwε pó mu asóngyí é súná amú. 9 Bébi ání mísó máhógyi igyi lakpan. 10 Bébi tóá igyi Bulu yilébwε, tsúfé ngyó mí Sí wá, mlumétrá wun mli εκεκεεκε. 11 Bébi tóá igyi Bulu asóngyí, tsúfé Bulu lahá obonsám, ogyi oyísó ogyípó amu ipón dodo.

12 “Mbo asón tsotsotsó ání nebláa mli, táme mlumétalí nú mó fée asi séi. 13 Oje Wankíhé amu tósúná onkwali ání ibu Bulutó. Ní obá á, obéle asón ání igyi onkwali fée súná mli. Tsúfé megýi mu onutó túmitó obótó, mboún obéblí asón kugyíkúá olonu. Obébláa mli móá íbéba é. 14 Oje ámu obówa mí numnyam, tsúfé obébláa mli asón ání nteblí. 15 Tógyítóá mí Sí bów a, mí bó. Mó sv nabláa mli mbée, Oje ámu obébláa mli asón ání nteblí ní.

Akasípó Amu Awirehó Pó Ansigyí

16 “Ílasi kpalobí mlumétrá wun mli, táme imóowa opa koku mlélawun mli.”

17 Akasípó amutó akv befité aba bæε, “Ngya ntó asón ní? Obée, Ílasi kpalobí, anumétrá wun mu, táme imóowa opa koku, abélawun mu. Odeblí é obée, ‘Ngyó mí Sí wá?’ 18 ‘Ílasi kpalobí’ ánfι asi mé? Anumédé asón ánfι odeblí ánfι asi nu.”

19 Yesu lébi ání akasípó amu bodeklé abufite mu asón ámutó. Mó sv olebláa amú obée, “Blí ndeblí mbée, ílasi kpalobí mlumétrá wun mli. Táme imóowa opa koku mlélawun mli. Iní mlídé aba fité ní? 20 Onkwali nde mli bláa. Mlósu kpisíi, táme oyító ahá mó bénya ansigyí. Mlégyi awirehó, táme mli awirehogyí amu íbéba bemli ansigyí. 21 Ní ikwí de otsi dwiin á, ahomiti tekítá mu, tsúfé mu iwiasin wúunbi lafun. Táme onyákwií tá pé otetan mu iwiasin ámu sv, tsúfé ansi de mu gyí ání makwíí obi wá oyító. 22 Alí kén igyi há mli ní. Ahomiti de mli séi, táme nélawun mli. Mó sv mléhiε nyá ansigyí ání ohaa méetalí ká mli itin.

23 “Alí éke ámu á, mlumétrá kólí mí tótóto. Onkwali nde mli bláa. Tógyítóá mlókolí mí Sí mí idátó á, obéha mli. 24 Bótu nde mlímókófité tótóto mí idátó. Mlifite, obéha mli, ménι íbéhiε wá mli ansigyí.

Yesu Oyísó Gyí

25 “Nde mli asón ánfι bláa ayébisu, táme bré kv béba, mmétrá tóí ayébisu. Nówuná kpa mí Sí asón tati súná mli. 26 Tsú bré ámu sv pýya á, mlókolí mí Sí ámu ató mí idátó. Mmedéblí mbée, mí obókolí mu ató há mli. 27 Tsúfé mí Sí ámu onutó tódwé mli. Otódwé mli, tsúfé mlitódwé mí,

mlalahogyi ání notsú mvo wá. ²⁸ Mí Sí wá notsu ba oyító. Séi á, ndeyinkí tsú oyító nayo mí Sí ámu wá.”

²⁹ Inu akasípó amu bebláa mu beε, “Ehéen! Séi mó á, futráa fumedétoí ayébisu. ³⁰ Séi mó anlabí ání foyin tógyító. Mó su mehián ání ohaa obétrá fité fó asuansu. Iní lahá anlahogyi ání lélé fotsú Bulu wá.”

³¹ Yesu léfité amó obée, “Séi mó mlalahogyi? ³² Bré ku íbá. Uafun ta, mlédasáin. Mlito okugyíokv obóyo mu otsukpá sí mí. Táme iméesi mí nkole, tsúfé mí Sí ámu bu mí wá. ³³ Nabláa mlí asón ánfí fée, méní mlótsun misu nyá iwilwii. Mlówun iwíwusun oyí ánfíto, táme mlíwa klón, tsúfé nagyí oyísó dodo!”

17

Yesu Lóbó Mpáí Mv Akasípó Nwunsu

¹ Yesu léblí asón ánfí tá, olotsu ansí fóá kí osósó bó mpáí obée, “Oo mí Sí, bré lafun. Wa mí numnyam, méní mí é nówa fú numnyam. ² Tsúfé feha mí túmi ahá féesó, ání nháa ahá ání feha mí fée nkpa ání itamatá. ³ Nkpa ání itamatá ámu gyí, bubú fó Bulu Onokwalupu okokónó okole pé ánfí, abubu mí Yesu Kristo ánfí fopósíí oyító ánfí. ⁴ Nawá fú numnyam osólóv anfisú, tsúfé namó agyómá ámuób fopuhá mí ámu fée onó. ⁵ Mí Sí! Wa mí numnyam fú ansító ngya, fé alí ámuób mbu mó fú wá yáí asa fobwe oyí ámu.

⁶ “Nalé fú suná ahá ámuób fele oyító há mí ámu. Fóbú amó, fopu amó há mí, bagyi fú asónsú. ⁷ Séi babí ání tógyítá mbu itsú fú wá. ⁸ Tsúfé nabláa amó asón ání fopuhá mí fée, banú. Babí ání lélé fú wá notsú, bahogyi ání fólówa mí.

⁹ “Nde fú kokóli ha amó. Megyí oyító ahá fée nde mpáí bó há. Mboun ahá ámuób fopuhá mí ámu, tsúfé fóbú amó. ¹⁰ Mí klé igyi fú klé, fú klé é igyi mí klé. Fatsun amósú lé mí numnyam owan. ¹¹ Nebá fú wá séi. Mméetrá tsíá oyító, táme amó mó bubu oyító. Mí Sí Wankíhé, pu fú idá ámuób fopuhá mí ámu túmi kí amósó, méní bóbwe kole fé alí ámuób míá fonyo angyí kole amu. ¹² Bréá mbu amó wá á, nekitá amó wankláán, idá ámuób fopuhá mí ámu túmitó. Nele ansí kítá amó wankláán. Mmeha amótó okoko mófwi, dun omvamúv ida yáí ání obéhi ámu, fékí Bulu ason wanlínhé amu íbéba móttó. ¹³ Nebá fú wá séi. Táme bré ánfí ntráa mbu oyító nfi nde asón ánfí blí, méní bénya ansigyí fé alí ámuób mí é mbu ansigyító amu. ¹⁴ Nabláa amó asón ámuób febláa mí ámu. Mó su oyító ahá bude amó lu, tsúfé butráa bumegyí oyítófo, fé alí ámuób mí é mmegyí oyítóyin amu. ¹⁵ Mmedéblí mbée, folée amó le oyító. Mboun mbée fokú amósú wankláán, méní bomóowie lalaha obwepó* ámu íbitó. ¹⁶ Alí ámuób mmegyí oyítóyin ngyi ámu a, alí amó é bumegyí oyítófo ní. ¹⁷ Fú asón ámu gyí onokwali. Tsun mósú afopu amó bwe fú klé. ¹⁸ Alí ámuób fowa mí síí oyító ámu a, alí mí é nawá amó síí ní. ¹⁹ Amó su napu iwí há fú, méní amó é bótsun onokwali amusu mlí fú klé.

²⁰ “Megyí mí akasípó amu nkole nde mpáí bó há. Mboun ahá ání bótsun amó atosanáhésu ho mí gyi fée ndebó há. ²¹ Nde mpáí bó mbée, amó fée bubwée kole. Mí Sí, alí ámuób fubu mitó, mí é mbu foto ámu a, ha amó é abotsia anito alí kén, fówun oyító ahá bóhogyi ání fólówa mí síí oyító. ²² Nawá ahá ánfí numnyam ámuób fowa mí ámu, méní bóbwe kole fé alí ántu tamatsun míá fonyo nsiné. ²³ Mbu amótó fé alíá fubu mitó, méní bóbwe kole, ntsu móotsun amó nsiné. Ní íbá alí á, oyító ahá bébi ání fólówa mí, futodwé amó fé alí ámuób futodwé mí ámu.

* **17:15** Obunsám gyí lalaha obwepó.

24 “Mí Sí! Ndeklé mbéé ahá ámóú fəpəhá mí ámu bétsiá mí wá ótíné ámóú mbu amu. Fówun bówun numnyam amóú fəwa mí ámu. Tsúfě fətədwé mí asa fəbwe óyí. 25 Mí Sí Yilé əbwepú! Óyítəfə bumebi fú, táme mí mu nyin fú. Ahá ánfí é buyin ání fóləwa mí sísí óyítə. 26 Nele fú súná amó. Nétrá le fú súná amó. Fówun ədwe amóú fətədwé mí ámu itsia amótə, méní mí é nétsiá amótə.”

18

Yesu Kitá

(Mateo 26:47-56; Marko 14:43-50; Luka 22:47-53)

1 Yesu lóbo mpái ánfí tá á, mva mu akasípú amu benatí yótson Kidron tsonkolitə wíé ndobíi kutə. 2 Yuda amóú əlele Yesu há ámu é yin ndobíi amutə, tsúfě Yesu mva mu akasípú botetsiá yéfiá mu. 3 Mú sv Yuda lékpa Romafə ísá akəpú pú Bulu ətswékpa agyópu akvá Bulu igyí əhapú dəhen pú Farisifə bəwa, bəyə mu. Bude mbia, nkandíe pú akətə. 4 Iníá Yesu yin tśá íbá mvsu sv á, əledali fia amó, fité amó əbéé, “Ma mlidédunká?”

5 Bele mú onə beé, “Yesu Nasaretyin amu.”

Yesu lébláa amó əbéé, “Mí ní.”

(Yuda amóú əde mu le há ámu é líí amó wá mu.) 6 Bréá Yesu lébláa amó əbéé, “Mí ní!” á, besankí yédida lalá kpla. 7 Yesu lélafité amó əbéé, “Mbée, ma mlidédunká?”

Bebláa mu beé, “Yesu Nasaretyin amu.”

8 Yesu lébláa amó əbéé, “Nakú bláa mlí mbéé, mí ní. Mú sv ní mí mlidédunká mú á, mlíha ahá ánfí abunati.” 9 (Olebláa amó ali, méní asón amóú əleblí ámu íbəba mótə. Əbéé, “Ahá amóú fəpəhá mí ámutə əkuku máfwi.”)

10 Inu á, Simon Petro dé ədayí iya anyə, əlebití mú lé, kpá Bulu igyí əhapú dəhen osúmpú gyəpí isu. Osúmpú amu idá gyí Malkus. 11 Yesu lébláa Petro əbéé, “Sankia fú ədayí wa mú əfletə! Imehián ání nówun iwiasin ání mí Sí lahá mí əbéé nwúun lóó?”

Yesu Kpa Ya Hana

(Mateo 26:57-58; Marko 14:53-54; Luka 22:54)

12 Inu ísá akəpú ámu, amó əhande pú Bulu ətswékpa agyópu amu bekitá Yesu, klí mu íbi. 13 Begyankpá kpá mu ya Kaiafa mu sia Hana. Kaiafa gyí Bulu igyí əhapú dəhen ofi ámutə ní. 14 Mələbláa Yudafə əhande amu əbéé, íbu aláá əbakóle obówu ahá féé nwunsv ní.

Petro Lékind Yesu

(Mateo 26:69-70; Marko 14:66-68; Luka 22:55-57)

15 Simon Petro mva əkasípú bambá bobuo Yesu. Bulu igyí əhapú dəhen amu yin əkasípú bambá ánfí wankláán. Mú sv olobuo Yesu bítiwíé Bulu igyí əhapú dəhen amu wóyítə. 16 Táme Petro mú lési olí wóyí ámu onə. Əkasípú bambá ánfí óyin Bulu igyí əhapú dəhen anfi lédalí yébláa otsibi əkvá əde wóyí ámu onə gyo, əlekpa Petro ba wóyí ámutə. 17 Otsibi amu léfité Petro əbéé, “Megyí oyin ámu akasípú amutə əku fúgyí?”

Petro léle mú onə əbéé, “Ekəkekə. Mma amótə.”

18 Atsalí bu mu. Mú sv asúmpú pú agyópu amu bəduvá ogyá, bulí mú asi. Petro é léyelí amó wá, əde ogyá ámu núu.

Bulu Igyí Əhapú Dəhen Léfité Yesu Asón

(Mateo 26:59-66; Marko 14:55-64; Luka 22:66-71)

19 Bulu igyí əhapú dəhen amu léfité Yesu asón, tsú mu akasípú pú mú atosunáhé iwí. 20 Yesu léle mú onə əbéé, “Ahá ansítə nelí blí mí asón féé.

Netsiá súná ató Yudafo ofiakpa pó Bulu ɔtswékpa, ɔtínéá ahá fée bɔtefia. Mmɛblí asvansu n̄aintó. ²¹ Ntogyi só fòde mí asón ánfí fité. Fite ahá ání bonu asón ání nɛblí. Amó yín asón ání nɛblí.”

²² Bréá Yesu léblí asón ánfí á, inu agyópu amoto ɔkɛléá ɔlú mantáa mu léda mu isuto, fité mu ɔbéé, “Alí féle Bulu igyí ɔhapú dehen asón ɔnó ní?”

²³ Yesu lébláa mu ɔbéé, “Ní nablí asokpan á, le mú blí ɔhagyíɔha onu. Táme ní ɔɔkwali nablí á, ntogyi su fòde mí da?”

²⁴ Yesu trá ɔda ɔféto ɔhande Hana lópu mu sísi Bulu igyí ɔhapú dehen Kaiafa.

Petro Létrá Kind Yesu

(Mateo 26:71-75; Marko 14:69-72; Luka 22:58-62)

²⁵ Simon Petro trá ɔlú ogyá ámu asi, ɔku léfité mu ɔbéé, “Megyí oyin ánfí akasípú amoto ɔkɛle fugyi?”

Petro lóswuí ɔbéé, “Ekekeke. Mma amótó!”

²⁶ Bulu igyí ɔhapú dehen amu osúmpó ɔku, ogyi ɔhá ámuó Petro lékpa mu isu kɛle amu mu pio léfité Petro ɔbéé, “Megyí fíɔa mɔnyɔ nowun ndobii amoto ní?”

²⁷ Petro létrá swuí pó ibi wá ogyá. Inunu bate lóbon.

Yesu Kpa Ya Pilato

(Mateo 27:1-2, 11-14; Marko 15:1-5; Luka 23:1-5)

²⁸ ɔyi kehe bake-bake a, bekpa Yesu tsú Kaiafa wóyító ya Roma ɔhande ání ɔde Yudea ɔmáso gyí wóyító. Yudafo ahande amu bumedékléá bópu ifin da iwí. Mú su bumeditiwíé wóyító inu. Tsúfé budekléá béki ání amú iwí letin, méní bétalí gyi Israelfosu Katsun Nke ámu.* ²⁹ Mú alí su Pilato lédalí ba kpankpá befíté amó ɔbéé, “Amansu mlibu blí tsú oyin ánfí iwí?”

³⁰ Bebláa mu beé, “Ní ɔhá ánfí mókúbwé lakpan á, teki animékpa mu ba fu.”

³¹ Pilato lébláa amó ɔbéé, “Mómó mlíkpa mu ya, amlyegyí mu asón mli mbla ɔnó.”

Yudafo ahande amu bele mú ɔnó beé, “Animá ɔkpa mós ɔha.” ³² (Asón ánfí léba mótó, méní asón ámuó Yesu léblí tsú mu lowu ání obówu iwí ámu íbɛba mótó.)

³³ Inu Pilato léyinkí wíé wóyító. Mú ɔleti Yesu, fité mu ɔbéé, “Fúgyí Yudafo owíé amu ní?”

³⁴ Yesu léle mú ɔnó ɔbéé, “Fú onutó ason fitéhé igyi, ntée aku lábláa fu mí iwí asón?”

³⁵ Pilato léle mú ɔnó ɔbéé, “Yudayin ngyi? Fú onutó ahá pó Bulu igyí ahapú dehen lékpa fú ba mi. Nto fabwé?”

³⁶ Yesu lébláa mu ɔbéé, “Megyí ɔyí ánfito nde iwíé gyí. Ní ɔyí ánfito á, teki mí abúopu bóko ho mi. Bómécha bómóɔpu mí wá Yudafo ahande íbitó, táme megyí ɔyí ánfito nde iwíé gyí!”

³⁷ Pilato léfité mu ɔbéé, “Mómó yéé owíé fugyi á?”

Yesu léle mú ɔnó ɔbéé, “ɔɔkwali fablí fɛɛ Owíé ngyi. Mí á, bɔkwí mí nɛba ɔyí ánfito ání mbá ambegyi ɔɔkwali amu iwí adánsie. ɔhagyíɔha ání ogyi ɔɔkwali amu klé tɛyaa asu nú mí ɔme.”

³⁸ Pilato léfité mu ɔbéé, “Nto gyí ɔɔkwali amu?”

Pilato Léha ɔkpa ɔbéé Bómó Yesu

(Mateo 27:15-31; Marko 15:6-20; Luka 23:13-25)

* **18:28** Ní fowíé ɔhá ání omegyí Yudayin wóyító a, ifin lada fu.

Pilato lébli asón ánfí tá á, ɔletrá dali yɔ Yudafo ámu wá wóyí ɔnó inu. Ɔlebláa amó ɔbéé, “Mmɔkówun lalaha kɔkɔkɔvá nɔpohá oyin ánfí ipón. 39 Táme mli amándíe ɔnó á, ntesí obu ɔdipó ɔkɔle há mli Katsun Nke kugyíkɔtɔ. Mludéklé mlíaa, nsíi Yudafo Owíe anfi ha mli?”

40 Bɔkplón le mú ɔnó bée, “Ekekeke! Megyí mu. Si Baraba ha aní.” (Ogyo otswapó Baraba é gyí).

19

1 Inu Pilato léha bekpa Yesu ya, yépití mu ató wankláán. 2 Isá akɔpó ámu bɔlu obungyo-awu, bwé mú owíepa bun mu nwun, bɔwa mu ligá pepe ku. 3 Inu benatí bwé mu ahinlá bée, “Yudafo Owíe, fú nkpasu ɔnlinsu!” Fówun badá mu isɔtɔ kpa.

4 Pilato létrá dali yɔ wóyí ɔnó inu yébláa amó ɔbéé, “Nakpá mu neba mli, amliwun aní mmɔkówun lalaha kɔku mu iwɔl.” 5 Bréá Yesu lédali ba a, obungyo-awu ipa ámu bun mu nwun, ɔlɔwa ligá pepe amu. Pilato lébláa amó ɔbéé, “Mu ni!”

6 Bulu igyí ahapó dehen pó Bulu ɔtswékpa agyópu amu benya wun mu pé, bɔsɔrá okitikítí blí bée, “Da mu manta oyikpalíhesu! Da mu manta oyikpalíhesu!”

Pilato lébláa amó ɔbéé, “Mli onutó mlíkpa mu ya, amliyeda mu manta oyikpalíhesu. Mí mú mmɔkówun lalaha kɔku mu iwíá nɔpohá mu ipón.”

7 Yudafo ámu bebláa mu bée, “Aní mbla ɔnó á, ilehián aní obówu. Tsúfɛ ɔleblí ɔbéé, Bulu mu Bi mugyí.”

8 Bréá Pilato lónu asón ánfí á, ifú létrá kitá mu tsía mótó. 9 Oleyinkí yó mu wóyító yéfité Yesu ɔbéé, “Nkónó fotsú?”

Táme Yesu mékpla mu. 10 Mó su Pilato léfité mu ɔbéé, “Fuméekplá mí? Fumeyín aní mbu túmiá nétalí sí fú ntée nétalí há beda fú mántá oyikpalíhesu mó fú?”

11 Yesu léle mú ɔnó ɔbéé, “Ní megyí Bulu léha fú ɔkpa á, tekí fuma túmi kɔku mísú. Inu su ɔhá ámú ɔlɔpu mí wá fú ɔbitɔ ámu lakpan dun fú klé.”

12 Pilato lónu asón ánfí á, olekle osi Yesu. Táme Yudafo ámu bɔsɔrá okitikítí kóklókóú blí bée, “Ní fesi ɔhá ánfí á, múmú megyí Roma owíe dehen* mu nyawie fugyi. Tsúfɛ ɔhagyíɔha aní ɔblí ɔbéé owíe mugyí á, alakósú líi Roma owíe dehensu!”

13 Bréá Pilato lónu asón ánfí á, ɔlekpa Yesu dáli ba kpankpá, tsía mu asóngyí obíá aní itsie ɔtnekúá bɔpu abwi bwé inu, botetí inu “Abwitɔ” su. (Botetí inu “Gabata” Hebrí ɔblítɔ.) 14 Eke ámu igyi ogyá ɔdɔdáké há Israelfɔsu Katsun Nke. Ibóbwɛ fɛ ɔpa dóduanyɔtɔ á, Pilato lébláa Yudafo ámu ɔbéé, “Mli Owíe amu ni!”

15 Bɔsɔrá okitikítí bée, “Kpa mu ya, kpa mu ya, afuyeda mu manta oyikpalíhesu.”

Pilato léfité amó ɔbéé, “Ndáa mli owíe manta oyikpalíhesu?”

Bulu igyí ahapó dehen amu bebláa mu bée, “Anímá owíe ɔkɔku dun Roma owíe dehen!”

16 Inu Pilato lési Yesu há amó ɔbéé buyéda mu manta oyikpalíhesu.

Yesu Da Mántá Oyikpalíhesu

(Mateo 27:32-44; Marko 15:21-32; Luka 23:26-43)

Isá akɔpó ámu bekpa Yesu náti. 17 Mu onutó olotsu mu oyikpalíhe dínká mu nkanta alu yéwie ɔtnekúá botetí inu “Nwun Okokobi Otsiákpá.” (Botetí

* 19:12 Roma Owíe dehen gyí Kaesare.

inu “Golgota” Hebri oblitɔ.)¹⁸ Bɛda Yesu mántá oyikpalíhesu inu, bɛda ayin abanyó aku é mántá nyikpalíhesu mu wá inu. Okole bu Yesu bɛnasu, okole é bu mu gyɔpɛsu, Yesu bu amú nsiné.¹⁹ Pilato lówanlín asón mántá oyikpalíhe amu awunso. Asón ámu gyí, “YESU NASARETYIN, YUDAFɔ OWÍE.”²⁰ Yudafɔ tsɔtsɔtsɔ bɛkla asun wanlínhé anfi. Tsúfɛ ɔtínɛ ámuó bɛda Yesu mántá oyikpalíhesu ámu ibu mantáa Yerusalem. Ɖɛha bɔwanlín asón ámu Hebri oblí, Roma oblí pú Griiki oblitɔ.²¹ Bulu igyí ahapó dehen amu bɛbláa Pilato bɛɛ, “Máwanlín fɛɛ, ‘Yudafɔ Owíe.’ Mbóun wanlín fɛɛ, ‘Oyin ámfi obéɛ, mígyí Yudafɔ Owíe.’ ”

²² Pilato lébláa amú obéɛ, “Múá nawánlín á, nawánlín mú dodo.”

²³ Isá akɔpú ámu bɛda Yesu mántá oyikpalíhe amusu tá á, botsu mu atadiɛ, beye mótó aku ana. Okugyíokɔ klé kole. Botsu mu ligá ání bɔlu mú tsú ɔsúsú beyi asi.²⁴ Inu bɛbláa aba bɛɛ, “Mlímáha abali atadiɛ ámfi mótó. Mlúha atswi abi ki bɛɛ, ma obénya mú.” Asón ámfi léba, ménɪ Bulu asón ámuó bɔwanlín tswi bɛɛ, “Beye mí atadiɛtɔ,

bɔtswi abi mí ligásó” amu íbɛba mótó.

Isá akɔpú ámu bɔbwe dínká mósó.

²⁵ Yesu mu yin, mu yin mu pio tsíhé Maria, ogyi Klopa mu ka pú Magdalayintse Maria bulú oyikpalíhe amu asi.²⁶ Bréá Yesu lówun mu yin pú mu ɔkasípú ámuó ɔtɛhíé dwé ámu, bulú mantáa inu á, ɔlebláa mu yin obéɛ, “Amó yín, fú bí ní.”

²⁷ Múó ɔlebláa ɔkasípú amu é obéɛ, “Fú yín ní.” Tsú eke ámu a, ɔkasípú amu lékpa mu ya mu wóyító.

Yesu Lowu

(Mateo 27:45-56; Marko 15:33-41; Luka 23:44-49)

²⁸ Inɪ ɔma a, Yesu lówun ání mu agyómá lamó ɔnó. Múó ɔleblí obéɛ, “Ɖmɛwólí dɛ mí.” Inɪ lɛha Bulu asón ámuó bɔwanlín tswi amu íbɛba mótó.

²⁹ Onuwé ku tsie inu, ntá ɔdái íbɔ mú. Isá akɔpú ámu bɔpu ɔsapo dá ntá ámɔtɔ púsíán oyísú, tsú mú fúá yétin mu ɔnó.³⁰ Yesu lékpikpí mú mé. Inu ɔleblí obéɛ, “Íatá!”

Múó oloko nwuntɔ wá, ɔlele ɔhé á.

Yesu Abintɔ Ató Wɔ

³¹ Eke ámu igyí Fieda. Mú ɔyi kehe igyí ɔkpónú ɔdaké kɔnkpɔntɪ há Yudafɔ. Mú su bumekle ání ahá ámu busíán nyikpalíhe amusu yófun owi tahé.† Mú su bɔkolí Pilato ɔkpa bɛɛ ɔháa mu isá akɔpú abuyebiabia amú ayabi, ménɪ bókási wú, fówun bɛle amú tsu nyikpalíhe amusu asa owi ɔta.

³² Mú su bɔɔyó yébiabia ayin abanyó ámu ayabi.³³ Táme bréá bowie Yesu wá á, bowun ání alawú dodo. Mú su bumebia mu ayabi.³⁴ Táme isá akɔpú ámɔtɔ okole lɔpu mu pía wɔ Yesu abintɔ, ntsu múa obugya lefen dali.³⁵ (Ɖhá ámuó olowun mú ámu légyi mú íwɪ adánsɪɛ, fówun mlɪ é mlóhogyi. Megyí afunu igyí. Oyin ání ɔnɔkwali asón muɔleblí.)³⁶ Inɪ fɛé léba mótó, ménɪ Bulu asón ámuó bɔwanlín tswi bɛɛ, “Buméebia mu íwú kɔkɔkɔ” ámu íbɛba mótó.³⁷ Bulu asun wanlínhé amu kén leblí obéɛ, “Béki ɔhá ámuó bɔwɔ mu abintɔ pía ámu.”

Yesu Pulá

(Mateo 27:57-61; Marko 15:42-47; Luka 23:50-56)

³⁸ Inɪ fɛé ɔma a, Arimateayin Yosef léba bokokólí Pilato obéɛ, ɔpúu Yesu fúli amu ha mu. (Yosef anfi buo Yesu njaintɔ, tsúfɛ ɔde Yudafɔ ahandɛ amu

† 19:31 Yudafɔ ɔkpónú ɔdaké tefi asi tsú owi tahé.

ifú nya.) Pilato léha mu okpa. Mú su Yosef léyeye Yesu fúli amu oyópulá. ³⁹ Nikodemo amú ólaba Yesu wá eke oku onyé ámu é léba. Ólòpò afá fánfáánfán aku anyo† ání bókwe mú wá abato tsòtsòtsò ba. Mú odwin bóbwe kilo advasa (30). ⁴⁰ Ayin ánfí bápò óhráda kíklí afá ámu mántá fúli amu iwí fé alá Yudafo butóbwé amú afúli asa butopulá amú. ⁴¹ Ndobii ku ibu mantáa ótíné amú ó beda Yesu mántá oyikpalíhesu ámu. Bolotí butátó bwé mú fúli-óbó inu. Bumákópulá óhaa mótó kí. ⁴² Iníá eke ámu igyi ogyá ódòdáké, fúli óbó ámu é ibu mantáa inu su á, bopulá Yesu mótó.

20

Yesu Kvsó Tsú Afúlitó

(Mateo 28:1-8; Marko 16:1-8; Luka 24:1-12)

¹ Ndawótswító eke gyankpaw, igyi Kwasiéda baka-bake, bréa nsainto mókótítí a, Magdalayintse Maria lóyo Yesu opulákpá inu. Olenya wíe inu alí olowun ání bamína ibwi ámu lé óbó ámu ónó. ² Mú su oleyinkí srí ba ókasípó amú Yesu tshíé dwé mu amu mva Simon Petro wá, bebláa amú óbéé, “Balé Yesu óbó ámutó. Anímeyín ótínéá bapó mu yówa!”

³ Mú Petro mva munyo bápò okpa báyó opulákpá inu. ⁴ Amú abanyó ámu féé betsií ósrí, táme óesrí sí Petro gyankpá yówie opulákpá inu. ⁵ Bréa olobun kí ntsán ámutó á, olowun ání óhráda ámu kpán dá, táme omebitíwíé mótó. ⁶ Simon Petro lóboto mu, ólòtsun bitíwíé ntsán ámutó, olowun óhráda amu dá. ⁷ Olowun óhráda amú bápótó mu nwun ámu é, ilokuntá ida ífóntó. ⁸ Ókasípó amú olegyankpá wíe inu ámu é lébitíwíé mótó, wun óhráda ámu pú mú amú bápótó mu nwun ámu alí olohoyí. ⁹ Bré ámutó á, Bulu asun wanlínhé amú ólèblí óbéé, ilehián ání Yesu óbókúsó tsú afúlitó ámu məkónyá wánkí amú. ¹⁰ Beyinkí yó wóyí.

Yesu Iwòwanle Súná Magdalayintse Maria

(Mateo 28:9-10; Marko 16:9-11)

¹¹ Táme Maria lési ólú opulákpá inu odesú. Bréa odesú a, olobun kí óbó ámutó. ¹² Inu olowun Bulu-abápò abanyó ání bowa atadié futútúútú, butsie ótíné amú bápò Yesu fúli tswí amu. Ókole tsie mu adianwun, ókole tsie ayabiasi. ¹³ Befíté mu beé, “Amú yín, nkálí igyi só fodesú?”

Ólele mú ónó óbéé, “Balé mí Wíe náti. Mmeyín ótínéá bapó mu yótswí!”

¹⁴ Ólèblí tá á, óledamlí kí óma. Ókí a, Yesu líí mu óma, táme ómebiá Yesu ni. ¹⁵ Yesu léfité mu óbéé, “Amú yín, nkálí igyi só fodesú? Ma fodedunká?”

Mu mú ókí ání ndobii amutó agyómá óyópò ní. Mú su ólèbláa Yesu óbéé, “Aní sí, ní fólatsú mu yótswí ótínèku á, suna mí, anyetsu mu natu.”

¹⁶ Yesu lókpólí mu óbéé, “Maria.”

Óledamlí kí, kpólí Yesu Hebri óblító óbéé, “Rabuni!” (Mú así gyí, “Osunápó.”)

¹⁷ Yesu lébláa mu óbéé, “Mápo ibí da mí, tsúfé mməkónyá yó ósúsó mí Sí wá. Mbóun natí yebláa mí apíó ámu féé, náyó mí Sí ání ogyi mlí Sí wá. Náyó mí Bulu ání ogyi mlí Bulu wá.”

¹⁸ Magdalayintse Maria léyebláa akasípó amu óbéé, “Nawun aní Wíe!” Ólèbláa amú asún ání Yesu lébláa mu.

Yesu Iwòwanle Súná Mv Akasípó

(Mateo 28:16-20; Marko 16:14-18; Luka 24:36-49)

† 19:39 Afá aku anyo ámu adá gyí mire móa aloe.

19 Kwasiada ámu ntópwe su á, akasípó amu befia. Befin obu wá iwí, tsúfẹ bude Yudafọ ahande amu ifú nya. Inu á, Yesu lébelí amú nsiné, ọlebláa amú ọbée, “Iwí ilwii mli.” 20 Ọlebláa amú alí tá á, ọlọp mu ibitọ pọ mu abintọ súná amú. Ansi légyi amú, tsúfẹ bawun amó Wíe. 21 Yesu létrá bláa amú ọbée, “Iwí ilwii mli. Alí ámuó mí Sí lawá mí ámu a, alí nde mli wa ní.” 22 Inu ọlọlọn ọjẹ fú wólí amúsú, bláa amú ọbée, “Mliho Ọjẹ Wankíhé amu. 23 Ní mlesi ahá lakpan kíe amú á, Bulu lasíkíe amú. Táme ní mlimésikíe amú á, Bulu méesikíe amú.”

Yesu Iwíwanle Súná Toma

24 Bréá Yesu léba a, amótọ ọkọléá botetí mu Toma, butelátí mu Tabí má inu. 25 Mú su akasípó atráhe amu bebláa mu be, “Anlawun aní Wíe!”

Táme Toma lébláa amú ọbée, “Ní mmákówun mu ibitọ ndatobi nlo ámu, kpíe osrebi wá mótọ, kpíe ibi wá mu abintọ ọlọ ámutọ á, mmóohogyi ekekeke.”

26 Nkekwe ọma a, akasípó amu betrá fia obu ámutọ. Alí eke ámu mú á, Toma bó amótọ. Befin obu ámu, táme Yesu lébelí amú nsiné, bláa amú ọbée, “Iwí ilwii mli.” 27 Mú ọlebláa Toma ọbée, “Kí mí ibitọ, kpíe osrebi wa ní. Kpíe fú ibi wa mí abintọ. Si nwéen gyí, afuhogyi!”

28 Toma léle mú ọnọ ọbée, “Mí Wíe pọ mí Bulu!”

29 Yesu lébláa mu ọbée, “Alí ámuó fawun mi ámu su fahogyi lóó? Ansi bégyi ahá ámuó bómọpọ amú ansíbi wun, asa bohogyi amu!”

Tá Súb Bəwanlín Ọwóló Anfi

30 Yesu létrá bwe osúna tsotsotso mu akasípó amu ansítọ ání bóməwanlín wá ọwóló ánfító. 31 Táme bawánlín ínì, ménì mlóhogyi ání Yesu gyí Bulu mu Bi Kristo amu. Asón ánfisú hógyi ọbéha mlénya nkpa ání itamatá mu idátọ ní.

21

Yesu Iwíwanle Súná Akasípó Abastén

1 Inu ọma a, Yesu létrá le iwí ọwan súná mu akasípó Tiberia ọpọ* ọnọ tsun ọkpa ánfisú. 2 Simon Petro muwa Toma ání butelátí mu Tabí, Nataniel, otsú Kana wúlúá ibu Galilea ọmátọ, Sebedeo abí ámu pọ akasípó abanyó é befia. 3 Simon Petro lékla amú ọbée, “Nọyọ ọpọsu yéle aye.”

Bebláa mu be, “Aní é abóbuo fú yó.” Inu su boyówie ọklontọ nátí. Táme betsiá ntsusu onyé ámu féé, bumenya tọtọ. 4 Bréá ọyí íbá beke a, bowun ọkọ líí ọpọ amu ọnọ. Bumebí ání Yesu ní. 5 Mú Yesu léfité amú ọbée, “Mí anyawíe, mliménya tọtọ?”

Bele mú ọnọ be, “Ee!”

6 Yesu lébláa amú ọbée, “Mlitswi asawu amu wa gyọpísu fón, mléle aye.” Mú su botswi wa inu. Aye ọbolá asawu amu, bometalí bití mú lé.

7 Mú ọkasípó amú Yesu tẹhíe dwé ámu lébláa Petro ọbée, “Aní Wíe Yesu ní!” Bréá Petro lónu ání aní Wíe Yesu ní á, olotsu mu atadiẹ mla iwí. (Tsúfẹ ọlọwáí mu atadiẹ tswi), olotu wíe ntsu ámutọ gyuaa, ọdepítí ọyọ Yesu wá. 8 Táme akasípó atráhe amú búbú ọklontọ ámu bebitía asawu amú ọklemetí búbú mú ámu ba otsubúnọ, tsúfẹ buma ífọ ọpọ ọnọ inu. Mú ífótọ bóbwe fé ayabi lafasa (300). 9 Bréá bowie ọpọ ọnọ á, bowun ání bawá agyawunu ogyá, bude iye tọ músú, bodobodo é da mú asú. 10 Mú Yesu lébláa amú ọbée, “Mlile aklemetí ámuó mlilalé ámu ko ba.”

* 21:1 Botetráa ti mú Galilea ọpọ.

¹¹ Mú sù Simon Petro léyinkí dó wíé òklùn amòtò, òleyébitíá asawu amóó aklemetí akpònkpòntí búbò mú ámu bòtswí ọ̀pọ̀ ọ̀nó. Aklemetí ámu bọ̀gyi lafakòlẹ̀ aduenu-sa (153). Iníá bọ̀tso ó á, asawu amu metítú. ¹² Yesu létí amó ọ̀bée, “Mlibegyi ató.” Amótó òkòkò métalí wá klùn fité mu ọ̀bée, “Ma fọ̀gyi?” Tsúfẹ̀ bebí ání amó Wíé ni. ¹³ Yesu lótsu bodobodo amu há amó, olotsu aye amu é há amó.

¹⁴ Bulu lókúsóá Yesu tsú afúlitò ọ̀ma a, ínı́ gyí otse saası́ ání ọ̀lẹ̀lẹ̀ ı̀wı́ ọ̀wan súná mu akasípú amu ni.

Yesu Mva Petro

¹⁵ Bréá begyi nyankı́ atogyihẹ̀ amu tá á, Yesu léfité Simon Petro ọ̀bée, “Yohane mu bi Simon, fútòdwé mí dún fú aba ání lóó?”

Petro léle mú ọ̀nó ọ̀bée, “Ee, mí Wíé, fuyin ání ntòdwé fú.”

Yesu lébláa mu ọ̀bée, “Kı́ mí akúfabi amòsu.” ¹⁶ Ọ̀lẹ̀trá fité Petro otse nyọ̀sı́ ọ̀bée, “Yohane mu bi Simon, fútòdwé mí?”

Petro léle mú ọ̀nó ọ̀bée, “Ee, mí Wíé, fuyin ání ntòdwé fú.”

Yesu lébláa mu ọ̀bée, “Kpa mí akúfa amu.” ¹⁷ Yesu léfité mu otse saası́ ọ̀bée, “Yohane mu bi Simon, fútòdwé mí lélé?”

Ilẹ̀han Petro, tsúfẹ̀ otse saası́ Yesu lafité mu ọ̀bée, “Fútòdwé mí?” á. Mú sù ọ̀lẹ̀lẹ̀ mú ọ̀nó ọ̀bée, “Mí Wíé, fú onutó fuyin tógyító. Yéé fuyin ání ntehíé dwé fú!”

Yesu lébláa mu ọ̀bée, “Kı́ mí akúfa amòsu. ¹⁸ Ọ̀nàkwalı́ nde mlı́ bláa. Bréá fúgyi ọ̀yasubı́ á, fú onutó fútetalí tsú fú atadiẹ̀ híhı́e ı̀wı́, kúsó yó ọ̀tınegyíọ̀tınéá fúdeklé. Táme ní fòbwe oyin dehen a, fétinkı́ ı̀bı́, há ọ̀ku ọ̀bédı́dá fú ató, kpá fú ya ọ̀tınéá fumedékle.” ¹⁹ (Yesu léblı́ asún ání, púsúná ọ̀kpa ání Petro ọ̀bòtsun mósó wú pówá Bulu numnyam.) Inu ọ̀lẹ̀bláa Petro ọ̀bée, “Buo mi!”

Yesu Mva Okasípúá Ọ̀tehíé Dwé

²⁰ Petro lédamlı́ kı́ a, Yesu ọ̀kasípú amóó ọ̀tehíé dwé ámu buo amó. (Múgyı́ ọ̀há amóó ọ̀leyinkı́ kpısá Yesusu ntópwe ató ogyíkpa, fité mu ọ̀bée, “Owíé, ma ọ̀bée fú há?” ámu ni.) ²¹ Bréá Petro lówun mu a, ọ̀lẹ̀fité Yesu ọ̀bée, “Mí Wíé, ntó ọ̀bẹ̀ba oyin ání ẹ̀só?”

²² Yesu léle mú ọ̀nó ọ̀bée, “Nı́ ndeklé mbée otsı́a nkpa yófún bréá néyinkı́ ba a, fú asún igyi? Fú mú buo mı́ wule!”

²³ Asún ání ı̀lẹ̀kléı́ wá Yesu abúọ̀pọ̀ amòtò, ání alı́ ọ̀kasípú amu mú móowu. Táme Yesu méblı́ ọ̀bée, omóowu. Blı́ ọ̀lẹ̀blı́ ọ̀bée, “Nı́ ndeklé mbée, otsı́a nkpa yófún bréá néyinkı́ ba a, fú asún igyi?”

²⁴ Múgyı́ ọ̀kasípúá olowun ínı́ fée, ọ̀lẹ̀wanlın mú tswı́ ni. Anı́yin ání mu asun blı́hé anfi igyi ọ̀nàkwalı́.

Ọ̀námá

²⁵ Ató tsòtsòtso ı̀tráa bu inuá Yesu lóbwe tsı́a inı́tò. Nı́ bọ̀wanlın mú fée wá nwulótó ikole-kole a, teki buméenya nwuló ámu ọ̀yaıkpa ọ̀sulóv anfisı́. Natóı́ tá.

Sumbi Ayɔpú Amu Gyumagyihe

¹ Mí wíé Tiofilo,

Mí Luka dé ɔwóló ánfí wanlín sísí fú. Mí ɔwóló gyankpapu amoto á, nɔwanlín Yesu ato bwehé pú mu atosunáhé fée; tsú bréá olefi mu agyómá asi, ² bɔfun ekeá Bulu lótsu mu ya ɔsósú. Asa Bulu lótsu mu náti á, ɔlɔtsun Ɔɣe Wankíhé túmito bláa ahá ámóú ɔlele ɔbéé, bɔbweé mu sumbí ayɔpú amu tóá bɔbweé. ³ Mu iwɔsɔn wúun pú mu lowu ɔma a, oletsíá lé iwɔ ɔwan ɔkpa ɔtsan-ɔtsansu súná amó, pósúná ání lélé ɔtsie nkpa nke advana ání ɔlɔlatsíá ɔsulósu fée; ɔde Bulu iwíegyí iwɔ asón blí. ⁴ Bré kuá muá amónyɔ befia a, ɔleda amó ɔlá ɔbéé, “Mlímánatí Yerusalem. Mlitsia unu gyo mí Sí atokiehé ámóú ɔlehie yáí ɔbéé méha mli, nebláa mli mú iwɔ asón amu. ⁵ Asú Ɔbɔpú Yohane lópu ntsu bó ahá asú, táme nke kútúkú kɔ ɔma a, Bulu ɔbópu Ɔɣe Wankíhé amu bó mli asú.”

Yesu Ɔsósú Yo

⁶ Mó su bréá muá amónyɔ belafia a, befité mu beé, “Aní Wíé, bré ánfito féyinkía iwíegyí amu há Israelfo ní?”

⁷ Yesu lébláa amó ɔbéé, “Imehián ání mlébi nke ntée bréá mí Sí nkole lahié mu onutó túmito. ⁸ Mboún ní Ɔɣe Wankíhé amu owíé mléto á, mlénya túmi tálí gyi mí iwɔ adánsie tsú Yerusalem wúluto, Yudea pú Samaria ɔmátó fée yófun ɔyí ɔka.” ⁹ Bréá ɔleblí asón ánfí tá á, amó ansító unu Bulu lótsu mu ya ɔsósú, ɔɔfwɔ wíé nwólótáato.

¹⁰ Besi bude nwólótáa kú alu. Beláki a, ayin abanyó akúá bɔwa atadie futútú líí amó wá á. ¹¹ Ayin ámu befité amó beé, “Oo Galileafɔ ayin, nto mlidékú nwólótáasu alí? Alí ánfí mlɔlawun Bulu latsú Yesu ɔya ɔsósú ánfí á, alí kén obéyinkía mu ba nɔ.”

*Matias Yuda Otsiákpá Tsiá
(Mateo 27:3-10)*

¹² Unu beyinkí kplí tsú Nfɔ-nyíbu ámusu* ba Yerusalem. Ɔkpa ámu ibóbwe máli fun. ¹³ Bowie wúluto á, bɔbu yó abansóruɔ, ɔtíné ámóú butsie yáí ámu. Sumbí ayɔpúá bɔyo unu gyí: Petro, Yohane, Yakobo muá Andrea, Filipino muá Toma, Bartolomeo muá Mateo, Alfeo mu bi Yakobo, Simon ání ogyí iwɔtsiá adunkápú ɔpasuato ɔha pú oyin ɔkuá butetí mu Yakobo mu bi Yuda. ¹⁴ Ahá ání betrá dɔ yó unu gyí, atsi akɔ, Yesu mu yin Maria pú Yesu apíó. Ahá ánfí fée létsiá bwé ikole bó mpá.

¹⁵ Nke ámuto á, ahógyipu bóbwe fé lafakole-advanyɔ (120) befia. Unu Petro lókusó líí amó nsiné bláa amó ɔbéé, ¹⁶ “Mí apíó ahógyipu, Ɔɣe Wankíhé asón ámóú ɔleblí tson Owíé Dawidsu, ibu Bulu ason wanlínhé amuto, tsú Yuda Iskariot ámóú ɔlekpa ahá beyékitá Yesu iwɔ ámu laba mótó. ¹⁷ Yuda Iskariot anfi létsiá anito. Ania mɔnyɔ lóyo osum agyómá ánfí.”

¹⁸ Yuda lópu mu lalahe ání ɔlɔbwe ikóá beka mu yóho ɔsulóu kɔ. Ɔlekpa tsú ɔsósú beda ɔsulóu amusu pɔ, mu ipu lefa po, mu mpúni é lefen dalí worɔdo. ¹⁹ Ɔhagyíɔha ání ɔbu Yerusalem lónu asón ánfí. Bedinká ɔsulóu amu dá amó ɔblító beé, “Hakeldama.” Mó asi gyí, “Ɔsulóúá obugya lawólí mósú.”

* **1:12** Nfɔ-nyíbu igyi obubwí kuá ibu mantáa Yerusalem, butetí mó Olifbu.

²⁰ Petro lýɔ mu asónsú ɔbéε, “Tsúfɛ bɔwanlín wá Israelfɔ ulu ɔwóló ámuɔ bεε,

‘Mu wóyí ídí kpan.

‘Jhaa mátsiá mótó.’

Betrá wanlín tswi bεε,

‘Jha bambá otsiá mu otsiákpá.’

²¹⁻²² “Mó su ilehián ání ɔku ɔbétsa aní Yesu afúlitɔkɔsú ání iwí adánsiε gyí. Ilehían ání ɔhá ámu ɔbótsu ayin ámuú betsiá anuɔ bré ámuú anilóbuo aní Wíε Yesu, náti kí ntíné-ntíné amuɔ. ɔhá ání olobuo aní tsú bréá Asú ɔbɔpó Yohane lébli asúbɔ asún alu bɔfun εke ámuú Bulu lótsu Yesu ya ɔsúsú sí aní ámu.”

²³ Inu su beλε ahá abanyó, bɔgyi Yosef ání buɔetí mu Barsaba, buɔetráa ti mu Yustus muα Matia. ²⁴ Múú bɔbɔ mpái bεε, “Aní Wíε, fuyin ɔhagyíɔha klɔntɔ asún. Suna aní ahá ánfítɔ ɔmuá falé, ²⁵ otsiá Yuda ámuú alakíná agyómá ánfí, nyá mu ɔsubúti ámu otsiákpá, ɔyɔ fú osum agyómá ámu.”

²⁶ Múú bekapú ató ámu abanyó nwunsv. Ileyi Matiasv. Mú su bɔpu mu wá sumbí ayɔpó dúɔkɔn ámuɔ, beλabwé dúanyɔ.

2

ɔhe Wankihé Ibátɔ

¹ Pentekoste εke, igyi Israelfɔ atɔ pɔpwe ɔnɔ ɔdaké ámu lɔfun a, ahógyipu amu fɛé beba befia ámu ofiakpa. ² ɔtsáwule pé á, olú kvá igyi fɛ afú kpɔnkpɔnti ilotsu ɔsúsú bɔbulá wóyí ámuú bubu mótó ámu. ³ Inu bowun tákúá igyi fɛ ogya plɛnplɛn, ilehian ɔdandv. Iledasáin dínká ámuɔt okugyíɔkɔsv. ⁴ ɔhe Wankihé lɔbulá okugyíɔkɔtɔ, ileha okugyíɔkɔ léfi así ɔde ɔblíi bambá blí.

⁵ Bré ámuɔ á, Yudaɔá buɔenyá Bulu ifú, bubu ndítɔ fɛé baba buɔsie Yerusalem. ⁶ Bréá ɔɔm ánfí bonu okitikítí amu a, besrí befia mu. Ámuɔt okugyíɔkɔ lónu mu wúluto ɔblíi. Mú su ɔnɔ lobwie ámu. ⁷ Uɔwa ámu ifú, wá ámu wánwan. Mú su befité bεε, “Ahá ánfí buɔetɔi á, megyí Galileafɔ sósɔn bɔgyi? ⁸ Mú nkáli ulɔbwe asa anidénuá buɔde anuɔ okugyíɔkɔ wúluto ɔblíi blí? ⁹ Anuɔ aku átsú Partia, Media, Elam, Mesopotamia, Yudea, Kapadokia, Ponto, Asia, ¹⁰ Frigia, Pamfilia, Egipte ɔmátɔ pú Libia awúlu ání ibu mantáa Kirene wúluto. Aku é bɔtsú Roma wúluto, ¹¹ búgyi Yudaɔo pú ámuá buɔmegyí Yudaɔo bawíé Yudaɔo Bulusúmtɔ aná fɛé bubu anuɔ. Kretaɔo pú Arabifɔ é bubu anuɔ. Táme anidénuá buɔde Bulu atɔ kpɔnkpɔnti ání alabwé blí anuɔ okugyíɔkɔ ɔblítɔ.” ¹² Alí ámuú asún ámu ilobwie ámu ɔnɔ ámu sv bɔbwe yɔɔ, sí buɔde ámu ába fité bεε, “Ngya amansv é ní?”

¹³ Táme ámuɔt áku bɔbwe ahógyipu amu ahinlá bεε, “Ntá banu bu.”

Petro Asóntɔle Sunda Ahá Amv

¹⁴ Inu Petro muα mu ába dúɔkɔn ámu bɔkɔsú líi. Múú Petro lótsu ɔme fúá bláa ɔɔm amu ɔbéε, “Apíó ába Yudaɔo pú mli fɛéá mliɔv Yerusalem, mlihe yaa asv, anle asóntɔ suna mli. ¹⁵ Mlumákí mliαa ahá ánfí babú, tsúfɛ ɔyí mɔkókε. Bréá dokwebá ladá ní. ¹⁶ Mbuún asún ánfí lɔba nde ánfí Bulu ɔnɔsú ɔtɔipú Yoel lébli yáí ní. ɔbéε,

¹⁷ ‘Bulu ɔbéε, “Nke tráhe amuɔ á, nɔpu mí ɔhe wá anyánpósa fɛétɔ.

Mli ábi yinhé pú mli ábi tsihé bébli asún ání nɔpuwá ámu ɔnɔ.

Mli nyasubi bówun atɔ.

Mli ayin dehen bókun nkude.

¹⁸ Nke ámuɔ á, nɔpu mí ɔhe wá mí asúmpó

atsi móa ayin féétó.

Mó su béblí asón ání nópɔwá amó ɔnó.

19 Nóbwe ofúla nwólótáasu,
bwé osúna ɔsolósu.

Ogyá, obugya pú ogyási tuun béba ɔyító.

20 Owí ɔbéta ɔpá.

Ɔtsra é ɔbépe kɔɔ fé obugya,

asa aní Wíe numnyam eke kpɔnkpɔnti ámu ibófon.

21 Ibéba ání ɔhagyíɔha ání okpólí aní Wíe a, ɔbéha mu obénya nkpa.” ’ ”

22 Petro lóyo mósú ɔbéé, “Mí apíó Israelfɔ, mliyaa asu amlinu asón áñfi. Bulu lóbwe ofúla móa ató kpɔnkpɔnti pú osúna tsɔtsɔtso tsun Yesu Nasaretyin amosu, púsúná ání mólówa mu. Mli féé mlilówun mó, tsúfé mli ansísú íni féé leba. 23 Igyi tóá Bulu yin yaí dodo, igyi mu apé ání béle Yesu há mli. Mliléha ahá ání botamagyi mblasu bɛda mu mántá oyikpalíhesu, mó mu. 24 Táme Bulu léle mu lowu sínsínsintó, kósóa mu tsú afúlitó. Tsúfé lowu méetalí gyi musu, osin afúlitó. 25 Iní só Owíe Dawid léblí mu iwí asón ɔbéé,

‘Brégyíbré á, ntown aní Wíe mí ansísú.

Tsúfé olí mí gyɔpɔsu, su tɔtɔ móɔwa mí ifú.

26 Mó su ansí tegyi mi,

ntótóí ansigyísó.

Nyankpɔsa ngyi. Lowu da gyo mí,

táme nde Bulu ɔkpa kí.

27 Tsúfé foméesi mí ɔkláa wá afúlitó.

Fómécha mí fú osúmpú wankíhé mmóɔpló.

28 Fólósuná mí ɔkpa ání ntsúun mósú, mí anya nkpa ání itamatá.

Ní fóbú mí wá á, ansí bégyi mi ekekegyíeke.’ ”

29 Petro létrá bláa amó ɔbéé, “Mí apíó Israelfɔ, mbóa hie bla mli amlinu. Aní náin Owíe Dawid lówu, bopolá mu. Bótɔ nde mu ntsán da aní wá nfi.

30 Bulu ɔnású ɔtáipó ogyi, oyin ání ntam ání Bulu léka há mu béba mótó. Bulu léka ntam há mu ɔbéé, méha mu natina ɔku obétsiá mu obíású eke kó.

31 Iní aní náin Owíe Dawid lówwun mó yaí su á, ɔlɔtáí tsú Kristo, (ɔhá ámóbú Bulu ladá mu ofúli amu) kusó tsú afúlitó iwí ɔbéé,

‘Bulu méesi mu wá afúlitó.

Mó su mu ɔyulúv mósópló.’ ”

32 Petro lóyo mósú ɔbéé, “Yesu gyí ɔhá ání Bulu lókosúa tsu afúlitó, aní féé anigyí mó adansífo. 33 Bulu lótsu Yesu ya ɔsósú, há mu otsiákpá yilé mu gyɔpɔsu. Aní Sí Bulu lópu Ɔhe Wankíhé ání ɔlehie yaí ɔbéé, mósóhá mu ahógyipɔ há mu. Ɔhé ámu Yesu lapóhá aní á. Mó gumagyihe mlidéwúun, mlidénu á. 34 Megyí Owíe Dawid Bulu lótsu ya ɔsósú, támé muléblí yaí ɔbéé,

‘Aní Wíe Bulu lébláa mí Wíe ɔbéé,
Tsia mí gyɔpɔsu,

35 yófon bréá nópɔ fú alupó bwé fú ayabi oyíkpa.’ ”

36 “Mó su mli Israelfɔ féé mlinu. Ibo mótóá mliléda Yesu mántá oyikpalíhesu. Táme mlihie bi ání Bulu ladá mu ofúli, bwé mu Kristo pú aní Wíe.”

37 Bréá Israelfɔ ámu bonu asón áñfi á, ilehie han amó. Mó su befité Petro mwa mu aba sumbí ayɔpó atráhe amu bee, “Apíó, ntɔ abwéé?”

38 Mósú Petro léle mó ɔnó ɔbéé, “Mlító okugyíɔku ɔdámli kluntɔ, abɔ mli asú Yesu Kristo dátó, méní Bulu obési mli lakpan kíé mli, há mli Ɔhe Wankíhé

amu. ³⁹ Tsúfě mliá mli abí-aná pú ahá ání bobu tsútsúútsú ání Bulu óbėti fěé òlehie Òje Wankíhé anfi há.”

⁴⁰ Petro lébli asón tsòtsòtsò, pótói kplá amó óbée, “Mlié mli iwí tsu ndemba-abí laláhe anfitò.” ⁴¹ Amótó ahá tsòtsòtsò bohò Petro asón ámu. Mú sù bohò amó asú. Eke ámu a, ahá bóbwe fě mpim-sa (3,000) betsiá ahógyipu amotò. ⁴² Ahógyipu amu bele ansí kítá sumbí ayópú ámu atosunáhé, amó ikulebwe tógyítótó, ópasua ámutò atogyihetò yée pú mpáibótó.

Ahógyipu Amu Tsiátó

⁴³ Sumbí ayópú ámu bóbwe ofúla pú osúna tsòtsòtsò, ónó lobwie óhagyíóha. ⁴⁴ Ahógyipu amu fěé bóbwe tógyító kule. Betsiá ye amó ató há aba. ⁴⁵ Betsiá fě amó ató, ye kóba ání benyato há amótó okugyíókúá óma. ⁴⁶ Amó fěé betsiá fia Bulu ótswékpa wunsinésú ekekegyíeke. Bobu amó kluntò-òdwe tsiá gyi ató ópasuato amó aba wóyító. ⁴⁷ Betsiá kánfó Bulu, ahá fěé bekle amó asón, aní Wíe Bulu létsiá pú ahá ání ódele betsiá amótó ekekegyíeke.

3

Petro Mva Yohane Ibo Óku Tsa

¹ Eke óku ntópwe ósato mpáibò bré á, Petro mva Yohane boyo Bulu ótswékpa amu wunsinésú. ² Oyin ókúá bókwií mu ibò tetsiá Bulu ótswékpa amu ókpa ónó kúá butetí mú “Ókpa ónó Wankláán.” Ahá butotsú mu ba beyái mu ekekegyíeke, ótókúli ahá ání bówie Ótswékpa mu kóba. ³ Bréá ibò amu lówun ání Petro mva Yohane bodebitíwíé Ótswékpa mu á, ótókúli amó kóba. ⁴ Petro mva Yohane besi líi bode mu kí díín. Mú Petro lébláa mu óbée, “Fó mú kí aní wule.” ⁵ Ibo amu kí óbée, béha mu tóku. Mú sù olotsu ansí fúá óde amó kí. ⁶ Táme Petro lébláa mu óbée, “Mma sika futútú ntée pépe, táme néha fó tóá mbu. Kusù lu, afónati Yesu Kristo Nasaretyin amu dátó!” ⁷ Ibo Petro lékítá mu gyopi bi, tsú mu líi, mu ówónlín lowie mu ayabi pú mu ntsakpátó. ⁸ Olofulú kpáyí ósáwule pé, wá natí bi. Mú sù ólekplá buo Petro aná wíe Bulu ótswékpa wunsinésú mu; óna odefulú kpáyí; óde Bulu kánfó. ⁹ Ahá ání bobu mu fěé bowun mu ání óna óde Bulu kánfó. ¹⁰ Mú sù bréá òwankí amó ání ibò amó ótetsiá Ókpa Ónó Wankláán mu kóli ató ámu ni á, òwa amó wánwan, bwíé amó ónó.

Petro Tói Bulu Ótswékpa Wunsinésú

¹¹ Oyin ámu pú Petro mva Yohane kinkíinkín Bulu ótswékpa wunsinésú, ótnekuá butetí mu Salomo Abrándáású. Mu òtsa òwa amó wánwan. Mú sù besri ba amó wá mu. ¹² Bréá Petro lówun amó á, ólefite amó óbée, “Mí apió Israelfò, ntogyi sù asón anfi lawá mli wánwan alí? Ntogyi sù mlilaba mlidé aní kí alí? Mlíki mliáa, aní onutó túmi ntée aní Bulusúm wankláán láhá sù oyin anfi lakúsó óna? ¹³ Bulu ámó aní anáin Abraham, Isak pú Yakob bosúm ámu lówa mu osúmpú Yesu numnyam. Táme mlilápu mu há mliáa bómó mu. Mlílékiná óhá anfi tekí Pilato lóbwe agywun ání mési mu ónati anfi. ¹⁴ Mlílékiná Óha Wankíhé pú Yilé Óbwepó anfiá bówanlín mu iwí asón wá Bulu asón ówólótó anfi, bláa Pilato mliáa, osíi ahá ómópú ámu mboún ha mli. ¹⁵ Mlíléha bómò nkpa óhapó anfi, táme Bulu lókúsá mu tsú afúlitò. Anígyí mú iwí adansífo ní. ¹⁶ Yesu túmi láhá ibò anfi mliyin yáí, mlidékí anfi iwí lawá mu ónlín. Aní Yesu hógyi látsá mu, mli fěé mlidéwúun a.

17 “Ini so mí apíó, nyin ání mábí léha mliha mli ahande mlilópu ini fée gyi Yesu. 18 Táme a, Bulu lébli tson mu onósó atáípu amu féesó yáí obéé, ‘Kristo, (ohá ámú neda mu ofúli amu) obówun iwiasin.’ Mú so oleha leba alí ní. 19 Mú so mlidamli klontó, amliyinki ba Bulu wá, méní obési mli lakpan fée kíé mli, wá mli owonlín pópwe, 20 lápú Yesu sísí mli. Mu Bulu léda ofúli yáí há mli ní. 21 Ilehíán ání Yesu obétsiá osósó mu yófon bréá Bulu obéla tógyító bwé, fé alá oleha mu onósó atáípu wankíhé amu bebli tswi. 22 Aní náin Mose lébli obéé, ‘Mli Wie Bulu obéha mu onósó atáípu okvá ogyi fé mí obédalí tsú mlitó há mli. Mligyi mu ason blíhé féesó. 23 Ohagyióha ání omobu onósó atáípu anfi á, Bulu obéle mu lé mu ahátó, mó mu.’

24 “Tsú Samuelsu á, Bulu onósó atáípuá beba fée bótóí tsú asón anfi idebá nke ánfító wi. 25 Mligyi Bulu onósó atáípu amu abí-aná. Mlibú itó ámú Bulu léhe yáí há aní anáin amu. Tsúfé Bulu lébláa Abraham obéé, ‘Nótsun fú abí-anásó yúlá oyító ahá fée.’ 26 Iní só bréá Bulu léle mu osúmpú Yesu a, olegyankpá pú mu sísí mli Israelfó, obéé obóyulá mli, amlisi lakpan bwe ní.”

4

Petro Mva Yohane Onóle Yudafó Asón Ogyikpá

1 Bréá Petro mva Yohane bobu mósó budetóí kplá ahá ámu a, Bulu igyi ahapú mva Bulu atswékpa agyópu ohande pú Sadukifó aku beba bótó amú. 2 Oblí lekítá ahande anfi. Tsúfé sumbí ayópó ámu bode ahá ámu ató suná beé, Yesu lawú kósó tsú afúlitó. Mú so wukósó bu mu há ohagyióha. 3 Ahande amu bekítá Petro mva Yohane. Owí deta so bopu amú yówa obu yéha oyi kehe. 4 Táme ahá ámú bonu amú atosunáhé amutó ahá tsotsotsó bohogyi, betsiá ahógyipu amutó. Mú so ahógyipu amutó ayin bóbwe fé mpím-nu (5,000).

5 Oyi kehe nyanki a, Yudafó awíé, amú ahande pú Mose mbli asunápú beba befia Yerusalem. 6 Ahá anfi pú ahande ání befia asón ámu asu gyi; Bulu igyi ohapú dehen Hana, mu wóyító ahande Kaiafa, Yohane, Aleksandro pú wóyí ámutó ahá fée. 7 Beha bopu Petro mva Yohane belí amú ansító, befité amú beé, “Ma túmitó ntée ma dátó mlilétsa oyin anfi?”

8 Inu á, Oje Wankíhé lóbulá Petroto. Mú so ileha mu túmi olebláa Yudafó awíé pú amú ahande amu obéé, 9 “Nde mú mlidé aní fité tóá svá anilawá awitole há ibo anfi, tsá mu ilo? 10 Mómú tsú nde mliha Israelfó fée mlibi ání Yesu Kristo, Nasaretyin amu túmi pú mu dátó oyin anfi ólí mli ansító anfi lanyá ilotsá. Mogyi ohá ámú mliléda mántá oyikpalíhesu mó mu asa Bulu lókusá mu tsú afúlitó ámu ní. 11 Yesu anfi iwí asón bəwanlín wá Bulu asón ámutó beé,

‘Ibwi ámú mli obu ayípu mlilékiná ámu

lábóbwe okonkísóbwi ní.’

12 Yesu anfi nkole pé gyi ohá ání Bulu lópuhá aní oyí ánfító obéé, atsúun musu nya nkpa. Ohaa trá oma unvá odon mu.”

13 Iníá Yudafó ahande amu boyin ání Petro mva Yohane bomókókási owuló ki, táme ifú medé amú sv á, onó lobwie amú. Iləwankí amú ání babuo Yesu ki. 14 Ahande amu bomenya asvansu blí. Tsúfé bowun ání ibo amú alanyá ilotsá ámu lí Petro mva Yohane wá. 15 Mú so bebláa Petro aná beé, budálí asón ogyikpá inu kpalobí, abukita agywun. Mú ahande amu befité aba beé, 16 “Nkálí abóbwe ahá anfi? Ohagyióha labí Yerusalem wuluto ání amú labwé osúna kponkponti anfi. Animéetalí gyi mó nwéen. 17 Táme

alía ibóbwe asón áñfi méétrá kléi á, mliha ada amó olá kínkíínkín aníaa bómátra bláa ðhaa asvansu Yesu dátó e.”

¹⁸ Inu belatí Petro mva Yohane ba obuto inu, beda amó olá bee, bómátra bláa ðhaa asóngyiasón ntée súná ató Yesu dátó ekekeeke. ¹⁹ Múú Petro mva Yohane bebláa amó bee, “Mli onutó mliki. Mómó bu alé Bulu ansító, ání abónu mli asón lóó, ntée Bulu klé? ²⁰ Tsúfé aní mó aníméetalí sí tóá anlawun pú asón ání anílanú blí.” ²¹ Bometalí bití amó isu, tsúfé ahá ámu fée bode Bulu kanfó ofúla kṛṇkṛṇti ámuḃ alabwé ámu su. Mó su ahande amu betrá da amó olá kínkíínkín, besi amó benatí. ²² Oyin ámu ilotsá lówa ifú, tsúfé alahḃ ðṇ nfi advana (40) alí bré ámuḃ.

Ahógyipu Amu Ato Kolihé

²³ Yudafḃ ahande amu benya sí amó alí, Petro mva Yohane beyinkí ba amó aba ahógyipu amu wá. Bebláa amó asón ání Bulu igyí ahapú ðehen pú Yudafḃ ahande amu beblí fée. ²⁴ Bréá ahógyipu amu bonu asón ámu a, amó fée bḃpu ðme kole kólí Bulu bee, “Aní Wíe Bulu Otúmípu, fólóbwe osó fḃbwe asi, ḃpu móa ntsu pú mótó ató fée. ²⁵ Fḃṣṇ Ḃḡe Wankíhésu há aní náin Dawid, ogyí fú osúmpó léblí ḃbé, ‘Ntogyi só omá-omá banyá ḃbló?

Ntogyi só ahá fée babwé agywun kuku kpaalí?

²⁶ Ḃṣulḃsu awíe badídá ató.

Wúlu ahande batí aba fia,

kítá agywun laláhe aní Wíe Bulu mva Kristo, (ðhá ámuḃ oléda mu ofúli) amusu.’ ”

²⁷ Petro lóyo mu asónsu ḃbé, “Lélé á, asón áñfi laba mótó. Owíe Herode mva Pontio Pilotóá bomegyí Yudafḃ pú Israelfḃ babwé kole wúlu anfitḃ, kósó líí Yesusu. Mogyí fú osúmpó wankíhéá féda mu ofúli ni. ²⁸ Táme bumeḃu ání tóá fehíhíe yaí fee íbéba mótó fú apé pú fú túmitḃ dodo babwé á. ²⁹ Aní Wíe Bulu, kí alía baká anisu, afukpa fú asúmpó, méní abétalí blí fú asón ámu, anuméenya ifú. ³⁰ Tsa ahá iló fú túmitḃ, afuha abwe ofúla pú osúna fú osúmpó wankíhé Yesu dátó.”

³¹ Bréá bḃbḃ mpái áñfi tá á, amó ofiakpa inu fée ilḃkpunkí. Ḃḡe Wankíhé lóbulá amótó. Mó su bḃwa klṇn dá Bulu asón ámu ḃkan.

Ahógyipu Amu Atótó Yée

³² Ahógyipu amu fée bḃpu klṇn kole móa agywun kole tsíá. Okuku méblí ḃbé tóá muḃu igyi mu nkole klé. Mbuún okugyíḃku ató lḃbwe amó fée klé. ³³ Sumbí ayḃpó ámu bḃpu túmi kṛṇkṛḃṇkṛṇti gyi aní Wíe Yesu iwí adánsie bee, Bulu lakósóa mu tsú afúlitḃ. Bulu léhie wá awitole há ahógyipu amu fée. ³⁴ Amótó okuku mégyi ohian, tsúfé amúá buḃu ḃsulḃu pú wóyí betsiá fé mó, pú mó ḃnó kóba ba ³⁵ sumbí ayḃpó ámu, betsiá ye mó há ḃhagyíḃha alía ilehián mu.

³⁶⁻³⁷ Mó su alí kén Lewiyin ḃkḃá buṭetí mu Yosef léfe ḃsulḃu, ḃḃpu kóba amu ba sumbí ayḃpó ámu ni. Yosef anfi otsú Kipro ḃmátó, sumbí ayḃpó beha mu idá Barnaba, (mó asi gyí, “Ahá atetḃ-onlin ḃwapó.”)

5

Anania Mva Safira

¹ Inu oyin ḃkḃá buṭetí mu Anania mva mu ka Safira é befe amó siadie ku. ² Táme Anania léle kóba amu ku nájín, mu ka é yin mó iwí. Ḃḃpu kóba amu tráhe ba sumbí ayḃpó ámu. ³ Múú Petro léfité mu ḃbé, “Anania, ntogyi só fahá Ḃḃṇsám lagyi fusu, fapó kóba amúú fenya ámu ku nájín, bḃwa afunu

suná ɔɲe Wankíhé? ⁴ Fóbó fú ɔsolóv asa fefe mó. Iníá fefe mó é á, fóbó fú kóba. Ntɔ láhan fu sù fabwé itá igyi alí? Bulu fawá afunu suná o, megyí anyánkpsá.” ⁵ Anania lénya nú asón ánfí alí á, ɔletín da wú. Mó sù ifú lehie kítá ahá ání bonu asón ánfí fée. ⁶ Inu nyasubi aku bókusú tsú tati kíklí mu iwí, tsú mu yópulá.

⁷ Ilegyi fé dɔnhwírí asa ɔma asa mu ka Safira é lóbowie inu. Alí bré ámutɔ á, omeyín tás ilaba mu kulusu. ⁸ Petro léfité mu ɔbéé, “Safira, bla mi. Kóba anfi gyí tás fúa fú kulu mlilénya bréá mliléfe ɔsolóv amu ní?”

Safira léle mó ɔnɔ ɔbéé, “Ee, alí anilénya ní.”

⁹ Mó sù Petro léfité mu ɔbéé, “Ntogyi sù fúa fú kulu mlilabwé ɔnɔ-ɔkole mlíaa mlósɔ Aní Wíe ɔɲé kí? Kí, nyasubi ání bayópulá fú kulu yínkí lawíé obu-ɔnɔ inu á. Bósorá fú é ya.” ¹⁰ Inuɔ ɔtsí ámu é létín da Petro ayabitɔ inu wú. Bréá nyasubi ámu bobowie inu á, bowun ání Safira é lawú, sù botsu mu yópulá mu mantáa mu kulu. ¹¹ Ifú lehie wíe ɔpasua ámu pú ahá ání bonu asón ánfí fée.

Sumbí Ayɔpó Amu Ofúla Pó Osúna Bwe

¹² Bulu lótsun sumbí ayɔpó ámuɔ bwé ofúla pú osúna tsɔtsɔtsɔ wúlu amutɔ. Ahógyipu amu fée bɔbwe kule tsíá fia ɔtnekvá bɔtetí inu Salomo Abrándáásó. ¹³ Ahá ání bomegyí ahógyipu kóráá betí ahógyipu amu idayilé. Táme ɔkoku móbwe agywun ɔbéé, mébetsíá ahógyipu amutɔ. ¹⁴ Igyi alí óó á, atsi móa ayin tsɔtsɔtsɔ bɔhɔ aní Wíe Yesu gyí. Bulu létsíá pú amó tsíá ahógyipu amutɔ. ¹⁵ Sumbí ayɔpó ámu ofúlábwe sù wúlu amutɔ ahá betsíá tsú amó alɔpu ba brɔnusu, beyáí nklan tswí pú amó tswí mósó. Fówun ní Petro ɔbá bɔtsun inu á, mu yiyí bówolí amósó. ¹⁶ ɔɔm ání botsú awúluá ibu bomlí Yerusalemɔ é bɔpu amó alɔpu pú ahá ání ɔɲe láláhe dé amó háan ba, sumbí ayɔpó ámu betsa amó ilɔ.

Sumbí Ayɔpó Amu Lu

¹⁷ Sumbí ayɔpó ámu iwí lówa Bulu igyi ɔhapó dehen amu muɔ mu aba ání bɔbu Saduki ɔpasuatɔ olu. ¹⁸ Iní sù bekítá sumbí ayɔpó ámu wá obu. ¹⁹ Táme onyé, Bulu-ɔbɔpu ɔku léba befinkí obu ámu, kpá sumbí ayɔpó ámu dálí. ²⁰ Bulu-ɔbɔpu amu lébláa amó ɔbéé, “Mlɔyɔ amlɔyelí Bulu ɔtswékpa wunsínésó inu, amlíbla ahá nkpa pɔpwe amu iwí asón fée.” ²¹ Sumbí ayɔpó ámu begyi Bulu-ɔbɔpu amu asónsú. Mó sù benatí yó wunsínésó inu bake, bɔde ahá ató suná.

ɔma-ɔma a, Bulu igyi ɔhapó dehen amu létí Yudafo asón agyípó amu fée fia. Mós bɔwa abí beɛ buyéle sumbí ayɔpó ámu ba. ²² Táme bɔyɔ á, sumbí ayɔpó ámu buma inu. Iní sù beyínkí bebláa ahande amu beɛ, ²³ “Anlósɔ inu á, anlówun ání aklon amu fin wankláán. Obu adípósó akípu amu bolí bɔde aklon amu ɔnɔ gyo. Táme bréá aniléfinkí aklon amu a, anumówun ɔhaa obu ámutɔ.” ²⁴ Bulu ɔtswékpa agyópu ɔhande muɔ Bulu igyi ahapó dehen amu bonu asón ánfí a, bɔbwe yɔɔ, sí bɔde asón ání íbɛba mó ɔma gywín. ²⁵ Inu ɔha ɔku lébebláa amó ɔbéé, “Mlúki, ahá ámús mlílówa obu ámu bolí Bulu ɔtswékpa wunsínésó inu, bɔde ahá ató suná.” ²⁶ Mó sù Bulu ɔtswékpa agyópu ɔhande amu muɔ mu aba bɔyɔ yékpa sumbí ayɔpó ámu ba. Bekpa amó díín pú amó ba, tsúfé benya ifú ání ní bɔpó íbɛ da amó á, ahá bɛda amó abwí.

²⁷ Bɔpu amó ba belí Yudafo asón agyípó amu ansító. Mós Bulu igyi ɔhapó dehen amu léfité amó ɔbéé, ²⁸ “Anuméda mlí ɔlá aníaa, mlímátrá tí oyín ánfí dá súná ató? Táme mlúki tás mlilabwé. Mlilahá mlí atosunáhé labólá Yerusalem wúluto fée. Mlídékléá mlópu mu lowu sórá aní.”

²⁹ Petro mwa sumbí ayəpó atráhe amu bele mú ɔnó beɛ, “Bulu asónsú lehián aní abégyi, megyi anyánkpośa. ³⁰ Mliléda Yesu mántá oyikpalíhesu mó mu. Táme aní anáin Bulu lókusóa mu tsú afúlitó. ³¹ Olotsu mu ya ɔsósó, pú mu yéyáí mu gyəpɔsu, bwé mu ahá Ɔkparú pú Nkpa Ɔhópú. Fówun ɔkpa idí ha Israelfó abɔdamli klɔntó, Bulu osi amú lakpan kie amú. ³² Angyí alí asón ánfí iwí adansífó ní. Ɔhe Wankíhé amú Bulu lópukíé ahá aní bɔtegyi mu asónsú amu é dé mú iwí adánsie gyí.”

³³ Bréá Yudafó ahande amu bonu asón ánfí á, lɔwa amú ɔbló. Mú su bəbwe agywun beɛ, bómə sumbí ayəpó ámu. ³⁴ Táme Yudafó ahande amoto ɔkwá ogyi Farisiyin, mu dá gyí Gamaliel, ogyi Mose mbala osunápú aní ahá féé bɔtobú mu lókusó líí, blí ɔbéɛ bɔkpá sumbí ayəpó ámu dalí kpalobí. ³⁵ Inu ɔlebláa Yudafó ahande amu ɔbéɛ, “Israelfó ayin, mlíkí wankláán itó ánfí mlíaa mlópoggyi ahá ánfí iwí. ³⁶ Mlíkaín aní bré kɔtə á, oyin ɔkwá bɔtetí mu Teuda létsiá. Ɔləbwe mu iwí fé ɔha kɔnkpɔntí ɔku. Mú su ahá bəbwe fé lafana (400) són bobuo mu. Táme bəmə mu, mu abúopu féé bɛdasáín, mu bwehé é féé lowie ntsu. ³⁷ Mu ɔma a, Yuda aní ogyi Galileayin é léba aháklábi. Mu é ɔlekpa ɔdɔm buo iwí. Táme bəmə mu, mu abúopu amú féé bɛdasáín. ³⁸ Mú su nde mlí bláa mbéɛ, mlísi ahá ánfí. Mlímápu ibí da amú. Tsúfé ní itsú anyánkpośa wá á, mú féé lbéba bətsun. ³⁹ Táme ní itsú Bulu wá á, mlíméetalí ká amú itin. Mú su mlímábwe amú tətə, méní imóəbwe fé mlíaa Bulunyo mlídékə.”

Yudafó ahande amu bɔtsulá dínká Gamaliel asón ánfisú. ⁴⁰ Inu beha betí sumbí ayəpó ámu ba obuto inu. Beha bənwən amú ató, bɛda amú ɔlá beɛ, bəmátra tí Yesu dá súná ató ekekekeke, besi amú bənati. ⁴¹ Bréá sumbí ayəpó ámu bɛdalí Yudafó asón ogyíkpa inu bəyó á, ansí de amú gyí. Tsúfé Bulu lahá amú é bawun iwíəsin Yesu su. ⁴² Sumbí ayəpó ámu bɛtsiá súná ató ekekegyíéke, dá Bulu asun wankláán ámu ɔkan Bulu ɔtswékpa inu pú wóyígyíwóyító beɛ, Yesu gyí Kristo, (ɔhá amú Bulu ladá mu ofúli amu).

6

Ɔnó Alípú Abasiénó Le

¹ Bréá akasípú amu beba bɔdekleí á, itré leda Yudafó Griiki ablípú amú bɔteblí Hebri ɔblí amu nsiné. Griiki ablípú amu beɛ, ekekegyíéke, ní bɔde ató yéé a, bɔtamahá Griikífo asurapu amu. ² Mú su sumbí ayəpó dúanyo amu betí ahógyipu amu féé fia, bláa amú beɛ, “Uma aléá abési Bulu asón ɔkanda bɛtsiá ye ató. ³ Iní su apíó, mlíkí mlítə amlíle ahá abasiénó aní obú bu amósó, Ɔhe Wankíhé múa nyánsa itsə amótó. Fówun apu amú lí atótó yéé ɔnó, ⁴ méní aní é abéle ansí kí mpábə pú Bulu asón ámu ɔkanda.”

⁵ Ansí legyi ahógyipu amu féé asón ánfí iwí. Mú su bele oyin ɔkwá mu hógyi ɔnó bu ɔnlín, Ɔhe Wankíhé é itsə mutə, bɔtetí mu Stefano mwa Filipino, Prokoro, Nikanor, Timon, Parmena pú Nikolao, ogyi Griikiyin ɔkwá otsú Antiokia asa alawíé Yudafó osúmtó. ⁶ Bəpu ahá ánfí bosuná sumbí ayəpó ámu, sumbí ayəpó ámu é bəpu ibí dínká amósó, bə mpái há amú.

⁷ Iní su Bulu asón ámu lekléí, akasípú amu bomoní Yerusalem. Bulu igyí ahapú ámu óó tsətsətsə bəhə Yesu asón ámu.

Stefano Kitá

⁸ Bulu lówa awítəle há Stefano túmi kɔnkpɔnkpɔntí. Mú su ɔləbwe ofúla pú osúna akɔnkpɔntí ɔmá ámutə. ⁹ Táme aku bəkusó líí musu. Ahá ánfí bɔtsú ofiakpa kwá bɔtetí mú “Nkpábiá Bahə Iwíətsiá.” Amú aku bogyi Yudafóá bɔtsú Kirene pú Aleksandria awúlusu. Aku é bɔtsú Kilikia pú Asia

omátó. ¹⁰ Táme Ɔhe Wankíhé léha Stefanu nyánsa ɔɔpɔtí. Mú sɔ bɔmetali gyí mɔ nwéen. ¹¹ Inɔ sɔ beha akɔ ɔnɔ beɛ bɔbli beɛ, bonu ání Stefanu détoí wɔ Mose mɔa Bulu. ¹² Inɔ léha ahá ání bɔbɔ inɔ pɔ Yudafo ahande pɔ Mose mbla asunápɔ amɔ benya ɔblɔ Stefanosɔ. Inɔ benatí yótu mɔ, kítá mɔ, kpá mɔ ya Yudafo Asón Agyípo amɔ ansító. ¹³ Belahá akɔ bɔwa afunu dínká mɔsɔ beɛ, “Oyin ání tótóí wɔ Bulu ɔtswékpa wankíhé pɔ Mose mbla ámu ekekegyíeke. ¹⁴ Anilónu ání ɔdebli ɔbéɛ, ‘Yesu Nasaretyin amɔ obóbwie Bulu ɔtswékpa amɔ, tse amándíé ání Mose lósuná anɔ fée.’ ” ¹⁵ Yudafo Asón Agyípo amɔ fée besi bɔde Stefanu kí dín. Inɔ beki a, mɔ ansító de ogyá kpa fée Bulu-ɔbɔpɔ ansító.

7

Stefano Iwɔ Ɔnóle

¹ Bulu igyí ɔhapɔ dehen amɔ léfité Stefanu ɔbéɛ, “Asón ání bablí tsú fɔ iwɔ ání fée bɔ mótó?”

² Stefano léle mɔ ɔnɔ ɔbéɛ, “Mí apíó pɔ mí así, mliyaa asɔ amlinu! Bulu Onumnyampɔ amɔ léle iwɔ ɔwan súná anɔ náin Abraham bréá otsie Mesopotamia ɔmátó, Kaldeafɔ asa olotu yétsiá Haran wúluto. ³⁻⁴ Inɔ Bulu lébláa mɔ ɔbéɛ, ‘Tu dali fɔ ɔmátó si fɔ abusuan, afɔyɔ ɔsólɔv kɔá nɔsuná fósó.’ Mú sɔ Abraham lótu tsú Kaldeafɔ ɔsólɔv yétsiá Haran wúluto. Mɔ sɔ lowu ɔma a, Bulu léha mɔ olotu ba ɔtíné ání mlɔtsie nde ání. ⁵ Bré ámutɔ á, Bulu mókónyá há Abraham ɔsólɔv anfi yabi oyíkpa kɔle kóráá. Táme Bulu léhie mɔ asɔ yaí ɔbéɛ, mɔa mɔ abí-aná obégyi ɔsólɔv anfi ekekó. Alɔ bré ámutɔ á, Abraham mókókwií obí. ⁶ Asón ání Bulu lébláa mɔ gyí, ‘Fɔ abí-aná bóbwe afɔɔ ɔsólɔv kɔsɔ. Bɔpɔ amɔ bwé nkpábi, wá amɔ amomɔyɔ nfi lafana (400). ⁷ Táme négyi ɔmá ámutɔ fɔ abí-aná béyetsiá amɔ asɔ ámu asón, bíti amɔ isɔ. Mú ɔma a, néle amɔ lé amɔ ibitɔ, fówun béba bosúm mí nfi.’ ⁸ Bulu léka ntam há Abraham. Ntam amɔ ɔnɔ á, Abraham ɔbétin mɔ abí-aná keté. Mú sɔ mɔ bi Isak lóhɔ nkekwe á, Abraham létin mɔ keté. Isak é létin mɔ bi Yakob keté. Yakob é létin mɔ abí, bɔgyi anɔ anáin dúanyɔ ámu keté amɔ nyebitɔ.

⁹ “Anɔ anáin anfi befe amɔ gyama Yosef, mɔ iwɔ olu sɔ. Mú sɔ ɔbɔyɔ yébwɛ ɔkpábi Egypte ɔmátó. Táme Bulu léli mɔ ɔma, ¹⁰ lé mɔ lé mɔ asɔn wunhe fée. Bulu léha mɔ nyánsa, há Egypte owie lénya mɔ iwɔ ansigyí. Mú sɔ ɔbɔwɛ Yosef mɔ ɔmá pɔ mɔ wóyí fée sɔ ɔkípu. ¹¹ Akón kɔ léhá Egypte pɔ Kanaan ɔsólɔv fée. Iɔpɔ ikplán ba ɔmá ámutɔ. Anɔ anáin amɔ bɔmenyá ató gyi. ¹² Mú sɔ bréá Yakob lónu ání atogyihe bɔ Egypte a, ɔbwa anɔ anáin anfi sísi. Bɔyɔ inɔ eke gyankpapɔ yénɔ atogyihe ba. ¹³ Beyinkí yó otse nyɔɔsi a, Yosef léle iwɔ ɔwan súná amɔ ɔbéɛ, mɔgyi amɔ gyama Yosef ní. Inɔ sɔ Egypte owie é lébi Yosef abusuan. ¹⁴ Mú ɔma a, Yosef lówa mɔ apíó sísi ɔbéɛ, bɔyékpa mɔ sɔ Yakob pɔ mɔ abusuanfɔ, bóbwe fée ahá aduesienónu (75) ba, abubetsiá Egypte ɔmátó. ¹⁵ Inɔ Yakob lóyɔ Egypte. Inó mɔa anɔ anáin amɔ bowu ní. ¹⁶ Nfi tsɔtsɔtsɔ ɔma a, bɔpɔ amótó akɔ afúli ya Sekem. Wúlu anfitɔ Abraham légyankpá tsíá ní. Bopolá amɔ ilán kɔá Abraham lɔpɔ kɔba hɔ tsu oyin ɔkɔá butetí mɔ Hamor abí wátó.

¹⁷ “Nke ámutɔ Bulu léhie Abraham amɔ lotsutsúa ibɔfon a, anɔ anáin amɔ bakléi wá Egypte ɔmátó. ¹⁸ ɔma a, Egypte owie ɔkɔá ɔmebi Yosef lébetsiá obíá ámusɔ. ¹⁹ Owie anfi lówa owuntalin anɔ anáin amɔsɔ. Ɔleka amɔ híé ɔbéɛ, butswú amɔ abí bɔbwɛ tsalifwɔ abuwu. ²⁰ Alɔ bré ámutɔ bɔkwú Mose ní. Ogyi obí ání ɔhíé ɔb akíle, Bulu ansí legyi mɔ iwɔ. Mɔ yin léyaí mɔ tsra asa mɔ sɔ wóyító. ²¹ Bréá bele mɔ mɔ wóyító a, Farao mɔ bi tsíhé lótsu

mu, pú mu bwé mu bi alı, ɔledan. ²² Egyptefɔ bosuná Mose amó amándíé kugyíko. Ɔɔɔbwe ɔha kpɔnkpɔntı mu itı́ı pú mu bwehétó.

²³ “Bréá Mose lóhɔ nfi advana (40) á, ɔɔɔbwe agywuɔn ɔbéé, mógyo yéki alıá Egyptefɔ bɔpu bɔde mu apı́o Israelfɔ kpa. ²⁴ Inu á, olowun anı́ Egypteyin dé mu apı́o Israelfɔ ámutɔ ɔku da. Mú su ɔɔɔɔ ɔyóhɔ mu pio ámutó ide mu dón amu, ilemlı́ muá Egypteyin amu nyɔ. Inu ɔleda Egypteyin ámu mó. ²⁵ Mose mú ki ɔbéé, ıbówankı́ mu apı́o Israelfɔ anı́ Bulu dépu mu hɔ amú nkpa, táme ımɔwankı́ amú. ²⁶ Mú ɔyi kehe a, olowun Israelfɔ abanyó bɔdeko. Ɔɔɔɔ ɔyékpatá amú, ɔlebláa amú ɔbéé, ‘Mlı́ki, apı́o mlı́gyı́. Ntogyı́ só mlı́ wɔlewɔle mlı́de aba amomoyɔ wa?’ ²⁷ Táme ɔmɔamú ɔde mu ba da ámu lówutá Mose sısı́, fité mu ɔbéé, ‘Ma lówa fú ɔbéé fubégyı́ anı́su, afɔgyı́ anı́ nsıné asón?’ ²⁸ Fɔdekléá fómɔ mí, fé alı́ ámutó ıgye fómɔ Egypteyin amu lóó?’ ²⁹ Mose lénya nú asón ánfı alı, ɔlesrı́ dalı́ Egypte ɔmátó yó Midiafɔ ɔsolósu. Oletsı́a inu kwı́ı abi anyɔ.

³⁰ “Nfi advana ɔma a, Bulu-ɔbɔpu léle ıwı́ ɔwan súná Mose dimbı́sı́ oyı́bi kuá ıbu awu, ogyá detsı́ı mútótó, mantáa Sinaıbu. ³¹ Mose lówun mú á, ılɔwa mu ifú. Bréá ɔɔɔkpukpé ɔyó yéki mú wankláán á, Bulu lébláa mu ɔbéé, ³² ‘Mı́gyı́ fú anáın Abraham, ısak pú Yakob Bulu.’ Mose lénya ifú, ɔdekpı́nkı́ kpakpakpakpa. Mú su ɔmetalı́ ki mú. ³³ Anı́ Wı́e Bulu lébláa mu ɔbéé, ‘Wɔı́ fú ntɔkɔta tswı́, tsúfé ɔtıné ánfı fulı́ ánfı ıgyı́ ɔtıné wankı́hé. ³⁴ Nawun anı́ mı́ ahá bɔde ıwı́ɔsın wúun Egypte ɔsolósu. Nanú amú ısu. Mú su nakplı́ nebá bɔhɔ amú. Ba, anwa fú Egypte.’

³⁵ “Mose anfi Israelfɔ bekiná Egypte ɔmátó, fité mu beé, ‘Ma lówa fú ɔbéé fubégyı́ anı́su, afɔgyı́ anı́ nsıné asón?’ ní. Mose anfi kén Bulu léha ɔbéé, ɔbwéé anı́ anáın amúsú ogyı́pú pú amú ɔlepó ní. Bulu lówa mu sumbí ánfı tsɔn Bulu-ɔbɔpu amú ɔlele ıwı́ súná mu ogya plenplentɔ ámusu. ³⁶ Mu kén gyı́ ɔhá anı́ ɔlekpa amú dalı́ Egypte, bwé ofúla pú osúna tsɔtsɔtsɔ Egypte ɔsolósu, Ɔpu Pepe amu ɔnó pú dimbí ámusu nfi advana (40) kéké ní. ³⁷ Mu kén lébláa Israelfɔ ámu ɔbéé, ‘Bulu ɔbéle mu ɔnósú ɔtáı́pú ɔkuá ogyı́ fé mı́ tsú mlı́tɔ há mlı́’ ní. ³⁸ Bréá muá Israelfɔ ámu befia dimbí ámusu á, Mose anfisı́ Bulu-ɔbɔpu amu lótı́ı tsɔn Sinaıbu ámusu há anı́ anáın amu ni. Mu kénsó Bulu lópu mu nkpa asón ámu tsɔn, ide anı́ é tu ní.

³⁹ “Táme anı́ anáın bɔmɔbu mu. Bekiná mu asón nu. Amú nkɔle su mú á, tekı́ bɔtráa bɔbu Egypte ɔmátó. ⁴⁰ Inı́ su bebláa Aaron beé, ɔyáı́ ıkpı́ anı́ békpa amú ha amú. Tsúfé bɔmeyın tɔá ılabwé Mose amú ɔlekpa amú tsú Egypte amu. ⁴¹ Alı́ bré ámutɔ á, beblı́ sika pepe ɔnantswı́eбі́ pówwé ɔkpı́, tsı́á há mú ıgyı́. Amú ansı́ legyı́ amú ıbı́ ɔnó itɔ bwehé ánfı ıwı́. ⁴² Bulu lési amú asón, bɔyɔ bɔde owı́ muá ɔtsra pú ntsrakpabi tswéé. Fé alı́ bɔwanlın wá Bulu ɔnósú atáı́pú amu ɔwulótó beé,

‘Israelfɔ! Megyı́ mı́ mlı́lómɔ mbwı́ bó afɔde há
nfi advana (40) ámutó mlı́létsı́a dimbí ámusu.

⁴³ Mboún ɔkpı́ Molok tati-obu
pú Refan ntsrakpabi ɔkpı́
mlı́lóbwe súra, nátı́ tswé.

Inı́ su négya mlı́ yówa Babilonfɔ ɔsolósu ɔma ɔtıneko.’

⁴⁴ “Tati-obu ámutó itosúná amú anı́ Bulu bu amú wá ámu é letsı́a anı́ anáın amu wá dimbí ámusu. Mose lóbwe mú ahá Bulu lósuná mu ɔbéé, ɔbwéé mú pépéépé. ⁴⁵ Anı́ anáın amu bowu sí Bulu tati-obu ámu há anı́ ası́, Yosua légya amú nkpa bɔpuha ɔsolósu anfisı́. Amú onutó ansıtó Bulu légya ɔmá-ɔmá lé ɔsolósu anfisı́ púhá amú. Bulu tati-obu ámu letsı́a amú wá alı́

bətu Owie Dawid brésú. ⁴⁶ Bulu ansí legyi Owie Dawid ɪwɪ. Mú sɔ Dawid lókólí mɔ ɔbéɛ, mɔyɪi obu ha mɔ, ménɪ anɪ Yakob abí-aná fée abósum mɔ ɪnɔ. ⁴⁷ Táme Owie Salomo mboún lébeyi obu ámu.

⁴⁸ “Táme Ɔsúsú Bulu tamatsiá nyankpɔsa obu yihetɔ. Fé alá Bulu ɔnású ɔtáipú ɔku léblí ɔbéɛ,

⁴⁹ ‘Anɪ Wíe Bulu ɔbéɛ, “Ɔsúsú gyí mí owie obía,
 ɔsolúv é igyi mí ayabi oyíkpa.

Ntɔ obu mlíaa mléyi ha mí?

Nkónɔ gyí mí ɔkpónú ɔdakpá?

⁵⁰ Megyí mí lóbwɛ ntobí ánfɪ fée?” ’ ”

⁵¹ Stefano lómɔ mɔ asún ɔnɔ ɔbéɛ, “Asɔtɔ-ɔnlɪn awíé, klɔntɔ bɔ mlɪ odwin. Mlɪlakíná Bulu asún ámu nu. Mlɪ é mlɪtɔkúsú líí Ɔhe Wankíhé amɔ asónsú brégyibré, fé alá mlɪ anáin amɔ betsiá bwé. ⁵² Bulu ɔnású ɔtáipú ɔmɔmɔsú mlɪ anáin bɔmɛdunká? Bɔmɔ Bulu ɔnású atáipú amú bɛblí yáí bɛɛ, Yilé Ɔbwɛpú ámu ɔbéba amɔ é. Mlɪléɛ Yilé Ɔbwɛpú ámu há, bɔmɔ mɔ. ⁵³ Mlɪlólɔ Mose mbla ámu tsú Bulu-abɔpɔ ámu wá ní, táme mlɪmégyi mósú.”

Stefano Abwi Da Mɔ

⁵⁴ Bréá Yudafo ahandɛ amɔ bonu Stefano asɔn blíhé anfi á, ɔblɔ lɛhɪɛ kítá amó, bɛda ansítɔ kpɔn. ⁵⁵ Táme Ɔhe Wankíhé lóbulá Stefanotɔ, olotsu ansí fɔá, ɔde ɔsúsú kí. Olowun Bulu numnyam, Yesu líí Bulu gyɔpɪsɔ. ⁵⁶ Múú ɔlɛbláa amú ɔbéɛ, “Mlɪkɪ, nawun ání ɔsúsú lafinkí, Nyankpɔsa-Mɔ-Bi ámu líí Bulu gyɔpɪsɔ.”

⁵⁷ Bréá bonu ɪnɪ á, bɔpɔ ɪbɪ tin asɔ. ɪnɔ amó fée bɔsɔrá okitikítí tú bun mɔsɔ, ⁵⁸ bɛbitiá mɔ dalɪ wúlu amɔtɔ bɛyédá mɔ abwi mó. Adansífo ámu bɔwɔí amó awunso atadiɛ tswɪ ɔyasubi ɔkɔá bɔtɛtí mɔ Saulo wá. ⁵⁹ Bɔde mɔ abwi dá alu, olokpolí anɪ Wíe ɔbéɛ, “Mí Wíe Yesu, hɔ mí ɔhɛ.” ⁶⁰ ɪnɔ á, ɔlɛda akpawunu, kplón kɔklókúú ɔbéɛ, “Mí Wíe, si lakpan ánfɪ kie amó.” Olenya blí alɪ pé, olomu ɔnɔ.

8

¹ Saulo é lótsulá dínká Stefano mɔsɔ.

Saulo Ɔpasua Amɔsɔ Dínká

Tsú eke ámɔsɔ á, bɛdínká ɔpasua amóú ɪbɔ Yerusalem amɔsɔ, wá amó mɔ bɪ. Mú sɔ ɔpasua ámu fée bɛdasáin wá Yudea pú Samaria ɔmátɔ, sí sumbí ayɔpú ámu nkɔlɛ pé wá ɪnɔ. ² Táme Bulu asúmpú akɔ bosu Stefano, bɪn mɔ.

³ Saulo mú léfɪ ɔpasua ámu bwie asɪ. Oletsíá kí ahá wóyítɔ, bítíá ahógyipɔ atɪ móa ayin fée yówa obu.

Filipo Bulu Asún Ɔkanda Samaria Wulutsɔ

⁴ Ahógyipɔ amɔ bɛda Bulu asɔn wankláán ámu ɔkan ɔtínegyíɔtíné ání bɛdasáin yó. ⁵ Mú sɔ Filipo lóyɔ Samaria wúlu yilé kɔtɔ yébláa amó Kristo, (ɔhá amóú Bulu ladá mɔ ofúli amɔ) ɪwɪ asɔn wankláán ámu. ⁶ Afɪapɔ amɔ fée bonu mɔ asɔn blíhé, bowun osúna ání ɔɔbwɛ é. Mú sɔ bɔhɔ mɔ asún ámu. ⁷ Ɔhe laláhe lósvrá okitikítí dálɪ ahá tsɔtsɔɔtsɔtɔ. Ahá ání amú ifón lawú pú tsukole asínɔpɔ tsɔtsɔɔtsɔ é benya ɪlɔtsá. ⁸ Mú sɔ ansí lɛhɪɛ gyi Samariafo ámu.

⁹ Alɪ bré ámɔtɔ á, ɔfáipú kpɔnkpɔntɪ ɔkɔá bɔtɛtí mɔ Simon bɔ wúlu amɔtɔ. Bréá Filipo mókóba ɪnɔ á, ɔtɔbwé túmila súná mɔ pɪ amɔ, ɪtɔwá amó ifú. Ɔtɔpɔ ɪbɪ sí kántó blí ɔbéɛ, ɔtúmíɔpɔ kpɔnkpɔntɪ mɔgyí. ¹⁰ Nyebí ahandɛ fée bɔtobú mɔ, blí bɛɛ, “Oyin ánfɪ dé Bulu túmɪ kpɔnkpɔntɪ ámu.” ¹¹ ɪnɔ

ḗdepu mu asuma bwé ofúla suná amó, ɔlawá ḗpá su á, amó f́éé bḗhḗ mu gyi. ¹² Táme bréá Filipino léba bēda Bulu iwíegyi ṕo Yesu Kristo iwí asun wankláán ámu ḗkan a, atsi móa ayin bḗhḗ mu asún ámusu gyi, ɔbḗḗ amó asú. ¹³ Simon onutó é lóhogyi, ɔleha Filipino lóḗḗ mu asú. Mu asúḗḗ ḗma a, ɔlḗpu iwí mantáa Filipino. Bréá olowun alá Filipino dé ofúla móa osúna bwe á, ɔnḗ lobwie mu.

¹⁴ Sumbí ayḗpó ámóú bḗḗ Yerusalem amu bonu ání Samariafḗ baho Bulu asún ámu. Mú su bḗwa Petro mwa Yohane amó wá. ¹⁵ Bréá boyówie unḗ á, bḗḗ mpáí há Samariafḗ ahógyipu amu bee, bḗnyáa ɔḗe Wankíhé. ¹⁶ Tsúf́é asú keke babó amó aní Wíe Yesu dátó, táme amótó ɔkḗku mókónyá ɔḗe Wankíhé amu. ¹⁷ Inu Petro mwa Yohane bḗpu ibí dínká amó nwunso, Bulu léha amó ɔḗe Wankíhé amu.

¹⁸ Simon lówwun ání ibí keke sumbí ayḗpó amu bapú dínká ahógyipu amu nwunso, Bulu lahá amó ɔḗe Wankíhé. Mú su ɔlele kóba há Petro mwa Yohane, ¹⁹ ɔlebláa amó ɔḗé, “Mliha mí túmi ánfí ku, méní ní mí é nḗpó ibí dínká ɔku nwunso á, Bulu ɔḗéha mu ɔḗe Wankíhé.”

²⁰ Táme Petro lébláa mu ɔḗé, “F́óba f́o kóba ámu nyo f́éé mlihi. Tsúf́é fukí f́e, f́etalí ṕo kóba hḗ Bulu itokiehé ánfí. ²¹ F́oma ogyíkpa ntéé ɔlúkpa aní gyumagyihe anfito, tsúf́é f́o kluntḗ metin Bulu ansító. ²² Damli kluntḗ tsu f́o lakpan ánfíto, afokuli aní Wíe Bulu. F́íahí obési agywun laláhe anfi fabwé ánfí kíe f́o. ²³ Tsúf́é nawun ání f́uhíé f́ubḗ ɔnsipe, lakpan lagyi f́usu.”

²⁴ Simon lébláa Petro mwa Yohane ɔḗé, “Nobwíí ipa, mlikokoli mli Wíe Bulu ha mi, méní ɔmééha asún ánfí fablí ánfíto kuku mééba misu.”

²⁵ Bréá Petro mwa Yohane begyi adánsie, dá Yesu iwí asún ámu ḗkan tá á, beyinkí yó Yerusalem. Bréá bḗna bḗyó á, bēda asun wankláán ámu ḗkan Samaria nkuda tsḗtsḗtsḗ asi.

Etiopia Owie Sikasu ɔkípu Kluntḗdamli

²⁶ Alí bré ámḗto á, Bulu-ḗḗpu lébláa Filipino ɔḗé, “Kusu pu ɔsaasi dimbisó ɔkpa ámóú ida tsu Yerusalem iyó Gasa amu.” ²⁷ Múú Filipino lókusó ṕo ɔkpa. Bréá ayó á, ɔlotu Etiopia ɔmá ɔhande ɔkḗá baflo mu. ɔhande amu gyí Etiopia owíe tsihé Kandake sikasu ɔkípu. Oyin ánfí layó Yerusalem yósum Bulu, ²⁸ yínkí ayó wóyí, otsie mu kekétó, mpḗnkḗ bḗde mu bití. ɔde Bulu ɔnósó ɔtḗpú Yesaia ɔwuló ámu kláa. ²⁹ Múú ɔḗe Wankíhé lébláa Filipino ɔḗé, “Kpḗkpe manta keké ánfí.” ³⁰ Filipino lésrí tó keké ámu wun ání Bulu ɔnósó ɔtḗpú Yesaia ɔwuló ámu oyin ámu dé kláa. Mú su ɔlefíté mu ɔḗé, “ɔhande, f́ude asún ámóú f́udekláa amu asi nu?”

³¹ ɔhande amu léle mú ɔnḗ ɔḗé, “Nkáli ɔbḗwwe nónu mú asi ní ɔku méle mú asi súná mí?” Mú su ɔlebláa Filipino ɔḗé, “Du tsia mí wá ayo.” ³² Bulu asún ání ɔdekláa ɔwuló ámḗto gyí:

“ɔḗḗwwe díín f́e kufa ání bapú beya ɔmḗkpa. ɔmobwíí mu nnonyo.

ɔḗḗwwe díín f́e alá kufa tḗḗwé
ní bḗde mu iwí imi dínkí.

³³ Bḗkpḗí mu, bḗmegyi mu asún ɔnḗkwalsu.

ɔhaa méetalí súná mu abí-aná,
tsúf́é beka mu nkpa tin ɔsulóv anfisú.”

³⁴ Múú ɔmá ɔhande amu léfíté Filipino ɔḗé, “Ma iwí asún Bulu ɔnósó ɔtḗpú anfi déblí, mu onutó ntéé ɔha bambá?” ³⁵ Inu Filipino lélí Yesaia asun wanlínhé anfisú bláa mu Yesu iwí asun wankláán ámu. ³⁶⁻³⁷ Bḗpu bḗyó á,

bətu ntsu kv. Múú ɔmá ɔhande amu léfité Filipino ɔbéé, “Ntsu dá a, ntə létin mí asúbə ɔkpa?”*

³⁸ Mú sv ɔmá ɔhande amu léha mu keké ámu ɔbitípú lélí. Mva Filipino bekplí wíé ntsu ámutə, Filipino lóbə mu asú. ³⁹ Bréá bedali ntsu ámutə á, aní Wíe Ɔhé lotsu Filipino náti. Ɔmá ɔhande amu métrá wun mu, táme ɔlpu ansigyí natí ɔyó wóyí. ⁴⁰ Filipino é léyɛdali Asoto wúluto. Ɔlenatí kí inu awúlusu dá asun wankláán ámu ɔkan ali, oloyówie Kaesarea wúluto.

9

Saulo Klwntɔdamli

(Gyumagyihe 22:6-16; 26:12-18)

¹⁻² Ali bré ánfito féé á, Saulo mókósi Yesu akasípú amu bláa ɔbéé, mómə amú. Mú sv ɔlɔɔ Bulu igyí ɔhapú dehen wá yókulí mu ɔbéé, ɔwánlin ɔwoló pule mu suna Damasko Yudafo ofiakpa ahande, méní ní mu ibi da oyin ntée ɔtsi ɔkv, ɔna aní Wíe ɔkpa ámu sv a, mékitá mu, kpá mu ba Yerusalem.

³ Saulo lópu ɔkpa ɔyó Damasko. Ɔleta wie tá á, nsaintə lekpa ogyá wa mu. ⁴ Ɔledida ɔsolótə kpala. Inu olonu ɔme kv. Ɔme amu léfité mu ɔbéé, “Saulo, Saulo, ntogyi só fúdin mísó ali?”

⁵ Saulo léfité ɔbéé, “Fú ma ni, mí Wíé?” Múú ɔme amu lébláa mu ɔbéé, “Mí Yesu ni. Mísó fudin ní. ⁶ Kusv, afuyə wúluto inu. Ɔkv obósuná fú tóá lehián ání fóbwe.”

⁷ Saulo aba ání mva amónɔɔ bona besi líí dfin. Bonu ɔme amu, táme bumowun ɔhaa. ⁸ Saulo lókusó líí. Olobwíí ansibi, táme ɔmedé ató wúun. Mú sv bekítá mu ibi, kpá mu ya Damasko wúluto. ⁹ Oletsíá nkensá owítə omowun ató. Omegyí ató, omonu tətə é ali bré ámutə.

¹⁰ Ali bré ámutə á, Yesu ɔkasípú ɔkv bu Damasko, butetí mu Anania. Olowun ató. Mótó á, aní Wíe Yesu lókpólí mu ɔbéé, “Anania!”

Olotsulá ɔbéé, “Mí Wíé, mí ní.”

¹¹ Múú aní Wíe lébláa mu ɔbéé, “Kusv, yə brənu ámutú butetí mú ‘Ɔkpa Tswíihé’ amusu. Wie Yuda wóyítə, afufite oyin ámutú otsú Tarso, butetí mu Saulo amusu. Alaba, ɔbu inu ɔde mpái bə. ¹² Alawun ání oyin ɔkwá butetí mu Anania laba bəpu ibi dínká musv, mu ansibi labwíí.”

¹³ Múú Anania lébláa aní Wíe ɔbéé, “Mí Wíé, nanú oyin ánfí iwí asón. Alíá ɔdepu lalahé gyi fú ahá ání bubu Yerusalem. ¹⁴ Igyí ahapú dehen amu é bahá mu túmi bée, ɔbá Damasko bekítá ahá ání butəbó mpái fú dátə féé.”

¹⁵ Aní Wíe lébláa mu ɔbéé, “Yə, mílalé mu mbée, ɔbwée mí osúmpó, ɔha ɔmá bámbátəfə, amú awíe pú Israelfə féé abubi mí. ¹⁶ Mí onutó nósuná mu alíá ɔbókəkv wun ipian mí sv.”

¹⁷ Mú sv Anania lóyə Yuda wóyítə, yópu ibi dínká Saulosu, bláa mu ɔbéé “Opíó Saulo, aní Wíe Yesu ámutú ɔlele iwí ɔwan súná fú bré ámutú febá nfi ámu lává mí fú wá. Ɔbéé, mbeha fú afulawun ató, Ɔhe Wankíhé ɔbula fútə.”

¹⁸ Təkóá igyi fé klemetí afwí lémain lé mu ansibisu kpádá inunu. Mú sv ɔlela ɔde ató wúun. Inu ɔləkusó, bəbə mu asú. ¹⁹ Beha mu ató olegyi, ɔwunlin lelawíe mu.

Saulo Bulu Asón Ɔkanda Damasko

Saulo létsíá akasípú amu wá nke kpalobi. ²⁰ Inunu ɔlenatí yó amú ofiakpa, yéfi Yesu iwí asón ɔkan da asi ɔbéé, “Yesu gyí Bulu mu bi ámu ni.”

* **8:36-37** Mótó yée 37 bu nwoló dada amu akoto: Filipino lébláa mu ɔbéé “Ní faho Kristo gyi tsú fú klon féétə a, nétalí bə fú asú.” Ɔlebláa Filipino ɔbéé, “Ee, nahogyi mbeé Yesu Kristo gyi Bulu mu Bi.”

²¹ Ahá ání bonu mu asón blíhé anfi fée onó lobwie amó. Mú su befité bee, “Megyí mudé Yesu asúmpó mō Yerusalem ní? Megyí amó okitákpá oḗba nfi, okpa amó ya igyí ahapú dehen amó?”

²² Táme Saulo lélanýá túmi blí asón ámu owonlínso obée, lélé Yesu gyí Kristo, (ohá amó Bulu ladá mu ofúli amó). Alíá oḗhe lé asón ámuto leha Yudafó aní bobu Damasko inu bobwe basaa. Bomowun móá bótso.

²³ Nke tsotsotsó oma a, Yudafó ámu befia kítá agywun bee bómō Saulo. ²⁴ Mú su betsiá gyo wúlu amó onó opa onyé, méní bénya mu mó mu. Táme akv bowi tsá Saulosu bee, alí Yudafó ámu babwé agywun ní. ²⁵ Mú su eke okv onyé á, Saulo abúopv amuto akv botsu mu wá lakpátó, pó mu tson ikwito kplí mu yi iban oma, oḗsrí náti.

Saulo Yerusalem Yó

²⁶ Bréá Saulo lówie Yerusalem a, oḗtsun okpa kugyíkusu aní obówie Yesu akasípó amuto. Táme bomohogyi aní alabwé okasípó. Mú su benya mu ifú. ²⁷ Inu Barnaba lékpa mu ya, yéle mu súná sumbí ayópó amó. Oḗbláa amó alíá aní Wíe léle iwí owan súná Saulo Damasko okpató, mva Yesunyo bató; pó alíá Saulo lówa klvón dá Bulu asón ámu okan owonlínso Yesu dátó Damasko wúluto. ²⁸ Mú su Saulo lówie amótó, beki Yerusalem wúluto. Oḗwa klvón blí Bulu asón ámu Yesu dátó. ²⁹ Mva Yudafó amó boteblí Griiki oḗlí amó betsiá tóí, gyi aba nwéen. Táme alí bré amuto fée á, bode agywun bwe aní bómō mu. ³⁰ Bréá mú afú lówolí ahógyipv amó a, bekpá mu yáa Kaesarea, há mu oḗenatí yó Tarso.

³¹ Mú su iwí lolwií opasua aní bu Yudea, Galilea pó Samaria omátó. Oḗe Wankíhé lékpa amó bekleí, dan hógyito, betsiá tsiátóá ilegí aní Wíe Yesu ansí.

Aha Akv Ilo Tsa

³² Petro lénatí ki Samaria nkudasí. Eke okv oḗyéki Bulu ahá aní bobu Lida wúluto. ³³ Inu á, oḗyéfia oyin okv botebí mu Enea, olesin tsukole nfikwe ní. ³⁴ Petro lébláa mu obée, “Enea, Yesu Kristo latsá fú ilo. Kusu kunta fú oklan.” Inu Enea lókusu. ³⁵ Ahá aní butsie Lida wúluto pó Saron nsántó fée bowun oyin ámu. Mú su bohogyi, bobuo aní Wíe.

³⁶ Oḗtsi okv bu Yopa wúluto, ogyi okasípó. Botebí mu Tabita. Mu dá ámu así Griiki oḗlíto gyí, “Dorka.” Mú así gyí, “Abre.” Yilé obwepó ogyi. Oḗv awitole há ahiánfó. ³⁷ Bréá Petro bu Lida a, ilo leda Tabitasu. Olowu, bebie mu ntsu, sí mu tswi abansórv koto. ³⁸ Yopa móa Lida awúlu imafó aba wá. Mú su bréá akasípó amó bobu Yopa amó bonu lowu anfi á, bowa abi anyó sísí Petro bee, bobwí ipa há mu, owáa oḗa tu amó. ³⁹ Inu Petro lówa oḗa bwé, móa amúnyo benatí. Bréá olobowie inu á, bekpá mu ya abansórv amuto. Wúlu amuto asurapv fée bobu fúli amó así. Bekpá pútá Petro bodesú, bode atadiéá Dorka lóbwé bréá otsie nkpa pvsúná mu. ⁴⁰ Petro légya asurapv amó fée lé obu amuto. Mú oḗeda akpawunu bó mpá, asa oḗdamlí kí fúli amó blí obée, “Tabita, kusu.” Inu Tabita lóbwíí ansíbi. Bréá olowun Petro a, oḗkusu tsíá. ⁴¹ Inu Petro lékitá mu bi, oḗkusu líí. Petro létí asurapv amó pó ahógyipv atráhe amó. Mú oḗepv Tabita súná amó aní alatsínkí. ⁴² Asón anfi lekleí wá Yopa wúluto. Mú su ahá tsotsotsó bōho aní Wíe gyi. ⁴³ Petro létsiá Simon aní oḗyó owuló-kpákpá iwí agyómá wá Yopa inu wá opa.

1 Oyin oku létsiá Kaesarea inu, butetí mu Konelio. Ogyi Romafó isá akópó opasua kuá butetí mú Italia ohande. 2 Obu nsi Bulusúm iwí. Mva mu wóyító fée butosúm Bulu. Konelio tekíe Yudafó ahíanfó ató. Otóbó mpáí há Bulu brégyíbré. 3 Eke oku Konelio lówun ató ntópwe dsatá. Mu atowunhe amoto á, olowun Bulu-obopu ansí káin, Bulu-obopu amu lókpólí mu obéé, “Konelio!”

4 Ifú lekítá mu. Mú su olesi ode Bulu-obopu amu kí. Mú ólefíté Bulu-obopu amu obéé, “Mí Wíé, nkálí igyi?”

Bulu-obopu amu lébláa mu obéé, “Bulu laho fú mpáí. Fú ahá ató kie é lagyi mu ansí. 5 Wa abí aboyó Yopa yetí Simon Petro ba. 6 Oloyóswí owulókpa kpa iwí agyómá oyopó Simon wóyító, mantáa opu onó.” 7 Bréá Bulu-obopu amu lénatí á, Konelio létí mu asúmpó abanyó ání bobu mu wóyító pú mu obisufe ání ogyi isá okópó, otenyá Bulu ifú. 8 Odebláa amú asón ání daba fée, obwa amú sísí Yopa.

9 Mú oyi kehe bokusú boyó Yopa. Beta inu wie tá á, ibóbwe fé opa dóduanyotó. Petro é dédu oyó obu awunso mpáí obokpa. 10 Akón ihíé de mu. Mú su olekle ání obénya toku wá onó. Bréá bude ató ámu nuná há mu a, Petro lówun ató. 11 Atowunhe amoto á, olowun ání osósó lafínkí, tokuá igyi fé ohráda téihé, bude mu nsiebí ana, idekplí íbá osólósu. 12 Oyító mbwí otsan-otsan, mbwíá bobu ayín, táme buteká abona pú oyító mbubwi fée bobu ohráda ámutó. 13 Mú olonu ome ku lédalí obéé, “Petro, kusú mo mbwí ání afwí.”

14 Táme Petro léle mú onó obéé, “O-o! Mí Wíé, bokwí mí opa á, mmakógyi tóá Yudafó amándíé lekisí ntée mú iwí metin kí.”

15 Ome amu léla bláa mu obéé, “Máti tóá Bulu latin mú iwí atokisíhé.” 16 Atowunhe amu pú ome amu léba tse sa. Mu ansító inu á, botsu ohráda ámu ya osósó otsáwole pé.

17 Bréá Petro dé nwuntó bu tsú atowunhe anfi iwí á, Konelio abí ámu é bafité wun Simon wóyító, ba bulí okpa onó. 18 Konelio abí ámu bokpolí fité beé, “Ofó oku tsie nfi, butetí mu Simon Petro?”

19 Petro trá ode nwuntó bu tsú atowunhe amu iwí, Ohe Wankíhé lébláa mu obéé, “Simon, ahá abasá aku baba bude fú dunká. 20 Kusú bwe, afokplí yefia amú amlinatu. Mágyi nwéen, tsufé mlawá amú fú wá.” 21 Inu Petro lékplí yótu amú, bláa amú obéé, “Mígyí ohá ámúú mlidédunká ámu ní. Ntogyi só mliná?”

22 Ahá ámu bele mú onó beé, “Animédé tsitsa. Isá akópó ohande Konelio ání otenyá Bulu ifú, Yudafó fée butetí mu idayilé lówa aní fú wá. Bulu-obopu oku labébláa mu obéé, obá beti fú afuba mu wóyító, méni obónu asón ání fóbu blí.” 23 Mú Petro lékpa amú wá wóyító, ocha amú odikpa.

Oyi kehe a, Petro mva amónyo bokusú pú okpa boyó Kaesarea. Bréá boyó á, ahógyipu akvá bobu Yopa inu é bobuo amú yó. 24 Mú oyi kehe a, boyówie Kaesarea wúlutó. Botsutsúa abuwie inu á, Konelio latí mu wóyító ahá pú mu anyawíe kláklá befia, ode amú okpa kí. 25 Bréá Petro lówie wóyí ámu onó á, Konelio lókusú yéfia mu, dá akpawunu mu ayabitó súm mu. 26 Táme Petro léha mu okusú. Odebláa Konelio obéé, “Kusú, máda akpawunu há mí. Nyankpusa mí é ngyi.” 27 Petro mva monyo buna budetó alu olowie wóyító. Inu olowun ání ahá tsotsotsó bafia. 28 Mú odebláa amú obéé, “Mli onutó mlyin ání Yudafó mbala meha okpa ání Yudayin mva omá bámbátóyin bubwéé anyawíe ntée obóyo mu wá kpán. Táme Bulu lahá mí nabí ání mmákí mbéé oku iwí metin ntée omafón amándíé okpasu. 29 Mú só bréá fowa abí fée bubéti mí á, mmakpukpóu nwuntó ní. Amansu igyi? Bla mi.”

³⁰ Múó Konelio lébláa mu óbée, “Nde eke náási, ntópwe dosato mbu wóyító nde mpái bə. Otsáwole pé á, nowun oyin oku lí mí ansító. Oyín ámu lówa atadié futútú. ³¹ Oyín ámu lébláa mi óbée, ‘Konelio, Bulu lanú fú mpái. Fú ahá ató kie é lagyi mu ansi. ³² Mú su wa abí aboyó Yopa wúluto yeti Simon Petro ba. Ówuló-kpákpá iwí agyómá oyópó Simon wóyí ólaswí. Otsie mantáa opu ónó.’ ³³ Mú su unonu nɔwa abí sísí fú. Ibo aléá faba. Séi á, aní fée anlafia Bulu dátó. Anigyó aní Wíe asón aní alapóhá fú óbée, fubláa aní.”

Petro Asón Blíhé

³⁴ Múó Petro lótsu ónó blí óbée, “Nawun aní lélé Bulu tamakí ohaa ansító. ³⁵ Mboun óhá aní otenyá mu ifú, ótóbwé yilé asón otekle ómágyíomátó. ³⁶ Mliyín asón wankláán aní Bulu lópuhá Israelfó. Asón ámu gyí, Bulu lapó iwílwii ba tsón Yesu Kristo, ahá fée Owíe amusu. ³⁷ Mliyín asón kpɔnkpɔnti aní iléba Yudea ómátó fée. Ilotsu así tsú Galilea ómátó, bréá Asú Óbópó Yohane léda asúbə okan oma. ³⁸ Mliyín aní Wíe Yesu Nasaretyin amu. Mliyín aní Bulu lópu mu Óje Wankíhé pú túmi wá muto, oleki ótinegyíótíné bwé yilé, tsá ahá aní bubu óbunsám túmi así ɔ, tsúfé Bulu buo mu. ³⁹ Anigyí ahá aní anilówun mu bwéhé aní ólóbwe Yudea pú Yerusalem ómátó fée ní. Beda mu mántá oyikpalíhesu mós mu. ⁴⁰ Táme mú eke sáási a, Bulu lókusóa mu, lé mu ówan, ahá bowun mu. ⁴¹ Megyí óyító ahá fée lówun mu, táme aní ahá ámu Bulu léle yáí óbée, abwée mu adansífo ámu mós anilówun mu. Mu kósó tsú afúlito oma a, ania munyó légyi, anilówi ní. ⁴² Ólehie aní óbée, adáa mu asón wankláán ámu okan suna ahá, agyi mu iwí adánsie aní mogyí óhá aní Bulu laléá obégyi akiankpa pu pú awupó fée asón ní. ⁴³ Bulu ónósó atópó amu fée beblí beé lélé, óhagyíoha aní ólóbó Kristo gyi a, Bulu obési mu lakpan fée kíe mu Kristo dátó.”

Ómá Bámbásífo Óje Wankíhé Nya

⁴⁴ Bréá Petro dé asón ánfí blí á, Óje Wankíhé lébá ahá ámu bode mu asón ámu nu ámu féesú. ⁴⁵ Ónó lobwie Yudafó ahógyipu amóó bobuo Petro ba inu ámu aní Bulu lapó mu Óje Wankíhé amu kíe ahá aní bomegyí Yudafó. ⁴⁶ Tsúfé bowun aní ahá ámu bode óblí bámbá blí, bwhíé bode Bulu kanfó. Mú su Petro lébláa amó óbée, ⁴⁷ “Bulu lahá ahá ánfí é Óje Wankíhé fé aní. Oku óbétalí tin amó okpa óbée bumábə amó asú?” ⁴⁸ Mú su óleblí óbée, bubó amó asú Yesu Kristo dátó. Mú oma a, bokokóli Petro beé, otsia amó wá kpalobí.

11

Petro Iwí Asón Ónóle Yerusalem

¹ Yesu sumbí ayópó ámu pú ahógyipu amóó bubu Yudea ómátó ámu bonu aní ómá bámbátófo é bahó Bulu asón ámu. ² Mú su bréá Petro lóyo Yerusalem wúluto á, mwa ahógyipu akwá butekléá ahá butín keté asa abowie ópasua ámuto bebití asón. Befité mu beé, ³ “Ntogyi su fayó ahá aní bumetun keté wóyí, fúa amónyó mlilawá ibi gyi ató?” ⁴ Mú su Petro léle asón aní ilébató súná amó ikole-kole óbée,

⁵ “Mbu Yopa wúluto nde mpái bə nowun ató. Mótó á, nowun aní tókwa igyi fé óhráda téihé, bode mú nsiebí ana lékplí tsú ósósú bá mí wá. ⁶ Nowun pututo-mbwí pú wúluto mbwí, mbwíá bubu ayín, táme buteká abonó pú óyító mbubwí fée óhráda ámuto. ⁷ Inu nonu óme ku ledali bláa mi óbée, ‘Petro, kusó ma mbwí ánfí afowi.’

⁸ “Múú nēblí mbéé, ‘Mí Wíe, ekekeeke. Bōkwí mí ɔpá á, mməkógyi tóá Yudafo amándíe lekisi ntée mó iwí metin kí.’

⁹ “Múú ɔme amu lótsu ɔsósú lábláa mí ɔbéé, ‘Máti tóá Bulu latin mó iwí atokisihé.’ ¹⁰ Tsesa sósón nowun atowunhe anfi. Mó ɔma a, ɔlayínkí yó ɔsósú.

¹¹ “Alí bré ámɔto kén á, ayin abasá akvá bɔwa mí wá tsú Kaesarea baba bulí wóyí ámóú ntsie mótó ámu ɔnó. ¹² Ɖhe Wankíhé lébláa mí ɔbéé, mbúo amó yó, mmágyi nwéén. Apíó abasié ánfí bɔtsú Yopa anfi é bobuo mí yó Kaesarea, aní fée anɔlyɔ Konelio wóyító. ¹³ Konelio lébláa aní ɔbéé, mowun Bulu-ɔbɔpu ɔku mu wóyító, ɔlebláa mu ɔbéé, ‘Wa abí abuyɔ Yopa yeti oyin ɔkvá bɔtetí mu Simon Petro ba. ¹⁴ Ɖbébláa fu asón aní fúa fu wóyító ahá fée mlótsun mósó nyá nkpa.’

¹⁵ “Nenya tsú ɔnó ndetoi alí, Ɖhe Wankíhé léba amósú fē alíá ɔleba anisu eke gyankpapu amu. ¹⁶ Inu nekain aní Wíe ason blíhésu. Ɖbéé, ‘Yohane lópu ntsu bó ahá asú. Táme mli mó á, Bulu ɔbɔpu Ɖhe Wankíhé bó mli asú.’ ¹⁷ Mú su ní Bulu lapó mu atokiehé ámu kíe amó, fē alíá ɔbɔpukíe aní ahá ámóú anɔláhɔ aní Wíe Yesu Kristo gyi amu a, mígyí ma aní nétin Bulu ɔkpa?”

¹⁸ Bréá sumbí ayɔpó ámu bonu asón ánfí á, besi Petro tói wa, bekanfó Bulu beé, “Mómó Bulu lahá ahá aní bomegyí Yudafo ɔkpa ɔbéé, amó é bɔdámli klɔntɔ, abunya nkpa.”

Kristo Ɖpasua Aní Ibu Antiokia

¹⁹ Stefano lowu ɔma a, beɔnká ahógyipu amusu. Mó su beɔdasín yó Foinike móa Kipro ɔsulósu pó Antiokia wúluto. Yudafo nkole bebláa Bulu ason wankláán ámu. ²⁰ Táme amótó aku mó bɔtsu Kipro pó Kirene ɔmátó ba Antiokia bebláa Griikifɔ ámu aní Wíe iwí ason wankláán ámu. ²¹ Aní Wíe Bulu léli amó ɔma. Mó su amótó ahá tsɔtsɔtsɔ bohogyi, dámlí klɔntɔ ba aní Wíe Yesu wá.

²² Yerusalem ɔpasua ámu bonu asón ánfí. Mó su bɔwa Barnaba sísi Antiokia. ²³⁻²⁴ Barnaba gyí ɔha wankláán, Ɖhe Wankíhé pó hógyi é itso mɔto. Bréá olowie Antiokia, olowun alíá Bulu lagyi amó bɔale a, ansí legyi mu. Múú ɔlɔtɔi kplá amó ɔbéé, bɔpóu amó klɔn fée dinka aní Wíe Yesusu, abuyi mu mblasu. Iní su ahá tsɔtsɔtsɔ bɔtsun mu asón ámusu hɔ aní Wíe gyí. ²⁵ Mó ɔma a, Barnaba lýɔ Tarso wúluto yóɔnká Saulo. ²⁶ Bréá olowun mu a, ɔlekpa mu ba Antiokia. Betsiá inu ofi ɔkole, tsíá fia ɔpasua ámu, súná amó ató. Antiokia begyankpá tí akasípó amu beé “Akristofɔ” ní.

²⁷ Bulu ɔnósú atáipó aku bɔtsu Yerusalem ba Antiokia alí bré ámɔto kén. ²⁸ Amótó ɔkole dá gyí Agabo. Ɖlɔkusú líi, blí Ɖhe Wankíhé túmitɔ tswí ɔbéé, “Akón kpɔnkpɔnti ku béba Roma ɔmátó fée.” Ileba mótó bréá Roma Owíe Klaudio tsie obíású. ²⁹ Akasípó amu bɔbwe agywun beé, amótó okugyiáku obóɔnká tóá obénya, abupu yekie apíó ahógyipu aní bɔbu Yudea ɔmátó. ³⁰ Begyi dínká mósú, bɔpohá Barnaba móa Saulo bɔpuya ɔpasua ámu ahandé.

12

Petro Obudi

¹ Alí bré ámɔto á, Owíe Herode léɔnká ɔpasua ámɔto akusu, wá amó amomuyɔ. ² Ɖleha betin Yohane mu pio Yakobo ɔdayító. ³ Herode lówun aní ibu Yudafo ámu ɔdwe. Mó su omesi, ɔleyékítá Petro é. Alí bré ámɔto bɔde Israelfɔ Bodobodo Mátúhénke gyí. ⁴ Mó su bréá ɔlekítá Petro a, ɔbɔpu mu tswí obu, ɔlele ísá akopó dúasie ɔbéé, bɔtsiá gyo mu iwí abaná-abaná.

Ɔɔbɔwɛ agywun ɔbɛɛ, begyi Nke ámu tá á, mégyi Petro asón dɔnsu. ⁵ Bɔwa Petro obu, táme ɔpasua ámu bɔbɔ mpáí kínkíínkín há mu.

Petro Obule

⁶ Onyé asa ɔyí ɔbɛɛ Owíe Herode ɔbɛɛ Petro ba dɔnsu begyi mu asón á, bɔwa Petro ikan anyɔ kéké, ɔda ɔdedidi isá akɔpú abanyó nsiné. Isá akɔpú aku é bulí buɔɛ obu ámu ɔnó gyo. ⁷ Ɔtsáwɔɔɛ pé á, Bulu-ɔbɔpu ɔku lébelí amó wá obuto inu, inu féé lówankí. Bulu-ɔbɔpu amu lópu ibi da Petro abɔntɔ, oletsinkí. Ɔlebláa Petro ɔbɛɛ, “Wa ɔsa kusu.” Inu ikan amu lówɔí lé mu ibi. ⁸ Múú Bulu-ɔbɔpu amu lébláa mu ɔbɛɛ, “Kusu pu ɔfé klí osíétó, afotsu fú ntukota wa.” Petro lóɔwɛ. Múú ɔletrá bláa Petro ɔbɛɛ, “Tsu fú ligá wa afoba ayɔ.” ⁹ Petro lóbuo Bulu-ɔbɔpu amu dáli obu ámɔtɔ. Imɔwankí Petro ní akíankpatɔ ntéɛ atowunhetɔ Bulu-ɔbɔpu amu dé mu asón bláa. ¹⁰ Mɔa Bulu-ɔbɔpu amu bɔtsun obu-ɔnó gyankpapu pú nyɔɔsi agyópusu. Beba bɔtu dáto iklun ání fɔpɔdáli wie wúlutɔ. Iklun amu onutó lefinkí há amó bɔtsun. Bɔpɔtsun brɔnu kusu bɔyó á, Bulu-ɔbɔpu amu lófwi sí Petro.

¹¹ Bréá Petro ansítɔ letítí mu a, ɔleblí ɔbɛɛ, “Séi mú nawun ání lélé Bulu lawá mu ɔbɔpu, alabelɛ mí Owíe Herode ibi pú tɔá Yudafɔ buɔɛ ɔkpa kíto.”

¹² Iná Petro lówun mú alí su á, ɔlenatí yó Yohane ání bɔtetráa tí mu Marko mu yin Maria wóyí. Alí bré ámɔtɔ á, ahá tsɔtsɔtsɔ bafia inu buɔɛ mpáí bɔ. ¹³ Petro léda amó iklunso, osúmbi tsihé ɔkɔvá bɔtetí mu Rode lébeki ɔhá ání ogyi. ¹⁴ Bréá Rode lébi ání Petro ɔme ni á, ansí lehiɛ gyi mu. Mú su ɔletan obu ámu finkí. Mboún oleyinkí srí yébláa amó ɔbɛɛ, “Petro laba ɔlí obu-ɔnó.” ¹⁵ Ahá ámu bebláa mu beɛ, “Fó nwun layíntá.” Táme ɔlɔyɔ músó, ɔleblí ɔbɛɛ, “Lélé a.” Mú su bebláa mu beɛ, “Mómó fiáli Bulu-ɔbɔpuvá ɔteki Petrosu ní.”

¹⁶ Alí bré ámɔtɔ féé á, Petro trá ɔɔɛ iklun amuso da. Bréá bɔyɔ yéfinkí mú, bowun Petro a, ɔnó lobwie amó. ¹⁷ Petro lóɔwɛ ibi súná amó ɔbɛɛ bukásu, ɔlebláa amó alíá aní Wie lalé mu obu. Ɔlebláa amó ɔbɛɛ, “Mɔibla Yakobo mɔa apíó ahógyipu atráhe amu asón ánfí.” Múú ɔlenatí amó wá yó ɔtɔne bambá á.

¹⁸ Bréá ɔyí leke a, isá akɔpú ámu féé begyigyáa, fité aba beɛ, “Nkí Petro me?” ¹⁹ Owíe Herode léha bodunká Petro ɔtínegyíɔtíné, táme bɔmowun mu. Mú su ɔleti obu adípúsú akípu amu, fité amó asón, ɔleha bɔmɔ amó.

Mú ɔma a, ɔlenatí Yudea ɔmátó yétsiá Kaesarea wúlutɔ nkensá ku.

Owíe Herode Lowu

²⁰ Bré kɔtɔ á, ɔblí lehiɛ kítá Owíe Herode Tiro móa Sidonfɔ su. Mú su awúlu anyɔ ánfí beɛ abí beɛ buyókokóli mu, iwílwii itsia amó nsiné. Tsúfé Owíe Herode ɔmátó bɔtenyá atogyihe tsú. Ahá ámu begyankpá yéle asóntó súná Owíe Herode wóyísú ɔkípu ɔkɔvá bɔtetí mu Blasto, olotsulá gya amó nkpá bɔyɔ Owíe Herode wá yókokóli mu.

²¹ Owíe Herode léhiɛ amó eke. Eke ámu lófun a, ɔlehihíe iwí dáli betsiá mu obiású, bláa amó asón. ²² Ahá ámu bɔkplón blí beɛ, “Megyí nyankpɔsa détoí, mboún ɔkpi détoí o!” ²³ Inuɔ Bulu-ɔbɔpu léda Herode, anyambi bɔwi mu, olowu. Tsúfé ɔmɔpu numnyam há Bulu.

²⁴ Bulu asón lɔyɔ músó, kléi yó tsútsúútsú.

²⁵ Barnaba mɔa Saulo bɔyɔ amó agyómá tá Yerusalem, bekpa Yohane ání bɔtetráa tí mu Marko buo iwí yínkí yó Antiokia.

13

Barnaba Mɔa Saulo Sumbí Wa

¹ Bulu onósó atáíró pú ató asunápó akú betsiá Antiokia apasua ámutó. Amógyí: Barnaba, Simeon aní butetí mu Obibi, Lukio aní otsú Kirene omátó, Manaen aní beyaí mu Galilea omásó ogyípó Herodenyó tsukole pú Saulo. ² Bréá beklí onó, bude aní Wíe súm á, Jhe Wankihé lébláa amó obée, “Mlile Barnaba mu Saulo ha mi, abuyó agyómá ámú neti amó mbée bubóyo ámu.”

³ Mú su bréá beklí onó ámu bó mpái tá á, bapu ibi dínká amó nwunso, sí amó okpa.

Barnaba Mu Saulo Kipro Osólósu Yo

⁴ Jhe Wankihé lówa Barnaba mu Saulo sumbí. Bayó Seleukia wúluto yótsu ntsusu-yibi fá yó osólósu kuá ibu ntsu nsiné, butetí mú Kiproso. ⁵ Bréá bowie wúlu kuá ibu inu, butetí mú Salamis á, bayó Yudafó ofiakpa yéda Bulu asón ámu okan. Yohane ámú butétráa ti mu Marko amu é lóbuo amó yétsa amó agyómá yo.

⁶ Bedali Salami wúluto, benatí alu bowie osólósu kuá butetí mú Pafoso. Inu befia ofápó kpankpaniti okuá butetí mu Bar-Yesu. Ogyi Yudayin, otówá afunu obée Bulu onósó otáíró mugyi. ⁷ Mu nyawie gyí inu omásó ogyípó Sergio Paulo. Omásó ogyípó anfi létin ansí. Olówa beyéti Barnaba mu Saulo ba mu wóyító. Tsúfè odekléá mónu Bulu asón. ⁸ Táme ofápó Bar-Yesu anfi mu dá asi gyí, Elima Griiki oblitó anfi méha amó okpa abubla omásó ogyípó amu Bulu asón ámu. Olébo mbódi aní omásó ogyípó amu mánu Yesu iwí asón ámu, fówun omáohó mósó gyi. ⁹ Inu Jhe Wankihé lóbulá Saulo amú bude mu ti Paulo amuto, olesi alí ode ofápó amu ansító kí. ¹⁰ Mú ólebláa ofápó amu obée, “Obunsám mu bi, futekísí itó wankláán kugyíku. Fapó ahámle pú lalahegyí bwé fú agyómá. Mú su foméesi Bulu onokwali amu afunuto wa? ¹¹ Kí, Bulu obébití fú isu. Fú ansíbi bóbwie. Fumétráa wun ayi keheto owí alu yófun bré ku.”

Inunu Elima ansító loklun mu. Mú su olówa tatápu bi, ode oku dunká okita mu oyító. ¹² Bréá omásó ogyípó amu lówwun tsá ilaba a, olého aní Wíe gyi. Aní Wíe iwí asón ámú bude mu suná ámu leha onó lobwie mu.

Barnaba Mu Paulo Antiokia Aní Ibu Pisidia Omátó Yo

¹³ Paulo mu mu aba ámu botsu ntsusu-yibi tsú Pafó wúluto yó Perge aní ibu Pamfilia osólósu. Táme Yohane Marko mú léyinkí amó oma tsú inu yó Yerusalem. ¹⁴ Bókusó tsú Perge yó Antiokia aní ibu Pisidia osólósu. Okpónó odaké á, bayó inu Yudafó ofiakpa yétsiá asi. ¹⁵ Bekla ató tsú Mose Mbla pú Bulu onósó atáíró nwólótó ta á, ofiakpa amu ahande bowa abí beyébláa Paulo aná bee, “Apíó, ní mlidé asvankuá mléblí pówá ahá anfi owonlín á, okpa da.” ¹⁶ Mú Paulo lókusó lí, oléwé amó ibi obée bukásu. Mú ólebláa amó obée,

“Apíó Israelfó pú omá bámbásófóá mlitenyá Bulu ifú, mliyaa asu amlinu. ¹⁷ Israel Bulu léle aní anáin bwé mu ahá. Oleha bekléi bréá bugyi afóó Egyipte osólósu. Olépu mu túmi kpankpankpaniti kpá amó dali omá ámutó. ¹⁸ Olenya klón kpá amó nfi adwana (40) kéké dimbí ámusu. ¹⁹ Oleyintá omá asienó kéké Kanaan osólósu, oleye amó osólósu amu póbwé siadié há aní anáin. ²⁰ Nfi lafana aduenu (450), olépubwé inu fée há amó.

“Mú oma a, oleha asón agyípó bekpa amó alu bətu Bulu onósó otáíró Samuel. ²¹ Bréá bebláa Bulu bee oyáí awíe ha amó á, Bulu léyaí Kis mu bi Saulo owíe há amó. Saulo otsú Benyamin abusuaná. Olegyi iwíe nfi adwana (40). ²² Bréá Bulu lékplí mu a, oleha beyaí Dawid obíasó há amó.

Asón ánfí Bulu léblí tsú mu iwí ní. Ǫbéé, ‘Yisai mu bi Dawid gyí óhá ání mí klón dín muṣu, tsúfé óbáḅwe tógyítá nébláa mu mbéé óḅwéé.’

²³ “Dawid anfi abí-anátó Bulu labele Yesu tsú há Israelfo óbéé, óḅwéé amó Ǫlepó fé alá ólehe yáí. ²⁴ Asú Yesu lébá a, Asú Ǫḅopó Yohane légyankpá dá ókan suná Israelfo féé óbéé, budámli klontó, abuha mu óḅo amó asú. ²⁵ Bréá Yohane óbá ḅomó mu agyómá ónó á, ólefíté ahá ámu óbéé, ‘Ma mlidésusúu mliaa ngyi? Megyi mígyí óhá ámóú mlidé ókpa kí amu. Mu mó óbéba mí óma. Mmofun ání nówóí mu ntókota.’

²⁶ “Mí apió, Abraham abí-aná pó ómá bámbásófóá mlitenyá Bulu ifú, mliyaa asu amlinu. Anigyí ahá ání Bulu lópu nkpahóó asón ámu sísí. ²⁷ Yerusalem atsiápú pó amó ahande ḅumebi ání Yesu gyí Ǫlepó. ḅumonu Bulu ónósú atóipú amu asón ání ḅowanlín tswí asi. Butekla mó ókpónú ódaké kugyíku. Táme begyi Yesu asón, há mu ipón, mó mu; ileha Bulu ónósú atóipú amu asón ánfí leba mótó. ²⁸ ḅumenya Yesu iwí asón kókóá belí mósó mó mu, táme bebláa Pilato beé óhá abumó mu. ²⁹ Mó su bréá ḅḅḅwe tóá ḅowanlín tsú mu iwí féé tá á, bele mu tsú oyikpalíhe amṣu yópulá mu. ³⁰ Táme Bulu lókusóa Yesu tsú afúlitó. ³¹ Mó óma a, oletsíá le iwí suná ahá ámóú muḅa amónyó benatí tsú Galilea yó Yerusalem amu bré tsotsótsó. Ahá ánfí gyí ahá ání ḅude mu iwí adánsie gyí suná Israelfo ní.

³²⁻³³ “Aní mó anidé mli asón wankláán ámu bláa. Mógyí, Bulu labwé tó ámóú ólehe aní anáin amu há amó abí-aná. Amógyí aní á. Tsúfé alakósúa Yesu tsú afúlitó há aní, fé alá ḅowanlín wá Israelfo lu nyóótsó beé, ‘Mí Bí gyí fú.

Nde nabwé fú Sí.’

³⁴ Bulu létrá tóí tsú Yesu kusó tsú afúlitó pó mu oyolóu amóú imóópló wá óbótó ekekeke ámu iwí óbéé,

‘Nópu mí oyúla wankíhé amóú nehie mbéé, ibwé aliágyialíá nópohá Dawid amu há mli.’

³⁵ Owíe Dawid é létrá lawánlín wá Israelfo lu bámbátó óbéé, ‘Fumécha fú osúmpó wankíhé móópló wá fúli óbótó.’

³⁶ Owíe Dawid lósum Bulu mu nkpató, bwé Bulu apé tá á, olowu, bopolá mu mu anáintó, óopló. ³⁷ Táme Yesu anfi Bulu lókusóa tsu afúlitó ánfí mó móplo. ³⁸⁻³⁹ Mó su apió, mlinu asón ánfí anidé mli bláa anfi asi. Yesu anfi nkulesu mlótsun nya lakpansikíé. Mose mbla métalí há amligyi asu Bulu ansító. Táme ohagyíóha ání alahó Yesu anfi gyi obégyi asu Bulu ansító.

⁴⁰ Mó su mlíkí wankláán, méní asón ámóú Bulu ónósú atóipú beblí tswí amu mééba mliṣu. ⁴¹ Asón ámu gyí,

‘Asón ámu iwá mli
ahá ání mlitowá Bulu asón nyányáa ifú, amliwu.
Tsúfé ní nde óku óblí gyuma ání ndegyí mlitó kórará á,
mlimóohogyi.’ ”

⁴² Bréá Paulo muḅa Barnaba ḅudedali Yudafó ofiakpa inu á, ahá ámu ḅokolí amó beé ḅubá ókpónú ódaké ámóú íbá ámu, abutra ḅotóí tsu asón ámu iwí suna amó. ⁴³ Bréá ahá ámu bedali Yudafó ofiakpa inu á, Yudafó tsotsótsó pó ómá bámbátó abí ání bawíe Yudafó osúmtó bekplá buo Paulo muḅa Barnaba. Mó su sumbí ayópó ánfí ḅotóí kplá amó beé, ḅupúu ansí dinka Bulu awitalesu.

⁴⁴ Ǫkpónú ódaké amóú bebláa amó beé ḅubá amu lófun a, ilesi kpalobí teki ahá beta wúlu amoto. Amó féé beba Bulu asón onukpá Yudafó ofiakpa inu.

⁴⁵ Bréá Yudafó ḅowun óḅom amu a, Paulo aná iwí lówa amó olu. Iní su begyi Paulo asun blíhé amu nwéen, síá mu. ⁴⁶ Táme Paulo muḅa Barnaba

bɔwa klɔn bláa ahá ámu bæe, “Teki mli lehián ání abégyankpá bláa Bulu asón ánfí. Táme iníá mlílékiná mú nu, mlídé mli iwí kú mliáa, mlíméhián nkpa ání itamatá ámu su á, anilayínkí ayó omá bámbásófo wá. 47 Tsúfíe alí Bulu lówa aní ní. Ǫbée,

‘Napó fó bwé ɔkandíe há omá bámbásófo.

Ǫyító ahá fée bótsɔn fɔsu nyá nkpa ání itamatá.’ ”

48 Bréá omá bámbásófo ámu bonu asón ánfí á, ansí legyi amó, békanfó aní Wíe asón ámu. Inu ahá ání Bulu lalé ɔbée, bonyáa nkpa ání itamatá bɔhɔ asón ámu su gyi.

49 Aní Wíe asón ámu ilekléi wíe omá ámu ɔtínegyíɔtíné. 50 Táme Yudafɔ ámu pú atsiá bɔbɔ Yudafɔ osúmtó, obú bu amúsó pú wúlu ahande bɔkusó líi Paulo mɔa Barnabasɔ, gya amó lé omá ámu ɔtí. 51 Sumbí ayɔpó ámu bekpakpáa amó ayabito-isi wólí amó nwunsɔ, benatí yó Ikonion wúluto. 52 Táme Ǫye Wankíhé pú ansigyi lɔbulá Antiokia akasípó amoto.

14

Paulo Mɔa Barnaba Bulu Asón Blí Ikonion Wúluto

1 Ikonion wúluto é á, alí kén Paulo mɔa Barnaba bɔyɔ Yudafɔ ofiakpa ni. Beblí Bulu asón inu wankláán. Mú su Yudafɔ pú Griikífo tsɔtsɔtsɔ bɔhɔ Yesu gyi. 2 Táme Yudafɔ ámu bɔmohogyi amu bɔtói wá omátófo ámu asoto, há amó bɔkusó líi ahógyipu amusu. 3 Ifú mekitá Paulo mɔa Barnaba. Betsiá inu wá ɔpá blí aní Wíe Yesu asón ámu wankláán. Yesu é lélí amó ɔma, su bɔbwe ofúla pú osúna púsúná ání mu awítale asón ámu bɔdeblí ámu igyi ɔnɔkwali. 4 Mú su wúlu amoto ilɔbɔí anyɔ. Aku bobuo Yudafɔ ámu, aku é bobuo sumbí ayɔpó ámu.

5 Mú ɔma a, Yudafɔ, omátófo pú amó ahande bɔbwe agywun bæe, bówa sumbí ayɔpó ámu iwíɔsɔntɔ, dá amó abwi mó. 6 Sumbí ayɔpó ámu bonu asón ánfí. Mó su besrí yó Likaonia awúlu yilé Lистра móa Derbe pú awúluá lɔbɔ mantáa inusu. 7 Beda ason wankláán ámu ɔkan inu é.

Paulo Mɔa Barnaba Gyumagyihe Lистра Móa Derbe

8 Oyin ɔku létsiá Lистра wúluto, bɔkwí mu lɔ. Ǫmɔkókúsó líi mu ayabisu ki. 9 lɔbɔ anfi tsie ɔde Paulo ason blíhé nu. Paulo lési líi ki mu ali, olowun ání alahogyiá Bulu ɔbétalí tsá mu. 10 Mú su ɔlɔkplón kuklókóó blí ɔbée, “Kusu lu fó ayabi anyɔsu.” Inu oyin ámu lɔkusó ɔtsáwɔle pé, wá natí bi. 11 Bréá ɔdam amu bowun tóá Paulo labwé á, bɔkplón blí Likaonia ɔblítɔ bæe, “Ukpi ámu badámlí anyánpósa kplí ba aní wá.” 12 Mú su bɔpu amó ɔkpi kɔnkpɔntí dá tí Barnaba bæe, “Seus.” Bɔpu mu ɔtsiámu dá tí Paulo bæe, “Hermes,” tsúfíe Paulo líi amó ɔnɔ, ɔdetɔi ní. 13 Ǫkpi Seus ɔtswékpa bu wúlu ɔnɔ. Seus igyi ɔhapó lóyópu nnantswie pú oyí ntswítswí ba wúlu ɔnɔ inu. Tsúfíe mɔa ɔdam amu bɔdekléá bótswe sumbí ayɔpó ámu.

14 Bréá Barnaba mɔa Paulo bonu tóá bebá bɔbwe á, bekitá amó atadiɔ balí. lɔosuná ání bɔmotsulá dínká itó ámu bɔbwe ámu su. Besrí wíe ɔdam amoto blí bæe, 15 “Ntogyi mlídé iní bwe? Aní é anyánpósa anigyi fé mli. Bulu ason wankláán abá bebláa mli, amlisi atɔkpan ánfí ɔmagyáa bobuo aní Wíe Bulu Ǫkiankpa. Mólɔbwe ɔsú móa asi, ɔpu pú mótó ató fée. 16 Bímí ámu a, olesi ɔkpa há ɔmágyíomá ání bɔbwe tóá bɔdeklé. 17 Táme mó ó á, Bulu mókósi ató wankláán tsɔtsɔtsɔ bwe, púsúná ání mu bu inu. Mutéhá nyankpu totswie, mli ndɔtɔ ató tɔwá alé. Mutéhá mli atogyihe, ɔtéhá ansí tegyi mli.” 18 Paulo aná ason blíhé anfi fée ɔma a, lɔwa ɔnlun asa betalí ká ɔdam amu tin bæe, bɔmátin mbwí wólí amó ayabiasí tswé amó.

¹⁹ Mú ɔma a, Yudafɔ akw botsu Antiokia ání ɔbu Pisidia ɔmátɔ pú Ikonion wúlutɔ ba beblí asón pútse ɔdɔm amu agywuɔn, bɔkɔsú líí Paulosu. Bɛda Paulo abwi, bitía mu dáli wúlu amutɔ. Buki beɛ alawú, su besi mu tswi. ²⁰ Táme bréá akasípó amu beba bobomlí Paulo a, ɔbɔkɔsú yínkí yó wúlu amutɔ. Mú ɔyi kehe a, muɔ Barnaba benatí yó Derbe wúlutɔ.

Antiokia Aní ɔbu Siria ɔmátɔ Yínkí Bá

²¹ Paulo muɔ Barnaba bɛda asɔn wankláán ámu ɔkan Derbe. Ahá tsɔtsɔtsɔ bɛdamlí klɔntɔ mlí Yesu akasípó. Móbú belayínkí yó Listra, tsɔn yɔ Ikonion alí bebedalí Antiokia ání ɔbu Pisidia ɔmátɔ. ²² Inu Paulo muɔ Barnaba bɔwa akasípó amu atetɔ-ɔnlɔn beɛ, bukíta hógyi amutɔ. Bebláa amó beɛ, “Ilehián ání abótswɔn ipian tsɔtsɔtsɔtɔ asa abówie Bulu iwíegyi ámutɔ.” ²³ Bɔtɔ ɔpasua kugyíku á, buteklí ɔnɔ bɔ mpái, yáí ahande há amó, pú amó wá aní Wíe amóú amó ansí dɔn muɔv ámu ɔbuɔ.

²⁴ Beki Pisidia ɔmátɔ ɔpasua ámuɔv tá á, beba Pamfilia ɔmátɔ. ²⁵ Bɛda Bulu asɔn wankláán ámu ɔkan Perge wúlutɔ. Bɔkɔsú tsú inu yó Atalia wúlutɔ. ²⁶ Paulo muɔ Barnaba belatsiá ntsusu-yibitɔ tsú inu bowie Antiokia. Inu gyí ɔtínéá ahógyiɔv amu begyankpá klí ɔnɔ bɔ mpái, ání Bulu ɔwáa awítɔle ha amó, méní bógyɔ agyómá ánfí bamó mú ɔnɔ ánfí ní.

²⁷ Bréá bowie Antiokia a, beɔ ɔpasua ámu fée fia. Bebláa amó alí Bulu lapó amó gyí gyoma, pú alí Bulu lahá ahá ání bumegyi Yudafɔ é bahɔ mu gyí. ²⁸ Betsiá akasípó amu wá nke tsɔtsɔtsɔ.

15

Sumbí Ayɔpó Pú ɔpasua Amu Ifla Yerusalem

¹ Bréá Paulo muɔ Barnaba buɔv Antiokia a, ayin akw botsu Yudea ɔmátɔ ba inu. Bosuná ahógyiɔv amóú bumegyi Yudafɔ ámu ató beɛ, ní bumɔkótín keté Mose mbla ɔnɔ á, Bulu mɔɔhɔ amó nkpa. ² Paulo muɔ Barnaba bɔkɔsú líí asón ánfisv. Mú sv amóa ató asunápó amu begyi mú nwéen kínkíínkín. Inu sv beblí beɛ, bɔwa Paulo muɔ Barnaba pú Antiokia ahógyiɔv amu akw Yerusalem, abuyowun Yesu sumbí ayɔpó pú inu ɔpasua ahande amu tsú asón ánfí iwí.

³ ɔpasua ámu besi ahá ámu ɔkpa benatí. Bréá bógy á, buɔna Foenike pú Samaria ɔmátɔ. Bebláa inuɔ ámu beɛ, ahá ání bumegyi Yudafɔ é badámli klɔntɔ ba Bulu wá. Asón ánfí lehiɛ wá ahógyiɔv amu fée ansigyí. ⁴ Bréá bowie Yerusalem a, ɔpasua ámu, amó ahande pú sumbí ayɔpó ámu bɔhɔ amó atúu. Paulo aná bebláa amó tɔá Bulu labwé tsɔn amósú fée. ⁵ Táme ahógyiɔv amu akwá botsú Farisifɔtɔ bɔkɔsú líí blí beɛ, “Ilehián ání ɔmá bambásúfɔ ámu bétin keté, gyi Mose mbla ésú.”

⁶ Sumbí ayɔpó ámu pú ɔpasua ahande amu befia yɔ asón ánfítɔ. ⁷ Bɛbití asón ánfí wá ɔpá. Mú ɔma a, Petro lókɔsú líí, bláa amó ɔbée, “Mí apíó, mlyin ání tsú bré kutɔ á, Bulu léle mí tsú mlítɔ ɔbée, mbláa ahá ání bumegyi Yudafɔ mu asɔn wankláán ámu, méní amó é bónu, hɔ mósú gyí. ⁸ Bulu yín nyankpɔsa klɔntɔ. ɔlɔpɔ ɔhe Wankíhé amu há amó, fé aliá ɔlɔpɔhá aní púsúná ání alahɔ amó. ⁹ Olosuná ání bumegyi ɔtsan há aní, tsúfé ɔleha amó klɔntɔ letin bréá amó é bohogyí. ¹⁰ Ntogyí sv mlídé Bulu sɔɔ kí? Ntogyí sɔ mlídéɔv Mose mbla ánfí ania aní anáin anímétalí gyi mósú ánfí han akasípó ánfí? ¹¹ Ekekeke! Anilahogyí ání Bulu ɔbótswɔn aní Wíe Yesu awítɔlesv hɔ aní nkpa fɛ amó.”

¹² Bréá Petro lótáí tá á, afiapɔ amu fée bɔbwe díín. Móbú Paulo muɔ Barnaba bebláa amó alí Bulu lótsɔn amósú bwé ofúla pú osúna tsɔtsɔtsɔ

ahá ámúú bomegyí Yudafo ámúto. ¹³ Bréá Paulo mva Barnaba bətoí tá á, Yakobo lóyə mósú əbéé, “Apíó, mliyaa asu amlinu. ¹⁴ Simon Petro labláa aní əbéé, Bulu légyankpá lé súná aní otekle ahá ámúú bomegyí Yudafo ámu asón. Mú su əléle amótó aku bwé mu ahá. ¹⁵ Asón ánfí pú Bulu ənsó atəipú amu ason blíhé labwé kole. Tsúfé bəwanlín wá Bulu asón ámúto bəe,

¹⁶ ‘Bulu əbéé. Iní əma a, nélatsú Dawid iwíegyí

amúú iladida ámu kósó.

Nélayí mú abuntíí féé,

há mú bélí wankláán,

¹⁷ méní aha tráhe amu pú amúá bomegyí Yudafo,

mí dá dín amósú féé bódunká míá ngyi amú Wíe, wun mli.

¹⁸ Alí mí, mli Wíe Buluá

nəle iní súná tsú bímbí ndəblí ní.’

¹⁹ “Iní su tsá mí Yakobo ndəblí gyí, mli máha apu asuansu kíkli ahá ánfí bomegyí Yudafo, badámlí klontə ba Bulu wá ánfí. ²⁰ Mboún mliha awanlín əwoló bláa amú aníaa, bəmágyi atogyihéa bəpóhá ikpi, tsúfé mú iwí metin. Bəmáwa atsí móa ayin asón. Bəmágyi əbwíá bəpusáa mu mó pú obugya. ²¹ Tsúfé bímbí əpá á, bətədá Mose mbla ámu əkan wúlugyiwúluto, bətékla mú Yudafo ofiakpa kugyiku əkpónú ədaké é.”

Əwoló Pwsísí Ahógyipúá Bomegyí Yudafo

²² Mú su sumbí ayəpú ámu, əpasua ahande amu pú əpasua ámu bəbwe agywun bəe, bele ayin aku tsú amótó abəbuo Paulo mva Barnaba yə Antiokia. Bele Yuda aní bətetí mu Barsaba mva Silas. Amú féé bəgyi akpəpú há ahógyipú amu. ²³ Əwoló aní bəpəhá amú bəpəyátə asón gyí:

“Ahógyipúá mli mégyí Yudafo, mli bu Antiokia, Siríia pú Kilíkia əmátó. Mli apíó sumbí ayəpú pú əpasua ahande dé əwoló ánfí wanlín sísí mli.

“Anidé mli itsíi há.

²⁴ “Anlónu aní aní apíó aku bətsu anitə ba mli wá inu, bəpu asuanku kíkli mli, púyíntá mli agywun. Anumókówá amú. ²⁵ Iní su anilafia, tsúlá aní abéle aha aku abukpa aní apíó adwəpú Barnaba mva Paulo ba mli wá. ²⁶ Ahá ánfí lási amú nkpa há aní Wíe Yesu Kristo agyómá ámu su ní.

²⁷ Mú su anidé Yuda mva Silas wa aníaa, bəpú əns bəbláa mli asón amúú anilawánlín wá əwoló ámúto ámu kén. ²⁸ Əhe Wankíhé lalé súná aní, aní é anilahə mú aní ima aléá abəpu atə dwindwín kəku sórá mli, dən mbla ánfí mú iwí dehián anfi. ²⁹ Mbla ámu gyí, ‘Mli mágyi atogyihéa bəpóhá ikpi. Mli mágyi əbwíá bəpusáa mu mó pú obugya. Mli máwa atsí móa ayin asón.’

“Ní mli dé mbla ánfisə gyi a, ibówa alé há mli. Anilafən nfi.”

³⁰ Bəwanlín əwoló ánfí há amú tá á, besi amúá sumbí ayəpú ámu əkpa bəpəya Antiokia. Boyówie inu tí ahógyipú amu féé fia, pú əwoló ámu wá amú ibitə. ³¹ Bekla əwoló ámu a, ansí lehie gyi amú, tsúfé mótó asón leha klən lédi amú así. ³² Yuda mva Silas, bəgyi Bulu ənsó atəipú amu bətoí kplá amú wankláán pówá amú əwonlín, wá amú atətə-ənlín. ³³⁻³⁴ Betsíá amú wá nke kpalóbí, əpasua ámu lési amú əkpa iwílwíitə, beyinkí yó ahá amúú bəwa amú sumbí ámu wá.*

³⁵ Paulo mva Barnaba é betsiá Antiokia inu yəfun bré ku. Amúá inu ahógyipú amu aku betsiá súná ató, tsíá dá aní Wíe ason wankláán ámu əkan.

Paulo Mva Barnaba Abasəmain

* **15:33-34** 15:34 Mótó yéé 34 bu nwołó dada amu akotə: Táme Silas mú ləbwe agywun aní obésin Antiokia inu.

³⁶ Bré kv oma a, Paulo lébláa Barnaba abéé, “Ha ayinki yó awúluá aniladá aní Wíe ason wankláán ámu okan féesú, ayeki alíá butsie.”
³⁷ Barnaba lékléá békpa Yohane aní butetí mu Marko buo iwí. ³⁸ Táme Paulo léblí abéé, ima aláá Marko obóbuo amú, tsúfé ometrá buo amú abuyó Bulu agyómá ámu. Oleyinkí amú oma tsú Pamflia wúluto ópá. ³⁹ Paulo mva Barnaba beprí asón ánfí kínkíínkín, íleha bemaín abasu. Barnaba lékpa Marko buo iwí, botsu ntsusu-yibi yó Kipro omátó. ⁴⁰ Paulo é lékpa Silas buo iwí, Antiokia ahógyipu amu bəpu amú wá Bulu íbitə, bəpu okpa. ⁴¹ Paulo lóyotsun Siria móa Kilikia omátó; oləwa opasua amúó íbubu inu ámu owonlín.

16

Timoteo Léyétsiá Paulo Mva Silastə

¹ Paulo mva Silas benatí yó Derbe pú Lистра. Ohógyipu okwá butetí mu Timoteo bu Lистра wúluto inu. Mu yin gyí Yudayin aní oləhə Yesu gyi, támé mu si gyí Griikiyin. ² Apíó aní bubu Lистра pú Ikonion betí Timoteo idayilé. ³ Paulo lékléá abékpa Timoteo náti. Mú su oləha betun Timoteo keté, tsúfé Yudafə amúó bubu inu ámu fée buyin aní Griikiyin Timoteo mu si gyí. ⁴ Bréá bəyó á, bowíé wúlugyíwúlusu butosúná inu ahógyipu mbla odwá Yesu sumbí ayəpú ámu pú opasua ahande amúó bubu Yerusalem amu bawá bəe bəgyíi mósú. ⁵ Iní su opasua ámu benya owonlín hógyitə, kléi ekekegyíeke.

Paulo Makedonia Omátó Yə

⁶ Paulo mva mu aba ámu bətsun Frigia pú Galatia omású. Tsúfé Ŋe Wankíhé méha amú okpa abéé, budáa Bulu asón ámu okan Asia omátó. ⁷ Bréá bowie Misia osólú oká á, bəbwe agywun bəe bəyinkí tsun yə Bitinia omátó, támé Yesu Ŋe méha amú okpa. ⁸ Mú su bətsun Misia osólúso kplí yó Troa wúluto. ⁹ Mú onyé á, Paulo lówun ató. Olowun aní Makedoniayin okw lí mu ansítə, əde mu kokóli abéé, “Fa əpu amu ba Makedonia, afəbegyi aní buale.” ¹⁰ Paulo lénya wun ató ámu alí, ílowankí mu aní Bulu dé aní wa abéé, ayó yeda ason wankláán ámu okan inu. Mú su aniləpu okpa yó Makedonia.

Lidia Kləntədamlí Filipi Wúluto

¹¹ Aniləwie ntsusu-yibitə tsú Troa, fá əpu yó Samotrake osólúso. Mú əyi kehe a, aniləlatsiá yó Neapoli wúluto. ¹² Aniləpu ayabitə tsú Neapoli yó Filipi wúluto. Filipi gyí Makedonia wúlu yilé ní. Romafə bəw wúlu anfitə. Anilətsiá inu nke kpalobí. ¹³ Ōkpúnú ədaké á, anilədali wúluto yó əpu onó ətnekwá anki aníaa, abówun ətínéá Yudafə butefia bə mpá. Anilətsiá inu bláa atsi akwá bebefia inu Bulu asón. ¹⁴ Atsiá bonu asón ámutə okole gyí Lidia. Tiatirayin ogyi, ətəfé tatiá mú ntsu lepe, íbu bíá. Bulu osúmpó ogyi. Aní Wíe léha mu olonu Paulo ason blíhé amutə. ¹⁵ Mú su bréá aniləbə mva mu woyítə ahá asú á, olobwí ipa há aní, blí abéé, “Ní mlíahogyi aní nahə Yesu gyi a, mlíbetsiá mí woyítə.” Ōtsi ánfí bu anísu alí aniləbuo mu yó mu woyítə.

Paulo Mva Silas Obudí Filipi

¹⁶ Eke okw ayó Yudafə mpá abəkpá inu á, anilətu otsibi okwá ogyi əkpábi inu. Atóla əhé bu mvsu, ətelá ató, blí asón aní íbéba. Ōtəbwe kóba tsətsətsə há mu awíe tsú mótə. ¹⁷ Otsibi ipfi lékplá buo aní Paulonyə. Ŋna ədekplón blí abéé, “Ahá ánfí gyí Ōsósúsú Bulu ámu asúmpó ní. Amódé mlí nkpahó

okpa suná ní.”¹⁸ Ɔlɔbwe mú nke tsɔtsɔtsɔ. Iní lehan Paulo. Mú su ɔledamlí bláa ɔtsibi amu ɔbé, “Atóla ɔhé, nde mbla wa há fú Yesu Kristo dátó, dali m̀to!” Inu ɔhé ámu lédali m̀to.

¹⁹ Ɔkpábi amu awíe bowun ání amó kóba okpa latin. Mú su bekítá Paulo m̀ba Silas, bítía amó ya wúlu ahande ansító. ²⁰ Bɔpu amó ya Romafɔ asón agyípó be, “Yudafɔ ahá ánfɔ bɔgyi, buɔde asón klée wa aní wúlu anfito. ²¹ Buɔde amándíé laláhe ání aní mbla meha mú iwí okpa suná. Romafɔ aní mú anígyí. Anuméetalí hɔ amó amándíé ámu gyi m̀sú.” ²² Inu ɔɔm amu botu bun Paulo m̀ba Silas.

Asón agyípó amu beha beɔ buwóí amó atadiɛ, abɔnwen amó mpli. ²³ Bepítí Paulo m̀ba Silas ató wankláán tá á, beha bɔpu amó tswi obu. Bebláa obu adípúsú ɔkípu beɔ, ogyóo amó wankláán. ²⁴ Asón ámú bebláa obu adípúsú ɔkípu amu su ɔlɔpu amó yétswi obutótó, wá amó ayabi kplakitsi.

Obu Adípúsú Ɔkípu Yesu Hógyi

²⁵ Mú ɔyi-nsiné á, Paulo m̀ba Silas buɔde mpáí bɔ, buɔde ilu wa kánfó Bulu. Obu adípó atráhe amu é buɔda buɔdenu. ²⁶ Ɔtsáwɔle pé á, ɔsulú ɔlékpunkí ɔwɔnlínsú, ɔlékpunkí obu ámu ntswiasí. Mú aklɔn féé lefinkí. Obu adípó ámu ikan pú amó kplakitsi amu féé lɔwáí. ²⁷ Obu adípúsú ɔkípu amu létsinkí, wun ání aklɔn amu féé lafinkí. Inu ɔlele ɔdayí iya anyɔ ɔbé amuwɔ iwí, tsúfé ɔkí ɔbé obu adípó ámu féé badáí srí. ²⁸ Táme Paulo lókplɔn kóklókóú bláa mu ɔbé, “Mábwe iwí tɔtɔ. Aní féé anɔbu inu.”

²⁹ Obu adípúsú ɔkípu amu léha botsu ɔkandíe ba mu, ɔlɔwa ɔsa wíe obu ám̀to. Ifú de mu, su ɔdekpunkí kpakpakpakpa. Ɔleyéda akpawunu Paulo m̀ba Silas ayabitɔ. ³⁰ Inu ɔlekpa amó dáli yéfité amó ɔbé, “Mí awíé, ntɔ mbwéé asa Bulu ɔhɔ mi nkpa?”

³¹ Mú Paulo m̀ba Silas bebláa mu beɔ, “Hɔ Yesu gyi, ménɔ Bulu ɔbóhɔ fúa fú wóyító ahá féé nkpa.” ³² Mú bebláa m̀ba mu wóyító ahá féé aní Wíe Yesu asɔn wankláán ámu. ³³ Onyé-onyé ámu a, oyin ámu léyiá amó iwí nɔ ámú benya bré ámú bepítí amó ató ámu. Ɔleha amó bɔbɔ m̀ba mu wóyító ahá ámu asú inu. ³⁴ Obu adípúsú ɔkípu anfi lópu amó ya mu wóyító, ɔleyéha beniná ató há amó begyi. Iná m̀ba mu wóyító ahá féé bahɔ Bulu gyi su á, ansí lehie gyi amó.

³⁵ Mú ɔyi kehe a, asón agyípó amu bɔwa ahá akítápó aku beɔ buyébláa obu adípúsú ɔkípu amu beɔ, ɔsíí ahá ámu abɔnati.

³⁶ Mú su oyin ámu lébláa Paulo ɔbé, “Asón agyípó amu bapó ɔme sísí mí beɔ, nsíí fúa Silas amlnati. Mú su mlnati iwílwíítɔ.”

³⁷ Táme Paulo lébláa ahá akítápó amu aku ɔbé, “Bumegyí aní asón, táme banwén aní ató ɔbɔntɔ. Romafɔ anígyí, táme bawá aní obu. Ntogyi su buɔdekléá bési aní nǎntɔ? Ekekeke! Asón agyípó amu onutó bubá beɔ aní.”

³⁸ Ahá akítápó amu beyinkí yó yébláa asón agyípó amu. Bréá bonu ání Romafɔ Paulo m̀ba Silas bɔgyi á, ifú lehie kítá amó. ³⁹ Mú su boyóbwíí ipa há Paulo aná, bekpa amó dali yókokóli amó beɔ buɔdálí wúlu am̀to. ⁴⁰ Inu Paulo m̀ba Silas benatí yó Lidia wóyító. Befia apíó ahógyipu amu inu, tóí kplá amó, wá amó ɔwɔnlín asa benatí.

17

Paulo Tesalonika Yɔ

¹ Bréá Paulo m̀ba Silas benatí tsú inu bɔyó á, buna Amfipoli pú Apolonia awúlusɔ beba Tesalonika. Yudafɔ ofiakpa ku bu inu. ² Fé alíá Paulo tɔbwé

brégyíbré á, òlòyò ofiakpa unv òkpónó òdaké, mva amónyò bòyò Bulu ason wanlínhé amòtò. Òlòbwe mó alí tse sa són. ³ Òlèlè Bulu asón amòtò súná amó, dínká íbwi mósú òbée, “Ilehíán ání Kristo, (àhá amóú Bulu ladá mvo ofúli amv), obówun iwíwásin wú, lákósú tsú afúlitò.” Òlòyò mvo asón amòsv òbée, “Yesu anfi nde mvo iwí asón blí anfi gyí Kristo amv ní.” ⁴ Paulo asón anfi lówankí Yudafò amòtò akv. Mó sv bobuo mva Silas. Alí kén Griikifò Bulu asúmpò pò atsiá obú bv amósú tsòtsòtsò é bobuo amó ní.

⁵ Iní léha Paulo mva Silas iwí lówa Yudafò ámv olu. Mó sv bekpa aha laláhe akv buo iwí tsú brónsv, bəpυ ahá tsòtsòtsò yéhan agywun wúlu amòtò. Betsií yó oyin òkóá bəteti mvo Yason wóyítò, bode Paulo mva Silas dúnká abubítia amó ba òdəm amv ansítò. ⁶ Táme bəmowun Paulo mva Silas. Mó sv bebítia Yason mva ahógyipv amv akv ya wúlu ahande ansítò, bode okitikítí bée, “Ahá anfi ná bode agywun háan óyítò fée ní. Bawíe nfi, ⁷ Yason lahò amó yáí mvo wóyítò. Amó fée bodekúsv líí Roma Owíe Dehen mblasv. Tsúfè bode ahá bláa bée, owíe bambá òkv bv unv, mvo dá gyí Yesu.” ⁸ Bréá wúlu ahande pò òdəm amv bonu asón anfi á, ilehie han amó. ⁹ Táme bebítí Yason mva mvo aba ámv isv, beka íkò, ká ntam bée bəmétrá han agywun, besi amó benatí.

Paulo Mva Silas Beroia Yò

¹⁰ Besi owí leta, ahógyipv amv beha Paulo mva Silas benatí yó Beroia wúlutò. Benya wíe unv alí, bəyò Yudafò ofiakpa. ¹¹ Yudafòá bəbv wúlu anfitò botsulá hò asón ámv dən amóá bəbv Tesalonika. Bəpυ ansigyí hò Bulu asón ámv, tsíá yó Bulu ason wanlínhé amòtò ekekegyíeke kí bée, ònəkwalí Paulo dé amó bláa. ¹² Yudafò tsòtsòtsò pò Griikifò atsi mva ayin ání obú bv amósú é bəhò asón ámvsv gyi. ¹³ Yudafò amóú bəbv Tesalonika amv bonu ání Paulo layò òde Bulu asón ámv òkan da Beroia. Iní sv begya òkpa yó unv bode unfv ámv agywun yintá. ¹⁴ Òsasv, ahógyipv amv bele Paulo lé wúlu amòtò ya əpυ ònò, táme Silas mva Timoteo mó besi bəbv unv. ¹⁵ Ahá amóú beyési Paulo òkpa ámv bekpa mvo alí yówie Atene wúlutò. Bréá bodeyinkí á, Paulo ləpυ əme sísí Silas mva Timoteo òbée, bəwáa əsa bətv mvo.

Paulo Atene Yò

¹⁶ Bréá Paulo lési otsie ogyo Silas mva Timoteo Atene wúlutò á, unv tsiá lehie han mvo. Tsúfè olowun ání íkpi són bv wúlu amòtò. ¹⁷ Mó sv ní óyò Yudafò ofiakpa unv á, mva Yudafò pò Griikifò amóú bode Bulu súm ámv bətetsiá lé asóntò há aba. Alí kén mva dınsv atsiápò é betsiá tóí tsú mó iwí ní. ¹⁸ Mva atiansipv akvá botsu Epikuro pò Stoak əpasuatò* ba unv é betsiá bití asón anfi. Amótò akv befíté bée, “Ntò òkan ònótò òkapó anfi dèda?”

Aha akv bele mó ònò bée, “Ídebwe fé íkpi akv iwí òdetáí tsú.” Tsúfè Paulo dé Yesu mva afúlikósú iwí asón òkan da. ¹⁹ Múv bekítá Paulo, kpá mvo ya Areopago, igyí amó wúlu ahande ofiakpa. Ahande amv bebláa Paulo bée, “Anidékłé aniaa, futóí tsu fò atosunáhe pəpwe amv iwí suna aní. ²⁰ Anumókónú asón anfi kí. Mó sv anidékłé aniaa, fuléé mótò suna aní.” ²¹ Tsúfè Atenefò pò afóóá bəbv unv fée bətamabwé tətò dən asón ání ilaba nu pò mó blí.

²² Inu Paulo lókúsv líí afiapv amv ansítò òbée, “Atenefò, nawun ání mlitehié tswé íkpi. ²³ Tsúfè ínía ndeki wúlu anfitò fée á, nawun ntobí oduá mlitətswe. Nawun afədie-asubwi kvá bəwanlín dínká mósú bée, ‘BULUA

* **17:18** Epikuro əpasuatòfo bəgyi aha akvá bəteblí bée, ilehián ání ansí bəgyi aní. Fowú á, ílatá. Stoak əpasuatòfo é bée, mehián ání ansí bəgyi aní dúbídubi, awirehò é mákítá aní dubi.

ANIMÉYÍN Mv.’ Mú sv Bulu á múú mli d́sum, mli méyín m v dá ámu iwí okan ndeda súná mli á. ²⁴ Bulu lóbwε ayí pú mótó ató f́éé. Mugyí osó móa así Owíe. Otamatsiá otswékpa ání anyánkpsa ibi léyi mótó. ²⁵ Otamadúnká tótó tsú ohaa wá, méni bwε fé t́ku tehían mv. Tsúfé mutéhá ahá f́éé nkpa, oné pú tógyit́á itehían amó. ²⁶ Móléha sv ahá f́éé beln tsu obakóle ṕétó, oléha bekléi wá ayító f́éé. Móléha omá kugyíku otínéá butsie pú bréá b́etsiá yófun. ²⁷ Olóbwε m v ali, méni nyankpusa obódunká mv wun mv. Táme tekí oma ifó anit́o okokv wá. ²⁸ Tsúfé okv lébli ob́éε, ‘Bulu sv anitsie nkpa. Mv só anitekán iwí, anigyí ahá anigyí.’ Fé ahá mli ibv awapó akv bebli b́éε, ‘Bulu ahá aní é anigyí.’

²⁹ “Iníá Bulu ahá anigyí sv á, anumákí aníaa, Bulu gyí fé tunkuá nyankpusa lapó sika pepε, sika futútú nt́éε ibwí pwé mú ahá odeklé. ³⁰ Bímí ámv a, ahá b́umebi ahá Bulu gyí. Bulu lóbnun ansíbi mósó, támε séi mú á, alabláa anyánkpsa f́éé ob́éε, budámli klnt́o. ³¹ Bulu lalé eke yáí ání obótson ohá á múú alalé yáí ámv sv gyí ayító ohagyí oha asón onokwalisu. Odeklé ob́éε ahá bobú ání onokwali igyi. Mú só obokúsóa ohá ámv tsú afúlitó ní.”

³² Iníá Paulo lótoí tsú afúlikúsú iwí sv á, akv b́omási mv. Táme amótó akv bebli b́éε, “Anidéklé aníaa, futráa ba afubébláa aní asón ánfí kv é.” ³³ Inu Paulo lókusó dáli ofiakpa inu. ³⁴ Táme ahá kpalobí kv b́ohó Paulo asón ámv sv gyí, bobuo mv. Amótó okole dá gyí Dionisio, oletsíá wúlu ahande amoto. Mva ot́si okv́á butetí mv Damari pú aha kv é.

18

Paulo Korinto Yó

¹ Iní oma a, Paulo lókusó tsú Atene yó Korinto wúluto. ² Olóyótó Yudayin okv́á butetí mv Akwila, b́okwí mv Italia omanti kv́á butetí mú Pontotó. Akwila mva mv ka Priskila beba Korinto inu ḿokówá opá. Tsúfé ali bré ámv to á, Roma Owíe Klaudio lagya Yudafó f́éé lé Roma wúluto. Paulo lóyo amó wá. ³ Tati-obubí abwepó amó é b́ugyi. Mú sv Paulo létsiá amó wá, mva mnyo b́etsiá bwé tati-obubí ámv fé. ⁴ Okpónó odaké kugyíku á, Paulo t́oyó Yudafó ofiakpa yéle Bulu asón ámv to wankĺáán súná Yudafó pú Griikífo ámv, méni b́ohó Yesu gyi.

⁵ Bréá Silas mva Timoteo botsu Makedonia b́otv Paulo a, olesi agyómá ámv yo, pú Bulu asón ámv okanda kóun bwé mv gyumagyihe. Oletsíá gyi adánsie súná Yudafó ámv ob́éε, Yesu gyí Kristo, (ohá á múú Bulu ladá mv ofúli amó) ní. ⁶ Táme b́umohó mv asón ámv. Bokúsú líi musv, síá mv. Mú sv Paulo lófwí ibi lé amó asóntó, bláa amó ob́éε, “Tsú ndε ṕoya a, nalé ibi mli asóntó. Ní lowu mli déklé a, ibá mli sv. Néyébláa ahá ání b́umegyí Yudafó mboun Bulu asón.” ⁷ Iní sv Paulo lédalí Yudafó ofiakpa inu yétsiá oyin okv́á butetí mv Tito Yustus wóyító. Megyí Yudayin oyin ámv gyí, támε ogyi Bulu osúmpó. Mv wóyí ibv mantáa Yudafó ofiakpa inu. ⁸ Táme Krispu ání ogyi Yudafó ofiakpa inu ohande mva mv wóyító f́éé mú b́ohó aní Wíe Yesu gyi. Korintofó ámv tsotsótsó é bohogyi, b́óbó amó asú.

⁹ Eke okv onyé á, Paulo lówun ató. Mótó á, aní Wíe lébláa mv ob́éε, “Mánya ifú. Yó mósó afóda asón ámv okan wole. Mákpa onó bun. ¹⁰ Tsúfé míá f́onyó ná. Ohaa méetalí bwé fú tótó. Mí ahá butso wúlu anfitó.” ¹¹ Mú sv Paulo létsiá Korinto inu súná ahá ámv Bulu asón ofi okole móa ifon.

¹² Bréá Galio létsiá Roma owíe otsiákpá, ode Griikífo oasaasi omanti kv́á butetí mú Akaiasv kí a, Yudafó ámv b́obwε onokole, kítá Paulo, pú mv ya

mu ansító. ¹³ BEE, “Oyin ánfí dé ahá asokpan suná òbée busúm Bulu tson òkpa ání ìlòkòsú líí aní mbłasùsù.”

¹⁴ Paulo lénya bwíí ònó òbée amòtò alí Galio lébláa Yudafò ámu òbée, “Ní tsítsa ntée lakpan ku oyin ánfí labwé á, tekú ìbù aláá néyaa asù nù mlí asón. ¹⁵ Táme ìníá adá pò mlí onutó mbla ìwí asón ìwí nwéén mlídégyí sù á, mlíyò amlíyèblí mú. Mméegyí asón ánfí odu.” ¹⁶ Múú òleha begya amú lé asón ogyíkpa ìnù á. ¹⁷ Ahá ámu féeé bowunáa kítá Sostene ání ogyí Yudafò ofiakpa ìnù òhande, dá mu ìnù. Táme Galio mótsu kòkò lé móótá.

Paulo Yinkí Yò Antiokia

¹⁸ Paulo létsiá ahógyipù amù wá Korinto yófon bré ku. Múú òlekklá amó, mwa Priskila pú Akwila bènati yó Kenkrea wúlutò. Paulo lékpa mu nwun Kenkrea ìnù, púsúná ání alamó ntam kúá òleka ònó. Múú bòtsu ntsusù-yibi pú bòyó Siria òmátó á. ¹⁹ Bréá bowie Efeso wúlutò á, Paulo lénati sí Priskila mwa Akwila, yó Yudafò ofiakpa, mwa Yudafò ámu bode asóntó le há aba. ²⁰ Bokokóli mu bee, òtráa tsia amú wá kpalobí, omotsulá. ²¹ Táme bréá òdedalí ogyí á, òlebláa amú òbée, “Ní Bulu lótsulá á, néyinkí ba mlí wá.” Ìnù olowie ntsusù-yibitò tsú Efeso ìnù náti.

²² Bréá òlekplí Kaesarea a, òlòdù yó Yerusalem yéha òpasua ámu tsiá. Múú oleyinkí kplí yó Antiokia a. ²³ Oletsíá Antiokia ìnù kpalobí. Mú òma a, òlenati ìnù beki Galatia pú Frigia òsulòsù, òde akasípù amù Bulu asón bláa, pówá amú òwunlín.

Apolo Bulu Asón Òkanda Efeso Mwa Korinto

²⁴ Alí bré ámu òtò á, Yudayin òkúá butetí mu Apolo laba òbù Efeso wúlutò. Bòkwí mu Aleksandria, wúlu ání ìbù Egiyipte òmátó. Oyin tóí, oyin Bulu ason wanlínhé amù é wankláán. ²⁵ Bosuná mu aní Wíe òkpa ámu. Mú sù Yesu ìwí ònòkwá amù blí tēhié wá mu ansigyí. Táme Asú Òbòpú Yohane asúbò ámu pé oyin. ²⁶ Apolo ménya ifú. Òlòwa klòn súná ató Yudafò ofiakpa ìnù wankláán. Bréá Priskila mwa Akwila bonu mu ason blíhé a, bekpa mu yáa wóyító yósuná mu Bulu òkpa ámu wankláán òn alíá oyin yaí. ²⁷ Bréá Apolo lóbwe agywun òbée, òbòyò Akaiá òsulòsù á, ahógyipù amù bowa mu ateto-ònlun. Bòwanlín òwulú sísí ìnù ahógyipù bee, bohò mu wankláán. Bréá oloyówie ìnù á, òlehié bóa ahá ání ìna Bulu awitòlesu bahò Yesu gyi. ²⁸ Apolo mwa Yudafò ámu begyi Bulu ason wanlínhé amù ìwí nwéén, òlòtòí lé asóntó túmisù pógyi amúsó. Òlòpù Bulu ason wanlínhé amù súná amú ání Yesu gyí Kristo, (òhá ámuó Bulu ladá mu ofúli amù).

19

Paulo Bulu Asón Òkanda Efeso

¹ Bréá Apolo bù Korinto a, Paulo lódu yótsun òsósó awúlusu bedalí tíí Efeso. Òlòtò akasípù aku ìnù. ² Múú òlefíté amú òbée, “Mlílénya Òje Wankíhé bréá mlílòhogyi?”

Bele mú ònó bee, “Animókónú kí ání Òje Wankíhé ku bù ìnù.”

³ Paulo létrá fité amú òbée, “Asú mòmò bòbò mlí?”

Bele mú ònó bee, “Yohane asú ámu bòbò aní.”

⁴ Paulo lébláa amú òbée, “Yohane lóbò ahá ání badámlí klòntò asú. Òlebláa amú òbée bohò òhá ámuó obuo mu òbá ámusù gyi. Múgyí Yesu.”

⁵ Bréá ahá ámu bonu asón ánfí á, beha bòbò amú asú aní Wíe Yesu dátó.

⁶ Mú òma a, Paulo lópu ìbù ònká amú nwunò, Òje Wankíhé leba amúsó. Beblí òblí bábá, blí Bulu ònó asón é. ⁷ Amú féeé bóbwe ayin dúanyò.

⁸ Paulo lélatsiá yó Yudafó ofiakpa inu. Olówa klun tói lé asóntó suná amó tsra asa kéké. Omenya ifú, méní bóhó asón amóú odebí tsú Bulu iwíegyi iwí amúsu gyi. ⁹ Táme amó aku bówa kluntó odwin, bumáho mu asónsú gyi. Bətəi wə aní Wíe Okpa amóú Paulo dé amó suná amú ahátó inu. Mó su Paulo lékpa akasípó amú náti, oletsíá suná amó ató oyin okvá butetí mu Tirano ató okasikpá. ¹⁰ Paulo lósuná amó ató nfinyó kéké. Mó su Yudafó pú Griikifó aní búbu Asia omátó fée bonu aní Wíe asón amó.

Skewa Abi Asón

¹¹ Bulu lótsun Paulosu bwé ofúla akpənkpənti kv. ¹² Ahá bəkolá mu adúkubi pú mu iwísu ató yédinká aləpusu, benya ilotsá, ŋe laláhe é ledali ahátó. ¹³ Yudafó aku é búbu nsiné inu buna buđeki gya ŋe laláhe lé ahátó. Bəwa klun bəe, bópu aní Wíe Yesu dá gya ŋe laláhe lé ahátó. Mó su bəklón wa ŋe laláhe bəe, “Dali Yesu amóú Paulo dé mu iwí asón okan da amú dátó.” ¹⁴ Igyí ahapú əhande okvá butetí mu Skewa abi yinhé abasiénó létsiá bwé iní.

¹⁵ Eke oku ŋe laláhe léfité amó əbée, “Nyin Yesu, nabí Paulo, mli é mé, aməndi mligyi?” ¹⁶ Ohá amóú ŋe laláhe bu mutó amú lótu wíe amótó, dá amó, títi amó atadié fée. Inu amó fée bəpu amó yaya pú amó iwí nlə srí dali wóyí amótó. ¹⁷ Yudafó pú Griikifó búbu Efeso inu fée bonu asón anfi. Ifú lekítá amó. Mó su bəpu obú há aní Wíe Yesu. ¹⁸ Ahá amóú bohogyi amótó tsətsətsə bele amó lakpan blí. ¹⁹ Amótó aku bugyi okó aləpú. Botsu okó amú nwulú ba bówa mú fée ogyá ahá ansító inu. Bobu amó nwulú amú ibiá á, iləbwe sika futútú mpim-aduenu (50,000)*. ²⁰ Ina aní Wíe Yesu tímísu mu asón amú lenya okpa kléi wankláan.

Demetrio Mva Mu Aba Ikó Le Wá Efeso

²¹ Asón anfi fée əma a, Bulu ŋe amú léha Paulo ləbwe agywun aní əbóyo Makedonia pú Akaia əsulúsu, fówun əyo Yerusalem. Mú Paulo lébli əbée, “Ní nowíe inu á, ilehián aní néyékí Roma wúluto é.” ²² Mó su olówa mu abúəpu abanyó, bugyi Timoteo mva Erasto sísi Makedonia. Mu onutó olesi tsiá Asia omátó kpalobí.

²³ Alí bré amótó á, aní Wíe Okpa amóú buđe ahá suná amó su asón kpənkpənti kv ledá Efeso inu. ²⁴ Oyín okvá ətəbwé sika futútú ató, butetí mu Demetrio bu inu. Oyín anfi təpú sika futútú bwé okpi yilé Artemi† ətswékpa akusubi aní uləhan mu ətswékpa yilé amú fē. Mva mu aba agyómá anfi ayəpu butenyá kóba tsətsətsə tsú mótó. ²⁵ Oletí mu aba amú pú ahá aní butəbwé agyómá amú odu fia. Mú əlebláa amó əbée, “Mí apíó, mlyín aní agyómá anfi sò aní fée anlawá alé ní. ²⁶ Yée mltsie mlidénu, mlidéwúun tśá Paulo débwe? Alatá ahá bláa ta Efeso wúluto pú Asia omátó fée fia əbée, ikpi aní ahá bapó ibi pwé bumegyí totə. Alatá ahá anó mlé tá, buđe mu asónsú hógyi. ²⁷ Megyi aní agyómá wule ibeyintá. Oháa méetrá bu okpi tsihé Artemi ətswékpa yilé amú. Okpi amú dá é bəfwí lé əyító. Táme tekí mogyí okpiá ahá fée butətswe Asia omátó pú əyító fée ní.”

²⁸ Bréá ədəm amú bonu asón anfi á, benya əbló, sóra okitikíti bəe, “Okpi kpənkpənti aní Efesofó okpi Artemi gyí!” ²⁹ Kpokiti ledá wúlu amótó fée. Ahá amú bekítá Paulo abúəpu Gaio mva Aristarko aní botsú Makedonia srí pú amó ya wúlu ofiakpa. ³⁰ Paulo onutó lékléá əbóyo ofiakpa inu, əyətí kpla ədəm amú, táme akasípó amú bumeha mu okpa. ³¹ Omá amótó ahandə

* 19:19 Sika futútú mpim-aduenu (50,000) bəbwe əbakúle nfi lafakole-əduəsa (130) ikóká.

† 19:24 Artemi gyí okpi kpənkpənti əku dá.

akpɔ̀kpɔ̀ntɪ akwá bugyi Paulo anyawíe é bɔ̀wa obí lóyóbwií ipa há mu beɛ, ɔ̀máyo ofiakpa inu. ³² Kpokiti léda ofiakpa inu. Anɪ beɛ alɪ, anɪ é beɛ alɪ. Amótó ahá tsɔ̀tsɔ̀tsɔ̀ bɔ̀mɛbɪ t́á swá befia inu. ³³ Yudafɔ́ ámu akw bɔ̀yo ofiakpa inu. Bowutá Aleksandro sísí ɔ̀bɔ̀ntɔ̀, bɔ̀de mu asón aní ɔ̀yéblí bláa. Inɪ sw Aleksandro lótsu ibi f́á, ɔ̀béɛ amvle mu ɔ̀nɔ̀. ³⁴ Táme bréá bowun aní Yudayin ogyi á, belasórá okitikítí, blí asɔ̀n kua kwle dɔ̀nhwírɪ anyɔ̀ kéké beɛ “Ɔ̀kpɪ kpɔ̀kpɔ̀ntɪ anɪ Efesofɔ́ ɔ̀kpɪ Artemi gyí!”

³⁵ Inɪ f́éɛ ɔ̀ma a, wúlu ató ɔ̀wanlínpó léha ɔ̀dɔ̀m amv bekpa ɔ̀nɔ̀ bun. Múú ɔ̀lebláa amú ɔ̀béɛ, “Efesofɔ́ ayin, ma méyín aní Efeso nfi gyí anɪ ɔ̀kpɪ kpɔ̀kpɔ̀ntɪ Artemi pú mu ibwi ámuú ɪlekpa tsú ɔ̀sósú ámu nwun? ³⁶ Ɔ̀haa má inwá ɔ̀bétalí gyí asón ánfɪ iwɪ nwéɛn? Mlɪnya klɔ̀n, ménɪ mlɪmóoko mli. ³⁷ Ahá ánfɪ mlɪlakpá ba nfi ánfɪtɔ̀ ɔ̀kuku mókówí tɔ̀tɔ̀ tsú ɔ̀swékpa inu. Bɔ̀mɔ̀kúblí asvansu kúsú líí anɪ ɔ̀kpɪ tsíhé Artemisv. ³⁸ Táme ní Demetrio mva mu aba agyómá ayɔ̀pú amv beɛ bɔ̀bɔ̀ ɔ̀ku iwɪ asón á, asón agyípu bɔ̀bɔ̀ inu, asón ogyíkpá é bu inu. Bétalí pú asón ámu ya inu kpéblí mú. ³⁹ Ní mlɪbɔ̀ asɔ̀n bambá kv tsía inɪtɔ̀ mú á, bétalí yéblí mú ɔ̀tíné ámuú anɪ f́éɛ anitefia gyi asón ámu. ⁴⁰ Tsúf́é ní anumékɪ wankláán á, abénya asón aní anɪlahan wúlu amv agywɪn nde. Ní befité anɪ é á, anuméenya asvansu pólé mú ɔ̀nɔ̀.” ⁴¹ Olenya blí asón ánfɪ tá alɪ, ɔ̀leha amú f́éɛ bedasáín.

20

Paulo Yinkí Yɔ̀ Makedonia Ḿva Griikifɔ̀tɔ̀

¹ Kpokiti amv ɔ̀ma a, Paulo léba betɪ akasípú amv f́éɛ fia, t́í kplá amú, wá amú atetɔ̀-ɔ̀nlɪn. Ɔ̀leklá amú asa ɔ̀lɔ̀pɔ̀ ɔ̀kpa ɔ̀yɔ̀ Makedonia ɔ̀solósv. ² Oleki nsuné inu ɔ̀pasua ámu sv t́í kplá amú asa olobowie Griikifɔ́ ɔ̀solósv. ³ Oletsíá inu tsra asa. Bréá ɔ̀lɔ̀bwe agywɪn ɔ̀béɛ, méfa ɔ̀pɔ̀ yɔ̀ Siria ɔ̀solósv á, olowun aní Yudafɔ́ bɔ̀de mu téɛ abókita mu. Mú sv ɔ̀lɔ̀bwe agywɪn ɔ̀béɛ mélayótsɔ̀n Makedonia ɔ̀solósv. ⁴ Ahá aní bekpa mu ya inu gyí Beroiayin Sopater, ogyi Piro mu bi; Tesalonikafɔ́ Aristarko mva Sekundo pú Derbeyin Gaio; aḿva Timoteo pú Asiafɔ́ Tihiko mva Trofimo. ⁵ Alɪ ahá ánfɪ begyankpá yógyo anɪ Troa wúlutɔ̀. ⁶ Israelfɔ́ begyi amú Bodobodo Mátúhénkɛ ɔ̀ma a, anɪlétsíá ntsusv-yibitɔ̀ tsú Filipi wúlutɔ̀. Anɪlénatí nkená owító. Eke núúsí a, anɪlɔ̀bɔ̀tɔ̀ nkpá agyápu amv Troa wúlutɔ̀. Anɪ f́éɛ anɪlétsíá inu nken síénɔ̀.

Eutiko Tsinkí Tsú Lowutɔ̀

⁷ Kwasiéda, igyi ndawótswí ámu tɔ̀ eke gyankpapɔ̀ ntópwesv á, anɪléfia abégyi ató abatɔ̀ f́é alíá anɪ Wie lósuná anɪ. Iníá Paulo dékléá ɔ̀bénatí ɔ̀yɪ kehe sv á, ɔ̀lɔ̀t́í kplá amú alɪ yéha ɔ̀yínsuné. ⁸ Nkandíe tsɔ̀tsɔ̀tsɔ̀ bu ɔ̀sósú obu ámuú anɪléfia mótó ámu tɔ̀. ⁹ Oyimbi ɔ̀kwá bɔ̀tetí mu Eutiko lódu bian nfánsrɪ ɔ̀nɔ̀, ɔ̀de asón ámu nu. Iníá Paulo lótsí wá ɔ̀pá sv á, didí lowie mu, fóru mu. Ɔ̀lekpa tsú ɔ̀sósú abansóru saasɪ nfánsrító inu beda ɔ̀solótɔ̀. Bréá boyótsu mu a, alawú f́éɛ. ¹⁰ Múú Paulo lékplí yó inu, yémlí bun musv, látá mu pútá, blí ɔ̀béɛ, “Opúni mátsíí mlɪ, ɔ̀hé bu mu tɔ̀.” ¹¹ Paulo léyinkí dó yó ɔ̀sósú inu, mva mu aba ámu nyɔ̀ bebiabía bodobodo gyi. Ɔ̀lɔ̀yo mu t́í amusu alɪ yófvn ɔ̀yɪ kehe, ɔ̀lenatí. ¹² Múú ahá ámu békpa kebi ámu ya wóyí á. Ansí lehɛ gyi amú aní ɔ̀bɔ̀ nkpa.

Paulo Troa Tsu Yɔ̀ Mileto Wúlutɔ̀

¹³ Anɪlégyankpá yówie ntsusv-yibi ámu tɔ̀ ayó Aso wúlutɔ̀ yótsu Paulo inu. Tsúf́é Paulo léha anɪ ibi ɔ̀béɛ, ɔ̀bótɔ̀n ayabitɔ̀ ɔ̀kpa ká t́í inu. ¹⁴ Bréá

ana mnyo aniléyfia aba Aso wúluṭo inu á, olowie ntsusu-yibi ámṭo, anléfa yó Mitilene wúluṭo. ¹⁵ Anilénaṭi inu oyi kehe, anilókusú inu yówie Kio. Eke nyooṣi a, anilókusú inu yówie Samo wúluṭo. Mú eke sáási é á, anilétra kusú inu yówie Mileto wúluṭo. ¹⁶ Paulo mékléa obéyintá bré Asia omátó. Mú su omekplí Efeso wúluṭo, tsúfē odekosí aní ní obétalí á, obóyówie Yerusalem asa abogyi Pentekoste nke ámu.

Paulo Efeso Opasua Ahande Klá

¹⁷ Bréá aniloyowie Mileto wúluṭo á, Paulo lówa abí sísi Efeso opasua ahande obéé, bubá bətu mu. ¹⁸ Bréá ahande amu bebefia mu a, oḗbláa amú obéé, “Mhiyin alíá mía mlinyo anilópṭsiá tsú eke gyankpapu aní neba Asia omátó. ¹⁹ Mhiyin alíá neba iwiasí yó agyómá há mí Wíe, pú alíá Yudafo bokusó líi mísú, nowun ipian, su kóráá. ²⁰ Mhiyin aní mməpu asón aní ibékpa mli nájín mli bréá neda Bulu asón ámu okan dunsu pú mli wóyító. ²¹ Alíá nətóí kplá Yudafo pú Griikifó fēé mbéé, busii lakpan bwe abodamli ba Bulu wá, abubəho aní Wíe Yesu gyi.

²² “Séi anfi á, nəyó Yerusalem, fē alíá Ōje Wankíhé labláa mi. Mmeyín tóá ibéba misu inu. ²³ Táme múá Ōje Wankíhé tēbláa mí wúlugyíwúlusu, nyin gyí, asón wunhe pú obudi da gyo mí. ²⁴ Táme mmotsu mú asónbogya. Mboún alíá nómə agyómá ámuṅ aní Wíe Yesu léha mí ámu onó. Agyómá ámu gyí, nébláa ahá Bulu awitəle asón wankláán ámu.

²⁵ “Séi anfi a, nyin aní mli ahá anfi nebeda Bulu iwíegyí iwí asón okan mlito anfito okuku méetra wun mi ekekekeke. ²⁶ Mú su nde mli bláa mbéé, ní mlito oku ménya nkpa aní itamatá á, megyí mí su omenya. ²⁷ Tsúfē nabláa mli tógyítá Bulu déklé obéé mlibí.

²⁸ “Mú su mlíkí mli iwí pú ahá ámuṅ Ōje Wankíhé lópṭwá mli ibito ámuṣu wankláán. Mlíkpa Bulu opasua ámuṅ oḗyaí tsən mu onutó mu bi lowusu ámu wankláán. ²⁹ Nyin aní nenátí á, akwá bogyi fē nkpataku, bubu iyin béba bowie mlito, dá opasua ámu sáín. ³⁰ Mlito aku óó bokusó, dámlí onokwali amu púbitía mlito aku buo iwí. ³¹ Mú su mlida iwísu. Mlíkaín aní netsiá mli wá nfinsa són, pú ansí ntsú yiri iwí súná mli ató opa onyé.

³² “Mú su séi á, ndepu mli wá Bulu mwa mu awitəle asón ámuṭo. Mu awitəle asón ámu iwá mli owonlín, iha amlidan, tali lu kínkín, amlinya ató ámuṅ oḗhie yáí há mu ahá ámuṅ bamli mu kle amu. ³³ Bréá mbu mli wá á, mmepé ansí ohaa sika pepé, mu sika futútú ntée mu atósú. ³⁴ Mli onutó mhiyin aní mí ibi anfi nəpyó agyómá nyá tóá ide mía mí aba ámu hián fēé. ³⁵ Natsun okpagyókpasu súná mli alíá mlópṭu ibi yó agyómá, púgyí ahá aní iwí ma amú onlín buale. Mlíkaín aní Wíe Yesu onutó asón blíhésu. Obéé, ‘Bulu toyúlá oḗá aní otekíé ató dvn oḗá aní butekíé mu.’ ”

³⁶ Bréá Paulo lébli asón anfi tá á, mwa amónyo fēé beda akpawunu bó mpái. ³⁷ Amú fēé bosu bréá belatá aba pútá, klá aba. ³⁸ Tóá ilowa amú ahumuti gyí mú ámuṅ oḗblí obéé, moméetra wun amú ekekekeke ámu. Besi mu okpa yówie opu onó, olowie ntsusu-yibito.

21

Paulo Yerusalem Yo

¹ Bréá anilégyí nkla tá á, anilówie ntsusu-yibito, náti laa yó Ko wúluṭo. Eke nyooṣi a, anilóyo Rodo. Tsú inu á, anlébá Patara otsubúno. ² Anilénya ntsusu-yibi kwá iyó Foinike otsubúno, anilówie mótó. ³ Bréá ayó á, anilówun oṣulúw kwá butetí mú Kipro sísi. Anlési mú tswi bunasu ifón, tsən yo Siria omátó. Anléyekplí Tiro otsubúno, tsúfē inó béle ntsusu-yibi ámuṭo

ató ní. ⁴ Anilótu akasípó aku inu, anilétsiá amó wá nkeniénd. Ɔhe Wankíhé léle súná amó ɔbéé, Paulo máyo Yerusalem wúlutɔ. ⁵ Aní nke lɔfon, anilótúá aní ɔkpasu. Bréá anidénatí á, akasípó amu, amó aká pú amó abí fée beyési aní ɔkpa alu yówie ɔpu ɔnó. Inu á, aní fée aniléda akpawunu bó mpáí. ⁶ Anilégyí nkla, anilówie ntsusu-yibi ámutɔ pú ayó, amó é beyinkí yó wóyí.

⁷ Aniléduká ɔpusu tsú Tiro alu bowie Ptolemai otsubúno. Bréá anilówie inu á, aniléyeha ahógyipu ání bubu inu itsiá, anilétsiá amó wá ekewóle. ⁸ Ɔyi kehe a, anilókusó tsú inu ba Kaesarea otsubúno. Anilóyɔswí Bulu asón ɔkan ɔdapú Filipino wóyí. Oyin ání gyí ahá abasiénd amó bele Yerusalem beé, butsáa ahande agyómá yɔ ámutɔ ɔkule. ⁹ Filipino bu abi tshé abaná, bumakúyó ayin wá ki. Bulu ɔnós atáipó mu abi tshé ání bogyi. ¹⁰ Anilégyí nke kpalobí inu. Eke ɔku Bulu ɔnós ɔtáipú Agabo lótsu Yudea ɔmát ba inu. ¹¹ Olenya bowie laa alí olotsu Paulo osiétó ɔfé klí mu onutó ɔbú pú mu ayabi. Múó ɔleblí ɔbéé, “Ɔhe Wankíhé ɔbéé, ‘Alí Yudafá bubu Yerusalem béklí ɔhá amó ɔbu ɔfé ání, pú mu wá ahá ání bumegyí Yudafá ɔbitɔ ní.’ ”

¹² Bréá anilónu asón ání á, ania ahá amó bubu inu ámu fée anilókokólí Paulo aniaa ɔmáyo Yerusalem. ¹³ Inu Paulo léfité aní ɔbéé, “Ntogyi só mlidésú, mlidahá iwí lawú mí alí? Mí mó á, megýí klí amó békíklí mí Yerusalem amu pé nalá iwí yáí há. Mboun nalá iwí yáí ání nówu aní Wíe Yesu su é.”

¹⁴ Paulo ɔnó lɔfon aní. Mú su anlési mu tóí wa. Múó aniléblí aniaa, “Íbá mótó alíá aní Wíe déklé.”

¹⁵ Iní ɔma a, anilókulá aní ató du yó Yerusalem. ¹⁶ Ania Kaesareafɔ akasípó aku lóyo inu. Bekpa aní ya oyin ɔkúá butetí mu Mnason wóyító beé, aswí mu wá. Akasípó agyankpapu amutɔ ɔkule ogyi, otsú Kipro ɔmát.

Paulo Yerusalem Wie

¹⁷ Bréá anilówie Yerusalem inu á, ahógyipu amu bohɔ aní atúu. ¹⁸ Ɔyi kehe ania Paulonyɔ aniléyeki Yakobo. Ɔpasua ahande amu fée beba inu. ¹⁹ Paulo lówa amó ɔnó, ɔlebláa amó tógyítá Bulu latsun musu bwé ahá ání bumegyí Yudafá. ²⁰ Bréá bonu Paulo asón ání á, amó fée bekanfó Bulu. Múó bebláa mu beé, “Opíó nu, Yudafá mpím-mpím ání badámlí kluntó fée bude Mose mbla ámutɔ kinkínkín. ²¹ Táme aku babláa amó beé, fasúná Yudafá ání bubu ɔmá bámbásó fée fée, bumágyi Mose mbla ámusu. Ɔma é á, fée bumátun amó abí keté, bumágyi aní amándíé ésú. ²² Ibwebwéébwé á, ahá bónu ání faba nfi. Nkálí abóbwé tsú mó iwí? ²³ Abébláa fu tóá fubwéé. Ayin abaná akúá bubu anitɔ baká ntam há Bulu. Ilehían ání bógyuráa iwí. ²⁴ Kpa amó ya, amliyogyuráa iwí. Ka amó ató yintáhé fée íkɔ, méní békpa amó nwun. Iní ɔbéha ahá fée bébú ání fotegyí Mose mbla ámusu. Iní su fú iwí asón amó bonu ámu ima mótó. ²⁵ Anilawánlín ɔwoló sísí ahógyipúá bumegyí Yudafá dodo. Anilówanlín aniaa, anilablí ání bumágyi atogyihéá bapóhá íkpi. Bumágyi obugya pú ɔbwíá bapósa mɔ. Bumáwa atsi múa ayin asón é.”

²⁶ Mó su bréá ɔyí léke a, Paulo lékpa ayin abaná ámu ya, muá amónyo bóyogyuráa iwí. Ɔlɔyo Bulu ɔtswékpa inu yéblí ekéá amó iwígyuráa amu íbómɔ ɔnó, ɔbéba bóbo afɔdie há amótó okugyíɔku.

Paulo Kitá Bulu Ɔtswékpa

²⁷ Bréá nkeniénd amó íbá bɔfon a, Yudafá akúá botsú Asia ɔmát bowun Paulo Bulu ɔtswékpa inu. Ɔdom amó bubu wunsinésú inu ámu fée benya ɔbló Paulosu, bekítá mu. ²⁸ Bɔsurá okitikítí beé, “Israelfɔ ayin, mlidalí ba oo! Oyin amó ɔna ɔde ahá ató suná, yíntá amó agywun ámu ní. Modékusó

lí omá ánfí, Mose Mbla pú Bulu ɔtswékpa amusu ní. Alakpá Griikifó kóráá ba Bulu ɔtswékpa wunsínésó nfi. Mú su alapú ifin da ɔwankíkpa amú.”²⁹ Bɛblí mú alí, tsúfɛ bowun Efesoyin ɔkúá bɛtɛtí mu Trofimo mu Paulo wúlu amɔtɔ dodo. Iní su bukí bɛɛ Paulo lɔpu oyin ámu yáa Bulu ɔtswékpa inu.

³⁰ Wúlu amɔtɔ fɛé lɛda kpokiti. Ahá bɛdalí tsu amó wóyító srí ba bɛkitá Paulo, bɛbitía mu dáli ɔtswékpa wunsínésó inu, fin iban ámu. ³¹ Bréá buɔɔ mu da, buɔɔkléá bómɔ mu a, ɔku léyɛbláa Romafɔ isá akɔpú ɔhandɛ ɔbɛɛ, “Kpokiti ladá Yerusalem wúlutɔ.” ³² Inonu ɔhandɛ amú lékpa isá akɔpú ámu aku pú amó ahandɛ aku bɛsrí yó inu. Ɔɔm amú benya wun amó alí besi Paulo dá. ³³ Ɔhandɛ amú lénatí yótu Paulo, ɔleha mu isá akɔpú ámu bɛkitá mu, wá mu ikan anyɔ. Mú ɔlɛfité ahá ámu ɔbɛɛ, “Ma gyí oyin ánfí? Ntɔ alabwé?” ³⁴ Ɔɔm amú buɔɔ okitikítí, buɔɔtɔtɔ. Aku bɛɛ alí, aku é bɛɛ alí. Okitikítí amú ɔnó lɔwa ɔnlín. Mú su ɔhandɛ amú mébú ɔnɔkwaliá ibu asón ámɔtɔ. Iní su ɔleha ɔbɛɛ, bukpa Paulo ya isá akɔpú ámu otsiákpá. ³⁵ Bréá bowie obu-ɔnó ɔɔbukpá á, ɔɔm amú buɔɔ iyin wa. Mú su isá akɔpú ámu bɔtsu Paulo wá nkɔnkɔ. ³⁶ Ahá ámu fɛé bubuo Paulo, buɔɔ okitikítí bɛɛ, “Mliha awuna mɔ mu! Mliha awuna mɔ mu!”

Paulo Iwi Ɔnóle

³⁷ Bréá bowie obu ámu ɔnó, bóɔw wíɛ amó otsiákpá inu á, Paulo lébláa ɔhandɛ amú ɔbɛɛ, “Nobwíí ipa, mbláa fu asvanku.”

Ɔhandɛ amú léfité mu ɔbɛɛ, “Futonú Griiki ɔblíí? ³⁸ Mú su megyí fógýí Egyipteyin amó ɔleha kpokiti lɛda bré kutɔ, ɔlekpa ahá amɔpú mpím-na (4,000) buo iwí ya dimbísó ámu ní?”

³⁹ Inu Paulo léle mú ɔnó ɔbɛɛ, “Yudayin ngýi mí mú. Tarso ání ibu Kilikia ɔmátó bɔkwí mí. Megýí wúlubitɔ nɔtsú. Nobwíí ipa, ha mí ambla ahá ánfí asón.”

⁴⁰ Isá akɔpú ɔhandɛ amú léha mu ɔkpa. Mú su Paulo léyelí obu-ɔnó ɔɔbukpá inu, bwé ahá ámu ibu békasú. Inu lótu diin. Mú Paulo lébláa amó asón Hebri ɔblíto ɔbɛɛ,

22

¹ “Mí así, apíó aba, mliyaa asu mí anle mí ɔnó amlinu.” ² Bréá bonu ání Hebri ɔblíto Paulo détoí á, inu lɔtu diin. Mú Paulo lóyɔ mu asónsú ɔbɛɛ,

³ “Yudayin ngýi. Tarso wúlutɔ bɔkwí mí Kilikia ɔsolósu, táme Yerusalem nfi bɛyaí mí. Gamaliel lósuná mí aní anáin mbla ámu wan-kláán. Nɔwa nsi Bulusúm iwí fé alíá mli é mliɔɔ mu súm ndɛ. ⁴ Ahá ání buna aní Wíɛ ɔkpa ánfisú á, nɛdinká amósó. Nɔmɔ aku kóráá. Nɛkitá amótó atsi móa ayin aku, kíklí amó yótwsí obu. ⁵ Bulu igýí ɔhapó dehen pú Yudafɔ asón agyípo amú fɛé bɛtalí gyi asón ánfí iwí adánsɛ. Amó wá nɔhɔ ɔwoló tsú pú neya apíó ání bubu Damasko wúlutɔ, mí anyekítá alí ahá ámu wa amó ikan, pu amó ba Yerusalem, abubítí amó isu.

Paulo Klɔntɔdamlí Iwi Asón Blí (Gyumagyihe 9:1-19; 26:12-18)

⁶ “Ɛkéá nɔpu ɔkpa nɔyó, nɛta Damasko wúlutɔ wie tá, ibóbwe fé ɔpa dóduanyɔtɔ á, ɔsáwɔle pé, wankí kuá mú ɔnó ihíɛ bu ɔnlín, itsú ɔsósó lɔwankí wólí mísú. ⁷ Múá nówun a, nda ɔsolótɔ. Inu nonu ɔme ku. Ɔme amú léfité mí ɔbɛɛ, ‘Saulo, Saulo, ntogyi só fɔɔnín mísú alí?’ ⁸ Inu nɛfité mbɛɛ, ‘Fó ma ní, Owíé?’ Mú ɔme amú lébláa mí ɔbɛɛ, ‘Mí Yesu, Nasaretyin amó fɔɔnín mísú amú ní.’ ⁹ Mí aba amó ɔmía amónyɔ anuná ámu bowun wankí amú, táme bɔmonu asón ání ɔme amú dé mí bláa. ¹⁰ Nɛfité mbɛɛ, ‘Owíé,

nto mbwée?’ Aní Wíe lébláa mi obéé, ‘Kusu, afoyo Damasko wúluto. Bébláa fu tógýtáá Bulu lahá fu obéé fobwée.’¹¹ Wanki amu onó bu onlin. Mú su mmetrá wun tótó. Iní su mí aba ámu lékitá mí ibi, kpá mí ya Damasko wúluto.

¹² “Oyin okvá bütetí mu Anania, otenyá Bulu ifú bu wúlu amoto. Otegyi Mose mbala ámusu wankláán. Mú su Yudafo ání bubu wúlu amoto féé bütetí mu idayilé.¹³ Oyin áñfi léba belí mí ansító, bláa mi obéé, ‘Opíó Saulo, bwii ansibi afóki ató.’ Inonu mí ansibi lobwíí, nowun mu.¹⁴ Ólebláa mi obéé, ‘Aní anáin Bulu ámu léle fu yáí obéé, fobébi mu apé, afóbi mu Bi Yilé Óbwepó ámu, afonu mu óme.¹⁵ Tsúfé féba begyi mu iwí adánsie, bláa ahá féé asón ání fonu pú móbá fowun.¹⁶ Ntó fotráa fúgyo? Kusu kokoli aní Wíe, afóha abobo fu asú, ófwí fu lakpan féé le.’

Paulo Bulu Asón Okanda Omátófoto

¹⁷ “Bréá neyinkí yó Yerusalem wúluto nde mpáí bó Bulu otswékpa unu á, nowun ató.¹⁸ Mótó á, nowun aní Wíe Yesu, ólebláa mí obéé, ‘Wa asa bwe, afúdali Yerusalem nfi. Tsúfé bumócho fu adánsie ání fégyi tsu mí iwí.’¹⁹ Inu nebláa mu mbéé, ‘Mí Wíe, amó onutó boyin ání netsiá yó Yudafo ofiakpa yékitá ahá ání bōho fu gyi, dá amó, wá amó obu.²⁰ Boyin ání bréá bōmō fu odansiyin Stefano a, mbu unu. Nelí amó óma mbéé bumócho mu, nōho ámu atadie kórará kítá.’²¹ Táme aní Wíe lébláa mi obéé, ‘Nati, nōwa fu fōyo tsútsúúsú, ahá ání bumegyí Yudafo wá.’ ”

²² Ahá tsotsotsó amu beya asu nú Paulo ason blíhé alu bōtu bréá óleblí obéé, Bulu lówa mu ahá ání bumegyí Yudafo wá. Inu bōsurá okitikíti kóklókóú, blí bēé, “Míle mu unu! Ima aleá obétsiá ósolóu anfisú!”²³ Inu bōsurá okitikíti, nyá óbló wóí amó atadie tswi tsalífwí, kpá isi tswi wá afútó.²⁴ Múú isá akópó óhande amu lébláa mu ahá obéé, “Mlikpa Paulo, amlipú mu ya mli otsiákpá. Mlipiti mu ató óbli onokwali, abí tóá svá ahá ámu bōde okitikíti svá mu nwunsvu alí.”²⁵ Bréá beklí Paulo tá, bēé abōda mu a, ólefíté isá akópó óhande okvá ólí mu wá obéé, “Mbla leha okpa ání mlipítí Romayin oduá bumakógyi mu asón, há mu ipón ató?”

²⁶ Bréá isá akópó óhande amu lónu asón áñfi á, óleyébláa mu óhande amu obéé, “Fakle afóse wōlu manta iwí. Sáa Romayin oyin ámu gyí oo!”

²⁷ Múú óhande amu léba Paulo wá, befité mu obéé, “Bla mi, lélé Romayin fúgyi?”

Paulo lébláa mu obéé, “Romayin ngyi.”

²⁸ Múú óhande amu lébláa mu obéé, “Mí mú á, ikó kpónkpontí neka asa nemlí Romayin.”

Táme Paulo lébláa mu obéé, “Mí mú á, Romayin onutónutó ngyi.”

²⁹ Inonu ahá ámuú bēé abofite Paulo asón ámu féé badásáín. Ifú lékitá óhande amu onutó ó, bréá ólebi ání Romayin Paulo gyí asa alahá bawá mu ikan.

Paulo Yudafo Asón Agyípó Ansító Lú

³⁰ Oyi kéhe a, óhande amu lékléá obébi tóá Paulo lóbwe, sù Yudafo bōde asón kláa dinká musu. Mú su óleha bōwóí Paulo lé ikan amoto, óleha betí Bulu igyí ahapó dehen pú Yudafo asón agyípó amu befia. Múú óleha bekpá Paulo belí amó ansító.

23

¹ Paulo lótsu ansí kí Yudafo asón agyípó amu díín. Múú ólebláa amó obéé, “Mí apíó Israelfó, nyin mí klōntó ání mmakótsiá nkpa laláhe Bulu ansító bōtu nde.”² Múú igyí óhapó dehen Anania lébláa ahá ámuú bulí mantáa

mu amu obée, budáa mu onósó. ³ Inu Paulo lébláa mu obée, “Fó Bulu obéda. Fabwé iwí fé buntíiá bakpá mú afá futútú, fabetsiá asi fée fópú Mose Mbla gyi mí asón. Fude ahá bláa fée budá mí ansító. Fó mú megýí mbla ámu fatón a?”

⁴ Aha akvá bulí mantáa Paulo befité mu bee, “Bulu igýí ohapú dehen fodesia alí á?”

⁵ Paulo lébláa amú obée, “Mí apió, mmeyín mbée, mugýí Bulu igýí ohapú dehen. Tsúfé bōwanlín wá Bulu asón ámutò bee, ‘Máblí ohá aní òde fú omású gyi iwí asón laláhe.’ ”

⁶ Bréa Paulo lówun aní Yudafó asón agyípó amutò aku bugyi Sadukifó, aku é bugyi Farisifó á, òlòsórà okitikíti asón ogyíkpa inu obée, “Mí apió, mí ánfí nlí á, Farisiyin gyi. Mí anáin é á, Farisifó bugyi. Mí é nohogyi aní awupó bélakúsó. Mú ndeblí su bakpá mí ba asón ogyíkpa nfi ní.”

⁷ Olenya blí alí pé, ahá tsòtsòtsò amutò leye anyò. Farisifó ámu pú Sadukifó ámu bōwa aba nwéengyi bí. ⁸ Tsúfé Sadukifó buteblí bee, kvsó tsú afúlitò koku má inu. Bulu-abòpu pú òhe laláhe koku é ma inu. Táme Farisifó mú bohogyi aní iní fée bu inu. ⁹ Iní léha nwéen amu onó lehie wá onlun. Mbla asunápóá bugyi Farisifó bókvsó líí blí bee, “Anumókówun tsitsa koku oyin ánfí iwí. Fíalí òhé ku ntée Bulu-òbòpu òku lébláa mu.”

¹⁰ Nwéen amu onó lehie wa onlun, ideklé imli ikó. Inu isá akòpú ohande amu lénya ifú aní bóbwe títi Paulo. Mú su òlebláa isá akòpú ámu obée, “Mlīwa òsa kpa Paulo ya mlī otsiákpa inu.”

¹¹ Mú onyé á, aní Wíe lébelí Paulo wá, bláa mu obée, “Wa klun! Alí ánfí fagyí mí iwí adánsie Yerusalem nfi á, alí kén fuyégyi mú Roma wúlutò é ní.”

Paulo Mò Iwí Agywun Kítá

¹² Mú òyi kehe a, Yudafó ámu aku befia, kítá Paulo iwí agywun. Beka ntam bee ní bómakómó Paulo bóméegyí ató, bómóonu ntsu. ¹³ Ahá ámuó beka ntam amu budun advana (40). ¹⁴ Bòyo Bulu igýí ahapú dehen pú Yudafó ahande wá, yébláa amú bee, “Anilahíé ká ntam aniaa, ní anumókómó Paulo anuméeda tòtò onó. ¹⁵ Mú su t́á anidéklé aniaa f́oa Yudafó asón agyípó amu mlīb́wée ha aní gyí, mlíkí ansí wa abí sísí isá akòpú ohande amu mlīaa, òpú Paulo ba, amlīlanu mu asóntó. Anladá iwísu aniaa, obòtsutsúa obowie nfi anlamó mu.”

¹⁶ Paulo mu bitepu òku lónu asón ánfí fée. Mú su òlesrí yó isá akòpú otsiákpa inu yówi tsá Paulosu. ¹⁷ Inu Paulo létí isá akòpú ohande òku, bláa mu obée, “Kpa òyasubi ánfí ya mlí ohande wá. Òde asoanku, òbébláa mu.”

¹⁸ Isá akòpú ohande amu lékpa òyasubi ámu ya amú ohande wá, yébláa mu obée, “Obu òdípú Paulo obée, nkpá òyasubi ánfí ba fu. Òde asoanku, òbébláa fu.”

¹⁹ Ohande amu lékítá òyasubi ámu ibí, kpá mu yáa itsétó yéfíté mu obée, “Amansu fubv aní fébláa mí?”

²⁰ Òyasubi ámu lébláa mu obée, “Yudafó ahande babwé agywun bee bépina wa abí fú wá bee, fùkpá Paulo ba obowun amú òke, abulanu mu asón ámutò wankláán. ²¹ Táme máhò mósú gyi, tsúfé amú ayin aní budun advana (40) bee bérjaín òkpatò gyo Paulo, mó mu. Amú fée baká ntam bee, tòtò méeda amú onó, kpéfún bréa bamó mu. Fó nkole bugyo séi aní fótisulá kpá mu ba.”

²² Mú ò ohande amu léda òyasubi ámu òlá obée, “Máyébláa ohaa fée fawí asón ánfí tsá mísú.” Olesi mu òkpa.

Paulo Le Ya Kaesarea

²³ Inu ðhande amu léti isá akapó ahande abanyó, ðlebláa amú ðbéé, “Mlile isá akapó lafanyo (200), mpɔnkɔsu adinkápo aduesienó (70) pó pía atswípu lafanyo (200) abokusu onyeni dokwebátó yɔ Kaesarea. ²⁴ Mliha Paulo mpɔnkɔ, odunká amúsó yɔ. Mlikpa mu, amliha mu oyowie amásó ogyípó Felike wá pisii.” ²⁵ ðhande amu lówanlín ðwuló mántá musu ðbéé,

²⁶ “Mí Klaudio Lisia dé ðwuló áñfi wanlín sísi fú, amásó ogyípó onumnyampɔ Felike. Nde fú itsiá ha. ²⁷ Nde fú ibi ha ání Yudafɔ lékitá oyin áñfi, bodekléá bómɔ mu, táme mía isá akapó tsɔtsɔtsɔ anilóyóhɔ mu lé amú ibi. Tsúfɛ nonu ání Romayin ogyi. ²⁸ Ndeklé mbéé, nébi tóá ðabwɛ. Mú su nɔpu mu ya amú Yudafɔ asón agyípó ansító. ²⁹ Inu nowun ání amú mbli iwí nwéɛn bodegyí. Mú su amákóbwé lakpan kɔkɔbá bómɔ mu, ntéé bówá mu obu. ³⁰ Táme oku laba bowi tsá mísó ðbéé, Yudafɔ amú aku babwé agywun beɛ bómɔ mu. Inú nɔbwe agywun mbéé, nɔpu mu sísi fú. Nabláa mu anyabá amú é mbéé bɔpúu amú asón ba fu. Nafun nfi. Nehá fú itsiá gyágyáágyá.”

³¹ Isá akapó amu bɔbwe dínká amú ðhande asun blihésu. Onyé-onyé amu bekpa Paulo kɔnkɔnkɔn alu yówie Antipatri wúluto. ³² Bréá oyí lɛke a, beha mpɔnkɔsu adinkápo amu bekpa mu yáa Kaesarea, ayabitó anátípó amu beyinkí yó amú otsukpá. ³³ Bréá mpɔnkɔsu adinkápo amu boyówie unu a, bɔpu Paulo pó ðwuló amú wá amásó ogyípó amu ibitɔ. ³⁴ Amásó ogyípó amu lékla ðwuló amú, ðefitɛ Paulo ðbéé, “Nkónu yin fugyi?” Bréá ðlebi ání Kilikia amátó Paulo otsú á, ³⁵ ðlebláa Paulo ðbéé, “Ní fú anyabá amú bebá á, nónu fú ðnó asón.” Inu ðlebláa amú ðbéé, bɔpúu Paulo yɔwa Owíe Herode wóyító, abugyo mu iwí.

24*Paulo Onótin*

¹ Nkenú oma a, igyi ðhapó ðehen Anania muɔ Yudafɔ ahande aku pú Mose mbli amápo akvá bɔtɛtí mu Tertulo beba Kaesarea. Bebá bekla asón ání bɔbɔ tsu Paulo iwí súná amásó ogyípó Felike. ² Bɛti Paulo belí. Múu Tetulo lékla mu asón ðbéé,

“Onumnyampɔ Felike, fahá iwilwii laba amá áñfitɔ. Fú nyánsa lalá ató tsɔtsɔtsɔ bwé aní amá áñfitɔ. ³ Fú bwéhé legyi aní ansí ótínegyíótíné. Fúdé ató bwe. ⁴ Mmedéklé mbéé néyintá fú bré tsɔtsɔ. Mú su nokókóli fu, nya klun ha aní, afunu aní asón tinbí áñfi. ⁵ Anilawun ání ató oyintápo oyin áñfi gyí. Otɛhá kpokiti tɛdá Yudafɔtɔ oyító ótínegyíótínéá otɔyó. Otráa ogyi Nasaret ɔpasua amú Bulu igyi ðhapó. ⁶⁻⁷ Alakle ɔpu ifin da Bulu ɔtswékpa unu, asa okláa ogyá anilékitá mu. * ⁸ Ní fú onutó fɛfitɛ mu a, fówun ání asón áñfi anidélí tsú mu iwí áñfi fɛé bu mótó ntéé uma mótó.” ⁹ Inu amú fɛé bɔtsulá mósó beɛ, asón amúu alablí amú bu mótó.

Paulo Onóle Felike Ansító

¹⁰ Amásó ogyípó Felike lóbwe Paulo ibi ðbéé, ðlé mu ðnó. Inu Paulo lébli ðbéé,

“Nyin ání fɔde asón gyí amá áñfitɔ ilawá ɔpá. Inu su ibu mi ɔdwe ání néle mí ðnó fú ansító. ¹¹ Nobwíi ipa, fétalí fité nú ání ibu mótóá nɔyɔ Yerusalem yósum Bulu, umákódon nke dúanyo. ¹² Mí anyabá áñfi bɔmowun mía ohaa agyi nwéɛn Bulu ɔtswékpa unu. Bɔmowun mí anha kpokiti ida Yudafɔ

* **24:6-7** Inu bu nwuló dada amú akɔtɔ: Anilóbwe agywun ání abópu aní onutó mbli gyi mu asón. Táme isá akapó ðhande Lisia lópu mu túmí bohɔ mu lé aní ibitɔ. Mú oma a, ðlebláa aní ðbéé, apó mu asón ba fu.

ofiakpa kuku ntée otinetine wúlu amuto. ¹³ Boma asvansová bópugyi adánsie ání amó asón áñfi bọ mótó. ¹⁴ Táme natsúlá ání ntosúm aní anáin Bulu tsun aní Wíe Okpa ámóbó bode mó ti ọpasua laláhe amusu. Nohó Mose Mbla ámu pọ mọá Bulu ọnósó atọpọ amu bọwanlín tswi é féesó gyi. ¹⁵ Nde okpa kú fé alá amó é bode okpa kú ání Bulu ọbókúsó aha yilé pọ aha laláhe fée tsú afúlitó eke kó. ¹⁶ Iní su ntóbó mbódí ání mí klon méetsiá há mí pón Bulu mva anyánkpósa fée ansító brégyíbré.

¹⁷ “Iníá nedali Yerusalem ilawá ọpá á, nayínkí ba inu, napọ atokiehé neba mí ahá abubuha ahíánfó, mí anha Bulu igyi. ¹⁸ Mú ọbwekpá mbu Bulu ọswékpá inu. Bréá nọgyuráa iwí tá amándíe ámu ọnó á, beba bọtu mí inu. Megyi mía ọdam kuku lóyo inu. Kpokiti kuku é meda inu. ¹⁹ Yudafó aku botsu Asia ọmátó ba bọbu inu. Ní nọbwe ito laláhe ku á, teki amó kóráá ọbẹba bebláa fọ, mía amúnyo abéblí mó. ²⁰ Ní ibówa alé kóráá á, ha ahá áñfi onutó abubli tsitsa oduá Yudafó asón agyíró amu bowun mí iwí, bréá bọpọ mí ya amó ansító. ²¹ Asun kua kóle péá nọkplón blí bréá nli Yudafó asón agyíró amu ansító gyí, ‘Mhídé mí asón gyí nde, tsúfé nohogyi ání awupọ bẹlakósó tsú afúlitó.’”

²² Iníá onumnyampọ Felike yin aní Wíe okpa ámu wankláán su á, olotu asón ámu híe. Ọleblí ọbée, “Ní isá akọpọ ọhande Lisia ọbá nfi á, nówun alá nómọ asón ámu ọnó.” ²³ Ọlebláa isá akọpọ ọhande ámu ọbée, ogyóo Paulo iwí wankláán, ọha mu otsia iwilwiito. Ọhá mu aba okpa abuki musu.

Paulo Felike Mva Mu Ka Drusila Ansító Lú

²⁴ Nke kpalóbí ku ọma a, Felike mva mu ka Drusila ání ogyi Yudayintse beba. Felike léha beyékpá Paulo ba, ọlọbátí tsú mu hógyi ání ọbọ Kristo Yesuto iwí súná amó. ²⁵ Táme bréá ọdetí tsú yilébwe, iwisugyi pọ Bulu asón ogyiké amóbó ibá ámu iwí á, ifú lekítá Felike. Mú su ọlebláa Paulo ọbée, “Ku yínkí asa. Nenyá bré wankláán ku á, nẹlatí fú.” ²⁶ Bré ámutó fée Felike léki okpa ání Paulo obódunká tọku beha mu ọnó. Mú su ibu nu bu inu á, alapina wa abí bayéti Paulo, mva munyo bató.

²⁷ Nfinyo ọma a, Felike lénatí. Porkio Festo lébetsiá mu obiásó. Iníá Felike déklé ọbée, mu asón iwá Yudafó ámu ọdwe su á, olesi Paulo wá obu náti.

25

Paulo Roma Owie Okpa Wá Yó

¹ Ọmásó ogyíró Porkio Festo lébetsiá obiásó Kaesarea. Mú eke sáási a, ọlọbu yó Yerusalem. ² Inu Bulu igyi ahapọ dehen pọ Yudafó ahande aku bọpọ Paulo iwí asón yótswi mu ansító. ³ Bọbwe agywun ání bóyowa obúun okpató, mó Paulo. Mú su bọyókulí Festo be, ọpọ Paulo ba Yerusalem. ⁴ Táme Festo lébláa amó ọbée, “Paulo da obu Kaesarea wúlutó dodo. Imóowa ọpá mí é néyínkí yó inu. ⁵ Mliha mli ahande amu aku abubuo mi yó inu, abuyéblí tsitsa oduá alabwé.”

⁶ Festo létrá tsiá Yerusalem nkekwe ntée nke dú asa oleyínkí yó Kaesarea. Olowie inu á, ọlọwa bọyọpọ Paulo ba, oletsiá asón ámu su ọyi kehe. ⁷ Paulo lénya wíe inu ali, ahande amóbó botsu Yerusalem ba amu bekaflia mu, kla asón tsotsotsó dínká musu. Táme bometalí nyá tọtọ púsúná ání asón ámu ibu mótó. ⁸ Mú Paulo léle mu ọnó ọbée, “Mmókótón Yudafó mbla kuku, ntée bwé tọku pọ ifn da Bulu ọswékpá amu ntée pọ laláhe kuku é gyi Roma owie dehen.”

⁹ Festo déklé ọbée mu asón iwá Yudafó ámu ọdwe. Mú su ọlefíté Paulo ọbée, “Fodeklé fée fọyo Yerusalem, mí anyegyí fú asón inu?”

¹⁰ Paulo léle mú ònó òbée, “Roma Owíe Dehen asón ogyíkpa nli. Nfi ilehián ání bégýi mí asón. Fú onutó fuyin ání mmakóbwé Yudafo tótó. ¹¹ Ní natón mbla, ilehián lowu á, mmakótin òkpa mbée bumámò mí. Táme ní asón ání Yudafo babl dínká misú anfi ma mótá á, jhaa má òkpa ání òbópu mí wá amó ibitò. Mú sù mú bupúv mí asón ya Roma Owíe Dehen onutó ogyi mú.”

¹² Inu Festo mva mu ahande bəyɔ abriwa wá. Múv ɔlebebláa Paulo ɔbée, “Fú onutó fée, Roma Owíe Dehen ogyii fú asón. Mú sù abópu fú ya mu wá.”

Festo Agripa Paulo Iwi Asón Bláa

¹³ Nke ku ɔma a, Owíe Agripa mva Berenike beba Kaesarea. Beba beba Festo nwunkpa. ¹⁴ Betsiá inu wá ɔpá. Mú sù Festo lébláa amú Paulo iwi asón. ɔbée, “Felike lówa oyin òku obu nfi, olesi mu wá náti. ¹⁵ Bréá nɔyɔ Yerusalem a, Bulu igyí ahapó dehen pú Yudafo ahande beba beblí asón tsɔtsɔtsɔ dínká musu, bláa mi beɛ nháa mu ipón, abumò mu. ¹⁶ Táme nebláa amú mbée, ‘Ima aní Romafɔ amándiétó ání béha òku ipón, nkéti mva mu anyabá bafia gyi asón.’ ¹⁷ Mú sù ekeá mía Yudafo ámu anilóbowie Kaesarea nfi á, mmesi wá obiátó. ɔyi kehe kótóó neha bəyɔpu oyin ámu ba, netsiá asón ámusu. ¹⁸ Nkí mbée mu anyabá ámu bénya tsitsa ku tsú mu iwi, táme bumenya. ¹⁹ Mboún amú Bulusúm pú Yesu òkúv alawú tsun, táme Paulo ɔbée, ɔtráa otsie nkpa iwi asón budebití. ²⁰ Mú sù mmowun alíá nɔyɔ asón ámutò. Nefíté Paulo mbée, obótsulá abuyɔ Yerusalem, yégyi asón ámu inu. ²¹ Táme ɔleblí ɔbée, mudekléa mu asón iyó Roma Owíe Dehen asón. Mú sù neha bəwa mu obu yófun bréá nɔpu mu sísi Roma Owíe Dehen.”

²² Múv Agripa lébláa Festo ɔbée, “Mí é ndeklé mbée nónu asón ání tsú mu onutó ɔnótó.” Festo lébláa mu ɔbée, “ɔke néha bópu mu ba, ɔbele asón ámutò suna fú.”

Paulo Agripa Ansító Lú

²³ ɔyi kehe a, Agripa mva Berenike behíhie iwi, isá akápó pú wúlu ahande bobuo amú ba. Festo léha bekpá Paulo ba inu. ²⁴ Múv ɔleblí ɔbée, “Owíe Agripa mva ahá ání bafia nfi fée, mlilawun oyin ání ɔlí? Yudafo ání bubu nfi pú Yerusalem fée bəpu mu asón ba mi. Beɛ, mehián ání ɔbétrá tsiá nkpa. ²⁵ Bréá nɔyɔ asón ámutò á, mmowun tóá alabwé sù bómò mu. Táme mu onutó ɔbée, mpúv mu asón ya Roma Owíe Dehen. Mú sù nabwé agywun mbée, néha bópu mu ya. ²⁶ Táme mmowun tsitsa kuku mu iwi ání nówanlín mántá musu bópu mu ya. Mú sù nakpá mu ba mli ansító ní, títriu fú Owíe Agripa. Ndekléa átéte asón ámutò, ɔtínéá ileyéyi a, mí anya aswanku wanlín sísi mu. ²⁷ Tsufé nawun ání ima aleá bópu obu ɔdípó sísi, buməwanlín tóá alabwé mántá musu.”

26

Paulo Iwi ɔnóle Agripa Ansító

¹ Múv Owíe Agripa lébláa Paulo ɔbée, “Nahá fú òkpa, kusu le fú ɔnó.” Paulo lótsu ibi fúá, lé mu ɔnó ɔbée,

² “Owíe Agripa, nawun ání ɔkláa lawá mí ogyá nli fú ansító, nde mí ɔnó le tsú asón ání Yudafo bakla dínká misú anfi iwi. ³ Múv ibu ansigyí kóráa gyí, fuyin Yudafo amándiétó pú tóá butegyí mú iwi nwéen fée. Inu sù kókoli, nya klon afonu mí ɔnó.

⁴ “Yudafo fée buyin mí tsiátó. Buyin alíá nɔpotsiá mí ɔmátó tsú mí nyebitò pú alíá nɔpotsiá Yerusalem wúluto. ⁵ Amú fée buyin mi dodoodo. Ní

budeklé a, amó onutó bétalí bláa fu ání Farisiyin ngyi wankláán. Farisifo é butegyi Yudafo Bulusúm mbla ámuṣu wankláán don ɔpasua kugyíku. ⁶Tóá sáa nde nli nfi, fude mí asón gyí gyí, nde ɔkpa kí ání Bulu ɔbóbwe dínká mu asón ámuṣu ɔleka mú iwí ntam há aní anáin amṣu. ⁷Aní abusuan dúanyɔ ámu fée bapɔ ansí dínká ntam anfiṣu ání íbéba mótó há amó. Mú só bude Bulu súm ekekegyíeke ní. Nanáin, ntam anfi só Yudafo bude asón kláa dínká mísó nu. ⁸Ntogyi só mli Yudafo ánfí mú mlimétalí hógyi ání Bulu ɔbétalí kósúa ahá tsú afúlitó?

⁹“Teki mí óó nohogyiá nóbwe tógyítóá nétalí pótin Yesu Nasaretyin amu gymagyihe ɔkpa. ¹⁰Íni gyí tóá nóbwe Yerusalem nu. Bulu igyi ahapó dehen amu beha mí túmi bee, nkíta Bulu ahá ámu tswi obu. Ní bómó amó é á, mí é ntotsulá mbée bómó amó. ¹¹Netsiá yó Yudafo ofiakpa kugyíkoto, ntehá butekítá amó, bíti amó isu, híé amó buteblí Yesu iwí abususu. Amó iwí ɔbló su ntedínká amósó yó ɔmá bámbásó yékítá amó, bíti amó isu.

Paulo Iklvntadamli Iwi Asón
(Gyumagyihe 9:1-19; 22:6-16)

¹²“Mú ɔkpa eke ɔku Bulu igyi ahapó dehen amu beha mí nɔyó Damasko wúluto yóbwe ní. ¹³Bréá nna ɔkpatɔ nɔyó á, Nanáin, íbwe fée ɔpa dódúanyɔtɔ, wanki ku lówanki tsú ɔsósó wólí mísó. Iłowankí don owí. Iłowankí wólí mía mí aba ámuṣu aniná ámuṣu. ¹⁴Ínu aní fée anlédida. Nonu ɔme ku Hebrí ɔblíto ɔbée, ‘Saulo, Saulo, ntogyi só fódin mísó alí? Iwi tóí fúdewa.’ ¹⁵Mú nefíté mbée, ‘Owíé, fú ma ní?’ Mú aní Wíe lébláa mi ɔbée, ‘Mí Yesu nu. Mísó fódin ní. ¹⁶Nabele iwí ɔwan súná fú, méní fóbwe mí osúmpó. Kus, afuyebláa ahá tóá fawun tsu mí iwí nde, pú móá néle súná fú. ¹⁷Nóko ho fu tsú ahá ámuṣu nde fú wa sísi, bugyi fú onutó ahá Yudafo pú amóá bomegyí Yudafo íbitɔ. ¹⁸Fóbwií amó ansí, bédali tsu oklúnto ba wankito. Fée amó tsú Satan túmi asi ba Bulu wá, méní obési amó lakpan kíé amó, fówun bénya otsiákpá ahá ámuṣu Bulu latsun amó hógyiṣu bwé amó mu ahá amuto.’

Paulo Gyumagyihe Iwi Asón

¹⁹“Nanáin Agripa, íni su nóbwe dínká ató ámuṣu nowun itsú ɔsósó ámuṣu. ²⁰Gyankpapu a, nɔyó Damasko wúluto. Mú ɔma a, nɔyó Yerusalem pú Yudea ɔmátó fée. Nɔyó ahá ámuṣu bomegyí Yudafo ámu é wá. Neyébláa amó mbée, búsii lakpan bwe, abudamli ba Bulu wá, abotsia tsiátó ání ilosuná ání badámli klvnto. ²¹Íni só Yudafo ámu bekítá mí bréá mbu Bulu ɔtswékpa ínu bee bómó mí ní. ²²Táme Bulu dé mí kpa alí bɔfon nde. Mú só nli nfi nde, nde mli nyebí-ahande fée tóá nawun bláa nu. Asón ání Mose muṣa Bulu ɔnósó atáipó amu beblí bee íbéba mótó kén ndeblí. ²³Bee, ‘Ilehián ání Kristo, (ohá ámuṣu Bulu ladá mu ofúli amó) obówun iwíasin wú, méní ɔbóbwe ɔha gyankpapu ání ɔbókusó tsú afúlitó. ɔbópɔ wanki ba Yudafo pú ahá ání bomegyí Yudafo é.’ ”

²⁴Bréá Paulo léblí íni á, ɔmásó ogyípó Festo lókplon wa Paulo ɔbée, “Paulo, fú nwun layintá! Fú ɔwolóbí dɔbɔdɔbɔ amu lahá fude gbedé lo.”

²⁵Mú Paulo lébláa mu ɔbée, “Onumnyampɔ Festo, mmedé gbedé lo. ɔnɔkwali onutónutó nde mli bláa. ²⁶Nanáin Agripa yin asón ánfí fée iwí. Nétalí bláa mu faan. Nahogyi ání megyí ason nainhé igyi há mu, tsufé bómóbwe mú nain. ²⁷Nanáin Agripa, fohó Bulu ɔnósó atáipó ason wanlínhé amósó gyí? Nyin ání fohó músó gyí.”

²⁸Ínu Owíe Agripa lébláa Paulo ɔbée, “Fahogyi fée fétalí dámlí mí bwé Okristoyin bré ínbí ánfíto?”

²⁹ Paulo lébláa mu obée, “Bré tinbí o, bré tsotsotsə o, mí mpáí aní ndəbó há Bulu gyí, fóa ahá anfi mlidé mí asən blíhé nu nde anfi fée mléba bəbwe fée mí. Táme bumáwa mli ikan anfi mú.”

³⁰ Inu á, Owíe Agripa mua əmású ogyípú Festo pú Berenike mua ahá amóú bətsie inu amu fée bəksú dáli. ³¹ Beyélí itsétó, amú wəlewəle bədeblí bəe, “Oyin anfi mókóbwé tətəá ilehián ha mu lowu ntée mu obuwa.” ³² Múú Owíe Agripa lébláa Festo obée, “Teki ní oyin anfi méblí obée, Roma owíe dēhen kóún ogyíi mu asón á, teki fétalí sí mu.”

27

Paulo Pəya Roma Wúluta

¹ Bréá beblí alí tá á, bekítá agywun bəe, abótson əpusu yó Italia əmátó. Bəpu Paulo mua obu adípó aku é wá Romafə isá akəpó əhande əkuá butetí mu Yulio ibitə. Əhande anfi bu Roma Owíe Dēhen Augusto isá akəpó əpasuato. ² Anilówie ntsusu-yibi kuá itsú Adramitio fón, iyó əpu ənó awúluá ibu Asia əmátó. Makedoniayin Aristarko, otsú Tesalonika amu é bu anitə. ³ Əyi kehe a, anilélí Sidon əpu ənó. Isá akəpó əhande Yulio lówun Paulo nwe, əleha mu əlɔy mu aba wá, méní béha mu atáá ibéhián mu. ⁴ Anilóksú tsú inu, afú lefia aní əpu aməsu. Múú anilóyotsən Kipro əsolóu awunso fón, tsúfə afú amu mēdētsóun inu mú. ⁵ Anilótsən əpusu yótsən Kilikia pú Pamfilia fónsú yówie Likia əsolósu, Mira wúluta. ⁶ Isá akəpó əhande amu lówun ntsusu-yibi kuá itsú Aleksandria wúluta iyó Italia əmátó, əlele aní wá mótó.

⁷ Anidín əpu aməsu pətə. Mú su anilégyí nke tsotsotsə əkpatə. Ilepian aní asa anilówie Knido. Afú amu méha aní əkpa. Mú su aniləpu yótsən mantáa Kreta əmá. Inu á, aniləpukplí tsən Salmone wúlu əsaasí fón. Tsúfə afú mēdētsóun inu mú. ⁸ Iníá anilótsən əpu ənó-ənó kóráá ó á, ilepian aní asa aniləbowie ətnekúá butetí inu “Otsubúno Wankláán,” ibu mantáa Lasea wúluta.

⁹ Nke tsotsotsə ləbətsən, nkeá butəpóklí ənó kúlí lakpansikíé é ulətsən. Nke amətə é á, əpu amu idəda. Mú su mósú tsən ləwa ifú. Iní su Paulo lótsí kplá amú obée, ¹⁰ “Mí awíé, nawun aní ní anuméki wankláán aní əkpa anfi natító a, abəhulí ató tsotsotsə. Megyí ató pú ntsusu-yibi amu wəle, aní onutónutó é abésin mótó.” ¹¹ Táme isá akəpó əhande amu ləhə ntsusu-yibi amətə əhande pú mu wie asón sí Paulo. ¹² Iníá otsubúno inu ima aléá abétsiá inu nyankpətswíebí su á, amótó ahá tsotsotsə beblí bəe abénatí inu. Amó ansí dn aní abóyówie Foinike, igyi Kreta otsubúno, ibu owí əkplíwíekpá fón, tsíá inu nyankpətswíebí amu.

Atsufú Kpənkpənti Əpusu Tsóun

¹³ Inu afú kuá itsú gyəpísu ləwa tsóun breu bu. Iní su ahá amətə aku bosusúu aní amú agywun amu bəkanáa. Mu su belatsú simpíá itehá ntsusu-yibi telí tsukəle wá ntsusu-yibi amətə, bəpətsən Kreta əpu ənó-ənó. ¹⁴ Táme uməwa əpá kəku afú kpənkpənti ku lókusú tsú Kreta ifónsú. Afú amu dá gyí “Binasu-owí-ədalíkpa-afú.” ¹⁵ Afú amu lébefia aní. Iníá anumétalí sánkíá ntsusu-yibi amu su á, anilési iwí há afú amu, uləpu ntsusu-yibi amu natí. ¹⁶ Uləpu mú srí yótsən mantáa əpu nsíné əsolóu kuá butetí mú Kauda asi. Iləwa ənlín asa betalí tsú əklunbi amóú butəpólé ahá aní bəde ntsu wie, isian ntsusu-yibi amu əma amu wá yibi amətə. ¹⁷ Inu ntsusu-yibi amətə agyómá ayəpó bəbitía əklunbi amu wá ntsusu-yibi amətə. Bəpu əfé klí ntsusu-yibi amu kinkíinkín, méní uméemáin. Benya ifú bəe afú amu

ibátsvan ntsusu-yibi ámu yówie Libia otsubúnə osublúto. Mú sv bele tati ání isian ntsusu-yibi ámusv, ménı ntsusu-yibi ámu bənátı pətə. Mú óó á, afú ámu lótsvan ntsusu-yibi ámu náti əwənlínsú. ¹⁸ Mú əyi kehe a, afú ámu ənó lehié wá ənlın. Mú sv bəwa amó atə svráhé le wá əpətə bı. ¹⁹ Əke sáási a, bele ntsusu-yibi ámu iwı ntobı kugyıká amó ıbı ləda wá əpv amutə. ²⁰ Anıtráa anımédé owı móa ntsrakpabi wúun nke tsətsəətsə, afú ámu ənó é ıtráa bə ənlın. Mú sv anı ansı metrá dınká tətəsv dən lowu.

²¹ Nke tsətsəətsə lətsən, ahá ámu bətráa bımédé ató gyı. Inu Paulo lókusú líı amó fée ansıtó, bláa amó əbée, “Mı awıé, teki ní mlılónu mı əme, anıménatı Kreta otsubúnə a, teki anımókó befia ipian, hólı anı ató alı. ²² Táme séı á, mbláa mlı amlınu. Mlıwa klən, tsúfée anıtə əkuku móowu, ntsusu-yibi ánfı wəle obéyintá. ²³ Igye onyé á, mı Bulúá ntosúm lówa mv əbəpv mı wá. ²⁴ Əlebláa mı əbée, ‘Paulo, mánya ifú. Ibwébwéəbwé á, félı Roma Owıe Dehen ansıtó. Bulu lawá awıtəle há fú. Mó sv alahá ahá ánfı fóa amónyə mlıná ánfı fée nkpa.’ ²⁵ Mú sv mı awıé, mlınya klən, tsúfée mı ansı dın ání Bulu əbəha ıbəba mótó fée alá mv əbəpv labəbláa mı. ²⁶ Táme ıbwébwéəbwé á, afú ámu ıbədə anı ya əpv nsıné əsləbv kusv.”

²⁷ Əke dúanası onyé á, afú ámu bə mósú ıde anıda yáa nsıné ınu əpvá bótətı mó Adriasv. Mú əyínsıné á, ntsusu-yibi ámutə agyómá ayəpú bosusúu ání anulatá əsləbv tv tá. ²⁸ Mú sv bəpv əfée kápú əpv amv oklú kı. Benya ayabi lafakule adwanyə (120). Bré kpalobı əma bətrá kapú mó kı a, benya ayabi adukwebá (90). ²⁹ Ifú ləkıtá ntsusu-yibıtə agyómá ayəpú ámu ání abódu abótású. Mú sv bəda asımpı ání bətəpókıtá ntsusu-yibi líı ana kéké sıán mó əma, sı mó wá əpv amutə. Bokokólı Bulu bəe əyi ıkée amó. ³⁰ Agyómá ayəpú amv akv bekleá bésrı dalı ntsusu-yibi ámutə. Mú sv beki ansı lé əklən kusubi ámu dınká əpv amusv híée, fée sımpı ámu bədeposıán əklən ámu ənósú. ³¹ Táme Paulo lébláa ıá akəpú ámu pú amó əhande əbée, “Nı ntsusu-yibi ámutə agyómá ayəpú bımetsıá mótó á, mlıméenya nkpa.” ³² Mó sv ıá akəpú amv beka əklən kusubi ámu əfée tın, há afú lətsvan mó náti.

³³ Əyi ıbá beke a, Paulo lóbwiı ıpa há amó fée əbée, bəgyıı ató. Əleblı əbée, “Kwasieda anyə són ní, atogyıhe mədınká mlı əwólı. Mlımókúgyı tətəəto. ³⁴ Nobwiı ıpa há mlı, mlıgyı ató ngya, ménı mlımóowu. Mlıtə əkuku nwunsu-ımi kule kúrúá mófwi.” ³⁵ Paulo lótı tá á, əlele bodobodo ipın, dá Bulu ıpán amó fée ansıtó, əlemaın kv wá gyı bı. ³⁶ Inu anıtə okugyıkə lówa klən gyı ató. ³⁷ Anı ahá lafanyə aduesienó-sie (276) bə ntsusu-yibi ámutə. ³⁸ Bréá amó fée begyi ató alá bétalı á, bele ayó ámóú ıbv ntsusu-yibi ámutə ámu fée wá əpətə, há ntsusu-yibi ámu ləta odwin.

Ntsusu-yibi Amv Bwiebwıe

³⁹ Bréá əyi deké a, agyómá ayəpú ámu bowun ání əpv amv bámbı lowıe əsləbv kusv, táme bıməbı otsubúnə oduá igyi. Inu bəbwe agywun bəe bəkan ntsusu-yibi ámu ya ınu. ⁴⁰ Mó sv bekaaá sımpı ámu tıntın wa əpətə. Besankı ntsusu-yibi ámu mpai é. Móbú bətsu tati yılé ámóú isian ntsusu-yibi ámu ansıtó ámu fóa, fla afú ámu, bəpv bəyó əpv ənó. ⁴¹ Táme ntsusu-yibi ámu ləyódu ınesısv, sıın ınu, əpv amv ləda wólı əklən amv əma máın-máın mó.

⁴² ıá akəpú ámu bəbwe agywun bəe bómə obu adıpú ámu fée, ménı əkuku məepıtı dalı, srı. ⁴³ Táme amó əhande léklé ání əbóhə Paulo nkpa. Mú sv əməha amó əkpa ání bımósú obu adıpú ámu. Táme əlebláa amó əbée, əhagyıəha ání əbétalı á, otúu wie əpv amutə, əpıtı dalı. ⁴⁴ Əma a, əleha

atráhe amu é bədu dínká ntsusu-yibi ámu afənsu yówie ogbémgbesu. Amó fée begyi mbala ámuəsu, bəyo ogbémgbesu inu.

28

Malta Wuluto Asón

¹ Aní fée anilédinká ogbémgbe aməsu. Ōma asa anlébi aní əpu nsiné əsolóu kuá buətéí mó Malta ni. ² Nyankpu détswíe, su atsali bu inu. Táme inu atsiápó amu begyi aní buale dódá ogyá əpu ənó inu há aní, aní fée anlétsiá mó asi. ³ Paulo lékpa ngyayibí əbée aməpəwa ogyá ámuəto. Sáa ibe bu mótó. Ogyá ámu okunkúu su ibe ámu lótswi yi Paulo əbiweto. ⁴ Bréá inu atsiápó amu bowun aní iwə ámu yí mu a, bebláa aba beə, “Ahá əməpó oyin ánfí gyí. Ibu mótó aní aladáli əpu aməto, táme aní əkpi ámuú ətebíti isu ámu médekle əbée otsiá nkpa.” ⁵ Inu Paulo lówunáa ibi, iwə ámu lékpa wíe ogyá, táme tətə móbwe Paulo. ⁶ Amó fée besi bulí budekí. Buki beə Paulo obópunya, ntée əbétin wu. Táme bréá belí wá əpá tətə méba a, beladámli amó agywun blí beə, “Əkpi əku əhá ánfí gyí.”

⁷ Əhande əku bu əsolóu ku əpu nsiné inu. Mu dá gyí Publio. Ōləhə aní atúu, kpá aní ya mu wóyító, anilétsiá mu wá nkensá kéké. ⁸ Alí bré ámuəto á, owísó lakítá əhande amu mu si, mu iwito latú; əda. Paulo léyekí mu, ələpu ibi dínká muəsu bəmpái há mu, iwí ləwa mu ənlun. ⁹ Mú əma a, bəpu aləpəwá buəbu əsolóu aməsu fée ba, Paulo létsa amó ilo. ¹⁰ Anilétsiá inu tsra asa, inufə ámu bəwa aní numnyam, kíe aní ató tsətsəotsə. Bréá anidénatí á, bəpu atóá ibéhián aní əkpatə fée sí aní əkpa.

Roma Wuluto Yo

¹¹ Anilóyo əpu ənó yótsu ntsusu-yibi kuá ilatsiá inu nyankpotswíebi amu fée. Itsú Aleksandria wuluto. Besré atabí akwá bugyi ikpi yi ntsusu-yibi ámu ansító. ¹² Aniléyelí əpu nsiné əsolóu ku osubúno, buətéí mó Sirakus, anlétsiá inu nkensá. ¹³ Tsú inu á, anilóbomli tsən bowie wúlu yilé kuá buətéí mó Regiosu. Mó əyi kehe a, afú ku ləwa tsúəbni bu tsu ayasi fón. Nkenyó əma a, anilóyowie osubúno kuá buətéí mó Puteoli. ¹⁴ Aniléfia ahógyipu aku inu. Bokokóli aní beə, atsiá amó wá nkensiénó. Anilókusó tsú inu á, anilóyo Roma wuluto. ¹⁵ Apíó aní buəbu Roma wuluto bonu aní abá. Mú su amótó aku beba ibiá ogyíkpa, buətéí inu Apia. Aku é beba ətnekwá buətéí inu Afəó Əswíkpa Asa, ibu əkpatə befia aní. Bréá Paulo lówun amó á, mu ansí legyi, ələda Bulu ipán.

Bulu Asón Əkanda Roma Wuluto

¹⁶ Bréá anilóyowie Roma wuluto á, Roma aban léha Paulo əkpa aní əbətali yétsiá ətínéá odekle, táme isá əkəpó əku obógyo mu iwí brégyibré.

¹⁷ Əke sáási a, Paulo léti Yudafo ahandéá buəbu inu fée fia. Mú əbebláa amó əbée, “Mí apíó, ibu mótóá mməpu laləhe kəkukə gyi mí əmátəfo, mmeyintá aní anán amándíe kəkə é. Táme aní ahandé aní buəbu Yerusalem bekitá mí ya Romafə. ¹⁸ Bəyo mí asóntó á, tekí bekleá bési mí, tsúfə bomowun tsitsa kəkə mí iwí asa beə buəwó mí. ¹⁹ Táme Yudafo ámu buəmotsulá aní busii mi. Amó buwéhé su nəkuli əkpa mbée, Roma Owie Dehen onutó ogyí mí asón. Megyí beə mbu mí əmá iwí asəansu. ²⁰ Mú su natí mli fia ni. Tsúfə əhá ámuú Israelfə buəde mu əkpa kí amu só nda ikan anfitə.”

²¹ Amó é bebláa Paulo beə, “Animókóhə əwoló kəkə tsú Yudea əmátó tsú fə iwí. Aní apíó Yudafo ámuəto əkəkə é mókótsu inu bebláa aní ason laləhe kəkə tsú fə iwí. ²² Táme ha aní abí fə agywun. Tsúfə aniyin aní ahá buətblí ason laləhe tsú Bulusúm əpasua ánfí fəbu mótó ánfí iwí ətinegyíətíné.”

23 Mú sɔ mva Yudafɔ ámu behɛ ekɛá bɛ́fia. Ekɛ ámu lɔ́ɓn a, Yudafɔ tsɔtsɔɔtsɔ beba befia Paulo wóyí inɔ. Paulo lɔ́tá kplá amó. Ɔlɔɔ Mose Mbla pú Bulu ɔ́nɔ́sú atɔ́ipú amɔ asɔn wanlínhé lé Bulu iwíegyi ámu iwí asɔ́ntɔ súná amó tsú nyanki pɔn owí. Ɔlɔɔ mbódí ání ɔ́bédamli amó abɔhɔ Yesu Kristo iwí asɔ́n ámusɔ gyi. 24 Amótɔ akɔ bohogyi, táme akɔ bɔmohogyi. 25 Amó wɔlɛwɔlɛ amɔ ɔ́nɔ mɔbwe kɔlɛ, bɔwa asɔ́n ámu príu bi. Táme Paulo létrá bláa amó asɔn kua kɔlɛ asa bɛdasáin. Ɔlɛbláa amó ɔ́bɛɛ, “Ɔhe Wankíhé lébláa mli anáin ɔ́nɔkwali amɔ tson Bulu ɔ́nɔ́sú ɔ́tɔ́ipú Yesaiasɔ. Ɔbɛɛ,

26 ‘Yɔ ahá ánfí wá afuyɛbláa amó fɛɛ,

Bónu lánú, táme bɔmóonu mó asi.

Béki láki, táme bɔmɛɛbi mú.

27 Tsúfɛ klɔntɔ bu amó odwin.

Batílá asɔ, bun ansíbi é.

Ní megyí ali á, tekí bówun atɔ

bónu asɔn,

amó agywɔin bóbwií.

Bédamli ba mí wá,

nétsa amó ilo.’”

28-29 Paulo lɔ́mɔ mɔ asɔ́n ɔ́nɔ́ ɔ́bɛɛ, “Mú sɔ ndekléa mlibú ání Bulu nkpahɔ́ asɔ́n ámu lawíé ahá ání bɔmegyi Yudafɔ é wá dodo. Amó mú bóhɔ asɔ́n ámu.”* 30 Paulo létsiá inɔ nfinyɔ kéké. Oletsiá mɔ onutó obu háihɛtɔ. Oletsiá hɔ afɔ́ ání beba bɛsináa mɔ fɛ́é. 31 Ɔlɔɔwa klɔn dá Bulu iwíegyi ámu iwí asɔ́n ɔ́kan, olosuná aní Wie Yesu Kristo iwí asɔ́n é ahá fɛ́é ansítɔ. Ɔhaa métin mɔ ɔ́kpa.

* **28:28-29** Mótɔ yée 29 bu nwulɔ́ dada amɔ akɔtɔ: Bréa Paulo lébli asɔ́n ánfí tá á, Yudafɔ ámu bɔkɔsɔ nátí, amó wɔlɛwɔlɛ bɔna bɔde asɔ́n ámu nwéɛn gyí.

ᾠωυλόά Paulo Lówanlín Sísí Romafó

¹ Mí Yesu Kristo osúmbi Paulo dé ᾠωυλό ánfí wanlín sísí mlí Romafó. Bulu léti mí ᾠéé, mbóbwε mu sumbí ᾠᾠpó. Ólεε mí yáí aní néda mu ason wankláán ámu okan.

² Bulu léhie ason wankláán ánfí yáí tson mu ᾠósó atáípósu dodoodo, bōwanlín mú wá mu ason wanlínhé amótó. ³ Ason wankláán ámu ílótáí tsú mu Bi, ogyi aní Wíε Yesu Kristo íwi. Anyánkpósa okpasu á, ólεin Owíε Dawid abusuantó. ⁴ Bulu léle súná aní lélé mu Bi ní. Ólótson ᾠhe Wankíhé túmitó kósóa mu tsú afúlitó. Múgyí aní Wíε Yesu Kristo. ⁵ Ina musu Bulu lawá awítale lé mí mu sumbí ᾠᾠpó, méní nékpa omá bámbásófó bóhó mu gyi, nú mu omε. ⁶ Mlí Romafó ánfí Bulu latí ᾠéé, mlibóbwε Yesu Kristo klé é mlibu mótó.

⁷ Iní su mí Paulo ndε ᾠωυλό ánfí wanlín sísí mliá mlibu Roma fée. Bulu lahíε dwé mli, tí mli, pú mli bwé mu ahá. Nde aní Sí Bulu mva aní Wíε Yesu Kristo kokóli mbéε, bogyíi mli buale, abuha mli iwilwii.

Paulo Bulu Ipánda

⁸ Gyankpapu a, nna Yesu Kristosu ndε mí Bulu ipán da mlitó okugyíokvo nwwunso. Tsúfε mli Kristo hóggyi so mli dá de ᾠyító fée. ⁹ Napó mí klun fée ndε Bulu sým tson mu Bi Yesu íwi ason wankláán okan ámóú ndεda ámósu. Obégyi mu adánsie aní ntekáin mli su brégyíbréá ndε mpái bō. ¹⁰ Ntetsiá kokóli mu ekekegyíεke mbéε, otsúla finki okpa ha mi, antali besúnáa mli nke ánfító. ¹¹ Tsúfε ídin mí ᾠwólíá mía mlinyó abéfia, méní nébeha mlénya ᾠhe Wankíhé atokiehé aní íbówa mli ᾠwónlín. ¹² Múá ndεblí gyí, ní nebá mli wá á, mí hóggyi bówa mli ᾠwónlín, mli klé é íbówa mí ᾠwónlín.

¹³ Mí apió, ndekléá neha mli bi aní nabwébwéébwé agywun aní nébesúnáa mli, táme tóku de mí okpa tíin bōfon ndε. Ndekléá néba mu bótáí kplá ahá, méní bóhó Yesu gyi, fé alíá nahá ahá bahó mu gyi omá bámbátó. ¹⁴ Iní gyí tóá ilehián aní nóbwε ahá féeótó nu. Ilehián aní nóbwε mó Griikifó pú óblíu bámbá ablípó, atiansupu pú aha mimláhe féeótó. ¹⁵ Iní so mí ansí lapé aní nébláa mli ahá aní mlibu Roma wúluto é ason wankláán ámu.

Bulu Ason Wankláán Amu Túmi

¹⁶ Bulu ason wankláán ámu ima mí péli. Tsúfε mógyí Bulu túmi aní ᾠεpuhó ᾠhagyíoha aní ólōhó Kristo gyi nkpa ní. Yudafó gyánkpá, asa ahá aní bomegyí Yudafó bōbuo. ¹⁷ Tsúfε ason wankláán ámótó Bulu léle alíá ᾠtóbwé oha yilé ᾠbwepó súná. Mú ᾠsó-así fée ilí hóggyisu. Iní Bulu ason wanlínhé amu léblí ní. “ᾠhá aní mu hóggyi so Bulu latsú mu aní mu asón da okpa obénya nkpa.”

Lakpan ᾠbwepú ᾠhagyíoha Gyí Bulu Ansító

¹⁸ Bulu léle mu óblí súná tsú ᾠsósó. Olenya óbló ahá aní bōtamanyá mu ifú, bōde lalahε bwε, bapó amó owuntólin bōde Bulu asón aní igyi ᾠokwalí okpa tíin. ¹⁹ Bulu ᾠébití amó ísu. Tsúfε tóá ilehián aní bēbi tsú Bulu íwi ida amó ansító dodo. Bulu onutó léle mó ᾠwan súná ámu. ²⁰ Ihu mótó aní ohaa tamawun Bulu túmiá ítamátá pú alá ogyi. Táme tsú bréá Bulu lóbwε ᾠyí ᾠpá á, Bulu tsiátó menjain. Tsúfε mu ató bwéhé lele mó súná wankláán aní ahá bétalí wun mó, póbí mu. Iní su ohaa má ᾠnó koku lé. ²¹ Bōyin Bulu, táme bōmōwa mu numnyam aní íletsíá mu, bōmōpu ípán koku é há mu. Mboún tóá ima asi bótógywíun tsu Bulu íwi. Bōtamatráa nu mu asón ámu

asi. Basin oklúnto. ²² Buteki amó iwí bεε betun ansí, táme bemimláa. ²³ Basí Bulu okiankparu amu tswi, yó bude ikpi ání buma nkpa súm. Bopwe amó, ntée sré amó fé nyankpusa ání otowú, ntée mbubwi, ntée mbwí pú awó aku.

²⁴ Iní so Bulu ladámli oma há amó, basí bude ató laláheá bodeklé tsu amó klontó bwe, amóa amó aba bude iwí supáa. ²⁵ Butamatráa ho Bulu onakwali amusu gyi. Asón ání uma mótó mboún bodehógyi. Iní so bayó bude Bulu ató bwehé mboún súm, sí ató féé Obwepó ámu onutó. Kanfó letsíá mu bré féé! Amen.

²⁶ Amó bwehé ánfí so Bulu lédamli oma há amó, buna bude hakpanla bwe. Amó atsi kóráá besi ayin wá di, fé alíá ida yáí, amó wolewole buda aba wá. ²⁷ Alí kén ayin é besi atsi wá di fé alíá butóbwe mú yáí, buda aba wá ní. Hakpanla anfi bwe so Bulu lébití amó iso ání lekanáa ha amó, bude mú wúun ní.

²⁸ Iníá bakíná Bulu bí so á, Bulu ladámli oma há amó, bude asokpan susúu, bude tsá uma aleá oha obóbwe bwe. ²⁹ Lalahe sósón bu amótó. Iku gyí; lakpanbwe, opotsuawa, olu, onsípe, ahámó, mblikpée, ahámlé, agywun laláhe bwe pú ahátsíi. ³⁰ Ahá onótin, Bulu asónkiná, atómábú, iwítsú, iwí adábi da. Lakpan okpagyáa, akwípóso kusólí. ³¹ Butamagywún, butamagyí amó ason blíhésu. Butamadwé ahá, butamawun ahá nwe. ³² Iníá boyin ání Bulu mbla ámu losuná ání oha ání otsíá atsiábi anfi odu obówu óó á, megyí iní ánfí nkole budebwe. Butráa bude lalahe abwepó é ateto-onlin wa dínká mósó.

2

Bulu Tamaki Oha Ansító

¹ Iní so fóá fútsie fúde fú aba ilá le, fuma onó kuku lé Bulu ansító. Tsúfé fúde aku ilá le, táme fúde mú odu kén bwe. Mú so ní fúde amó ilá le á, iwí pón fúdeha. ² Anyin ání Bulu obéha ahá ání bude iní odu bwe ipón. Anyin é ání mu asón da okpa. ³ Mú so ní fúde ahá ilá le lakpan ání fú onutó fúdebwe so á, bí ání Bulu é obéha fú ipón. Fuméetali kolu dalí mu ibi. Ntée fumeyín alí? ⁴ Bulu lalé mu yilé pú mu awítale owan súná fú, alanyá klun há fú, táme fumobu mu. Ntée fumeyín ání alíá fédamli klontó yínki ba mu wá so alalé mu awítale súná fú? ⁵ Táme klontó bu fu odwin, asoto bu fu onlin. Mú so isutobití ání ida gyo fú ekeá Bulu Onakwalipw obégyi asón itráa démoní tsía. ⁶ Bulu obéka ohagyícha iko mu bwehé onó. ⁷ Aku bapó ansí dínká ání bénya numnyam, idayilé pú nkpa ání itamatá. Mú so banyá klun bude yilé bwe ekekegyíeke. Amó Bulu obéha nkpa ání itamatá ní. ⁸ Táme akvá bubu onsípe, bakíná onakwali amu pú yilébwe, bubuo lalahe mú á, Bulu obópw oblé gyi amó asón, bití amó iso wankláán. ⁹ Ason wunhe móa iwíwsin béba lalahe abwepó féésó. Ibégyankpá tó Yudafó, asa íbótu ahá ání bumegyí Yudafó. ¹⁰ Táme Bulu obówa yilé abwepó numnyam, há amó iwílwii, trá ha amó ayé. Obégyankpá há Yudafó, asa íbótu ahá ání bumegyí Yudafó. ¹¹ Tsúfé Bulu tegyi asón onakwalisu, otamakí ohaa ansító.

¹² Ahá amóó bumeyín Mose Mbla ámu, bude lakpan bwe ámu óó bófwí. Táme Bulu móppw mbla ámu gyi amó asón. Ahá amóó boyin mbla ámu asa bude lakpan bwe ámu mú á, Bulu obélí mbla ámu so há amó ipón. ¹³ Tsúfé megyí ahá ání boyin Mose Mbla ámu asón da okpa Bulu ansító. Mboún ahá ání butegyí mósó. ¹⁴ Ibo mótóá ahá amóó bumegyí Yudafó bumeyín Mose Mbla ámu. Táme ní amó onutó bude mbla ámu so gyí a, budesuná ání boyin yilé móa lalahe amó klontó. ¹⁵ Amó bwehé ánfí desuná ání Bulu lówanlín mbla ámu dínká amó klonsu. Amó klun de adánsie gyí ání lélé

bɔyin mó. Tsúfɛ bré kɔtɔ á, amó agywun tehá amó ipón, bré kɔtɔ é á, itehá amó asu. ¹⁶ Alí kén íbɛba ɛke ámóú Bulu ɔbótsun Yesu Kristosu gyi tóá ahá babwé n̄áintɔ iwí asón ní. Alí Kristo iwí asun wankláán ámóú nde mó ɔkan da ámu idesuná ní.

Yudafɔ Pó Mose Mbla

¹⁷ Fó fɛɛ Yudayin fɔgyi, fó ansí dɪn Mose Mbla ámɔsu, fódɛpu íbɪ sí kántó fɛɛ Bulu mu bi fógyi. ¹⁸ Fɔyin Bulu apé, tsúfɛ fakásí Mose Mbla ámu. Mó su fɔyin tóá íbu alé. ¹⁹ Fɔtɛkí fó iwí ansibi abwiepó ɔkpapó, fógyi fé ɔkandíe há ahá aní bɔmeyín Bulu, basin oklúntɔ. ²⁰ Fó fɛɛ fɔgyi aha mimláhe ansí ɔtínpu. Fétalí súná ahá aní bɔmeyín ɔlala tóá íbu alé. Tsúfɛ fatsúlá fɛɛ Mose Mbla ámu su fabí tógyító, fabí ɔnɔkwali kugyíkɔ é. ²¹ Táme íniá fódɛ ahá yilé suná á, ntogyi su fɔmóosuná fó iwí mó? Fódɛ ɔkan da bláa ahá fɛɛ bɔmáwi ató, táme fó onutó fɔdewí? ²² Fɛɛ bɔmáto mbua, táme fódɛ mbua to? Fɛɛ bɔmásum ikpi, táme futowí ɔkpiasi ató. ²³ Fɔtotsú iwí Mose Mbla ámu su, táme fɔtɛpán mósó. Iní su fódɛ Bulu kpóí. ²⁴ Bulu asun wanlínhé amu lébli ɔbéɛ, “Mlí Yudafɔ bwehé su ahá aní bɔmegyí Yudafɔ bɔde Bulu iwí asun laláhe blí.”

²⁵ Ní mlidé Bulu mbla ámɔsu gyí á, mli ketétín bu labi. Táme ní mlitamagyi mósó á, mligyi fé ahá aní bɔmetin keté. ²⁶ Ní ɔku métin keté, ɔde Mose Mbla ámɔsu gyí a, ogyi fé keté ɔtínpu Bulu ansító. ²⁷ Mlí Yudafɔ mliyin mbla ámu, tsúfɛ bɔwanlín mó tswí mli, betin mli keté é, táme mlitɛpán Mose Mbla ámɔsu. Mó su ɔhá aní ɔmetin keté kóráá, táme ɔde mbla ámɔsu gyí ɔbéɛ mli ilá. ²⁸ Tsúfɛ megyí keté ɔtínpu gyí Yudayin onutó. Ketétín onutónutó bu ínu. Megyí ɔyulósu ketétín keke. ²⁹ Ní ɔku gyí Yudayin onutónutó á, mu klontɔ tósúná. Ketétín onutó itsú klontɔ. Bulu ɔhé ámu tóbwé mó, megyí mbla ámóú bɔwanlín tswí amɔsu gyí. ɔhá aní Bulu ɔhé ámu íletin mu keté á, Bulu onutó tékánfó mu, megyí nyankpɔsa.

3

¹ Mómó labi mɔmɔ Yudafɔ bɔbu dɔn ahá aní bɔmegyí Yudafɔ? Ntée labi mɔmɔ ketétín bu? ² Íbu mótóá labi ámu ihíé itsó! Gyankpapu gyí, Bulu lópu mu klɔnsu asón wá Yudafɔ íbɔtɔ. ³ Íbu mótó aní amótó aku bɔmɔhɔ Bulu asón ámɔsu gyí. Táme amó tsiátó anfi odu íbétalí há Bulu obési tóá ɔlehe aní ɔbóbwe lóó? ⁴ ɛkekekeke! Megyí alí igyi! Ní afunupu ahá fée bɔgyi óó á, Bulu mó á, ɔnɔkwali pu ogyi. Igyi fé ahá Owíe Dawid lébláa Bulu ɔbéɛ, “Ní fɔtói á, ahá bɔbli beɛ fó asón igyi ɔnɔkwali.

Ní begyi fó asón é á, bɔbli beɛ fó asón da ɔkpa.”

⁵ Ní aní tsiátó laláhe lalé Bulu tsiátó wankláán súná á, mómó ní ɔde aní ísu bití aní tsiátó laláhe su á, nkálí abéblí? Abéblí aníaa, Bulu má ɔkpa bití aní ísu? (Nyankpɔsa asun blíhé ndeblí á.) ⁶ ɛkekekeke! Ima mótó alí. Ní Bulu asón mɛda ɔkpa á, nkálí obégyi ɔyító ahá fée asón?

⁷ ɔku ɔbéfité ɔbéɛ, ní mí ɔnɔkwali mawá lalé súná aní Bulu bu ɔnɔkwali, ílatsú mu dá fúá á, mómó ntɔ sɔ Bulu ɔbétrá ha mí pón ɔbéɛ lalahe ɔbwepó ngyi? ⁸ Ní igyi alí á, mómó ntɔ sɔ aníméblí aníaa, “Mlíha abwe lakpan, fówun Bulu tsiátó wankláán ílun ɔwan?” Fé alí ámóú aku bɔde mí ɔnɔ tun beɛ, nna ndeblí ámu. Bulu ɔbéha amó ipón alíá ílekanáa.

ɔhaa Megyí Yilé ɔbwepó

⁹ Nkálí mɛe abéblí pómó mó ɔnɔ? Mó su aní Yudafɔ anidɔn ahá ámóú bɔmegyí Yudafɔ ámu lóó? ɛkekekeke! Anímódun amó ɔkpagyi ɔkpasu. Nablí

bɔtsɔn mbée, ikɔle Yudafɔ pɔ ahá á múú bomegyi Yudafɔ ámu fée bugyi. Tsúfée lakpan lagyi ámu féesú. ¹⁰ Bulu asón leblí ɔbée,

“Ŋhaa asón meɗa ɔkpa Bulu ansító. Ŋbakóle kóráá méɗali mótó.

¹¹ Ŋhaa tamanú Bulu asón asi;
ɔhaa tamadúnká Bulu ɔkpa.

¹² Amó fée badámlí ɔma há Bulu,
ámú fée bafwí.

Yilé ɔbwepó ɔkɔkɔ má inu. Ŋbakóle kóráá méɗali mótó.”

¹³ Bulu asón ámu létrá blí ɔbée,

“Butekle asokpan blí.

Bɔtɔpú amó ɔnó mlé ahá.

Amó ɔnótó asɔn blíhé tɔmó fée iwɔ elín.”

¹⁴ Bulu asón ámu létrá blí ɔbée,

“Uwí pɔ asɔn-sɔnsin blí bɔtegyi dɔ.”

¹⁵ Ŋletrá blí ɔbée,

“Ahámɔ ma amó ɔpá.

¹⁶ Ŋtinegyiɔtínéá bɔna á, bɔɗe ahá yintá, bɔɗe ahá ipiantɔ wa.

¹⁷ Bomeyín ɔkpa ání itɔpú iwílwii ba.”

¹⁸ Bulu asón ámu kɔ é leblí ɔbée,

“Bɔtamanyá Bulu ifú.”

¹⁹ Séi á, aniyin ání asóngyiasón ání Mose Mbla ámu losuná á, ida ha Yudafɔ á múú bɔpɔ mbla ámu há ámu. Mú sɔ ɔkɔkɔ méenya ɔkpa lé asɔnsɔ ɔnó bréá Bulu dé ahá fée asón gyí. ²⁰ Tsúfée Mose Mbla ámu sɔ gyí méetalí há ɔha ogyi asɔ Bulu ansító. Há mbla ámu itehá anitebí ání lakpan abwepó anigyí.

Alá Ŋha Tegyi Asɔ Bulu Ansító

²¹ Séi á, Bulu lasúná ɔkpa ání ɔtatsɔn mósú há ɔha asɔ. Imená Mose Mbla ámu sɔ gyisɔ. Táme Mose Mbla ámu pɔ Bulu ɔnósú atɔpú amɔ asɔn wanlínhé leblí ɔkpa ámu iwí asón yáí. ²² ɔkpa ámu gyí ɔkpa ání Bulu tɔtsɔn há ɔha asɔ mu ansító ní. Yesu Kristo hógyisɔ Bulu tɔtsɔn hɔ ɔhagyíɔha. Ma fɔgyi o, ma bomegyi o, nkónɔ fotsú o, nkónɔ fumotsú o, ɔhaa mótsɔn ɔtsan Bulu ansító. ²³ Tsúfée ahá fée babwé lakpan. Mú sɔ bahóli Bulu numnyam. ²⁴ Awítɔle Bulu lawá há aní. Mú sɔ nyankpɔsa abégyi asɔ mu ansító ní. Awítɔle anfi ina Kristo Yesusɔ. Muléka nyankpɔsa nɔwunsɔ ikɔ. ²⁵⁻²⁶ Anyánpósa bɔɗe lakpan bwe tsú bré ɔpá, támé Bulu lénya klɔn há amú, ɔmebití amú isɔ. Séi á, Bulu labɔpɔ Yesu bó afɔɗie, pɔ mu obugya lé aní iwí mbusuo, méní abótɔn mu hógyisɔ nyá lakpansikíé. Bulu lóbwé mú alí pósúná ání mu asón da ɔkpa, méní ibósuná nke ánfítɔ ání yilé ɔbwepó ogyi. Ototsú ahá ání bɔhɔ Yesu gyi ání amú asón da ɔkpa mu ansító.

²⁷ Séi mé, tɔkɔ bu inɔvá abótɔsu iwí mósú? Tɔtɔ má inu. Ntogyi sɔ anuméetalí tsú iwí? Mose Mbla ámu sɔ lóó? O-o! Aní hógyi sɔ anuméetalí tsú iwí.

²⁸ Megyi atɔ wankláán á múú Mose Mbla losuná aní bwe ámu sɔ anitegyi asɔ Bulu ansító. Ina Kristosɔ hógyisɔ abégyi asɔ Bulu ansító. ²⁹ Yudafɔ nkɔle Bulu ógyi? Megyi ahá ání bomegyi Yudafɔ mú Bulu ogyi? Ee! Amú é amú Bulu ní. ³⁰ Bulu ɔkɔle pé bu inu. Mú sɔ ina hógyisɔ olotsulá ání Yudafɔ asón da ɔkpa. Ina hógyi kénsú ɔlɔhɔ ahá á múú bomegyi Yudafɔ ámu é ání amú asón da ɔkpa. ³¹ Mú sɔ ilehián ání abóhɔ Yesu gyi, sí Mose Mbla ámu sɔ hógyi lóó? Ekekéke! Megyi alí igyi. Yesu hógyi téhá anitekítá mbla ámu tɔ kinkíínkin.

4

Abraham Iwi Asɔn Lasɔnd Alɔ Hɔgyi Bv Labi

¹ Sɛi á, amansu anɔ Yudafɔ abɛblɔ tsu anɔ nɔn Abraham iwi? Ntɔ olowun tsu Bulu aháhɔ asɔn ánfɔ iwi? ² Ní yilɛbwe sɔ Abraham légyi asu Bulu ansítɔ á, múmú ɔbu tɔ́á ɔ́bɔ́pɔtsú iwi, támɛ megyi Bulu ansítɔ. ³ Nkálɔ Bulu asɔn wanlínhé amu léblɔ? Ɔlɛblɔ ɔ́bɛɛ, “Abraham lóhɔ Bulu gyi. Mú sɔ Bulu lótsu mu ání mu asɔn da ɔkpa.” ⁴ Ní ɔku ɔ́yɔ agyómá á, bɔteká mu ikɔ. Megyi atokiehé ikóká amu gyi. Igyi tɔ́á ilehián ání obénya tsú mu agyómá yɔ́tɔ. ⁵ Támɛ megyi ahá bwehé sɔ, mboún amú hɔgyi sɔ Bulu totsú amú ání amú asɔn da ɔkpa. Tsúfɛ Bulu téhá lakpan abwepú ání bɔhɔ mu gyi bɔtegyi asu mu ansítɔ. ⁶ Owie Dawid léblɔ oyúla asɔn ánfɔ kén dodo. Ɔlɔtɔ́ tsú ahá ání Bulu mékɔ amú bwehé asa olotsu amú ání amú asɔn da ɔkpa iwi. Ɔlɔwanlín mú wá Bulu asɔn ámɔtɔ ɔ́bɛɛ,

⁷ “Bulu layúlá ahá ání alasi amú lakpan kíé amú,
alagyóra amú!

⁸ Ahá ámú Bulu lasi amú lakpan kíé amú, ɔ́mɛɛtrá kaín músó amú bégyi ɔ́dwe!”

⁹ Keté atínpu nkɔle bú ɔ́dwegyi anfi Owie Dawid dé mú iwi asɔn blɔ ánfɔ? O-o! Ahá ámú bɔmɛtin keté ámu é bɔbɔ mótɔ. Kain ání anɔlakla asɔnku Bulu asɔn wanlínhé amɔtɔ. Anɔ, “Abraham lóhɔ Bulu gyi. Mú sɔ Bulu lótsu mu ání mu asɔn da ɔkpa.” ¹⁰ Bré mɔmu Bulu lótsu mu ání mu asɔn da ɔkpa? Ɔlɛtin keté asa ló? Ekɛkɛkɛ! Bulu lótsu mu ání mu asɔn da ɔkpa dododo. ¹¹ Ɔma-ɔma asa ɔ́lɛbetin keté púhɛ mu nsu. Ilosuná ání mu hɔgyi sɔ Bulu lótsu mu ání mu asɔn da ɔkpa. Inɔ sɔ ogyi fé ahá ámú bɔmɛtin keté, támɛ bɔhɔ Bulu gyi, Bulu lótsu amú ání amú asɔn da ɔkpa ámu. Mú sɔ ogyi amú féé ɔ́sɔ ní. ¹² Ogyi keté atínpu amu é ɔ́sɔ. Tsúfɛ megyi amú ketétin sɔ, mboún amú Buluhɔgyi sɔ. Fé alɔ ámú Abraham lóhɔ Bulu gyi asa betin mu keté ámu.

Tɔ́á Bulu Léhiɛ Yáí Mu Ahɔgyipɔ

¹³ Bulu léhiɛ Abraham mɔa mu abí-aná ání ɔ́yítɔ féé ɔ́bɔbwe amú klɛ. Megyi bɛɛ Abraham légyi Mose mblasu, sɔ Bulu léblɔ asɔn ánfɔ. Támɛ ínɔ ɔ́bɔhɔ Bulu gyi, Bulu é lótsu mu ání mu asɔn da ɔkpa mu ansítɔ sɔ. ¹⁴ Ní ahá ání bɔde Mose Mbla ámɔtɔ obégyi Bulu atɔ́ á, múmú ɔ́ha Bulu hɔgyi igyi kpaali. Bulu nhɔhié há ɔ́ha é ma labi kɔku. ¹⁵ Tsúfɛ Bulu ɔ́blɔ mbla ámu teti. Támɛ ní mbla má mu á, mblatɔ́n é ma mu.

¹⁶ Mú alɔ sɔ ina hɔgyisɔ ahá bɛtalí nyá atɔ́á Bulu léhiɛ yáí há amú. Atokiehé ámú ɔ́bɔpɔhá Abraham abí-aná ámu ɔ́bɛda amú ibi. Megyi ahá ání bɔtegyi mblasu nkɔle bú, támɛ ahá ání bɔhɔ Bulu gyi fé Abraham é. Tsúfɛ Abraham gyi anɔ féé ɔ́sɔ. ¹⁷ Fé alɔ ámú Bulu asɔn wanlínhé amu ɔ́lɛblɔ ɔ́bɛɛ, “Nápú fú bwe ɔ́má tsɔtsɔtsɔ ɔ́sɔ ámu. Abraham gyi anɔ féé ɔ́sɔ Bulu ansítɔ.” Tsúfɛ olohogyi ání Bulu téhá awupú nkpa, ɔ́tɛhá tɔ́á ma mu yáí itɛba mótɔ fé tɔ́á mu yáí. ¹⁸ Bréá tɔ́tɔ má muvá Abraham ɔ́bɔpu mu ansɔ́ dínká músó á, ɔ́bɔhɔ Bulu gyi ání ɔ́bɔbwe mu ɔ́má tsɔtsɔtsɔ ɔ́sɔ alɔ ámú ɔ́lɛblɔ yáí ámu. Bulu lébláa mu ɔ́bɛɛ, “Fú abí-aná bɛklei fé ntsrakpabi.” ¹⁹ Alɔ bré ámɔtɔ á, Abraham lahɔ nfi lafakɔle (100). Mú sɔ aladan tsɔn kwíísɔ. Alɔ kén mu ka Sara é ɔ́kwíipúni lawú, ɔ́mɛɛtrá kwíí ní. Oyín ínɔ féé, támɛ ɔ́mekpa mu hɔgyi ɔ́ma. ²⁰ Inɔ féé ɔ́ma a, omegyɔ́ nwéɛn ɔ́bɛɛ, itɔ́ ámú Bulu léhiɛ mu amu ɔ́mɛɛba mótɔ. Mboún ɔ́lekítá mu hɔgyitɔ kinkínkín, ɔ́lekanfú Bulu mú sɔ. ²¹ Tsúfɛ ɔ́hié oyín ání Bulu ɔ́bɛtalí bwe itɔ́ ámú alahíé há mu amu. ²² Mu hɔgyi anfi sɔ Bulu léblɔ ɔ́bɛɛ, mu asɔn da ɔkpa ní. ²³ Megyi mu

nkɔle sɔ bɔwanlín wá Bulu asón ámɔtɔ beɛ, “Bulu lótsu mu ání mu asón da ɔkpa.” ²⁴ Aní é, aní sɔ bɔwanlín mú. Ní anilóhɔ Bulu gyí a, obótsu aní aní aní asón da ɔkpa. Mɔgyí ɔhá aní ɔlɔkusúa aní Wíe Yesu tsú afúlitɔ. ²⁵ Aní lakpan só Bulu léha beɛ mu há bɔmɔ mu. Bulu lókusúa mu tsú afúlitɔ, ménu obótsu aní é aní aní asón da ɔkpa.

5

Isvgyí Bulu Ansító

¹ Aní hógyi só Bulu latsú mó aní aní asón da ɔkpa. Mó sɔ aní Wíe Yesu Kristo lalá ania Bulunyɔ nsiné. ² Hógyi sɔ ɔkpa lafinkí há aní ngya. Iní aní Wíe Yesu só Bulu awítɔle anfi laba aní sɔ, anilapó hogyi nyá ɔlúkpá ngya a, ihíé bɔ aní ɔdwe. Tsúfé anidín ansí aní abébenya mu numnyam amu kv. ³ Ansí itráa de aní gyí aní anidé ipian wúun. Tsúfé ipian téhá anitɔwá nsi. ⁴ Nsiwa téhá anitebí tsíá alá ilegyi Bulu ansí. Ní abí tsíá alá ilegyi mu ansí á, abédinká ansí mɔsɔ. ⁵ Ansí pɔdínká Bulusɔ mééha péli méékítá aní. Tsúfé Bulu lótsɔn Ɖɣe Wankíhé amóú ɔlɔpɔhá aní ámɔsɔ pɔ mu ɔdwe wá aní klɔntɔ.

⁶ Bréá anitráa anigyí lakpan abwepú, animá ɔwɔnlín á, Kristo lóbowu há aní lalahɛ abwepú bréá Bulu onutó léhiɛtɔ. ⁷ Ní ɔkv asón da ɔkpa kóráá á, íbɔwa ɔnlun asa ɔkv obótsulá wú há mu. Fíalí ɔha yilé mó á, ɔkv ɔbɔwa klɔn wú há mu. ⁸ Táme tóá ilosuná aní Bulu tɛhíé dwé aní gyí, bréá anigyí lakpan abwepú á, ɔleha Kristo lóbowu há aní. ⁹ Ina Yesu Kristo obugya amóú ilɔwólí así ámɔsɔ Bulu lési aní lakpan kíé aní, tsú aní aní aní asón da ɔkpa. Kristo sɔ ɔbéle aní kokooko. Ɖméɛbití aní isɔ lakpan abwepú isɔ-ɔbitíké amu. ¹⁰ Teki Bulu alupó anigyí. Táme tsóɔn mu Bi ámu lowusɔ á, alabwé aní mu anyawíe kláklá. Iní anilabwé mu anyawíe sɔ á, ɔbɔhɔ aní nkpa kokooko. Tsúfé Kristo é bɔ nkpa. ¹¹ Megyí mó wɔle. Móá itráa dɔn kóráá gyí, anidé ɔdwe gyí. Tsúfé aní Wíe Yesu Kristo lalá ania Bulunyɔ nsiné. Mó sɔ anilabwé Bulu anyawíe.

Adam Mva Kristo

¹² Adam nkɔle bwɛhé sɔ lakpan léha ɔyító. Mu lakpan ámu só lowu léba ɔyító. Iní sɔ lowu lénya túmi ɔhagyíɔhasɔ, tsúfé ahá fée babwé lakpan. ¹³ Lakpan bɔ ɔyító asa Bulu lópu mu mbɔla ba Mose. Táme bréá Bulu mókópú mbɔla ámu ba mu a, olobun ansíbi lakpansɔ. ¹⁴ Tsú Adam brésú bɔtɔ Mose brésú lowu legyi iwíe anyánkɔpúsa féesú. Ibo móttɔ aní bɔmɔtɔn mbɔla koku fé Adam, táme amó é bowu.

Akú alá Adam léklé ɔlan ɔmapɔ amu. ¹⁵ Adam ná ɔtsan há Yesu Kristo. Tsúfé Bulu awítɔle amu megyí fé Adam lakpan ámu. Adam nkɔle lakpan só ahá fée bowu. Táme Yesu Kristo nkɔle awítɔlewa sɔ Bulu laláwá awítɔle, pɔ mu atokiehé há ahá tsɔtsɔtsɔ. Mu atokiehé ámu ibɔ bíá dɔn lowu ámu. ¹⁶ Tóá anyánkɔpúsa benya tsú Bulu atokiehé ámɔtɔ ina ɔtsan há tóá benya tsú Adam lakpan ámɔtɔ. Mu lakpan kɔle pé amu léha ɔhagyíɔha légyi pón Bulu ansító. Múlópɔ lowu ba, táme lakpan tsɔtsɔtsɔ ɔma a, Bulu atokiehé kɔle pé léha Bulu lótsu ahá fée aní amó asón da ɔkpa mu ansító. ¹⁷ Ɖbakóle lakpan sɔ lowu légyi iwíe ahásɔ. Táme alá Bulu lahíé wá awítɔle há ahá ibɔ wánwan. Alatsɔn Yesu Kristo nkɔlesɔ tsú aní aní aní asón da ɔkpa, ania mɔnyɔ abégyi iwíe aní nkpatɔ fée.

¹⁸ Iní sɔ alí amóú ɔbakóle lakpan sɔ Bulu léha ahá fée pón ámu a, alí kén ɔbakóle yilébwɛ sɔ Bulu lahá ahá fée bagyi asɔ mu ansító, alahá amó nkpa aní itamatá é ní. ¹⁹ Alí amóú ina ɔbakóle asɔtɔ-ɔnlun sɔ ahá fée bemlí lakpan

abwepɔ́ ámu a, alí kén ina ɔ́bakóle obú sɔ Bulu obótsu ahá tsɔtsɔɔtsɔ́ ání amó asón da ɔ́kpa ní.

²⁰ Bulu lópu mbla ámu ba, méní ahá bówun lakpan ání buɔɔbwe wankláán. Táme bréá lakpan dékleí á, Bulu awítale é idekleí tsía. ²¹ Lakpan légyi ahásɔ, ileha ahá bowu. Alí kén Bulu lawá awítale tsú ahá ání amó asón da ɔ́kpa mu ansító ní. Iní lahá ahá batsɔn aní Wíe Yesu Kristosɔ nyá nkpa ání itamatá.

6

Kristo Sɔ Aníbu Nkpa

¹ Nkálí abéblí séí? Ilehíán ání abóyo aní lakpanbwe sɔ, méní Bulu awítale bómoní tsía? ² Ekekekeke! Igyi fé anílawú, mó sɔ lakpan ma túmí aní sɔ. Ntogyi sɔ abétrá tsía bwé lakpan? ³ Bré ámú bɔbɔ aní asú ámu a, ania Kristo Yesunyɔ anílbwe kɔle. Mliyin mó alí? Alí bré ámú á, ania Kristonyɔ lówu, ⁴ bopolá aní, tsúfé ania mɔnyɔ anílabwé kɔle. Mó sɔ alí ámú aní Sí Onumnyampɔ amú lókɔsɔ́a mu tsú afúlitɔ ámu a, alí kén aní é abétsiá itsiá pɔpɔwɔ ní.

⁵ Mó sɔ iníá ania mɔnyɔ anílbwe kɔle mu lowutɔ á, alí kén ania mɔnyɔ ló bwe kɔle mu kɔsú tsú afúlitɔ é ní. ⁶ Mliɔ́ aní bréá beda Yesu mántá oyikpalíhe amɔsɔ á, mu a aní tsiátɔ́ dada amú lówu, méní anímétrá bwe lakpan nkpábi. ⁷ Tsúfé ní ɔha owú á, ɔtamatráa bwe lakpan. Lakpan má mɔsɔ túmí. ⁸ Iníá ania mɔnyɔ anílawú sɔ á, aníbu hógýi ání ania mɔnyɔ abétsiá nkpa. ⁹ Aníyin ání Bulu lókɔsɔ́a Kristo tsú afúlitɔ. ɔmétrá wu ekekeke. Lowu itráa ma mɔsɔ túmí. ¹⁰ Yesu lówunáa wu ɔtsáwɔle, méní ɔ́bélé lakpan inɔ. Táme iníá ɔtsie nkpa á, ɔtsie ha Bulu. ¹¹ Mli é mlíkí mli iwí ání mlílawú há lakpan, amlíde mli iwí le mó túmí asi. Mlitsia nkpa ha Bulu, tsúfé mlía Kristo Yesunyɔ mlílabwé kɔle.

¹² Iní sɔ mlímáha lakpan igyi mli nyankpɔsa-oyí ání ibówu ání sɔ, méní iméha ɔwólí laláhe igyi mli sɔ, amlí bwe t́á ideklé. ¹³ Mlímápu mli nyankpɔsa-oyí iwí ató há lalahé bwe. Mboún mli pu mli iwí féé ha Bulu, fé ahá ání alakósá amú tsú afúlitɔ ba nkpatɔ, ɔpu mli bwe t́á ida ɔ́kpa. ¹⁴ Ima aláá lakpan ɔ́bétrá gyi mli sɔ, tsúfé séí mlítráa mlímá Mose Mbla ámu asi. Bulu awítale asi mboún mli bu.

Yilébwe Nkpábi Anígyi

¹⁵ Iní ɔma a, amansɔ abéblí? Ibu aláá abétrá bwe lakpan séí ání ánimá mbla ámu asi, aníbu Bulu awítale mboún asi? Ekekekeke! ¹⁶ Mlíméyín ání ní mleba iwíasi há t́kɔ, mlídé mó apé bwe, mlídé mó súm fé mli wíe a, mlílabwé mó nkpábi? Ní mleba iwíasi há lakpan á, mó mó mlówu, táme ní mleba iwíasi há Bulu á, mlégyi asɔ mu ansító. ¹⁷ Mlílóbwe nkpábi há lakpan bré kɔtɔ. Séí á, mlílapú mli klɔn féé hɔ atosunáhé amú bapóhá mli ámu, mlídé mósú gyí. Mó sɔ nde Bulu ipán da. ¹⁸ Bulu lahá mlílagyi iwí le lakpan ibítɔ, mlílabwé nkpábi há yilébwe. ¹⁹ Alíá íbóbwe mlónu asón ání asi, sɔ napó nkpábi tsiátɔ́ nde mli suná. Bré kɔtɔ á, mlílbwe mli iwí nkpábi há hakpan móa lalahé bwe. Alí kén ilehián ání mlílbwe mli iwí nkpábi ha yilébwe, méní mlí sɔn yi ní.

²⁰ Bré ámú mli gyi nkpábi há lakpanbwe ámu a, yilébwe má túmí mli sɔ. ²¹ Labi mɔmu mlílénya tsú lakpan ámú mlílbwe, nde íbu mli péli amú tɔ? Mó labi gyí lowu. ²² Táme séí mó á, Bulu lahá mlílagyi iwí lakpanbwe túmí asi. Mlílamlí mu nkpábi. Labiá mlénya tsú mótó gyí; mlétsiá tsiátɔ́ ílɔfɔn yi, nyá nkpa ání itamatá. ²³ Tsúfé lakpanbwe íkóká gyí lowu, táme Bulu

atokiehé gyí nkpa ání itamatá. Mó òbɔpɔgyi anɪ bɔale tson ania anɪ Wíe Kristo Yesu ikòlɔbweɔ ní.

7

Mbla Amu Itráa ma Túmi Akristofɔsv

¹ Mí apíó, mlɪ fée mlɪyin Mose Mbla ámu. Mlɪyin ání bréá òha tsie nkpa á, òbɔ mbla asi. ² Fée ní òtsi tsia okúlu, mɔ kulu amu mókówú á, òbɔ mɔ kulu amu asi. Táme ní mɔ kulu amu owú a, alagyi iwɪ, okúlu wóyí mbla kòkò itráa medé mɔ. ³ Mó alɪ sɔ ní mɔ kulu amu mókónyá wú, òdálɪ mɔ òma a, alató mbɔa. Táme ní mɔ kulu amu owú mó á, òtráa òma okúlu wóyí mbla asi. Mó sɔ ní òláyétsiá oyin bámbá á, òmàkótó mbɔa. ⁴ Mí apíó, alɪ kén igyi há mlɪ ní. Mlɪ é bréá mlɪdìhò Kristo gyi a, mlɪa mɔnyò mlɪlòwu. Mó sɔ mlɪtráa mlɪmá Mose Mbla asi. Séi á, mlɪlabwé òhá ámúú Bulu lókúsóa tsu afúlító ámu klé, ménɪ mlòbwe yilé há Bulu. ⁵ Tsúfée bréá anɪbɔ anɪ tsiátó dada amɔtò á, mbla ámu léha anɪ òwólɪ laláhe legyi anɪsɔ. Mó sɔ anɪlòbwe tóá itòpó lowu ba. ⁶ Táme séi mó á, Bulu lahá anɪlagyi iwɪ tsú mbla ámúú tekɪ anɪbɔ mó asi ámu ìbitò. Ania Kristonyò lówu. Mó sɔ mbla ámu itráa ma túmi anɪsɔ. Anɪlagyi iwɪ, anɪdé Bulu súm tson òkpa pɔpwe ání Òɲe Wankíhé dé anɪ sunású. Megyi òkpa ání mbla wánlínhé amu lósuná anɪsɔ.

Mbla Amu Mɔa Lakpanbwe

⁷ Mó sɔ anɪdéblɪ aniaa, itò laláhe Mose Mbla ámu gyi? Ekekeke! Mbla ámu ìbéha abébi tóá lakpan gyí. Tekɪ ní mbla ámu imeblɪ òbé, “Mápe ansí fú bá atósú” a, tekɪ mmebi tóá gyi ònsípe. ⁸ Ina alɪ mbla ání sɔ lakpan lénya òkpa pú ònsípe kugyíku wá mító. Tsúfée ní mbla ámu má inu á, tekɪ lakpan má túmi mísú. ⁹ Mí onutó netsiá bré kòtò, mmebi mbla ámu. Táme bréá nɛbebi mó á, nowun ání napán músú. Lakpan òbwepó ngyi. Mó sɔ nówu. ¹⁰ Nowun ání mbla ámúú nkɪ mbéé, ìbéha mí nkpa ámu lópu lowu ba mɪ. ¹¹ Tsúfée lakpan lénya òkpa tson mbla ámu sɔ mlé mí, mó mí.

¹² Tsiátó mbla ámu mó á, tsitsa kòkò ma mó iwɪ. Mó nhɪhé kugyíku lɔwankí, ìda òkpa, ìbɔ alé é. ¹³ Mó sɔ idesuná ání Bulu mbla ání ìbɔ alé ání lópu lowu ba mɪ? Ekekeke! Megyi alɪ ígyi. Lakpan lótsɔn itò wankláán ámu sɔ pú lowu ba mɪ. Ina mbla ámu sɔ lakpan léle iwɪ súná ání itépi ma alé.

Atád Idekò Nyankpɔsɔtò

¹⁴ Anɪyin ání òɲétó ató mbla ámu gyi, támé mí mó á, nyankpɔsa ngyi. Nabwé lakpan òkpábi. ¹⁵ Mmetálɪ bí mí tsiátó, tsúfée megyi tóá ndeklé ntòbwé, tóá mmedéklé mboún ntòbwé. ¹⁶ Ní tóá mmedéklé ndebwe mó á, natsúlá ání Mose Mbla ámu ìbɔ alé. ¹⁷ Idesuná ání megyi mí dé alɪ ató ání bwe. Mboún lakpan túmiá ìbɔ mɪsɔ téhá ntòbwé mó. ¹⁸ Nyin ání bré ání mɔ mí tsiátó dada anftò á, itò wankláán kòkò má mító, tsúfée nyankpɔsa ngyi. Ntekleá nòbwe yilé, támé nakásíán. ¹⁹ Mmedé yiléá ndeklé bwe. Lalahé amúú mmedékléá nòbwe ámu mboún ndebwe. ²⁰ Ní nde lalahé amúú mmedékléá nòbwe ámu bwe á, mómó idesuná ání megyi mí onutó dé mó bwe. Mboún lakpan túmi ámúú ìbɔ mítò ámu dé mó bwe.

²¹ Mó sɔ nawun ání mbla ání lagyi mɪsɔ. Ní ndekléá nòbwe yilé á, lalahé kóún ntòbwé. ²² Tsúfée nhíé ndekléá négyi Bulu mbla ámu sɔ tsú mí kluntò. ²³ Táme ntowun ání mbla kɔ dé mbla ámúú ìbɔ mí kluntò ámu isá kò, gyi músú, bwé mí lakpan òkpábi. Ìlahá lakpan ámúú ìbɔ mítò ámu ìde mí bwehé kugyíku sɔ gyí. ²⁴ Kɪ ipian kpònkpònkpòntiá mbɔ mótó! Ìlapú mí ìya lowutò. Ma òbéle mí tsú mótó? ²⁵ Táme anɪ Wíe Yesu Kristo sɔ nde Bulu ipán da ání alalé mí!

Mí klɔntɔ mó á, tekɪ ndekléá nóbwe Bulu mbala ámu ɔkpábi. Táme tsiátɔ laláhe amóú ɪbu mitɔ ámu lahá nabwé lakpan ɔkpábi mbóun.

8

Nkpatsiá Dínká Bulu Ɖhé Amu Asónsɔ

¹ Ɔni su séi á, Bulu méétrá ha ahá áni amóá Kristo Yesunyɔ babwé kole ɪpón. ² Tsúfé Kristo Yesu su Ɖhé Wankíhé túmi áni ɪtehá nkpa lahá anlagyi ɪwɪ tsú lakpanbwe móa lowu ɪbitɔ. ³ Mose Mbala ámu metálí lé anɪ tsú anɪ lakpantɔ. Tsúfé anɪ tsiátɔ dada amóú ɪtehá anɪtɔbwé lakpan ámu imeha animégyí mbala ámu atosunáhésu. Táme Bulu lótsun ɔkpa pɔpwesu hɔ anɪ. Ɖlɔwa mu Bi onutɔ lébá fé nyankpɔsa áni ɔtɔbwé lakpan, táme mu mó ɔmɔbwe lakpan. Bulu lótsun mu lowusu mó anɪ tsiátɔ dada amóú lakpan legyi mósú ámu. ⁴ Ɖlɔbwe mó alɪ, ménɪ ní anɪbuo Ɖhé Wankíhé amu a, abétalí tsiá tsiátɔ wankláán amóú tekɪ mbala ámu lósuná ámu, animéétrá tsiá anɪ tsiátɔ dada amu. ⁵ Tsúfé laláhe ahá áni tsiátɔ dada amóú ɪtɔbwé lakpan ide amósú gyí butɔgywíun. Táme ahá áni bubuo Ɖhé Wankíhé amu a, tɔá Ɖhé ámu tekle butɔgywíun. ⁶ Ɖhá áni lakpan lagyi mu tsiátɔsu tenyá lowu tsú móú. Táme ɔhá áni Ɖhé Wankíhé lagyi mu su mó tenyá nkpa móa iwílwii. ⁷ Tsúfé ɔha áni lakpan lagyi mu tsiátɔsu tolú Bulu. Ɖtamagyi Bulu mblasu, tsúfé ɔméetalí gyi mósú ekekeeke. ⁸ Ahá áni lakpan lagyi amó tsiátɔsu buméetalí gyi Bulu ansí.

⁹ Táme Bulu Ɖhé bu mlɪtɔ lélé. Mó su mlɪméétrá tsiá mlɪ tsiátɔ amóú lakpan legyi mósú ámu. Mlɔbwe tɔá Ɖhé Wankíhé amu tekle. Ní ɔku má Kristo Ɖhé ámu a, omegyí mu kle. ¹⁰ ɪbu móúá lakpan su mlɪ nyankpɔsa-oyí ání obówu. Táme ní Kristo bu mlɪtɔ á, mlɪ ɔkláa bu nkpa. Tsúfé Bulu latsú mlɪ áni mlɪ asón da ɔkpa mu ansítɔ. ¹¹ Bulu lókusúá Kristo tsú afúlitɔ lélé. Mó su ní mu Ɖhé bu mlɪtɔ á, mómu ɔbótsun Ɖhé ámu su há mlɪ nyankpɔsa-oyí amóú ɪbówu ámu nkpa pɔpwe.

¹² Ɔni su mí apíó, imehián áni abétrá tsiá anɪ tsiátɔ dada amu, bwé tɔá anɪ ɔwólí laláhe tekle. Mbóun lehián áni abóbwe tɔá Ɖhé Wankíhé tekle. ¹³ Tsúfé ní mlétsiá mlɪ tsiátɔ dada amutɔ á, mlówu tsítsá. Táme ní mlɔtsun Bulu Ɖhé ámu su kíná mlɪ nyankpɔsa-oyí ámu apé bwe á, mlétsiá nkpa áni ɪtamátá. ¹⁴ Tsúfé ahá áni bahá Bulu Ɖhé de amó kpa gyí Bulu abí. ¹⁵ Megyí Ɖhé áni ɪbéha mlɔbwe nkpábi, tsiá nyá ifú Bulu lópuwá mlɪtɔ. Mbóun Ɖhé ámu lóbwe mlɪ Bulu abí. Ɖhé ámu su anɪtetálí su kpolí Bulu anɪaa, “Abba, mí Sí!” ¹⁶ Ɖhé ámu totsúlá há anɪ áni lélé á, Bulu abí anɪgyí. ¹⁷ Ní Bulu abí anɪgyí á, mómu anɪgyí mu atɔ agyípo. Anɪa Kristonyɔ obégyi mu atɔ. Tsúfé ní awun Kristo ɪpian ámu ku á, mómu abénya mu numnyam amu é ku.

Numnyam Aní Abénya Ekekú

¹⁸ Ní nekɪ numnyam áni ida gyo anɪ, Bulu ɔbéle súná anɪ á, ɪpian ání anɪdewúun bré ánífɔ ɪmɔfɔn mó ɔtɪnetɪne. ¹⁹ Bulu atɔ bwehé féé buhíé bude ɔkpa kí ha ekeá Bulu ɔbéle mu abí numnyam ɔwan. ²⁰ Tsúfé Bulu atɔ bwehé féé lasí ida keke. Megyí mó onutɔ apé igyi. Mbóun mlɔbwe mó alɪ, ɪha mu atɔ bwehé féé ɪki ɔkpa ²¹ áni ekekú á, ɔbéha amó féé bégyi ɪwɪ, buméétrá yintá ekekeeke. Mu atɔ bwehé ámu ɪbénya mu abí ɪwɪgyí pó amó numnyam amu ku. ²² Anɪyin áni bɔtu nde á, Bulu atɔ bwehé féé ide ɪwɪɔsin wúun. Idekɪmí fé alá ɪkwú todwíin ɔtsɪ. ²³ Megyí Bulu atɔ bwehé ámu nkole dékɪmí. Anɪ amóú alapó mu Ɖhé, igyi mu atokiehé gyankpau wá anɪtɔ ámu é anɪdékɪmí anɪ klɔntɔ. Anɪhíe anɪtsie anɪgyó ekeá Bulu ɔbéha anɪ nyankpɔsa-oyí ání obégyi ɪwɪ, ɔbóbwe anɪ mu abí. ²⁴ Tsúfé ɔkpakú anɪ su

ɔlɔhɔ anɪ nkpa. Butamakɪ tɔ́á fɔ́bɔ ɔkpa, tɔ́á fuma ɔkpa butekɪ. ²⁵ Ní anɪdɛ tɔ́á animá ɔkpa kú a, anɪtenyá klɔn tsíá gyo mó.

²⁶ Ɖɛ Wankihé amɔ tɛtsá anɪ anɪ pɔntɔ. Tsúfɛ anɪmɛyɪn alíá abókɔlɪ Bulu atɔ́, íbɛgyɪ mɔ anɪ. Ɖɛ́ ámu onutɔ́ tɛhíé kímí pókólí Bulu atɔ́ há anɪ, dɔn alíá anɪ onutɔ́ abétalí. ²⁷ Bulu yin ɔhagyíɔha klɔntɔ asón. Mó sɔ oyin mɔ Ɖɛ́ ámu agywuɪn. Tsúfɛ Ɖɛ́ ámu tokókólí Bulu há mɔ ahá alíá Bulu onutɔ́ dɛ́ mó klé.

²⁸ Anɪyin ání Bulu tɛhá tógýtɔ́ tɔ́wá alé há mɔ adwɛpú. Amógyí ahá ání mɔ onutɔ́ ɔletɪ mɔ nhɪhé ɔnɔ ní. ²⁹ Tsúfɛ ahá ámuú Bulu yin yaí ámu a, amó ɔlele. Ahá ámuú ɔlele ámu ɔletɪ ɔbée, bubélian mɔ Bi ámu. Fówun mɔ Bi ámu ɔbɔwɛ ɔdɛhɛn mɔ abí tsatsɔtsɔ. ³⁰ Ahá ámuú Bulu yin yaí dodo amɔ ɔletɪ. Ahá ámuú ɔletɪ ámu olotsu ání amó asón da ɔkpa mɔ ansítɔ. Ahá ámuú olotsu ání amó asón da ɔkpa ámu ɔlɔwa numnyam.

Yesu Bulu Ɖdwe Ɖwanle

³¹ Amansɔ anɪtráa anɪbɔ blí tsú íní iwɪ? Ní Bulu bɔ anɪ wá á, ma ɔbétalí kósó líí anɪsɔ? Ɖhaa má inɔ! ³² Bulu mékiná mɔ onutɔ́ mɔ Bi ámu si há lowu anɪ fɛé nwunsv. Olesi mɔ há faan. Nkálí sɔ ɔmóɔpɔ atɔ́ tráhe fɛé tsia mɔ Bi ámuɔ há anɪ? ³³ Ma ɔbétalí ká asón dínká ahá ámuú Bulu lalé ámuɔsv? Bulu lóó? Ekekekeke! Mɔgyí ɔhá ání alatsú anɪ ání anɪ asón da ɔkpa mɔ ansítɔ. ³⁴ Ma ɔbétalí há anɪ ipón? Ɖhaa má inɔ! Tsúfɛ Kristo Yesu gyí ɔhá ání olobowu há anɪ, Bulu lókɔsɔa mɔ tsú afúlito. Alayó otsie Bulu gɔɔpɪsɔ, ɔde mɔ kokólí anɪ nwunsv. ³⁵ Ma ntée ntɔ ɔbétalí títi anɪa Kristonyɔ nsɪné ɔdwɛtɔ? Asɔn wunhe lóó, ntée ikplán? Ní bɔdɪn anɪsɔ lóó, ntée akón? Yayá natí lóó, ntée lowu? ³⁶ Tsúfɛ bɔwanlín wá Bulu asɔn wanlínhé amɔtɔ beɛ, “Fú sɔ bɔde anɪ mɔ ekekegyíke.

Bɔde anɪ kú fɛ akúfa ání bapú bɛya ɔmákpá.”

³⁷ Táme íní fɛétɔ́ a, ɔdwe ámuú Kristo bɔ ha anɪ ámu sɔ anɪlagyi isɔ dáfa. ³⁸ Tsúfɛ nhíé nyin ání tɔtɔ méetalí ká ɔdweá Bulu bɔ ha anɪtɔ. Lowu o, nkpa o, Bulu-abɔpɔ o, túmí kugyíkɔá ítráa de iwíe gyí ɔsɔsɔ o, atɔ́a íbɔ nu séí pú móá íbɛba o. ³⁹ Tógýtɔ́a íbɔ ɔsɔ pú asɪ ntée ɔsolɔbɔ ayasɪ kokɔukɔ méetalí ká ɔdwe ámuú Bulu ladwé anɪ tsɔn anɪ Wíe Kristo Yesusɔ ámuɔtɔ ekekekeke.

9

Ahá Aní Bulu Lalé

¹ Mía Kristonyɔ anɪlabwé kɔle. Mó sɔ ɔnɔkwálí asón ndɛblí séí. Ɖɛ Wankihé dɛ mí kpa. Mó sɔ mí klɔn é de mí bláa ání mmɛdɛ afunu wa. ² Mí pɪ Israelfɔ sɔ asón ihíé de mí háan, ahómítíá umeká itin de mí. ³ Ní íbɔwa aléá nénya ílwí, mía Kristonyɔ nsɪné bɛyintá, méní bénya nkpa ání itamatá kóráá á, tɛkí nɔpɔ iwɪ há. ⁴ Mí pɪ Israelfɔ gyí ahá ání Bulu léle pɔbwé mɔ abí. Amó ɔlele mɔ numnyam súná. Ɖleka ntam há amó, pú mɔ mbla wá amó íbɔtɔ. Olosuná amó ɔkpa ání bɔpɔtswe mɔ. Ɖlebláa amó tɔ́á alahíé ání ɔbɔpɔhá amó fɛé. ⁵ Amó lélin tsu Israelfɔ anáin akpɔnkpɔntɪ ámuɔtɔ. Móá ídɔn kóráá á, amótɔ́ Kristo amɔ lébelɪn ɔsolɔbɔ anɪsɔ. Kanfú letsia Kristo, (ɔhá ámuú Bulu ladá mɔ ofúli amɔ), ogyi Bulu, atɔ́ fɛésɔ ogyípó amɔ bré fɛétɔ́! Amen!

⁶ Inɪ imosuná ání Bulu asón ámuú ɔleblí tswɪ amɔ ímɛɛba mótɔ. Tsúfɛ megyí Israelfɔ ámu fɛé gyí Israelfɔ onutónutɔ. ⁷ Megyí Abraham abí fɛé gyí mɔ abí onutɔ. Tsúfɛ Bulu lébláa Abraham ɔbée, “Isaktɔ fú abí-aná bédalu tsu.” ⁸ Inɪ lósuná ání megyí ahá ání bɔtsú Abraham abí fɛétɔ́ gyí Bulu ahá. Abraham abí-aná ámuú Bulu léhíe há mɔ amɔ nkɔle gyí Bulu ahá. ⁹ Tsúfɛ

tṣá Bulu léhiε Abraham gyí, “Néyinkí bá ofiébá seεεbre. Néba a, fú ká Sara lakwí obiyímbi.”

¹⁰ Megyí iní wole. Rebeka lókwí atabí há aní náin Isak. ¹¹ Táme bréá omakónyá kwí amó, abudan bi yilé ntée lalahebwε á, Bulu lébláa Rebeka amó iwí asón. Bulu lóbwε mó ali, méní íbósuná aní aní okpa ámóú ototsun móúsú hε ahá ámu imená aní bwehésó. Mboún ina mu nkole pé apé pó aliá otelé mu ahásv. ¹² Asa Rebeka obókwí nyebí ámu a, Bulu lébláa mu obée, “Odehen obósum okosv.” ¹³ Fε aliá bowanlín wá Bulu ason wanlínhé amoto beε, “Ntódwé Yakob don Esau.”

¹⁴ Séi á, nkálí abéblí? Abéblí aníaa, Bulu asón meda okpa lóó? Ekεεεεε! ¹⁵ Tsúfε Bulu lébláa Mose obée, “Ahá aní nówun amó nwe á, amó nówun nwe. Amóá nahíéá négyi buale a, amó négyi buale.” ¹⁶ Mó sv megyí oha apé ntée mu nsiwa Bulu teki. Mboún mu onutó nwewúun igyi. ¹⁷ Bowanlín wá Bulu ason wanlínhé amoto beε, Bulu lébláa Egypte owíε Farao obée, “Atoku anyo ánfí sv neyai fú iwíε, aliá nótsun fvsu lé mí túmi súná, pó aliá oyító ahá fée bónu mí dá, kanfó mí.” ¹⁸ Iní sv ní Bulu ohíε aní obówun oku nwe á, otowun mu nwe. Ní ohíε aní obéha oku obówa kluntó odwin é á, otéhá mu otówá kluntó odwin.

Bulu Obónya Pó Mv Ahá Nwewúun

¹⁹ Mliε oku obéfité obée, “Ní ali igyi ní mó á, ntogyi sú Bulu dé nyankpusa ipón ha? Ma obétalí tin Bulu okpa?” ²⁰ Táme nde mli fité mbée, fógyi ma aní fεle Bulu ílá? Olo obétalí fité mu opwepó obée, “Ntogyi sv fapwé mí ali?” ²¹ Aliágyialíá igyi á, ató opwepó tópo obón pwé tṣá odeklé. Obétalí pó obón ipin kole pwé nlonyo. Obópu kole bwé oló nu ntsu, kpá nsúó wá koleto.

²² Ali kén igyi há Bulu ní. Obo okpa lé mu obló súná, méní ahá bówun mu túmi. Táme olehiε nyá klon há ahá ámóú olenya obló amósú amv. Teki ulofon aní obéhi amó. ²³ Bulu bu okpa lé mu numnyam kpónkpóntí ámu owan ahá ámóú olele yáí aní obówun amó nwe, owa amó numnyam amosv. ²⁴ Anígyí ahá ámóú olele yáí ámu ni. Megyí Yudafó nkuletó olele ahá. Olele ahá aní bomegyí Yudafó akv é. ²⁵ Bulu léblí mu onósú otáípo Hosea owulótó obée, “Néti ahá ámóú teki bomegyí mí ahá ámu mí ahá.

Ahá ámóú teki ntamakle amó asón ámu obóbwe mí adwepó.

²⁶ Otíné ámóú teki nebláa amó mbée, ‘Megyí mí ahá mligyí’ ámu a, unfo néti mbée, ‘Bulu Okiankpapv abí’ ní.”

²⁷ Bulu onósú otáípo Yesaia lókplovn bláa Israelfó obée, “Ní Israelfó bekléi fε opv onó isí kóráá á, amótó ahá kpalobí pé nóhε nkpa. ²⁸ Tsúfε obísasv aní Wíε obégyi oyító ahá fée asón, búa mó wankláán.” ²⁹ Tsúfε Bulu onósú otáípo Yesaia légyankpá wanlín wá Bulu ason wanlínhé amoto obée, “Ní mí Wíε Bulu, túmi fée Owíε mési aní abí-aná akv yáí á, teki aní fée abéhi fε Sodom móa Gomorafó.”

Israelfó Bulu Máhogyi

³⁰ Nkálí anidéblí ngya? Anidéblí aníaa, ahá ámóú bomegyí Yudafó ámu bómabó mbódí koku, asa Bulu léha amó asv! Hógyi sú benya mó. ³¹ Táme Israelfó ámóú amó ansí lepe, bode mbla ámosv gyí, Bulu oha amó asv ámu bometalí. ³² Ntogyi sv? Tsúfε bomepe ansí pó hógyi dúnká mó. Uobwe amó fε mbla ámosv gyísv Bulu obótsun ha amó asv. Iní sv bosutiin “Ibwi ámóú itelé ahá dá” ámosv dida kpla. ³³ Ibwi ánfí iwí asón bowanlín wá Bulu ason wanlínhé amoto beε, “Bulu obée, ‘Mliki!

Ndepu Ibwi* tswi Sion wuluta.
Aha bɔsutiin ibwi amusu dida.
Peli meekita dhagyidha ani dldho mu gyi.' ”

10

1 Mi apio, ta ntekle mi klonta, pu mpa ani ndebo gyi, Bulu dldho mi aha Israelfo. 2 Netal gyi amu iwi adansie mbee, amu ansi lahie pe Bulusum iwi, tame bomeyin okpa ani botsun musu sum mu wanklaan. 3 Tsufe bomeyin okpa ani Bulu tatsun musu ha aha asu. Mu su beyiri iwi bude amu okpa dunka, menu begyi asu Bulu ansito. Mu al su bomeba iwiasu ha okpa amuu Bulu tatsun musu ha aha asu amu. 4 Onokwali amu gyi, Kristo loma Mose Mbla amu fee on. Mu su dhagyidha ani dldho mu gyi obegy asu Bulu ansito.

Nkpaɔɔ Bu Inu Ha Dhagyidha

5 Mose lowanlin tsu dhagyidha ani tekli mbla amu ani musu Bulu dldotsun tsu mu ani mu ason da okpa iwi dbee, “Dhagyidha ani otegyi mbla amusu dldotsun musu nya nkpa.” 6 Tame hogyisu bototsun gyi asu Bulu ansito. Bulu ason wanlinhe amu lebli dbee, “Mafite iwi fee, ‘Ma dudu yo ososo?’ ” (Fefite al a, ilosuna ani foyopu Kristo tsua ososo ba.) 7 Ntee fite iwi fee, “Ma debekli yo osolu ayasi?” (Fefite al a, ilosuna ani foyopu Kristo tsua afulito ba.) 8 Mboun ason ani Bulu ason wanlinhe amu lebli gyi, “Bulu ason amu uma ifo fu wa. Ibo fu onoto, ibo fu klonta dodo.” Ason amu gyi hogyi ason amuu anidibli amu ni. 9 Ni fobwii on bli fee, “Yesu gyi anu Wie,” fopu fu klun fee hogyi ani Bulu lokusa mu tsu afulito a, Bulu dldho fu nkpa. 10 Tsufe klun dha topoho Kristo gyi. Fowun Bulu obotsu mu ani mu ason da okpa. On e dha topubli dbee, Yesu gyi mu wie, menu Bulu dldho mu nkpa. 11 Alu ken Bulu ason wanlinhe amu lebli dbee, “Peli meekita dhagyidha ani dldho mu gyi ekekeke” ni. 12 Inu su imefahon ani Yudayin foyi, ntee bomegyi Yudayin. Tsufe owie okule pe asi amu fee bubu. Ddopu mu yilbwewe gyi aha ani bosu kpoli mu fee buale. 13 Alu ken Bulu ason wanlinhe amu lebli dbee, “Dhagyidha ani otosu kpoli anu Wie obenya nkpa” ni.

14 Tame nkali betali su kpoli dha ani buma ho mu gyi? Nkali betali ho dha ani buma konu mu iwi ason gyi? Nkali bonu mu iwi ason ni dhaa meda mu okan suna amu? 15 Nkali betali da mu okan suna amu, ni buma kowa amu? Bulu ason wanlinhe amu lebli dbee, “Ihie bu akile ani fowun ani dha dda beda Bulu ason wanklaan okan!” 16 Tame megyi Israelfo fee lldho Bulu ason wanklaan amu. Tsufe Bulu onoso dtopu Yesaia lowanlin wa mu owuloto dbee, “Mi Wie, dhaa moho anu ason blihe amusu gyi.” 17 Tame ason wanklaan amu teha btohogyi. Ina Kristo ason anfi blisu aha botonu mu ason. Mu nu so aha btoho mu gyi.

18 Mbee, bee nu bomonu ason amu? Bonu! Tsufe Bulu ason wanlinhe amu lebli dbee,
“Amu ome lawie oyito fee,
amu ason e lawie tsutsuutsu.”

19 Ntraa fite. Israelfo bomonu mu ason asi? Mda Mose leblaa amu gyankpapu gyi,
“Bulu dbee, ‘Nopu omda ani bomegyi Israelfo wa mli ansipepe.
Noyula omda mimlaha powa mli dld.’ ”

20 Bre bambato a, Yesaia lwa klun blaa amu dbee, “Bulu dbee,
‘Aha ani bumed mi dunka lementi mi.
Aha ani bomefite miso nele iwi owan suna.’ ”

* 9:33 Ibwi amu gyi Kristo.

21 Táme Israelfɔ ámu mú á, Bulu lébli amó iwɔ asón ɔbéɛ, “Inúá natéi ibito bré fée ání nǎhɔ amó atúu ó á, bɔtráa bɔde asɔtɔ-ɔnlɔn wa. Bɔmedé mí bu.”

11

Bulu Israelfɔ Nwewitun

1 Nde mli fité mbée, mú sɔ Bulu lakíná mu onutó ahá léle? O-o! Mí onutó ánfɔ óó Israelyin ngɔi. Abraham abí-anátó notsú. Benyamin abusuantó obí ngɔi. 2 Megyí bɛɛ Bulu lakíná mu onutó ahá amóú ɔlele amó yáí ámu. Mlikaun alɔ amóú Bulu ason wanlínhé amó lébli tswɔ ɔbéɛ, Bulu ɔnósú ɔtɔ́pú Elia lékla Israelfɔ iwɔ asón súná Bulu amusu. 3 ɔbéɛ, “Mí Wíé! Israelfɔ bamó fú ɔnósú atɔ́pú fée. Babwíé fú afɔdɛ-asubwi é fée. Uasí mí nkɔkónú nkɔle. Bɔdekléá bómɔ mí é.” 4 Bulu léha Elia mbuaɔ ɔbéɛ, “O-o! Megyí fú nkɔle lásí. Tsúfé nalé ahá mpím-sienó (7,000) ání bɔmɔkótswɛ ɔkpɔ Baal* kí há mí iwɔ.” 5 Alɔ igyí nde nke ánfɔtɔ é ní. Bulu lawá awɔtɔle lé Israelfɔ kpalobí akɔ yáí. 6 Ní alawá awɔtɔle lé aha akɔ á, mómó itráa megyí ɔha bwehé sɔ ɔbéle mu. Tsúfé ní una ahá bwehésó mú á, tekɔ mu awɔtɔle amó ilesian.

7 Mú nkálɔ ilegyí? Israelfɔ ibi meda itó amóú bɛɛ ansi bɔdedunká ámu. Amótó ahá kpalobí akɔá Bulu léle yáí nkɔle ibi léda mú. ɔleha atráhe bɔwa asɔtɔ-ɔnlɔn bréá ɔde ahá ti. 8 Bulu ason wanlínhé amó lébli ɔbéɛ, “Bulu léha ileln amó ɔwólɔ. Mú sɔ bótɔ nde bɔmetálɔ pú amó ansíbi wun ató, pú amó asɔ é nú asón.” 9 Owíe Dawid é lébli ɔbéɛ,

“Amó ɔdwe ogyíkpa íbwée mpósa abɔda mótó. Ibweé agbláa, ikpa kíta amó. Ibweé ima, abɔsrɛɔ dɔda mótó, íbwe ísɔbití ha amó.

10 Ansító iklún amó, ménɔ bɔmétrá wun ató.

Ha abɔtsia ipiantó bré fée.”

11 Mú sɔ ntráa ndefíté mbée, Yudafɔ basréi dɔda, bɔmétralɔ trá kɔsú? Ekekeke! Amó lakpan sɔ Bulu lóhɔ ahá ání bɔmegyí Yudafɔ nkpa. Fówun ɔpe amó ansí. 12 Séi á, anɔyin ání Yudafɔ lakpan sɔ ɔmá fée banyá atɔ wankláán. Amó dɔda lawá labi há ahá ání bɔmegyí Yudafɔ. Ní belányá nkpahó mú á, mómó labi ání ahá ání bɔmegyí Yudafɔ bénya ima blító.

Ahá Aní Bɔmegyí Yudafɔ Nkpahó

13 Ahá ání mliumégýí Yudafɔ, mli nde asón ánfɔ bláa ngɔa a. Kristo sumbí ɔɔpú ngɔi. ɔlɔwa mí sumbí mli wá. Mí gymagyihe legyi mí ansí. 14 Fíalɔ nétalɔ há mí ahá Yudafɔ ansí bɛɛ, fówun Bulu obénya ɔkpa hɔ amótó akɔ nkpa. 15 Bréá Bulu lédamlɔ ɔma há Yudafɔ á, leha ɔmá atráhe fée bɔbwe Bulu anyawíe. Ní igyí alɔ mú á, brégyíbréá Bulu ɔbóhɔ amó é á, íbɔbwe fée afúli fée bakósú tsú afúlitɔ.

16 Ní belé tɔkɔtɔ gyankpapɔ há Bulu igyí a, mómó itó ámu fée igyí mu kle. Ní Bulu bú oyí nlin á, idesuná ání oyí ámu abámbi é igyí mu kle. 17 Bekpalí oyí bámbi pú bambá tsá mósú. Yudafɔ gyí oyí ámu. Mli ahá ání mliumégýí Yudafɔ gyí bámbi bambá amóú bapú betsa mósú ámu, ménɔ mlénya oyí ámu tɔ ntsu wankláán ámu kɔ. 18 Mú alɔ sɔ á, mli mákɔ mlíaa mli dɔn oyí ámu onutó abámbi amóú Bulu lékpalí lé ámu. Mli mátsu iwɔ amó ansító, tsúfé oyí ámu nlin tamanu ntsu lé mli tɔ. Mli mbóun tonu ntsu lé mótó pódan.

19 Fíalɔ mli akɔ mléblɔ mlíaa, “Bekpalí abámbi amó, ménɔ anɔ é abénya oyíkpa.” 20 Ibo mótó alɔ. Itsú alíá Israelfɔ bɔmohogyi sɔ Bulu lékpalí amó tsítsá. Mli é mli hógýi sɔ Bulu lapó mli tsá mósú. Mú sɔ mli máha nwuntó

* 11:4 Baal gyí ɔkpɔ ɔkɔá ahá amóú begyankpá tsíá ɔsólɔv amusu asa Israelfɔ beba betsiá unu ámu bosúm.

ɪwa mli ɔdwe. Mliha ifú ikita mli. ²¹ Tsúfɛ Israelfɔ á múbɔ ɔgyi oyi á mú onotó abámbi kóráá bɔbwe lakpan, Bulu lébití amó ɪsɔ, mú mli? ²² Séi á, mlilawun ání Bulu bu awitɔle, táme mu asón bu ɔnlin. ɔbu ɔnlin ahá ání badida hógyitɔsɔ. Táme alawá awitɔle há mli. ɔbɔwa awitɔle há mli ní mli ansí din mɔsɔ. Ní megyí alí á, ɔbébití mli ɪsɔ mli é. ²³ Táme ní Yudafɔ á múbɔ besi mu hógyi amu beyinkí bɔhɔ mu gyi a, Bulu ɔbélapó amó tsá oyi á mɔsɔ. Tsúfɛ ɔbu túmi ání obéyinkía amó tsá. ²⁴ Mli ahá á múbɔ mlímégyí Yudafɔ á mú mú á, oyi laláhe bámbi mlígyí, bɔpɔ mli tsá oyi á mɔsɔ. Teki ima ɪnu alí. Israelfɔ mú á, oyi wankláán á mú onotó abámbi ɔgyi, bekpálí amó tsítsá. Mó sɔ amó yinkía yi mú yintisɔ móɔwa ɔnlin há Bulu.

Bulu Towun Ahá Fɛé Nwe

²⁵ Mí apió, asɔn nainhé ku bu ɪnɔ́á ndekléá mlibí, méní mlíméeki mli ɪwɪ ání mliletin ansí dubi. Asón á mú gyí, Yudafɔ á mú aku bɔbɔ asɔtɔ-ɔnlin. Bɔwa asɔtɔ-ɔnlin alu bɔfɔn bréá Bulu lahá ahá ání bomegyí Yudafɔ fɛé baba mu wá. ²⁶ Mó ɔma a, Bulu ɔbɔhɔ Yudafɔ fɛé nkpa. Bulu asón á mú léblí ɔbéé,

“Sion wúlutɔ Nkpa ɔhópɔ amu ɔbélin tsu.

ɔbéba beha Yakob abí-aná fɛé besi lalahé bwe.

²⁷ ɪnɪ gyí ntam ání néka há amó bréá néle amó tsú amó lakpantɔ ní.”

²⁸ ɪnɪá Yudafɔ á mú bɔmɔhɔ asɔn wankláán á mɔsɔ gyi sɔ á, bemlí Bulu alupó, méní ɪbɔ́wa labi há mli á múbɔ mlímégyí Yudafɔ á mú. Táme ɪnɪá ɔgyi ahá ání Bulu léle sɔ a, amó anáin sɔ otekle amó asón. ²⁹ Ní Bulu ɔlé ɔku ntéé ɔpó mu atokiehé há ɔku á, ɔtamatráa tse mu agywun. ³⁰ Bré kɔtɔ á, mli ání mlímégyí Yudafɔ ání mlímóbu Bulu. Táme séi á, Yudafɔ bɔmedé Bulu bu. Mó sɔ Bulu lawun mli nwe. ³¹ Alí kén Bulu ɔbéba bɔwun Yudafɔ á múbɔ bɔmedé mu bu á mú é nwe fɛ alí alawun mli nwe ní. ³² Tsúfɛ Bulu lótsu mú ání ahá fɛé bɔbɔ asɔtɔ-ɔnlin, alí ɪbɔ́bwe obɔ́wun amó fɛé nwe sɔ.

Mliha Akánfɔ Bulu

³³ ɔo, mliki Bulu awitɔle wɔle! Mu nyánsa pó mu asónbɪ ma ɔka! Ma ɔbétalí bí mu ɔkpa pó mu asóngyítɔ? ³⁴ Bɔwanlín wá Bulu asɔn wanlínhé amɔtɔ beé,

“Ma yín aní Wie nwuntɔ?

Ma ɔbétalí súná mu asón? ɔhaa má ɪnu.

³⁵ Ma lápú tɔku há mu, ɔde ɔkpa kíá ɔbélaka mu ikɔ?”

³⁶ Bulu lóbwɛ tógyítɔ. Mubó tógyítɔ. Tógyítɔ bu ɪnu há mu. Kanfó ɪbwéé mu kle bré fɛétɔ. Amen!

12

Tsiátá Bɔtɔpɔsum Bulu

¹ ɪnɪá Bulu híé ɔde aní nwe wúun alí sɔ á, mí apió, nde mli kokóli mbéé, mlipɔ mli ɪwɪ fɛé ha Bulu mli nkpatɔ. ɪbwéé fɛ igyí aható wankíhé ha mu. ɪnɪ gyí osum ání itsú klɔntɔ, ilegí mu ansí ní. ² Mlímáha ɔsulób anífo atsiábi igyí mli sɔ. Mliha Bulu ɔtse mli agywun, ɪha mli tsiátɔ tse. Fówun mlétalí bí ání Bulu apé bu alé, ɪbu ɔdwe, ɪɔfɔn.

³ Bulu agyómá á múbɔ alawá awitɔle póhá mí á mɔsɔ nde mlitɔ okugyíɔku bláa mbéé, ɔhaa máki mu ɪwɪ dáfá alíá ogyi. ɔhagyíɔha ɔbá ansí asi, ɔki ání ɔmɔdɔn hógyi amóbulu Bulu lapóhá mu amu. ⁴ Nyankpɔsa-oyí ɪwɪ ató aní fɛé angyí. Ntóbí amɔtɔ kugyíku bu mó gyɔma ání itegyí nyankpɔsa-oyí á mɔsɔ. ⁵ Alí kén ɪbu mútɔ ání anítsó, táme aní Kristonyɔ anilabwé ɔsulób

okole ni. Mú su anigí ntabí ɔtsan-ɔtsan ání anítsátsáa abasu, anilóbwe ɔyulú okole amu. ⁶ Bulu atokiehé ámúb ɔleha aní ámu ina ɔtsan-ɔtsan. Ilehían ání aní fée abópu mu atokiehé ámu yó agyómá ató ámúb ɔleha aní ámu ɔnó. Mú su ní oku atokiehé gyí Bulu ɔnó asónblí á, óhá ámu ɔbwée mú alíá mu hógyi losuná mu. ⁷ Ní oku klé gyí mu aba ahógyipu buá a, ɔbúa amó. Ní oku klé gyí ató suná á, osúna mú. ⁸ Ní oku klé gyí ahá ateto-ɔnlun wa á, ɔwá ahá ateto-ɔnlun. Ní oku é klé gyí ató kie á, ɔlé iwitɔ okie mú. Ní oku klé gyí ahá ɔnó lí á, ɔwáa nsi ɔbwe mú. Ní oku klé é gyí ahá nwe wúun a, ɔbwée mú ɔdwetɔ.

⁹ Mlidwe ahá tsu mli klontɔ. Mlikisi lalahɛ kugyíku. Mlikita yilébwetɔ kinkíinkín. ¹⁰ Mliha mli ansí ipɛ mli aba Akristofó dwesɔ, amlibu aba wankláán. ¹¹ Mlimáha mli nsiwa bwé ató ɔnó iba asi. Mliha ɔɣɛ Wankíhé amu ɔwa mli ɔwonlín, amlisum aní Wíe. ¹² Mli ɔkpakí amu su mlyná ansigyí, amlilu kínkín mli ipiantɔ. Mlibɔ mpái bré féétɔ. ¹³ Mlibua mli aba Bulu ahá ání bubu ikplántɔ. Mliyiri iwí hɔ afóó.

¹⁴ Mliyula ahá ání buɔɔn mliɔ. Mliyula amó, mlimálwí amó. ¹⁵ Ní aku buɔɔɛ ansigyí nya á, mliá amónyɔ mlyná ansigyí. Ní aku buɔɔsú é á, mliá amónyɔ mliɔ. ¹⁶ Mli fée mliɔsia wankláán. Mlimátsu iwí. Mlipu iwí manta ahá ání ahá buɔtamabú amó. Mlimákí mli iwí ání mliɔn aku.

¹⁷ Ní oku ɔpó lalahɛ gyi mli á, mlimápu lalahɛ ká mu ikɔ. Mlibɔ mbóɔí amlibwe tóá ibu aléá ahá fée bótsulá dínká mósó. ¹⁸ Alíagyíalíá igyi mli mú á, iwílwí itsia mliá ɔhagyíɔha nsuné. ¹⁹ Mí apíó adwɛpú, mlimápu lalahɛ ká mli aba ikɔ. Mliɔ tógyítɔ ha Bulu. Tsúfɛ bɔwanlín wá Bulu asón ámɔtɔ bɛɛ, “Bulu ɔbée, ‘Mí, mli Wíe téká ikɔ. Mí ɔbéka ahá akɔ amó lakpan su.’ ” ²⁰ Bulu asɔn wanlínhé létrá blí ɔbée, “Ní akún de fú olupó á, ha mu ató ogyi. Ní ɔmewóli de mu a, ha mu ntsu onu. Ní ɔbwe mú alí á, ibéha péli békítá mu ɔbétse.”* ²¹ Mlimáha lalahɛ igyi mliɔ, mboún mlibwe yilé pógyi lalahɛsɔ.

13

Iwiasíá Ha ɔmá Akpapó

¹ Ilehían ání ɔhagyíɔha ɔbéba iwiasí há ɔmá akpapó. Tsúfɛ Bulu téhá ɔmá akpapó túmi. ɔmá akpapó ɔkoku má iwá megyí Bulu léyaí mu. ² Iní su ní oku ɔkósú líí ɔmá akpapó ɔkusu á, alakósú líí Bulu túmisu. Mú su ɔhá ámu dé iwíbití klé ha iwí. ³ Tsúfɛ ɔmá akpapó buɔmegyá yilé abwɛpú, lalahɛ abwɛpú bugya. Mú su ní buɔmedéklea funyáa ɔmá akpapó ifú á, múmú bwe yilé abukanfu fú. ⁴ Bulu osúmbi ɔhagyíɔha ání bapó mu yáí ɔmá ɔnó gyí. Mli yilé su buɔɔɛ agyómá yɔ. Táme ní oku dé lalahɛ bwe á, múmú obénya amó ifú, tsúfɛ buɔbu ɔkpa bíí ahá iwí. Bulu asúmbi bugyi, ɔleha amó ɔkpa ání buɔbití lalahɛ abwɛpú iwí ha mu. ⁵ Iní su ɔhagyíɔha ɔbá iwiasí ha ɔmá akpapó. Megyí bɛɛ buɔɔɛ ifú nya ání bébití amó iwí nkole su. Mboún amó klɔn dé amó bláa ɔbée, ilehían ání bóbu amó.

⁶ Iní kén sɔ ilehían ání mléka tswitswí é ní. Bulu asúmbi ɔmá akpapó bugyi. Bapó amó bré fée buɔɔɛ ɔmá sɔ kú. ⁷ Mlika ikɔ kugyíkuá idin mliɔ. Mlika tswitswí móa lampóó. Obú ɔkpasu á, mlibu amó fée. Ní igyi kanfú é á, mlikanfú amó fée.

Abadwe

⁸ Mlimákítá ɔhaa ikɔ dun mli abadwe. Ní oku dé mu aba dwe á, ɔde mbla ámu fée sɔ gyí. ⁹ Mose Mbla ámu léblí ɔbée, “Mátɔ mbua.” “Mámɔ ɔha.” “Máwí ató.” “Mápe ansí fú ba atósú.” Iní pú mbla tráhe amu fée nwun gyí

* 12:20 Igyi fée fakpá ogyá wóli mu ɔtántra.

mbla kule ámúú ìlèblí òbée, “Dwe fú bá fè fú iwí” ámu. ¹⁰ Ní òku dé mu ba dwe á, òmòpò laláhe gyi mu ekekeke. Iní sù òhá ání òtádwe mu aba lagyi mbla ámu féesú.

¹¹ Mli onutó mlyin bré oduátó anbu. Bré lafòn ání mlétsinkí, tsúfè aní nkpahó lafòn ta dùn bré ámúú anulégyankpá hò Kristo gyi amu. ¹² Onyé detsúùn, òyí lake ta. Mó sù mliha asi oklúntò bwehé fèé bwe, atsu aní òyí kehetò akòtò tsan. ¹³ Mliha aní tsiátó ibwe fè ahá ání butsie wankítò. Mlumáha ayinta aní bré yetsiá òdwe ogyíkpa, anidé atò dedé gyí, anidé ntá núu bu. Animáwa atsi móa ayin asún. Animáwa ònsípe, animátre kó. ¹⁴ Mboún mliwu aní Wíe Yesu Kristo tin mli iwí. Mlumátrá tsiá tsiátó dada amúú mli òwólí laláhe tekle amu.

14

Akristofɔ Ilále Ɔkpa Laláhesu

¹ Mliho mli aba Akristofá buma òwònlín hògyitò wa mliwò. Ní bée tòku bu alé ntée ima ale a, mlumágyi amú nwéen. ² Ɔku lóhogyi ání òbu òkpa gyi tógyító, táme òku é hògyi ònó ima ònlín. Mó sù òtamagyi iye. ³ Ɔkpa má uná òhá ání otegyi tógyító òbéle òhá ání òtamagyi tòku ilá. Alí kén òhá ání òtamagyi tòku é òmále òhá ání otegyi tógyító ilá ní. Tsúfè Bulu lahò amó. ⁴ Fúgyi ma ání fèha òku osúmí pón? Mu wie nkòle pé bùu òkpa ání òbéblí òbée, otsie wankláán ntée ometsie wankláán. Ɔbétalí tsiá wankláán, tsúfè Bulu òbétalí há mu òbétsiá wankláán.

⁵ Ɔku òbétalí blí òbée, eke ku dùn mó aba, òku é òbéblí òbée nke ámu fèé igyi kule. Ɔhagyiáha òyó mu kluntò wankláán, otsu móa ibu alé. ⁶ Ní òku òlé eke òku òbée igyi eke yílé á, òde mósó gyí pútsú Bulu fúá. Ní òku é tegyi tógyító á, òde mó gyí pútsú aní Wíe fúá. Ní òku é tamagyi iye a, mu é òde mó kisi pútsú aní Wíe fúá. Tsúfè amú fèé butedá Bulu ipán mósó. ⁷ Anitò òhaa métsie nkpa há mu iwí, anitò òkòku é móowu há mu iwí. ⁸ Ní anitsie nkpa á, anitsie ha aní Wíe. Awú é á, anilawú há mu. Mó sù ní anilawú o, anitsie nkpa o, aní Wíe bú aní. ⁹ Tsúfè Kristo lówu, yínkí kósó ba nkpatò, méní òbóbwe akiankparu pú awupú fèé Owíe. ¹⁰ Iní sù imehián ání fèha fú bá ipón ntée fèkí fú bá ansítò kótíkótí. Tsúfè aní fèé abéyélí Bulu ansítò, òbégyi anitò okugyiáku asún. ¹¹ Bòwanlín wá Bulu asún ámòtò bée, “Aní Wíe Bulu òbée,

‘Nanyá mbu nkpa ánfí á,

òhagyiáha òbéda akpawunu mí ansítò;

òhagyiáha òbéle blí òbée, Bulu ngyi.’ ”

¹² Mó sù anitò okugyiáku òbéle mu asún ònó Bulu ansítò.

Máha Fú Bá Ɔdida Mu Hógyitò

¹³ Mó sù mliha asi aba ilá le. Mboún abwéé agywun ání animòòbwe tótá òbèha aní bá òkòku méesrèí ntée dída. ¹⁴ Séí òniá namlí Okristoyin sù nabí ání atogyihe kòku má uná mu iwí metin. Táme ní Kristoyin òku lóhogyi ání tòku iwí metin a, mómó mu wá mó iwí metin. ¹⁵ Ní fótègyi tòku, òde fú bá háan a, mómó fú bwehé medé òdwe suná. Máha fú atogyihe iha fú bá ání Kristo lówu há mu òfwí. ¹⁶ Mó sù máha tóá fuyin ání òbu alé òbwe tsitsa ahá ansítò. ¹⁷ Tsúfè Bulu iwíegyi ámu imegyi atogyihe ntée atonuhe asún, mboún yilébwe, iwilwii pú ansigyí ání itsú Ɔhe Wankíhé amòtò asún igyi. ¹⁸ Ɔhagyiáha ání otosúm Kristo òkpa ánfisù á, mu asún tegyi Bulu ansí. Ahá é butobú mu.

¹⁹ Ini sɔ mliha anɔ ansí ɔpe tɔ́á ɔ́ɔpɔ iwilwii ba, ɔ́ɔ́wa apíó aba ɔ́wɔnlín hógyitɔ́sɔ brégyíbré. ²⁰ Máyintá Bulu gyumagyihe fɔ atogyihe sɔ. ɔ́kpa bu ɔ́nɔ́ abétalí gyi tógyítɔ́, táme ní ɔ́kɔ dé tɔ́á ɔ́béha mɔ ba ɔ́ɔ́bwe lakpan bwe mú á, uma alé. ²¹ Ní ɔ́kɔ tamagyi iye kɔ, ntée nu ntá ntée bwe tɔ́á ɔ́béha mɔ ba ɔ́bédida á, ɔ́bɔ alé. ²² Mó sɔ tógyítɔ́á fohogyi tsu ntobí ánfí ɔ́wí á, ha mú ɔ́bwe fɔ́á fɔ́ Bulunyɔ nsiné asón. Ní ɔ́kɔ opúni medé mɔ tsíí mɔ bwehésú á, múmó ɔ́kláa lawá mɔ ogyá. ²³ Táme ní mɔ klɔn medí mɔ así mɔ atogyihe kɔ gyí sɔ, ogyi mú á, Bulu lahá mɔ ɔ́pón dodoodo. Tsúfɛ́ mɔ ató ámɔ gyí melíí hógyisɔ. Tógyítɔ́á ɔ́ha mɔ́pɔ hógyi bwé igyi lakpan.

15

Ahá Ansísó Ató Bwe

¹ Ilehían ání anɔ ahá ání anɔ hógyi ɔ́nɔ́ bɔ ɔ́nlɔn abénya klɔn há ahá ání amó hógyi ɔ́nɔ́ uma ɔ́nlɔn. Megyí tɔ́á iletisiá anɔ wɔle ɔ́ɔ́bwe. ² Ilehían ání anɔ́ okugyíɔ́kɔ ɔ́ɔ́bwe tɔ́á ɔ́bɔ alé há mɔ ba, ménɔ́ ɔ́béha mɔ ɔ́bédan hógyitɔ́. ³ Tsúfɛ́ Kristo kúráá mɔ́bwe tɔ́á mɔ onutó otekle. Mɔ ɔ́wí asón bɔ́wanlín wá Bulu asón ámɔ́tɔ́ beɛ, “Asiabí ámú́ besia fɔ́ ámɔ́ fɛ́é ɔ́lebédinká mísú.” ⁴ Asón kugyíkwá bɔ́wanlín wá Bulu asón wanlínhé amɔ́tɔ́ tsú títutí a, bɔ́wanlín mú ání ɔ́bósuná anɔ ató, wá anɔ atetɔ́-ɔ́nlɔn, atomi lu kínkíínkín. Fówun abénya klɔn kí ɔ́kpa ha ató ámú́ anɔ ansí dín mú́sú ámɔ́. ⁵ Bulu téhá ahá bɔ́tenyá klɔn. Mutówá ahá atetɔ́-ɔ́nlɔn. Nde mɔ kulí mbéɛ, ɔ́há amlibwe kɔle, fɛ́ alhá Kristo Yesu lósuná anɔ. ⁶ Iní ɔ́béha mlí fɛ́é mlɔ́pɔ ɔ́me kɔle kánfó Bulu, ogyi anɔ Wíe Yesu Kristo mɔ Sɔ́ ámɔ́ nɔ.

Ahá Aní Bɔmegyi Yudafɔ Asɔn Wankláán Bláa

⁷ Iní sɔ mlihá aba atúu fɛ́ alhá Kristo lóhɔ mlí, ménɔ́ ɔ́ɔ́wa Bulu numnyam. ⁸ Tsúfɛ́ nde mlí bláa mbéɛ, Kristo labwé Yudafɔ osúmpú, ménɔ́ ɔ́bósuná ání Bulu obégyi mɔ tó ámú́ ɔ́lehɛ amó anáin amɔ́sɔ. ⁹ Kristo léba, ménɔ́ ahá ání bɔmegyí Yudafɔ bétí Bulu ɔ́dayilé, nwe ámú́ olowun amó ámɔ́ sɔ. Fɛ́ alhá Bulu asón wanlínhé amɔ́ ɔ́leblí. Asón ámɔ́ gyí, “Anɔ Wíe Bulu, ini sɔ nɔ́wa fɔ́ numnyam ahá ání bɔmegyí Yudafɔ ansító.

Nówa ɔ́b kánfó fɔ́.”

¹⁰ Bulu asón ámɔ́ létrá blí ɔ́béɛ,

“Mlí ahá ání mlimégyí Yudafɔ, mlíha Bulu ahá mlɔ́nya ansigyí!”

¹¹ Betrá wanlín beɛ,

“Ahá ání mlimégyí Yudafɔ fɛ́é, mlíkanfɔ anɔ Wíe Bulu.

ɔ́má fɛ́é abí, mlíkanfɔ mɔ.”

¹² Bulu ɔ́nɔ́sú ɔ́tɔ́ípú Yesaia é léblí tswí ɔ́béɛ,

“ɔ́ha ɔ́kɔ ɔ́béln tsu anɔ náin Yisai* abí-anátó.

Mɔ obébegyi iwíe ahá ání bɔmegyí Yudafɔsɔ ní.

Mú́sú bédinká ansí ní.”

¹³ Buluá bɔ́tektí ɔ́kpa há ogyi. Nde mɔ kokóli mbéɛ, ɔ́há ɔ́wí lwii mlí, ansí igyí mlí amlíhɔ mɔ gyi. Mɔ ɔ́ɔ́e Wankíhé ɔ́háa mlí túmi, ménɔ́ mɔ ɔ́kpakú mɔ́ɔ́kɔ́n mlí.

Tɔ́á Svá Paulo Léle ɔ́wítɔ́ Wánlín Ató Alí

¹⁴ Mí apíó Akristofɔ, mí onutó nhíé nyin ání aha wankláán mlígyí, mlílabí asón tsɔ́tsɔ́tsɔ́, mlétalí tóíkplá aba. ¹⁵ Táme nawá klɔn nhíé nde mlí asón bláa ɔ́wɔlɔ́ ánfítɔ́ pókáin mlí. Tsúfɛ́ Bulu lawá awítɔ́le pú agyómá ánfí wá mí ɔ́bítɔ́ ɔ́béɛ mbwéɛ. ¹⁶ Múgyí, mbɔ́bwe Kristo Yesu osúmbi ahá ání bɔmegyí Yudafɔ́tɔ́. Mú sɔ nde osum agyómá ánfí yɔ́ fɛ́ Bulu igyí ɔ́hapú. Nde

* **15:12** Yisai lókwíí Owíe Dawid ání ogyi Yesu Kristo mɔ nain.

ahá á mú bomegyí Yudafo á mu Bulu ason wankláán á mu bláa, méni bémlí igyí aható á ní Ɔhe Wankíhé latin mó iwí, ilegyi Bulu ansí. ¹⁷ Iní míá Kristo Yesunyɔ anilabwé kole sɔ á, mbu ɔkpa tsú iwí agyómá á ní ndeyɔ há Bulu á ní sɔ. ¹⁸ Tsúfɛ mmɛtali bí asvansɔ tsía atóá Kristo latsun mí ason bíhé pú mí bwehésú bwé ahá á ní bomegyí Yudafo, méni bóbu Bulu. ¹⁹ Ina ofúla móa osúna amóú nɔbwe Bulu Ɔhe á mu túmitɔ á musɔ netali dá Kristo ason wankláán á mu fée ɔkan, tsú Yerusalem alu yédaɔ Iliriko ɔsulɔsɔ. ²⁰ Tóá idin mí klonsɔ bré fée, ndekléá nóbwe gyí, nénatí dá Bulu ason wankláán á mu ɔkan ntínéá bómákónyá nú Kristo asón kí. Mmedékléá nótúá ɔku gymagyihe sɔ. ²¹ Tsúfɛ bəwanlín wá Bulu asón á mu tɔ beɛ,
 “Ahá á ní bómákónú mu nka kí bówun mu,
 áh á ní bómákónú mu asón kí é bónu mó así.”

Paulo Roma Ɔpasua Yésinda

²² Iní láhá mmákónyá ɔkpa ba mlí wá bətu nde ní. ²³ Táme séi mó á, mí agyómá lamó ɔnó nfi fónsú. Nfi tsətsətsə ní ndekléá néba mlí wá beki mlí. ²⁴ Mó sɔ nabwé agywun á ní ní ndetsúson nɔyɔ Spania a, nótson kí mlí. Agyi ɔdwe kpalobí á, mlilási mí ɔkpa nayɔ inu. ²⁵ Séi á, nabwé agywun á ní négyankpá yó Yerusalem, yóbúá Bulu ahá á ní búbu inu. ²⁶ Tsúfɛ Akristofá búbu Makedonia pú Akaia ɔsulɔsɔ bapú ɔdwe dúnká ató búdepusísí Bulu ahá á ní bɔgyi ahíánfɔ Yerusalem. ²⁷ Ibu amó ɔdwe á ní bóbúá ahíánfɔ. Bawun á ní ilehián á ní bóbúá Yudafo é ká iká. Tsúfɛ banyá Ɔhétó ató, nú nkpahó asón á mu tsú amó wá. Mó sɔ ilehián á ní bódunká ɔyító ató kɔ há amó é. ²⁸ Ní nɔpú kóba á ní bətswitswí ha mí fée wá amó ibitɔ á, nóbətsun mlí wá yó Spania. ²⁹ Nyin á ní ní nehá á, nɔpu Kristo oyúla kponkpənkpon tɔ ba mlí.

³⁰ Mí apíó adwepú, ndepu aní Wíe Yesu Kristo pú ɔdweá Bulu Ɔhe lahá mlí há mlí aba kókólí mlí mbéɛ, mlilí mí ɔma, amlibɔ mpáí ha mu kinkíínkín. ³¹ Mlibɔ mpáí mlíaa, Bulu ɔléɛ mí tsu Yudafo á mú bóməhɔ mu gyi amu ibitɔ. Mlibɔ ha mi, Bulu ahá á ní búbu Yerusalem inu abuhɔ ató á mú napó neya amó á mu. ³² Fówun ní Bulu lótsulá á, néba mlí wá ansigyí kponkpənkpon tɔ, beda ɔkponú. ³³ Buluá ɔtéhá iwílwí, otsía mlí fée wá. Amen!

16

Itsíaha

¹ Nde opio tshé Foibe le súná mlí. Kenkrea wúluto ɔpasuatɔ ahande ɔbúapu ogyi. ² Mliho mu aní Wíe Yesu dátó alíá ulékanáa á ní Bulu ahá bóbwe, amlibɔ mu ɔkpagyíɔkpasu alíá odeklé. Tsúfɛ mu onutó alabúá ahá tsətsətsə, alabúá mi é.

³ Nehá Priska mu mu kulu Akwila fée tsía. Mía amónyɔ létsiá bwé aní Wíe Kristo Yesu agyómá. ⁴ Bəpu amó iwí há á ní bówu mí sɔ kúráá. Nde amó ipán da wankláán. Megyí mí nkule. Akristofá bomegyí Yudafo ɔpasua fée búde amó ipán da. ⁵ Nehá ɔpasua á múó betsíá fia amó wóyító á mu é fée tsía.

Nehá mí ɔdwepú Epaineto tsía. Mólégyankpá hɔ Kristo Asia ɔmátó fée ní. ⁶ Nehá Maria á múó olowun ipian mlí sɔ á mu tsía. ⁷ Nehá mí aba Yudafo Androniko mu Yunia tsía. Bawá mía amónyɔ obu kí. Bɔgyi Kristo sumbí ayópú á ní obú bu amósú. Begyankpá hɔ Kristo asa natá bəhɔ.

⁸ Nehá mí pío ɔdwepú Kristotɔ Amplia tsía. ⁹ Nehá aní Kristo agyómá ɔyɔbá Urbano mu mí nyáwíe kláklá Staki tsía. ¹⁰ Nehá Apele amóú alalé súná wankláán á ní alapú mu iwí há Kristo amu mu Aristobulo abusuanfɔ

fě́é tsiá. ¹¹ Nɛhá mí bá Yudayin Herodion tsiá. Nɛhá Narkiso abusuanfɔ ání bɔgyi Akristofɔ tsiá.

¹² Nɛhá Trifaina mɔa Trifosa, bɔgyi atsi á múú bɔde Kristo agyómátó kinkíínkín ámu tsiá. Nɛhá mí ɔdwɛpú tsihé Persi, ɔde Kristo agyómá yɔ kinkíínkín ámu é tsiá. ¹³ Nɛhá Rufo mɔa mu yin á múú mí é ntɛtí mu mí yín ámu tsiá. Rufo gyí aní Wíe agyómá ɔyɔpú ání alahɔ dá agyómá ámuɔ.

¹⁴ Nɛhá Asinkrito, Flegon, Herme, Patroba, Herma pú apíó Akristofɔ á múú bɔbɔ amó wá ámu fě́é tsiá. ¹⁵ Nɛhá Filologo, Yulia pú Nereo mɔa mu pio tsihé pú Olimpa mɔa Bulu ahá á múú bɔbɔ amó wá ámu fě́é tsiá.

¹⁶ Mlilata aba puta Bulu ɔdwɛɔ. Kristo ɔpasua ámu fě́é bɔde mli tsiá ha.

Tɔ́á Roma Ahógyipu Amɔ Bɔbwéɛ

¹⁷ Apíó, nokókóli mli, mlikí wankláán, méní mlétalí wun ahá ání bɔbɔ mliɔ, bɔde mli dasáín. Alí ahá ámu bɔtɛhá ahá bɔtɛɔɔda hógyiɔ. Amó atosunáhé tɛdá mú á múú noşuná mli ámu mú. Mlikula iwí le amósó.

¹⁸ Tsífé ahá ámu odu á, megyí aní Wíe Yesu Kristo budesúm. Amó ɔwólí laláhe budesúm. Bapú amó ɔnɔwankí pú ahákanfó bɔna bɔde ahá ání bɔmeyín ɔlala mlé. ¹⁹ Táme mli mú á, ɔhagyíɔha lanú alíá mliɔpú mli iwí há Kristo. Mú sɔ ɔbɔ mli ɔdwɛ, ansí de mí gyi wankláán mli sɔ. Táme ndekléá mliɔtɔn ansí, amlíɔ tɔ́á ɔbɔ alé. Mlimáwa ɔbɔ lalahɛɔ. ²⁰ Bulu téhá aní iwílwii. Imóɔwa ɔpá á, ɔbétsa Satansɔ mántá ɔsolóv tántáántán, mlélí muɔv.

Aní Wíe Yesu Kristo ogyíi mli bɔale, ɔli mli ɔma.

²¹ Mí bá agyómá ɔyɔpú Timoteo dé mli tsiá ha. Alí mí aba Yudafɔ Lukio mɔa Yason pú Sosipatro é bɔde mli tsiá ha ní.

²² Mí mli pío Okristoyin Tertio ání nɔwanlín ɔwoló ánfí há Paulo, nde mli tsiá ha.

²³⁻²⁴ Mí wóyí mu wie Gaio á múú ɔpasua á múú bɔtɛfia mu wóyító amɔ dé mli tsiá ha. Erasto, ogyi wúlu kóbasɔ ɔkípu mɔa aní pío Kwartɔ é behá mli tsiá.*

Paulo Bulu Kanfɔ

²⁵ Mliha akanfɔ aní Bulu! Mu ɔbétalí tsɔn Yesu Kristo asón á múú nablí ámuɔv há mlélí kinkíínkín hógyiɔ. ɔlɔpɔ ɔnɔkwali anfi náín tsú ɔyí ɔpá.

²⁶ Séi mú á, alatsɔn mu ɔnósó atɔ́pú amɔ atɔ wanlínhésɔ lé mú ɔwan. Fé alíá Buluá ɔbɔ ɔnɔ bré fě́étó lahá ɔmá-ɔmá babí mú, méní ahá fě́é bóhɔ mu gyi, bú mu.

²⁷ Bulu nkɔle gyí Bulu. Mu nkɔle bóv nyánsa. Numnyam ání ɔlekanáa ɔtsɔvɔn aní Wíe Yesuɔ ɔtɔ mu bré fě́étó. Amen!

* **16:23-24** Mótó yée 24 bɔ nɔwoló dada amɔ akoto: Aní Wíe Yesu Kristo ɔwáa awitɔle ha mli fě́é. Amen!

ᾠωλοῦ Gyankpapwá Paulo Lówanlín Sísí Korintofó

¹ Mí Kristo Yesu sumbí ɔwɔpó Paulo ání Bulu létí mu apétó pú aní pío Sostene dé ɔwulo ánfí wanlín.

² Anidé mó wanlín sísí Bulu ɔpasua ání ɔbu Korinto wúluto, Bulu lalé amó, bwé amó mu ahá. Amóa Kristo Yesu babwé kole, fé aní Wíe Yesu Kristo asúmupá bɔbɔ ɔyító fée, Yesu Kristo gyí aní fée Owíe.

³ Aní Sí Bulu mwa aní Wíe Yesu Kristo bɔgyí mli bwalé, abɔha mli iwilwii.

Ania Kristo Ikwlebwetɔ Oyúla

⁴ Ntedá Bulu pán brégyibré, ahá mli Kristo Yesu kolebwe sɔ alawá awɔtɔlé há mli. ⁵ Tsúfé mó sɔ mlilanyá ɔwí tógyítótó. Móa ɔwɔn gyí mli tóí pú mli asónbɔí féeétó. ⁶ Iní lasúná ání asón ámóú anídéláa mli tsú Kristo ɔwí ámu bɔ mótó. ⁷ Iní sɔ ɔhétó atokiehé kugyíku medé mli hían séi ánfí mlihé mlídé ekeá aní Wíe Yesu Kristo obótsu ɔsósó ba bele ɔwí ɔwan ɔkpa kí anfi. ⁸ Mu onutó ɔbówa mli ɔwɔnlín yófwɔn eke ámóú ɔbésankí bá begyi aní asón ámu, méni asoanso méetsiá mli ɔwí. ⁹ ɔnɔkwalɔpɔ Bulu gyí. Mólétí mli ɔbée, mli mu Bi, ogyi aní Wíe Yesu Kristonyɔ mlibóbwe kole.

ɔpasua Amɔtɔ Ikwlemábwé

¹⁰ Apíó, nɔpó aní Wíe Yesu Kristo kókólí mli ání mli fée mliwbée kole, méni mli méedasaín. Mliha mli agywɔn ɔbwe kole mli asɔn blíhé kugyíkɔtɔ.

¹¹ Mí apíó, tóá sɔá nde asón ánfí blí gyí, akwá botsú Kloe abusuanta babláa mi beɛ, asón bɔbɔ mli nsiné. ¹² Beblí beɛ, mliɔ akw mliha, “Paulo anibuo.” Abambá beɛ, “Apolo anibuo.” Akw é beɛ, “Petro, bɔtetráa tɔ mu Kefa anibuo.” Akw é beɛ, “Kristo anibuo.” ¹³ Nfite mli, beye Kristotó? Paulo beda mántá oyikpalíhe amɔsɔ há mli, ntée mu dátó bɔbɔ mli asú?

¹⁴ Nedá Bulu ipán ání Gaio mwa Krispu ɔma a, mmétrá bɔ mliɔ ɔkɔku asú. ¹⁵ Mó sɔ ɔhaa méetalí blí ɔbée, mí idátó nɔbɔ mu asú. ¹⁶ Ké! Nakáin, nɔbɔ Stefana mwa mu wóyító ahá é asú. Amó ɔma a, mméekáin ání netrá bɔ ɔhaa asú. ¹⁷ Kristo mówa mí ahá asúbɔ. Mboún ɔbée, mbeda asɔn wankláán ámu ɔkan. Megyí ɔnɔwankɔ pú anyánkpwasa agywɔn nɔpɔblí mó, tsúfé ní nɔpó mó blí mó á, túmi kɔkɔkɔ ɔwíéétrá tsíá Kristo oyikpalíhe amɔtɔ.

Bulu Túmi Pó Mu Nyánsa

¹⁸ Aní Wíe Yesu oyikpalíheso lowu ɔwí asón ámu igyi mimlála há ahá ání bɔdehi. Táme igyi Bulu túmi há aní ahá ání Bulu dé nkpa ání itamatá ha.

¹⁹ Tsúfé bɔwanlín wá Bulu asón ámɔtɔ beɛ,
“Néyintá anyansapɔ nyánsa.

Mmóɔhɔ amó agywɔn wankláán kɔku.”

²⁰ Ní igyi ahi á, mómú ntɔ onyansapɔ gyí? Ntɔ Mose mbla osunápó gyí? ɔyí ánfítɔ nwéen agyípó me? ɔyító ansítin mé, imegyí mimlála Bulu ansító?

²¹ Bulu lópu mu onutó nyánsa bwé mó. Nyankpwasa méetalí pú mu nyánsa bí mu ekekeke. Mó sɔ alapó aní mimlála ɔkan amóú anídéda ámu hɔ ahá ání bahɔ mu gyi nkpa. ²² Tsúfé osúna ání itsú Bulu wá Yudafo bɔtekleá bɔpɔbí ání asón ámu bɔ mótó. Griikifó é á, nyánsa bɔtekleá bɔpɔbí ání ɔbu mótó. ²³ Mó sɔ ní adá ɔkan aniaa, beda Kristo mántá oyikpalíhesu á, itókósú lí Yudafo, igyi mimlála ɔmá bámbásófó é ansító. ²⁴ Táme ahá ání Bulu lalé, bɔgyi Yudafo pú Griikifó mó á, Kristo gyí Bulu túmi kpɔnkpɔnti pú

mu nyansa há amó. ²⁵ Tsúfě Bulu mimlála igyi ansítínla don nyankpɔsa nyansa. Mu pón é kóráá don nyankpɔsa ɔwɔnlín.

²⁶ Apíó, mlíkain alíá mligyí bréá Bulu létí mli. Ahá butamabú mli ɔɔɔɔɔ ání mlíétun ansí. Mli ɔɔɔɔɔ mlímégýí iwí anyapó, ɔɔɔɔɔ é bɔmotsú abusuan kpliklito. ²⁷ Bulu léle ahá ání buma nyansa ɔyí ánfito, méní ɔbópu amó sɔpa atiansipɔ. Ɔlele ɔyí ánfito apónpu é, méní ɔbópu amó wá awɔnlínpu pélito. ²⁸ Ɔlele ahá ání obú ma amósú, pú amóá buma labi kɔku ɔyí ánfito, méní ɔbópu amó wá amóá obú bu amósú pélito. ²⁹ Ɔɔɔwɛ mú fěé alí, méní ɔhaa móotsu iwí mu ansító. ³⁰ Bulu sɔ mliá Kristo Yesunyo mlilabwé kɔle, alapú Kristo bwé aní nyansa. Múlátsú aní ání aní asón da ɔkpa mu ansító, alabwé aní mu ahá. Alahɔ aní lé lakpan nkɔpábitɔ, há anilagyi iwí. ³¹ Mú sɔ fě alíá Bulu asón ámu léblí á, “Ɔhagýíɔha ání ɔbée, mótsu iwí á, ɔpóu tóá aní Wíe labwé tsu iwí.”

2

Kristo Da Mántá Oyikpalíhesu

¹ Mí apíó, bréá neba beda Bulu asɔn ñaínhé amɔ ɔkan súná mli á, mmɔpu ɔnɔwanki ntée nyansa kɔku bebláa mli Bulu asón ámu. ² Tsúfě bréá mbu mli wá á, nɔbwe agywun ání nótóí tsú Yesu Kristo pú mu oyikpalíhesu lowu nkɔle iwí. ³ Bréá neba a, mí awútó yóyóyó. Ifú de mí, ndekpinkí. ⁴ Megyí mí nyansa pú mí ɔnɔwanki nɔpɔdá asón ámu ɔkan súná mli. Mbóún Ɔhé Wankíhé amú túmí léha asón ámu lɔwankí mli. ⁵ Ileba alí, méní mlénýa mli hógýi tsú Bulu túmitɔ, megyí nyankpɔsa nyánsatɔ.

Bulu Nyansa

⁶ Táme ní nowíe ahá ání badan hógýi amɔtɔ wá á, ntɔpó Bulu nyansa bláa amó asón amó. Megyí nde ɔyí kehetɔ nyansa, ntée ɔyí ánfito isɔ agyípú ání béba bohólú amó túmí klé. ⁷ Nyansa ánfí anidé mú iwí asón blí ánfí igyi nyansa ání Bulu lópuñáín asa ɔyí lebelun, ání ɔbópuwá aní numnyam. ⁸ Ɔyí ánfito otúmípu ɔkɔku mébi nyansa ánfí. Ní bebi mú á, tekí bɔmɛda aní Wíe Onumnyampɔ amú mántá oyikpalíhesu. ⁹ Táme fě alíá bɔwanlín wá Bulu asón ámu á,

“Tóá ansíbi makówun kí, asu mókónú kí,
má kóba nyankpɔsa agywuntɔ é kí a,
mú Bulu lalá yáí há mu adwɛpó ní.”

¹⁰ Táme anilabí ín, tsúfě alalé mú súná aní tson mu Ɔhé Wankíhé amɔsu. Ɔhé ámu tokwí tógýítótó kí, ɔtelé Bulu asɔn ñaínhéá ibu ɔtótótótó kóráá súná aní. ¹¹ Ɔhaa tamawun mu ba nwuntɔ, nkéti mu onutó ɔhé. Alí kén Bulu Ɔhé ámu nkɔle tówun Bulu nwuntɔ ní. ¹² Aní mú á, Bulu lópu mu Ɔhé wá anitɔ, megyí ɔyí ánfito ɔhé bu anitɔ. Mbóún Ɔhéá itsú Bulu wá, méní abétalí nú itó ámuó Bulu lapókíe aní faan amú asi.

¹³ Mú sɔ megyí aní onutó nyansa asón anidé mli bláa. Mbóún asón ání itsú Ɔhé Wankíhé ámu wá. Mú anidépolé Ɔhéétó ɔnɔkwali asón asi ní.

¹⁴ Ɔhá ání ɔma Ɔhé Wankíhé méetalí hɔ tóá itsú Bulu Ɔhé ámu wá, tsúfě igyi mimlála mu wá. Ɔhá ání Ɔhé Wankíhé bu mutɔ tónú asón ání Ɔhé ámu déblí asi. ¹⁵ Mutetalí tété tógýítótó nú mú asi. Táme mu mú á, ɔhaa méetalí tété mu asóntó, nú mu asi ekekekeke. ¹⁶ Nkálí íbóɔwɛ asa bétalí nú mú asi? Igyi fě alíá Bulu asɔn wanlínhé amú léblí ɔbée,

“Ma ɔbétalí bí aní Wíe agywun?
Ma ɔbétalí súná mu asón?”

Táme Kristo agywun bu anitɔ. Mú sɔ aní mú abétalí bí mu agywun.

3

Bulu Asúmpó

¹ Apíó, bréá neba mli wá á, mmetalí tóí mli ansító fě ahá aní Ŋɛ Wankíhé bu amótó. Nebláa mli asón fě ahá aní amó agywun idin ɔyi ánfito atósó, bumakódan Kristotó. ² Nyópu-ntsu neha mli. Mmeha mli atogyihe onutó. Ali bré ámutó á, mlimákófon atogyihe onutó gyí. ³ Tsúfě ɔyi ánfito tsiátó itráa bu mli. Mlidé aba lu, mli détré. Ní mli dé iní bwe mé, imosuná aní mli agywun trá din ɔyi ánfito atósó, mligyí fě ɔmátófó? ⁴ Mli akw mli aa, “Paulo mbuo.” Mli akw é mli aa, “Apolo mbuo.” Mbée, iní medésuná aní mligyí fě ɔmátófó?

⁵ Mbée, ma gyí Apolo, ntée ma gyí Paulo, só mli détré aní su? Bulu asúmpó keke anigyí, mli latsun aní ibito mli mu ahógyipu. Anito okugyíaku légyi gyuma aní Bulu léha mu. ⁶ Mílódu, Apolo lówóli mó ntsu, táme Bulu léha mó ɔledan. ⁷ Megyí odupó móa ntsu ɔwólípó lóbwe tótó. Bulu nkole tóbwe, tsúfě motéhá mó ɔledan. ⁸ Odupó móa ntsu ɔwólípó fěé bogyi kékée Bulu ansító, ɔbeka okugyíaku ikw mu bwehé ɔnó. ⁹ Agyómá ayápó mía Apolo anigyí há Bulu. Mligyí Bulu ndo, mligyí mu obu é ní.

¹⁰ Bulu lówa awítale há mí, bwé mí obu oyípu ɔtiansipu. Mó só nɔpu abwi wá obu ámu ntswasi, aha bambá betalí budepwe dínká mósó ní. Táme ɔhagyíɔha ɔkí wankláán obu ámu pwetó. ¹¹ Tsúfě ɔhaa méetalí wá ntswasi bambá don mó ámúú ida yaí, igyi Yesu Kristo amu. ¹² Ní ɔku ɔpó sika pɛpɛ o, sika futútú o, abwi aní ibo bíá o, nyí o, afítáa ntée ipí yi dínká ntswasi ámusu á, ¹³ ɔbí aní kugyíku íbélun ɔwan eke ámúú Bulu obégyi aní asón ámu. Ogyá ɔbópɔso mó ki beɛ, ɔbɔbwe mó wankláán. ¹⁴ Ní ogyá ámu mɔho obu ámu yíntá á, Bulu ɔbéda mu ipán. ¹⁵ Táme ní obu ámu lóho a, ɔbéhe hólí ató. Bulu ɔbóho mu nkpa, táme obófufu fě ɔhá aní alasí dalu ogya plenplento.

¹⁶ Mliméyín aní Bulu ɔswékpa mligyí, Bulu Ŋɛ ámu tsie mli? ¹⁷ ɔhagyíɔha aní oleyintá mu ɔswékpa a, Bulu é obéyintá mu, tsúfě Bulu ɔswékpa lɔwankí. Mu ɔswékpa amu gyí mli á.

¹⁸ ɔhaa mámlé mu iwí! Ní mli ɔku dé mu iwí ti ɔtiansipu nde ɔyi ánfito á, ilehián aní ɔbóbwe mu iwí ɔha mimláhe, méní ɔbóbwe ɔtiansipu onutó. ¹⁹ Tsúfě ɔyi ánfito ansitún igyi mimlála Bulu ansító. Fě alíá bɔwanlín wá Bulu ason wanlínhé amotó beɛ, “ɔtiansipu agywun láláhe Bulu tɔpókítá mu.” ²⁰ Bulu ason wanlínhé amu letrá blí ɔbéɛ, “Bulu yin aní ɔtiansipu agywun itépí ma labi.” ²¹ Iní su ɔhaa mápu ansí dínká ɔhaasu tsú iwí. Mlibú tógýító. ²² Paulo o, Apolo o, Petro o, ɔyi ánfi o, nkpa ntée lowu o, nde o, ɔke o, mlibú mó fěé. ²³ Kristo bó mli, Kristo é gyí Bulu klé.

4

Kristo Sumbi Ayápó

¹ Iní su ɔhagyíɔha ɔtsú mó aní Kristo asúmbi keke mía Apolo anigyí, Bulu lapó mu ason nɔáinhé amu agyómá wá aní ibito. ² Tóá ihíe dehián gyí, ɔhá aní bapú agyómá wá mu ibito obégyi ɔnɔkwali. ³ Mí mó á, ní mli akw ntée aha bambá bude mí pón ha kóráá á, imegyí tótó mí ansító. Mí onutó ó mmakóhá iwí pón ntée asu. ⁴ Nyin mí klonto, táme imosuná aní mí asón da ɔkpa. Aní Wíe Yesu gyí mí asón ogyípó. ⁵ Iní su mlimákósi lé mli aba lá kpéfún aní Wíe ɔbáke amu. Mu ɔbówankí wólí oklúntó atósó, lé aní agywun ɔwan, asa Bulu ɔbékanfó ɔhagyíɔha alíá ilehián ni.

⁶ Mí apíó, mli só ndepu mía Apolo tsiátó súná mli ató, méní mlónu mó ámúó ahá boteblí bεε, “Mlímányankí tóá bəwanlín tswisv” ámu así, fówun mlímóowun əhaa tsú iwí. ⁷ Ma lébláa fu əbέε fudvun əku? Ntə fubvúá imegyí Bulu léha fó? Ní Bulu léha fó tógyító á, ntogyí só fúde iwí tsu fé megyí ha bεha fó?

⁸ Mlídékú ání mlílamwé! Mlílanya iwí! Mlílawúna mlídé iwíe gyí. Mí sv mó á, tekí mlídé iwíe amv gyí lélé, méní ania mlínvə abégyi iwíe amv. ⁹ Ide mí bwe fé Bulu lahá aní sumbí ayəpú ánfí anílabwé əma agyápv fé ndoun bakpá bəyómə. Tsúfé anílamí ató kíhe há əyító féé, Bulu-abəpv móa anyánkpósa féé. ¹⁰ Kristo só anílabwé aha mimláhe, mli mó mlílatv aní. Anígyí apónpv, mli mó mlíbv əwvnlín. Ahá bude mli bu, aní mó əhaa tamabú aní. Megyí alí mlídé aní kí ní? Ntéε megyí alí? ¹¹ Bófvn séi á, akón móa əmεwólí de aní, atatídatə anída. Bude aní atswε fvlí, anímá ədikpa. ¹² Aníteyírí iwí pv aní íbí yó agyómá pónyá aní ató híánhe. Ní bəlví aní á, anítovúlá amv. Ní bvdín anísv é á, anítotomí. ¹³ Ní beblí aní iwí svvn laláhe a, anítəpú ədwe lé mó ənó. Bəfvn séi á, anílabwé wúna, bude ipí pvtítsá anísv əyí ánfítə.

¹⁴ Mmedé ínı wánlín pósópa mli, mboún ndepvtóí kplá mli fé mí abí adwεpú. ¹⁵ Tsúfé ní ahá mpím-dú (10,000) lósuná mli Kristo iwí svn kórará á, əbakóle pé abí mligyí əjéttó. Nəbwe mli sí Kristo Yesutə bréá neda svn wankláán ámv əkan súná mli. ¹⁶ Mó sv nde mli kokóli, mlíkasi mí tsiátó. ¹⁷ Inı sv nde Timoteo wa sísí mli. Mí bí ní, ntədwé mv. Əbv ənəkwali Kristotə. Mv əbéba bekaín mli tsiátó oduá nəpv mbuo Kristo, ndepvsúná əpasua kugyíkúá íbv ətínegyíətíné ní.

¹⁸ Mlító akv bude iwí tsu. Bvki bεε, fialí mmétrá ba mli wá ekekeεke. ¹⁹ Táme ní aní Wíe Yesu lótsulá á, iməəwa əpá kvkv néba mli wá beki bεε, svn keke iwí atsupú ánfí budeblí lóó, ntéε lélé bvbv Bulu túmı. ²⁰ Tsúfé megyí svn blíhé keke Bulu iwíegyí ámv igyi, mboún Bulu túmı. ²¹ Ní nebə mli wá á, ntə mpóba? Mpú mpli ba lóó, ntéε ədwe móa íkvb lwiíhé?

5

Mbvətə Iwí Svvn

¹ Bahíe bebláa mı bεε, mlító akv bude atsv móa ayin svn wa. Əmátófo kórará bvmédé mó odu bwe. Mlító əkv mó kórará laswíí mv sí mv ka, ² íbv mli ansigyí! İma mli awıreħə. Péli medé mli, méní mlégya əhá ánfí odu lé mli əpasuatə. ³ İniá mlímédé mí wúun ó á, mbv mlító əjéttó. Nahá əhá ánfí əbv tsiátó anfi odu ipón dododo, fé mbv ív. ⁴ Mlító əpasua ámv fia aní Wíe Yesu Kristo dátó. Nétsiá mlító əjéttó, aní Wíe Yesu Kristo túmı é íbétsiá mlító. ⁵ İv á, mlípv mv wa Əvnsám íbtə, oyinta mv əyvlóv, ménı Bulu əbóħə mv əkláa nkpa aní Wíe Yesu əbáke amv.

⁶ Kpaali mlídé iwí tsu. Mlíméyín ání bodobodotu-afá kpalobí téhá bodobodo amv féé itotú? ⁷ Inı sv mlíle lalahε əbwεpú anfi mlító, ménı mli iwí bétv fé bodobodoá bvməwa afá mótó, tsúfé alí mlíhíé mligyí ní. Megyí bodobodoá bvməwa afá mótó, imotu bvtəpógyí Katsv Nke? Bamó anı Israelfəsv Katsv Nketə Okúfabi, ogyi Kristo amv, lé anı nwunsv mbusuo há anı dododo. ⁸ Mó sv mlíha apv bodobodoá imotu, igyi íwítv móa ənəkwaliwa gyi Katsv Nke ámv. Mlímáha apv bodobodoá ílatú, igyi tsiátó laláhe móa lakpan gyi mó.

⁹ Nəwanlín wá əvvló kvá nəpvsísv mlító mbéε, mlímápv mbva atəpú gyi mba. ¹⁰ Megyí əyító mbva atəpú, əvsıpe awapú, awíkplu ntéε íkpv atswépv

iwɪ asón neblí. Mómó teki mlédali ɔyí ánfɪtɔ asa mlimówa amó mba ní. ¹¹ Tóá nɔwanlín sísí mli gyí, mlimápu óhá ání óbée Okristoyin mogyi, táme ɔtɔtɔ mbua ntée obu ɔnsípe, ɔtɔtswe ikpi, otesíá mu aba, ɔtɔbú ntá ntée otowí ató gyi mba. Mlia óhá ámu nyɔ mlimáwa ibi gyi ató kóráá.

¹² Ntɔ só négyi ahá ání boma ɔpasua ámɔtɔ asón? Megyí ahá ání bɔbu mótɔ, bɔde lakpan ánfɪ odu bwe mboún asón lehián ání mlégyi? ¹³ Bulu obégyi ahá ámóú boma ɔpasua ámɔtɔ ámu mó asón. Táme bɔwanlín wá Bulu ason wanlínhé amɔtɔ bee, “Mli mó mligya lalaha ɔbwepú le mliɔ.”

6

Bulu Ahá Wɔlewɔle Nsiné Asóngyi

¹ Ní mliɔ ɔku mua mu ba Okristoyin benyá á, ntogyi só mliɔwá klɔn póya ɔmátɔfɔ asón ogyíkpá, mliɔmapó ya Bulu ahá abɔbli mó? ² Mliméyín ání Bulu ahá obégyi ɔyítɔ ahá fée asón? Ní mli obégyi ɔyítɔ ahá asón á, mó ntogyi só mliméetalí gyi mli wɔlewɔle nsiné asón? ³ Ntée mliméyín ání anɪ obégyi Bulu-abɔpu é asón? Ntogyi só anɪméetalí gyi ekekegyíeke asón mó? ⁴ Ní asón idá mli nsiné á, ntogyi só mliɔpóya ɔmátɔfɔ asón agyípó amóú mli ɔpasuafɔ bɔtamabú ámu? ⁵ Nde asón ánfɪ wanlín sísí púsópa mli. Mó su ɔtiansipu ɔkɔle kóráá má mli ɔpasuato ání ɔbétalí gyi mu aba nsiné asón? ⁶ Ntogyi só ohógyipu ɔbésamáa mu ba, móa idɔn kóráá pɔ mu yélí ɔmátɔfɔ ansítɔ?

⁷ Alí amóú asón ibu mli Akristofɔ wɔlewɔle nsiné ámu kóráá ilosuná ání mliɔgyi pón dodo. Ntogyi só mli bá ɔpɔ ilá gyí mli, ntée osisi mli, mliméesikié? ⁸ Mli mboún latsɔn gyankpá mliɔde mli aba sisii, mliɔde lalaha pugyi mli aba? ⁹ Ntée mliméyín ání aha laláhe bɔmóowie Bulu iwíegyi ámɔtɔ? Mlimámle mli iwɪ. Ahá ání bɔtɔwá atsi móa ayin asón, ikpi atswépu, mbua atápó, ayin ání bɔtekle amó aba ayin, ¹⁰ awikpɔ, ɔnsípe awapó, ntá abɔpó, ahá asiapó pɔ ahá asisipu bɔméenya ogyíkpá Bulu iwíegyi ámɔtɔ. ¹¹ Teki bré ámu a, alí mliɔ aku mligyi ní. Táme Bulu labie mli ntsu, alabwé mli mu ahá. Alatsɔn mu ɔhɛ ámu pɔ anɪ Wíe Yesu Kristosu tsú mli ání mli asón da ɔkpa mu ansítɔ.

Mli ɔyɔlɔw Pɔwá Bulu Numnyam

¹² Mliɔ ɔku ɔbétalí blí ɔbée, “Mbu ɔkpa bwé tótɔgyítɔ.” Ee! Táme nde mli bláa mbée, “Megyí mó fée ɔbówa labi.” ɔku é ɔbébli ɔbée, “Mbu ɔkpa bwé tótɔgyítɔ, táme mmécha tɔtɔ méegyí misu.” ¹³ Ibo mótɔá ɔku ɔbétalí blí ɔbée, “Atogyihe bu unɔ há ipu, ipu é bu unɔ há atogyihe.” Ee! Táme mó fée ibéhi ekekó. Bulu móbwe nyankpɔsa há atsi móa ayin asón wa. Mboún anɪ Wíe bó anɪ ɔyɔlɔw, anɪ ɔyɔlɔw é bó anɪ Wíe. ¹⁴ Bulu lókwósá anɪ Wíe Yesu tsú afúlita. ɔbɔpu mu túmi ámu kósú anɪ é.

¹⁵ Ntée mliméyín mliaa, mli ɔyɔlɔw igyi Kristo nyankpɔsa-oyí ámu iwɪ ató? Mó nkáli sú mpúw Kristo ɔyɔlɔw yɛda obu-ɔnɔ otsiápó ɔyɔlɔw? Itsɔn misu! ¹⁶ Ntée mliméyín mliaa, ní ɔku ɔpɔ ibi da obu-ɔnɔ otsiápó a, mua mɔnyɔ ɔyɔlɔw labwé kɔle? Tsúfɛ Bulu ason wanlínhé amó lébli ɔbée, “Oyin ámu mua ɔtsi ámu babwé ɔyɔlɔw kɔle.” ¹⁷ Táme ní ɔku mua Kristo bɔbwe kɔle a, mua mɔnyɔ babwé ikɔle ɔhɛtɔ é.

¹⁸ Mlimápleí atsi ntée ayintɔ. Lakpan kugyíkɔá ɔha tɔbwé tamakósú líí mu ɔyɔlɔw. Táme ní ɔku ɔwá atsi móa ayin asón mó á, alabwé lakpan ání ilkwósú líí mu onutɔ ɔyɔlɔw. ¹⁹ Ntée mliméyín mliaa, mli ɔyɔlɔw gyí ɔhɛ Wankíhé amó ɔtswékpa obu? Bulu lópu mu há mli, otsie mliɔ. Mó su megyí

młibó młi iwı. ²⁰ İbíá kpekplékpé Bulu lóhó młi. Mó sọ młıpu młi ọyólọw wa Bulu numnyam.

7

Akúlu Mva Aká, Akpankọ Pọ Asvrapọ Atosunáhé

¹ Nayó asun fitéhé amóó młılówanlín sísí mí ámọtọ kı a,

Ee! İbu aláá oyin mọ́ọpu İbı da ọtsı. ² Táme mboatọ ladọbı sọ oyıngıoyın onyá mọ onutó ọká, ọtsıgyı́ọtsı é onya mọ onutó okúlu. ³ İlehián ánı okúlu obégyı ọkátsıá mbla féésó ha mọ ka, ọká é ọbóbwe mọ alı ha mọ kulu. ⁴ Megyı́ ọtsı bó mọ iwı, mọ kulu bó mọ. Alı megyı́ oyin é bó mọ iwı, mọ ka bó mọ nı. ⁵ Mó sọ młımákiná aba ọdikpa ha, nkéti młı abanyó ámọ młılatsúlá ánı młétsıá nke kpalóbı, ménı młétsıá bó mpáı, asa młélayó aba wá. Młılawun aba mó ọma, ménı Ọbọnsám méetalı sọ młı kı, ní młımétalı kítá iwı.

⁶ Ọkpa ıda ánı młóbwe mó alı, táme megyı́ ọhıé igyi. ⁷ Mı nkọle sọ mó á, teki młétsıá kpankọ fé mí, táme ọhagyı́ọha bọ móá Bulu lópokıé mọ. Ọmóbwe anı féé kékéé. Ọhagyı́ọha mva mọ kle.

⁸ Séı nde akpankọ móá asvrapọ bláa mbéé, ní bótsulá tsıá mí atsiábi a, teki İbı alé. ⁹ Táme ní młıméetalı kítá iwı ntéé gyı młı iwı sọ mó á, młıtsıa akúlu móá aká, dọn ánı młénatı dá tsọn.

¹⁰ Táme akúlu móá aká awıé mó á, mbla kọ bọ İnóá megyı́ mí, mboún anı Wıe Yesu lówa há amó. Ọbée, ọká mákiná mọ kulu. ¹¹ Táme ní ọmáın mọ kulusọ a, ọkíta iwı ntéé oyıńkı yọ mọ kulu wá. Okúlu é mákiná mọ ka.

¹² Młı aha tráhe mó á, mí onutó dé młı İnı bláa. Megyı́ anı Wıe Yesu dé mó blı. Nı ohógyıpu yínhé tsıa ọtsıá omegyı́ ohógyıpu, táme ọtsı ámọ latsúlá ánı mva mọnyọ bétsıá á, ọmákiná mọ. ¹³ Nı ohógyıpu tsıhé é tsıa oyin ánı omegyı́ ohógyıpu, táme alatsúlá ánı mva mọnyọ bétsıá á, mọ é ọmákiná mọ. ¹⁴ Tsúfé ohógyıpu tsıhé ámọ sọ Bulu ọbóhó mọ kulu. Alı kén ohógyıpu yínhé ámọ sọ Bulu ọbóhó mọ ka é ní. Nı megyı́ alı á, Bulu móotsu amó abı́ ánı amó asón da ọkpa mọ ansıtó, táme İnı sọ Bulu latsú amó ánı amó asón da ọkpa mọ ansıtó. ¹⁵ Táme ní okúlu ntéé ọká ánı omegyı́ ohógyıpu dékléá obékiná mọ tsiába ohógyıpu a, ohógyıpu amọ osıı mọ ọnatı. Mbla kọkọ meklı mọ, tsúfé Bulu létı anı ọbée, abétsıá iwılwiıtọ. ¹⁶ Ohógyıpu tsıhé, fuyin ní fọ ọbóhó fọ kúlu nkpa? Ntéé ohógyıpu yínhé, fuyin ní fọ ọbóhó fọ ká nkpa?

Tsia Alá Fúgyı

¹⁷ Mó sọ ọhagyı́ọha ọpúb tóá anı Wıe Yesu léha mọ asa Bulu létı mọ tsıa. Mógyı́ tóá ntebláa ọpasua kugyı́kọ ní. ¹⁸ Nı ọkọ létın keté asa Bulu létı mọ a, ọmálayıńkı yébwe mó iwı tọtọtọ. Nı ọkọ é méttın keté asa Bulu létı mọ é á, ọmáyéttın. ¹⁹ Ketétın ntéé ketémátın megyı́ tọtọ. Bulu mbla ámọsọ gyı mboún gyı asón. ²⁰ Ọhagyı́ọha ọtsıa alá ogyı asa Bulu létı mọ. ²¹ Ọkpábi fúgyı asa Bulu létı fú? İmáhan fu. Táme ní ọkpa İbá ánı fégyı iwı á, kọsọ mósó. ²² Tsúfé ní ọkpábi fúgyı asa anı Wıe létı fú á, alahá fúgyı iwı. Alı kén ọhá ánı ọtsıe mọ iwı sọ asa anı Wıe létı mọ é gyı ọkpábi séı há Kristo nı. ²³ Bulu lóhó młı İbíá kpekplékpéé. İnı sọ młımábwe młı iwı nkpábi há anyánkpósa. ²⁴ Mı apıó, aláhgyı́alıá ọhagyı́ọha gyı asa Bulu létı mọ a, ọpúb mó alı tsıa.

Mbitebi Móá Asvrapọ

²⁵ Młı mbitebíá młımákwótıa akúlu kı mó á, mma mbla kọkọá İtsú anı Wıe wá há młı. Táme anı Wıe móa mọ nwewuún, alahá mí nyánsa ánı młéetalı họ mı gyı. ²⁶ Asón ánı nde há młı gyı, ọyıtó lawá ọnlın séı. Mó sọ

nahogyiá íbu alá éhagyíóha obétsiá alá otsie yaí. ²⁷ Ní fóbv óká á, mákiná mv. Ní kpankv fúgyi é á, mátepi tsía. ²⁸ Táme ní fetsiá óká á, fomókóbwé lakpan. Ní obitebiá omakótsia okúlu kí é otsia a, omakóbwé lakpan. Asun wunhéá íbéba teki ndetsu kósu akúlu móa akású. Mú sv nde íni blí.

²⁹ Mí apió, móa ndeblí gyí, bré itinbí ídasí. Íni sv tsú séi á, óhá ání óbv óká óbwéé fé óhá ání óma. ³⁰ Ósun ígyi o, ódwe ígyi o, íwinya ígyi o, óbwéé íwí fé asvansv medín musv. ³¹ Ahá ání búde óyí ánfító ató póbwé tókv bomápv amó ansí féé dínká mósú. Tsúfé óyí ánfí pv mótó ató féé béba bótson.

³² Mmedékléá asún iháan mli. Óhá ání óma óká tǎpó mv ansí dínká aní Wíe agyómású, méní obégyi mv ansí. ³³ Táme óká mv wie mó tǎpó ansí dínká óyító atósú, méní obégyi mv ka ansí. ³⁴ Mú sv mv agywun tǎbwé anyó. Alí kén ótsí kpankv é tesí mv íwí há aní Wíe, óyulób móa ójéto féé, méní obégyi Bulu ansí ní. Táme okúlu mv wie mó tǎpó mv ansí dínká óyító atósú, méní obégyi mv kulu ansí.

³⁵ Mli yilé sv nde asón ánfí blí. Mmedé mli itin ka. Mbóun ndekléá mlíbwéé tóá ída ókpa, amlísi mli íwí féé há aní Wíe Yesu.

³⁶ Ní oyin ófíté ótsísv, owun ání óméetalí kítá íwí, ótsí ámv é déklé ódan tson a, óyékpáín mv. Megyí lakpan ígyi. ³⁷ Táme ní ólábwé agywun ání óméetsiá mv, óbétalí kítá íwí tsíá kpankv á, óbv ókpa bwé tóá odeklé. Ní óbétalí kítá íwí á, mómú ókíta íwí. Íbu alá dvn. ³⁸ Íbu alá obétsiá óká, táme ní ometepí tsía a, íbu alá dvn.

³⁹ Mbla léklí ótsí ání óméekiná mv kulu yófon mv owuké. Táme ní oyin ámv owú á, óbv ókpa tsía oyin ání odeklé. Táme ilehián ání óhá ámv óbóbwe Okristoyin. ⁴⁰ Mí nkóle sv mó á, ní otsie kpankv á, ansí bégyi mv dvn. Nyin ání Bulu Ójé ámóú íbu mító ámv só natalí nde mli asón ánfí bláa.

8

Ókpíto Atogyihe

¹ Mlíha abli ókpíto-ató gyí íwí asón ámóú mlílówanlín sísí mí ámv.

Mlídeblí mlíaa, “Aní féé anyin asón.” Íbu mótó, táme mlíbi ání asónbí tchá óha tótsú íwí, ódwe é itchá óha tedan. ² Ní ókv óbéé, mvyin asón dóbí a, ómakónyá bí tóá ídehián. ³ Óhá ání ótǎdwé Bulu á, Bulu é yin mv.

⁴ Mú sv nkálí anídeblí tsú ókpíto ató gyí íwí? Aní féé anyin ání ókpi mégyí tǎtǎtǎ. Anyin ání Bulu ókóle pé é bv ínv, ókókv trá óma ótinetne. ⁵ Íniá íkpi móa túmí tsǎtsǎtsǎ bóbv ósú móa así ó á, ⁶ aní mó anyin ání Bulu ókóle pé bv ínv. Mvgyí aní Sí, ósú móa así Óbwepó. Mv anítsie nkpa há. Aní Wíe ókóle pé é bv ínv. Mvgyí Yesu Kristo. Musv Bulu lótsvn bwe tógyító. Mv kén sv anítsie nkpa ní.

⁷ Táme megyí Akristofó féé yín alí asón ánfí. Íkpísúm lamántá amó dodo. Íni sv ní begyí ókpíto-ató á, búde mó tsu ání basúm ókpi ámv ní. Mú sv ifin lada amó, tsúfé bvmakódan hógýitǎ. ⁸ Megyí tóá anitegyi só ania Bulunyó nsúné bówa alá. Ntǎ anilégyí o, ntǎ anímégyí o, tǎtǎ meyintá aní íwí.

⁹ Táme mlíkí wankláán ání ókpa ánfí mlíbv gyi ókpíto-ató ánfí ímééha óhá ání ómakódan hógýitǎ óméédída. ¹⁰ Ní óhá ání ómakódan hógýitǎ owun fú ánfí féé fvyin asón, fúde ató gyí ókpíto á, íbu alá? Mómú yéé fúde mv atetǎ-ónlun wa féé, ogyíi ókpíto ató ánfí mv onutó oyin ání ma ale aní ní o. ¹¹ Mómú fapó fú asónbí mlé fú píó wá. Fahá fú píó ánfí ómakódan hógýitǎ, Kristo lówu há mv aní lafwí. ¹² Ní fǎpó ílá gyi fú píó Okristoyin ání ómakódan hógýitǎ, fehá mv óbwé tóá oyin ání ma ale á, Kristo fapó

ilá gyi a. ¹³ Mó sù ní tóá négyi íbéha mí píó Okristoyin òbòbwe lakpan á, mméetepí trá gyi iye ekekéke, ménì imécha mu òdida.

9

Sumbi Ɔyɔpó Túmí Pó Mv Gyumagyihe

¹ Mlíki mlíaa mmetsie mí iwísv? Ntée megyí sumbí ɔyɔpó ngyi? Mmákówun aní Wíe Yesu kí? Megyí mí gyumagyihe sò mlílamlí aní Wíe klé nde? ² Ní mmegyí sumbí ɔyɔpó há akú á, mlí mú mlyin aní sumbí ɔyɔpó ngyi. Tsúfé íniá mlyíyí Akristofò á, ilegyi adánsie aní aní Wíe sumbí ɔyɔpó ngyi.

³ Iní gyi tóá ntɔpólé mí iwí ɔnó súná ahá aní butelé mí ilá ní. ⁴ Mía Barnaba mú anumágyi ató, nu ntsu? ⁵ Anumá ɔkpa tsía ohógyipó, kpá mu buo iwí, fé sumbí ayɔpó atráhe amu pó aní Wíe apíó múa Petro aná? ⁶ Ntée mía Barnabanyò mú ayóó agyómá kí aní iwísv? ⁷ Isá ɔkɔpó onutó téká iwí ikó? Ekekéke! Ɔɔtɔpɔ ɔmɔmu tamagyi mu ndɔtɔ-ató? Mbwi ɔyaírú ɔmɔmu tamagyi mu ɔbwi yáíhé?

⁸ Anyánkɔpósa agywun ndepublí iní? Yéé Mose Mbla óó íleblí alí á? ⁹ Tsúfé bɔwanlín wá Mose Mbla ámutò bée, “Butamawá ɔnantswieá ɔde ayó da ɔnó íkan.”* Fahogyi fé nnantswie iwí dé Bulu híán sò ɔleblí asón ánfí? ¹⁰ Megyí aní sò ɔde asón ánfí blí? Aní sò ɔde mú blí a. Bɔwanlín wá Bulu asón ámutò bée, “Íflé ɔwópu mu ató ɔkɔtípú féé bɔgyo tóá bénya tsú agyómá ámutò bayó ámutò.” ¹¹ Ní anílabláa mlí asón wankláán ámu, igyi ɔhétó abíá aníladú wá mlíto á, aní mú anumá ɔkpa nyá aní ɔyító atohiánhe tsú mlí wá? ¹² Ní akú bɔbɔ ɔkpa nyá ató tsú mlí wá á, anumá ɔkpa dɔn amó?

Táme anumótsu kòkò lé ínítò. Anílapó klɔntò písii hɔ tógyító, ménì anumóɔpu tɔtɔtò tin Kristo asón wankláán ámu ɔkpa. ¹³ Mlíméyín mlíaa, Bulu ɔswékpá inu agyómá ayɔpó é bɔbɔ ogyíkpa inu? Ntée mlíméyín aní afɔdié-asubwi amu así asúmpó bɔtegyi mú así ató? ¹⁴ Alí kén aní Wíe léhíe aní mu asón wankláán ámu ɔkan adapó é bɔgyii ató tsu ahá aní bɔde labi nya tsú asón ámutò wá ní.

¹⁵ Táme mí mú mmákópó alí ɔkpa ánfí mbu anfi nyá tɔtò tsú mlí wá. Megyí bée ndekléá néfí mú así, sò nde asón ánfí wanlín sísí mlí. Ibv mí aléá nówu, dɔn aní nòhulú itó ánfí nópɔtsú iwí ánfí. ¹⁶ Táme ní nde asón wankláán ámu ɔkan da a, imegyí tóá nópɔtsú iwí. Tsúfé ɔhíé igyi há mí. Bulu ɔbébití mí ísv ní mmeda mú ɔkan. ¹⁷ Ní mí onutó léblí mbéé nóbwe mú á, tekí Bulu ɔbéda mí ípán. Táme megyí mí onutó apétó nde mú bwe. Ɔkpábi ngyi, Bulu lóbu mí ɔnɔkwalipó pó agyómá ánfí wá mí íbítò. ¹⁸ Ikóká mɔmu nénya tsú mótó ngya? Múgyí néda asón wankláán ámu ɔkan, bóméeka mí tɔtò. Tekí mbu ɔkpa pókle tòkú há mí iwí, táme mmóɔbwe mú alí.

¹⁹ Ntsie mí iwísv. Mma ɔhaa así, táme nabwé iwí ɔkpábi há ɔhagyíɔha, ménì nékpa ahá tsɔtsɔtsò ba Kristo. ²⁰ Ntɔbwé iwí fé Yudayin ní mbu Yudafɔtò, ménì nétalí nyá Yudafò ámu. Mma Mose mbla así, táme ntɔbwé iwí fé ahá aní bɔbɔ mú así, ménì nétalí nyá amótó akú. ²¹ Alí kén ní mía ɔmátófá buma Mose mbla así aniná á, ntɔbwé iwí fé amó, ménì nétalí kpá amó ba Kristo ní. Iní medésuná aní mma Bulu mbla ámu así, tsúfé ntóbú Kristo mbla ámu. ²² Ntɔbwé iwí fé ahá aní amó hógyi ɔnó ma ɔnlun, ménì nétalí há amó bédan Kristotò. Ntedamlí iwí ɔkpa ɔtsan-ɔtsansu há ahá féé, ménì nétalí kpá amótó akú ba Kristo.

* **9:9** Deut. 25:4. Kí ató táanheá bu ifon XXX, (1 Ti. 5:18). Mú así gyí, “Butamalé ɔkwén pó íbì tsítsi ɔsulòtò.”

²³ Asun wankláán ámu só ntábwé íni fée, méní mí é nénya ogyíkpa mótó. ²⁴ Mlikan ání ní ahá bwsrí a, okugyíákw tɛyírí iwí, táme ɔbakóle tégyi ísu, bɔtekíé mu ató? Mlí é mliyírí iwí srí, méní mlégyi ísu, békie mli ató. ²⁵ Ɔsrí ɔtsíípú okugyíákw tekítá iwí, méní ɔbésrí púhɔ idá ání itamatsíá yó. Táme aní mó anidé íni bwe, méní abóhɔ idá ání imáɔfwí ekekeke. ²⁶ Iní su megyí kpaali nsrí. Mí ansí din tákusu. Ntamatswí atswé wá afútó. ²⁷ Ntesen ansító, bwé mí iwí ɔkpábi, méní ní nedá asón ámu ɔkan súná ahá ta á, Bulu méébláa mli ɔbéé, nabwé tsítsá.

10

Ikpísúm Iwí Ɔláda

¹ Mí apíó, ndekléa mlibí tóá Bulu lóbwe há aní anáin amu fée bímbí ámu. Ɔleha agyinde lobun amó féesú, ɔleha ɔpu pepe bɔnkpato lése, ɔlekpa amó fée tsun ɔpu amɔtá. ² Bulu lópu agyinde móa ɔpu amu bó amó fée asú, pósúná ání bɔgyi Mose abúɔpu. ³ Amó fée begyi ɔhétó atogyihe oloku ɔkule amu. ⁴ Bonu ɔhétó ntsu oloku ɔkule amu tsú bɔtá amóú ɔlekpa amó amɔtá. Kristo gyí bɔtá ámu ni. ⁵ Táme íni fée ɔma a, Bulu ansí megyí amó ɔɔɔɔɔ iwí, ɔlehi amó dimbí ámusu ínu.

⁶ Ntóbí ánfí íleba amósú ánfí fée igyi atosúánhe há aní, méní amó laláhe amu odu bwe méédinká aní ɔwóli, ⁷ ánimóosúm ikpí é fé amó. Tsúfé Bulu asun wanlínhé amu íleblí ɔbéé, “Ahá ámu betsiá así gyí ató, nu ntá, kósó kóm.” ⁸ Mlimáwa atsi móa ayin asón fé alíá amótó aku bɔbwe, íleha amótó mpím adwanyɔ-sa (23,000) benya lowu ekewóle. ⁹ Mlimáha asó Kristo kí fé alí amótó aku bɔbwe, awá bodundun amó mó ámu. ¹⁰ Mlimále Bulu ílá fé alíá amótó aku bɔbwe, Bulu lópu ɔbɔpu sísí, ɔlɔbɔmɔ amó.

¹¹ Ntóbí ánfí íleba amósú fée igyi atosúánhe há aní. Bɔwanlín mú tswí, pódá aní ahá ánfí ɔyí ɔnómábi lató aní ánfí ɔlá.

¹² Mú su ní fuki fée folí kinkíinkín Kristo hógyitá á, kí wankláán, méní foméedida. ¹³ Bɔ́ ání fú isókí amu mɔtsun ɔtsan há aha tráhe klé. Ɔnɔkwalipu Bulu gyí. Ɔmééha isókíá ídun fu íba fusu. Táme ní fowíé isókítá á, Bulu obósuná fú ɔkpa ání fítsun mósú tálí líí mú ɔnó, méní fédalí mótó.

¹⁴ Mú su apíó adwepó, mlimáwa iwí ikpísúmtó ekekeke. ¹⁵ Atiansipu mligyí. Mú su mli onutó mlyɔ asón ánfíto amlíkí. ¹⁶ Ní adá Bulu ípán, anu aní Wíe Yesu ɔpónúasí ewe ámɔtá ntá á, imosuná ání ania Kristo obugya labwé kule? Ní abíá bodobodo amu é ye aba á, mú é imosuná ání ania mu ɔyólú labwé kule? ¹⁷ Iníá aní tsó ó á, bodobodo ipin kule anitegyi. Mú su aní fée anlábwe ɔyólú kule fé bodobodo ipin ámu.

¹⁸ Mliɔukí Israelfa, megyí ahá amóú bɔtegyi afɔɔɔie-ató ámu tóbwe kule afɔɔɔie ámu bɔtá? ¹⁹ Mú su nkáli mí asón ánfí desuná? Blí ndeblí mbéé, ikpí ntéé atogyihe amóú bapóhá amó igyí amu íbu labí? ²⁰ Ekekeke! Tóá ndeblí gyí, ní akpíú behá ikpí igyí a, ɔhe laláhe bɔpuhá, megyí Bulu. Mú su mmedékléa mlia ɔhe laláhe mlóbwe kule. ²¹ Mluméetalí pú aní Wíe ewe tin ɔnó, láyɔpu ɔhe laláhe ewe é tin ɔnó. Mlia Kristo mluméetalí wá íbú gyí ató, mlia ɔhe laláhe é amlíwa íbú gyí ató. ²² Ní abwé mó alí á, anímóowa Bulu ɔblé fé Israelfa? Ntéé anikíá aníbu ɔwɔnlín dɔn Bulu?

²³ Ahá bɔteblí bée, “Aníbu ɔkpa bwé tógyító.” Ibu mótó alí, táme megyí mó fée bu labí. Fɔdeblí fée, “Aníbu ɔkpa bwé tógyító.” Táme megyí mó fée tóbúa aní. ²⁴ Mlimáki mli nkole klé, mboún mlikí mli aba é klé.

²⁵ Tṣá mliwḃwée gyí, mliwí ibiásó iye kugyíkṃ. Mliḃáfíté mó iwí asṃanso, mli klṃn é imáha mli pón. ²⁶ Tsúfḗ bṃwanlín wá Bulu asón ámṃtṃ bḗe, “Bulu bó gyí mṃa mótṃ ató fḗé.”

²⁷ Ní omátóyin otí fú ató ogyíkpa, iletsiá fú á, fayó. Táme ní foyó á, máfíté mó iwí asṃanso, fú klṃn é imáha fú ipón. ²⁸ Táme ní okṃ obláa fu obḗe, “Okpítṃ-ató igyi” á, alá iméehan ohá ámu so mágyi ató ámu. ²⁹ Megyí alá ibéhan fu so, mbouín ohá ámu so. Múú ntogyi só tṣá okṃ désusúu ibétin mí iwígyí okpa?

³⁰ Ní ntedá Bulu ipán atogyihḗsu asa ntegyi mó á, ntogyi só okṃ obḗle mí ilá ató ámu so?

³¹ Mó so ní fodegyí o, fodenúu o, bwe mó fḗé pṃwa Bulu numnyam. ³² Mliḃáha mli tsiátṃ itin Yudafo pú Griikifo ntḗe Bulu apasua ámu Kristo wá ba okpa. ³³ Ntamakle mí nkṃle yilé. Tógyítṣá ntṃbwé á, ntṃbṃ mbódí aní néha ahá ansí bégyi amó, méní Kristo obṃhṃ amó nkpa.

11

1 Mlikaṣí mí tsiátṃ, fḗ alá mí é nekasi Kristo klé.

Alá Atsi Bṃpṃtsiá Apasuatṃ

² Mí apíó, ntekánfó mli, tsúfḗ mli ansí din mísó. Mliḗbwe dínká Kristo atosunáhé amóú nṃpṃhá mli ámu so. ³ Táme ndekléá mlinúu mó asi aní oyingyíoyin bṃ Kristo asi, otṣigyíotṣi bṃ oyin asi, fḗ alá Kristo é bṃ Bulu asi. ⁴ Iní so oyingyíoyin aní obun ató nwun asa oḗe mpái bṃ ntḗe oḗe asón aní Bulu lapówá mó onó blí médé Kristo bu. ⁵ Táme otṣigyíotṣiá omeklí nwun asa oḗe mpái bṃ ntḗe oḗe asón aní Bulu lapówá mu onó blí é médé mu kulu bu. Igyi fḗ alakpá nwun. ⁶ Ní omáppṃ ató klí nwun á, múmó okpáa mó. Táme ní otṣi okpá nwun, ibṃ mu péli a, ppṃ ató klí músó. ⁷ Bulu lóbwe oyin fḗ mu iwí, pówá mu iwí numnyam. Mó so mehián aní obṃpṃ ató bun nwun asa obósum Bulu. Táme otṣi mó á, Bulu lóbwe mu pówá oyin numnyam. ⁸ Tsúfḗ oyin médalí tsu otṣitṃ, otṣi mbouín lédalí tsú oyintṃ. ⁹ Megyí otṣi só Bulu lópwe oyin, mbouín oyin só olṃpwe otṣi. ¹⁰ Iní so ilehián aní otṣi obéklí nwun, pṃsúná aní obṃ túmi asi, tsúfḗ Bulu-abṃpṃ bṃde mu kí. ¹¹ Iní ania Kristonyṃ anlabwé kṃle so á, otṣi léhián oyin, oyin é léhián otṣi. ¹² Tsúfḗ alí amóú otṣi gyankpapṃ lédalí tsu oyintṃ ámu a, alí kén otṣi é lókwí oyin ní. Táme Bulu lóbwe tógyítṃ.

¹³ Mli onutó mliyo asón ánfítṃ amlíki. Ibṃ alá otṣi méeklí nwun asa obóbṃ mpái há Bulu? ¹⁴ Fḗ alá Bulu léle oyítṃ á, ima alá oyin obési mu imi ibówa iwí fḗ otṣi klé. ¹⁵ Imi tintín igyi numnyam há otṣi, tsúfḗ Bulu lópṃ mó há mu fḗ nwun-abúntṃ. ¹⁶ Táme ní okṃ dé mó iwí nwéen gyí a, asón aní mbṃ blí gyí, mmotsulá dínká kṃkṃsuṃ dun iní. Alí kén Bulu apasua atráhe fḗé bṃmotsulá dínká músó ní.

Opónasiyṃ

(Mateo 26:26-29; Marko 14:22-25; Luka 22:14-20)

¹⁷ Mmḗekanfó mli asón ánfí nebá bebláa mli ánfí mótṃ. Tsúfḗ yilé kṃkṃ tamadáli tsu mli ifiatṃ. Lalahḗ kóun itetí há mli. ¹⁸ Gyankpapṃ a, babláa mli bḗe mliḃamabwé kṃle ní apasua ámu befia. Nahogyi aní asón ánfí kṃ bṃ mótṃ. ¹⁹ Lélé mó á, ilehián aní nwéengyí bétsiá mliṃ, méní mlówun onṃkwaliá ibṃ mótṃ. ²⁰ Táme beblí bḗe, ní mlefia a, megyí opónasiyṃ so mlitefia. ²¹ Tsúfḗ mliḃamagyo aba. Aku bṃtegyi amó ató, bṃtamahá aba. Mó so aku butonu bṃ, aku é bṃtsie akón. ²² Mli onutó mliḃá woyiá mlitegyi ató, nu ntá mótṃ? Ntḗe mliḗekléá mlósṃpáa Bulu apasua ámu, amlíwa

ahíanfó ámu pélító? Amansu mbli tsu inu iwí? Nkánfu mli? Inutó mó á, ekekeeke, mméekanfó mli!

²³ Tsúfě tśá nosuán tsu aní Wíe wá kén nde mli bláa a. Aní Wíe Yesu léle bodobodo ipín onyé amóú bele mu há ámu, ²⁴ ọlẹda Bulu ipán, bíábía mótó, bí ọbée, “Mí ọyólá ndepuhá mli ní. Mlitsia bwe inu pọkain mísó.” ²⁵ Alí kén atogyihe amu ọma a, olotsu ntá-ewe ámu, bí ọbée, “Ntá-ewe ánfí gyí mí obugya ání Bulu dépọsí ntam pọpwe amóú ọbọ mlia munyọ nsuné ámusu ní. Brégyibréá mlónu mó á, mlinu mó pọkain mísó.”

²⁶ Tsúfě brégyibréá mlídé bodobodo anfi gyí, nu ntá tsú ewe ánfító á, mlídé aní Wíe lowu ámu akan da kpéfón bréá obéyinkí bá. ²⁷ Mó su ọhá ání obégyi alí bodobodo anfi, nu ntá tsú aní Wíe ewe ánfító mábú ọkpasú á, alagyi aní Wíe ọyólú pọ mu obugya amu iwí pón. ²⁸ Iní su ilehián ání mlóyọ mli nwuntọ wankláán, asa mlégyi bodobodo anfi, nu ntá-ewe ánfító. ²⁹ Tsúfě ní mlumóbu aní Wíe Kristo ọyólú, mlilégyí bodobodo amu, nu ntá ámu é dínká ifinsu á, Bulu ọbéha mli ipón mó su. ³⁰ Mó só mlító ahá tsọtsoọtso bapọn, ako bọdẹlọ, ako mó kóráá bawú ní. ³¹ Ní anutọyọ aní nwuntọ wankláán asa a, tekí Bulu méeha aní pón. ³² Táme ní aní Wíe ọlé aní ilá, bití aní isu á, ọméeha ania ọyítọ ahá fěé ipón kole.

³³ Iní su mí apíó, ní mleyéfia ọpónú ámu así á, mlitsia gyo aba. ³⁴ Ní akón de ọku á, ogyí ató tsu wóyítọ asa ọba, méní mli ifia amu uméeti isubití há mli. Mí onutó néba bebláa mli tśá mlíbwee tsu asun tráhe amu iwí.

12

Ọje Wankíhé Atokiehé

¹ Séi á, apíó, ndekléá néle Ọje Wankíhé atokiehé asún amó así wankláán suná mli.

² Mliyin ání bréá mli gyí ọmátófó á, bosuná mli asunakpan, ọeha mlíyọ mlídé ikpá botamatóí sum. ³ Mó su ndekléá mlíbú móá itsú Bulu wá. Ọhagyiọha ání ọdepọ Ọje Wankíhé tóí méetalí lwíí aní Wíe Yesu. Ọhá ání Ọje Wankíhé dé mu kpa nkole ọbétalí bí ọbée, “Yesu gyí mí Wíe.”

⁴ Bulu atokiehé ọtsan-ọtsan bu inu, táme Ọje Wankíhé amu kén teye mó fěé. ⁵ Bulusúm agyómá igyi ọtsan-ọtsan, táme aní Wíe amu kén aní fěé anidésu. ⁶ Ọkpa ọtsan-ọtsansu Bulu tọyọ agyómá tsun anisú, táme Bulu ámu kén dé mó fěé bwe tsun aní fěésú. ⁷ Bulu telé mu Ọjé ámu ọwan tsun ọkpa ọkusú anitọ okugyiọkọtọ, méní abọpọkpá aba. ⁸ Ọje Wankíhé tehá ọku tọpọ nyánsa tóí kplá ahá, ọtehá ọku é tebí asún. ⁹ Ọtehá ọku tehíe họ Bulu gyí, ọtehá ọku é tetsá ahá ilọ. ¹⁰ Ọje Wankíhé amu kén tehá ọku túmí ọtọpúbwé ofúla, ọtehá ọku é teblí asún ání Bulu lópọwá mu ọnó. Ọtehá ọku tetálí bí ọjéá itsú Bulu wá pọ móá itsú ọje laláhe wá. Ọtehá ọku teblí ọblí bábmbá, ọku é tonú mó así. ¹¹ Ọje Wankíhé amu nkole tóbwee iní fěé, oteye atokiehé ánfí há ọhagyiọha ahá ọdeklé.

Ọpasua Amu Igyi Nyankpọsa-oyí Ọkọle

¹² Nyankpọsa-oyí iwí ató itsọ, táme mó fěé lóbwe nyankpọsa amu. Alí kén igyi Kristo é ní. Mu ọpasua ámu gyí mu nyankpọsa-oyí ámu ni. ¹³ Anitọ ako anigyi Yudafọ, ako Griikifọ, ako nkpábi ntée adíhe, táme bọpọ Ọje Wankíhé amu bó aní fěé asú wá Kristo ọyólú kole amutọ, Bulu lópu Ọjé ámu kén núná aní fěé.

¹⁴ Táme mégyí toku kole lóbwe nyankpọsa-oyí ámu, mboun iwí ató ọtsan-ọtsan. ¹⁵ Ní yabi ọblí ọbée, “Mma nyankpọsa-oyí ámu iwí, tsúfě megyí ọbọ ngyi” á, ilosuná ání megyí nyankpọsa-oyí ámu iwí ató ogyi? ¹⁶ Ní isu é ọblí

ɔbée, “Mma nyankpɔsa-oyí ámu iwɪ, tsúfée megyí nsíbi ngyi” á, ilosuná ání megyí nyankpɔsa-oyí ámu iwɪ ató ogyi? ¹⁷ Ní nsíbi nkole gyí nyankpɔsa-oyí ámu fée á, nkálí ɔbóbwe obónu asón? Ntee ní ɪsu nkole gyí nyankpɔsa-oyí ámu fée á, nkálí ɔbóbwe ató afú? ¹⁸ Táme Bulu lópu iwɪ ató tsɔtsɔtsɔ bwé nyankpɔsa-oyí ámu, ɔlɔpu kugyíku yi ɔtínéá odeklé. ¹⁹ Ní iwɪ ntobí ámu igyi toku kole a, nkálí nyankpɔsa-oyí ámu ɪbóbwe? ²⁰ Iwɪ ntobí ámu ɪtsɔ mó, táme mó fée lóbwe nyankpɔsa-oyí ámu nɪ.

²¹ Mó su nsíbi méetalí bláa ɪbɪ ɔbée, “Fɔma labi há mí!” ekekεεke. Nwun é méetalí bláa yabi ɔbée, “Fɔma labi há mí!” ²² Ní akɪ a, iwɪ ató ámóú anidéku aniaa ɪlɔpɔn amu iwɪ téhian nɪ. ²³ Mó ámóú anidékiá obú ima mósú ámu anitobú dɔn nɪ. ɔtíné ámóú anitamakléá ahá bɔwúun amu é anitɔpú ató tin nɪ. ²⁴ Táme anitamapú ató tin anɪ iwɪ ntobí ámóú ɪbu akíle amu. Bulu lóbwe anɪ iwɪ ató ámu alɪ, méni abóbu mó ámóú ima numnyam amu, kɪ mósú wankláán. ²⁵ Fówun ɪkɔlɔbwe bétsiá amótó, méni gyɔpi okpítá bina a, bina é lakpítá gyɔpi. ²⁶ Ní nyankpɔsa-oyí ámu iwɪ tɔku dé ɔsun wúun a, nyankpɔsa-oyí ámu fée towun mó. Ní bekánfó mótó ku é á, ansí tegyi nyankpɔsa amu.

²⁷ Yoo, ayó nkpá. Kristo ɔyólúu kole amu mlɪ fée mlɪgyí. Mlɪgyí mu ɔpasua ámu nɪ. Mlɪtɔ okugyíáku gyí mu nyankpɔsa-oyí ámu iwɪ tɔku. ²⁸ Bulu léhɪhɪe ɪnɪ fée wá mu ɔpasua ámutɔ. Gyankpapu, sumbí ayɔpú. Nyɔɔsi, Bulu ɔnósú atóipó, saasi, ató asunápú. Mó ɔma a, ofúla abwepú. Amóú bubu ɪlɔtsá túmɪ, buale agyípu, ahande pó ɔblí bambá ablípó. ²⁹ Amóú fée gyí sumbí ayɔpú? Ekekεεke! Amóú fée gyí Bulu ɔnósú atóipó, ntee ató asunápú, ntee ofúla abwepú? Iméeba mótó alɪ! ³⁰ Amóú fée bu ɪlɔtsá atokiehé? Amóú fée téblí ɔblí bambá, ntee amóú fée tetálí nú ɔblí bambá ámu asi? ³¹ Mlɪbɔ mbódí amlɪdunka atokiehé ámutɔ móá idehián dɔn.

Nélasúná mlɪ ɔkpa ání ɪdɔn ɪnɪ tsía mótó.

13

ɔdwe

¹ Ní ntetalí blí anyánkpɔsa pó Bulu-abɔpu ɔblí fée, táme ntamadwé mí aba á, ngyi fé ɔkan ntee gbémgbléín ání bɔde mó da, ɪdelín kóklókóú. ² Ní mbu Bulu ɔnó asónblí, Bulu ason nainhé bi pó hógyi kpɔnkpantiá ntetalí pópúlí abu, táme mma mí bá iwɪ ɔdwe á, mómó mma labi kɔku. ³ Ní nɔpú mí ató fée kíe ahíánfó, nɔpú mí iwɪ há mbée bɔwáa mí ogyá, táme mma mí bá iwɪ ɔdwe á, mma labi há ɔhaa.

⁴ Ahá ɔdwe pú tenyá ɪklɔn, ɔbu awɪtɔle. ɔma olu, ɔtamaká ɔnótó, ɔtamatsú iwɪ. ⁵ Otobú ató, ɔma ɔnsípe. ɔtamakósi nyá ɔbló, ɔtamahɔ asón wá iwɪtɔ. ⁶ ɔtamatsúlá asukpan, ɔnɔkwali otobuo. ⁷ Otenyá klɔn há tógyító, ɔtɔhɔ asónsú gyí. Mu ansí tedínká asónsú, ototomi é.

⁸ ɔdwe mó ɪtamatá, táme Bulu ɔnó asónblí bómɔ ɔnó. ɔblí bambá blí béka itin, asónbi é ɪbéba bɔtsɔn. ⁹ Tsúfée anumókónyá bí tógyító tá, anumókónyá blí Bulu ɔnó asón é yi. ¹⁰ Táme ɔhétó atokiehé ánfɪ fée ɪmɔfɔn. Ní móá ɪlɔfɔn yi ɪbá á, ɪnɪ fée bófwi.

¹¹ Igyi fé ɪnɪ. Bréá ngyi kebi á, nɔtɔí fé kebi. Mí atɔ bwehé pó mí ason susúhe fée lóbwe fé kebi. Táme séi ánfɪ nadan a, nasí nyebitɔ bwehé ámu fée bwe. ¹² Séi á, anidé ató kí fulaa fé ogyásitɔ anidé mó kí. Bré ɪku béba a, abówun mó wankláán. Séi á, anɪ atóbɪ mɔfɔn. ɔma a, abéba bebɪ mó fé alíá Bulu yin anɪ.

¹³ Ɖnakwal a, atoku asa ánfí obétsiá ní. Hógyi, akpakú pú odwe, táme odwe dɔn mú fée.

14

Ɖhe Wankíhé Atokiehé Bámbá

¹ Mlɔdunka odwe akpa, amlɔdunka ɔhétó atokiehé é. Múá ɔdɔn a, Bulu ɔnó asónblí. ² Tsúfè ní akɔ dé ɔblí bambá blí á, megyí anyánkprósa ɔdebláa, Bulu ɔdebláa. Ɖhaa tamanú mú asi, tsúfè mu ɔhè dé asɔn ɔhainhé blí. ³ Táme ɔhá ání ɔde Bulu ɔnó asón blí mú á, ahá ɔdebláa, ɔdepubúa amó abɔdan hógyitɔ. Ɖdepowá amó ɔwɔnlín, ɔdepolwíí amó ɔklɔn é. ⁴ Ɖhá ání ɔde ɔblí bambá blí nkɔle tényá ɔwɔnlín Bulusúmtó. Táme ɔhá ání ɔde Bulu ɔnó asón blí mú tɔwá ɔpasua ámu ɔwɔnlín.

⁵ Teki ndekléá mli fée mléblí ɔblí bambá, táme ní mlídé Bulu ɔnó asón blí á, ɔbu mi alé dɔn. Tsúfè Bulu ɔnósó ɔtáipó dɔn ɔblí bambá ɔblípó. Nkétí ní ɔblí bambá ɔblípó ámu tetálí lé mú asi, méní ɔpasua ámu bénya tɔku tsú mótó. ⁶ Mí apíó, ní naba mli wá séi beblí ɔblí bambá kv, mmele mú asi á, labi mɔmu ɔbówa há mli? Táme ní neblí asón, nehá mlébi asón, ntée neblí asɔn lesúnáhé kv, ntée neblí Bulu ɔnó asón kv, ntée súná mli ató á, ɔbówa labi há mli dɔn.

⁷ Mlɔpɔki itóá fedá mú itotsúlá, fé ikwe, ɔténɛ ntée akpe aná. Ní fomeda mú itsula wankláán á, bɔtamanú mú asi. ⁸ Ní klunsi ɔdapó mébi dá mú á, ɔhaa tamanú mú asi, dídá ató yó isá. ⁹ Alí kén ní mlídé ɔblí ání ɔhaa médé mótó nu blí á, mlídétoí wá afútó ní. ¹⁰ Ɖblí tsɔtsɔtso bɔ ɔyító. Kugyíku ɔɔfɔn, ɔbu mú ablípó anulé. ¹¹ Táme ní akɔ dé ɔblí kv blí, mí é mmedé mótó nu á, ntamanú mu asi, mu é ɔtamanú mí asi. ¹² Mú sv íniá mlihé mlídé Ɖhe Wankíhé atokiehé ámu dunká á, mlíkɔlí múá ɔbówa ɔpasua ámu ɔwɔnlín.

¹³ Iní sv ɔhá ání ɔteblí ɔblí bámbá akóli Bulu mú asnu, méní ɔbétalí le mú asi súná mú anupó. ¹⁴ Tsúfè ní ndepu ɔblí bámbá bó mpái á, mí ɔhè dé mú bɔ, táme mmedé asón ání ndeblí asi nu. ¹⁵ Nkálí mee nóbwé? Nóbɔ mpái ɔhétó bré kvɔ, pú mí agywɔn é bó mú bré bámbátó. Alí kén nówa ɔb ɔhétó, pú mí agywɔn wá mú bré kvɔ é ní. ¹⁶ Tsúfè ní fúde Bulu kanfú ɔhétó pé á, nkálí ɔbóbwé ɔhá ání ɔmedé mú asi nu ɔbétsa fú? Nkálí bétsa fú Bulu ipán da ní bɔmedé asón ání fúdeblí asi nu? ¹⁷ Fíalí fúde Bulu ipán da wankláán, táme itamawá fú bá ɔwɔnlín.

¹⁸ Nedá Bulu ipán ání nteblí ɔblí bambá dɔn mlíto okugyíakɔ. ¹⁹ Táme ní afia a, ntekleá néblí asón anu pé ání ɔhagyíɔha obónu mú asi, ɔbówá amó é dún ání néblí asón mpím-dú (10,000) ɔblí bámbátó ání ɔhaa mónu mú asi.

²⁰ Mí apíó, mlumábwe agywɔn fé nyebí. Mlɔbwe ɔwí fé kebi-bóbwé lakpanbwetɔ, táme mlígywɔn fé ahande. ²¹ Bɔwanlín wá Bulu asón ámuɔto beɛ,

“Nótóí tsɔn afóósó, bébláa mí ahá ɔblí bambá.

Mú ó á, mí ahá bɔmóonu mí ɔme.” Aní Wíe léblí.

²² Iní sv ɔblí bambá blí igyi osúna há ɔmátófo, megyí ahógyipɔ. Bulu ɔnó asón blí é igyi osúna há ahógyipɔ, megyí ɔmátófo.

²³ Ní ɔpasua ámu ifia, ɔhagyíɔha dé ɔblí bambá blí, ɔha bambá pú ɔmátóyín bebá mlíto á, bɔméesblí beɛ, mli nwun layíntá? ²⁴ Táme ní mli fée mlídé Bulu ɔnó asón blí, ɔmátófo ntée ahá ání bɔtamanú mótó bebá mlíto á, amó onutó bóyo asón ámuɔto, nú iwiasí ání babwé lakpan. ²⁵ Ibéha amó klɔntɔ asón béln ɔwan, béda akpawunu, kánfú Bulu beɛ, “Lélé, Bulu bɔ mlíto.”

Ɖpasua Ámuɔto Nihíé

²⁶ Mí apió, ní mlebá befia Bulu osúmkrá, mlitò òkò tawá ilò, òkò tosúná ató, òkò towun ató, òkò tēblí òblí bábmbá, òkò é tonú mó así á, búbwéé mó pwasua ámu òwonlín. ²⁷ Ní akú bēblí òblí bábmbá á, búbwéé ahá abanyó. Ní butso kórará á, abasá. Bublí mó ikule-kule, ménì òkò òbéle mó asì. ²⁸ Ní òhaa má ofiakpa inwá òbéle mó asì mó á, búkrá ònó bun, amóa amó Bulu abutai nklobító. ²⁹ Bulu ònósú atóipó abanyó ntée abasá butói, atráhe abuyò amó ason blíhé amòtò. ³⁰ Táme ní Bulu òlé ató súná òkòá otsie ofiakpa inw á, Bulu ònósú atóipó ámu osii tói, òhá ámu òblí tóá alawun. ³¹ Mlì fēé mlétalí blí Bulu ònó asón ámu ikule-kule, ménì mlì fēé mlósuán t̀kò tsú mótó pówá iwì òwonlín. ³² Bulu ònósú atóipó amò bonyáa túmì òjé ámóú idé amó kpa amósó, ménì bótói há amó aba òkpa. ³³ Tsúfē Bulu asón lolwií, omegyí basabasa.

³⁴ Ní òpasua ámu ifia a, atsi búbwéé díín. Buma òkpa tói. Búbá iwiasì fē alíá Mose Mbla léblí. ³⁵ Ní búdekléá bónu aswankotò á, búfite amó akúlu wóyító, tsúfē ibo péliá otsì òbótói ofiakpa.

³⁶ Mlilahogyi mliaa, mlì wá Bulu asón ámu ilotsuá asì? Ntée mlì nkule látsò mó nu? ³⁷ Ní òkú dēkú ánì Bulu ònósú atóipó mugyí, ntée òbu Òjé tó atokiehé kú á, iwánkì mu ánì anì Wíe onutó mbla ígyi ndewanlín sí sí mlì. ³⁸ Ní òm̀hò asón ánfi á, mlì é mlímá hò mu asón.

³⁹ Mí apió, ínì sv mlipri ánì mlēblí Bulu ònó asón, támē mlímábláa òhaa mliaa, òmáblí òblí bambá. ⁴⁰ Mlìbwē tógyító ònka mó òkpasu wankláán, ifun.

15

Kristo Kòsú tsú Afúlitò

¹ Mí apió, séi á, nkáin mlì ason wankláán ámóú neda mó òkan súná mlì, mlìlòhò m̀sú gyí, mlì hógyí ilí m̀sú ámu. ² Asón ánfi òbéha mlì nkpa ánì itamatá, ní lélé mlìlòhò m̀sú gyí nì. Táme ní mlekíná m̀sú hogyi mó á, mlì hógyí labwé kpaali!

³ Tsúfē asón ánì ihíe dehián b̀p̀p̀há mí ǹp̀p̀ba mlì ígyi. Mógyí, Kristo lóbowu anì lakpan sv, fē alíá Bulu ason wanlínhé amò léblí. ⁴ Bopulá mu, Bulu lókusóa mu tsú afúlitò eke sáásí fē alíá Bulu ason wanlínhé amò íleblí. ⁵ Òlele iwì òwan súná Petro. Mó òma a, òlele iwì òwan súná sumbí ayòpó dúanyò ámu fēé. ⁶ Inì òma a, òlele iwì òwan súná mu abúòpò tsòtsòtsòá búdun ahá lafanu (500) òtsáwòle. Amótó akú bawú, támē òdudùò bútráa bútsie nkpa. ⁷ Òlele iwì òwan súná Yakobo é. Òma a, òlele iwì òwan súná sumbí ayòpó ámu fēé.

⁸ Itráhe-tráhe a, òlele iwì òwan súná mí onutó ánfi nesin òma ba anfi. ⁹ Tsúfē mígyí sumbí ayòpó ámòtò òkòsu nì. Tekì mm̀f̀v̀n ánì bétì mí sumbí ayòpó kórará, tsúfē nedínká Bulu òpasua ámu sv. ¹⁰ Táme Bulu awítòle sù nde namlì alì. Mu awítòle amò iǹb̀ẁe kpaali. Tsúfē nayò agyómá dun amótó okugyíòkú. Táme megyí mí òwonlín ǹp̀p̀yó mó. Mu awítòle amò dé mí kpa. ¹¹ Inì sv ní ml̀étrá da asón ámu òkan o, amó o, móá idehián gyí mlìlòhò anì asón ámu sv gyi.

Anì Kòsú Tsú Afúlitò

¹² Ní anitédá Bulu asón ámu òkan aníaa, Bulu lókusóa Kristo tsú afúlitò á, ntogyi sù mlitò akú mó b̀èe, awupó búm̀òkòsú tsú afúlitò? ¹³ Ní awupó búm̀òkòsú mó á, idesuná ánì Bulu m̀kòsúa Kristo é. ¹⁴ Ní Kristo m̀kòsú tsú afúlitò á, tekì anì ason wankláán amò òkanda ígyi kpaali. Mlì m̀sú hogyi é ígyi kpaali. ¹⁵ Ní Bulu tamakósúa awupó mó á, mómó afunu

anidéwa tin Bulu onó, blí aniaa alakósúa Kristo tsú afúlitó. Ní otamakósúa awupó á, mómó asón ánfí ima móto. ¹⁶ Ní otakósúa amó mó á, mómó otakósúa Kristo é ní. ¹⁷ Ní otakósúa Kristo a, mómó kpaali mlilaho mu gyi. Idesuná ání mlulasin lakpantó. ¹⁸ Mómó itráa desuná ání Kristo ahógyipwá bawú é bafwí. ¹⁹ Ní oyi ánfito nkpa nkulesó aní ansídin Kristosú mó á, mómó aní lá bu nwe dón ohagyísha.

²⁰ Táme onakwalá ida gyí, Bulu lakósúa Kristo tsú afúlitó. Kristo labwé ahá ání Bulu obókúsúato ogyankpapu. ²¹ Alí amóú lowu léba tsón nyankpúsasú amú a, alí kén kusó tsú afúlitó é ileba tsón nyankpúsasú ní. ²² Tsúfé alí amóú ahá butowú amóú Adam ikolebwe sù amú a, alí kén amóú Kristo ikolebwe sù amó féé bénya nkpa ní. ²³ Táme anitó okugyíokú bu mu bré. Kristo Bulu légyankpá kósúa tsu afúlitó. Ní Kristo oyínkí bá a, mu é obókúsúa mu ahá féé. ²⁴ Mó oma a, Kristo obégyi onétó túmi laláhe, iwíegyi pó túmiá ide oyi sù gyí féésó asa oyi obómó onó. Mó oma a, obéyinkia iwíegyi amú wá aní Sí Bulu ibitó. ²⁵ Tsúfé ilehián ání Kristo obégyi iwíe kpéfun bréá alagyi mu alupó féésó, pó mu ayabi tsá amósó. ²⁶ Olupó tráhe ání obéhu gyí lowu. ²⁷ Tsúfé Bulu asón wanlínhé amú ileblí obéé, “Bulu lópu tógyító wá mu asi.” Iní imosuná ání Bulu bu Kristo asi. ²⁸ Ní Kristo ogyi tógyítósú tá á, obópu iwí wá Bulu asi. Móléha mu túmi dínká tógyítósú, fówun Bulu é obégyi tógyítóá ibu otinegyíotínésó.

²⁹ Ní Bulu móakósúa awupó á, ntogyi só ahá bude asú bó há ahá ání bawú? Ntogyi só béha bóbó amó asú há amó? ³⁰ Ntéé ntogyi só aní mó abópu aní nkpa pléí brégyibré? ³¹ Mí apió, nekáse, ntefia alowusú ekekegyíeke! Igyi tóá ntópúsú iwí ání mliá aní Wíe Kristo Yesu mlilabwé ikole. ³² Mó sù kpaali nako Efesofá bugyi fé mbwíkitá-ato? Ní Bulu móakósúa awupó mó a, “Mómó mliha agyi, awi, anu, tsúfé óke sesebre anlawú.” Fé aliá bowanlín wá Bulu asón amúto.

³³ Mlimáha ahá ání buteblí asón ánfí odu abumle mli! Tsúfé ahande bée, “Mba laláhe gyí teyintá oha.” ³⁴ Mlilabwe agywun wankláán, amlisi lakpan bwe. Tsúfé mlitó aku butépi bomeyin Bulu. Nde asón ánfí wanlín sísi mli púsópa mli.

Oyólúwá Abópukósú Tsú Afúlitó

³⁵ Okú obéfite obéé, “Nkáli Bulu obókúsúa awupó? Oyólúw mómó bópukósú?” ³⁶ Oha mimláhe! Bi ání ní fodú ató-abí á, itopló asa itokwe. ³⁷ Megyi itóbí amóú fopowá osólóto amú gyi obán amóú itedan amú. ³⁸ Bulu tchá mó oyólúw papwe ání mu onutó odeklé. Ochéá ató-abí kugyíku mó oyólúw otsan.

³⁹ Alí amóú ató-abí otsan-otsan búu inu amú a, alí tógyító oyólúw igyi otsan ní. Anyánkposá, mbwi, mbubwi pó ntsutso aye féétó okugyíokú oyólúw otsan.

⁴⁰ Osósó-ató bu inu, osólúw-ató é bu inu. Mó féé ibu oyólúw otsan-otsan. Osósó klé numnyam otsan, osólúw klé é numnyam otsan. ⁴¹ Owí numnyam igyi otsan há otsra. Otsra klé é igyi otsan há ntsrakpabi. Otsrakpabi kugyíku ná otsan, mó numnyam é ina otsan há mó bá.

⁴² Alí ibóbwe bréá Bulu obókúsúa awupó ní. Aní osólúw-oyólúw anfi itowú, pló ánfí ibótsón otsan há móú Bulu obókúsúa tsu afúlitó, tsúfé mó mó imóowu ekekeke. ⁴³ Aní oyólúw anfi tapon bréá bopúlá mó, támé ní Bulu okósúa mó á, itenyá owonlín, wá numnyam. ⁴⁴ Osólúw-oyólúw igyi séi, támé ní Bulu okósúa mó á, ibóbwe onétó oyólúw. Tsúfé alí amóú osólúw-oyólúw bu inu amú á, alí onétó klé é bu inu ní. ⁴⁵ Bulu asón wanlínhé amú lébláa aní

ɔbée, “Adam gyankpapu amu lóbwe ɔkiankpapu.” Táme Adam tráhe, ogyi Kristo amu mú gyí ɔhjá ɔtehá nkpa. ⁴⁶ ɔsolósu-ɔyólú anitegyankpá nyá asa anitebenya ɔhjá klé. ⁴⁷ ɔsolótɔ-ɪsɪ Bulu lópuwé nyankpusa gyankpapu, ogyi Adam amu. Kristo, amú obuo amu mú otsú ɔsósú. ⁴⁸ Nyankpusa okugyáku bu ɔsolósu-ɔyólú fɛ Adam, táme anɪ ɔsósú-ɔyólú mú bóbwe fɛ Kristo klé. ⁴⁹ Alɪ ámú anɪgyí fɛ ɔsolósu Adam amu a, alɪ kén abóbwe fɛ Kristo amú otsú ɔsósú ámu é ekekó ní.

⁵⁰ Apíó, tásá ndeblí gyí, anɪ ɔyólú anfi igyi ɔyólú múa obugya anfi iméenya ogyíkpá Bulu iwíegyi ámɔtɔ. Tásá iteyíntá iméetalí nyá ogyíkpá tásá itamayíntátó.

⁵¹ Táme mliyaá asu amlinu asun ɔhínhé kuá Bulu lalé súná mí. ɔbée, megyí anɪ fɛé obówu, táme anɪ fɛé ɔyólú bétse. ⁵² Ní ɔkpe tráhe ifólí pé á, anɪ fɛé abétse ɔsáwɔle pé. Bulu ɔbókusá awupó ámu. Amú ɔyólú iméetrá yíntá, ɔbétse anɪ nkpa atsiápó é fɛé. ⁵³ Tsúfɛ ilehián aní Bulu ɔbétse anɪ ɔyólú anfi itowú pló anfi, há anɪ ɔyólú itamawú, itamapló. ⁵⁴ Ní íbá mótó aní Bulu latse tásá itowú, bwé mú tásá itamawú, tásá itopló é lábwe tásá itamapló á, inó Bulu asun wanlínhé anfi íbɛba mótó ní. ɔbée, “Batú lowu asɪ plíplíplíplí. Isugyi onotó laba.”

⁵⁵ Bulu asun wanlínhé ku é léblí ɔbée, “Oo lowu, nkónu fú ɔkpe bu?”

Nkónó fú isugyi bu?”

⁵⁶ Lakpan igyi ɔkpe aní itómó, Mose mbla ámu é itehá lakpan túmi. ⁵⁷ Nkálí kórará abókuku da Bulu ípán? Múláhá anilatsun anɪ Wíe Yesu Kristosɔ gyi asu.

⁵⁸ Mú su apíó adwepó, mlilu kínkíínkín, mlímákpunkí. Mlisi mlɪ ɪwɪ fɛé ha Bulu agyómá brégyíbré, tsúfɛ mliyin aní mlɪ gymagyihe móbwe kpaali.

16

Itswitswɪ Ha Yerusalem Ahíánfɔ

¹ Itswitswɪ ha Bulu ahá aní búbu Yerusalem asón ámu é á, mlɪbwɛ mú fɛ alɪ ámú nebláa ɔpasua ámú íbúbu Galatia ɔmátó mbée búbwéé mú ámu. ² ɔhagyíɔha ɔkɪ mu kóba alíá otenyá ɔnó, ɔle ku yaɪ Kwasiédagyíkwasiéda. Mlímágyo mlíaa mbá asa amlitswitswɪ mú. ³ Ní nebá á, nówanlín nwló há ahá aní mlɪ onotó mléle mlíaa, búpú ató ámu ya Yerusalemfɔ ámu, pólé amú súná amú. ⁴ Ní íbɔ aléá nýɔ á, múmó bóbuo mɪ yó.

Paulo ɔkpatu Nɔhíé

⁵ Ní nókósú tsú Makedonia a, néba mlɪ wá, tsúfɛ ndekléá nótɔn unu asa néba. ⁶ Fíalɪ nétsiá mlɪ wá kpalobí. Fíalɪ kórará nétsiá unu nyankpu múa atsalɪ bré ámu fɛé, fówun mlilásɪ mí ɔkpa nayó ɔtínegyíɔtínéá nýɔ. ⁷ Séí mú á, mmedékléá néba beka tsun mlɪ wá keke. Ní Bulu lótsulá á, nétsiá mlɪ wá kpalobí.

⁸ Táme nétsiá Efeso nfi kpéfɔn Pentekoste eke ámu. ⁹ Tsúfɛ ɔkpa kpɔnkpɔntɪ lafínkí há mí aní nýɔ agyómá aní íbówa labi. Íbu mótóá mí alupó tsɔtsɔtsɔ búbu nfi mú.

¹⁰ Ní Timoteo owíé mlɪ wá á, mlímáha ifú ikɪta mu, tsúfɛ anɪ Wíe agyómá ámu kén ɔdeyó fɛ mí. ¹¹ Mlímáha ɔhaa ɔkɪ mu ansító kótíkótí. Mlisi mu ɔkpa wankláán oyínkí bɔtu mí, tsúfɛ ntsie ngyo múa anɪ apíó atráhe amu.

¹² Anɪ píó Apolo asón ámu a, nalí mɔsu mbée, obúo apíó ámu ba mlɪ wá, táme omedékléá ɔbɛba séí. Ní onyá ɔkpa á, ɔbɛba.

¹³ Mlida iwisu, amlilu kinkíinkín mli hógyitə. Mliwa klun, amlwa iwí
 əwənlín. ¹⁴ Mliɸu ədwe bwε mli tógyító.

¹⁵ Mí apió, mliyin ání Stefana mva mɸ wóyító ahá gyí agyankpapuá
 bεdamlí klontə Akaia nsáintə. Basí iwí há, bɸde Bulu ahá ámu súm.

¹⁶ Nokókóli mli, mliɸa iwiası ha amúa ahá ání béba bεtsiá amótó, bóɸu nsi
 yó agyómá ámu.

¹⁷ Ansí lagyi mı ání Stefana mva Fortunato pú Akaiko baba mí wá. Tsúfé
 bɸde mli əbwεkpá bwε. ¹⁸ Bawá mí atətə-ənlun wankláán, fé alı ámúó bəwa
 mli ámu. Mliɸu ahá ánfı odu.

¹⁹ Əpasua ámúó ıɸu Asia amɸ féé bɸde mli tsiá ha. Akwila mva Priska pú
 əpasua ámúó ıɸu amó wóyító amɸ é behá mli tsiá wankláán anı Wíe ıdátó.

²⁰ Apió aba ámu féé behá mli itsiá gyágyáágyá.

Mlilata aba puta Kristotə.

²¹ Mí Paulo onutó lapú mí ıɸı wanlín ını, ndεpohá mli tsiá.

²² Nı əku tamadwé anı Wíe Yesu a, ılwıı dın mɸsɸ!

Marana-ta! (Mú ası gyí, “Anı Wíe, ba!”)

²³ Anı Wíe Yesu Kristo ogyıi mli bɸale.

²⁴ Anıa anı Wíe Kristo Yesu ıkulebwe sɸ ntəhíé dwé mli féé. Amen!

ᾠωλό Νυᾠσιά Paulo Λᾠwanlín Sísí Korintofó

¹ Μί Paulo ánι ινα Bulu apétó nabwé Kristo Yesu sumbí ᾠᾠpó muα anι πίο Timoteo dé ᾠωλό άνfi wanlín.

Anidé mó wanlín sísí Bulu ᾠpasua ánι ιbu Korinto wúluto pó Bulu ahá άνι bubu Akaia ᾠsolósu fée.

² Anι Sí Bulu muα anι Wíe Yesu Kristo bugyíi mlι buale, abuha mlι iwilwii.

Paulo Bulu Ipánda

³ Mliha akanfu Bulu. Mogyí anι Wíe Yesu Kristo mu Si pó mu Bulu. Mogyí anι Síá otowun anι nwe pó anι Buluá otolwíi anι klon ᾠkpagyíakpasu!

⁴ Otolwíi anι klon anι asun wunhe kugyíkoto, ménι anι é abétalí pó klon lwíihé ámóú anilanyá tsú mu wá ámu lwíi anι aba klon amó asun wunheto.

⁵ Alι ámóú Kristo léhie wun ipian kponkponkpon, anι é anidé mó ku wúun amu a, alí kén Bulu ná Kristosu dhíe ᾠde anι klon lwíi ní. ⁶ Mó su ní anidé ipian wúun a, mlι iwilwii pó mlι nkpahóo su anidé mó wúun. Tsúfé Bulu dé anι klon lwíi, ménι anι é abólwíi mlι klon, fówun mlétalí nyá klon, tomi wun anι ipian ámu odu kén. ⁷ Ifú medé anι mlι su, tsúfé aniyin ánι ania mlinyo dé ipian ámu wúun. Mó su Bulu obólwíi mlι klon fé anι.

⁸ Apíó, ιbu aléá mlébi άνι iwiasin ámóú anilówun Asia ᾠmátó ámu ᾠnó lehie wá ᾠnln. Iekle dun anι. Ifú lekítá anι, aníkí άνι abówu kokooko.

⁹ ᾠnokwali asón, ιᾠbwe anι fé bahá anι lowu ipón. Táme alía animóppu ansí dínká anι iwisu, mbouín Buluá ᾠtokósua awupósó, su ιleba alι. ¹⁰ Lélé mó á, ᾠlele anι tsú lowuto. Anilahogyi άνι obétsiá lé anι brégýibré. ¹¹ ᾠbéle anι, tsúfé mlidé mpái bu anι nwunsv. Inι su ahá tsotsᾠotsᾠ bédá Bulu ipán anι nwunsv, tsúfé alawá awitole há anι, mpái ámóú ahá tsotsᾠotsᾠ buᾠebu há anι ámu su.

Paulo Nhíhé Tse

¹² Abétalí pó ιbi sí kántó aniaa anι klon mókóhá anι pón anι nkpató, títriu ania mlinyo nátito. Megyí anι ᾠsolóu anfisv nyánsa anilópu anidé anι agyómá yo, mbouín Bulu awitole só anilatáli lé iwito anidé tógyító bwe ᾠnokwalisu. ¹³⁻¹⁴ Tsúfé megyí asón άνι mliméetalí kla, nu mó asι anitᾠwanlín sísí mlι. Ιbu mótóá mlimédé mó asι nu yi, támε nahogyiá mlóbonu mó asι wankláán ekekó. Fówun mlι é mlétalí pó anι tsú iwι, fé alía anι é abópu mlι tsú iwι anι Wíe ᾠbáke amv.

¹⁵ Μί ansí dun asón anfisv. Mó su ᾠbwe agywun άνι néba mlι wá, ménι mlénya oyúla anyo. ¹⁶ Múgyí, nótsun mlι wá yó Makedonia. Ní neyínkí é nélatsun mlι wá; fówun mlétalí sí mí ᾠkpa, néyinkí ba Yudea ᾠmátó.

¹⁷ Mléfité mliha, ntogyi só nalátse mí agywun. Ntéε nabwé fé ᾠyító ahá ámóú buᾠebli beε, “Ee” latsé amó ᾠnó beε “O-o” amoto ᾠku? ¹⁸ Alι ámóú Bulu bu ᾠnokwali, ᾠtamawá afunu amu a, alí mí “Ee” igyi mí “Ee” ní. ¹⁹ Tsúfé Bulu mu Bi Yesu Kristo amv tamabli ᾠbéε “Ee” latsé mó ᾠbéε “O-o.” Mu mó á, “Ee” kóún ototsúlá. Mu iwι asón ᾠkan mía Silas pó Timoteo aniléda súná mlι ní.

²⁰ Tsúfé motótsúlá “Ee” há Bulu nhíhé kugyíko ιteba móto. Mó só akánfó Bulu tá á, anitebli aniaa, “Amen!” ní. ²¹ Bulu téhá ania mlinyo anitetáli líi kínkínkín ania Kristonyo ikolebweto. Mogyí ᾠhá άνι ᾠleᾠa anι ofúli. ²² Mu kén lópu ᾠhe Wankíhé amv wá anι klontó, póhie anι nsv; isuna άνι muᾠbó anι, ᾠbóbwe tóá ᾠlehie há anι.

23 Bulu obíti mí ɛsɔ ní megyí ɔnɔkwali nde mli bláa. Alíá mméeba bowun tsitsa kòkò blí tsú mli ɛwí sò mmétrá bɔtsɔn ɛnɔ. 24 Anumédékléá ɛbóbwe fé anidé mli hie alíá mli lópo mli hógýi yó agyómá. Mboún alíá ansí bégýi mli sò ania mlɛnyɔ anidé agyómá yɔ. Aniyin ání mli hógýi sɔ mlílí kínkínkín dodo.

2

1 Mú sɔ nabwé agywun ání mmétrá ba bɔwa mli awirehɔ. 2 Tsúfé ní neba bɔwa mli awirehɔ á, ma ɔbéha ansí bégýi mli dɔn mli ámúbú nawá awirehɔ ámú? 3 Mú sò nɔwanlín ɔwoló gyankpapɔ amɔ sísí mli ní. Fówun ní neba á, mli ámúbú mléha ansí bégýi mli ámú mlíméela há awirehɔ mboún ikita mli. Tsúfé mí ansí dɔn mli féésó ání ní ansí de mí gyí á, mli é ansí bégýi mli. 4 Megýi ansigyí nɔpɔwánlín ɔwoló ámú. Asɔn ihíe de mí háan, ndesú asa nɔwanlín mú! Táme megyí alíá néha mlégýi awirehɔ sɔ nɔwanlín mó. Mboún alíá mlébi ání ntehíe dwe mli sɔ.

Lakpansikié

5 Jhá ámúbú ɔlɔpɔ asón ba ɔpasua ámúto ámú mókópú ɔlala gyi mli. Ní beɛ bukú mó á, ɔpasua ámú féé alapú asón gyí. (Mmedékléá nódɔn mó blí.) 6 Isɔbití ámúbú mli ɔdɔdɔ mlilébití mli amɔ itso mli. 7 Uafɔn ání mlésikíé mli, yíá mli klɔn nya. Fówun asón mɔdɔn mli, ɛwí mɔowu mli. 8 Mú sɔ nokókóli mli, mlile suna mli ání mlítráa mlíbo mli ɛwí ɔdwe. 9 Ndekléá nébi ní mlitegyi mí asón ámú féésó. Mú sɔ nɔwanlín ɔwoló ámú nli. 10 Ní mlesikíé ɔkɔ á, mí é nasikíé mli. Ní nesikíé mli é á, mli sò nasikíé mli Kristo idátó, ní ilehián nli, 11 méní Jbunsám oménya anli ɛwí ɔkpa, tsúfé aniyin ikpa ání ɔtɔtsɔn mósú féé.

Paulo Klɔn Médi Mɔ Así

12 Bréá neba Kristo asɔn wankláán ámú ɔkan ɔdakpá Troa wúluto á, nowun ání anli Wíe lafínkí ɔkpa há mí. 13 Táme mí klɔn médi mí así, tsúfé mmɔto mí píó Tito ɛnɔ. Mú sɔ neklá amó ká tsɔn yɔ Makedonia nsáunto.

Isɔgyí Kristo Idátó

14 Táme nde Bulu ɛpán da ání Kristo ɛsɔgyí sɔ alabwé anli ndoun, alakpá anli buo ɛwí, anidé mli ɛsɔgyí amɔ nke gyí. Ní ayó ɔtíneyíɔtíné a, ɔtɔtsɔn anli sɔ bláa ahá ámú Kristo asɔn wankláán ámú, fé alíá ofóbí fánfán tɔwá ɔfan yó tsútsúútsú. 15 Lélé mó á, Kristo gyí atɔ tɔhé, anigyí mó ɔfan ání ɛdeksú há Bulu, há ahá ání bɔde nkpa nya pú amóá bɔdefwí féé. 16 Itobon ahá ání bɔdefwí, kpá amó ya lowuto, itɔwá ahá ání ɔde amó nkpa hɔɔ ɔfan, kpá amó ya nkpatɔ. Ma mee lófɔn ha gyoma ánfí odu yɔ? Jhaa má ɛnɔ. 17 Anli mó anumégýi fé ahá ɔdɔdɔá bɔde Bulu asón ámú fe pòkle kóba. Iníá Bulu lówa anli sɔ á, aniteblí mó ɔnɔkwali sɔ fé Kristo asúmí ání bulí Bulu ansító.

3

Bulu Ntam Pɔpwe Asímpó

1 Asón ánfí anidéblí ánfí itráa desuná ání anidé ɛwí kanfó súná mli lóó? Ntéé ilehián ání abópɔ anli adánsie nɔwoló bá mli, ntéé abóhɔ mó tsú mli wá fé alíá aku bɔtɔbwé? 2 Ekékeké! Mli onutó tsiátó gyí adánsie nɔwoló bawánlín dínká anli klɔnsɔ, ɔhagyíɔha dé mó wúun kla, póbí ání anidé agyómá wankláán yɔ. 3 Mli gyí ɔwolóá Kristo lówanlín, ɛlɔtsɔn anli sɔ ba. Táme megyí oyípe ɔlɔpɔwánlín mó, Bulu ɔkiankpapɔ amɔ

Ɖɔ́ɛ ɔ̀ɔ̀pɔ̀wánlín mó. Megyí abwi pétéplé anyɔ̀sɔ̀* é ɔ̀ɔ̀wanlín mó dínká, mbóun anyánkpósa klɔ̀nsɔ̀.

⁴ Anɔ̀ɔ̀ ɔ̀kpa blí alí, tsúfɛ́ Kristo sɔ̀ anɔ̀ ansí dɔ̀n Bulusɔ̀. ⁵ Anɔ̀yin ání anɔ̀mófɔ̀n ání abétalí bɔ̀wé tɔ̀tɔ̀ anɔ̀ onutó iwɔ̀sɔ̀. Bulu sɔ̀ anɔ̀lɔ̀fɔ̀n há tógyítɔ̀ bɔ̀wɛ. ⁶ Mɔ̀láhá anɔ̀labwé mɔ̀ ntam pɔ̀pɔ̀wɛ amɔ̀ asúmpó. Megyí ɔ̀ɔ̀ Bulu lɔ̀pɔ̀wánlín mó mó, mbóun Ɖɔ̀ɛ Wankíhé amɔ̀. Tsúfɛ́ mbla wanlínhé amɔ̀ ɔ̀tɔ̀pó lowu ba, táme Ɖɔ̀ɛ Wankíhé klé amɔ̀ mó ɔ̀tɔ̀pó nkpa ba.

⁷ Mbla dada amóú Bulu lɔ̀wanlín dínká abwi anyɔ̀sɔ̀ amɔ̀ ɔ̀ɔ̀pɔ̀ lowu ba. Táme mó numnyam léha Mose ansító lɛ́hɛ wankí asa ɔ̀ɔ̀pɔ̀ba Israelfɔ̀. Bréá numnyam amɔ̀ ɔ̀nó ɔ̀ɛ asibá ó á, bɔ̀mɛtalí kɔ̀ mɔ̀ ansító. ⁸ Inɔ̀á mbla wanlínhé amɔ̀ lénya numnyam alí á, mómó Ɖɔ̀ɛ Wankíhé amɔ̀ gyumagyihe numnyam ɔ̀bɛ́hɛ dɔ̀n mó! ⁹ Mbla wanlínhé amóú ɔ̀tɛ́há anɔ̀tegyi ɔ̀pón amɔ̀ kóráá ɔ̀ɔ̀ numnyam. Mó mómó nkálí Ɖɔ̀ɛ Wankíhé gyumagyihe amóú ɔ̀híé bɔ̀ numnyam dɔ̀n mó amɔ̀ ɔ̀bɔ̀bɔ̀wɛ? Tsúfɛ́ ɔ̀tɛ́há anɔ̀tegyi asɔ̀ Bulu ansító! ¹⁰ Mó mómó idesuná ání Bulu mbla dada amɔ̀ ɔ̀tráa ma numnyam kóráá. Pɔ̀pɔ̀wɛ anfi numnyam lagyi mósó. ¹¹ Tsúfɛ́ ní Mbla dada amóú imetsiá wá ɔ̀pá amɔ̀ ɔ̀ɔ̀ numnyam alí á, mó mómó pɔ̀pɔ̀wɛ anfi ɔ̀bétsiá bré fɛ́é anfi klé ɔ̀bɛ́hɛ dɔ̀n mó!

¹² Anɔ̀ ansí dɔ̀n ntam pɔ̀pɔ̀wɛ anfi sɔ̀. Mó sɔ̀ anɔ̀ɔ̀ ɔ̀kpa tóí faan. ¹³ Anɔ̀mégýí fɛ́ Mose ání ɔ̀letsíá pó tati bun nwun, méní Israelfɔ̀ bɔ̀móowun mɔ̀ ansító wankí, bréá mó ɔ̀nó ɔ̀ɛ asibá. ¹⁴ Táme mó óó á, Bulu léha amó klɔ̀ntɔ̀ lówa ɔ̀dwin bɔ̀fɔ̀n ndɛ. Mó sɔ̀ ní bɔ̀dɛ Bulu mbla dada amɔ̀ kláa amó ɔ̀fiakpa a, bɔ̀tamanú mó asi, tsúfɛ́ tati amɔ̀ létin amó agywɔ̀n. Tɔ̀tɔ̀ méetalí bɔ̀wí tati amɔ̀ lé amó agywɔ̀nsɔ̀, nkétí amóa Kristo babwé kɔ̀lɛ. ¹⁵ Bótu ndɛ kóráá ní bɔ̀dɛ Mose mbla amɔ̀ kláa a, tati amɔ̀ ɔ̀tráa bun amó agywɔ̀nsɔ̀. Mó sɔ̀ bɔ̀tamanú mó asi. ¹⁶ Táme ní ɔ̀ha onyá dámli klɔ̀ntɔ̀ ba anɔ̀ Wíe wá pé, Kristo labwí tati amɔ̀ lé mɔ̀ agywɔ̀nsɔ̀. ¹⁷ Anɔ̀ Wíe amóú asón anfi ɔ̀detóí tsú mɔ̀ iwɔ̀ amɔ̀ gyí Ɖɔ̀ɛ Wankíhé amɔ̀ ní. Ɖ̀tɛ́nɛgyiɔ̀tɛ́nɛá Ɖɔ̀ɛ amɔ̀ ɔ̀ɔ̀ a, iwɔ̀gyí tétisiá ɔ̀nɔ̀. ¹⁸ Anɔ̀ Wíe dé tati amɔ̀ bɔ̀wí lé anɔ̀ fɛ́é ansító. Mó sɔ̀ anɔ̀dɛ mɔ̀ numnyam amɔ̀ lɛ súná ní. Mɔ̀ Ɖɔ̀ɛ amɔ̀ lahá anɔ̀dɛ mɔ̀ lían, tsúfɛ́ mɔ̀ numnyam amɔ̀ ɔ̀tráa dɛwankí anɔ̀tɔ̀ tsíá.

4

Ɖ̀lótó Siadie

¹ Bulu lɔ̀wun anɔ̀ nɔ̀wɛ pó agyómá anfi wá anɔ̀ ɔ̀bɔ̀tɔ̀. Mó sɔ̀ abatɔ̀ tamawú anɔ̀. ² Anɔ̀lakíná tóá ɔ̀ɔ̀ pɛ́lí pó oklúntɔ̀ ató fɛ́é. Anɔ̀médé ahá mlé, anɔ̀médé Bulu asón amɔ̀ é damli bun. Mbóun anɔ̀dɛ ɔ̀nɔ̀kwali amɔ̀ onutó blí pólé iwɔ̀ súná ahá fɛ́é, iwankí amó ahá anɔ̀gyí Bulu ansító. ³ Ní tɔ̀kɔ̀ ɔ̀bun asón wankláan amóú anɔ̀dɛblí amɔ̀sɔ̀ kóráá á, ahá amóú bɔ̀dɛfɔ̀wɔ̀ amɔ̀ nkɔ̀lɛ ɔ̀bun há. ⁴ Ɖ̀bɔ̀nsám gyí ɔ̀yí laláhe anfi sɔ̀nɔ̀ gyípó. Mɔ̀lápó ató tin ahá anfi bɔ̀tamahɔ̀ Bulu gyí anfi ansíbi. Mó sɔ̀ bɔ̀mɛdɛ asón wankláan amóú igyi wankí amɔ̀ asi nu ní. Wankí amɔ̀ gyí Kristo. Múléhɛ lían Bulu numnyam ní. ⁵ Tsúfɛ́ anɔ̀mɛná anɔ̀médé anɔ̀ onutó iwɔ̀ asón ɔ̀kan da. Yesu Kristo iwɔ̀ asón ɔ̀kan anɔ̀dɛda anɔ̀iaa, mɔ̀gyí anɔ̀ Wíe. Tóá anɔ̀tɛblí tsú anɔ̀ iwɔ̀ gyí, Yesu sɔ̀ anɔ̀labwé mli asúmpó. ⁶ Tsúfɛ́ Bulu amóú ɔ̀lɛblí ɔ̀bɛ́ɛ, “Wankí ɔ̀dálí tsu oklúntɔ̀!” amɔ̀ kén lahá mɔ̀ wankí amɔ̀ ɔ̀dɛwankí anɔ̀ klɔ̀ntɔ̀. Ulahá anɔ̀labí ání mɔ̀ numnyam amɔ̀ ɔ̀dɛwankí Yesu Kristo ansító.

⁷ Táme anɔ̀gyí fɛ́ nló pɔ̀wɛhé ání siadie bɔ̀ mótó. Siadie amɔ̀ gyí wankí móa túmi anfi ɔ̀dɛwankí anɔ̀ klɔ̀ntɔ̀. Idesuná ání túmi kpɔ̀nkpɔ̀nkpɔ̀ntɔ̀ anfi

* 3:3 Abwi pétéplé anyo amóú Bulu lɔ̀wanlín mɔ̀ Mbla dú dínká mósó há Mose amɔ̀.

imotsú aní, Bulu wá itsú. ⁸ Bude aní háan okpagyíokpasu, táme bomokótálí sá aní tin. Iwí de aní klí, táme imokókpon aní. ⁹ Budin anísu, táme Bulu mókósí aní há. Butefin aní dá, táme Bulu su anumókowú. ¹⁰ Anilatsúlá ide aní oyulúv anfi ipian brégyíbré, anidéwu fé Yesu, méní mu nkpa ámu ibéluw anito. ¹¹ Yesu sún su aní nkpa atsiápó anfi anitefia lowu brégyíbré. Alíá íbóbwe mu nkpa béluw aní oyulúv anfi idewu ánfito su. ¹² Iní désuná aní lowu dé aní laláa, mlí é mlídé nkpa aní itamatá nya.

¹³ Táme aníbu mósó anidé Bulu asón ámu okan da. Tsúfé anilóho mu gyí fé alá Israel íbu owapó ámu lówanlín wá Bulu asón ámote obéé, “Nóho Bulu gyí. Mólaha sù nde mú okan da ní.” ¹⁴ Aniyin aní alí ámóó Bulu lókwósa aní Wíe Yesu tsú afúlitó ámu a, alí kén obókwsósa aní, obékpa ania mlínyo féé ba mu iwí wá ní. ¹⁵ Iní féé bówá labi há mlí, méní ní Bulu híe ode awitole wa, kpá ahá oduduo ba Kristo wá á, béhie dá mu ipán, wá mu numnyam.

Hógyi Potsiá

¹⁶ Mú su abato tamawú aní. Ibu mótá aní oyulúv anfi idewu mú, táme Bulu dé aní oklára owunlín wa ekekegyíeke. ¹⁷ Tsúfé iwíasin kpalobí anfi anidéwuúun séi anfi íbéha abénya numnyam kponkponkrontiá itamatá, ídun iwíasin anfi. ¹⁸ Mú su anímédé iwíasin anfi anidéwuúun anfi bu. Múá nyankpwsa ansíbi tamawun okpa anidéki. Tsúfé iwíasin anfi íbéba bətsun. Ansígyí ámóó íbu oma, íbétsiá bré féé ámu okpa anidéki.

5

¹ Aní oyulúv anfi igyi fé kantankpa aní anitsie mótó. Ní bobwíé mú á, Bulu obéha aní obu bámbá osúsó. Mómó á, megyí nyankpwsa léyi mú. Mu onutó léyi mú, ímóobwie ekekeeke. ² Tsúfé séi kórará ide aní ipian osulúsv-oyulúv anfito. Anihíe anigyó ekeá obópu aní osúsó-oyulúv wá aní fé atadié. ³ Mómó anumóobwe fé ojeá ima oyulúv, aniná yayá. ⁴ Ide aní ipian, anidékumí bré anfi anitráa aníbu aní oyulúv dada anfito. Megyí beé anidékuléá awú, adalí oyulúv anfito. Mboún anidékuléá Bulu owáa aní osúsó klé amóó tamawú pló ámu, méní íbégyí mú anfi itowú pló ánfisv. ⁵ Bulu onutó léla aní yáí há mú, obópu Oje Wankihé amu wá anito. Mógyí íbwiá oledinká mósó ní.

⁶ Mú su anitowá klun brégyíbré. Ibu mótá bré anfi aníbu osulúsv-oyulúv anfito á, aníbu ífó aní Wíe wá. ⁷ Iní su hógyi anílapó anitsie nkpa, megyí tásá ansíbi dewúun. ⁸ Ee! Anihíe anidé klun wa, tsúfé tásá anihíe anidédunká gyí abówa ífó osulúsv-oyulúv anfi wá, ayetsiá aní Wíe wá. ⁹ Mú su ní aníbu osulúsv nfi o, otine bambá o, tásá idun aní klonsv bré féé gyí, abóbwe tásá íbégyí aní Wíe ansí. ¹⁰ Tsúfé aní féé abéyélíí Kristo ansító, obégyí anito okugyíokv asón, ká mu íko aní osulúsv-oyulúv anfi bwehé onó. Yilé igyi o, lalahé igyi o.

Bulu Onyawiele

¹¹ Anihíe aniyin aní ilehián aní abénya aní Wíe ifú. Mú su anidétóí kplá ahá aníaa, amó é bunyáa mu ifú. Bulu híe oyin aní. Nahogyi aní mlí é mlíyin aní mlí klontó. ¹² Megyí iwí anitráa anidétsu súná mlí. Mboún anidé mlí okpa suná, méní mlótsu iwí aní sv. Fówun ní ahá bude iwí tsu tásá oha tópo ansíbi wun sv, imegyí tásá íbu oha klontó sv á, mlénya kv bláa amó. ¹³ Tsúfé ní beé aní nwun layintá kórará á, Bulu asón igyi. Táme ní beé aní ansító da mú á, ida ha mlí. ¹⁴ Odwe ámóó Kristo bu ha aní ámu dé aní kpa, tsúfé anlanú iwíasi aní mu nkole lówu há ahá féé. Mú sv muá ahá féé bawú. ¹⁵ Olowu há ahá féé lélé, méní ahá aní bénya nkpa pəpwe amu boméétrá

tsiá nkpa alá bodeklé. Mboún bétsiá nkpa há Kristo amó olowu, Bulu lókúsóa mu há amó ámu.

¹⁶ Ini su anitráa animédé zhaa kí fé alá zytó ahá buteki mu. Ibu mótóá bré ámu anilétsiá kí Kristo fé alá zytó ahá buteki mu, táme anitráa animédé mu kí alí. ¹⁷ Mú su ní zha mu Kristo bóbwé ikole a, alabwé zha pópwe. Mu tsiátó dada amu féé ulatsun. Mu tsiátó labwé pópwe! ¹⁸ Nkpa pópwe anfi itsú Bulu wá. Múlótsun Kristosó bwé aní anfi anigyí mu alupó anfi mu anyawíe. Alapó agyómá anfi wá aní ibitá, zbéé aléé aha bambá é anyawíe ha mu. ¹⁹ Tsúfé Bulu lótsun Kristosó zde zytó ahá damlí bwé mu anyawíe. Ztráa zmedé amó lakpan iwí akúnta bu há amó. Iní zlopuwá aní ibitá zbéé, abláa ahá ní.

²⁰ Kristo atsiámi anigyí, Bulu détóí tsun anisó há mlí. Mú su anilíí Kristo zlíkpá anidé mlí kokóli aniaa, “Mliha Bulu zbwé mlí mu anyawíe!” ²¹ Tsúfé Kristo móbwé lakpan kóku! Táme Bulu lópu mu bó afóde aní lakpan só, méní zbótsun ania monyó ikolebwesó tsú aní aní aní asón da zkpá mu ansító.

6

¹ Ania Bulunyó anidé agyómá yó. Mú su anidé mlí kokóli aniaa, mli máha Bulu awítale amó mli lanyá ámu ibwé kpaalí. ² Tsúfé Bulu léblí mu asón wanlínhé amú zbéé,

“Bréá mí bré lófon aní nówun ahá nwe a,
nonu mlí zme.

Mí nkpa zóké amu ulófon é á, negyi mlí buale.”

Mlinu! Bré ámu lófon a. Nde gyí mlí nkpa zóké amu ní!

³ Animédékléá abétin zhaa aní Wie wá ba zkpá, méní zhaa méenya asansó blí tsú aní agyómá anfi iwí. ⁴ Mboún aní bwehé féféé a, anitélé súná aní Bulu asúmbi anigyí zókwalisó. Anitotomi aní iwí zsin, aní ikplán pú aní asón wunhe kugyíku étó. ⁵ Bepití aní ató, wá aní obu, bekpa bun anisó dá aní. Anilóyo agyómá aní idon aní. Nkekó anitamadídi, nkekó é anitetsiá akón. ⁶ Anilótsun aní tsiátósó lé súná aní ifin kóku má aní iwí. Aniyin asón, anitenyá iklon. Anibu awítale, Zhe Wankíhé amu tsie anitó. Anitehíé dwé ahá é tsú aní klóntá. ⁷ Anitedá Bulu asón ámu zkan zókwalisó pú Bulu túmitá. Yilébwé gyí isá-akotóá anidépókó ahá, anidéputin aní iwí é. ⁸ Aku butobú aní, aku é butósópa aní. Aku butekánfú aní, aku é butékpáí aní. Aní asón da zkpá, táme bode aní bu afunupu. ⁹ Fé animégyí tótó ahá ansító, táme ahá anigyí. Fowun aní féé anidéwu ní, táme kí, anibu nkpa. Botesian aní mó, táme anitedáli mótó. ¹⁰ Anibu iwí zsin, táme Kristo só anibu ansigyító. Ahíánfó anigyí, táme aniláhá ahá bamlí iwí anyapó. Animá tótó, táme anibu tógyító Kristo só.

¹¹ Korintofó! Anitehíé nyá mlí iwí ansigyí, lé iwí zbláa mlí asón. ¹² Anitamakólá iwí mlisó, táme mlí mó mlidé iwí kolá anisó. ¹³ Nde mlí asón bláa fé mí onutó abí. Mlí é mli mápu asansó njáin aní.

Zmátófo Pogyi Mba

¹⁴ Mliá zmátófo mli mágyi mba. Nkálí yilé móa lalahé bétalí tsiá tsukole? Nkálí wankí móa oklún é bóbwe kole? ¹⁵ Kristo móa Zbonsám* bétalí bwé agywun kole? Ekékeké! Nkálí ohógyipu móa zhá aní zma hógyi bóbwe kole? ¹⁶ Nkálí bótswé zkpí Bulu zswékpá? Tsúfé anigyí Bulu Zkiankpa pu amu zswékpá ní. Igyi fé alá bōwanlín wá Bulu asón ámú zbeé,

* **6:15** Paulo létí Zbonsám zbéé, ‘Belial.’

“Bulu obée, ‘Nétsiá mí aháto,
mía amónyo abénatí.

Nóbwe amó Bulu,
amó é bóbwe mí ahá.’ ”

¹⁷ Bəwanlín wá Bulu asón ámutə é bee,

“Aní Wíe Bulu obée,
‘Mlidalí amótót, amlimain iwí le amósó.’ ”

Betrá wanlín wá Bulu asón ámutə bee,

“Mlímáwa ibi lalaheto,
mí anhə mlí.”

¹⁸ Betrá wanlín wá Bulu asón ámutə bee,

“Bulu obée, ‘Nóbwe mlí Sí,
mlí é mlóbwe mí abí.’
Alí aní Wíe Otúmípu déblí ní.”

7

¹ Mí apíó adwepó, Bulu lahíé ntobíá igyi alí yáí aní. Mó sɔ mlíha afwí ibi le tógýítá íbókpaí aní ɔyolúv pú aní ɔkláa fféétó. Mlíha anya Bulu ifú, méni íbéha aní iwí bétin, ifin kɔkɔ méétrá tsíá aní iwí.

Paulo Ansigyi

² Kókoli, mlímákolá iwí anisú! Anumókópó lalaha gyi əhaa. Anumókóyintá əhaa, anumókósísi əhaa é. ³ Megyí ipón nde mlí ha só nde asón ánfí blí. Tsúfé nablí bətsɔn mbée, anitekile mlí asón. Lowutə o, nkpatə o, anuméetan mlisɔ ekekekeke. ⁴ Ntetalí bla mlí mí klontə asón, nde iwí é tsu mlisɔ wankláán. Aní ipian féé əma a, mlilawá mí atetə-ɔnlɔn. Ansigyi kpənkpənti kɔ labúlá mí klontə.

⁵ Tsúfé bréá anilówie Makedonia a, anuménya əkpa dá əkpónó. Atsɔn nfi asón, ayínkí nfi itré. Mó sɔ ifú letsíá aní ayetə. ⁶ Táme Buluá otolwíí ahá ámúú iwí lawú amó iklɔn amó lékpa Tito ba aní, púlwíí aní iklɔn. ⁷ Megyí mɔ íbá amó nkɔle léha iklɔn lolwíí aní, mbóún asón ání ɔlɔpɔtsúa mɔ ba é. Ɔlebláa aní obée, mlíhíé mlídékléá mlówun mlí. Alíá asón ámu lahan mlí, mlilanú iwiasí ání mlímébi bwé pú alíá mlilahíé tsúlá dínká mí klésɔ, sɔ ansí letrá gyi mɔ tsíá.

⁸ Tsúfé ní mí ɔwoló ámutə asón lehan mlí kóráá á, mí mó imehan mlí. Ibv mótsá ilehan mlí bré kɔtə, tsúfé nowun ání ileha awirehə lékitá mlí kpalobí. ⁹ Ansí de mí gyí séi. Megyí alíá iləwa mlí awirehə sɔ. Mbóún alíá awirehəsú amó ilahá mliladámli klontə sɔ. Tsúfé mlí awirehəsú anfi odu Bulu tekle ni. Mó sɔ mí asón ámu imeyintá tətə tsú mlí iwí. ¹⁰ Tsúfé awirehəsúá igyi Bulu apé təpó klontədamli bá. Itchá anitenyá nkpa. Mó odu bɔ əsin, táme ima əsin. Ɔyítá awirehəsú mó á, lowu itəpəba. ¹¹ Mlíki tás awirehəsúá igyi Bulu apé latí há mlí! Ilahá mlilatsú ikɔ lé asón ámutə, mlidésuná ání mlí asón dá əkpa sɔ ɔbló é de mlí. Ilatsí mlí opúni, ilahá mlíhíé mlídékléá mlówun mlí, mlilatsúlá dínká mí klésɔ. Mlíhíé mlídédunká ání mlébití lalaha əbwepó ámu isɔ. Lélé, mlilalé súná ání mlímégyi pón asón ánfito.

¹² Nəwanlín ɔwoló sísi mlí, táme megyí ahá ánfí sɔ. Megyí əhá ámúú ɔləbwe ilá, ntée əhá ámúú ɔlɔpɔ ilá gyí mɔ amó sɔ. Alíá néle súná mlí Bulu ansító ání mlilatsúlá dínká mí klésɔ mbóún sɔ. ¹³ Iní lahíé wá aní atetə-ɔnlɔn.

Móá idɔn kóráá á, ansí legyi aní, bréá anilówun ání mlí féé mlilahá ansí de Tito gyí, tsúfé mlilahá iklɔn ladí mɔ asi. ¹⁴ Ní nekanfó mlí mɔ ansító kóráá á, mlíméha péli mekitá mí. Alí ámúú asón ámúú anilébláa mlí ámu féé igyi ənəkwali amó a, alí kanfó ámúú nekanfó mlí mɔ ansító ámu é laba

mótó ní. ¹⁵ Ní Tito òkàín alá mlí fẹ́ẹ́ mlítẹyaa asu há mu, hò mu asun blíhẹ́, pò alá mletenyá ifú kpínkí mu ansító á, ọ̀tẹtráa nya mlí iwí ọ̀dwe tsía. ¹⁶ Ansí ihíe dé mí gyí aní nétalí pò ansí dínká mlísu ọ̀kpagyíọ̀kpasu.

8

Akristofò Atókíe

¹ Apíó, anidékłéá mlíbú awítọ̀léá Bulu lawá há ọ̀pasua ámuó búbu Makedonia ọ̀mátó ámu. ² Iníá búbu ipian múa asun wunhe tsòtsòtsò kóráá á, bọ̀pu amó ohian futútúútú lé amó awítọ̀le kpònkpònkpònti súná ansigyísó tson amó atokiehétó. ³ Nẹ̀blí mbéẹ́, bekie ató dún alá bétalí kóráá, tsú amó klòntò. ⁴ Betsiá kólí aní ọ̀kpa bẹẹ́, ahá amó é abunya ọ̀kpa wa awítọ̀le ha Bulu ahá aní búbu Yerusalem. Fówun amó é amó ibi bówie osun agyómá ánfító. ⁵ Bọ̀bwe dún alá anilósusúu. Gyankpapu a, besi amó iwí há aní Wíe, belası amó iwí há aní Bulu apétó. ⁶ Mú su anı́há Tito amóú olegyankpá beha mlíłwa nsi ámu anı́aa, ọ̀tráa yinki beha amlı́wa nsi mọ mlí awítọ̀le agyómá ámu ọ̀nó wankłáán. ⁷ Mlılafun ọ̀kpagyíọ̀kpasu, tsúfẹ́ mlı́híe mlı́bu hógyi, mlı́yin tói, mlılétın ansí. Tòtò tamakpòn mlı́, mlı́tehíe dwe anı́ é. Ndekléá mlı́bóó mbódí awítọ̀le agyómá ánfı́ étó dún ọ̀hagyíọ̀ha.

⁸ Mmédé mlí hı́e mbéẹ́, mlı́bwéé mú. Mboún ndepu mlí ọ̀dwe kápú akvá búdeprı́ anı́ amó é bóbuá. ⁹ Tsúfẹ́ mlı́yin alá anı́ Wíe Yesu Kristo lódwé ahá, wá awítọ̀le. Iwı́ onyapó ogyı́ teki, táme anı́ su ọ̀bọ̀we iwı́ ohı́anı, méni abótsun mu ohian ámu su bwe iwı́ anyapó.

¹⁰ Mı́ agywun gyı́, ní mlómó agyómá ámuó mlıléfi ası́ ofkú ámu ọ̀nó á, ibówa labı́ há mlı́. Tsúfẹ́ mlı́gyı́ ọ̀pasua gyankpapu anı́ mlılóbwe agywun ámu, mlı́ kén léfi mú ası́. ¹¹ Mlı́wuna bwe mú mọ ọ̀nó. Mlı́le ı̀klòntò bwe mú, fẹ́ alá mlıléfi mú ası́. Mlı́kie mú mlı́ ọ̀wònlín ọ̀nó, méni ibékanáa agywun ámuó mlılóbwe ámu. ¹² Nı́ ihı́e igyi mlı́ apéá mléha á, mlı́kie tóá mlı́bu. Mótegyi Bulu ansı́, megyı́ múá mlımá.

¹³ Megyı́ bẹẹ́, anidékłéá abéha iwı́ bólwiı́ akú, iwı́ ı̀klı́ mlı́ mú; mboún alá iwı́ bólwiı́ mlı́a amónyo fẹ́ẹ́ kékéẹ́. ¹⁴ Séi mlı́bu ató tsòtsòá mlétalí póbúá amó. Mómó ní iwá alé há amó, iwı́ lekłı́ mlı́ é á, amó é bétalí búá mlı́, méni mlı́a amónyo fẹ́ẹ́ mlénya kékéẹ́. ¹⁵ Mlı́kaın anı́ Bulu asun wanlínhé amu léblı́ ọ̀bẹ́, “Ọ̀há ámuó ọ̀lekpa tsòtsòtsò ámu ménya mú dúbı. Ọ̀há ámuó ọ̀lekpa kpalóbı́ ámu é klé lófun mu.”

Tito Mva Mv Aba

¹⁶ Adá Bulu ipán anı́ alahá Tito é latsulá dínká mlı́ klésu fẹ́ mí. ¹⁷ Bréá anı́łwa mu anı́aa ọ̀bá mlı́ wá á, olotsulá. Mu onutó óó, ibu mu ọ̀dwe anı́ ọ̀bétrá ba inu. ¹⁸ Anı́dé mva opı́ó ọ̀ku wa sísi mlı́. Ọ̀pasua ámu fẹ́ẹ́ búde mu kanfó, asun wankłáán ámu ọ̀kan da su. ¹⁹ Makedonia ọ̀pasua ámu fẹ́ẹ́ léle mu anı́ anı́a munyo anáti ki, ahó atokiehé ámu ya Yerusalem. Anı́dé ató ánfı́ bwe pówá anı́ Wíe numnyam, méni ibósuná anı́ anı́ onutó latsú dínká iwı́su anı́ abóbwé mú.

²⁰ Anı́dé anı́ iwı́ kı́ wankłáán, méni ọ̀haa méele anı́ ı̀lá, tsú alá anı́łpu anı́dé atokiehé ámu su kı́. ²¹ Tóá anı́desusúu gyı́, alá abóbwé múá ı̀da ọ̀kpa Bulu mva anyánkpósa fẹ́ẹ́ ansító.

²² Inı́ su anı́lapú anı́ apı́ó ámu tó ọ̀ku mántá Tito anásó. Anı́laso mu kı́, anı́lawun anı́ ọ̀hı́e ọ̀bu nsi. Alahó mlı́ gyı́ séi. Mú su ọ̀hı́e odekléá ọ̀bétsa anı́ agyómá ámu yo. ²³ Nı́ ọ̀ku léfıté mu su á, mlı́bla mu mlı́aa, mı́a munyo dé agyómá yo púsım mlı́. Makedonia ọ̀pasua lówa apı́ó atráhe amóú mva

amónyo bebá ámu. Iní désuná ání Kristo bode numnyam wa. ²⁴Mó su mlile mli odwe suna amó. Isuna opasua ámu féé ání mli su anibo okpa tsú iwí.

9

Akristofá Bvma Təto Bvđ

¹ Imehián ání nówanlín mli owóló tsú alhá mli dé Bulu ahá ání bubu Yerusalem bóa iwí. ² Tsúfé nyin ání mli híe mli dékléá mlóbóá amó. Nagyí mli iwí adánsie súná amó mbée, tsú ofiku opa Akristofá bubu Akaia osulósu beda iwísu yái ání bóbóá. Mli nsiwa lahá ogyá ku lawíe amó ododvəto. Mó su amó é bafi mó asi. ³ Táme nde apió anfi wa sísi mli, isuna ání megyí kpaali negyi mli iwí adánsie súná amó. Mli da iwísu, fé alhá nebláa mli yái, amlíka mli tswitswi féé. ⁴ Tsúfé ní Makedonia Akristofó ámvəto aku bobuo mli ba inu, bowun ání mli mókódá iwísu féé alhá nebláa amó á, abósopáa amó ansító, táme mlósopáa dvn mli. ⁵ Mó su nabwé agywun ání néha Tito mva mu aba ámu abogyankpa ba mli wá, iha amlidunka tóá mli léhie ání mléha yái. Táme mli ha mó tsú mli kləntə, megyí ohíe igyi.

⁶ Mli kaun ání ohá ání odú kpalobí á, kpalobí otəkpótí, táme ohá ání odú tsətsə təkpótí tsətsə. ⁷ Mli to okugyiəku oháa móá obətali tsu mu kləntə. Imábwe ohíe, tsúfé ohá ání otəpó odwe kíe ató asón Bulu tekle. ⁸ Bulu tēhá mli tóá mli déhián brégyibré, dvn alhá ilehián mli. Mó su mlénya tóá ide mli hián brégyibré. Ibəfən mli sian, mləpəwbé yilé há aha bambá. ⁹ Fé alhá bəwanlín wá Bulu asón ámvəto bēe, “Bulu oha telé iwito kíe ahianfo ató. Mu yiləbwe tamatá.”

¹⁰ Bulu tēhá adətəpu atə-abí butodú, tēhá ahá atogyihe. Mli gyí fé amó. Obéha mli atə-abíá mləpə iku kíe ahá, atogyihe tsətsətsə bədali tsu mli yiləbwe ámvəto. ¹¹ Obéhie yúlá mli okpagyiəkpaso, ménu mləwa awitəle há ahá brégyibré. Iní ibéha ahá ámu bēda Bulu ipán, ató amó mli lapótsən anisə há amó ámu su. ¹² Tsúfé atoku anyə obədali tsu mli atə hahé ánfito. Megyi ató amó mli lapóhá Bulu ahá amó ató de amó hián, bubu Yerusalem amu nkole, mboun ibéha ahá tsətsətsə bēhie dá Bulu ipán. ¹³ Tsúfé ní mli há amó á, ibéha bəkanfo Bulu. Ibósuná ání lélé mli dé Kristo ason wankláan amó mli ləshə amosə gyí, mli dé awitəle é wa há amó aha bambá. ¹⁴ Bēhie káin mli su, bó mpái há mli, tsú awitəle kpənkpənti amó Bulu lapóhá mli ámu su. ¹⁵ Adá Bulu ipán há mu atokiehé anfi idon bli anfi!

10

Paulo Gyumagyihe Onəle

¹ Ibo mótsá mli to aku mli tēbli mli aa, ní mbu mli wá á, mí asón lolwií, táme ntəwánlín mí nwóló túmisə. Táme mí Paulo nde mli kokóli mbée, mli pókú alhá Kristo asón lolwií, əleba iwiasu. ² Mli to aku bodebli bēe, mí bwəhé lahan oyító ahá. Mó su ní netrə ba inu á, nawun ání ilehián ání mí ansító bəwa ənlən. Kókoli, mli máha ampə tsiátó anfi odu ba inu. ³ Ibo mótsá oyí ánfito anibo, táme megyí oyí anfitə agywun anidəpókó isá. ⁴⁻⁵ Megyi oyító akətó anidəpókó. Bulu akətóá ibu túmí anidəpəwbíe okpikplikpa kugyi ková itəkósó lí Bulusə. Anitəpóyintá afunu asón kugyi ková ahá butəpótsú iwí, tēhá amó butamabí Bulu. Anitəpódámli agywun laləhe kugyi ku, há itobú Kristo. ⁶ Ní mli aha trəhe amu mli lapó iwí há Kristo, mli dé mu asónsə gyí a, abébutí ahá amó bode asətə-ənlən wa ámu é asu.

⁷ Mli ki ənkəwali amó idá mli ansító amó. Ní mli dékiá Kristo bó mli á, mó mó mli ki mó wankláan, amlibi ání móbó aní é. ⁸ Ní nde iwí tsu túmí

ámóú aní Wíe lapóhá aní ámu su dubi a, ima mí péli. Tsúfě ɔ̀lɔ̀pohá aní ɔ̀bée, apóbu a mli amlidan. Megyí ɔ̀bée, apóyinta mli. ⁹ Imábwe mli fě nde nwołó wanlín, pówá mli ifú. ¹⁰ Tsúfě aku bεε, “Mákpla Paulo. Mu ason wanlínhé bu odwin, ɔ̀tɔ̀póhíe ahá. Táme ní mu onutó ɔ̀bu aní wá á, ololwií, mu ason blíhé é ima ibíá!” ¹¹ Iwánkí ahá ámu aní asón aní anitɔ̀wánlín sísí ahá kén anitɔ̀bwé ní anibu amó wá ní.

¹² Lélé mó á, amendi anigyiá abópu iwí kápó ahá ánfí buɔe iwí kanfó ánfí? Amó wolewole dépu iwí kápó aba, buɔe ansí pɔ̀dínká abasu. Mimlá igyi amó. ¹³ Aní mó anumóotsu iwí dáfá, mboun ɔ̀kpa ámóú Bulu léhe há aní ámu ɔ̀nó abótsu iwí fun. Múgyí agyómá aní anilabwé bɔ̀tu mli ní. ¹⁴ Anilégyankpá pó Kristo ason wankláán ámu ba mli. Mó su ní anidé mli asón bláa a, anumókótóí dáfá. ¹⁵ Animédépu ɔ̀haa agyómá é tsú iwí. Mboun anidé ɔ̀kpa kí aní mli hógyi bédan. Agyómá ámóú anidéyo mliɔ́ ámu é ibékłéi tsía. ¹⁶ Mómú abétalí dáfá mli su yéda ason wankláán ámu ɔ̀kan ɔ̀má bámbá éso, méní imáɔ̀bwe fě anilapú ɔ̀tínéá ɔ̀ku lagyankpá yó agyómá tsú iwí.

¹⁷ Táme Bulu ason wanlínhé amu lébli ɔ̀bée, “ɔ̀hagyíɔ̀ha aní ɔ̀bée, mótsu iwí á, ɔ̀póu tóá aní Wíe labwé tsu iwí.” ¹⁸ Tsúfě ní Bulu ɔ̀kanfó fú gyí asón, iwí kanfó mó kpaali ígyi.

11

Paulo Mva Sumbi Ayɔ̀pó Afunupu

¹ Mlunya klɔ̀n, amlunu mí mimlála kpalobí ánfí así! Kókoli, mlunya klɔ̀n ha mli. ² Mmesi mli tswí fě alíá Bulu tamasi mli tswí. Tsúfě mli gyí fě obitebíá omeyín oyin, napú mli há oyin ɔ̀kuɔe, ogyi Kristo. ³ Táme ali ámóú iwó ámu lópu mu alape mlé Hawa amu á, ifú de mí aní ɔ̀ku ɔ̀bémlé mli, mli ansí bédunkí ɔ̀nɔ̀kwaliwa pó ɔ̀dwe wankíhé amóú mli bu ha Kristo amusu. ⁴ Tsúfě nyin aní ní ɔ̀ku ɔ̀bá beda Yesu bámbá ɔ̀ku iwí asón ɔ̀kan súná mli, imegyí ɔ̀mɔ́amóú aniléda mu iwí asón ɔ̀kan súná mli ámu a, mlókosí hogyi. Ní mlenyá ɔ̀hé bámbá kúá ina ɔ̀tsan há móámóú mli légyankpá nyá ámu é á, mlóho mó gyí. Ali kén ní mlonú ason bambá aní ina ɔ̀tsan há móámóú anilébláa mli ámu é á, mlókosí ho mósú gyí ní!

⁵ Mmedéhogyiá ahá ánfí buɔe iwí ti “Sumbí ayɔ̀pó akpɔ̀nkpɔ̀nti” ánfí buɔun mi ɔ̀kpa ɔ̀kukusu. ⁶ Ní mmeyín tóí kóráá á, nyin asón aní ndeblí. Nahogyiá anilaha asón ánfító ilawánkí mli ɔ̀kpagyi ɔ̀kpasu.

⁷ Iníá nɔ̀pu iwiasibá pú obú há mli bréá neda Bulu ason wankláán ámu ɔ̀kan súná mli, mməho mli tɔ̀tɔ su yé tsitsa nɔ̀bwe á? ⁸ ɔ̀pasua bámbá ató nɔ̀swí, póbá bɔ̀yo agyómá há mli. Mó su netaí súm mli, mməho mli tɔ̀tɔ ni. ⁹ Bréá mbu mli wá, iwí lekli mí á, mmesi ipian tswí mliɔ́ ɔ̀kukusu. Mboun apíó ámóú bɔ̀tsu Makedonia ba amu léha mí mí atohiánhe. Iní su mmesi ipian dínká mliɔ́ ɔ̀kukusu, mméesi dínká é. ¹⁰ Iníá ɔ̀nɔ̀kwali nenyá ndeblí tsú Kristo iwí mó á, ɔ̀haa méetalí ká mí itin ɔ̀bée, mmápu asón ánfí tsú iwí Akaiá ɔ̀sulósu fěé. ¹¹ Ntogyi su? Ntamadwé mli lóó? Ekekeke! Bulu yin aní ntɔ̀dwé mli!

¹² Nóbwe mí agyómá fě alíá nde mó bwe dodo. Nóbwe mó pótin amó ɔ̀kpa, ní buɔe iwí tsu bεε, gyoma kuɔe ania amónyo anidébwe. ¹³ Afunupu bugyi. Bapina bwe iwí fě Kristo sumbí ayɔ̀pó, buna buɔe mli mlé. ¹⁴ Táme ima wánwan! Tsúfě ɔ̀bunsám kóráa tekí ansí bwe iwí fě Bulu-ɔ̀bɔ̀pu wankíhé! ¹⁵ Mó su ima wánwan aní mu asúmpú anfi é bapina bwe iwí fě yilé abwépu. Amó ɔ̀nómɔ́ béle amó bwehé kugyíko ɔ̀wan.

Paulo Asɔn Wunhe

¹⁶ Ntráa nde mli bláa mbée, ɔhaa mábu mí ɔha mimláhe. Táme ní mli dé mí bu ali óó á, mli tsu mó ali, mí é anya ɔkpa tsú iwí kpalobí. ¹⁷ Aní Wie tamatói ali, táme nabwé iwí fɛ ɔha mimláhe. ¹⁸ Ahá tsɔtsɔtsɔ butotsú iwí fɛ ɔyító ahá, sɔ mí é nótsu iwí. ¹⁹ Ee á, íniá mli aa atiansipɔ mligyí óó á, mli tsú alá há aha mimláhe. ²⁰ Tsúfɛ ní ɔku ɔpó mli bwé nkɔpábi kóráá á, mli tsú alá. Ní ɔpó mli nyá iwí, ogyi iwíe mli sɔ, obú mli tɔku odu, ɔdá mli isɔtɔ kóráá á, mli tsú alá há mɔ. ²¹ Mli mma ansítɔ-ɔnlɔn. Ee, natsú alá. Mí klé ma unɔ.

Táme tógyítá ɔku labwé ɔdepɔtsú iwí á, mí é nétalí pó mí kle tsú iwí. (Táme nahogyi aní igyi mimlála.) ²² Ní beɛ Hebrifɔ búgyi á, mí é Hebriyin ngyi. Ní Israelfɔ é búgyi á, Israelyin mí é ngyi. Ní beɛ botsú Abraham abí-anátó a, unɔ mí é nɔtsú ní. ²³ Beɛ Kristo asúmpó búgyi? Mblí mó mimlá sɔ, ndɔn amó! Nayí iwí yó agyómá ɔn amó. Nadí obu ɔn amó. Badá mí ɔn amó. Nesian wu bré tsɔtsɔtsɔ. ²⁴ Yudafo banwén mí mli tsé advasa-kwebá (39) tse nu kéké. ²⁵ Romafɔ é bapítí mí ató tse sa kéké. Beda mí abwi ɔsáwɔle. Tse sa kéké ntsusɔ-yibi labun mɔ, nasin ntsutso ekewóle owító. ²⁶ Mí ɔkpa tsɔtsɔtsɔ tutó á, nafá ntsu akpɔnkpɔnti, natsɔn ogyo atswapó ibitɔ dáli. Natsɔn ɔmá bámbásófo pó aní pɔ Yudafo fɛé ibitɔ dáli. Natsɔn awúlusɔ pó adimbísó, nafá ɔpɔ. Natsɔn ahá ámóú buɔe amó iwí ti beɛ, Akristofɔ ámɔ aná fɛé ibitɔ dáli. ²⁷ Nayó agyómá kpékplé, ilapíán mí kɔ. Ntamadídi nkekó. Ntetsiá akón múa ɔmewóli, ntekli ɔnó, ntedí atsalí, náti yayá aná fɛé. ²⁸ Iní fɛé ɔma a, tásá idin mí klɔnsɔ, ntɔgywíun mó iwí ekekegyíe gyí ɔpasua ámɔ fɛé aléwa. ²⁹ Ma lɔpɔn, mmotsu kɔku lé mɔ asóntó? Ma beɛkpa wá lakpantɔ, unɔwa mí ɔbló.

³⁰ Ní beɛ ntsú iwí á, ntobíá itehá mí hógyi teba así nɔpɔtsú iwí. ³¹ Bulu, ogyi aní Wie Yesu mɔ Si, ɔlekanáa kanfó bré fɛétó ámɔ yin aní mmedé afunu wa. ³² Owíe dehen Areta léha mɔ ɔmásó ɔkípu léyete mɔ Damasko wúlu ɔnó, ɔkita mí. ³³ Táme bɔpɔ mí wá lakpátó, lé mí tsɔn ikwítɔ, kpíli mí yi buntíi aní bɔpwe wá wúlu amɔ ɔma, nesrí sí mɔ.

12*Paulo Atowunhe Pó Mv Atɔ Lesúndhé*

¹ Ilehíán aní nótsu iwí, táme tɔtɔtɔ ima iwí tsútó. Táme mblí atásá nowun pó tásá aní Wie lalé súná mí. ² Nfi dúana (14) ní, bɔwan mɔ ya ɔsósú saasítɔ. (Mí nyankpɔsa-oyí lóyɔ unɔ o, mí ɔkláa o, mméetalí bí. Bulu nkɔle yín.) ³⁻⁴ Fɛ alí nakóblí á, bɔwan mɔ ya Paradiso. (Mí nyankpɔsa-oyí lóyɔ unɔ o, mí ɔkláa o, mméetalí bí. Bulu nkɔle yín.) Nonu asón aní ima blítɔ, ɔhaa é má ɔkpa blí mó. ⁵ Nétalí pó itó ámóú nowun amɔ tsú iwí, táme mmóɔpɔ mí atɔ bwéhé tsú iwí. Ntobíá itehá mí ɔwɔnlín ɔnó teba así nɔpɔtsú iwí. ⁶ Ní mbée nótsu iwí kóráá á, mmóotsu iwí fɛ ɔha mimláhe, tsúfɛ nébli ɔnɔkwali. Táme mmóɔbwe. Mmedékléá ɔhaa ɔkí mɔ dafa alíá mí tsiátó gyí, ntée asón ámóú nɔpɔba amɔ.

⁷ Alíá mmóɔpɔ ntobí á nfi ibu ifú, ibu wánwan, Bulu lalé súná mí á nfi tsú iwí sɔ á, ɔlɔpɔ owu kɔ wá mí awító, igyi ɔbɔnsám-ɔbɔpɔ. Itedá wɔ mí, méni mmóotsu iwí. ⁸ Nakókóli aní Wie Yesu tse sa kéké mbée, ɔlé itó ámɔ mító. ⁹ Táme asón aní ɔtebláa mɔ brégyíbré gyí, “Mí awítale pé gyí tásá fehián. Tsúfɛ ɔhá aní mɔ ɔwɔnlín ɔnó laba asítɔ mí túmi tɔhíe lun ɔwan.” Iní sɔ ibu mɔ ansigyí aní nɔpɔ tásá itehá mí ɔwɔnlín ɔnó teba así tsú iwí, méni Kristo túmi ámɔ íbéhie bun misɔ. ¹⁰ Kristo sɔ ansí bégyi mɔ brégyíbré. Ní mí

ᾠωνλίν ᾠὸς ἴβα ἀσί, βυδε μί sia, mbo ikplánto, bōdin mísó, ntée iwí de mí ᾠsin, tsúfē ní mí ᾠωνλίν ᾠὸς ἴβα ἀσί á, mú ntelányá ᾠωνλίν ní.

Korinto Ὀpasua Iwi Asón

¹¹ Nabwé iwí fé ᾠha mimláhe, táme mluláhá ἴlaba alí. Tekí ilehián ání mléblí ason wankláán tsú mí iwí. Tsúfē ἴbu móttá mmegyí tōto, táme ndon “sumbí ayōpō akpōnkpōntí” ánfí mó. ¹² Bréá mbo mlí wá á, notomi bwé tóá ἴbu wánwan pō osúna móa ofúla ᾠtsan-ᾠtsan, pōsúná mlí ání lélé sumbí ᾠyōpō ngýi. ¹³ Ntō dé mlí háan? Tóá nōbwe mlíto, mmōbwe ᾠpasua bámbátó gyí, mmesi iwí tswí mliśu. Kókoli, mliśikie mí!

¹⁴ Séi á, otse saasi ndebweá néba mlí wá á. Mmēeba besi iwí tswí mliśu, tsúfē mmédé tōto fité tsú mlí wá. Mlí onutó ndehián. Kebi tamatsú mu sí wá akōnkō, mu sí tótsú mu wá akōnkō. ¹⁵ ἴbu mí ᾠdweá néyintá tógyítá mbo mlí su, sí mí iwí féé kóráá há mlí. ἴniá nde mlí dwe dūbí alí á, ntogyi su ᾠdweá mlí mó mliśu há mísó dedínkí?

¹⁶ Fíalí mlílawun ání lélé, mmēba besi iwí tswí mliśu, táme mlídéblí mliāa, nofwiwí ansí. Ndepu ató tsun mlí omuá wá mlí ᾠó. ¹⁷ Ὀkpa ᾠmōmōsu? Nōtsun ahá ámōú nōwa mlí wá ámōto ᾠkusú sísi mlí lóó? ¹⁸ Bréá nokokóli Títo, nōwa móa aní pió Okristoyin amu mlí wá mé, olebesisí mlí? Ekekeke! Tsúfē agywun kole mía mōnyō anidēpōbwé toku kole.

¹⁹ Fíalí mlídé mó tsu bré ánfíto féé mliāa, anidétó póká iwí lé. Megyí alí ἴgyi. Akristofó anigyí, anidétó Bulu ansító. Mí adwepó, anidé tógyító bwe pōwá mlí ᾠωνλίν. ²⁰ Tsúfē ifú de mí ání néba mlímétsie wankláán. Mó su mí ason blihé bōwō mlí asōto. Fíalí nōbōto ἴtré, ᾠnsipe, ᾠbló, ᾠlu, ahásia, ahá iwí asónblí, iwítsú pō abasōda mlíto. ²¹ Nhíé nde ifú nya ání ní nebá ἴnu á, mí Bulu ᾠbétrá ba mí así mlí su. Nōsu, tsúfē mlíto akō mlímókósi mlí lakpan dada amō bwe, dámlí klōntó sí mboatō, hakpanla pō ᾠwólí laláhe amō.

13

ἴklá Pó Ὀláda

¹ Otse saasi nebá mlí wá á. Bulu asón leblí ᾠbée, “Asa mléha ᾠku ἴpón á, mliṅu adansifō abanyó ntée abasá ᾠó.” ² Bréá neba mlí wá otse nyōōsi a, nēda ahá ámōú bōde lakpan bwe ámu féé ᾠlá. Ntráa nde amóa aha tráhe féé ᾠlá da, tsúfē ní nebá ἴnu á, néhiē bití amó ἴsu. ³ Tsúfē mlídékléá mléblí ání lélé Kristo détoí tsun mliśu. Kristo ᾠωνλίν ᾠὸς mōkōba así mlíto. Mu túmi é ἴhié tso mlíto. ⁴ ἴbu móttá mu oyikpalíhesu lowu ilosuná ání alapōn, táme séi á, otsie nkpa Bulu túmito. Bréá ania mōnyō anilōbwe kole a, anilōpōn, táme séi ania mōnyō anitsie nkpa Bulu túmito. Mó anidēpōkpá mlí ní.

⁵ Mliyō mlí nwuntó kí bēe, ahógyipō onutó mligyí? Mlikapō mlí iwí kí bēe, lélé Kristo Yesu bu mlíto? Mliṅawun ání ᾠbo mlíto? Ní mlímókōwun mu mlíto mó á, mómó megyí ahógyipō onutó mligyí. ⁶ Nahogyiá mléba bebí ání Kristo ahógyipō onutó anigyí. ⁷ Anidé Bulu kokóli aniaa, mlímátrá bwe laláhe kōkō. Megyí alíá ἴbósuná ání anigyí Kristo ahógyipō onutó su. Táme ní ahá bōdekú bēe megyí Kristo ahógyipō onutó anigyí ó á, ᾠhá mlí mó amlíbwe tóá ἴda ᾠkpa. ⁸ Tsúfē aní mó animéetalí kósó líí ᾠnakwalí asón ámōsu, don ání abéha mó ἴbōyō nkpa wōle. ⁹ Ní aní mó aní ᾠωνλίν ᾠὸς laba así, mlí klé ἴlawá ᾠnlín á, ansí bēgyi aní. Tóá anidé Bulu kolí gyí, ᾠhá amlílalú kínkíínkín, amlídan Kristo hógýito. ¹⁰ ἴni só nagyankpá nde ᾠwóló ánfí wanlín sísi mlí, asa amba ἴnu ní. Mēni ní nebá á, mmōōbotsu ἴbí mliśu. Tsúfē ndekléá nōpu túmi ámōú aní Wíe lapóhá mí ámu búa mlí amlídan. Mmōōpuyintá mlí.

¹¹ Apíó, ítráhe a, ansí igyí mli. Mlibo mbódí amlilu kinkíinkín, amlidan Kristo hógyitō. Mliwa aba ōwōnlín. Mli agywun íbwé kōle, amlitsia iwilwiitō, méní Bulu ámóú ōtōdwé aní, ōtchá aní iwilwii amv obétsiá mlitō bré féeé. Nchá mli itsiá gyágyáágyá.

¹² Mliha aba itsiá, amlilata aba puta ōdwesu.

Bulu ahá ámóú bobv nfi ámv féeé bchá mli itsiá gyágyáágyá.

¹³ Aní Wíe Yesu Kristo bvalegyí, Bulu ōdwe pú Ōhe Wankíhé kōlebwe itsiá mli féeésó.

Ɔwɔlɔ́a Paulo Lɔ́wanlín Sísí Galatiafɔ

¹ Mí sumbí ɔyɔpɔ Paulo dé ɔwɔlɔ́ anfi wanlín. Megyí anyánkɔpɔsa ntée ɔhaa lɔ́wa mí. Yesu Kristo mva aní Sí Bulu ámú ɔ̀akɔsúa mu tsú afúlitɔ́ ámu lɔ́wa mí. ² Nde mú wanlín sísí ɔpasua aní ɔbu Galatia ɔsɔlɔ́sɔ fée. Mía Akristofɔá bɔbɔ nfi fée anidé mli itsiá ha ania,

³ “Aní Sí Bulu mva aní Wíe Yesu Kristo bɔgyii mli boale, abɔha mli iwilwii.”

⁴ Yesu anfi lési iwí há bɔmɔ mu aní lakpan sɔ, méní ɔbéle aní tsú ɔyí laláhe anfitɔ; fé alí ámú aní Sí Bulu léhie yáí ámu. ⁵ Akánfɔ Bulu bré fée. Amen!

Asɔn Wankláán Kɔkɔ Má Inu Ɔma

⁶ Mli Galatiafɔ, mli iwí lawá mí ifú aní mliawúna yinkí Bulu ɔma. Bulu lɔtsɔn Kristo awítɔlesɔ tí mli ɔbéle, mliɔ́bɔwe mu ahá. Mliki alíá mliawúna mli dé asɔn bambá hɔ́ mliha, múgyí asɔn wankláán ámu. ⁷ Táme ina ɔtsan há asɔn wankláán ámu. Aha akɔ dékléá béyintá mli agywun, abɔtse Kristo asɔn wankláán ámu. ⁸ Táme ní aní, ntée Bulu-ɔbɔpɔ ɔku kóráá lɔtsu ɔsɔ́sɔ bá, beda asɔn wankláán bambá ku ɔkan súná mli, ina ɔtsan há mú ámú anilébláa mli ámu a, Bulu ɔlwí mu. ⁹ Nakú blí asún anfi, táme ntráa nde mli bláa mbée, ní ɔku ɔbá beda Bulu asɔn wankláán bambá ku ɔkan súná mli, ina ɔtsan há mú ámú anilébláa mli ámu a, Bulu ɔlwí mu.

¹⁰ Megyí be, ndekléá ahá bɔdwée mí. O-o! Bulu mbóun ndekléá ɔdwée mí. Ní ntráa ndekléá ahá bɔdwée mí á, teki mme gyí Kristo osúmbi.

Paulo Sumbí Ɔyɔpɔ Bwe

¹¹ Mí apíó, ndekléá iwánkí mli aní Bulu asɔn wankláán ámú nde mú ɔkan da ámu imotsú nyankɔpɔsa agywuntɔ. ¹² Megyí ɔhaa wá notsúa mú, ntée ɔku lɔsuná mí. Yesu Kristo onutɔ léle mú súná mí.

¹³ Tsúfé mlilanú mí tsiátɔ asún, alíá ngyi bréá mbuo Yudafɔ-osum ámu, pú alíá nehie dínká Bulu ɔpasua ámɔsɔ, nɔbɔ mbódiá néhi amú fée. ¹⁴ Nɔhɔ gyankpa mí abatɔ Yudafɔ-osum ámutɔ, pú alíá nɔwa nsi gyi mí anán amándíe kugyíkɔsɔ.

¹⁵ Táme Bulu lɔ́wa awítɔle há mí. Ɔlele mí yáí tsú bréá mbu mí yín iwí, ɔleti mí ɔbéle, nyó mu agyómá. ¹⁶ Ɔlele mu Bi ámu súná mí, méní néda mu iwí asɔn wankláán ɔkan ahá aní bɔmegyí Yudafɔtɔ. Mmɔyɔ ɔhaa wá mbée, osúna mí asún alí bré ámutɔ. ¹⁷ Mmɔyɔ Yerusalem mbée, noyówun Kristo sumbí ayɔpɔ ámú bɔbɔ inu asa neba amu é. Mboún nenatí laa yó Arabia ɔsɔlɔ́sɔ, neyinkí ba Damasko wúlutɔ. ¹⁸ Yesu léle iwí súná mí, mú ofi-saasitɔ á, nɔyɔ Yerusalem yówun sumbí ayɔpɔ Kefa aní bɔtetráa tí mu Petro, netsiá mu wá nke dúanu (15). ¹⁹ Mmetrá wun sumbí ayɔpɔ ɔkɔku don aní Wíe Yesu mu gyama Yakobo.

²⁰ Ɔnɔkwali asún ndewanlín sísí mli. Bulu yín aní mmedé afunu wa.

²¹ Mú ɔma a, nɔyɔ Siria pú Kilikia ɔsɔlɔ́sɔ. ²² Alí bré ámutɔ á, Akristofɔ ɔpasua ámú ɔbɔbɔ Yudea ɔsɔlɔ́sɔ ámu bɔmɔkónyá bí mí. ²³ Móa bɔdenú tsú mí iwí fée gyí, ahá bɔdeblí be, “Oyin ámú ɔdun anisɔ ámu ná ɔde hógyi ámú anidé mú asún blí, ɔde aní itin ka ámu kén ɔkan da.” ²⁴ Ina mí sɔ bekanfɔ Bulu.

2

Paulo Mva Sumbí Ayɔpɔ Atrɔhe Amu

¹ Nfi dúana ɔma a, mía Barnaba anilékpá Tito buo ɪwɪ, yínkí yó Yerusalem. ² Bulu léle súná mí ání nyó ɪnu, só nɔyɔ. Ahá mí agyómá móɔbwe kpaali sɔ á, negyankpá lé asóntó súná ɔpasua ahande amu nkɔle ɪtsétó. Nebláa amú asun wankláán amú nna nde mó ɔkan da ahá ání bomegyí Yudafo ́amu. Botsulá dínká mósó. ³ ɪbu móttó ání Griikiyin Tito amú anilékpá buo ɪwɪ ámu gyí, táme bomehiε mu beε, ɔtɪn keté. ⁴ ɪbu móttá Akristofɔ afunupu akwá beki ansí bowie anɪto bekleá ɔtɪn keté. Tsúfé bodunká ání béyintá ɪwɪsɪtsiá amú Kristo Yesu lahá anɪ ámu; abɔbwe anɪ amlɪ nkpábi ha Yudafo mbla ámu. ⁵ Táme animesi ɪwɪ há amú kpalobi kóráá, ménɪ ɔnkwalíá ɪbu asun wankláán ámutɔ ɪméetse ha mli.

⁶ ɔpasua ahande amú bɔbu ɪnu ámu bomebláa mí asɔansɔ beε, mpótsia asún wankláán amú ndeblí ámutɔ. (Iníá nde amú tɪ ahande kóráá á, megyí beε, amú hande amu ɪbu mí labi, tsúfé Bulu mó tamakɪ ɔhaa ansító.) ⁷ Táme ahande amu bowun ání Bulu lópu asun wankláán ámu há mí ɔbéε, ndáa mó ɔkan ahá ání bomegyí Yudafo, * fé alíá ɔlɔpohá Petro é ɔbéε, ɔdáa mó ɔkan Yudafo. ⁸ Tsúfé Bulu léha Kefa ání bɔtráa tɪ mu Petro túmɪ, ogyi mu sumbí ɔyɔpú Yudafo. Mu kén láhá mí túmɪ, ngyi mu sumbí ɔyɔpú ahá ání bomegyí Yudafo é ní. ⁹ ɪnu á, ɪwɔwankí Yakobo muá Petro pú Yohane amú bɔhíε bɔgyi ɔpasua ámu ɔtan ámu ání Bulu lápú alɪ agyómá ánfɪ kíé mí. Mó sɔ bɔwa mía Barnaba ɪbi, púsúná ání anɪlabwé kɔle. Botsulá ání mía Barnaba ayó agyómá ahá ání bomegyí Yudafo, amú é abuyɔ agyómá Yudafo. ¹⁰ Móá bodunká tsú anɪ wá gyí, akáin amótó ahá ání boma tɔtɔsɔ. Mó kén gyi tóá ndekléá nóbwe é ní.

Paulo ɪynwa Wá Petro

¹¹ Táme bréá Petro léba Antiokia wúlutɔ á, nɔwa ɪyin wá mu ahá ansító, tsúfé tóá ɔlɔbwe itépɪ ma alε. ¹² Bréá ɔleba a, muá ahógyipuá bomegyí Yudafo bɔtɔwá ɪbi gyi ató, táme Yudafo akw benya tsú Yakobo wá ba pé, ɔlebití ɪwɪ lé ahá ámutɔ, tsúfé ɔde ahógyipu amú beε butɪn keté ámu ifú nya. ¹³ Iníá ndeblí á, Yudafo atráhe amu é bɔbuo Petro apinabwebí ánfɪ. Barnaba óó léyinkí yó obuo amú. ¹⁴ Nowun ání amú bwéhé ámu ɪmekanáa ɔnkwalíá ɪbu asun wankláán ámutɔ. Mó sɔ nebláa Petro ahá ámu féé ansító mbéε, “Petro, Yudayin fɔgyi, táme fumedé Yudafo amándíésú gyí. ɔmátófɔ amándíésú fudegyí. Ntogyi só fude ahá amú bomegyí Yudafo ámu hiε féε, bɔbwéε Yudafo amándíé ání fakíná?”

Hógyisú Bulu Tɔtsɔn Hɔ Yudafo Pú ɔmá Bámbásófɔ Nkpa

¹⁵ Yudafo lókwú mía fɔnyɔ. Megyí ahá amú bomegyí Yudafo, bomeyín Bulu mbla ámutɔ atsú. ¹⁶ Táme anɪ Yudafo Akristofɔ ámu mó anyin ání megyí Mose mbla ámusɔ gyi sɔ Bulu totsú ɔha ání mu asún da ɔkpa mu ansító, nkéti Yesu Kristo hógyi. Mó sɔ anɪlahɔ mu gyi, ménɪ Bulu ɔbótsɔn mu hógyi amusɔ há anɪ asɔ ní. Tsúfé ní mbla ámusɔ gyi sɔ mó á, tekɪ ɔhaa méegyí asɔ Bulu ansító. ¹⁷ Anɪdédunká ání Bulu ɔtsúɔn anɪ Kristo hógyisɔ, otsu anɪ ání anɪ asún da ɔkpa mu ansító. Táme ní Yudafo akw bɔde anɪ mboún kí lakpan abwepú á, mó mú imosuná ání asukpan Kristo dé anɪ suná a? Ekεεεεε! ¹⁸ Ní nakíná Mose mbla ámu, láyó nde mósó gyi a, mó mú ilosuná ání ɪto laláhe nɔyɔ ndεbwe á. ¹⁹ Tsúfé Mose mbla ámu ilosuná ání nawú. ɪleha negyi ɪwɪ, ménɪ nétsiá nkpa pɔpwe há Bulu. Mía Kristonyɔ bɛda mántá oyikpalíhesɔ ɔhétó. ²⁰ Mó sɔ ntsie nkpa séi, táme megyí mí onutó tsíε nkpa ɔsɔlɔv anfisɔ. Kristo, ogyi Bulu mu Bi ámu tsíε

* 2:7 Ahá ání bomegyí Yudafo támatin keté. Yudafo gyi keté atɪnpu.

mitɔ. Mɔlɔ́dwe mí, bowu há mí. Mu hógýi sɔ ntsie nkpa. ²¹ Mú sv mmedé Bulu awɔ́tɔle amu kiná. Tsúfɛ ní Mose mbla ámu sɔ ɔha obégýi asu Bulu ansító á, múmó kpaali Kristo lówu!

3

Mbla Amusu Gyí Ntée Kristo Hógýi

¹ Oo Galatiafɔ aha mimláhe! Ma lálé mli ansí ali? Megýi mli onutó ansító behie lé súná mli aliá beda Yesu Kristo mántá oyikpalíhesu, mɔ mu? ² Nfíte mli asun kua kole. Mose Mbla ámusu gyí léha mlilénýa Ɖhe Wankíhé amu lóó, ntée asun wankláán amúú mlilónu, mlidé mósó hógýi amu sv? ³ Aha mimláhe mlilókoku mligýi ali á? Iníá mlilópu Ɖhe Wankíhé amu tsúa mli Kristotɔtsiá así mé, mli onutó túmi mlíaa mlópu mɔ ɔnɔ ngýa? ⁴ Kpaali sɔ mlilówun ipian ámu fée asun wankláán ámu sv? Megýi kpaali sv! ⁵ Ntráa fite mli. Mli Mose mbla ámusu gyí sɔ Bulu lapó Ɖhe Wankíhé ámu há mli, ɔde ofúla é bwe mlitɔ? Ekekeke! Aliá mlilónu asun wankláán ámu, hɔ mósó gyí sɔ ɔlɔpuhá mli.

⁶ Mliɔkɔ anɔ náin Abraham. Ibo Bulu asun wanlínhé amɔɔ ání, “Abraham lóhɔ Bulu gyi. Mú sv Bulu lótsu mu ání mu asón da ɔkpa.” ⁷ Mú sv ilehián ání mlébiá ahá amúú bɔhɔ Bulu gyi amu gyí Abraham abí onutó ní. ⁸ Bulu asun wanlínhé amu lébli yáí ání Bulu ɔbótsun ahá amúú bomegyí Yudafɔ ámu hógýisɔ, tsú amú ání amú asón da ɔkpa. Inɔ sɔ Bulu lébláa Abraham asun wankláán ámu dodoodo ɔbé, “Fúsó nótson yulá ɔsolúsɔ ahá fée.” ⁹ Abraham lóhɔ Bulu gyi. Mú sv Bulu lóyulá mu. Mú sv séi ánfɔ á, Bulu ɔbópu oyúla amúú ɔlɔpuýulá Abraham amu yulá ahá ání bahɔ Kristo gyi.

¹⁰ Táme ilwíɔ dɔn ahá ání amú ansí dɔn Mose mbla ámusu gyisɔ. Tsúfɛ bɔwanlín wá Bulu asón amɔɔ beɛ, “Bulu lalwí ɔhagyíɔha ání omegýi mbla amúú bɔwanlín wá Bulu mbla ɔwolótɔ ámu féesɔ.” ¹¹ Séi á, ilawánkí ání ɔhaa má inɔá mu mbla ámusu gyí sv Bulu obótsu mu ání mu asón da ɔkpa. Tsúfɛ Bulu asun wanlínhé amu lébli ɔbé, “Ɖhá ání mu hógýi sv Bulu latsú mu ání mu asón da ɔkpa obénya nkpa.” ¹² Mbla ámusu gyí mená hógýisɔ, táme Bulu asun wanlínhé amu lébli ɔbé, “Ɖhagyíɔha ání otegyi mbla ámusu ɔbótsun mósó nyá nkpa.”

¹³ Táme anɔ sɔ Kristo lémlí ɔha ilwíhé bréá beda mu mántá oyikpalíhe amusu. Mú sv ɔlele anɔ tsú ilwí amúú mbla ámu létɔ há anɔ ámu así. Tsúfɛ Bulu asun wanlínhé ámu lébli ɔbé, “Ilwíɔ dɔn ɔhagyíɔha ání beda mántá oyisɔ.” ¹⁴ Kristo lówu, ménɔ Bulu ɔbópu oyúla amúú ɔlehe há Abraham amu kén yulá ahá ání bomegyí Yudafɔ, ménɔ abótsun anɔ Kristo Yesu hógýisɔ nyá Ɖhe Wankíhé amúú ɔlehe ámu.

Mbla Amu Pó Bulu Nihíé

¹⁵ Mí apíó, mpún nde tsiátɔ asón kv flo asón ánfɔ ha mli. Ali amúú ɔha ɔdinká ibwi mu asónsɔ ɔbé, ɔku ogyíi mu ató, ɔhaa má ɔkpa tse mú, ntée lé iku mótɔ ámu a, ali igýi ntam amúú Bulu léka há Abraham amu é ní. ¹⁶ Anɔ náin Abraham mɔa mu nanyɔ Bulu léka ntam há. Ali asón ánfɔ imosuná ání mu aná tsotsɔtsɔ, mboún mu na ɔkole pé. Mu na ámu gyí Kristo a. ¹⁷ Asón ání ndébli gyí, Bulu léka ntam há anɔ náin Abraham, ɔledinká ibwi mósú púsúná ání obégýi mósú. Mbla amúú ɔlɔwa há Mose nfi lafana adɔasa (430) ɔma amu méetalí ká ntam amúú ɔledinká ibwi mósú ámuɔ, ntée tse mú ekekeke. ¹⁸ Tsúfɛ ní mbla ámusu gyí sv ɔha ibi béda agyapadié amúú Bulu léhe yáí ámu a, múmó megýi he Bulu léhe mú yáí Abraham. Táme ɔnɔkwali amu gyí, kie ɔlɔpukié mu.

19 Mómó labi mɔmɔ mbla ámu bu? Bulu lɔpu mú é mántá mósó, ménu íbósuná ahá t́á lakpan gyí. Táme ɔlwa mbla ámu aní íbétsiá alu ýfɔn bréá Abraham mu na ámu ɔbéba. Mɔgyí mu ató ogyípó nu. Ɔlɔpu mbla ámu há mu abɔpu bɔpu bɔwa Mose íbitɔ. Múlóbwe Bulu móa Israelfɔ nsiné ɔlapú ní. 20 Nsiné ɔlapú tamalíí há ɔbakóle, táme ɔbakóle Bulu gyí.

Labíá Mbla Amu Ibv

21 Bulu mbla ámu ílɔksú líí mu nhíhé ámuó ɔlehíe yáí ámuvo? Ekekeke! Ní mbla ku íbétalíí há aní nkpa aní ítamatá á, tekí abétalíí gyí asu Bulu ansító, ní anlégyí mósó. 22 Táme Bulu ason wanlínhé amu íleblí aní lakpan lagyi ɔyító ahá f́éésó plíplíplíplí. Mú su ató ámuó Bulu léhíe yáí ámu igyi Kristo ahógyipu klé.

23 Táme asa Yesu Kristo hógyi lébá ɔyító á, mbla ámu íleklí aní fé obu adípó. Ɔhaa ménya mu íwí, bɔfɔn bréá Bulu lébele Kristo hógyi ɔwan. 24 Mú su mbla ámu lóbwe anisu ɔkípu bɔfɔn bréá Kristo léba, ménu Bulu obótsu aní aní aní asón da ɔkpa mu ansító, tsóun aní Kristo hógyisu. 25 Iníá Kristo hógyi laba su á, imehián aní mbla ámu ɔbétrá bwe anisu ɔkípu.

26 Tsúfé mlí Kristo Yesu hógyi su mlí f́éé mlílabwé Bulu abí. 27 Mlí ahá aní mlía Yesu Kristo mlílabwé kule tsɔn asúbɔsu mlílatsú mu tsiátó f́éé. 28 Mú su Yudayin ntée Griikiyin trá ɔma unu. Ɔkpábi ntée ɔdíhíe, ɔtsí ntée oyin trá ɔma unu. Tsúfé mlí f́éé mlílabwé kule mlía Kristo Yesunyo íkulebweto. 29 Iníá mlílabwé Kristo klé su á, mlílabwé Abraham abí-aná onutó, pú mu ató agyípó. Iní su itó ámuó Bulu léhíe yáí Abraham amu igyi mlí klé.

4

1 Mliyɔ asón ánfito ki. Ní ɔha owú, sí mu agyapadié yáí mu abí bréá bɔmɔkódan a, bɔgyi fé nkpábi. Ibv mót́á amóbú amó sí ató f́éé, 2 táme ílehián aní béba íwiasí há amósó ɔkípu alu ýfɔn nfi oduá amó sí lósuná aní bɔhó, asa abɔpu ató ámu wa amó íbitɔ. 3 Alí aní é angyí asa Kristo léba nu. Anulóbwe nkpábi há ɔhé, ntée túmiá íde ɔyí ánfiso gyí. 4 Táme bréá bré ámu onutó lɔfɔn a, Bulu lówa mu Bi sísí, ɔha tsihé lókwí mu wá mbla ámu asi. 5 Bulu lówa mu aní ɔbá bɔhɔ aní ahá ámuó angyi nkpábi há Mose mbla ámu tsu nkpábitɔ, ménu ɔbóbwe aní mu abí onutó.

6 Bulu lódunká aní obósuná aní mlílabwé mu abí. Mú sɔ ɔlɔpu mu Bi ámu Ɔhé wá aní íklɔntɔ ní. Ɔhé ámu téhá anitokpólí mu aniaa, “Abba, mí Sí!” ní. 7 Mú su opió, fɔtráa fɔmegyí ɔkpábi, mbóun Bulu mu bi. Iníá mu bi fɔgyi su á, mu ató f́éé igyi f́ó klé.

Galatiafɔ Iwí Ipián

8 Bréá mlímókónyá bí Bulu á, mlílóbwe nkpábi há íkpíá bɔmegyí tɔto. 9 Táme séi mlílabí Bulu, ntée néblí mbéé, alabí mlí. Ntogyi sɔ mlídekléá mléyinkí yósum túmi ánfí íma labi kókukɔ? Ntogyi sɔ mlétrá yinkí yóbwe amó nkpábi fé bré ámu? 10 Mlíde amándíé ku bwe nke kutɔ, tsra kutɔ, bré kutɔ pó nfi kutɔ. 11 Mlí bwehé ánfí su ífú bɔ mɔto. Íde mí bwe f́éé ípián ámuó ndewúun mlí su ámu f́éé íbóbwe kpaali.

12 Mí apió, nokókóli mlí, nabwé mí íwí fé mlí. Ntráa mma mbla koku asi. Mú su mlítisia mí atsiábi. Megyí bæe mbéé, mlílapú lalahé koku gyí mi, sɔ nde ínu blí. 13 Mlílakáin aní íwí ma mí ɔnlín asa néba unu bæda Bulu ason wankláán ámu ɔkan éke gyankpapu? 14 Ísókí kpɔnkpɔntí mí ílɔ ámu lóbwe há mlí, táme mú óó á, mlímóbu mí tɔku. Mbóun mlílɔhɔ mí fé Bulu-ɔbɔpu, ntée Kristo Yesu onutó kóráá. 15 Ansí lehíé gyi aní alí bré ámu! Ntɔ lébá? Mí onutó nowun aní ní mlétalíí á, tekí mlílólotí mlí ansíbi wá mí alí bré

ámuto. Mú nto dé mli séi? ¹⁶ Alí á múú nde mli ɔnɔkwali bláa amu sv namlí mli olupó?

¹⁷ Ahá á múú budekléa mligyí Yudafɔ mblasu ámu buma mli iwí agywun wankláán kuku. Tóá budeklé gyí bémaín mli lé mísó, méní mlékle amó asón. ¹⁸ Ibo alá ahá bódunká ání mlidwée amó, agywun wankláán ɔkpasu. Megyí bréa mbu mli wá wole. ¹⁹ Mí abí adwepú! Iwí trá ide mí ɔsun há mli, fɛ ɔtsiá ikwú de mu dwiin. Nkétí mlilanyá Kristo tsiátó mlito asa iwí bési mí ɔsin. ²⁰ Ihíe de mí háan ha mli. Ní mí nkole sv mó á, tekí mbu mli wá séi, méní nétse mí tóto.

Hagar Mva Sara Nfántóhón

²¹ Nfíte mli ahá á múú mlidékléa mlóbuo Mose mbla ámu. Mlimónu asón ání ileblí asi? ²² Bɔwanlín wá Bulu asón ámu bɛɛ, Abraham lókwí abi yinhé anyɔ. Ɔkole mu yin gyí ɔkpábi, onyɔɔsi mu yin gyí ɔdihie. ²³ Ɔkpábi amu lókwí mu bi keke, táme ɔdihie ámu mó á, Bulu léhie mu yáí ání méha mu obí asa ɔlɔkwí. ²⁴ Mliha anu asón ání así tsun ɔkpa ánfis. Atsí abanyó ání bulí há ntam anyɔ ání Bulu léka. Hagar líí há Sinaibusu klé, tsúfɛ nkpábi mu abí bogyi. ²⁵ Sinaibu ámu bu Arabia ɔmátó. Ilií há nde Yerusalem wúlu. Yerusalem pó mótó ahá fɛé bogyi nkpábi, Mbla ámu sv. ²⁶ Sara mó gyí ɔdihie, ɔlíí há ɔsósú Yerusalem. Mogyí aní yín ní. ²⁷ Tsúfɛ Bulu asón wanlínhé amu léblí ɔbée, “Ɔtsi mákwípó, nya ansigyí!

Ɔtsiá ikwú mɔkúdwíin mu kí, kplɔn, afusora okitikiti ansigyísó.

Tsúfɛ ɔtsi á múú mu kulu lési mu tswi amu obénya abí tsɔtsɔtsɔ, dun ɔmɔmú mu kulu da mu wá ekekegyíeke ámu.”

²⁸ Mí apíó, séi á, mlilabwé Bulu ahá tsun mu tóá ɔlehie yáísú; fɛ alá ɔlehie yáí asa bɔkwí Isak. ²⁹ Alí bré ámu á, obí á múú bɔkwí mu keke, ogyi Ismael amu lédunká Isak á múú bɔkwí mu Ɔɣe Wankíhé túmito ámu sv. Alí kén igyi há aní nde ní. ³⁰ Táme nkáli Bulu asón wanlínhé amu léblí? Ɔbée, “Gya ɔkpábi amu mva mu bi, tsúfɛ megyí ɔkpábi mu bi ámu mva ɔdihie mu bi ámu obégyi amó sí ató.” ³¹ Mó sv apíó, megyí ɔkpábi amu abí anigyí. Ɔdihie ámu abí anigyí.

5

Mlú Mli Iwígyísv

¹ Aní iwígyí sv Kristo lahá anlagyi iwí! Mú sv mlilu kinkíínkin. Mlimátrá tsulá abɔbwe mli nkpábi ha mbla ámu.

² Mlinu! Mí Paulo dé mli bláa ání ní mlesi iwí há, betun mli keté a, ilosuná ání tó á múú Kristo lóbwɛ ámu ima mli labi kuku. ³ Ntráa nde mli ɔlá da mbée, ɔhagyíɔha ání ɔleha betun mu keté á, ilehián ání obégyi Mose mbla ámu fɛésó. ⁴ Nde mli bláa mbée, mli ahá á múú mlidé mbla ámu sv gyí, méní Bulu obótsu mli ání mli asón da ɔkpa mu ansító ámu mlilamáin iwí lé Kristosv. Bulu awitole amu ulatswi mli pan. ⁵ Aní mó aní ansí dun ání Bulu obótsu aní ání aní asón da ɔkpa mu ansító. Iní gyí tóá anidé ɔkpa kí tsun Ɔɣe Wankíhé á múú ɔde agyómá yɔ anito, tsun aní hógysín ámu sv ní. ⁶ Tsúfɛ ní ania Kristo Yesu anigyí kole a, ketétún ntée ketémáin mehián. Móá idehián gyí anibv hógýiá itehá anitodwé Bulu pó aní aba.

⁷ Tekí mlidé mbódí bɔ asa. Ma kóún latin mli ɔkpa ɔbée, mlimátrá buo ɔnɔkwali amu? ⁸ Megyí Bulu bwéhé igyi, tsúfɛ móléle mli. ⁹ Mlikaun ání bodobodotu-afá kpalobí téhá bodobodo amu fɛé itotú. ¹⁰ Aní Wíe lahá

nahogyi, aní mlumétrá hɔ ɔha bambá atosunáhé dɔn mí nkɔle klé. Bulu ɔbébtí ɔhá á múó ɔde mli agywun damlí ámu isu.

¹¹ Mí apíó, ní ntráa nde ɔkan da blí mbéé, ilehián aní ahá bɔtún keté á, múmó ntogyi sù Yudafo bɔtráa bɔdɔn mísó? Mómó ní nde Kristo oyikpalíhesu lowu ámu é ɔkan da á, yéé ɔhaa mээdinká mísó o. ¹² Mí su mú á, tekí ahá á múó bɔde mli háan bée, ilehián aní mlétun keté ámu bawúna flo amó iwí.

¹³ Mí apíó, Bulu léle mli ɔbéé, mlibégyi iwí. Táme mlimátsun mli iwígyi amusu láyótsu mli tsiátó dada amu. Mboún mliɔu ɔdwe sum mli aba, ¹⁴ tsúfé Mose mbla ámu féé líú mbla kɔle pé á múó idéblí ɔbéé, “Dwe fó bá fé fó iwí.” ámusu. ¹⁵ Táme ní mliabwé mli iwí fé mbwíkítá-atɔ, mli dé aba finí, mli dé aba lalá a, múmó mliki wankláán; ní megyi alí mléhi aba.

Tsiátó Dada Pó Ɔhétó Atsiábi

¹⁶ Mú su nde mli bláa mbéé, mliha Ɔhe Wankíhé amu ɔkpa mli. Mómó mlimáɔbwe tóá mli tsiátó dada tekle. ¹⁷ Tsúfé tóá aní tsiátó dada tekle ihíe na ɔtsan há tóá Ɔhe Wankíhé amu tekle. Tóá Ɔhe Wankíhé amu tekle é ihíe na ɔtsan há tóá aní tsiátó dada tekle. Atoku anyɔ ánfí idokɔsú líú abasu, méní mlimáɔbwe tóá mliteklu. ¹⁸ Ní Ɔhe Wankíhé amu dé mli kpa á, múmó mlimá Mose mbla ámu así.

¹⁹ Tsiátó dada bwehé telin ɔwan. Múgyi; atsi múa ayin asónwa, agywun laláhe bwe, ifintotsiá, ²⁰ ikpɔtswéé, afátopleí, olu, itré, fú nkɔle klé dunká, ɔblókpan, ɔnsipe, aba asumánú, iwímaín lé fú abasu, ²¹ ɔkabágyáa, ntábu, pléikpada pó múá ilehan íní aná. Mú aná iwí asón nde mli bláa, fé alí nebláa mli yaí. Mbéé, ahá aní bɔtɔbwé íní odu bóméenya Bulu iwígyi ámɔtɔ agyapadie kuku.

²² Táme ní Ɔhe Wankíhé amu dé aní kpa á, mú abi swiehé aní íbétsiá aníto gyí, ɔdwe, ansigyí, iwílwí, iklɔnya, awítɔle, yilébwe, ɔnɔkwali, ²³ ilwíí pó iwísuogyí. Mbla kukuuku má inuá íletin alí ntobí ánfí ɔkpa. ²⁴ Ahá aní bɔgyi Kristo klé bamó amó tsiátó dada pó amó ɔwólí laláhe Kristo Yesu oyikpalíhe amusu. ²⁵ Ɔhe Wankíhé amu lahá aní nkpa pɔpwe. Mú su mliha agyi mu asónsú. ²⁶ Anímátsu iwí súná aba, ntée wá aba ɔbló, ntée pé ansí aba atósú.

6

Iku Tsu Lé Aba Asóntó

¹ Mí apíó, ní mliɔ ɔku ɔbwé lakpan ku á, mli ahá á múó Ɔhe Wankíhé de mli kpa ámu mliɔnya klɔn tɔi kpla mu pɔtɔ. Táme mliki mli iwí wankláán, méní mli é mliméedida isóki amu odutɔ. ² Mliɔtsu iku le mli aba asóntó. Ní mli dé mú bwe alí á, mli dé Kristo mbla ámusu gyi ní. ³ Ní ɔku dé mu iwí kí ɔbéé mɔfɔn tógyítótó, táme omegyí tɔtɔ a, ɔde mu iwí mlé. ⁴ Mlikaɔu mli onutó tsiátó kí. Ní ibɔ alé á, múmó mlétalí pó ibí sí kántó mli bwehé su, mlimáɔpɔ kápú ɔha bambá klé. ⁵ Tsúfé aníto okugyíɔku ɔbósɔrá mu onutó atɔ sɔráhé.

⁶ Bulu asón ámu akasípú buyée atɔ wankláán aní bobu iku ha amó asunápó.

⁷ Mlimámlé mli iwí. Ɔhaa tamamlé Bulu. Ɔhagyíɔha ɔbókɔtí tóá olodu. ⁸ Ní ɔku lódu tsiátó laláhe wá mu klɔntɔ á, lowu ɔbókɔtí tsú mótó. Táme ní ɔleha Ɔhe Wankíhé amu lódu tsiátó wankláán wá mu klɔntɔ á, ɔbókɔtí nkpa aní itamatá tsú mótó. ⁹ Mú su yilébwe mákpɔn aní, tsúfé ní abato mowu aní á, abókɔtí nkpa aní itamatá mú brétó. ¹⁰ Mú su brégyibréá anyá mú iwí ɔkpa á, mliha abwe yilé ha ɔhagyíɔha, títriu aní apíó ahógyipu.

Itsiáha Pó Oláda

- ¹¹ Mlíki atɔ wanlínhé akpɔnkpɔntiá napó mí onutó ɔ́i wánlín sísí mli!
¹² Ahá ámuó bodedunká ání bégyi asu ahá ansító ámu líí mliɔ bɛɛ, mliháa abɔtɔn mli keté ní. Megyí tɔtɔ só bɔde ínɔ bwe. Alá Yudaɔ bɔmédunká amósú bɛɛ, bɔdeblí bɛɛ Kristo oyikpalíhesu lowu ámu pésú ɔ́ha ɔ́bɔtsɔn nya nkpa. ¹³ Keté atínpu amu onutó óó bɔtamagyi Mose mbla ámuɔ. Táme bɔdekléá mliɔn keté, ménɔ bɔpɔtsú ɔ́wɔ súná amó aba ání bahá mliɔtɔn keté. ¹⁴ Mí mó á, ɔ́mába mótó ání nótsu ɔ́wɔ ɔ́yí ánfɔtɔ tɔtɔɔtɔsɔ, dɔn anɔ Wíe Yesu Kristo oyikpalíhesu lowu ámu. Tsúfɛ mu lowu ámu sɔ ɔ́yító tsiá ɔ́tráa ma mí labi, mí é mma labi kɔkɔ há mó. ¹⁵ Ketétíun ntéɛ ketémátɔn megyí tɔtɔ. Múá idehián gyí ɔ́ha obémli ɔ́ha pɔpwe. ¹⁶ Iwilwii múa nwewúun itó ahá ámuó bɔde mbla ánfɔsɔ gyí amu, pó ahá ání bɔhíé bɔgyi Bulu ahá!*
- ¹⁷ Asa nékpa mí asún opulu á, mbláa mli. Mliɔ ɔ́haa mátrá wa mí tɔi. Tsúfɛ mí ɔ́wɔ apɔná ánfɔ idesuná ání Yesu ɔ́kpábi ngyi.
- ¹⁸ Mí apió, anɔ Wíe Yesu Kristo ogyíi mli bɔale. Amen!

* **6:16** Ahá ání bɔhíé bɔgyi Bulu ahá gyí Israel pɔpwe amu ni.

Ɔwɔlɔ́ Paulo Lɔ́wanlín Sísí Efesofɔ

Itsiɔha

¹ Mí Paulo ání Bulu apé sɔ nabwé Kristo Yesu sumbí ɔyɔpú, dé ɔwɔlɔ́ ání wanlín sísí mli Bulu ahá ání mlilaho Kristo Yesu gyi, mlia mɔnyɔ mlilabwé kole, mlibɔ Efeso wúlutɔ. Nde mli itsiá ha.

² Aní Sí Bulu mɔa aní Wíe Yesu Kristo bugyíi mli boale, abɔha mli iwilwii.

Ɔsósɔ Oyúla Aní Anibɔ Kristotɔ

³ Mliha akanfo aní Wíe Yesu Kristo mɔ Sɔ pɔ mɔ Bulu. Tsúfé tsɔn ania Kristonyɔ ikolebwetɔ á, alapɔ ɔhétɔ atáá ibékpa aní fée yúlá aní tsú ɔsósɔ.

⁴ Asa Bulu lóbwe ɔyí á, ɔlele aní bwé mɔ kle tsɔn ania Kristonyɔ kolebwesɔ, ání abwée ahá ání amó iwɔ letɔn, ifin kɔkɔ má aní iwɔ mɔ ansítɔ.

⁵ Iníá Bulu tɔdwé aní sɔ á, ɔlɔbwé agywun yáí ɔbée, mɔpɔ aní bwé mɔ abí tsɔn Yesu Kristosɔ. Iní gyí t́á olekle, igyi mɔ apé ní. ⁶ Mliha akanfo Bulu, mɔ awitɔle anfi ibɔ numnyam, ɔlɔwa tsɔn mɔ Bi ɔdwepúsó há aní faan anfi sɔ. ⁷ Ɔlɔpɔ mɔ Bi ámɔ obugya ká aní nwunsɔ ikɔ, sí aní lakpan kíe aní. Awitɔle anfi Bulu léhie wá há aní ání ibɔ ifú dɔbi. ⁸ Mɔ nyánsa pɔ mɔ asón-asinu lalé mɔ fée ɔwan súná aní tsɔn ɔkpa tsɔtsɔtsɔsɔ.

⁹ Alahá anilabí mɔ asɔn ñáínhé ání ɔlekiklí yáí dodoodo ɔbée, mɔbwé tsɔn Kristosɔ. ¹⁰ Mɔ asɔn ñáínhé amɔ gyí, ní bré ámɔ ifɔn a, mɔbwé mɔ atɔ bwehéá ibɔ ɔsɔ mɔa así fée kole, pówá aní Wíe Kristo así.

¹¹ Bulu tehá mɔ nwuntɔ asón pɔ mɔ apé teba mótɔ brégyíbré. Mɔ onutɔ léle aní ɔbée abwée mɔ abí tsɔn ania Kristonyɔ ikolebwetɔ. Tsúfé alí ɔlɔbwé agywun yáí dodoodo ní. ¹² Ɔlele aní agyankpapɔ ámúɔ aní ansí dɔn Kristosɔ ámɔ ɔbée, abékanfó mɔ numnyam.

¹³ Alí ilegyi ha mli é ní. Bré ámúɔ mlilónu ɔnɔkwali asón, igyi asɔn wankláán ámúɔ ilɔhɔ mli nkpa ámɔ, hɔ mósú gyi ɔpá mlia Kristonyɔ mlilóbwe kole. Bulu lɔpɔ mɔ Ɔñe Wankihé amɔ hie mli nsɔ, púsúná ání mɔbó mli, fé alí ámúɔ ɔlehie yáí ɔbée mɔbwé ámɔ. ¹⁴ Ɔñe Wankihé amɔ gyí ntswiasíá idesuná ání aní ibi béda agyapadié ámúɔ Bulu léla yáí há mɔ abí ámɔ ní. Idesuná ání alaká aní nwunsɔ ikɔ, pówá mɔ numnyam.

Paulo Mpáí

¹⁵ Mú alí sɔ, tsú bréá nonu ání mlilaho aní Wíe Yesu gyi, pɔ alíá mlitɔdwé Bulu ahá fée á, ¹⁶ mmɔkósí Bulu ipán da mli nwunsɔ. Ní nde mpáí bɔ á, ntekáín mli sɔ. ¹⁷ Ntokókóli aní Wíe Yesu Kristo Bulu, numnyam Ɔsí ámɔ mbée, ɔhá mɔ Ɔñé ámɔ ɔha mli nyánsa. Ue mɔ ɔwan súná mli, méní mlébi mɔ wankláán. ¹⁸ Ntɔkólí mɔ mbée, obwii mli ansí, amliwun atɔ wankláán ámúɔ ɔbée, mlibéki ɔkpa ha ámɔ, méní mlébi ání atɔ ámúɔ ɔlelayáí há mɔ ahá ámɔ ihíe bɔ bíá. ¹⁹ Ɔhá amlibi ání mɔ túmi dɔn túmi kugyíko há aní ahógyipɔ. Mɔ túmi ání ɔma a, kɔkɔ má inu. ²⁰ Mú kén ɔlele súná bréá ɔlɔkɔsúa Kristo tsú afúlitɔ, pɔ mɔ yéyáí mɔ gyɔpɔsɔ ɔsósú inu ní. ²¹ Inú Kristo dé iwíe gyí awíe fée, túmi kugyíko, ɔñe laláhe pɔ ɔmásógyí túmi féesú ní. Mɔ dibia dɔn dibia kugyíková ibɔ nɔ séi pɔ ɔyí ámúɔ ibéba amɔtɔ. ²² Bulu lɔpɔ tógýítɔ wá mɔ asi, ɔlɔpɔ mɔ bwé tógýítɔ nwun há mɔ ɔpasua. ²³ Ɔpasua ámɔ gyí Kristo ɔyólúv. Kristo wá ɔpasua ámɔ tenyá túmi kugyíko tsú. Mótéhá tógýítɔ tɔwá alé yi ɔtinegyíɔtíné.

2

Tsɔ Nkpa Dadatɔ Ba Pɔpwetɔ

¹ Asa mlilɛmlɛ Akristofɔ á, asutɔ-ɔnlun mɔ́a lakpanbwe sv mligyí ɔhétɔ aha wuhé. ² Alɛ bré ámɔtɔ á, mlilɛtsiá ɔmátɔfɔ atsiábi. Mlilóbuo ɔhɛ laláhe féé owíe Ɔbunsám. Mɔgyí ɔhɛ laláhe ání ɛde agyómá yɔ ahá ámúú bɔtamabú Bulu ámɔtɔ ní. ³ Lélé mɔ́ á, anɛ féé anlɛtsiá amú atsiábi, bwé laláheá anɛ ɔwólí léklé. Anilóbuo tɔ́á anɛ ɔyulúv pú anɛ agywɛun létsiá súná anɛ. Tsiátɔ anfi sù teki Bulu ɔbébití anɛ ɛsv fé aha atráhe nɛ.

⁴⁻⁵ Táme íniá Bulu nwewúun ɛtsɔ, ɔtehié dwé anɛ sv á, ɔlɔtsɔn anɛa Kristonyɔ ikɔlebwesv há anɛ nkpa, bré ámúú anɛgyí aha wuhé Bulu ansítɔ anɛ lakpan sv ámv. Mv awítɔle sù ɔlɔhɔ anɛ nkpa. ⁶ Anɛa Kristo Yesunyɔ ikɔlebwe ánfɛ sv Bulu lakúsɔa anɛa mɔnyɔ tsú lowutɔ, alahá anɛ otsiákpá Kristo wá. Anɛa mɔnyɔ abégyi iwíe ɔsúsú. ⁷ Bulu léle mv awítɔle kpɔnkpɔnkpɔntɛ ánfɛ súná anɛ tsɔn Kristo Yesusv, ménɛ ahá ání bétrá lun féé bówwun ání mv awítɔle lomóní dɔn tógyítɔ. ⁸ Bulu awítɔle pú mlɛ Kristo hógysv Bulu lɔtsɔn hɔ mlɛ nkpa. Inɛ motsú mlɛ, Bulu atokiehé igyi. ⁹ Megyí mlɛ bwehé wankláán kɔkɔ sv, ménɛ mlɛtɔ ɔkɔkɔ mɔ́ɔpv ɛbi sí kántɔ. ¹⁰ Bulu lábwé anɛ alɛ ánfɛ anɛgyí. Alabwé anɛ aha pɔpwɛ tsɔn anɛa Kristo Yesunyɔ ikɔlebwesv, ménɛ abóbwe yilé ání mv onutɔ ɔlela yáí há anɛ ɔbéɛ abwéɛ.

Kristotɔ Ikɔlebwe

¹¹ Mú sv mlɛkan ání teki ɔmátɔfɔ mligyí. Bré ámv a, Yudafɔ bɔtetí mlɛ beɛ, “Ahá ání bɔmetɛn keté,” bɔtetí amú ɛwi keté atɛnpɔ. (Táme ketétɛun amú ó á, nyankpɔsa ɔyulúsv pú ɛbi ɔnɔ ató igyi.) ¹² Mlɛkan ání alɛ bré ámɔtɔ á, mlɛmégýi Kristo. Afɔ́ mligyí. Mlɛmégýi Yudafɔ ɔkpagyíɔkpasv. Mlɛmá ogyíkpa Bulu nhíhé ámúú ɔleka mú ɛwi ntam há Yudafɔ ámɔtɔ. Múá ɛdɔn kóráá á, mlɛ ansí mɛdín tɔtɔsv, mlɛmégýin mv é. ¹³ Táme séi á, mlɛa Kristo Yesunyɔ mlɛlabwé kɔle. Inɛ sv Kristo latsɔn mv obugya amúú ɔletsei wólí há anɛa mlɛnyɔ ámɔsv, kpá mlɛ ahá ánfɛ teki mlɛbv ífɔ ánfɛ ba Bulu wá. ¹⁴ Tsúfé Kristo onutɔ lapú iwilwii wá Yudafɔ pú ɔmá bámbásúfɔ nsiné, bwé anɛ afonka anyɔ ámv féé kɔle. Alalé olu ámúú ɛlabwe buntii wá anɛ nsiné ámv. ¹⁵ Ɔleka Yudafɔ mbɛla pú amú amándiétɔ, ménɛ afonka anyɔ amú bóbwe ɔpasua pɔpwɛ ikɔle mɔtɔ. Fówun mva amónyɔ bóbwe kɔle, iwilwii bétsiá amú nsiné. ¹⁶ Ɔlɔtsɔn mv oyikpalíhesv lowu ámɔsv lé olu lé amú nsiné. Oyikpalíhe amɔsv ɔlɔtsɔn tsɛwɛ amúa Bulunyɔ ɔnɔ ntsu. ¹⁷ Bréá Kristo lébá a, ɔleɔa Bulu iwilwii asón ámv ɔkan há ahá féé. Mlɛ ɔmátɔfɔ ání mlɛa Bulunyɔ nsiné bv ífɔ pú Yudafɔ ání amúa Bulunyɔ nsiné ma ífɔ féétɔ. ¹⁸ Kristo sv ɔkpa latíí há anɛ afonka anyɔ ámv féé. Ɔhɛ Wankíhé ámv sv abétalí ba anɛ Sí Bulu ansítɔ.

¹⁹ Inɛ sv mlɛtráa mlɛmégýi afɔ́. Mlɛa Bulu ahá mlɛlabwé ikɔle, mligyí Bulu wóyí abí. ²⁰ Mligyí fé obuá bayi. Yesu sumbí ayɔpú ámv pú Bulu ɔnɔsú atáipú amv gyí mú nkpabí. Kristo Yesu onutɔ gyí obu ámv ɔtan. ²¹ Mv sv obu ámv ɛtsa aba hógýitɔ. Mɔtéhá mú itomóní bwé Bulu ɔtswékpa obu wankíhé. ²² Iníá mlɛa Kristonyɔ mlɛlabwé ikɔle sv á, ɔde mlɛa Yudafɔ ámv pɔtsá abasv, ɔde obu ání Bulu obétsiá mótɔ ɔhétɔ yíi.

3

Paulo Ɔmá Bámbásúfɔ Bulu Asón Bláa

¹ Mí Paulo nda obu Kristo Yesu asɔn wankláán ámúú nde ɔkan da mlɛ ahá ání mlɛmégýi Yudafɔtɔ ámv sv. ² Nyin ání mlɛlanú awítɔleá Bulu lówa há mí, pú agyómá ánfɛ wá mí ɛbitɔ ɔbéɛ, mbwéɛ, ɛwa labi ha mlɛ. ³ Bulu

léle mu ason ñáínhé á múú òlekikí yáí ámu ówan súná mí. Mú nawánlín kútúklú á. ⁴ Ní mlekla ówulò ánfí a, íbówankí mlí ání nanú Kristo iwí ason ñáínhé ámu así. ⁵ Tsú óyí ópá á, Bulu mǎkólé ason ñáínhé ánfí súná nyankpúsa ókoku. Táme séi ánfí á, alabéle mú ówan tson mu Òhè ámusu súná ahá á múú alalé, bogyi mu sumbí ayópó pó mu ónósú atóipú wankihé ámu. ⁶ Mu ason ñáínhé ámu gyí, Bulu layulá ómá bámbásófó é fé Yudafá, tson mu ason wankláán ámusu. Amóa Yudafá bamli ólere ókuletó ató agyípó, alabwé amóa Yudafá kole. Mú su babwé óyulú kole. Amó é bénya ató á múú Bulu léhie ání óbéha Yudafá tson Kristo Yesusu ámu ku.

⁷ Ina Bulu awitále pó mu túmisu ólóbwe mí mu ason wankláán ámu osúmpó. ⁸ Ibo mótá kebíkusu ngyi Bulu ahá féétó. Táme Bulu lówa awitále há mí óbéé, ndáa Kristo oyúla á múú idon blí ámu iwí ókan ha ahá ání bomegyí Yudafá. ⁹ Múlówa mí óbéé, nháa anyánkópósa féé abóbí alíá ódepu mu ason ñáínhé ámu yó agyómá. Múlóbwe ósú móa así, ólópó mu asón ánfí ñáín tsú óyí ópá. ¹⁰ Ólóbwe mú alí, méní óbótson mu ópasua ámusu lé mu nyánsa ótsan-ótsan súná òhe laláhe awíe pó atúmipóá búbu ótínéá búde iwíe gyí féé. ¹¹ Iní gyí tóá Bulu léhíhé yáí asa ólele óyí ní. Alahá mú ílaba mótó séi tson aní Wíe Kristo Yesusu. ¹² Iníá anílahó mu gyí, ania munyó anílabwé ikule su á, abétalí wá klón yó mu ansító faan, anímétrá nya ifú. ¹³ Mú su nde ípa bwíí há mlí mbéé, mlímáha abató iwu mlí, iwíasin ánfí ndewúun ha mlí ánfí su, tsúfé íbówa labí há mlí.

Kristo Ódwe

¹⁴ Iní su mí akpawunu iyi así, nde aní Sí ámu kokóli. ¹⁵ Mutó abusuan kugyíkóá íbu ósú móa así lelín tsu. ¹⁶ Móbúu oyúla akpónkpóntí há mu abí. Mú su nde mu kokóli mbéé, mu Òhè ámu óhíe wa mlí ókláa ówónlín tsu mu oyúla kpónkpóntí atokíehé ámutó, ¹⁷ Kristo ótson mlí hógýisú tsia mlí klóntó brégyíbré. Nde mu kolí mbéé, óhá amlíle nlin yó ótótó, Buludwe pó mlí abadweto, amlílu kínkíínkín. ¹⁸ Fówun mlíá Bulu ahá atráhe mlétalí bí ání Kristo ódwe lehíe móní, ílehíe téí, íhíe bú íswí, ílehíe fúá, ílehíe wíe ótótó. ¹⁹ Ntráa nde mu kokóli mbéé, óhá amlíbi Kristo ódwe á múú nyankpúsa ókoku méetalí nú mú así yí ámu. Fówun mlí tsiátó bóbwe fé Bulu klé.

²⁰ Iníá Bulu túmí de agyómá yó anitó su á, ótetalí bwé ató há aní don alíá anitókólí mu, ntéé anitosúsu. ²¹ Iní su mlíha akanfó Bulu. Anyánkópósa líntó féé bokánfó mu ató akpónkpóntí á múú ódebwe Kristo Yesu pó ópasua ámutó ámu su, tsú séi yófón bréá itamatá. Amen!

4

Ania Kristonyó Ikwélebwé

¹ Iní su mí ánfí nda obu aní Wíe agyómá yó su ánfí nde ípa bwíí há mlí mbéé, mlítsia tsiátó oduá ílekanáa alíá Bulu léle mlí óbéé, mlíbétsiá. ² Mlíba iwíasi, amlílwíi. Mlunya klón ha aba, amlídwé aba. ³ Òhe Wankihé ámu lahá mlílabwé kole. Mú su mlíbo mbódí amlítsia iwílwíi, méní íkwélebwé ámu íbétsiá mlító yó. ⁴ Óyulú kole iwí ntóbí aní féé anígyí. Òhe Wankihé kole pé bu un. Alí kén Bulu léle aní féé óbéé, abéki toku kole pé ókpa ní. ⁵ Owíe ókole; hógýi kole; asúbó kole. ⁶ Bulu ókole. Múgyí aní féé Ósí. Múdé aní féésó gyí, óde agyómá yó tson aní féésó, ótsie aní féétó.

⁷ Kristo lówa awitále ye atokíehé há aní féé óbéé, apóyo mu agyómá, ⁸ fé alíá ówanlín wá Bulu asón ámutó beé,

“Bréá ólòyo ósúsú á,

ólekpa ndoun buo iwí,

kíe ahá ató.”

⁹ Ní bōwanlín wá Bulu asón ámwòtò bēē, “Oloyo osósó” á, idesuná ání Kristo légyankpá kplí wíé osulótò. ¹⁰ Mómú idesuná ání ahá ámwú òlekplí wíé osulótò ámw kén lóyo osósó, otínéá ìdofúá dun ni, ménì òbóbulá osó múa así fée, há mú ifon. ¹¹ Kristo onutò lóbwe anitò akv mu sumbí ayópó. Akv Bulu onósó atóipó. Akv mu asun wankláán ámw òkan adapó. Akv é akpapó pú asunápó. ¹² Kristo léle amó alì, ménì Bulu ahá bétalí yó mu agyómá, pówá Kristo oyulúw ìkole; igyi mu òpasua ámw òwónlín, ¹³ ménì anì fée abóbwe kole hógyitò, bí Bulu mu Bi ámw. Fówun abédan, fon òkpagyíòkpasu fē Kristo. ¹⁴ Inì sù animéetrá bwe fē nyehíá ahá ání amó onó bō òdwe bétalí pú amó atosunáhé pòpwe kugyíku bēmlé, fē alíá ntsu tedá òklon ya otínegyíotínéá ideklé. ¹⁵ Mboún mlíha abláa aba òòkwali asón ámw òdwe, ménì abédan tógýtótò, bwe fē Kristo, ogyi òpasua ámw nwun. ¹⁶ Ina musu oyulúw, igyi òpasua ámw otínegyíotíné ita aba, ide aba wankláán. Ní nyankpòsa-oyí iwí ntobí ámw fée ide mú agyómá yò wankláán á, Kristo tēhá mú itédan òdwe.

Nkpa Dada Múa Pópwe

¹⁷ Mú sù nde mlí olá da anì Wíe idátò mbēē, mlímátrá tsiá fē ahá ání bōmeyín Bulu. Itáá mósowa labi há amó iwí butògywíun. ¹⁸ Amó nwuntò lóklun. Mú sù bōma nkpa pòpwe amóú itsú Bulu wá ámw, tsúfē bōmeyín tótò. Ikuntò bō amó odwin. ¹⁹ Lalahēbwe tamawá amó péli, butekle hakpanla kugyíku bwe. Butòbwe lalahē kugyíku, butamatálí kítá iwí.

²⁰ Táme mlí mú á, megyí tsiátò anfi odu mlílékasí tsú Kristo iwí. ²¹ Nyin ánì mlílanú Yesu iwí asón, basúná mlí òòkwaliá ìbò mótò é. ²² Mú sù mlísi mlí tsiátò dada amóú mlílétsiá ámw. Mlì òwólì laláhe lémlé mlí alì bré ámwòtò, ìlèha mlí tsiátò leyintá. ²³ Mlìha Bulu òbwe mlí klon pú mlí agywíun pópwe. ²⁴ Mlitsia tsiátò pòpweá igyi Bulu atsiábi, mú iwí letin, ina dínká òòkwali òkpa ámwus.

²⁵ Mú sù mlítò okugyíòku omátrá wa afunu. Ohagyíoha òbláa mu ba Okristoyin òòkwali. Tsúfē anì fée angyí nyankpòsa-oyí òkole amu iwí ató. ²⁶ Òblò ikítá mlí á, mlímáha mú ìha amlíbwē lakpan. Imátsiá mlítò yófon owi tahé. ²⁷ Mlímátepí há Òbònsám òkpa òmlē mlí, amlíbwē lakpan. ²⁸ Owikplu mátrá wí ató. Òpúw mu ìbì yò agyómá, ménì obénya tókò kpá mu iwí, nyá ikò é há ahá ání bōma kuku. ²⁹ Mlímáha asun laláhe kuku idalì tsu mlí onó. Mboún múá ìbóbúá òha, ìbóbwe yilé, wá labi, wá mú anupú òwónlín. ³⁰ Mlímábwe tóá ìbēhan Òje Wankíhé ámw. Tsúfē mu Bulu lópwhē mlí nsu, púsúná ání múbó mlí, móhò mlí nkpa eke ámw ni. ³¹ Mlìde ònspekpan, olu pú òblòkpán, ìtré, isia pú lakpan kugyíku agywíun lē mlítò. ³² Mboún mlíwa awítòlè ha aba. Mlìwun aba nwe, amlísi lakpan kie aba fē alì ámwú Kristo sù Bulu lési mlí klé kíe mlí ámw.

5

Akristofò Atsiábi

¹ Iníá Bulu abí ání òtēhíé dwé mlígyí sù á, mlitsia mu atsiábi. ² Mlìdwe aba òkpagyíòkpasu, fē alíá Kristo lódwe anì, tsúlá bōmò mu anì sù. Olopo mu iwí bwe atò hahé pú afòdìe-abótóá ìbò òfan fánfáánfán há Bulu, ilegyi mu ansí.

³ Bulu latin mlí iwí. Mú sù mlímáwa atsi múa ayin asón, wá hakpan, ntéé ònsipe. ⁴ Mú òma a, uma aléá mléblí asón ánì ìbò péli pú múa uma anulé, ntéé wá òplòkpan. Mboún mlída Bulu ipán brégyíbré. ⁵ Iwánki mlí ánì mbua

ᾠτοῦ, ᾠhakpan ntée ᾠnsίpe ᾠwapó ᾠkoku méenya ogyíkpa Kristo mva Bulu iwíegyi ámutò. (Tsúfé ᾠnsίpe ᾠwapó gyí fé ᾠkpi ᾠtswépe).

⁶ Mlímáha ᾠkpa ᾠhaa ᾠpóu ᾠsón ᾠní ima labi koku mlé mli. Tsúfé tsiátó laláhe anfi odu só Bulu tenyá ᾠbló bíti ahá ᾠní bubu ᾠsoto-ᾠnlin isu ní. ⁷ Mú su mlímápu amó gyi mba. ⁸ Bré ᾠmu a, oklúntò mltsie mlidé lakpan bwe, táme séi á, mli aní Wíenyò mlilabwé kule. Mú su mltsie wankitò. Iní su mli tsiátó isúna ᾠní mltsie wankitò. ⁹ Tsúfé ᾠhá ᾠní ᾠbu wankitò tᾠbwé yilé. Mú ᾠsón da ᾠkpa, ᾠbu ᾠnᾠkwali. ¹⁰ Mú su mlibò mbódí amlikasí tᾠá Bulu tekle. ¹¹ Mlímágyi mba. Labi koku ima mótó. Mboún mlile amó bwehé ᾠwan. ¹² Ihíe bu péli ᾠní bébli ntobíá ahá butᾠbwé ᾠáinto iwí ᾠsón kóráá. ¹³ Táme ní itò wankíhé iwánkí wólí tᾠá bu oklúntᾠsu á, itemlí itowunhe. ¹⁴ Tsúfé atò wankíhé telé tógyító ᾠwan. Mú só beblí beé, “ᾠdidípó, tsinki.

Kusu tsu afúlitò,

Kristo ᾠwankí wólí fúsó.” ní.

¹⁵ Iní su mliki mli tsiátó wankláán. Mlímátsiá nkpa fé aha mimláhe, mboún mltsia fé atiansupu. ¹⁶ Ní mlenyá bréá mlópobwé itò wankláán á, mlímáyintá mú. Tsúfé lalahᾠbwe lamóní alí bré ánfito. ¹⁷ Mú su mlímábwe mimlála. Mboún mlibò mbódí amlibi tᾠá aní Wíe tekle, amlibwe mú.

¹⁸ Mlímánu ntá bú, tsúfé iteyíntá ᾠha. Mboún mliha ᾠᾠé Wankíhé amu ᾠbula mli brégyíbré. ¹⁹ Mlipu Bulu ᾠsón wá ilu, amlíwa ilóá ᾠᾠe Wankíhé lópówá mli klontò potò kpla aba; amlíwa ilu é tsu mli klontò kanfò aní Wíe. ²⁰ Mlida aní Sí Bulu ipán tógyítótó brégyíbré, aní Wíe Yesu Kristo idátó.

Akristofò Akúlu Mva Aká Tsiátó

²¹ Mliba iwiasí ha aba fé alíá mliteba iwiasí há Kristo.

²² ᾠtsi, ba iwiasí ha fú kúlu fé alíá foteba iwiasí há Kristo. ²³ Tsúfé okúlu bu túmi mu kasu, fé alíá Kristo bu túmi ᾠpasua ámusu. ᾠpasua ámu gyí mu ᾠyolú, Kristo amu onutó gyí mú ᾠlepú. ²⁴ Alí ámúú ᾠpasua ámu teba iwiasí há Kristo amu a, alí kén ᾠká é ᾠbá iwiasí ha mu kulu tógyítótó ní.

²⁵ Akúlu, mlidwe mli aká fé alí ámúú Kristo lódwé ᾠpasua ámu, tsúlá bᾠmᾠ mu mú su ámu. ²⁶ Kristo lótsulá bᾠmᾠ mu pútun ᾠpasua ámu iwí há Bulu. Olebie ᾠpasua ámu ntsu, pú mu ᾠsón ámu gyóra mú iwí. ²⁷ Omekleá ifin pú ᾠsᾠnsu bétsiá ᾠpasua ámu iwí, ntée mú ᾠtuneku íbókpukpóu tíá, méní íbówa mu onutó ámu akíle fé obitebí, ᾠbékpa mu ba mu iwí wá. ²⁸ Alí kén lehián ᾠní oyin ᾠbódwe mu ka fé mu iwí ní. Oyin ᾠní ᾠtᾠdwé mu ka tᾠdwé mu onutó iwí. ²⁹ Tsúfé ᾠhaa tamalú mu iwí, bulá ᾠtebulá mu iwí, kí mu iwísu wankláán fé alíá Kristo é tᾠbwé há ᾠpasua ámu. ³⁰ Tsúfé aní féé anígyí Kristo ᾠyolú iwí ntobí. ³¹ Fé alíá bᾠwanlín wá Bulu ᾠsón ámutò beé, “Iní su oyin ᾠbénatí sí mu sí mva mu yin, yémantá mu kasu. Fówun amó abanyó ámu bóbwe ᾠyolú kule” ní. ³² ᾠnᾠkwali, Bulu ᾠsón ᾠáinhé anfitò bu odwin. Ndekú mbée, Kristo mva ᾠpasua ámu iwí ᾠsón igyi. ³³ Mli é mli ᾠsón igyi. Mú su ntráa nde mli bláa mbée, oyingyíoyin ᾠdwée mu ka fé mu onutó iwí, ᾠtsi é obu mu kulu.

6

Abi Mva Akwípu

¹ Abí, mli aní Wíenyò mlilabwé kule. Mú su mlibu mli akwípu. Tsúfé mógyí tᾠá ida ᾠkpa ᾠní mlóbwe ní. ² Iní gyí mbli ámutò gyankpapóá ᾠlehe oyúla mántá mósó ní. “Bu fú sí móa fú yín, ³ méní íbówa alé há fú. Fówun fédan fulí nwun fú nkpa ánfito.”

⁴ Abí así, mlimátsiá wá mli abí ðbló. Mbouín mliyaí amó, amlisuna amó ató alhá aní Wíe tekle.

Nkpábi Pó Amó Awíe

⁵ Nkpábi, mli bu mli awíe. Mliya amó ifú, amlibu amó tsu mli klóntó fé alhá mlitobú Kristo. ⁶ Mlimábwe yilé amó ansító alhá békanfó mli sv. Táme fé Kristo nkpábi a, mli bwe ató tsu mli klóntó fé alhá Bulu tekle. ⁷ Mli ðe iwító yo agyómá ansigyísó ha amó, fé Kristo mlidé mó yo há, megyí nyankpósa. ⁸ Mli ðinka ansí aní aní Wíe ðbéka ðhagyíðha ikó, itó wankláán kugyíkóá ðlbwe sv. Ní ðkpábi fuygi o, futsie fó iwísv o.

⁹ Awíe, mli é mlikita mli nkpábi wankláán, fé alhá nablí bótson. Mlimábwe amó kpóunkpóun. Mli kaun aní mli amónyo féé owíe ámu bu ðsósó. Mu mó ðtamakí ðhaa ansító.

Bulu Akotó

¹⁰ Mí asón tráhe-tráhe gyí, apió, mlitsun ania aní Wíenyó ikólebwe sv amliha mu ðwa mli ðwonlín tsu mu túmi kpóunkpónti ámutó. ¹¹ Mli ðida isá-akotó fééá Bulu lahá mli ðbéé, mli póko ðbónsám, méní mlétalí líí mu ðmle ámu ðnó. ¹² Tsúfé megyí ania anyánpósa déko. Mbouín ania ðjéto túmi laláhe, atúmipó pú ðhe laláheá bóbó ðyí klúnhe anfitó pú ðtinegyí ðtíne déko. ¹³ Mó sv mlí ðida Bulu akotó ámu féé, méní ekeá lalahé ku ifwíé mlitó á, mli méesrí, mlétalí líí mó ðnó, trá nya ðjé wá ðwonlín líí kinkíinkín.

¹⁴ Mó sv mli kósv, amlí ða iwísv. ðnókwaliwa ðwéé ðféá ikli mli osiésó. Yilé bwe ðwé mli kántó-atíntó. ¹⁵ Iwísv ða há iwílvii asón wankláán ámutó kitá pú mó bli ðwéé mli isátó ntókota. ¹⁶ Iní féé ðma a, mli kita Kristo hógyi ámutó brégyíbré. ðwéé mli atíntóá mlóputin mli iwí, méní ðbónsám mbín píñpíñn ámuó ðetsóun ámutó kóko imó ðwó mli. ¹⁷ Mli bu Bulu nkpahó ámu bwe mli kótópa. Mli kita Bulu asón ámutó, ðwé mli isátó ðdayí aní ðhe Wankíhé ámu téhá mli. ¹⁸ Mli ha Bulu ðhe ámu ðkpa mli, amlí bó mpái brégyíbré. Mli kóli Bulu, ðsa mli ðkpagyí ðkpasó. Mó sv mlí ðinka ansí iwísv. Mlimási mpái bó há Bulu ahá féé. ¹⁹ Mli bó mpái ha mli. Ní nobwíí ðnó á, Bulu ðpó mu asón ámu wa mí ðnó; ðha mí antali wa klón bli asón ðainhé ámuó ðbó mu asón wankláán ámutó ámu féé. ²⁰ Asón ámu iwí sumbí ðyópó ngyi. Mó ðkanda só nda obu ní. Mli bó mpái mli aa, Bulu ðhá mí antali wa klón bli mó alhá ilehián.

Iklá

²¹ Osúmbi ðnókwaliwo aní píó ðwepó Tihiko gyí aní Wíe agyómá ámutó. ðbébláa mli mí iwí asón féé, méní mlébi alhá ngyi pú tóá ndebwe. ²² Iní kóun sv nde mu wa mli wá ní. Ndeklé mbéé, ðbébláa mli alhá tógyító ðde mósó yo nfi. ðtaí kpla mli pówa mli ðwonlín.

²³ ðsí Bulu muva aní Wíe Yesu Kristo boháa mli ahógyipó ámu féé iwílvii. Boháa amlitsia ðwe aba, mli ansí ðinka Bulusv bré féé. ²⁴ Ogyíí ahá aní bótamasí aní Wíe Yesu Kristo ðwe féé bóale.

Ɔwɔlɔ́ Paulo Lɔ́wanlín Sísí Filipifó

Itsídha

¹ Mí Paulo pɔ́ anɔ́ pító Timoteo ání anɔ́gyí Kristo Yesu asúmpú dé ɔwɔlɔ́ ánfí wanlín sísí mlɔ́ Bulu ahá ání mlɔ́bu Filipi wúlutɔ́, mlɔ́a Yesu Kristo mlɔ́labwé kɔlɛ. Mlɔ́a mlɔ́ ɔpasua ahande pɔ́ amú abúápu fée anidé mú wanlín sísí.

² Anɔ́ Sí Bulu mɔ́a anɔ́ Wíe Yesu Kristo bɔgyí mlɔ́ buale, abɔha mlɔ́ iwílwíi.

Paulo Atókwí Pó Ipánda

³ Ntedá mí Bulu ipán ní nekáín mlɔ́su brégyíbré. ⁴ Brégyíbréá nde mpáí bɔ́ há mlɔ́ fée á, ansí tegyi mlɔ́. ⁵ Tsúfɛ tsú ekeá mlɔ́lótso asɔ́n wankláán ámu nu á, mlɔ́dé anɔ́ tsa anidé mú ɔkan da bɔ́tu nde. ⁶ Nyin ání Bulu ámuó olefi agyómá wankláán ámu asɔ́ mlɔ́tɔ́ ámu kén ɔbóyo mósú alu yófon Kristo Yesu ɔbáke ámu. ⁷ Ulekanáa ání nɔ́susúu mlɔ́ fée iwi alɔ́, tsúfɛ ntehié dwé mlɔ́. Iníá nda obu, ntée ndekɔ́ asɔ́n wankláán ámu nwnun, mlɔ́lí mí ɔma a, anɔ́ fée Bulu dé buale gyí. ⁸ Bulu yin ání ntosúsu mlɔ́ iwi, ntehié dwé mlɔ́ fé alá Kristo Yesu tɔ́dwé mlɔ́.

⁹ Nde Bulu kokóli mbée, ɔhá amlɔ́dwe aba don alɔ́, amlɔ́tin ansí, nú asón ámu é asɔ́ wankláán, ¹⁰ méni mlébi tóá ihíe ibu alé, amlɔ́tsia nkpa ání mú iwi letɔ́n, ɔlala uma mú iwi, alu yófon ekeá Kristo ɔbéla. ¹¹ Yesu Kristo ɔháa mu yilébwé ibɔ́la mlɔ́tɔ́ fé alá oyí toswíé abí, ipu numnyam móa kanfó ha Bulu.

Paulo Ikantɔ́dí Léha Bulu Asón Lɛkléí

¹² Mí apító, ilehián ání mlébi ání ikplán anfi ɔlató mí anfi lahá asɔ́n wankláán ámu lakléí tsía. ¹³ Tsúfɛ ɔhagyíɔha ání ɔbu nfi, pó isá akɔ́pɔ́a bɔ́togyo owíe wóyí aná fée babí ání Kristo-búo su nda ikantɔ́. ¹⁴ Mí ikantɔ́dí su apító tsɔ́tsɔ́tso bapú ansí dínká anɔ́ Wíeso. Buhíe bode klɔ́n wa dá asɔ́n wankláán ámu ɔkan, ifú medé amó.

¹⁵ Ibu mótoá mí iwi olu pó mí iwi ahin só aku bode Kristo iwi asón ámu ɔkan da. Táme amó aku é balé klɔ́ntɔ́ bode mú bwe. ¹⁶ Alɔ́ ahá anfi bodepu mí iwi ɔdwe dá asɔ́n wankláán ámu ɔkan. Tsúfɛ bɔ́yin ání Bulu lópu mí ba nfi ání mbépri mu asón ámu nwnun. ¹⁷ Ahá ámuó bɔ́medé Kristo iwi asón ámu ɔkan da tsú amó klɔ́ntɔ́ ámu mú á, amó nkɔ́le inya su bode mú bwe. Nda ikantɔ́ su bodekléá béyintá mí iwi tsía.

¹⁸ Táme imedé mí han, ní yilé só bode mú bwe o, lalaha su o. Móá ide mí hián gyí, banyá bode Kristo asón ámu ɔkan da nu. Inɔ́ só ansí ihíe de mí gyí ní. ¹⁹ Tsúfɛ nyin ání mlɔ́ mpáí pó Yesu Kristo Ɔhé ámu ɔbékpa mí, nédalɔ́ ikplán anfitɔ́. ²⁰ Nhié nyin, mbu hógyi ání mmɔ́ɔbwe tóá íbɔ́ha péli békítá mí. Mboún nétrá wa iwi ɔwɔnlín, méni ní lowu igyi o, nkpa igyi o, mí tsiátɔ́ fée íbówa Kristo numnyam. ²¹ Tsúfɛ ní ntsie nkpa á, ntsie ha Kristo. Ní nowú é á, íbówa mlɔ́ labi don. ²² Táme ní ntráa ntsie ɔyítɔ́ á, négyi gyoma ání íbówa labi há mí. Inɔ́ su mmowúun móá nlée. ²³ Nagyígyáa, táme ibu mlɔ́ alá néyétsiá Kristo wá mboún. Móbu alé don. ²⁴ Táme mlɔ́ su ibu alá nétsiá nkpa. ²⁵ Nyin alɔ́. Mú su nétsiá mlɔ́ wá abóyo agyómá ámu, méni mlédan, nya ansigyí mlɔ́ Kristo hógyi su. ²⁶ Mómu bréá neyinkí bá mlɔ́ wá á, mlénya ɔkpa kánfó Kristo Yesu, itó ámuó alabwé há mí ámu su.

²⁷ Tṣá idehián séi gyí, mliha mli tsiátó ikana Kristo ason wankláán ámu. Mómó ní nebá mli wá ó, mmeba ó, nónu ání mliú kinkíinkín ikolebwetó; mli dé hógyi amóú ibv ason wankláán ámutó ámu é nwun prú. ²⁸ Mlimánya ahá ání bókusó líi mli sṣu ifú akpa akokusu. Mli iklonwa ibóbwe osúna há amó ání Bulu onutó abéhi amó fée, táme abóhó mli mó nkpa. ²⁹ Tsúfé megýi Kristo hógyi nkole sṣo Bulu lóphá mli. Mboún alhá mlówun ipian há mu é. ³⁰ Isá amóú mli lówun ání ndekó ámu kén mli dékó á. Mó kéntó ntráa mbu ni.

2

Mlikasi Kristo Iwiasibá

¹ Mlia Kristonyo mli labwé kole. Mó su alawá mli atetó-onlun. Mu odwe lalwíi mli klón. Mlia mu Ọjé ámu kolebwe su alahá mlia mli aba mli labwé kole, mli dé iko tsu lé mli aba asóntó, mli dé aba nwe wúun. ² Mó su mli bwe kole, amlitsula dwe aba tsu mli klontó. Mli bwe agywun kole, amliyó agyómá wa abató poha mí ansigyí ifon. ³ Mlimábwe awonsípó. Mlimátsu iwí. Mboún mli ba iwiasí, amlitsu mó ání mli aba budon mli. ⁴ Mlimádunká mli nkole klé. Mli dunka mli aba é klé. ⁵ Mliha mli agywun ibwe fé Kristo Yesu klé.

⁶ Iná oshian Bulu akpacyí akpasu ó á,

omabwe agywun ání obótsu mu iwí ání mba Bulu bugyi kékée.

⁷ Mboún olesí mu tógyító omagyáa,

bwé mu iwí osúmpó.

Bakwí mu fé alhá bakwí ohagyíoha.

⁸ Mu nyankposabwetó á, oshia iwiasí.

Olobu ató alu wú oyikpalíhesu,

fé lalaha obwepó.

⁹ Iní su Bulu lótsu mu fúa ya osúsóúsó,

há mu dá ání idon adá fée,

¹⁰ méní ntobíá bubu osú mba así

pó osuló ayasí bédá akpawunu há mu;

¹¹ ohagyíoha obéle blí ání “Yesu Kristo gyí Owie!”

pówá aní Sí Bulu numnyam.

Mliwankí Fé Ntsrakpabi

¹² Iní su apíó adwepó, alí amóú mli tobú mí bré amóú mbu mli wá ámu a, iná mma mli wá ó á, mli bṣo mbódí amlibwe mó alí. Mli pu ifú móa kpiní yo mli nkpahó agyómá ámu mṣo onó. ¹³ Tsúfé Bulu onutó dé agyómá yo mli to. Alahá mli latsulá mli dé mu apé móa tṣá otekle bwe.

¹⁴ Mlimátó ntee gyi tógyító mlóbwe iwí nwéen, ¹⁵ méní olala méetsiá mli iwí; mli iwí bétin, fé Bulu ahá bré ání mli tsie lakpan kugyíko abwepó oyí ánífito. Mliwankí fé ntsrakpabi amó ansító. ¹⁶ Mli yo mósó amlibla ahá asón amóú itehá nkpa ámu, méní mli su nétalí pó ibi sí kántó ekeá aní Wíe Kristo abélaba, ání mí mbódí ntee mí gyumagyíhe mabwe kpaali.

¹⁷ Táme ní ibéba mótó ání bṣo mí obugya wólí así fé ntá mli hógyi iwí afodíe pó Bulu agyómá ání mli dé yo kóráá á, ibówa mí odwe. Ansí bégýi mía mli yo fée. ¹⁸ Mó su iwá mli odwe, ansí igyi aní fée.

Timoteo Mba Epafrodito

¹⁹ Ní aní Wíe Yesu lótsulá á, umówa opá nówa Timoteo mli wá. Ní oyínkí bebláa mli ání mli tsie wankláán á, ansí bégýi mli. ²⁰ Mma ohá ání olotsu iko lé mli asóntó don mu. ²¹ Tsúfé atráhe amu fée bode amó onutó klé kí,

megyí Yesu Kristo klé. ²² Táme mliyin alíá Timoteo lagyi mu iwí adánsie wankláán. Alatsá mí anladá ason wankláán ámu okan fé obí móa así. ²³ Mó so nde okpa kíu ání ní nenyá wun tśá íbēba misu nfi pé á, nōwa mu mli wá. ²⁴ Nahogyiá aní Wíe obékpa mí, imōowa opá mí onutó néba mli wá.

²⁵ Táme nōbwe agywun ání nélayínkia Epafrodito sísi mli. Aní pió ání mía mōnyo anidé agyómá yo, anidékō ason wankláán ámu nwunsu. Mōgyí mli bí ání mlilōwa mliāa, obá beki misu ní. ²⁶ Tsúfē ode mlisu kaín dūbi. Uhié de mu háan, tsúfē mlilōnu mu ilo. ²⁷ Lélé mó á, alaló sian wu, táme Bulu lōwun mu nwe. Megyí mu nkole, mía mōnyo féé, méní awirehō móōdun mi kitá. ²⁸ Mó so nhíe ndekléá nōkōsí wá mu mli wá, méní ní mrelāwun mu a, ansí bēgyi mli. Mí é mí ason susúhesu bēkalá kúká. ²⁹ Mlihe pu ansigyí hō mu fé mli bá Okristoyin, amlipu obú ha mva ahá ání bōgyi fé mu. ³⁰ Tsúfē olesi mu nkpa há Kristo agyómá ámu. Olekle owu mótó bréá olí mli dátó, mu nkole ode tōgyitá tekí ní mlibu nfi mlōbwe há mí bwe.

3

Yesu Lōwu Hō Aní Nkpa

¹ Itráhe a, mí apió, aní Wíe so mlinya ansigyí. Imōkōkpōn mi ání nétrá wanlín ason kua kole anfi sísi mli. Igyi asón ání íbékpa mli é. ² Mliki aha laláhe anfi bōgyi fé akíai anfi wankláán. Lalahē abwepó bōgyi, bude ahá háan beē butún keté kpaali. ³ Tsúfē aní ahá ámóú anitōpó Ōhe Wankíhé sūm Bulu ámu gyí keté atínpu onutó ní. Mó so abétalí tsú iwí itó ámóú Kristo Yesu labwé há aní ámu so. Anitamapó ansí dínká tśá nyankpōsa lapó íbī bwésú. ⁴ Mí onutó óó mbo okpa pú ansí dínká mó anású. Ní oku obéé, mōbu okpa pú ansí dínká mósú á, mí mboún bōu okpa pú ansí dínká mósú dūn. ⁵ Tsúfē bōkwú mí, tūn mi keté eke kwésí. Israelyin ngyi. Benyamin abusuantō notsú. Mó so Hebriyin onutónutó ngyi. Mose mbla ámusu gyí okpasu é á, Farisiyin ngyi. ⁶ Nēhie wá nsi, dínká Kristo opasua ámusu. Negyi Mose mbla ámusu wankláán, olala metsiá mí iwí. ⁷ Táme ntobí ánfi bré ámu ntekiá íbu mi labi ánfi féé á, Kristo so nde ítráa megyí mí tōtō. ⁸ Móa idūn mó kórāá gyí, ní nōpōki alíá nōpōbí mí Wíe Kristo Yesu a, nawun ání íbu labi dūn tōgyitá. Nawun ání nahólí ntobí ánfi ntekiá íbu mi labi ánfi féé, alíá Kristo obéda mi íbī su. ⁹ Iní su íniá mbo mu wá su á, megyí Mose mbla ámusu gyí obéha négyi asu Bulu ansító. Kristosu hōgyi mboún obéha négyi asu Bulu ansító. ¹⁰ Mí agywun gyí, ndekléá nébī Kristo pú túmi ámóú Bulu lōpōkósóa mu tsú afúlitō ámu tsíá. Ndekléá nōwun ipian fé alíá Kristo lōwun ipian wú, ¹¹ méní okpagyíokpasu á, mí é Bulu obókūsóa mi tsú afúlitō!

Srí Buo Kristo

¹² Mmedéblí mbéé, mí íbī lada ntobí ánfi féé ntéé Bulu labwé mí nafōn. Ntráa nde nsi wa alíá íbōbwe mí íbī bēda tó ámu so ámóú Kristo Yesu íbī lada mi ámu. ¹³⁻¹⁴ Mí apió, mmedéblí mbéé, mí íbī lada mó. Nde mó ámóú idetsōon amōsu táan. Móa ida mí ansító okpa ngya. Mí ansí lapé, méní nénya siadie ámóú Bulu obótson Kristo Yesusu tí mí nōyo mu wá osósú ámu. ¹⁵ Ilehíán ání aní ahá ámóú anladan hōgyitō ámu féé abóhō alí asón ánfi. Ní íkō mōwankí mli á, Bulu obōwankí mótó súná mli. ¹⁶ Táme mliha akita onokwalí amóú Bulu lasúná aní ámōtō.

¹⁷ Mí apió, mlikasi mí tsiátó. Mlikasi ató tsu ahá ámóú bakásí aní tsiátó ámu wá. ¹⁸ Tsúfē ntetsíá bla mli asón ánfi. Napó ntsú ntráa nde mli bláa mbéé, ahá tsotsōtsō tsiátó losuná ání Kristo oyikpalíhesu lowu ámu alupó

bugyi. ¹⁹ Ahá áñfi béhi. Amó apu gyí amó Bulu. Amó numnyam é gyí péli. ʒsolósu ató iwí pé botosúsu. ²⁰ Táme aní mó á, ʒsósó gyí aní otsiákpá. ʒtíné ámóú anidé aní ʒhópu, ogyi aní Wie Yesu Kristo ʒkpa kú ání obótsu ba amu. ²¹ Mubúv túmí, otegyi tógyítósó. Mv ʒbéba betse aní ʒyolúv wuhé áñfi, bwé mó fé mv numnyam ʒyolúv amu.

4

¹ Iní sv apíó adwepó, ntádwé mli. Idin mí ʒwólí ání nówun mli, tsúfé mli sv ansí de mí gyí, nénya ipánda é! Mí adwepó, ahí ilehián ání mlélí kínkín mli Kristo hógyitó ní.

Tóá Bwbwée

² Nde mí apio tshé Euodia mva Sintike kokóli ání bvnúu aba asi, tsúfé aní Wie abúopu bugyi. ³ Mí agyómáyóba onutó, nde fú é kókoli mbée, futó kpla amó abwbwe kole. Tsúfé bawá nsi tsá mía Klement pó atráhe amu aniladá asvñ wankláán ámv ʒkan. Bulu lawánlín amó adá wá nkpa ání itamatá atsiápú ʒwolótó.

⁴ Mlihe nya ansigyí aní Wie sv brégyíbré! Ntráa nde mli bláa mbée, mlihe nya ansigyí!

⁵ Mliha ʒhagyíha owun ání mlilólwii. Aní Wie íbábi lafon. ⁶ Tóto imáhan mli. Mboún kugyíkúvá igyi á, mlibo mpái kokoli Bulu dinka mósó, amlida mv ipán. ⁷ Méné Bulu ʒbéha mli iwilwii ání idvñ blí, íbékpa mli klvñ pó mli agywun, mli Kristo Yesu íkolebweto.

⁸ Itráhe a, mí apíó, mlipv mli agywun dinka tóá igyi ʒnkwali, tóá íbétí obú, tóá ida ʒkpa, tóá mó iwí letin, tóá itegyí ahá ansí pó tóá ahá békanfúsó. Mligywun tóá íbo alé, ahá butekanfú aná iwí. ⁹ Mliyo mósó amlipv ntobí áñfi nasúná mli áñfi, móá mlilónu tsú mí wá pó móa mlilówun mli ʒbwe féé wa mli tsiátó, méní Bulu ámóú ʒtehá iwilwii amu ʒbékpa mli.

Ipánda

¹⁰ Bulu lahá ansí íhé de mí gyí, tsúfé mlilatráa kaín mísó. Nawun ání mlímókúsí mí iwí gywún, táme talí mlímétalí lé mó súná. ¹¹ Mmedé asvñ áñfi blí pósúná ání mbv íkplánte, tsúfé nakásí, nabí alíá tóá mbv íbófon mli, ní mbv óó, mma óó! ¹² Nasúná alíá nóptsíá ní mbv óó, mma óó. Nabí alíá tsiátó kugyíkúvá mbv íbégyi mli ansí. Ní ntsie akón o, namwé o, mbv o, mma o. ¹³ Ntetálí bwé tógyító, tsúfé Kristo tówá mí ʒwvñlín.

¹⁴ Mó ahí óó á, íbo aléá mlilatsú íku lé mí íkplán anfitó. ¹⁵ Mó ʒma a, Filipifō, mliyin ání bréá natsə mli Yesu Kristo iwí asvñ wankláán ámv bláa, nedali Makedonia ʒmátó á, mli ʒpasua áñfi nkole dé mí bvá, mlidé mí ató sísí ní. ¹⁶ Bréá ntráa mbv Tesalonika wúluto kóráá, iwí lékplan mli á, mlilétsiá sísí mí. ¹⁷ Megyí bée nde tóku kolí tsú mli wá. Mboún ndekléá mlínyá tóku dinka awítale amóú mlidéwa há mí ámvsv. ¹⁸ Mí íbi lada tógyítóá mlilópuhá Epafrodito mlihaa ʒpúv ba mli. Itso kóráá dvbi. Mó sv nanyá tógyítóá íbéhián mli. Itó áñfi mlilabwé áñfi igyi fé mlilahá Bulu igyí ání íbo ʒfan fánfáánfán, ílagyi mv ansí. ¹⁹ Mí Bulu ʒbéha mli tógyítóá íde mli hián tsú mv numnyam ató tsətsətsəá íbo ania Kristo Yesunyó íkolebweto. ²⁰ Numnyam íbwée aní Sí Bulu klé bré féé. Amen!

Íklá

²¹ Nehá Bulu ahá áñfi bugyi Kristo Yesu klé féé itsiá. Apíóá bvbv mí wá nfi é behá mli itsiá. ²² Bulu ahá atráheá bvbv mí wá nfi féé bude mli itsiá ha. Titriu amóá botsú Roma owíe dehen wóyító.

23 Aní Wíe Yesu Kristo ogyii mlí bualé.

ጋጋጋጋ Paulo ጊጋጋጋ ጊጋጋጋ Kolosefọ

Itsiáha

¹⁻² Mí Paulo ání Bulu apé sù nabwé Yesu Kristo sumbí ጋጋጋጋ pú aní pío Timoteo dé ጋጋጋጋ áñfi wanlín.

Anidépusísí aní apíóá bጋጋጋ Bulu ahá, bጋጋጋ Kolose wúlutጋ, bጋጋጋ ጋጋጋጋwálí há Kristo Yesu, mጋጋ amónyጋ é babwé kጋጋ.

Aní Sí Bulu mጋጋ aní Wíe Yesu Kristo bጋጋጋጋ mli bጋጋle, abጋጋha mli iwílwii.

Ipánda Mpáí

³ Anitedá aní Wíe Yesu Kristo mጋጋ Sí Bulu ipán brégyíbréá anidé mpáí bጋ mli nጋwunsu. ⁴ Tsúfẹ anílanú ání mlilóhጋ Kristo Yesu gyi, mliጋ ጋጋwé é há Bulu ahá fée. ⁵ Mliጋ ጋጋpa kí ha tጋá bapóyái há mli ጋጋsósú; fẹ alá mliyin tsú bréá mlilégyankpá nu ጋጋጋጋwálí asón ámúb igyi Bulu asጋn wankláán ámu.

⁶ Asጋn wankláán ámu kén dékleí wá ጋጋyítጋ, ide ahá tsiátጋ tsée ጋጋnégýíጋtíné; fẹ alá iletsé mli tsú ekeá mlilónu mጋ, mlilébi ání lélé Bulu tegyi ahá bጋale.

⁷ Aní osúmጋa ጋጋጋwéጋ Epafra gyi ጋጋhá ání ጋጋጋጋ asጋn wankláán ámu ba mli. Yesu Kristo osúmጋi ጋጋጋጋጋጋጋ gyi, ጋጋde mli bጋá aní ጋጋfansu.* ⁸ Mጋlébá bebláa aní ጋጋጋwéá ጋጋጋ Wankihé amጋ lapówá mliጋ.

⁹ Mጋ sጋ anímጋkósí mpáí bጋ mli nጋwunsu tsú ekeá anilónu mli iጋi asón áñfi. Anidé Bulu kokóli aniaa, ጋጋháa amliጋi mጋ apé kugyíku wankláán. ጋጋháa mጋ ጋጋጋ Wankihé amጋ ጋጋha mli nyánsa mጋa asón asinu fée, ¹⁰ méní mlétalí tsíá tsiátጋá íbጋwa aní Wíe numnyam, amliጋyi mጋ ansí ጋጋpagyíጋkpasu. ጋጋháa amliጋጋwé yilé brégyíbré, trá bi Bulu tsia. ¹¹⁻¹² Ania ጋጋháa mጋ túmiá mጋ ጋጋጋ bጋ ጋጋnlin iጋa mli ጋጋwጋnlin, amliጋtalí tomi, nya kጋn, pጋ ansigyí da aní Sí Bulu ipán. Mጋláhá mlilafon ání mliጋ mጋ ahá mlénya agyapadié ámúb alalá yái mጋ iwíegyí wankihétጋ ámu iku. ¹³ Tsúfẹ mጋlálé aní tsú ጋጋhá ámúb ጋጋde oklúnጋጋ gyi amጋ túmi así, pú aní ba mጋ Bi ጋጋጋwéጋ ámu iwíegyí amጋጋ. ¹⁴ Mጋ Bi áñfisጋ ጋጋጋtsጋn hጋ aní, alásí aní lakpan kíe aní ní.

Kristo Dጋn Tጋgyítጋ

¹⁵ ጋጋhaa tamawun Bulu, Kristotጋ ጋጋጋጋ ጋጋwan. ጋጋጋ inጋ asa Bulu lóbጋwé tጋgyítጋ, ጋጋጋጋ Bulu itጋ bጋwéhé kugyíku. ¹⁶ Mጋsጋ Bulu lótsጋn bጋwé tጋgyítጋá íbጋ ጋጋsጋ mጋa así. Mጋá bጋtowun pú mጋá bጋtamawun fée, ጋጋጋtጋ awíe, ጋጋmásógyí túmi, atúmipጋ, pú isጋ agyípጋ fée. Mጋsጋ Bulu lótsጋn bጋwé ጋጋyí fée, pጋwá mጋ numnyam. ¹⁷ ጋጋጋ inጋ asa tጋgyítጋ lefi así. Mጋsጋ atጋ ámu fée ide agyómá ጋጋ wá abato. ¹⁸ Mጋgyí nጋwan há mጋ nyankpጋsa-oyí, igyi ጋጋpasua ámu, ጋጋde mጋ nkpa ha. Mጋlégyankpá kጋsጋ tsú afúlito, gyi tጋgyítጋ nkpa ogyáጋ. ¹⁹ Tsúfẹ íbጋ Bulu ጋጋጋwé ání mጋ tsiátጋ fée bétsiá mጋ Bi ámuጋ. ²⁰ Mጋsጋ Bulu lótsጋn yinkia tጋgyítጋ ba mጋ iጋi wá. ጋጋጋtsጋn mጋ obugya amúb íጋwólí así bréá beda mጋ mántá oyikpalíhe amጋጋጋ pú iwílwii wá mጋa tጋgyítጋ nsiné. Mጋa íbጋ ጋጋsጋsጋ pú mጋá íbጋ ጋጋsጋsጋ fée.

²¹ Teki mli é mlilédamli ጋጋma há Bulu, mliጋyi mጋ alupó mli asón susúhe pú mli bጋwéhé laláhe sጋ. ²² Táme séi á, ítráa megyí alí. Kristo lóbጋwé nyankpጋsa, olowu. Bulu lótsጋn mጋ oyikpalíhesጋ lowu amጋጋጋ lá mliጋ mጋnyጋ nsiné. Mጋ sጋ ifin pú asጋansጋ má mli iጋi, ጋጋbékpa mli ba mጋ ansítጋ. ²³ Táme ilehián ání mlóhጋ asónsጋ áñfi gyi, líi kinkíínkín. Mliጋmáha abጋጋtsé mli agyጋwun le

* 1:7 Mli ጋጋfansu bጋ nጋwóló dada amጋ akጋጋ.

itò ámóú mlidé mú òkpa kí, asòn wankláán ámu lapóba mli ámúsv. Asòn wankláán ánfí osúmpú mí Paulo ngýí ní. Asón ánfí òkan budéda oyító fée é ní.

²⁴ Ibv mí ansigýí ání nde ipian wúun mli sv. Tsúfé nde iwɔsin ámóú Kristo lówun sian amu kv wúun ha mu òpasua, igyi mu nyankpɔsa-oyí ámu. ²⁵ Bulu lópu mu asón wankláán ámu wá mí ibitò, ání ndáa mú fée òkan suna mli, ampɔsum òpasua ámu. ²⁶ Ɔlɔpu asón ánfí ñáín bímbí òpá, táme alalé mú òwan súná mu ahá séí. ²⁷ Ibv Bulu òdwe ání òbéle mú òwan súná mliá mli mégyí Yudafo. Asòn ñáínhé amu gyí, Kristo tsie mli. Ibv ibiá, ibv numnyam é. Múdésuná ání abénya mu numnyam amu kv ní. ²⁸ Mu iwɔ asón anidé ahá fée bláa, anidé amú òlá da, pò nyánsa ámóú Bulu lahá aní ámu súná amú atò; méní bɔfon, abékpa amú ba Bulu, amúa Kristo ikolebwetò. ²⁹ Iní sv nahíe ndeprí, pu Kristo túmi ámóú ibv mitò ámu yó agyómá ní.

2

¹ Ndekléá mli bí iprí ání ndeprí òwonlínso, mliá òpasua ámóú ibv Laodikea pò ahá ámóú bómakówun mí kí amu fée nwunsu. ² Nde mú bwe pówá amú òwonlín, abòbwe kole, dwe aba, nu asón así wankláán, méní bónu Bulu asón ñáínhé ámóú igyi Kristo amu fée así. ³ Kristotò Bulu lópu mu atonyahéá igyi mu nyánsa pò mu asónbí fée wá.

⁴ Nde mli asón ánfí bláa, méní òhaa mɔ̀pɔ asón ání ibv anulé koku bemlé mli. ⁵ Ibv mótáa mbv ifò mli wá, táme ntosúsu mli iwɔ brégyíbré. Ansí é ide mí gyí ání mlitsie wankláán, mli lí kinkíinkín Kristosv hógyitò. ⁶ Iníá mli lahò Kristo Yesu gyi ání mgyí mli. Wíe sv á, mliyo músó mliá mnyo amlibwe kole. ⁷ Mli é mlihe lu kinkíinkín Kristo hógyitò, amlinya òwonlín tsu mliá mnyo ikolebwetò. Mliyo músó amlihò mu iwɔ asón ámóú bude mli suná, igyi ò̀̀kwali amu, fé alhá oyí nlin tɔ̀yò ò̀̀tò̀̀tò̀̀, yódúnká ntsu há mú itedan, amlida Bulu ipán é brégyíbré.

⁸ Mli máha òkpa òhaa òmle mli, pu mu ansitún móa afunu asón ání igyi amándíéá anyánpɔsa bowa koku, itsú ò̀̀hé ntée túmiá ide oyí ánfisv gyí, imotsú Kristo wá bɛha amlimli mu nkpábi. ⁹ Tsúfé Kristotò Bulu tsiátò onutónutò ámu fée ibv nyankpɔsa òkpasu. ¹⁰ Iníá mliá Kristonyo mli labwé kole sv mli lafon. Mgyí òhá ání òbu túmi ò̀̀jètò atúmipv pò isv agyípò féesò.

¹¹ Mliá mnyo ikolebwé sv aladínkí mli tsiátò dada amu lé mli sv fé alí ámóú bɔtetun keté, dínkí awoli lé músó ámu. ¹² Bréá bòbò mli asú á, bopulá mli tsiátò dada amu fé alhá bopulá Kristo; Bulu lókúsóa mli ba nkpato fé alhá ò̀̀kúsóa Kristo, tsúfé mli lóhogyi ání Bulu bv túmi kúsóa mu tsú afúlitò. ¹³ Teki mli lakpan pò mli tsiátò dada ámóú bómakódínkí lé mli sv ámu sv mli lówu fé òhá ání ò̀̀mókótun keté. Táme séí á, Bulu lakúsóa ania Kristonyo ba nkpa pɔpwetò, alási aní lakpan fée kíe aní. ¹⁴ Ɔledínkí asón ámóú bɔwanlín wá Mose mblatò, ide aní ilá le ámu lé aní sv, yéda mú mántá Kristo oyikpalíhe amúsv. ¹⁵ Bulu lóswí ò̀̀jètò atúmipv pò isv agyípò túmi, ò̀̀kítá amú ndoun, lé amú òwan, wá amú pélite, bré olegyi amúsú Kristo oyikpalíhe amúsv.

¹⁶ Mú sv mli máha òhaa òle mli ilá mli atogyihe, mli atonuhe, nkegyí, òtsra pɔpwe nke, ntée Yudafo òkpónú ò̀̀daké aná sv. ¹⁷ Yiyí kɛkɛ iní fée igyi há atò ámóú ibéba amu onutò. Mú onutónutò ámu léln òwan Kristotò. ¹⁸ Mli máha òkpa òhaa òmle mli amliba iwiasí sum Bulu-ò̀̀pɔ, amliholi ipán ání Bulu léhe yáí mli. Ní ò̀̀béle alawun tɔku tsú mú iwɔ kóráá pò á, oyító ansitún lahá mu òde iwɔ tsu. ¹⁹ Òhá ánfí odu lamáin iwɔ lé Kristo ámóú

ogyi ɔpasua ámu nwun ámuɔ. Tsúfé ɔpasua ámuɔ aní fée anúlɛta abaso, Kristo amóu ogyi nwun ámu dé aní ɔwɔnlín wa, méní abédan alá Bulu déklé.

²⁰ Mliha Kristonyɔ lówu. Mú sɔ mlítráa mlímá ɔyító túmi kòkò asi. Ntogyi sɔ mlítráa mlídé mbala ánfí anásó gyí? ²¹ BEE, “Mágyi íni. Mápɔ ibi da íni, mátsu íni é!” ²² Ní bɔpú ntobí ánfí fée bwé ató tá á, iteyíntá. Anyánkɔsa onutó mbala pú amó atosunáhé igyi. ²³ Anídé mbala ánfí kí fé tóá nyánsa bu mótó, íbèha abówa alá Bulu ansító, abéba íwiasí há mu, wá íwí ɔsin aníaa íbèha abébi gyi íwiso. Táme íni aná fée íméetalí há aníméegyí íwiso.

3

Nkpa Pɔpwe Tsiá

¹ Mú sɔ ní Bulu lakósúa mliha Kristonyɔ ba nkpa pɔpweɔ á, mlídunka atóá íbu ɔsósó, ɔtíné amóu Kristo tsie Bulu gyɔpiso ámu. ² Mliha agywuun íbu ató íwí, megýí ɔsolósu klé. ³ Tsúfé mlílawú, Bulu lapú mliha Kristonyɔ nkpa onutó nájín muɔ. ⁴ Ekéá ɔbéle Kristo amóu ogyi mlí nkpa onutó ámu ɔwan súná ɔyí á, eke ámu kén ɔbéle mliha muɔnyɔ ɔwan mu numnyamto ní.

Tsiátó Dada Múa Pɔpwe

⁵ Mú sɔ mlímá tsiátó dada amóu íbu mlító ámu. Mógýí; atsí múa ayin asúnwa, ifintotsiá, ɔwólí laláhe múa pélila. ɔyí ánfíto ató wankláán ímápe mlí ansí, tsúfé ɔnsípe igyi fé ɔkpísúm. ⁶ Ntobí ánfí odu abwepósú Bulu tēhíe nyá ɔbló ní. ⁷ Mú aná mlítóbwé bréá mlígyí ɔmátófo ní.

⁸ Séi gyí bréá mlíle ɔbló, ɔblókpan, olu, abakpói, asokpan blí aná lé mlító ní. ⁹ Mlímáwa afunu súná aba, tsúfé mlílasí mlí tsiátó dada amu pú mú bwéhé fée. ¹⁰ Mlílalátsú tsiátó pɔpwe. Bulu gyí mú ɔbwepó, ɔde mú bwe pɔpwe ían mu íwí bré ánfí mlídé mu bí ánfí. ¹¹ Tsiátó pɔpwe anfi mú á, ímefáhun aní Griikiyin ntée Yudayin fɔgyi. Fetun keté ntée fometun, ɔkpótɔpɔ ntée okudasíyin, ɔkpábi ntée ɔdíhe fɔgyi. Kristo gyí tógyító, ɔbu amó féeótó.

¹² Mú sɔ íniá Bulu lalé mlí póbwe mu ahá aní amó íwí latin pú mu adwepó á, mliha nwewúun, awítalewa, íwiasíabá, ílwií pú klɔnya itsia mlító. ¹³ Mlínnya íklɔn ha aba. Ní ɔkò muɔ mu ba benya á, mlísikie aba fée alá Kristo lési mlí klé kíe mlí. ¹⁴ Múá ídun a, ɔdwe tóbwe aní fée íkole. Íbwée mlí tati didáhé. ¹⁵ Mliha Kristo iwílwii igyí mlí klɔnsɔ, tsúfé mótó Bulu latí mlí bɔwa; mliha mu nyankɔsa-ogyí ámu mlílabwé kule ní. Mlida mu ípán é brégyíbré. ¹⁶ Mliha Kristo asún ámu íhe bula mlí klɔntó, íha mlí nyánsa. Mlípɔtɔ kpla aba, suna aba ató. Mliwa Israelfɔ íbu, ɔsankuosu íbu pú ɔhétó íbu mlí klɔntó pɔtsu Bulu fɔa, pɔda aní Sí Bulu ípán. ¹⁷ Mlí ató bwéhé pú mlí asun blíhé fée íbwée aní Wíe Yesu ídátó, amlípu ípán ha aní Sí Bulu tsɔn muɔ.

Akrístofɔ Tsiátó

¹⁸ Aká, mlíba íwiasí ha mlí akúlu alá ílekanáa ha ahá aní bɔgyi Kristo klé.

¹⁹ Akúlu, mlí é mlídwé mlí aká. Mlímábwe amó kpóunkpoun.

²⁰ Abí, mlíbu mlí akwíupó, tsúfé mú Bulu tekle ní.

²¹ Akwíupó, mlímáwa mlí abí ɔbló, méní íwí móowu amó.

²² Nkpábi, mlíbu mlí ɔsolósu awíe tógyítóá mlóbweɔ. Mliha amó ansí igyi mlí íwí brégyíbré, megýí amó ansító wole. Mlíbwe mú tsú klɔntó, tsúfé mlítobú aní Wíe. ²³ Mlíbwe tógyító tsu mlí klɔntó, fée aní Wíe mlídé mú bwe há, megýí anyánkɔsa. ²⁴ Mlíkaun aní aní Wíe íbító mlénnya mlí íkóká aní

alalá yáí mu abí. Tsúfɛ Kristo gyí Owíe ání mlhdésu. ²⁵ Táme ní fɔbwé tɔ́a ima ale a, ɔbéka fú ikɔ, tsúfɛ ɔtamaki ɔhaa ansító.

4

¹ Nkpábi awíe, mlipu tɔ́a ibu alé, igyi ɔɔkwali kpa mli nkpábi, tsúfɛ mli é mlibu Owíe ɔsúsó.

² Mlikita mpaibótó. Mliɔnka ansí iwísu, ipánda é itsia mli klɔntɔ. ³ Mlibɔ mpái ha aní é. Bulu ofinki ɔkpa ha aní atali da Kristo iwí asɔn ɔáínhé amu ɔkan. Mú su nda obu ní. ⁴ Mlibɔ mpái mliaa, ndáa mú ɔkan wankláán, alíá ilehián.

⁵ Mliki mli náttɔ ɔmátófoto. Ní ɔkpa ifinkí há mli á, mlumáyintá mú. ⁶ Mli itú iwa anulé, iwa labi, méní mlétalí lé ɔhagyíɔha asɔn fitéhé ɔnó wankláán.

Tklá

⁷ Ania opió ɔdwepú Tihiko dé aní Wíe agyómá yɔ. Osúmpú ɔɔkwaliɔgyi. ɔbébláa mli alíá mí iwí gyí féé. ⁸ Nawá mu mli wá mbéé, ɔbébláa mli alíá aní iwí gyí, ɔwa mli atetɔ-ɔnlɔ. ⁹ Mva aní pió ɔdwepú ɔɔkwaliɔgyi Onesimo, ogyi mli pi amu ɔbéba bebla mli asún ání ilaba nfi féé.

¹⁰ Aristarko, mí bá ání mía mɔnyɔ anida obu ɔhá mli itsiá. Alí kén Marko, ogyi Barnaba mu pio ámu é ɔhá mli itsiá ní. Mliho Marko ɔfɔ́ wankláán, ní ɔlɔtsɔn ba mli wá fé alíá nebláa mli yáí. ¹¹ Opíó Yesu, ɔɔetráa ti mu Yusto é ɔhá mli itsiá. Ahá abasá ánti pé gyí Yudafɔ́a mía amɔnyɔ anidé Bulu iwíegyi ámu iwí agyómá yɔ ní. Amú tékítá klɔn wá mí iwíto ní.

¹² Epafra, otsú mli wá, ogyi Kristo Yesu osúmbi amu é ɔhá mli itsiá. ɔtehié bɔ mpái há mli ání Bulu ɔwáa mli ɔwɔnlín, ɔha amlifɔn, amlitali bwe Bulu apé kugyíko. ¹³ Nétalí gyí mu iwí adánsie ání ɔhié ɔde agyómá yɔ mli Akristofɔ́a bɔbu Laodikea pú Hierapoli idátó. ¹⁴ Aní ɔdwepú Luka, ogyi ilɔ ɔtsapú mva Dema behá mli itsiá.

¹⁵ Nehá aní apíó Laodikeafɔ́ ámu itsiá. Nehá Nunfa mva ɔpasua ámuó ibu mu wóyító amu é itsiá. ¹⁶ Ní mlekla ɔwɔlɔ́ ánti súná ɔpasua ámu tá á, mlipɔsisi Laodikeafɔ́ é. Mlikla amú klé ámuó nɔpɔsisi amú ámu é. ¹⁷ Mlibla Arkipo mliaa, ɔmɔ́o agyómá ámuó Bulu lɔpɔwá mu ibitɔ ámu ɔnó wankláán.

¹⁸ Mí Paulo, onutónutó lawá ibi ɔwɔlɔ́ ánti asi. Mlimátan ání nda obu. Bulu ogyi mli buale.

Ɔwɔlɔ Gyankpapuá Paulo Lɔwanlín Sísí Tesalonikafɔ

¹ Mí Paulo, mía Silwano pɔ Timoteo dɛ ɔwɔlɔ ánfɔ wanlín sísí ɔpasua ání ígyi anɔ Sí Bulu mɔa anɔ Wíe Yesu Kristo klé, ɔbu Tesalonika wúluto.

Anɔ Sí Bulu mɔa anɔ Wíe Yesu Kristo bɔgyíi mlɔ buale, abɔha mlɔ iwɔlwii.

Tesalonikafɔ Hógyi

² Ní anidɛ mpáí bɔ há mlɔ brégyíbré á, anitɛdá Bulu ipán mlɔ féé nɔwunso.

³ Anitetsiá káin anɔ Sí Bulu mlɔ hógyi gyumagyihe. Alíá mlɔdɛ mbódí bɔ dwé aba, pɔ alíá mlɔlatomi há mlɔ ansí dɔn anɔ Wíe Yesu Kristosɔ kinkíinkín. ⁴ Apíó, anyin ání Bulu tɔdwé mlɔ, alalé mlɔ pɔbɔwé mɔ kle.

⁵ Tsúfɛ megyí ɔnɔ keke anilɔpɔ bebláa mlɔ asɔn wankláán ámɔ. Mboún mlɔlɔwun Ɔhɛ Wankíhé amɔ túmi é. Inɔ léha mlɔlébɔ wankláán ání asɔn ámɔ igyi ɔnɔkwál. Mlɔlɔwun tsiátɔ oduá anilɔpɔtsiá mlɔtɔ é, alíá ɔbɔbɔá mlɔ sɔ. ⁶ Mlɔlékasí ania anɔ Wíe tsiátɔ. Tsúfɛ asɔn ámɔ sɔ mlɔlɔwun iwɔɔsɔn tɔtsɔtɔsɔ, táme mlɔlɔpɔ ansigyí ání itsú Ɔhɛ Wankíhé wá hɔ mó. ⁷ Mó sɔ ɔleha ahógyipɔá bɔbɔ Makedonia ɔsɔlɔsɔ pɔ Akaia ɔmátɔ féé beki mlɔ bwehé, buo mó. ⁸ Tsúfɛ megyí Makedonia pɔ Akaia wɔle anɔ Wíe asɔn ámɔ lekléi tsú mlɔ wá yó. Mboún mlɔ Bulu hógyi asɔn é lakléi yó ɔtɔnɛgyíɔtɔiné. Mó sɔ asɔansɔ má inɔá abétrá blí tsú mó iwɔ. ⁹ Tsúfɛ amɔ onutɔ bɔdɛ alíá mlɔlɔpɔkítá anɔ bréá anilébá mlɔ wá blí. Alíá mlɔlési ikpɔ súm ba mlɔdɛ Bulu Ɔkiankpapɔ Ɔnɔkwálɔpɔ amɔ mboún súm. ¹⁰ Pɔ alíá mlɔigyó bréá Bulu mɔ Bi Yesu ámúú ɔlɔkɔsɔa tsu afúlitɔ ámɔ ɔbélatsú ɔsɔsɔ bá. Mɔgyí ɔhá ání ɔdɛ anɔ le tsú Bulu ɔblɔ ámúú ɔbá ámɔtɔ ní.

2

Paulo Tsiátɔ Tesalonika Wúluto

¹ Apíó, mlɔ onutɔ mlɔiyin ání anɔ mlɔ wá bá mɔbwe kpaali. ² Mlɔiyin alíá bɔwa anɔ amɔmɔyɔ, sɔpa anɔ Filipi wúluto asa anilébá mlɔ wá. Mlɔiyin ání akɔ bɔmotsulá, behie kɔsú líi anɔsɔ; táme anɔ Bulu lɔwa anɔ ɔwɔnlín, anilébláa mlɔ asɔn wankláán ámɔ. ³ Tsúfɛ megyí afunu asɔn anidéblí. Mó sɔ ndɛ mlɔ kokóli. Megyí agywun laláhe kɔkɔ igyi, animédé mlɔ mlé é. ⁴ Bulu lɔhɔ anɔsɔ gyi, ɔlɔpɔ mɔ asɔn wankláán ámɔ wá anɔ ɔbɔtɔ. Mó anidéblí ní! Megyí anyánkpɔsa ansítɔ anidékú blí mó, Bulu yin anɔ klɔntɔ. ⁵ Mlɔihíé mlɔiyin ání megyí ɔnɔ dɛdɛ anilɔpɔ ba mlɔ. Animéba bɔwa afunu kɔkɔ é súná mlɔ, pɔnyá tɔkɔ tsú mlɔ wá. Bulu gyí anɔ ɔdansiyin. ⁶ Animódunká kanfó tsú nyankpɔsa ɔkɔkɔ, mlɔ, ntéɛ ɔha bambá wá. Kristo sɔmbí ayɔpɔ anigyí. Mó sɔ tekɔ anɔbɔ ɔkpa sí iwɔ tswɔ mlɔsɔ, ⁷ táme anilólwíí há mlɔ, kɔ mlɔ fé alíá abí-oyin tekɔ mɔ onutɔ abísɔ. ⁸ Anitehíé klé mlɔ asɔn. Mó sɔ megyí Bulu asɔn wankláán ámɔ nkɔle anilɔpɔ ba mlɔ, mboún anilési anɔ iwɔ é há mlɔ, tsúfɛ mlɔlamlí anɔ adwepó. ⁹ Apíó, yéɛ mlékaín agyómá ání anilɔyɔ ɔpa mɔa onyé pɔnyá tɔá ilehián anɔ? Alíá anuméesi ipian tswɔ mlɔsɔ bréá anidɛ Bulu asɔn wankláán ámɔ ɔkan da súná mlɔ sɔ anilɔbwe mó alɔ.

¹⁰ Mlɔ ahógyipɔ amɔ pɔ Bulu gyí anɔ adansifɔ alíá anilɔpɔtsiá mlɔtɔ. Anɔ iwɔ letɔn, anɔ asɔn da ɔkpa, ɔlala é metsiá anɔ iwɔ. ¹¹ Mlɔiyin ání anilékpa mlɔtɔ okugyíɔkɔ fé alíá abí-ɔsí tekpá mɔ abí. ¹² Anilɔwa mlɔ atɛtɔ-ɔnlun, lwíí mlɔ klɔn, tɔí kplá mlɔ aniaa, mlɔtsiá tsiátɔá ilegyi Bulu ansí. Mɔletɔ mlɔ ɔbɛɛ, mlɔbénya mɔ iwíegyí pɔ mɔ numnyam amɔ ikɔ.

¹³ Tɔ́á svá anitedá mv ipán brégyíbré é gyí, bréá anulóvuv mv asón ámv ba mli á, mlimótsu mó ání nyankpɔsa wá itsú. Mboun mlilóhó mó ání lélé, itsú Bulu wá; tsúfé mó Bulu dépɔyó agyómá mli ahógyivv amotɔ ní. ¹⁴ Apíó, mlilamlí fé Bulu ɔpasua ání ibuvv Yudea ɔmátɔ, bɔgyi Kristo Yesu klé ámv. Mlilóvwun ipian mli pɪ ibitɔ, fé alí ámóú amó é bowun ipian amó pɪ Yudafɔ ibitɔ ámv. ¹⁵ Yudafɔ lómɔ Bulu ɔnósɔ atóipú pú aní Wíe Yesu. Amó kén lagya aní lé ɔmá ámvɔ. Botamakle ahá asón, botamagyi Bulu ansí. ¹⁶ Bókusú líí anisv ká aní itin bεε, anímábla ahá ání bomegyí Yudafɔ nkpahóó asón ámv, Bulu ɔhɔ amó nkpa. Iní bwe lahá amó lakpan labiayi. Mó sv ilahá Bulu lanyá ɔbló, ɔbɛbití amó isv.

Paulo Lékléá ɔbélayéki Tesalonikafɔ

¹⁷ Apíó, anidénatí mli wá ɔpá animókúsi mli sv káin. Mó sv anihíe anidé ɔkpa dunká ání abéla bowun mli ansítɔ, tsúfé anidé mli sv káin dɔbɪ. ¹⁸ Anidékléá abélaba mli wá. Mí Paulo onutó ó nabwé agyvwun ání néyinkí bá mv ita tsefini, táme ɔbɔnsám méha ɔkpa. ¹⁹ Ma sɔ aní ansí dɪn? Megyi mli sv ansí de aní gyí ání abénya ɔkpa tsú iwí aní Wíe Yesu ansítɔ bréá ɔbéba? ²⁰ Lélé mó á, mli gyí aní numnyam pú aní ansigyí.

3

Timoteo Tesalonika Yɔ

¹ Mó sv bréá animébi alíá mli tsiátɔ igyi, ide aní háan a, anulóbwe agyvwun aníaa, aní mó abétsiá Atene wúlutɔ, ² awa aní píó Timoteo, ogyi aní Bulu agyómáyɔbá Kristo asɔn wankláán ámv ɔkandato sisí mli, ɔbɔwa mli ɔwɔnlín. ɔtɔi kpla mli amlilu kinkíínkín hógýitɔ, ³ méní mlitɔ ɔkɔkɔ méeyinkí ɔma asɔn wunhe anfi sv. Mli onutó mliyin ání igyi tɔ́á ida yaí há aní Akristofɔ dodo. ⁴ Tsúfé bréá anubv mli wá á, anulébláa mli ání bédunká mli sv. Lélé bédunká mli sv fé alíá mliyin. ⁵ Iní sv bréá netsiá mmetsiá á, nɔwa Timoteo mli wá mbée, ɔbéki alíá mlidé hógýi amotɔ. Tsúfé ibétalí ba ání ɔbɔnsám lasɔ mli kɪ, há aní gymagyihe labwé kpaali.

⁶ Timoteo layínki pú asɔn wankláán tsúa mli wá ba aní séi, tsú mli hógýi pú mli abadwe iwí. Alabláa aní ɔbéε, mli é mlidé anisv káin dɔbɪ. Mlidékléá mlóvwun aní, fé alí ámóú aní é anidékléá abóvwun mli ámv. ⁷ Mó sv apíó, mli hógýi lawá aní atetɔ-ɔnlín, aní ipian pú aní asɔn wunhe féétɔ; ⁸ tsúfé mlíí aní Wíe hógýitɔ kinkíínkín. Mó sv aní klɔn ládí aní asi. ⁹ Ipán mɔmv abókɔkɔ da Bulu mli sv, ansíá ide aní gyí mv ansítɔ sv? ¹⁰ Anitɛhíé bó mpái kókóli Bulu ɔpa móa onyé aníaa, ɔhá ayinkí bowun mli, méní abósuná mli tɔ́á ibéha mli hógýi bɔfɔn.

¹¹ Aní Sí Bulu onutó mva aní Wíe Yesu bɔfɔnki ɔkpa ha aní aba mli wá. ¹² Aní Wíe ɔhá mli apíó aba pú ahá féé dwe ɔnɔ iwa ɔnlín, fé alí ámóú anitɔdwé mli ámv. ¹³ ɔwá mli ɔwɔnlín, méní aní Sí Bulu omóowun ɔlala mli iwí, ifin kɔkɔ é méetsiá mli iwí mv ansítɔ, aní Wíe Yesu mva mó ahá féé ɔbáke ámv.

4

Tsiátɔá Ilegyi Bulu Ansí

¹ Apíó, itráhe a, anulósuná mli tsiátɔ, méní Bulu ansí bégýi mli iwí. Lélé mó á, alí mli tsiátɔ gyí ní. Séi á, anihíe anidé mli kókóli aní Wíe Yesu dátɔ aníaa, mli bweé mó dɔn alí. ² Tsúfé mliyin mbli ámóú anulówa há mli aní Wíe Yesu idátɔ ámv. ³ Bulu dékléá mli háa mli iwí itin. Mó sv mli máwa atsi móa ayin asón. ⁴ Mlitɔ okugýlɔkɔ ɔbí alíá ɔbékutá iwí, iwíitin pú obú ɔkpasv.

⁵ Imábwɛ ɔwólí laláhe ɔkpasu, fé alhá ahá ání bomeyín Bulu bɔtɔbwé. ⁶ Mlító ɔkuku másísí mɔ ba, swíi mɔ mɔ ka. Tsúfé aní Wíe ɔbébití ahá ání bɔtɔbwé mɔ odu isu. Anidé mli ɔlá da, fé alhá anilóku bláa mli yáí. ⁷ Tsúfé Bulu méti aní ɔbéɛ, abá bɔtɔ mbua; mbouín ɔbéɛ, ifin kuku mátsiá aní iwí. ⁸ Mú su ɔhagyíɔha ání omegyí atosunáhé anfisɔ á, megyí nyankpɔsa omédébu. Mbouín Bulu ámóú ɔlɔpu mɔ ɔɲɛ Wankíhé há mli ámu.

⁹ Imehián ání abówanlín asɔansɔ tsú mli aba akristofɔ dwɛ iwí sísi mli. Tsúfé Bulu onutó lasúná mli alhá mlidwéɛ mli aba dododo. ¹⁰ ɔnɔkwali a, mlidé apíó ahógyipɔá bɔbɔ Makedonia ɔmátɔ féé dwɛ dodo. Mú su apíó, anidé ipa bwíi há mli aniaa, mlitráa dwɛ aba dɔn alí. ¹¹ Mlípɔdinka iwísu ání mlétsiá tsiátɔ wankláán. Mlɔpu mli ibi yó agyómá pókí mli iwísu, fé alhá anilébláa mli, ¹² méní mli ahá ání bomegyí ahógyipɔ mlétsiá wankláán, mlíméetrá pu ansí dínká ɔhaasu.

Aní Wíe Yesu Yínkí Bá

¹³ Apíó, anidéklé aniaa mlibú ɔnɔkwali ání ibu Akristofɔá bawú iwí, méní mlíméetsiá gyi awírehɔ fé ahá ání amó ansí medín tɔtɔsu. ¹⁴ Anilóhogyi ání Yesu lówu kósú tsú afúlitɔ. Alí kén anilóhogyi ání Bulu ɔbékpa ahá ámóú bɔhɔ mɔ gyi asa bowu ámu ba ni.

¹⁵ Aní Wíe onutó atosunáhé anidé mli suná séi á. Aní ahá ání anitráa anitsie nkpa asa aní Wíe ɔbáke íbófɔn a, animéegya awupó ámu nkpa yéfiá mɔ. ¹⁶ Tsúfé aní Wíe ɔbákplón túmisɔ, Bulu-ɔbɔpu dɛhen ɔbéle ɔnɔ, bófúli Bulu ɔkpe é bréá aní Wíe onutó dékplí tsú ɔsúsú ɔbá. Ahógyipɔá bawú bégyankpá kósú. ¹⁷ Mɔ ɔma a, aní akiankpaɔ é féé abóyótu amó nwlóltáatɔ, aní féé abéyefia aní Wíe afútɔ. Tsú eke ámu a, abétsiá aní Wíe wá bré féé. ¹⁸ Mú su mlípɔ asón ánífi kita íklɔn wa aba iwíɔ.

5

Iwísvda Gyo Aní Wíe Ibá

¹ Apíó, imehián ání abówanlín bré pú ekeá asón ánífi íbéba sísi mli. ² Tsúfé mli onutó mliyin ání aní Wíe ɔbáke amɔ íbéba bofwie anitɔ, fé alhá owikplu tɛba onyé. ³ Bréá ahá beɛ, “Owí latá, asón latá” á, alí bré ámɔtɔ béhi ní. Ibófwie amótɔ fé alhá íkwíi tekan ɔtsi ɔsáwɔle pé. ɔhaa méɛdali mótɔ. ⁴ Táme apíó, mli mú mliyin asón ánífi. Mú su mlíméetsie oklúntɔ, méní eke ámu méɛba bofwie mlitɔ fé owikplu. ⁵ Wankí móa ɔyi kehetɔ abí mli féé mligyi. Megyi onyé ntéɛ oklúntɔ abí anigyí. ⁶ Mú su mliha agyo, animádidi fé aha bambá. Mliha adunka ansí iwísu, akí iwísu wankláán. ⁷ Onyé, adídípú bɔtedídi. Onyé, nta abɔpó é bɔtɔbɔ ntá. ⁸ Táme aní mú á, wankitɔ abí anigyí. Mú su mliha agyi iwísu. Mliha Kristo hógyi pú aní abadwɛ íbwe kántɔ-atíntɔ tin aní kántɔ. Mɔ ɔkpakú ání ɔbóhɔ aní nkpa íbwéɛ kotɔpa ání ibun aní nwun. ⁹ Megyi alhá Bulu obénya ɔblɔ wa aní, bítí aní isɔ sɔ ɔlele aní. Mbouín alhá ɔbótsɔn aní Wíe Yesu Kristosɔ hɔ aní nkpa sɔ. ¹⁰ Kristo lówu há aní, méní mɔ bábi a, ní anilawú o, aníbu nkpa o, ania mɔnyɔ abétsiá. ¹¹ Mlípɔ asón ánífi kita klɔn wa aba iwíɔ, puwa aba ɔwɔnlín, fé alhá mlidé mú bwe dodo.

Iklá

¹² Apíó, abwíi ipa há mli, mlibu mli ɔnɔ alípóá bɔhíé bɔdɛ agyómá yɔ mlitɔ, bɔdɛ mli aní Wíe tsiátɔ suná. ¹³ Gyɔma ámóú bɔdegyi amɔ su mlihe bu amó, amlidwɛ amó. Iwilwii itsiá mliha mli aba nsiné.

¹⁴ Apíó, anidé mlí olá da aníaa, mlítai kpla awoliyópú. Mlíwa afúpú atetó-onlin. Mlíbwa amóá bapən, amlinya klən ha əhagyíəha. ¹⁵ Mlíki aní əhaa mósəpə lalahə ká mʊ ba ikə. Mboún mlíbwə yilé há aba pú ahá fée.

¹⁶ Ansí igyí mlí, ¹⁷ amlíbo mpái brégyíbré. ¹⁸ Mlída Bulu ipán tógyítótó. Mógyí tóá Bulu dédunká tsú mlí wá mlí nkpatə, bré anfi mlía Kristo Yesunyə mlílabwé ikole anfi ní.

¹⁹ Mlí mákiná tóá Ōŋe Wankíhé amʊ tekle bwə.* ²⁰ Mlí mábu Bulu onósú atóipó asón amʊ təkʊ odu. ²¹ Mlí sə tógyító kɪ, amlíkita móá ɪbʊ alétó kinkíínkín. ²² Mlíkina lalahə kugyíko.

²³ Bulu téhá anɪ iwílwii. Ōtún mlí ɪwɪ əkpagyíəkpasʊ. Ōkí mlí nyankpəsa-oyí, mlí əŋé pú mlí əklásʊ tsú lalahə kugyíkʊtə, ménɪ olala méetsiá mlí ɪwɪ anɪ Wíe Yesu Kristo əbáke amʊ. ²⁴ Bulu létɪ mlí. Ōnəkwalipʊ ogyí, əbóbwə mʊ.

²⁵ Apíó, mlíbo mpái ha anɪ é.

²⁶ Ahá ahógyipʊ amʊ fée itsiá gyágyáágyá. Mlílata aba putá ədwəsʊ.

²⁷ Ndɛ mlí bláa anɪ Wíe ɪdátótó mbée, mlíkla əwóló anfi suna ahógyipʊ amʊ fée.

²⁸ Anɪ Wíe Yesu Kristo ogyí mlí buale.

* **5:19** Ntée Mlí mádun Ōŋe Wankíhé ogyá amʊ.

Ɔwɔlɔ Nyɔɔsiá Paulo Lɔwanlín Sísí Tesalonikafɔ

¹ Mí Paulo pɔ Silwano mɔa Timoteo dɛ ɔwɔlɔ ánfɔ wanlín sísí ɔpasua ání ɔbu Tesalonika wúluto, mligyí anɔ Sí Bulu mɔa anɔ Wíe Yesu Kristo klɛ.

² Anɔ Sí Bulu mɔa anɔ Wíe Yesu Kristo bɔgyíi mli bɔale, abɔha mli iwilwii.

Ipánda

³ Apíó, ilehián ání abéda Bulu ipán mli nwunsv brégyíbrɛ. Tsúfɛ mli dɛdán hógyitɔ tsía. Ɔdweá mli bɔ ha aba é demoní tsía. ⁴ Mú sv anɔtɔpɔ mli tsú iwɔ Bulu ɔpasua kugyíkw ansítɔ; mli nsiwa pɔ hógyiá ɔbu mlɔ, bɔɔɔn mli sv, isóki dɛ mli tv, mli latomi sv.

⁵ Inɔ dɛle súná ání Bulu asóngyí da ɔkpa. Tsúfɛ obótsu mli ání mli lafɔn ha mɔ iwíegyi ámúú mli dɛ ipian wúun mú sv ámɔtɔ yɔ. ⁶ Ɔnɔkwaliɔ Bulu gyí. Ɔbéka ahá ámúú bɔdɛ mli iwɔsɔntɔ wa ámu akɔ. ⁷ Ɔbéha iwɔ bɔlwií anɔ mli ání mli dɛ iwɔsɔn wúun, eke ámúú anɔ Wíe Yesu ɔbékplí tsú ɔsɔsɔ bɛle iwɔ ɔwan mɔa mɔ abɔɔɔ atúmipɔ amɔ. ⁸ Ogya plenplentɔ ɔbéba bebítí ahá ámúú bɔmeyín Bulu* ámu sv. Tsúfɛ bɔtamapú anɔ Wíe Yesu iwɔ asɔn wankláan ámu bwe tɔtɔ. ⁹ Amú isɔbití gyí, amúá anɔ Wíenɔ nsiné bɔwa ífɔ, mɔ túmi mɔwankí wólí amúú, obéyintá amú brɛ fɛétɔ. ¹⁰ Isɔbití ánfɔ ɔbéba eke ámúú ɔbéba, Bulu ɔbɔwa mɔ numnyam aha wankíhé ansítɔ. Ifú békítá ahógyipɔ. Mli é mli tsía amúú, tsúfɛ mli dɛ mɔ iwɔ adánsɛ ámúú anilégyí suná mli ámúsv gyi.

¹¹ Mú sv anɔtɔbɔ mpái há mli anɔaa, Bulu ɔhá amlifɔn nkpa ámúú ɔletɔ mli ɔbéɛ, mli bɛtsía ámúú. Mɔ túmi iháa amlitali bwe yilɛ ání mli dɛklɛá mli bɔbwe, pɔmɔ mli hógyi agyómá ɔnɔ. ¹² Ní mli tálí bwe inɔ á, mli sv ahá bɔpɔ numnyam há anɔ Wíe Yesu, mɔ é ɔbɔwa mli numnyam; fɛ alɔ ámúú anɔ Sí Bulu mɔa anɔ Wíe Yesu Kristo awitɔle gyí ámu.

2

Yesu Mɔa Mblasɔ Mágýipɔ Amɔ

¹⁻² Mí apíó, nobwíi ipa há mli. Anɔ Wíe Yesu Kristo ɔbá, pɔ alá abɔbwe kɔle yéfia mɔ asɔn ání mli lanú imákɔsí kpinkí mli klɔn, ntɛɛ iha opúni itsii mli. Ní aku bɛɛ, Ɔɛe Wankíhé lalɛ súná amú lóó, ntɛɛ ɔbu anɔ asɔn bíhé ntɛɛ anɔ ɔwɔlɔ kɔtɔ ání anɔ Wíe ɔbáke amɔ laba dodo kóráá á, mli máhogyi. ³ Mli máha ɔhaa ɔmle mli ɔkpagyíakpasɔ. Eke kpɔnkɔntɔ ánfɔ iméba, nkétí ahá bakósú lí Bulusɔ, ɔhá ámúú ɔtamagyí Bulu mblasɔ, ɔbéhi ámu lalin ɔwan asa. ⁴ Obótsu iwɔ fɔá, kósú lí Bulu, ɔkpɔ pɔ tógyítá anyánkpɔsa bɔtosúmsɔ, bí ání ɔɔn amú fɛé. Obéyetsía Bulu ɔtswékpa mɔ kóráá, bí ɔbéɛ mɔgyí Bulu.

⁵ Mli mákókáín ání ntebláa mli asɔn ánfɔ bréá mɔ mli wá? ⁶ Mli yin tɔá ɔdɛ mɔ ɔkpa tiiin dodo. Nkétí mɔ ɔwanlebí lafɔn. ⁷ Tsúfɛ Bulu mblasɔ mágyi túmi ánfɔ ɔdɛ agyómá yɔ nɔáintɔ dodoo, táme ɔkɔ dɛ mú ɔkpa tiiin. Mú sv nkétí ɔhá ámu ladáli inɔ. ⁸ Inɔ mblasɔ mágyipɔ amɔ ɔbélin ɔwan ní. Táme anɔ Wíe Yesu oyínki ba a, mɔ ɔnótɔ afú kɛkɛ ɔbómɔ mɔ, mɔ numnyam é ɔbɔwankí wólí mɔsv yintá mɔ. ⁹ Ní mblasɔ mágyipɔ anɔ ɔn ɔwan á, ɔbɔpɔ Satan afunu túmi kpɔnkɔntɔ bwe osúna pɔ ofúla. ¹⁰ Ɔbótsɔn owuntɔn

* 1:8 Bɔmeyín Bulu, tsúfɛ bɔmɛbi mɔ.

ɔkpa ɔtsan-ɔtsansu mlé ahá ámú Bulu ɔbéhi amó ámu. Bulu ɔbéhi amó, tsúfě bumeke ɔnɔkwali amu asón, méní Bulu ɔbóhɔ amó nkpa. ¹¹ Iní su Bulu ɔbópu afunu ɔhéá mú ɔnó bu ɔnlin wá amótó, méní bóhɔ afunu asónsú gyi. ¹² Ɔbéha ahá ánfí buməhɔ ɔnɔkwali amusu gyi, bɔtekle lakpan bwe ánfí fěé ipón.

Mli Nkpa hɔ Sv Bulu Léle Mli

¹³ Apíóá aní Wíe tɔdwé, ilehián ání abéda Bulu ipán mli nwunsu brégyíbré. Tsúfě tsú bréá ɔyi lɛlin ɔpá Bulu léle mli ání ɔbótsɔn mu Ɔhé ámu pú mu ɔnɔkwali asón ámú mli lahogyi amusu tun mli iwí, púhɔ mli nkpa. ¹⁴ Iní sù ɔlɔtsɔn asun wankláán ámú anilébláa mli ámusu tí mli ɔbéé, mlibétsiá aní Wíe Yesu Kristo numnyam amotɔ ní. ¹⁵ Mú su apíó, mlilu kinkíinkín, amlíkita ɔnɔkwali amú anilósuná mli ámutɔ, mɔ́á anilébláa mli pú mɔ́á anilówanlín sísí mli fěé.

¹⁶⁻¹⁷ Aní Wíe Yesu Kristo onutó mba aní Sí Buluá ɔtɔdwé aní, alawá awitɔle wá aní atɛtɔ-ɔnlin ání imóomɔ ɔnó ekekekeke, anidé itɔ wankláán ɔkpa kí, ɔwáa mli ɔwɔnlín mli asun blíhɛ pú mli bwehé kugyíkɔtɔ.

3

Mpáibɔ

¹ Itráhe-tráhe a, apíó, mlibɔ mpái ha aní. Aní Wíe asón ámu ikósi klei. Ahá abupu obú hɔ mó fě alí ámú mli é mlíhɔ mó ámu. ² Mlibɔ mpái, Bulu ɔle aní tsu awuntɔlinpu pú aha laláhe ibitɔ. Tsúfě megyí ahá fěé lóhɔ aní Wíe gyi.

³ Táme aní Wíe bu ɔnɔkwali. Ɔbówa mli ɔwɔnlín, hɔ mli lé laláhe Ɔbwepú ámu ibitɔ. ⁴ Aní Wíe lahá anilahogyi ání mlidé ntobí ámú anilósuná mli ámu fěé bwe, mli méesi bwe é.

⁵ Ɔkpáa mli, amlinu ɔdweá Bulu bu asi yɔ ɔtótótót, ɔha amlítomi fě Kristo.

Tsiát Wankláán

⁶ Apíó, anidé mli ɔlá da aní Wíe Yesu Kristo idátó aníaa, mli mápu Akristofɔ ámú bɔna budetsɔn, butamakle agyómá, bumédé atosunáhé amó anilósuná mli ámusu gyi wa mba. ⁷ Mli onutó mliyin ání ilehián ání mlétsiá aní atsiábi. Tsúfě animówa ɔwɔliyɔ, náti tsuntsun bréá anibu mli wá. ⁸ Anumégyi ató ɔhaa wá, kíná mú ikɔ ka. Mboún anilóyɔ agyómá ɔpa mɔ́a onyé kinkíinkín, méní anuméesi ipian tswi mlitɔ ɔkɔkɔkɔsu. ⁹ Megyí beé, anumá ɔkpa bláa mli aníaa, mlíkí anísu, sù anilóbwe mó alí. Mboún anilóbwe mó súná mli, méní mli é mlóbwe mó odu. ¹⁰ Bréá anibu mli wá kóráá á, anilówa mbla há mli aníaa, “Ɔhá ání ɔmɔyɔ agyómá mágyi ató.”

¹¹ Anilanú ání mlitɔ aku bɔtsie kpaali, bumédé agyómá kɔkɔkɔ yɔ. Okéngyɛ bɔna budewa tsun. ¹² Anidé amó ɔlá da aní Wíe Yesu Kristo idátó aníaa, busii náti tsun, abuyɔ agyómá nya amó atogyihe.

¹³ Táme apíó, mli mó á, yilébwe imáta mli ɔhé. ¹⁴ Ní ɔko mégyi asón ánfí anilawánlín sísí mli ánfisú á, mlíkí mu wankláán. Mli mɔnyɔ mli mágyi mba, méní péli békítá mu. ¹⁵ Táme mli málu mu, mboún mlitɔi kpla mu fě mli pío.

Iklá

¹⁶ Iwilwii Owíe amu onutó ɔhá mli iwilwii bré fěétó ɔkpagyíɔkpasu. Aní Wíe ɔtsiá mli fěé wá.

¹⁷ Mí Paulo onutó lapó mí ibi wanlín ín. Mí dá ánfí ntɔwánlín wá mí nwló fěé asi, púsúná ání itsú mí onutó wá ní.

18 Anɔ Wɛ Yesu Kristo ogyii mlɛ fɛɛ bualɛ.

ᾠωλὸ Gyankpapuá Paulo Lówanlín Sísí Timoteo

Itsidha

¹⁻² Mí Paulo ání aní Nkpa Ḑhópu Bulu mva Kristo Yesuá aní ansí dín mvsu lóbwε mí sumbí ḡḡpú, dé ᾠωλὸ ání wanlín sísí fú Timoteo ání fógýi mí bí onutó Yesu hógýi amótó.

Aní Sí Bulu mva aní Wíε Kristo Yesu bugyii fu buale, abowun fu nwe ha fú iwilwii.

Afunu Atosundhé

³ Bréá ndenatí nḡyó Makedonia nsáinto á, nebláa fu mbée, fotsia Efeso ḡmató, afuka ahá ámúú bude afunu ató suná ámu itin. ⁴ Mú ḡma a, da amú ḡlá abusi bré yintá há ḡtewa pú anáin ilíntó kláa tíntíúntín. Nwéεngýi keke itópóba. Itamahá ahá abotsia nkpa Bulu hógýitó. ⁵ Tóá svá aníaa fukáa amú itin gyí, ahá Okristoyin okugyíáku ḡbódwe mu ba, mu klvn méεha mu ipón, obénya agywun wankláán móa hógýi onutó. ⁶ Ako bumobuo ali ḡkpa ání. Mú sv bafwí yó bude asún ání uma asi blí. ⁷ Budekléá bóbwe Mose mbla asunápó, táme bumεdé itó ámúú budesuná ámu asi nu. Ide amó bwe fé buyin mó, táme bumeyín mó.

⁸ Aniyin ání mbla ámu bu alé, ní bḡpúsúná ató ḡkpa wankláánsú. ⁹ Táme iwánkí aní ání megyí yilé abwεpú sv Bulu lówa mbla ámu. Mbouín ahá ání butamagyí mósú, ahá ání amú asutó bu amú ḡnlín, ahá ání butamanyá mu ifú, lakpan abwεpú, ahá ání amú iwí métin, ahá ání butḡkpóí Bulu, ahá ání butámó amú akwíúpó pú aha bambá, ¹⁰ mbua atópó, ayin ání butekle amú aba ayin pú atsiá butekle amú aba atsi, anyánkpósa ibiá agyíú, afunupó, ahá ání beká ntam butamagyí mósú pú tsiátóá imekanáa atosunáhé wankláán ámúú ¹¹ Bulu Onumnyampo, ikanfó gyi mu kle amu lópohá mí ḡbée, ndáa mó ḡkan amu.

Bulu Paulo Bualégyí

¹² Nedá aní Wíε Kristo Yesu ipán ání alawá mí ḡwunlín, bú mí ḡḡkwalupu ḡbée, nyóḡ agyómá ání pḡsum mu. ¹³ Teki míteblí mu iwí asun laláhe, ntedínká mu ahásv, sópa amú ní. Táme olowun mi nwe, tsífé mmḡhḡ mu gyi ali bré ámútó, mmeyín tóá ndεbwε é. ¹⁴ Oo, hie ki aliá ḡhié ḡbu awitále! Ḑleha mí nanya mu hógýi pú mva mí abadwεá ibu ania Kristonyó ikolebwεtó. ¹⁵ Asún ánífu ibu mótó, ilehián ání ḡhagyíḡha ḡbḡhḡ mósú gyí. Mógýí, Kristo Yesu léba ḡyító bele lakpan abwεpó. Mígyí amótó ḡlaláhe nu. ¹⁶ Táme íni sv Bulu lówwun mi nwe, há Kristo Yesu léle mí ánífyi gyi lakpan ḡbwεpú kpḡnkḡḡnkḡḡntí ání ní. Méni ḡhagyíḡha ḡbébi ání Bulu tehíé nyá klvn há ḡhá ání ḡbéba bḡhḡ mu gyi, nyá nkpa ání itamatá. ¹⁷ Mliha awa Bulu numnyam, akanfu mu aníaa, “Fógýi Owíεá fú iwíεgyí tamamó ḡnó. Bulu Ḑkḡkónó ḡkole, butamapú ansíbi wun fu. Fubu inu bré féé, futamawú! Amen.”

¹⁸ Mí bí Timoteo, ató ámúú Bulu léle súná tsú fú iwí ámu só nde mbla ánífu wa há fú. Pḡ asún ánífyi yó agyómá, afupḡkḡ atosunáhé wankláán ámu nwunsv. ¹⁹ Kita fú hógýitó. Bwe tóá buyin fú klvntó ání ibu alé, tsífé ako babwé tóá buyin ání uma ale. Mú sv ilahá amú hógýi lawú. ²⁰ Amótó ako gyí Himeneo mva Aleksandro. Napó amú wá Ḑvunsám ibitó. Ḑbití amú isv, méni bébiá mehián ání féblí Bulu iwí abususu.

2

Bulusúm Mbla

¹ Itáá ndedunká ání mligyánkpa bwe gyí, mlíkòkòli Bulu ahá fée nwunso, amlibo mpái ha amó. Mlìkòli Bulu ató há amó, amlida mu ipán òhagyíòha nwunso. ² Ilehíán ání mlóbwe mó alí há awíe pú ahande é, méni asòtò bólwií aní, abétsiá iwilwiitò, atalí sum Bulu òkpagyíòkpasu. ³ Iní búb alé, aní Nkpa Òhópú Bulu tekle ní. ⁴ Tsúfée odekléá òbòhò ahá fée nkpa, méni bébi ònòkwali amu. ⁵ Bulu òkòkònú òkòle bu inu. Nsiné òlapú òkòle pé é bu Bulu mva anyánkòsa nsiné. Mogyí Kristo Yesu, ogyi nyankòsa amu. ⁶ Mólési mu nkpa há pùhò ahá fée nkpa. Asón ánfí Bulu lópùhá òyí fée mó bré wankláántò ní. ⁷ Ònòkwali nde mlí bláa, mmédé afunu wa. Iní sò Bulu léle mí òbéé, mbwée mu asón òkan òdapó, mu sumbí òyópú pú osunápú ha ahá ání bumegyí Yudafò, mí ambla amó ònòkwali asón tsú Yesusu hògyi iwí ní.

⁸ Ndekléá òpasua kugyíkòtò á, ayin ání amó iwí letin bòtsúu ibí fva bò mpái. Òblò ntée nwéengyí mátsiá amótò. ⁹ Atsí ámu é budiá tati òkpa wankláánsó. Amó atò didáhé máwò ansíbi. Bómáduv iní bwe, wá sika ató, didá atatiá ibu ibiá òbú. ¹⁰ Atsiá bée butenyá Bulu ifú bubwée yilé. Mó òbéha bówa akíle ní. ¹¹ Ilehíán ání bétsiá asi díín, ha iwiasí súan ató. ¹² Mmòkòhá atsi òkpa mbéé, busúna ayin ató, ntée bogyí ayinsu. Mboún bòtsiá díín. ¹³ Tsúfée Adam Bulu légyankpá bwé asa òbòwe Hawa. ¹⁴ Megyí Adam é Satan lémlé, mboún Hawa òlemlé, òòkòsò líí Bulu mblasu. ¹⁵ Táme Bulu òbòhò òtsi nkpa tsòv ikwíso.* Ní òletalí kítá mò hògyi pú mò abadweto, òleha mu iwí letin, oletsíá nkpa é wankláán.

3

Òpasua Òhande Bwe

¹ Asón ánfí bu mótò. Ní òha òbwé agywun ání móbwe òpasua òhande a, alakle agyómá wankláán. ² Imehián ání òlala bétsiá òpasua òhande iwí. Òbwée òka òkòle òtsiápu, mu agywuntò da, otegyi iwíso, òbú bu mvsu, òtòhò afòó, otosúná ató é wankláán. ³ Òmábwe nta òbupú ntée òhá ání òbu inu. Òbwée òhá ání òleba iwiasí, mu asón lolwií. Òmábwe òtrépu, òmábwe kóba òdwepú. ⁴ Òbwée òhá ání òteki mu wóyísó wankláán, mu abí beba iwiasí, bütobú mu òkpagyíòkpasu. ⁵ Tsúfée ní òha méyín mu wóyísó kí wankláán á, nkálí òbétalí kí Bulu òpasua ámvsu? ⁶ Òmábwe òhá ání òledamlí klòntò mòkòwá òpá. Ní megyí alí á, ibéha mu òbòtsu iwí, Bulu òbébití mu isu fée Òbunsám. ⁷ Iní fée òma a, ilehián ání ahá ání buma òpasua ámòtò kóráá bétí mu idayilé. Ní megyí alí á, òbékpa wíé Òbunsám yibitò sòpa.

Òpasua Òhande Òbòápu

⁸ Òpasua òhande òbòápu é òbwée òhá ání òbú bu mvsu, òma nnonyò, òtamabò ntá, òma sika ònsípe. ⁹ Ilehíán ání òbékítá hògyi asón ámóú òlalun òwan ámòtò wankláán, mu klòv é méetrá ha mu ipón. ¹⁰ Mligyankpa pu agyómá ikv wa mu ibitò, pvsò mu kí bée òlala ma mu iwí, asa amlíha mu òbwe òpasua òhande òbòápu. ¹¹ Alí kén mu ka* é òbwée òtsiá òbú bu mvsu, òtamablí ahá iwí asv òlaláhe, otegyi iwíso, òbu ònòkwali tógyítátò ní. ¹² Òpasua òhande òbòápu òbwée òka òkòle òtsiápu, òtetalí kí mu abí pú

* **2:15** Tsòv ikwíso, ntée Tsòv mu abí kwíhésu. Idesuná ání Tsòv òbiá òtsi ámu òbòkwíso, ntée tsòv Yesu ikwíso. * **3:11** Mò ka ntée òpasua òhande òbòápu tsíhè

mu wóyísó wankláán. ¹³ Ahá butobú ɔpasua ɔhande ɔbuápu aní ɔtɔyó mu agyómá wankláán. Itchá mu ɔtetálí tóí tsú mu hógyiá ɔbu Kristo Yesuto.

Asɔn Njainhé Kpɔnkpɔɔnkpɔnti

¹⁴ Nde ɔwɔlɔ anfi wanlín sísí fú, táme ndun ansí aní nókɔsí ba mu. ¹⁵ Mómó ní nde ɔpá wa kóráá á, ɔwɔlɔ anfi íbéha fébi tsiátó oduá ilehián aní ɔha obétsiá Bulu wóyí, igyi Bulu Ɔkiankpaɔ ɔpasua ámɔtɔ. Ɔpasua ámu gyí ɔtan pú ntswiasí kpékplékpléé há ɔnɔkwali asón ámu ní. ¹⁶ Ɔnɔkwali, aní Bulusúm iwí asón ámúú ilalin ɔwan ámu lómoní. Múgyí,

Kristo† léle mu iwí suná fé nyankpɔsa.

Ɔɔhe Wankíhé léle mu suná aní yilé ɔbwepó ogyí.

Bulu-abɔpu bowun mu,

ahá bɛda mu asón ɔkan suná ɔmá féé.

Ɔyító ahá bɔhɔ mu gyí,

Bulu lótsu mu ya ɔsósó numnyamtɔ.

4

Afunu Ató Asunápó

¹ Ɔɔhe Wankíhé ámu lahié lé blí ɔbéé, bré tráhe amɔtɔ á, akw bési Kristosu hógyí. Bényaa asu nú afunu ɔɔhé asón pú ɔɔhe laláhe atosunáhé. ² Apinabwebí abwepó afunu ató asunápó anfi bugyí. Amó klɔn tamatráa ha amó ipón.* ³ Amódé ahá hie bɛɛ, bukísi atogyihe kw, bumátsiá aká móa akúlu é ní. Táme Bulu onutó lóbwe atogyihe ámu, aní ahógyipóá babí ɔnɔkwali ámu budáa mu ipán, abugyi. ⁴ Tógyítóá Bulu léle bu alé. Mú su ima alá abékisi kɔkw. Ilehián aní abóhɔ kugyíko, dá mu ipán. ⁵ Tsúfé Bulu asón pú mpái ámúú anlabó wólí atogyihe ámu ámu lahá mú lamlí Bulu klé.

Kristo Osúmpú Wankláán

⁶ Ní fɔpó asón anfi tswí apíó ámu ansító á, fóbwe Kristo Yesu osúmbi wankláán aní bapó hógyi amɔtɔ asón, pú atosunáhé wankláán ámu bólá fú, fɔde mótó. ⁷ Máyaa asu nú atsi dehen ɔte pú móa imotsú Bulu iwí. Mboún hie fú iwí, afɔsum Bulu wankláán. ⁸ Tsúfé ní fódé nyankpɔsa ɔyɔlɔv anfi hie á, labi kpalobí kw bu mótó. Táme ní fɔpó Bulusúm híé fú iwí á, íbu alé don. Tsúfé oyúla bu mótó há aní séi anfi anɔtsie nkpa, pú nkpa ámúú íbéba amɔtɔ. ⁹ Asón anfi bu mótó, ilehián aní abóhɔ mó. ¹⁰ (Nkpa anfi só anidé iwí laláa yɔ agyómá ɔwɔnlínsú), aní ansí din Bulu Ɔkiankpaɔ, ogyi ahá féé Ɔlepó, títriu ahógyipɔ anfisɔ ní.

¹¹ Suna amó ató anfi, afuha amó abugyi músú. ¹² Máha ɔhaa obu fú kebi. Mboún fú tóitɔ, fú nkpatsiátó, fú ahádwe, fú Bulu hógyi pú fú iwíwín íbwéé atosunáhé ha amó. ¹³ Ní mlefia a, bɔ mbódí afotsia kla Bulu asón suna amó. Da asón ámu ɔkan, afɔsuna amó ató alu yófun bréá néba. ¹⁴ Mákiná Bulu atokiehé ámúú ɔlɔpohá fú tɔɔn mu ɔnósú atópɔsɔ, bréá ɔpasua ahande ɔɔpu íbɔ dínká fósɔ amú. ¹⁵ Tsia bwe íni aná, afɔsi iwí ha mó, méní ahá bówun aní fódé nkpa yɔ. ¹⁶ Tsia kí fú tsiátó pú atosunáhé ámu. Tomi bwe mó alí, méní fɔhɔ fúa asón ámu anupó nkpa.

5

Tóá Abóbwe Há Ahógyipɔ

† 3:16 Bulu bu nwóló dada ámu akɔtɔ.

* 4:2 Amó klɔn labwé fé tóá bapó dátó wá ogyá, lé tó mó.

¹ Mákplɔn wa oyin dehen. Mboun̄ tɔi bla mu asón fé fú sí. Kita nyasubi ámu bu alá fékítá fú apio yinhé. ² Kita atsi dehen amu fé fú yín, afókita mbitebí ámu é fé fú apio tshé. Máwa amó mba.

³ Ɔpasua ámu bukú asurapvá buhié buma əbuápɔsɔ. ⁴ Táme ní ɔsurapu əku bu abí ntée aná á, ha amó abubí tóá ilehián aní bégýankpá bwé há amó akwíúpó ntée amó aná Bulusúm əkpaso, pɔka amó akɔ. Mógyí amósú kí, tsúfé mótɛgyi Bulu ansí ní. ⁵ Ɔsurapvá əhié əma əhaa tɔpú ansí dínká Bulusɔ, tsíá bɔ mpái ɔpa onyé, kólí Bulu tóá ide mu hián. ⁶ Ɔsurapvá mu kle gyí nkpagyí kotóó mú lawú asa əna əyító. ⁷ Bla ɔpasua ámu asón anfi, méní əhaa méeblí ɔsurapu əkuku iwɪ asɔn laláhe. ⁸ Ní əku mékí mu abusuanfɔsɔ, títriu mu wóyító ahásɔ á, mómó aladámli əma há hógyi amu. Inɪ sɔ mu lakpan dɔn əhá aní əməhɔ Bulu gyi.

⁹ Ɔsurapu oduá mu idá bétsiá asurapu adá əwɔlótó gyí, ɔsurapvá alahɔ tsú nfi aduesie póya, əlɔwa ənəkwalí há mu kulu.* ¹⁰ Ɔbwéə əhá aní ahá buyin aní ələbwe yilé, fé abísúkí, afɔəhɔ, olosúm Bulu ahá, † ətəbúa ahá aní bude iwɪəsin wúun, ələbwe agyómá wankláán kugyíku.

¹¹ Máwanlín asurapvá bəməkúdan adá wá əwɔlú ámuə, tsúfé ní amó əwólí ihá amó bəbwé agywuun aní bélatsiá akúlu a, bəmétrá talí súm Kristo ənəkwalisɔ. ¹² Inɪ ibéha bégýi pón, tsúfé batón amó ntam aní bəka há Bulu. ¹³ Əma a, buṭebí əwɔliyɔ wa, yíntá bré náti kí ahá wóyító. Megyí əwɔliyɔ wɔle, buṭemlí ahá iwɪ asón ablípó, náti wá ənə ahá asóntó, blí asón aní imehián aní bēblí. ¹⁴ Inɪ sɔ ndekléá asurapu amó bəməkúdan amu buwúna tsia akúlu kwɪ abí, abukí amó wóyísó, méní bəméəha anɪ alupó ‡ əkpa abubli anɪ iwɪ asɔn laláhe kuku. ¹⁵ Nde asón anfi blí, tsúfé asurapu akɔ badámli yó bubuo Ɔbunsám dodo. ¹⁶ Ní Okristoyintse əku bu asurapu mu abusuantə á, əkí amósú. Ɔmási amó tswɪ ɔpasua ámuə, méní ɔpasua ámu bénya əkpa kí amó buma əhaasɔ.

¹⁷ Ilehián aní ɔpasua ámu bəka ɔpasua ahandeá bude amó kpa akɔ wankláán, wá amó numnyam. Títriu amó bṭəbṭə mbódi Bulu asón amu əkanda pó mú suná iwɪ. ¹⁸ Tsúfé Bulu asɔn wanlínhé amu ileblí əbéə, “Botamawá ənantswieá əde ayó da ənə íkan.”§ Iletrá blí əbéə, “Agyómá əyɔpó buṭeká íkə.” ¹⁹ Ní əku ədá ɔpasua əhande asón súná fú á, máhɔ mú, nkéti fanú mú tsú ahá abanyó-abasá ənə asa. ²⁰ Wa iwɪn wa əhande ámu bṭə əde lalahə bwe ámu ɔpasua ámu ansító, méní atráhe bénya ifú.

²¹ Nlií Bulu muə Kristo Yesu pú Bulu-abəpu aní alalé ansító, nde fú he mbéə, fɔgyí asón anfisɔ wankláán. Mákí əhaa ansító ntée fúti fitátó kí. ²² Mákəsi tsíá yái əha ɔpasua əhande. Máwa ibi əha bambá lalahəbwetə. Ha fú iwɪ itɪn brégyíbré.

²³ Fú əmétó ilo ámu sɔ mátsiá nu ntsu wɔle, tsia nu ntá kpalobí-kpalobí.

²⁴ Akɔ lakpan meɲáin. Mú sɔ buṭəkósi wun mú bití amú isɔ. Akɔ klé é leɲáin, əma asa itelun əwan. ²⁵ Alí kén yilébwe tamanáin ní. Ní iməkəsi lɪn əwan kóráá á, itebelun əwan əma.

6

¹ Ilehián aní nkpábiá bubu ɔpasua ámuə bēhiə bú amó awíə, méní əhaa mókpóí Bulu muə anɪ atosunáhé amu. ² Ilehián aní amóá amó awíə bubu

* 5:9 Ɔsurapvá əməkókíná okúlu kí. † 5:10 olosúm Bulu ahá ntée ətəfwí ahógyipɔ ayabiasɪ.

‡ 5:14 Ntée olupó § 5:18 Deut. 25:4. Mú asi gyí, “Botamalé əkwén pó ibi tsítsi əwɔlótə.”

ɔpasua ámutɔ bóbu amú awíe amú ðun. Séi kórará ilehián ání bóbu amú ðun ní, tsúfɛ ahógyipɔ bɔgyi, butɔdwé amú é.

Afunu Atosundhé Pó Atonyahé Onutó

Íni aná gyi tóá fɔsúna amú, afɔwa amú atetɔ-onlin abɔbwe ní. ³ Ní ɔku lósuná atɔ laláhe ku, móa aní Wíe Yesu Kristo asɔn blíhé pú Bulusúm atosunáhé amú imená á, ⁴ idesuná ání ɔhá ámu dé iwí tsu. Omeyín tɔtɔ, nwéenkpanyí labólá mutɔ. Móbá itedáli tsu mótó gyi ɔnsípe, itré, isia pú agywɔn laláhe. ⁵ Asón ání imedéhián iwí nwéen ahá ánfí odu butenáti gyi. Amú agywɔn lawú, butamablí ɔnɔkwali. Amú odu butosúsu ání Bulusúm igyi ɔkpa kuá fátson músó nyá iwí.

⁶ Labi kpɔnkpɔnti bu Bulusúmtó ní tóá anibu yaí legyi aní ansí. ⁷ Tsúfɛ anímɔpɔ tɔtɔ ba ɔyítɔ, aníméetalí pú tɔtɔtɔ é náti. ⁸ Mú sɔ ní anibu atogyihe pú atɔ ðidáhé a, mliha mú kpán igyi aní ansí. ⁹ Ahá ání butekleá bɔnyáa atɔ á, ibwébwéébwé butekpá wíe isókí pú ayibitɔ. Amú mimlála tekpá amú yówie iwɔsɔn móa lalahetɔ, hí amú. ¹⁰ Tsúfɛ kóbadwe tópu lalahé kugyíku ba. Mú ɔma aku bagya alí, bafwí dalí hógyi amutɔ, ilahá amú buɔe awíreho tsɔtsɔtsɔ gyi ní.

Paulo Asón Tráhe

¹¹ Timoteo, fɔ mú á, Bulu ɔha fɔgyi. Mú sɔ há íni aná iwa ífó fú wá. Hie fú iwí, afɔbwe tóá ida ɔkpa. Bɔ mbódí afuha yilébwe, Bulusúm, hógyi, ɔdwe, klɔnya pú iwiasíba itsía fótó. ¹² Kɔ hógyi ikó wankláán ámu. Fú ibi béda nkpa ámú itamatá, Bulu obékie aní mú ɔma amú. Nkpa ánfí sɔ Bulu létí fú ní. Mú sɔ fobwíi ɔnó ahá tsɔtsɔtsɔ ansítɔ, gyi fú hógyi iwí adánsie ní. ¹³ Nlí Bulu, ogyi tógyítɔ nkpa ɔhapú mu Kristo Yesuá olegyi iwí adánsie wankláán Pontio Pilato ansítɔ, nde fú hie, ¹⁴ mbéé, fókíta mbíla ánfí fɛétó wankláán. Mási mótó kpéfun ekeá aní Wíe Yesu Kristo ɔbéle iwí ɔwan. ¹⁵ Bulu ɔkokónú ɔkɔle amú ilehián ání abékanfú. Mu nkɔle pé gyi Otúmípu, awíe fɛétó Owíe. Mu ɔbéle Kristo súná bré wankláán ámú mu onutó ɔlehié yaí ámutɔ. ¹⁶ Mu nkɔle pé tamawú, otsie ɔwankíkpa ání ɔhaa tamatálí kpókpe mánta mu. ɔhaa mókówun mu kí, ɔhaa móowun mu é ekekeke. Mu kle gyi obú móa túmi bré fɛé! Amen!

¹⁷ Bla ɔyí ánfítɔ iwí anyapú fɛe, bɔmátsu iwí. Bɔmápu ansí ðínká kóba anfi iméetsiá yó ánfisɔ. Mbóún bɔpúv ansí ðínka Bulusú. Mutéhá aní tógyítá abóponyá ansigyí ɔyí ánfítɔ. ¹⁸ Bla amú fɛe, bɔpúv amú kóba bwe yilé, amú yilébwe imoni. Busánki ibitɔ abɔkie atɔ. ¹⁹ Ní buɔe íni bwe á, buɔe atonyahé yaí há bré ámú íbá ámu. Amú ibi béda nkpa onutó ámu.

²⁰ Timoteo, kítá itó ámú Bulu lahá fú ámu wankláán. Asón ání ima asi, imosuná Bulusúm mádali fú ɔnó. Máwa iwí mimlá nwéengyí ání itamasúná Bulusúmtó. Aku butɔwá afunu beɛ, asónbi igyi. ²¹ Tsúfɛ aku batsɔn músó sí Kristosɔ hógyi.

Bulu ogyi mli buale.

Ɔwulɔ Nyɔɔsiá Paulo Lɔwanlín Sísi Timoteo

¹ Mí Paulo mó á, Bulu apé su ngyi Kristo Yesu sumbí ɔyɔpɔ. Ɖɔwa mí ɔbée, nyéda nkpa ámúɔ ɔlehie tɔn Kristo Yesusu ámu ɔkan.

² Míde ɔwulɔ ánfɔ wanlín sísi fɔ, mí bí ɔdwepɔ Timoteo. Anɔ Sí Bulu muɔ anɔ Wíe Kristo Yesu buwúun fɔ nwe, abɔgyi fɔ buale ha fɔ iwilwii.

Ɔpánda Pɔ Atɛtɔ-ɔnlɔn Wa

³ Nedá Bulu ɔpán. Mu ndepɔ klɔn ání umedé mí ɔpɔn ha súm, fé mí anáin. Timoteo, ní nde mpái bɔ ɔpa muɔ onyé á, ntekáin fúsú brégyibré. ⁴ Ní nekáin ntsúá felɔn bréá ndenatí sí fúsú a, ntekleá nówun fɔ, ménɔ ansigyí bɔbulá mító. ⁵ Ntekáin hógyiá fɔbu ɔnɔkwalsɔ. Hógyi anɔfɔ légyankpá tsíá fɔ ná Loitɔ ní. Iletrá tsíá fɔ yín Eunike étó. Nahogyiá mó odu bu fɔtɔ ní. ⁶ Inɔ su nde fɔ káin ání fɔháa Bulu atokiehé ámúɔ ɔleha fɔ bré ámúɔ nɔpɔ ibɔ dínká fúsú ámu ɔnɔ iwa ogyá tsíá mótó. ⁷ Tsúfé Bulu méha anɔ ɔhéá abɔpɔnyá ifú, mbouín muɔ itehá anɔ túmi, ɔdwe pɔ iwɔsɔgyí.

⁸ Mó su máha anɔ Wíe asún ámu blí iwa fɔ péli. Máha mí obudɔ é iwa fɔ péli. Mbouín wa klɔn Bulu túmitɔ, afɔtsula wun iwɔsɔn ání ilehián asɔn wankláán ámu su. ⁹ Bulu lɔhɔ anɔ nkpa. Ɖletɔ anɔ ɔbée, abémli mu aha wankihé. Megyí tɔtɔ anɔlɔbwe su. Mbouín igyi tóá mu onutó ɔlɔbwe agywun ání ɔbɔbwe asa ɔyí lebelɔn. Ɖbée, ɔbɔwa awitɔle há anɔ, dwé anɔ tɔn anɔ Kristo Yesunyɔ ɔkɔlebwesɔ. ¹⁰ Táme séi á, Bulu lalé mu awitɔle ámu ɔwan tɔn anɔ Ɖhɔpɔ Kristo Yesu ibásɔ. Móléyintá lowu túmi, ɔlele nkpa ání itamatá ɔwan súná anɔ tɔn asɔn wankláán ámusɔ.

¹¹ Bulu layái mí mu asɔn wankláán ámu ɔkan ɔdapɔ, mó sumbí ɔyɔpɔ pɔ mó osunápɔ. ¹² Mó sɔ nde iwɔsɔn ánfɔ odu wúun nɔ. Táme mmedé péli nya, tsúfé nyin ɔhá ání nahogyi. Nyin ání ɔbétali gyo itó ámúɔ ɔlɔpɔwá mí ibɔtɔ ámu iwɔ alɔ yɔfɔn mu ɔbáke. ¹³ Kita ɔnɔkwali asún ámúɔ nosuná fɔ ámutɔ. Yɔ mósú afɔhɔ Kristo gyi tsia. Dwe fɔ aba, tsúfé fɔa Kristo Yesunyɔ mlɔlabwé kɔle. ¹⁴ Ɖhe Wankihé ámúɔ ɔbu anɔtɔ ámu ɔtsáa fɔ, afɔtali gyo itɔ wankláán ámúɔ ɔleha fɔ ámu iwɔ.

¹⁵ Fuyin ání ahá ámúɔ buɔbu Asia, Figelo muɔ Hermogene buɔbu amótó ámu féé banatí sí mí. ¹⁶ Anɔ Wíe owúun Onesiforo wóyító ahá nwe, tsúfé mólétsiá wá mí ansigyí. Omenya mí obudɔ péli. ¹⁷ Bréá ɔleba Roma wúlutɔ á, olodunká mí kpéfɔn bréá olowun mɔ. ¹⁸ Anɔ Wíe owúun mu nwe mu ɔbáke ámu! Fuyin alá ɔlɔbúá mɔ nkpa tsɔtsɔtsɔsɔ Efeso wúlutɔ.

2

Isá Ɖkɔpɔ Wankláán

¹ Inɔ su mí bí, ha Bulu awitɔle ámúɔ ɔlɔpɔtɔn Kristo Yesusu ámu iwa fɔ ɔwɔnlín. ² Pɔ asún ámúɔ neblí, fonu ahá tsɔtsɔtsɔ ansító ámu wa ahá ání buɔbu ɔnɔkwali ibɔtɔ, ménɔ ámu é bétali súná aha bambá.

³ Tomi afɔwun iwɔsɔn ámúɔ anidéwúun ámu, fé Kristo Yesu isá ɔkɔpɔ wankláán. ⁴ Isá ɔkɔpɔ ɔkɔku tamatráa kɔ ɔma, tsúfé odekleá obégyi mu ɔhande ansí. ⁵ Alɔ kén ɔsrí ɔtsiípú ɔkɔku tamanya isogyí atokiehé, nkéti alagyí ɔsrí ámu mblasɔ ní. ⁶ Ɖɔtɔpɔwá ɔbu nsi tégyankpá dá atɔ papwe ɔnɔ. ⁷ Gywun asún ánfɔ nabláa fɔ ánfɔ iwɔ. Anɔ Wíe é ɔbéha fónu mó féé asi.

⁸ Kaín Yesu Kristo, Owíe Dawid mu na ámuṣu. Mu Bulu lókúṣá tsu afúlitó. Mógyí asón wankláán ámuṣú ndeblí ámu ní. ⁹ Asón áñfi só nde iwiasín wúun, bawá mí ikan fé lalahé ḡwepó ní. Táme bumakówá Bulu asón ámu mó ikan. ¹⁰ Ahá ámuṣú Bulu lalé ámu su natomi okpágiokpasu nde iwiasín wúun, méní Bulu ḡbótson Kristo Yesusu hḡ amú nkpa, amó ibi béda numnyam amúṣú itamatá ámu. ¹¹ Asón áñfi bu mótó.

“Ní ania mṡnyḡ awú á,
ania mṡnyḡ obétsiá nkpa.

¹² Ní atomi wun iwiasín á,
ania mṡnyḡ abégyi iwíe.

Ní akíná mu a,
mu é obékiná aní.

¹³ Ní animá onakwali a,
mu mó á, onakwalipṡ ogyi,
tsúfé otamatú atsonó tswi, lápú mu odandu tsú mó ekekekeke.”

Agyómá Gyapóá Olegyi Bulu Ansi

¹⁴ Tsia kaín amú asón áñfi. Tḡi kpla amú Bulu ansító fεε, bumátsiá tré asónsó. Labi kḡku ima mótó, tsúfé mó odu abwepó botehí. ¹⁵ Bḡ mbódi afuhḡ idá Bulu ansító, fé agyómá gyapóá mu agyómá ma mu péli, otosúná onakwali asón ámu wankláán. ¹⁶ Asón áñfi ima asi, imosuná Bulusúm mádalí fḡ onḡ, tsúfé itehá ḡha mu Bulunyḡ nsné tawá ifḡ. ¹⁷ Alí ámuṣú ḡlo tekléi ámu a, alí asón áñfi ablípú asón é tekléi ní. Amú aku gyí Himeneo mu Fileto. ¹⁸ Bafwí dalí onakwali okpa ámuṣu yḡ bḡdeblí beε, kusú tsú afúlitḡ laba bḡtsḡn, bḡde aku hḡgyi yintá. ¹⁹ Táme ntswiasí ámuṣú Bulu lḡwa há hḡgyi amḡ ilí kinkíinkín. Asón áñfi bḡwanlín dínká ntswiasí ámuṣu gyí, “Aní Wíe yin ahá áñfi bḡgyi mu kle.” Nyḡḡsi é gyí, “ḡhagyíḡha áñfi otetí mu iwí ḡbéε Okristoyin a, osíi lalahé bwe.”

²⁰ Megyí sika pepε mḡa sika futútú atḡ pé tetsiá wḡyí yilétó. Oyi mḡa isi atḡ é tetsiá mu. Butobú ikḡ don kv. ²¹ Ní ḡku ḡlé mu iwí lé lalahébwεḡ á, Bulu telé mó yáí. Alabwé ḡhá áñfi alasi iwí há, ḡbu labi, mu Wíe Bulu ḡbḡpḡ mu gyi gyḡma wankláán kugyíkḡ. ²² Iní su le fḡ iwí tsu nyasubi mḡa mbitebí mbagyítḡ. Fḡwun fḡa ahá ámuṣú bḡtḡpḡ ikḡn wankíhé kpólí Bulu ámu ansí bédinká yilébwe, hḡgyi, ḡdwe pḡ iwílwíisḡ. ²³ Le fḡ iwí tsu nwéengyí áñfi ima labi, itḡ wankláán kḡku méedali tsu mótótó, tsúfé foyin áñfi itré pé itetí. ²⁴ Ima aléá aní Wíe osúmpḡ ḡbḡbwe otrepḡ. Mboun ilehián áñfi ḡbḡwa awitḡle há ḡhagyíḡha, ḡbḡbwe osunápḡ wankláán, otenyá kḡn há ahá áñfi amú asón bu onḡn. ²⁵ Ilehian áñfi obénya kḡn tḡi kplá ahá áñfi bḡtḡkḡsḡ líi Bulu asón ámuṣu. Fíali Bulu obḡwun amú nwe, há amú bédamli kḡntḡ, bí onakwali amḡ, ²⁶ iha amú ansí iba asi. Fíali ibéha amú bédali tsu ḡbḡnsám amúṣú ḡbéε bḡgyi mu asónsó, abḡbwe mu apé ámu ayibitḡ.

3

Nke Tráhe Amṡtḡ Asón

¹ Táme mí bí Timoteo, bí áñfi ḡyítḡ bḡwa onḡn nke tráhe amṡtḡ. ² Tsúfé ahá bḡbwe awḡnsípḡ, bḡbwe kḡba adwepḡ. Bḡhḡ amú iwísu gyi, bḡtsu iwí, bésia ahá, bumḡonu amú akwípḡ asón, buméeyi ahá aye, amú iwí méetin, ³ bumḡḡdwe ahá, buméesi asón kíé, bḡbwe ahá iwí asón ablípḡ, buméetalí gyi iwísu, bḡbwe awuntḡlnḡpḡ, bumḡḡdwe itḡ wankláán kḡku. ⁴ Béle ahá há, bumḡosusú asón iwí, békí amú iwíá bḡdḡn ḡhagyíḡha, bḡdwe ḡyítḡ ansigyí sí Bulu. ⁵ Bḡbwe iwí fé Bulu bḡdesúm, táme békíná mu túmi. Le

iwí lẹ ahá ánfí oduṭ. ⁶ Amó odu botebítíwíé ahá wóyító, dámlí atsíá amó ansító ma ɔnlun agywun. Atsí ámu odu á, lakpan lamlí amó ató svráhé, ɔwólí laláhe labólá amótó. ⁷ Butekleá bónu ɔhagýíɔha atosunáhé, táme bóméetálí bí ɔnɔkwálí amu ekekεεke. ⁸ Alí ámúú Yane mva Yambre bakúsú líí aní náin Mosesu ámu a, alí ahá ánfí é bakúsú líí ɔnɔkwálí asón ámuṣu ní. Amó agywun lawú. Hógyitó é á, buma ɔlíkpá. ⁹ Táme bómóyɔ nkpa don alí, tsúfé amó mimlá bélun ɔwan, ɔhagýíɔha obówun. Alí ileba Yane mva Yambresu ní.

Paulo Asón Tráhe

¹⁰ Timoteo, fó mú fuyin mí atosunáhé fée, mí tsiátó, tóá ɔkpa nya, mí hógyi, mí iklonya, mí ahá iwí ɔdwe pú alíá notomi wun ipian, ¹¹ alíá ahá bedínká mísó pú mí ason wunhe. Móa ileba misu Antiokia, Ikonion pú Litra ɔmátó. Notomi, aní Wíe léle mí tsú mú fээ́tó. ¹² Léle mú á, ɔhagýíɔha aní odekléá obóbuo aní Wíe Kristo Yesu, ɔbwée Bulu apé á, ahá boteđínká muṣu. ¹³ Táme aha laláhe pú ahá asísípu mú á, bóyɔ amó lalahewesu don alí. Bénatí mlé ahá, ahá é bémle amó. ¹⁴ Táme fó mú á, kítá fó ɔnɔkwálí amóú fakásí, fó onutó fahó músó gyí amotó kínkíínkín, tsúfé fuyin ahá ámúú bosuná fó ató ámu wankláán. ¹⁵ Tsú fó nyebitɔ ɔpá febi Bulu ason wanlínhé amu. Mú ɔbétalí há fó nyánsa fópɔhɔ Kristo Yesu gyi ni. Mú su Bulu ɔbóhɔ fɔ nkpa é ní. ¹⁶ Bulu ason wanlínhé ámu fээ́ itsú Bulu onutó wá. Ibu aláá bópɔsúná ɔha, púkíná asón há ɔha, pútswíí ɔha, púbólá ɔha, íbéha yilébwe bémantá mu, ¹⁷ méni íbéla Bulu ɔha bwé wankláán, ɔbófɔn ha gumagyihe wankláán kugyíko.

4

¹ Nlí Bulu mva Kristo Yesuá ɔbéba begyi akiankpapu pú awupó asón, obébegyi iwíe ansító, nde fó ɔlá da mbée, ² fudáa Bulu asón ámu ɔkan. Ní fóbɔ ɔkpa o, fuma ɔkpa o, mási mú blí. Nya klɔn afɔtswii amó. Kina asón ha amó. Wa amó atetɔ-ɔnlun, afɔsuna amó atosunáhé wankláán ámu. ³ Tsúfé bré ku íbá, ahá bóméetrá ya asu nú atosunáhé wankláán ámu. Bɔbwe tóá íletsíá amó, náti dúnká ató asunápú oduá bósuná amó tóá bodekléá bónu. ⁴ Békiná ɔnɔkwálí asón ámu yóbuo ɔte. ⁵ Táme fó mú á, ha fó ansí íba así ɔkpagyíɔkpasu. Tomi afɔwun iwíɔsin. Bli ason wankláán ámu wankláán, afubwe agyómá ámúú Bulu léha fó ámu mɔ ɔnɔ.

⁶ Mí mú á, bré lafɔn aní bópɔ mí obugya wólí así fé ntá há Bulu fé afɔdie-abotó. Mí lowu lafɔn. ⁷ Nakó ikó wankláán ámu tá. Natsíí ɔsrú amu é tá. Nakítá hógyi amotó kínkíínkín. ⁸ Séí á, tóá ída gyo mí gyí ísogyí atokiehéá Bulu tɔpóhá ahá aní babwé yilé, aní Wíe Yesu, ogyi asón ogyípú ɔnɔkwálípu amu ɔbópɔhá mí eke yilé ámúú obéyinkí ba amu. Táme megyí mí nkole ɔbóbwe íni há. ɔbéha ahá ámúú bode mu yinkí bá ɔkpa kí amu é fээ́.

Paulo Onutó Iwí Asón

⁹ Bɔ mbódí afókosi ba mí wá, ¹⁰ tsúfé ɔyító ató de Dema ansigyí wa. Mú su alayínkí mí ɔma, náti ɔyó Tesalonika wúlutɔ. Kreske ɔyó Galatia, Tito é ɔyó Dalmatia. ¹¹ Luka nkole bu mí wá nfi. Mú su ní febá á, kpa Marko buo iwí, tsúfé ɔtetsá mí agyómá yɔ. ¹² Nawá Tihiko sísí Efeso. ¹³ Tsu mí ligá pú mí nwóló ámúú nesi tswí Karpo wá Troa wúlutɔ ámu ba mi. Mátan nwóló ámúú ídin nwóló-kpákpásó amu ésú.

¹⁴ Kóóbrí ató ɔbwepú Aleksandro lópu laláhe ku gyi mi. Ulehan mi wankláán. Aní Wíe ɔbéka mu íko. ¹⁵ Kí fú iwí wankláán muṣu, tsúfé ɔlókusú líí aní ason blíhé fээ́sú.

¹⁶ Bréá ahande beha beε nlée mí ònó á, òhaa méléí mí òma. Amó féeε besrí sí mí. Bulu osíkíe amó. ¹⁷ Táme aní Wíe lélí mí òma, òlwa mí òwònlín. Mó sù netaí bláa amó asón aní nde féeε, méní ahá aní bomegyí Yudafo féeε bónu. Alí Bulu lópólé mí tsú lowutò ní. ¹⁸ Aní Wíe òbéle mí tsú lalahε kugyíkòtò. Òbékpa mí pútò alu yówie mu òsósó iwíegýí ámòtò. Numnyam ibwéeε mu kle bré féeétó. Amen.

Iklá

¹⁹ Nehá Priska mba mu kulu Akwila pò Onesiforo wóyító ahá féeε itsiá. ²⁰ Erasto lésin Korinto wúlutò, Trofimo é délò. Mú sù nesi mu yáí Mileto wúlutò. ²¹ Bò mbódí afòba asa atsalbí ifon. Eyubulo mba Pude, Lino mba Klaudia pò apíó ámu féeε behá fú itsiá.

²² Aní Wíe òkpáa mli, ogyi mli buale.

Ɔwulú Paulo Lówanlín Sí sí Tito

Itsiáha

¹ Mí Bulu osúmbi Paulo, ngyi Yesu Kristo sumbí ɔyɔpú dé ɔwulú ánfí wanlín.

Bulu léle mí ɔbée, mbeha ahá ámú alalé ámu abutra nya hógyi tsia. Mí ansuna amú abubi ɔnokwalia íbéha amú bétsiá tsiátá ílegyi mu ansí.

² Fówun íha amú abudinka ansí nkpa ání itamatású. Bulu tamawá afunu! Móléhe mó yáí asa ɔyí lebelun. ³ Aní Nkpa Ɔhópú Bulu léle mu asón ánfí ɔwan mu onutó brétó, ɔlɔpɔwá mí íbító ɔbée, ndáa mú ɔkan.

⁴ Nde ɔwulú ánfí wanlín sí sí fú Tito, ání fóggyi mí bí onutó Kristo hógyi amoto.

Aní Sí Bulu mva aní Ɔhópú Kristo Yesu bogyi fú boale, aboha fú iwilwii!

Tito Gyumagyihe Kreta

⁵ Tóá suá nesi fú yáí Kreta ɔmátó gyí alhá fómá aní agyómá ɔnó mu, yáí ɔpasua ahande wulugyiwulusu fé alhá nebláa fú. ⁶ Imehián ání ɔlala bétsiá ɔpasua ɔhande íwi. Ɔbwée ɔká ɔkule otsiápu, mu abí bogyi ahógyipu. Bubuú ató; bumábwe nyebí laláhe. ⁷ Iníá Bulu agyómású ɔpasua ɔhande amu déki su á, ɔlala mátsiá mu íwi. Ɔmábwe ɔhá ání ɔtamaho ahá asún, ntée ɔtokósi nyá ɔbló, ntée ɔtabó ntá, ntée otekle íkó ntée ɔbu sika ɔnsípe. ⁸ Mboún ɔbwée ɔhá ání ɔtáho afóó, ɔtabwé yilé, ɔbu nyánsa, mu asón da ɔkpa, mu íwi létin, otegyi íwisu. ⁹ Ɔbwée ɔhá ání asón ámú bosuná mu amu íbu mótó. Ilehian ání ɔbékítá mótó kinkíínkín, méní ɔbétalí há ahá bóbuo atosunáhé wankláán ámu, tálí gyi ahá ání bégyi atosunáhé amu nwéen éso.

¹⁰ Tóá suá nde iní bí gyí, ahá tsotsɔtsɔ bakósú líí atosunáhé wankláán ámusu, bude asón ání ima labi pómle ahá. Títiriú ketétin mblassu agyípú amu dé iní bwe ní. ¹¹ Ilehian ání mléka amú itin, tsúfé bude atóá imehian ání bosunátó. Iní lahá abusuan tsotsɔtsɔ bafwí ɔkpa. Bude mó bwe é pódúnká sika ɔkpa laláhesu tsú ahá wá. ¹² Kretafó ámu onutó yébi ɔhapú ɔku kóráá léblí ɔbée, “Afunupu, mbwikítá-ató, apotsuapu pú awolyɔpú Kretafó bogyi.” ¹³ Ɔnokwali asón ánfí gyí. Mó su kina ha amú kinkíínkín, méní amú Kristo hógyi ɔnó bówa ɔnlun. ¹⁴ Abusi Yudafó ɔte nu, si ahá ámú bakíná ɔnokwali amu atosunáhé éso gyí. ¹⁵ Ɔhá ání mu íwi létin Bulu ansító á, tóggyító íwi létin ha mu. Táme toto íwi métin ha lalahé ɔwepúá ɔtamaho Yesu gyi. Léle mó á, mu agywun layintá, mu klun é lasi mu ipón ha su ɔtamabí yilé ntée lalahé. ¹⁶ Butɔpó ɔnó bí be boyin Bulu, táme amú bwehé losuná ání bumeyín mu. Bubu Bulu nyányáa, butamabú mu, butamatálí bwé itó wankláán kókué é.

2

Atosunáhé Wankláán

¹ Táme fú mó á, suna amú tóá ilekanáa atosunáhé wankláán ámu. ² Suna ayin dehen amu abogyi íwisu, abubwe ahá ání obú bu amúsú, butegyi íwisu. Buhie kíta amú hógyito kinkíínkín. Búdwée ahá wankláán, abuhie tomi. ³ Suna atsi dehen é abotsia tsiátá ilekanáa Bulu osúmpú. Bumábwe ahá íwi asón ablípú, ntée ntakpan anupu. Mboún busúna tóá íbu alé. ⁴ Amú atosunáhé íha mbitebí ámu abudwe amú akúlu pú amú abí. ⁵ Bogyi íwisu,

abuba amó iwí itin. Búbwée atsiá buteki amó wóyísó wankláán, búbwé yilé, búbobú amó akúlu, méní òhaa mókporí Bulu asón ámu.

⁶ Tòì kpla nyasubi é abugyi iwísu tógyítóá bóbweta. ⁷ Fú onutó é bò mbódí afole tsiátó wankláán suna, fò bwehé kugyíkotò. Ha fò ansí òpe, afusuna òòkwali asón ámu tsu fò klòntò. ⁸ Suna òòkwali amu, méní òhaa méetalí kúsú líí fò atosunáhésu. Fówun pèli békítá fò alupó, ní bumenya òlala blí tsú aní iwí.

⁹ Suna nkpábi é abubu amó awíe òkpagyíòkpasu. Búbwée tógyító igyi amó awíe amu ansí. Búmátsiá lé amó asón ònó. ¹⁰ Búmáwi amó awíe, mboún búbwáa òòkwali ha amó tógyítótó, méní amó bwehé béha ahá ansí bégyi aní nkpa Òhòpò Bulu atosunáhé amu iwí.

¹¹ Tsúfè Bulu lalé mu awítale òwan. Múgyí, odekléá òbòhò anyánkporísa fèé nkpa. ¹² Mu awítale amu òlasúná aní ilehián aní abési laláhe bwe, sí aní òwólí laláhe òmagyáa, gyi iwísu, bwé yilé, aní asón igyi mu ansí òyí ánfítò. ¹³ Bré ánfí anidé òkpa kí há eke yilé ámuó Bulu Òkporìkporìntì, ogyi aní Òhòpò Yesu Kristo òbéle mu numnyam òwan ánfí. ¹⁴ Mòlòtsulá bómò mu aní su, méní òbéle aní tsú lakpan kugyíkotò. Òtin aní iwí, pò aní bwe mu onutó ahá, aní ansí òpe yilébwesu.

¹⁵ Suna ònì aná, afutòì kpla amó abugyi mósú. Fubu òkpa wá iyin wá amó, ní bumedébi bwé. Máha òhaa òkí fú ansító kótíkótí.

3

Okristoyin Tsiátó

¹ Tsia kan amó abuba iwíasi ha òmá akpapú, abugyi ahande mblassu, abubu amó. Bókú aní bóbwe tóá igyi yilé brégyíbré. ² Búmáblí òhaa iwí asón laláhe, búmágyi nwéén é. Mboún búbwée ahá aní bolwíí, abuba iwíasi ha òhagyíòha. ³ Tsúfè bré ámu a, aha mimláhe aní é anugyí. Asutò lówa aní ònlun. Anulófwi, mlí nkpábi há òwólí laláhe pú atóá itòwá òha ansigyí. Anuléyintá bré súsú laláhe móa tóá òde aní ansí òpe iwí. Ahá bolu aní, aní é anulólu amó. ⁴ Táme aní nkpa Òhòpò Bulu léle mu awítale pú òdweá òbu ha aní òwan. ⁵ Òlele aní, támé megyí yilé kuku anulóbwe su, mboún mu nwewúun su. Òlòtsun Òje Wankíhé amusu fwi aní lakpan lé anísu, òlelakwíí aní, há aní nkpa pòpwe. ⁶ Òlòtsun aní Òhòpò Yesu Kristosu, tséí Òje Wankíhé amu wólí anísu. ⁷ Òlòbwe aní alí, méní òbówa awítale há aní, tsú mó aní aní asón da òkpa, fówun aní òbì bédá nkpa aní itamatá ámuó anidé mó òkpa kí amu. ⁸ Asón ánfí bu mótó.

Yiri iwí afusuna mó wankláán, méní ahá ámuó amó ansí òn Bulusu ámu bétsiá bwé yilé brégyíbré. Múgyí tóá òbu alé, òbówa labi há òhagyíòha ní. ⁹ Mápò iwí wá mimlá nwéengyí, anáin òlínò kláa, pò mbli ámu iwí òtrétó. Labi ma mótó kugyíkotò. ¹⁰ Tòì kpla òhá aní òtetí òtré wá ahá nsíné tse nyò pé. Mó òma a, si mu asón. ¹¹ Bì aní òhá ámu odu nwuntò bu òklún. Oyin aní laláhe mòdebwe. Alahá mu iwí pón dodo.

Paulo Asón Tráhe

¹² Nenyá wá Artema ntéé Tihiko fú wá pé, bò mbódí afubòtu mí Nikopoli wúlutò, tsúfè nabwé agywíun aní nétsiá ònu atsalí bí. ¹³ Bò mbódí afusi mbli osunápó Sena móa Apolo òkpa wankláán. Tòtò òmáhián amó òkpatò. ¹⁴ Ha aní pì amu é abubu alíá búbwáa aba agyómá yò wankláán, méní bétalíkí ahá aní buma tòtòsu. Fówun búmòbwe ahá aní amó iwí mówa labi.

¹⁵ Ahá ámuó bobu mí wá nfí ámu fèé behá fú itsiá. Ahá ahógyipò amóó búbwé aní ámu òtsiá.

Bulu ogyíí mlí fèé bualé.

ᾠωβὺβά Paulo Λῶwanlín Sísi Filemon

Itsíáha

¹⁻² Mí Paulo ání nda obu Kristo Yesu sɔ pú aní pío Timoteo dé ᾠωβὺ ἄnfi wanlín. Aní dé mó wanlín sísi fò aní pío ᾠdwepó, fógýi aní agyómáyᾠbá Filemon, fᾠa aní pío tshé Apia mva aní agyómáyᾠbá ání ogyi isá ᾠkᾠpó Arkipo mva Kristo ᾠpasua ámᾠbú bᾠtefia fᾠ wóyítᾠ amᾠ fᾠé. ³ Aní Sí Bulu mva aní Wíe Yesu Kristo bᾠgyíi mlí bᾠuale, abᾠha mlí iwílwii.

Filemon ᾠdwe Pó Mᾠ Hógyi

⁴ Opío Filemon, ntᾠdá Bulu ipán fᾠ nwunsᾠ brégyíbrᾠéá nde mpáí bᾠ. ⁵ Tsúfᾠ ndenu alíá fᾠde Bulu ahá fᾠé dwe, fᾠde aní Wíe Yesu hógyitᾠ kínkíínkín. ⁶ Nde Bulu kokóli mbᾠé, ᾠháa afᾠtalí bla ahá fᾠ hógyi iwí asón, méní ᾠbᾠha fónu itᾠ wankláán ání anlanyá Kristo búotᾠ asi. ⁷ Mí pío, ᾠdweá fᾠbᾠ lahá ansí de mí onutᾠ óó gyí, ilawá mí atᾠtᾠ-ᾠnlín. Tsúfᾠ fᾠ awítᾠle lahá Bulu ahá klᾠn ladí amᾠ asi.

Paulo Ipabwíi Onesimo Nwunsᾠ

⁸⁻⁹ Iní sᾠ nᾠtalí wá klᾠn kólí fᾠ atᾠ. Tekí mbᾠ ᾠkpa híe fᾠ mbᾠé, fᾠbwᾠé tᾠá ilehián Kristo sᾠ. Táme ᾠdwe ámᾠbú mbᾠ ha fᾠ ámᾠ sᾠ ndeklᾠá nókólí fᾠ mbᾠún. Mó sᾠ tsu mó ání mí oyín dehen Paulo, ngýi fᾠ nyáwíe Yesu sᾠ, séi nda obu dé fᾠ kólí. ¹⁰ Nde fᾠ kokóli mbᾠé, fᾠwúun mí bíá nda obu asa nakwíi mᾠ, ogyi Onesimo nwe. ¹¹ Mᾠ dá ámᾠ asi gyí ᾠbᾠ labí. Tekí ᾠmᾠwa labí há fᾠ brᾠá ᾠlesrí sí fᾠ, táme séi mó ᾠbᾠ labí há mía fᾠnyᾠ.

¹² Ntᾠdwe mᾠ tsú mí klᾠntᾠ, táme nde mᾠ yinkía sísi fᾠ. ¹³ Tekí ndeklᾠá néha mᾠ otsia fᾠ otsiákpá mí wá nfi, ᾠtsa mí brᾠé ánfi nda obu Bulu asᾠn wankláán ámᾠ ᾠkan da sᾠ ánfi. ¹⁴ Táme mmedéklᾠá nᾠbwe tᾠtᾠ tsᾠn fᾠ ᾠma. Mmedéklᾠá néhe fᾠ é. Ndeklᾠá itsu fᾠ klᾠntᾠ.

¹⁵ Tsu mó fᾠé, Onesimo lᾠsrí sí fᾠ brᾠé itinbítᾠ, méní ᾠbᾠela betsiá fᾠ wá brᾠé fᾠé. ¹⁶ ᾠtráa omegyí ᾠkpábi. Alamlí opío ᾠdwepó onutᾠnutᾠ há mí. Mᾠá idᾠn a, falányá ᾠkpábi pᾠ opío dᾠn mí séi.

¹⁷ Mó sᾠ ní fᾠyin ání fᾠ bá gyí mí á, mᾠmᾠ kpla mᾠ wa iwítᾠ fᾠ alíá fᾠbwe mí. ¹⁸ Ní ᾠᾠpᾠ ilá kᾠ gyí fᾠ, ntᾠé ᾠde fᾠ ikᾠ kᾠ á, bu mó tswí mᾠ. ¹⁹ Mí Paulo onutᾠ lapó mí ibí wanlín iní, “Néka fᾠ.” (Ima alᾠá néblí mbᾠé, fᾠ onutᾠ ámᾠ óó á, mᾠlᾠhᾠ fᾠ nkpa.) ²⁰ Iní sᾠ mí pío ᾠdwepó, aní Wíe sᾠ wa labí ha mí. Ha klᾠn idí mí asi Kristo sᾠ.

²¹ Nyin ání fᾠbwe mó dᾠn alí kᾠráá. ²² Mó ᾠma a, bᾠ mbᾠdí afᾠla ᾠdikpa yai mí, tsúfᾠ nde ᾠkpa kíá Bulu ᾠbᾠsᾠ fᾠ ᾠnᾠ, néba mlí wá.

Iklá

²³ Epafra ání mía mᾠnyᾠ anida obu Kristo Yesu sᾠ ᾠhá fᾠ itsiá. ²⁴ Alí kén mí agyómáyᾠbá Marko mva Aristarko pᾠ Dema mva Luka é bᾠhá fᾠ itsiá ní.

²⁵ Aní Wíe Yesu ogyíi mlí bᾠuale.

ᾠδὴ Βῶανλίν Σίσι Hebrifó

Bulu Asón Ina Mv Bi Amvsv

¹ Bímí ámv a, Bulu lótsvn ðkpa ðtsan-ðtsansv tói kplá anv anáin bré tsotsòtsòtò tsvn mv ðnósò atóipúsv. ² Táme séi ánvfí ðví íbá bómò ðnós ánvfí mó á, alatói kplá anv tsvn mv Bi ámvsv. Mvgví ðhá ání Bulu léle ání ógyi mv ató ní. Mv Bi ánvfísv ðlòtsvn bwe tógyító. ³ Mvsv Bulu ᾠkpnkpnntí numnyam tówánkí tsvn. Mvgví ðhá ání ðlehué lian Bulu, ðde mv asón ámvóú íbv túmí ámv pòkí tógyítósó nv. Bréá ðlogyoráa anv tá á, oletsíá ðsósó Bulu Otúmípv amv gyòpísv.

Bulu Mv Bi Amv Lófvd Dvn

⁴ Bulu lótsu mv Bi ámv fúá dvn Bulu-abòpv fée. Alí kén ðleha mv dá dvn amó ní. Iní lósuná ání ðdvn amó fée. ⁵ Tsúfé Bulu mókòbláa mv abòpv amvòtò ðkòkòkú kí ðbée,

“Mí Bí gyí fú,
ndε nabwé fú Sí.”
Ntéε bláa amótó ðkòkú ðbée,
“Nóbwe fú Sí,
fú é fóbwe mí Bí.”

⁶ Iní ðma asa Bulu ðbówa mv Bití ámv sísí ðyító á, ðleblí ðbée,
“Mí abòpv fée busúm mv.”

⁷ Tósá ðleblí tsú mv abòpv amv mó íwí gyí,
“Nabwé mí abòpv fé afú.*
Nabwé mí asúmpú fé ogya plenplen.”

⁸ Táme ðlebláa mv Bi ámv mó ðbée,
“Oo Bulu, fú iwíegyí méεta ekekekeke!
Yilébwe gyí fú iwíegyí akonfra.

⁹ Yilébwe futekle. Futekísí lalahε fée.
Mó sv mí, fú Wie Bulu nalé fú, dá fú ofúli.
Napó ansigyí wá fútó dvn fú aba.”

¹⁰ Bulu asvn wanlínhé amv létrá blí ðbée,
“Mí Wíé, fólówa ðsulóv ntswíasi bréá fefí ðví asi.
Fú onutó íbí fòpvbwe ðsósó.

¹¹ Mó fée bófwi, táme fú mó fétsíá bré fée.
Mó fée bóbwe dáda fé tatida.

¹² Fókuntá mó fé tati.
Fétse mó fé atadiε.

Táme fú mó fvtamatse.
Fú nkpa móòmò ðnós ekekekeke.”

¹³ Bulu mébláa mv abòpv ðkòkú ðbée,

“Tsia mí gyòpísv,
yófvn bréá nòpv fú alupó bwé fú ayabi oyíkpa.” fé alíá ðlebláa mv Bi ámv.

* 1:7 afú ntée ðhé. ᾠhé móa afú lehan aba Griiki ðblíto.

¹⁴ Ntò mee Bulu-abəpu bugyi? Megyí ɔɛ bugyi, Bulu tɔwá butɔbúa ahá ání ɔbóhɔ amó nkpa?

2

Nkpaḥḥó Kpənkpəənkpənti

¹ Ini su ilehián ání abékítá ɔnəkwalı asón ámúú anılanú ámúto kínkíínkín, ménı iméedalı anı ıbu. ² Tsúfé mbıla ámúú Bulu lówa há anı anáın tsun mu abəpu su ámu igyi ɔnəkwalı. Inı su ahá ámúú bəwa asutə-ɔnlı, bomegyi mósú ámu benya ısubıtı ání ıda ɔkpa. ³ Nkálı anı mó abétalı srı ısubıtı ámu, ní akíná nkpaḥḥó kpənkpəənkpənti ánfı? Anı Wıe onutó légyankpá blı mó asón. Ahá ámúú bonu mó ámu é begyi mó ıwı adánsıe súná anı bεε, ıbu mótó. ⁴ Bulu onutó é lóbwe ofúla pú osúna ɔtsan-ɔtsan mu túmitə, ɔleha ahá mu ɔɛ Wankıhé atokıehé bréá ıletsıá mu, pódínká ıbwi mósú ání ɔnəkwalı igyi.

Nkpaḥḥó ɔkpa Osunápú

⁵ Bulu mápı ɔyi ámúú ıbá, anıdé mó ıwı asón blı ámu wá mu abəpu ıbıtə ɔbéε, bugyi mósú. ⁶ Mboún fé alıá ɔku lówanlın wá Bulu asón ámúto ɔtınεku ɔbéε,

“Oo Bulu, ntə nyankpəsa gyı, só fı ansı ıdın mɔsu alı?

Ntə nyankpəsa gyı, su fıteki mɔsu?

⁷ Bré ıtinbí kutə pé feba mu ası dın fı abəpu.

Fəpu numnyam pú obú dínká mɔsu,

⁸ feha mu ɔde ató féésú gyı.”

Nı Bulu asón ánfı déblı ɔbéε, “Ató féé” á, ıdesuná ání tətə mesian ání ɔmedé mósú gyı. Séı ánfı á, anımókúnyá wun ání ɔde ató féésú gyı. ⁹ Táme anılawun Yesu. Bulu léba mu ası dın mu abəpu bré ıtinbí kutə. Awıtəle Bulu lówa bwé mó alı, tsúfé ɔleha Yesu lówu ɔhagyısha nwunsu. Anılabı ání séı á, Bulu lapó numnyam pú obú dínká mɔsu, ıwıasın ámúú olowun, wú ámu su. ¹⁰ Bulu, ató féé ɔlepú pú mósú ɔkırı amu ɔbékpa mu abı tsətsəətsə ba mu numnyamtə. Mó su ıbu aléá ɔlatsın Yesu ámúú ogyı amú Nkpa ɔhəpu amu lowusu há mu ɔɔfɔn, ménı ɔbóhɔ amó nkpa.

¹¹ Yesu ámúú ɔtəgyóraa ahá lé amú lakpantə ámu mwa ahá ámúú alagyóra amu féé babwé ɔsí ɔkule abı. Mó su ıma mu pélı ání ɔbétı amú ɔbéε mu apıó.

¹² ɔlebláa Bulu ɔbéε,

“Nékla fı bwehé súná mı apıó.

Nékanfú fı anı ofıakpa.”

¹³ ɔleblı bré bámbátó é ɔbéε, “Nəpu ansı dínká Bulusu.” ɔletrá blı ɔbéε, “Kı, mıa abı ámúú Bulu lapóhá mı ámu líı á.”

¹⁴ Inıá anyánkpsa abı ámúú Bulu ləpuhá mu amu bugyi su á, ɔɔbwe mu ıwı nyankpəsa fé amú, ménı ɔbətsın mu lowusu swıı ɔbunsám túmı, yıntá mu. ¹⁵ ɔkpa ánfı pəsú ɔbétalı tsun há ahá ámúú benya lowu ifú, su bəbwe nkpaıı amú nkpatə féé ámu bėgyı ıwı ní. ¹⁶ Tsúfé ıda yaı ání megyı Bulu-abəpu nkpa ɔhəkpa ɔleba, mboún Abraham abı-aná. ¹⁷ Inı su ilehián ání ɔbélian mu apıó tógyıtótó, ménı ɔbəbwe amú igyi ɔhapú dehen ání obówun ahá nwe, wá ɔnəkwalı Bulu ansıtó. Fówun ɔbétalı bó amú lakpan ıwı afədıe há Bulu, obésıkıé amú. ¹⁸ Bəsə mu kı, mu onutó é ɔlatsın ıwıasıntə. Mó su ɔbétalı gyı ahá ání butəsə amú kı é buale.

3

Yesu Dın Mose

¹ Iní sù apíó aba ání Bulu latí mlí wá ɔsúsú ayɔpótú, mlípu ansí dínka Yesusu. Mɔgyí Bulu sumbí ɔyɔpó pú mu igyí ɔhapú dehen amóú anidé mu iwí asón blí ámu ní. ² Ɖɔwa ɔnɔkwali há Bulu, Bulu léle mu ɔbéé, ɔbɔyɔ mu agyómá fé alí amóú Mose lówa ɔnɔkwali há Bulu, Bulu lópu mu wóyí féé wá mu ibitɔ ámu. ³ Táme obú bu Yesusu don Mose, fé alíá butobú wóyí oyípu don wóyí ámu. ⁴ Wóyigyíwóyí á, ɔha léyi mó, táme ató féé ɔbwepó gyí Bulu. ⁵ Mose lóbwé osúmpú ɔnɔkwaliɔwá ɔde Bulu wóyísú kí. Ɖlebláa amó asón ání Bulu ɔbéblí ekekú. ⁶ Táme Kristo lóbwé obi ɔnɔkwaliɔwá ɔde Bulu wóyísú kí. Bulu wóyító abí anigyí, ní anilówa klɔn kítá mu ɔkpakító kinkíinkín yófon mó ɔnómaké.

Bulu Ahá Bédá Ɖkpónó

⁷ Mó sù ibu Bulu asón ámɔtɔ ání Ɖhe Wankíhé léblí ɔbéé,

“Nde, ní mlonú Bulu ɔme a,

⁸ mlímáwa asɔtɔ-ɔnlɔn, fé alíá mlí anáin Israelfɔ

bɔbwé bréá bɔkusú lí Bulusu,

ɔɔ mu kí dimbí ámusu.

⁹ Inó mlí anáin bɔsɔ mi kí ní.

Ibu mótsá bowun mí bwehé nfi adɔvana (40) kéké.

¹⁰ Iní sù nanya ɔbló wa amó, blí mbéé,

‘Butedáli mí ɔma brégyíbré,

kíná mí asónsú gyí.’

¹¹ Mó sù nanya ɔbló ká ntam mbéé,

‘Ní bówie mí ɔkpónó ɔdakpá unu fíin! Neká nɔtón!’ ”

¹² Mí apíó, mlíki wankláán ání mlítɔ ɔkuku méenya klɔn laláhe ání itamahɔ Bulu gyi, méní iméeha mu ɔdali Bulu Ɖkiankparu amu ɔma.

¹³ Mboún mlítɔi kpla aba ekekegyíekéá ɔyí leke, beti mó “Nde,” fé alíá Bulu asón wanlínhé anfi ideblí. Fówun lakpan méemlé mlítɔ ɔkuku, há mu ɔwa asɔtɔ-ɔnlɔn. ¹⁴ Tsúfé ní akítá aní hógýtɔ kinkíinkín, fé bré amóú anilótsɔ hógyi amu yófon mó ɔnómá a, ania Kristonyɔ abékan, bwé toku kole.

¹⁵ Fé alíá Bulu asón wanlínhé amu léblí. Ɖbéé,

“Nde, ní mlonú Bulu ɔme a,

mlímáwa asɔtɔ-ɔnlɔn, fé alíá mlí anáin Israelfɔ

bɔkusú lí Bulusu.”

¹⁶ Amendi lónu Bulu asón blíhé, táme bɔkusú líi musu? Megyí ahá amóú Mose lékpa tsú Egyipte ɔsolósu ámu féé? ¹⁷ Amendi Bulu lénya ɔbló wá nfi adɔvana (40) kéké? Megyí amó kén lóbwé lakpan, bowu sin dimbísú unu ní?

¹⁸ Amendi Bulu léka ntam há ɔbéé, “Ní bówie mí ɔkpónó ɔdakpá unu fíin! Neká nɔtón?” Megyí ahá amóú bɔkusú líi musu ámu? ¹⁹ Mómú ilawánkí aní ání amó Bulu máhógyi sù bɔmɔyɔ ɔsolósu amusu yéda ɔkpónó.

4

¹ Nnihé amóú Bulu lóbwé ɔbéé, mópɔ mu ɔkpónó ɔdakpá há aní ámu itráa da. Mó sù mliha akí wankláán, méní iméeba ání mlítɔ ɔku oméenya unu yó.

² Tsúfé beda asón wankláán ámu ɔkan súná aní, fé amó, táme bɔmɔhɔ asón ámusu gyi. Mó sù imɔwa labi há amó. ³ Tsúfé aní ahá amóú anilahɔ mósú gyi amu obówie mu ɔkpónó ɔdakpá unu. Ahá amóú bɔmɔhɔ mósú gyi amu mó á, Bulu léblí tswí ɔbéé,

“Nanya ɔbló, ká ntam mbéé,

‘Ní bówie mí ɔkpónó ɔdakpá unu fíin! Neká nɔtón!’ ”

Ibu mótó ání Bulu léhuhíe òkpónú òdakpá iwu yáí tsú bréá òlele òyí òpá. ⁴ Tsúfè b̀wanlín eke síénósí amu iwí asón wá Bulu asón ámutò b̀e, “Èke síénósí a, Bulu léda òkpónú tsú mu gyumagyihe f̀éétó.” ⁵ F̀e alíá anlanú b̀atsun a, Bulu òb̀e, “Ní b̀owie mí òkpónú òdakpá iwu f̀in! Nèká ǹtón!” ⁶ Iní d̀suná ání ako mú b̀owie iwu. Táme ahá ámutó begyankpá nú asón wankláán ámu b̀umenya iwu yó, tsúfè b̀umobu mu. ⁷ Iní su Bulu létrá h̀e eke b̀ambá, òletí mú “Nde.” Nfí tsòtsòtsò oma a, òlòtsun Owíe Dawidsu t́í tsú alí eke anfí iwí, f̀e alíá ibu Bulu asón ámutò òb̀e, “Nde, ní mlonú Bulu òme a, m̀límáwa asotò-ònlín.”

⁸ Ní amó òkapú Yosua léha b̀eda òkpónú á, tekí Bulu métrá h̀e eke b̀ambá. ⁹ Iní su òkpónú òdaké kwá ina òtsan ida gyo Bulu ahá, f̀e alíá Bulu léda òkpónú eke síénósí amu. ¹⁰ Tsúfè òhá ání olowie òkpónú òdakpá iwu é ladá òkpónú tsú mu é mu gyumagyihe kugyíkòtò, f̀e alí ámutó Bulu léda òkpónú tsú mu kle kugyíkòtò ámu. ¹¹ Mú su m̀liha abò mb̀ódí awie òkpónú òdakpá iwu, m̀éni anitò òkòkò méésin òkpatò f̀e alí ámutó Israelfò ámu b̀owa asotò-ònlín, besin òkpatò ámu.

¹² Tsúfè Bulu asón ámu ibu nkpa, it̀yó agyómá. Ibu ogyá dun òdayí iya anyò kugyíku. Itèká òha alí yówie mu òkláa pò mú òjé offiakpa, mu ntsakpá pò mu awú nfòtò. Itegyí aní agywun pò t́á anitekke tsú aní klòntò asón. ¹³ Tòtòtò tamanj́án Bulu! Tógýítò da yayá mu ansítò. Mu abóyòbu aní tsiátò akúnta kugyíku súná ní.

Aní Bulu Igyí Òhapú D̀ehen

¹⁴ Aníbu igyí òhapú d̀ehen kp̀ankp̀antí ání aladá fá òsúsú yó òbu Bulu wá. M̀gyí mu Bi Yesu. Iní su m̀liha akíta Yesu anfí anidé mu iwí adánsie gyí anfítò kinkíínkín. Anímádinkí ansí musu. ¹⁵ Tsúfè mu mú omegyí òhá ání omóonu aní así ní animétálí gyí iwísu. Ogyí òhá ání b̀asò mu kí òkpagyíòkpasu f̀e aní, táme òm̀b̀we lakpan ekekekeke. ¹⁶ Iní su m̀liha awa klòn, ayò Awitòlèpu Bulu obíá así. F̀ówun obówun aní nwe, wá awitòlè, kpá aní aní ohíánke.

5

¹ Lé b̀utelé igyí òhapú d̀ehen okugyíòku tsú mu aba anyánk̀p̀òsato, òtelí amó nwun Bulu ansítò. Òtòhò atò hahé pò lakpan afòdiè-abòtò tsú amó wá, pòhá Bulu igyí. ² Mu onutò é òtamatalí gyí iwísu bré tsòtsòtsòtò. Mú su otenyá klòn há ahá ání b̀umeyín òlala pò amóá bafwí òkpa. ³ Mú su ilehián ání òb̀òb̀ò afòdiè há mu onutò lakpan, f̀e alíá òtòb̀ò há mu ahá. ⁴ Òhaa tamawá mu iwí numnyam òb̀e, Bulu igyí òhapú d̀ehen m̀gyí. M̀b̀oun Bulu t́tí òha, b̀wé mu mu igyí òhapú d̀ehen, f̀e alíá òb̀wè Aaron.

⁵ Alí kén Kristo onutò é m̀ówa iwí numnyam ání Bulu igyí òhapú d̀ehen m̀gyí ní. M̀b̀oun Bulu lébláa mu òb̀e, “Mí B́ gyí f̀ò.

Nde nabwé f̀ò Ś.”

⁶ B̀wanlín wá Bulu asón ámu òtínèku é b̀e, Bulu òb̀e, “Bulu igyí òhapú f̀ogyí bré f̀éétò, f̀e Melkisedek.”

⁷ Bréá Yesu tsie nkpa òsòlòu anfísu á, òlòpu kokóli m̀óa isú b̀ò mpáí, kp̀lón kóklókú, pò mu atò kolíhè tswí Bulu ání òb̀etalí h̀ò mu nkpa ansítò. Mu iwiasibá sum Bulu su Bulu lónu mu mpáí. ⁸ Ibu mótóá Bulu mu Bi ogyí mú, táme òlòtsun iwíòsintò asa òletalí bí alíá Bulubu ihíe igyí. ⁹ Iníá òb̀wè tógýítóá Bulu lówa mu b̀we su á, olemlí òkpa ání ahá ání b̀otobú mu f̀éé

bótsun músó nyá nkpahóó ání itamatá. ¹⁰ Bulu léle mu súná ání ogyi mu igyi ðhapó ðehen, fê alá ðleyái Melkisedek.

Mlimási Hógyi Amoto

¹¹ Mbu asón tsòtsòtsòá abéblí tsú Melkisedek asón áni iwí. Táme mú asile súná mli ibówa onlin. Tsúfê séi á, mlitráa mlimédé asón asi nu osasu. ¹² Teki bófun alí bré ánfito á, mlíamlí asunápó, táme mlilétrá hián ðhá ání obósuná mli atò gyankpapóá ibo Bulu asón ámoto. Mógyí, mliléhián atosunánehá ðapən fê nyópu-ntsu. Megyí múá ibo onlin fê atò wihé ntée atogyihe onutó. ¹³ Táme kebi bəbwe tónyópó. Omeyín tóá gyí yiləbwe. ¹⁴ ðhande tégyi tóá ibo onlin, tsúfê alatsontsun ntobító ki, alakási bí yilə múa lalahe.

6

¹ Mú su mlímlátrá bitía aní ayabi ya əma. Mliha akasi múá ibéha aní abóyo nkpa, asi Kristo iwí atosunáhé gyankpapu amoto plá laplá. Mehián ání abétrá suná ató tsú Bulu hógyi pó klontodamlí tsú bwehéá itetí lowu iwí, ² atosunáhé tsú asúbo, ibi podínká əhasu,* afúlikosó pó Bulu asóngyí eke tráhe amu iwí. ³ Ní Bulu lótsulá á, múmó múá ibéha abóyo nkpa sónn abósuná mli ngya.

⁴ Ní ahá ání bawun Bulu wanki amu ki, badá əsósú atokiehé ənó ki, banyá Əhe Wankihé amu é ki, ⁵ badá Bulu asón ámóú ibo alé ámu pó bré ámóú ibéba amoto túmi ənó ki, ⁶ mú əma bedida hógyito á, botamatáli trá damlí klontó. Tsúfê amó onutó ámu trá bude Bulu mu Bi ámu da mántá oyikpalihesu, tsú mú lí bee, ahá bəbwee mu ahinlá ní.

⁷ Anyánpósa aku bəgyi fê əsolóá itonu ntsuá nyankpo détswie wólí músó, ató təwá alé, wá labi há ahá ámu su ámóú bədo mú ámu. Bulu toyúlá alí ahá áni odu. ⁸ Táme aku é bəgyi fê əsolóú ání tunkpa múa awu aná təkwe músó, botamawá labi. Ní bəmeki wankláán á, Bulu əbólwí amó, wá amó ogyá.

⁹ Táme apíó adwepó, ní nde iní blí ó á, opúni medé mí tsií. Tsúfê nyin ání mlidé atə wankláán bwe, idesuná ání Bulu lahə mli nkpa. ¹⁰ Tsúfê tóá ida əkpa Bulu təbwé. Əméetan mli gymagyihe pó ədweá mlilalé súná mu tsú mu ahátsatə, mlitráa mli bu músó. ¹¹ Nhíe ndeklé mbéee, mlitə okugyíəku əbówa iwí əwonlín, bwé mú yəfun mú ənómo, fówun itó ámóú mli aní dín músó ámu ibéba mútə há mli. ¹² Mmedékléá mli mlí əhétə awəlyəpó. Mboun mlíkasi ahá ámóú amó hógyi pó amó uklonyə su amó ibi bédá itó ámóú Bulu léhie yái ámu.

Bulu Léđinká Ibwí Tóá Əlehie Yáísú

¹³ Bréá Bulu léka ntam há Abraham a, əhaa má inová ədon mu Bulu. Mú su mu onutó iwí əlópoká ntam. ¹⁴ Əbéee, “Nekáse, néhie yúlá fú. Néha fú abí-aná békłéi tsòtsòtsò!” ¹⁵ Abraham lénya klən. Mú su olenya itó ámóú Bulu léka ntam əbéee méha mu amu. ¹⁶ Ní əku əbéka ntam a, əhá áni ədon mu idá ətəpóká ntam amu. Isuna ání nweəngyí koku má mu ntam amu iwí. ¹⁷ Iní su bréá Bulu dékléá obósuná ahá ámóú əlehie tó ámu há ámu ání əméetse mu agywuən ekekekeke á, əletanə mu iwí. ¹⁸ Bulu tamawá afunu! Mu tó ámóú əlehie yái ámu, pó ntam amu igyi atoku anyə ání iméetse ekekekeke. Iní su aní ahá ámóú anilasrí tanu mu amu anibu tóá abóppwá iwí əwonlín, akita tó ámóú anidé əkpa kí amoto kinkíínkín. ¹⁹ Aní əkpakí aní lakítá aní yái

* **6:2** Ibi podínká əhasu igyi amándíe ání əpasua ahande botəbwé pówá ahá ání balé há gyoma ku gyí əpasua ámoto əwonlín, ntée pótsá ahá ilo, ntée pókólí Bulu Əhe Wankihé há amó.

fé alá òtan tekítá obu líí. Aní òkpakú anfi tekpá aní, anitòtsv̀n tati ámóó isian òsósú Òwankíkpráto Òwankíkprá obu-òno ámutò wíe mótó. ²⁰ Aní sv̀ Yesu lagyankpá yó òbu obu ámutò inu dodo. Alamlí igyí òhapó dehen ání òbu inu bré f́éétó há aní fé Melkisedek.

7

Bulu Igyi Òhapó Melkisedek

¹ Melkisedek anfi á, owíe ogyi Salem. Òlòbwe òsósúósú Bulu amò igyí òhapó. Èke òku Abraham lóyòkò awíe abaná aku isá, gyí amósú. Bréá oleyinkí òbá á, olefia Melkisedek. Melkisedek lóyulá mu. ² Abraham léye atóá olenya tsú isá ámutò idú, òlòpò idúsí há Melkisedek. Idá ánfí así gyí, “Yilébwe Owíe.” Mu idá kule é gyí “Iwilwii Owíe,” tsúfé Salem así gyí, “Iwilwii.” ³ Bulu asón meblí asv̀ansv̀ tsú Melkisedek akwíró ntée mu úntò, mu kwí ntée mu lowu iwí. Òlèlian Bulu mu Bi ámu. Bulu igyí òhapó ógyi bré f́éétó.

⁴ Mlíki alá Melkisedek gyí òha kpònkprònkprònti òku. Aní náin Abraham kóráá léye mu atóá olenya tsú isátó idú, pò iku kule há mu. ⁵ Mose Mbla léha Lewi abí-aná, bogyi igyí ahapó ámu òkpa ání bvhóo ató yée idútó kule tsu amó ahá Israelfò wá. Ibv̀ mótó ání Abraham abí-aná amó é bogyi. ⁶ Melkisedek anfi mótsú Lewi abí-anátó, táme òlòhò Abraham ató yée idútó kule, yúlá Abraham mboún ámóó Bulu léka ntam há ámu. ⁷ Nwéengyí ma mó iwí ání òhá ání otoyúlá òv̀n òmóá bòdeyulá. ⁸ Yudafo igyí ahapó ámóó butòhò Israelfò ató idútó kule amv̀ butowú, táme òlòhò Abraham atóyeto idúsí anfi mó trá otsie nkpa fé alá Bulu asv̀n wanlínhé amv̀ déblí. ⁹ Ní anumòowa afunu a, abétalí blí aníaa, bré ámóó Abraham lópv̀ mu ató idútó kule há mu amv̀ a, Lewi abusuan ámóó butòhò Israelfò ató idútó kule amv̀ é beka mó tsv̀n Abrahamsv̀. ¹⁰ Tsúfé Lewi bv̀ mu nain Abraham iwíto, bvm̀akónyá kwí mu asa mu nain lópv̀ mu ató idútó kule há Melkisedek.

¹¹ Ibv̀ mótó ání Mose mbla ámu léblí ání Bulu igyí ahapó bvtósu Lewi abusuantò. Ní bétalí há òha òbòfv̀n a, tekí Bulu métrá le mu igyí òhapó bámbá ání ogyi fé Melkisedek, omotsú Aaron abusuantò. ¹² Ní betse igyí ahapóle mbla ámu a, mó mó ilehián ání bétse Mose mbla ámu é. ¹³ Tsúfé aní Wíe anfi anidé mu iwí asón blí ánfí otsú abusuan bámbátó. Abusuan ánfíto òhaa mókósúm afòdié-asubwi amv̀sv̀ kí. ¹⁴ Òhagyíòha yin ání Yuda abusuantò aní Wíe anfi otsú. Mose méti abusuan ánfí idá bréá òde abusuan oduá bóbwe Bulu igyí ahapó iwí asón blí.

Bulu Igyi Òhapó Bambá Aní Ogyi Fé Melkisedek

¹⁵ Bulu mbla ánfí tsée latráa wankí aní tsía, tsúfé igyí òhapó bámbá labèle iwí òwan fé Melkisedek. ¹⁶ Mbla dada amv̀ ilosuná ání Lewifò nkòle òbwéé igyí ahapó, táme megyí bæe mu anáin bvtósu Lewifòto sù òlòbwe igyí òhapó. Mboún mu nkpa ání umòomò òno èkèkèkèkè túmíto òna òlòbwe igyí òhapó. ¹⁷ Tsúfé bòwanlín wá Bulu asón ámutò bæe, “Bulu igyí òhapó fógyi bré f́éétó, fé Melkisedek.” ¹⁸ Idesuná ání balé igyíha mbla dada amv̀ ibwi, tsúfé umòwa ogyá, umòwa labi é. ¹⁹ Tsúfé Mose mbla ámu métalí bwé tótòto ifv̀n. Séi á, Bulu lapó aní òkpakú wankláán ání idv̀n mbla dada amv̀ yái mó otsiákpá. Móá ibèkpríá aní mantáa Bulu.

²⁰ Bulu léka Yesu iwí ntam ání òbóbwe mu igyí òhapó bré f́éétó. Òmeká igyí òhapó bámbá òkòkòv̀v̀kwí iwí ntam. ²¹ Yesu iwí ntam ání òleka bréá òlòbwe mu igyí òhapó gyí, “Mí Bulu, naká mí iwí ntam ání

igyí ðhapó fúgyi bré fээтó.
Mmээлатε mí agywun!”

²² Ina ntam anfi su Yesu labəbwe əma əlípó há Bulu nhuhíé ání ihíé bu alé dvn nhuhíé dada amv.

²³ Bulu igyí ahapó ámúú betsiá nhuhíé dada amv ənó ámu buhíé butso, tsúfé butowú sí agyómá ámu tswi. ²⁴ Yesu mó bu inu bré fээтó. Mó su mu Bulu igyíha mómə ənó ekekeeke. ²⁵ Mó su ətətáli hə ahá ání butətsən musu ba Bulu wá fээ nkpa plíplíplí. Tsúfé otsie Bulu wá, əde mu kokóli amú nwunso bré fээтó.

²⁶ Yesu gyí Bulu igyí ðhapó dehen onutó ání andéhián ni. Mu iwí letun, tsitsa kuku uma mu iwí. Lalahé kukuvku é uma mvta. Bulu léle mu lé lakpan abwepú əkpasv, há mu otsiákpá fuáhé əsúsúú. ²⁷ Imehián ání mu mó obégyankpá bó mu lakpan iwí afədie, fé igyí ahapó dehen atráhe amv. Amú mó betsiá bó há amú onutó lakpan ekekegyíeke, asa bəbə há ahá atráhe. Ətsáwule pé mu mó ələbə afədie há ahá fээ lakpan, bréá ələpv mu iwí bó afədie ahá fээ nwunso. ²⁸ Mose mbla léha ahá ání bapən bəbwe Bulu igyí ahapó dehen. Táme mbla ámu əma a, Bulu léka ntam lé mu Bi. Alahá mu Bi ámu labwé mu igyí ðhapó dehen ání ələfun bré fээтó.

8

Ani Igyí ðhapó Dehen

¹ Asón ání ndeblí fээ gyí, anibv Bulu igyí ðhapó dehen ání ógyi ali, otsie Bulu Otúmípv amv obíá gyəpísv əsúsú. ² Əde Bulu igyí ha Əwankíkpáto Əwankíkpá onutó ání ibv əsúsú inu. Mó mó á, Bulu onutó léyi mó, megyí nyankpəsa.

³ Bulu igyí ðhapó dehen okugyíəkv á, mu agyómá gyí, əbópv ahá ámu atə hahé pv amú afədie-abətó há Bulu. Inu sv ilehián ání anu Bulu igyí ðhapó dehen Kristo é obénya tóá əbópohá Bulu. ⁴ Ní əsulúv anfisv əbv a, teki əməəbwe Bulu igyí ðhapó ekekeeke. Tsúfé Bulu igyí ahapó onutó bubv inuá butehá Bulu igyí Mose mbla ənó. ⁵ Igyí ahapó amv butətswe Bulu igyí əhakpá ání ilelian əsúsú tati-obu ámu. Inu sv Bulu léda Mose əlá bréá əbəbwe tati-obu ámu əbée, “Ki ání fəbwe tógyító fé obu ámúú nele súná fú ibusv inu ámu odu pépéépé.” ⁶ Táme Yesu igyíha agyómá ámúú Bulu léha mu amv léhié fúá dvn əsulúsv igyí ahapó dehen amv klé. Ntam pəpwe ámúú ibv ania Bulu nsiné, Yesu gyí mó əma əlípó amv é ihíé bu alé dvn ntam dada amv. Tsúfé əlehiə atoyiléá móbwe há anu wá mótó.

⁷ Ntam gyankpəpv amv inəfun. Ní iləfun a, teki nyəəsv metrá hián. ⁸ Táme Bulu ləwun ání anyánkpsa bumebí bwé. Mó sv əleblí əbée, “Eke əkv ibá. Mí mli Wíe déblí.

Mía Israelfə pv Yudafo abéka ntam pəpwe.

⁹ Iməəbwe fé mó ámúú iletsiá mía amú anáin nsiné,

bré ámúú nekítá amú ibi, kpá amú dalí Egipte əsulúsv ámu.

Tsúfé bumegyi mí ntam amvsv.

Inu sv nesi amú iwí há amú.

¹⁰ Ntam anfi obétsiá mía Israelfə nsiné
eke ámu ni. Mí mli Wíe déblí.

Nəpv mí mbla wá amú nwuntə,

nəwanlín mó dínká amú klənsv.

Nəbwe amú Bulu,

amú é bəbwe mí ahá.

¹¹ Amótó əkəkv méétrá suná mu pio,

ntée mu ba obée,

obú Bulu.

Tsúfée amó fée bēbi mí.

Tsú nyebísó yófun ahandesu.

12 Nési amó lakpan kíé amó.

Mméétrá kaín lalahéá babwésú.”

13 Ní aní Wíe dē ntam pəpwe iwí asón blí á, mómú ilosuná aní dada amó itráa ma labi mu ansító. Tóá uladan bwe dáda a, wu itowú.

9

ጋሥሌህ ሌቤ ጋሥሌህ ቢህሌህ

¹ Bulusúm mbla letsia Bulu ntam dada amoto. Bəbwe tati-obu aní bósun Bulu mótó əsləslə nfi. ² Bəpu tati tin tati-obu amó ənó, bəpu ikole é ká mótó. Beti obu gyankpəp amoto bəe, ጋwankíkpá. ጋkandíe-oyí aní butonywé nkandíe bian mósó pú əpónú aní bodobodoá bapóhá Bulu igyí idin mósó bu inu. ³ Obu nyəəsí amóú ibu tati nyəəsí amu əma amoto butetí, ጋwankíkpátó ጋwankíkpá n. ⁴ Sika pəpə əfədiə-asubwi bu inu. Bulu Ntam-dáka aní bəpu sika pəpə piatá mú iwí fée é itsie inu. Butəwá əhién ogyá əfədiə-asubwi amusu. Atoku asa búv Bulu Ntam-dáka amoto. Múgyí, sika pəpə əlankabi aní atogyihé kuá beti mú mana bu mótó, Aaron oyi yíahé amóú iləpəí amú pú abwi pétéplé anyə amóú Bulu lówanlín mu mbla dínká mósó amú é bu mótó. ⁵ Bəbwe Kerubim anyəá bəbu numnyam, bugyi ntobí akvá bəbu abámba dínká ntam-dáka amú obuasu. Amó fée betinkí amó abámba fia aba, ilobun dáka amusu. Amó nsiné inu Bulu tesí ahá lakpan kíé amó ní. Táme megyí séi abéle asón ənfi asi.

⁶ Alí bela ntobí amú yái inu ní. Bulu igyí ahapú amú butowíé obu gyankpəp, igyí ጋwankíkpá amoto ekekegyíeke yóyo amó agyómá. ⁷ Bulu igyí əhapú dehen pé towíé obu nyəəsí, igyí ጋwankíkpátó ጋwankíkpá amoto. ጋtsáwule pé otowíé inu ofitó. Ilehián aní əbəpu əbwi obugya aní əbəpəbó əfədiə há Bulu mu onutó nwunsu pú ahá lakpan aní bəbwe, bəmeyín su ya inu. ⁸ Tóá ጋhe Wankíhé amú désuná tsú ntobí ənfi iwí gyí, ጋwankíkpátó ጋwankíkpá inu əkpa lefin wa amó bréá tati-obu amú gyí amó Bulu ətswékpa. ⁹ Iní igyí atosuanhé há nde əyi kehe. Idesuná aní ibu mótóá butəpó atə hahé pú əfədiə-abətó há Bulu igyí, táme iméetalí há mú əhapú amú kləv isi mu ipón ha aní mu iwí latn tsú mu lakpantə. ¹⁰ Tsúfée ntobíá igyí, atogyihé, atonuhe pú amándíe aní nyankpəsa təpógyóra iwí keke mbla amú losuná. Bulu lóbwe mbla amú fée há nyankpəsa, aní əkíta mótó bəfun bré ənfi alabwé əkpa pəpwe aní bəpəbwe mú ənfi, animéétrá bwe dáda amú.

¹¹ Kristo labəbwe Bulu igyí əhapú dehen há atə wankláán amóú ilaba amú. Mu tati-obu aní əbu mótó bu əsósú. Inu tati-obu amú dən əsləslə klé, iləfun dən mú é. Megyí nyankpəsa lóbwe mú mú, imotsú əyí ənfitə é. ¹² Megyí atrəkpa pú nnantswie yínhé obugya Kristo ləpəya ጋwankíkpátó ጋwankíkpá inu. Mu onutó obugya ələpəya inu, ələpəká aní nwunsu ikə ətsáwule pé, anlénya nkpa aní itamatá. ¹³ Mose mbla amú ənó á, akpaláa pú nnantswie obugya pú ənantswiebí aní bawá mu ogyá, alahə nsúó butowúnnya wolí ahá aní ifin lada amó, pógyóra amó. ¹⁴ Ní betalí bude mbwi obugya kóráá putn ahá iwí á, ntogyi su Kristo obugya méetalí tun ahá iwí dən? Kristo lətsən ጋhé amóú ibu inu bré fée amusu, pú mu iwí lé mbusuo aní iləfun há Bulu. Mu obugya amú ibétin aní kləntə tsú bwehéá ibékpa aní wá lowuto iwí, méní abéetalí süm Bulu ጋkiankpa amú.

15 Iní sv Kristo gyí ntam pəpwe aní əbu Bulu mva anyánkpoša nsiné əma əlípó, méní ahá amóú Bulu latí amv bénya ató amóú itamayíntá, əlehiə yáí há amó amv. Tsúfé Kristo lowu amv ilahá amó bagyi iwí tsú lakpan amóú bəbwe bré amóú bobv ntam gyankpapv amv así amvto.

16 Ní əkv əwánlín nhúhé há mv atótó yéə tswí a, otowú asa itəyó agyómá. 17 Tsúfé nhúhé amv ima labi bréá əhá amv onutó tsie nkpa. Mv lowu əma itəwá labi. 18 Iní sv bəpəv obugya sí Bulu ntam gyankpapv amv ésó asa ɔəyɔ agyómá ní. 19 Tsúfé bréá Mose lékla mbla amv féé súná Israelfə tá á, ələpəv ntsu fráa nnantswie pó akpaláa obugyato, pó kufa iwí imi pəpə móa ífá kvá bətətí mú Hisop wúnnya obugya fráhe amv wólí mbla əwólú amv pú ahá amv féésó. 20 Múv əleblí əbée, “Obugya aní ndepusí ntam aní Bulu laká há młsv ní.” 21 Alí kén ələpəv obugya amv kv wúnnya tati-əbu pú ntobí amóú bətəpótswə Bulu amv féésó nı. 22 Lélé mú Bulu mbla amv ənó á, abétalí blí aniaa, obugya bətəpógýóra tógyító. Ní bəməpəv obugya lé mbusuo á, lakpansikíé tamaba.

Kristo Afədie Télé Anı Tsú Lakpantə

23 Alí ilehián aní bəbwe amándíé anfi pógýóra ntobí anfi igyi fé əsósó klé amv nı. Táme əsósó klé amv ilehián afədie aní ihé đvn əsolósv klé anfi. 24 Iní sv Kristo mówie tati-əbuá nyankpəša ləpəv mv ıbı bwé, igyi fé əsósó klé amv oduťó ní. Əsósó ələyɔ yélú Bulu ansító, əde mv kokóli ha anı. 25 Əməpəv mv iwí yóbə afədie tsenyə-tsesa, fé alí amóú Bulu igyi aharú dehen amv bətəpó mbwı obugya ya əsolósv Əwankıpátə Əwankıkpá mv offfıgyıofı amv. 26 Nı alı igyi á, tekı ilehián aní Kristo obétsiá wun iwıəsvn wú tsé dú tsé lafa, tsú bréá əyí lefi ası əpá. Mboún alalé iwı əwan əyí ənóməbí anfi, pú mv iwı bəbə afədie ətsáwəle pé pólé ahá tsú amó lakpantə. 27 Igyi fé alıá ıda yáí anı ətsáwəle pé əha obówu. Mú əma a, Bulu obégyı mv asón. 28 Alı kén Kristo ləpəv mv iwı bə afədie ətsáwəle pé, pólé ahá tsətsəətsə tsú amó lakpantə ní. Mú sv ní əlé iwı əwan otse nyəəsv a, imehián anı əbétrá bwe tətə tsú lakpan iwı. Mboún ahá anı bohé bətsie bəgyo mv nkpa əbá bəhə.

10

1 Alı amóú Mose mbla léle súná anı bəpóha Bulu igyi amv ılehan mú amóú ıbəba amv keke. Mú onutó amv Kristo labəbwe á. Afədie oloku əkvle amv bətsiá bə há Bulu offfıgyıofı. Táme ımetalı há ahá amóú bətebeha igyi amv abəfəv Bulu ansító. 2 Nı ıletalı tın amó iwı Bulu ansító ətsáwəle pé á, tekı besı afədie amv bə, amó klvn é ılesı amó ıpón ha anı babwé lakpan. 3-4 Tsúfé nnantswie yínhé pú atərkpa obugya méetalı lé nyankpəša tsú mv lakpantə ekekekeke. Mboún ha itehá mv ətekáın mv lakpansv offfıgyıofı. 5 Inı sv bréá Kristo əbá əyító á, əlebláa Bulu əbée, “Megyí atə hahé móa afədie fódedunká.

Mboún əyólúv feła yáí mí.

6 Fú ansı megyı mbwı tóhé
pó lakpan afədie iwı.

7 Múv nəblı mbée, ‘Mı Bulu, mı ní.
Nəbá bəbwe fú apé,

fé alıá bəwanlın mı iwı asón wá
fú ason wanlínhé amvto.’”

8 Olegyankpá blı əbée, “Megyí afədie móa atə hahé, mbwı tóhé pó lakpan afədie fódedunká. Fú ansı megyı mú iwı.” Əleblı alı, támə mbla əkpasú ilehián anı bəbwe mú. 9 Múv əletrá blı əbée, “Mı Bulu, mı ní. Nəbá bəbwe fú apé.” Mú sv Bulu lalé afədie dada amv ıbwı, pú Kristo afədie amv wá mú

otsiákpá. ¹⁰ Yesu Kristo lóbwε Bulu apé, pú mu iwí bó afódiε aní nwunso ótsáwóle pé, há bré fée. Mú su aní iwí latin.

¹¹ Igýí ðhapú okugyíáku telíí bó afódiε oloku ókole amó ekekegyíεke. Afódiε-abótó ámúóf tenyá póbó mú tsé dú tsé lafa ámu kén ótápóbó mú ní. Táme afódiε ánfi méetalí lé ahá tsú amó lakpanε ekekeεke. ¹² Kristo mú lénya bó lakpan iwí afódiε ótsáwóle pé ámu a, ðeta fée, oleyétsiá Bulu gyópisu. ¹³ Tsú alí bré ámúto ópá otsie ino ogyo bréá Bulu óbópu mu alupó bwé mu ayabi oyíkpa. ¹⁴ Mu afódiε kole pé ámu ðahá ahá ámúó Bulu lapó amó bwé mu kle amó bafon ha bré fée, ðlala kókuokú itráa ma amó iwí.

¹⁵ ðηε Wankihé é légyi mú iwí adánsie súná aní. Olegyankpá blí óbée,

¹⁶ Aní Wíε óbée,

“Ntam anfi obétsiá mía amúnyo nsiné,

bré ámúó íbá ámúto ní.

Nópu mí mbala wá amó klónto,

wánlín mú wá amó nwuntó.”

¹⁷ ðletrá blí óbée, “Mméetrá kaín amó lakpan pú amó lalahesu ekekeεke.”

¹⁸ Mú su ní Bulu lasí lakpan kíé á, múmó mú iwí afódiε kóku itráa medéhián ε.

Mliha Akpókpε Manta Bulu

¹⁹ Iní su mí apíó, Yesu obugya amó su aníbu ókpa wíε ósúsú ðwankíkpátó ðwankíkpá ino faan. ²⁰ Mu lowu ámu su alafínkí tati ámúó bápóká obu ámúto ámu há aní. Múgyí ókpa papwéá itehá aní nkpa ní. ²¹ Aníbu Bulu igýí ðhapú ðehen kpónkpónkpónnti ókuá óde Bulu ahásu kí. ²² Mú su mliha apu íklon ání íbu ónákwalí, pú hógyiá mú ónó bu ónlín kpókpε manta Bulu. Tsúfé alapó Kristo obugya gyóra aní. Aní klon méetrá ha aní pón, alapó ntsu wánkíhε é fwí aní iwí. ²³ Mliha akita tó ámúó anidé mú iwí adánsie gyí, anidé mú ókpa kí amúto kínkín, tsúfé ðnákwalípu Bulu gyí. Óbóbwe tóá ðlehiε ání móbwε há aní. ²⁴ Mliha akí alíá íbóbwe abówa aba ówónlín, ódwe móa yilébwetó. ²⁵ Mlumáha asi aní ofiakpa yo, fé alíá aku bodebwε. Mboún mliha atra wa aba ówónlín tsíá. Tsúfé mlidéwúun ání aní Wíε óbáke ámu ídekpókpé bá.

²⁶ Mí apíó, lakpan iwí afódiε kóku itráa ma ino há aní, ní akí ansí bwé lakpan bréá anilabí ónákwalí amó. ²⁷ Mboún tóá ílasí gyí, abétsiá ífúsú gyo Bulu asón ogyíké pú ogyá kpónkpónkpónnti ámúó íbóhó Bulu alupó ámu. ²⁸ Ní ahá abanyó-abasá begyi óku iwí adánsie, ání alakíná Mose mbala ámúsu gyí a, butámó mu. Butamawun mu nwe. ²⁹ Múmó ní óku ókí Bulu mu Bi ámu ansító kótíkótí, omobu ání mu obugya amúó Bulu lópusí mu ntamsu, ðogyoráa mu iwí ámu bu íbíá, olesia Bulu awítale ðηé ámu mú á, mu ísubítí ání óbéhiε nyá méεba kí. ³⁰ Tsúfé anyin ání Bulu léblí óbée, “Mí, mlí Wíε téká lalahε íko. Mí óbéka aha laláhe akó amó lakpan su.” ðletrá blí óbée, “Mí, mlí Wíε obégyi mí ahá asón.” ³¹ Íbu ífú ání fékpa wíε Bulu ðkiankpapu amó agbláto.

³² Mlumátan bré ámúó Bulu wankí lówankí wólí mliεu ámúsu. Mlikan ání alí bré ámúto á, mlilótsun iwíεsin tsótsótsotó, táme mliléí kínkínkín. ³³ Betsiá síá mlí, wá mlí iwíεsin ahá ansító. Bré koto é á, mlilétsa ahá ání bode iwíεsin ámu odu wúun. ³⁴ Mlilósú ha obu adípú. Bréá ahá bópu ówónlín swíí mlí ató á, mlilési há amó ansigyísú. Tsúfé mliyin ání mlíbu atóá íbu alé ðun mú, íbétsiá bré féeótó. ³⁵ Mú su ímákpón mlí. Mlikita iwí, amlilu kínkín, tsúfé mlíbu íkóká kpónkpónkpónnti Bulu wá. ³⁶ Ílehián ání mlótomi, méní mlétalí bwé Bulu apé, fówun mlénya ító ámúó Bulu léhiε yáí há mlí ámu. ³⁷ Tsúfé bówanlín wá Bulu asun wanlínhé amúto bæε,

“Iméegyi nke koku Bulu obówotíí.

ጠጋጋጋ ጋጋ.

³⁸ Ahá ání amó hógyi sɔ Bulu latsú amó ání amó asón da ɔkpa obétsiá nkpa. Táme ní amótó ɔku mówa klɔn kítá iwí mɔ hógyitɔ, oleyinkí ɔma mó á, Bulu ansí méegyi mɔ iwí.”

³⁹ Táme anumégyí fé ahá ání badámlí ɔma há Bulu, bafwí. Mbóún anigyí ahá ání amó hógyi lahɔ amó nkpa.

11

Hógyi

¹ Hógyi gyí ansí pɔdínká tóá fɔmɔkówun, táme fɔde mó ɔkpa kísɔ. ² Ahá ámóú betsiá bímbí ámɔ hógyi sɔ Bulu ansí légyi amó iwí.

³ Aní hógyi sɔ anilébi ání asón Bulu léblí pólé ɔyí. Mú sɔ tóá ansíbi towun ledali tsu tóá ansíbi tamawuntɔ.

⁴ Hógyitɔ Habel lópu mɔ atɔ hahé ání ibɔ alé dɔn mɔ dehen Kain klé há Bulu igyí. Mɔ hógyi sɔ Bulu ansí legyi mɔa mɔ atɔ hahé ámɔ iwí, olotsu mɔ ání mɔ asón da ɔkpa. Ibɔ mótóá olowu dododo, táme mɔ hógyi amɔ sɔ ɔtráa ɔdetáí bɔfɔn nde.

⁵ Hógyi sɔ Enok mówu asa Bulu lótsu mɔ, ɔhaa mówun mɔ. Bulu asɔn wanlínhé legyi mɔ iwí adánsie ání olegyi Bulu ansí asa olotsu mɔ náti.

⁶ Mlíki, ɔhaa méetalí gyi Bulu ansí ní ɔmɔhɔ mɔ gyi. Tsúfé ilehián ání ɔhá ání ɔbéba Bulu wá obóhogyi ání Bulu bɔ inɔ, ɔteká ahá ání bɔtodúnká mɔ ikɔ.

⁷ Hógyitɔ Noa lónu asón ání Bulu lébláa mɔ tsú tóá imɔkónyá ba iwí. Olobu Bulu, sré dáka kpɔnkpɔnkpɔnti, póhɔ mɔa mɔ wóyító ahá nkpa, bréá ntsu lɔbulá. Mɔ hógyi amɔ sɔ ɔyító ahá begyi pón, ɔlɔbwe ɔhá ání mɔ asón da ɔkpa Bulu ansító.

⁸ Hógyi léha Abraham lóbu Bulu bréa Bulu lébláa mɔ ɔbé, ɔdalu mɔ ɔmátó, ɔyɔ ɔsolúb ání mɔ Bulu léhie há mɔsɔ. ɔlenatí dali mɔ ɔmátó, omeiyín ɔtínéa ɔyó. ⁹ Hógyi léha ɔlɔyɔbwe ɔfɔó ɔsolúb amóú Bulu léhie yáí há mɔ amɔsɔ. Tati-obuto oletsia inɔ. Alí kén Isak mɔa Yakob ání Bulu léhie ɔsolúb amɔ yáí há é betsiá tati-mbuto ɔsolúb amɔsɔ ní. ¹⁰ Tsúfé Abraham létsiá tati-obuto, ogyo wúlu kpɔnkpɔnkpɔntiá Bulu léda, imóobwie ekekeke.

¹¹ Hógyi léha Abraham mɔa mɔ ka Sara benya obí kwíí. Ibɔ mótó ání badan tsɔn ikwísɔ, Sara é ménya ikwíí. Abraham lóhogyi ání Bulu obégyi tóá alahíe yáísú. ¹² Iní sɔ ɔmá kén ání bɔma iklátó, bɔtsɔ fé ntsrakpabi ntée ɔpu ɔnó isi belin tsu Abraham ání aladan tsɔn ikwísɔtɔ.

¹³ Hógyitɔ ahá ání féé bowu. Ibɔ mótóá amó ibi mɔda atóá Bulu léhie yáí há amó asa bowu. Táme bowun mó sísí, amó ansí légyi mó iwí. Botsu mó ání afɔó pó ɔkpa atupó bɔgyi ɔyí ánfítɔ. ¹⁴ Ahá ání botsú mó alí bɔdele súná ání bɔde ɔmá ání ibóbwe amó onutó klé dunká. ¹⁵ Ní bɔde ɔmá ámóú bedali tsu mótó ámɔ iwí susú a, teki bodunká ɔkpa yínkí yó inɔ. ¹⁶ Táme ɔsósú ɔmá ání ibɔ akíle dɔn mɔ ámóú bedali mótó ámɔsɔ amó ansí dín. Mú sɔ ima Bulu péli ání bétí mɔ bee, amó Bulu. Tsúfé alalá wúlu kpɔnkpɔnkpɔnti ku yáí há amó.

¹⁷ Hógyi léha Abraham lékitá mɔ bi Isak ɔyóbo afɔdie há Bulu bréa Bulu lósa mɔ ki. Ibɔ mótóá obí ání Bulu léhie mɔ ání ɔbókwi ní, táme ɔmɔtswe mó kpókpu. ɔlɔkusó pó mɔ bi ɔkɔkónú ɔkule amɔ ɔyóbo afɔdie ámɔ. ¹⁸ Ibɔ mótóá alí bré ámɔtá á, Bulu labláa mɔ ɔbé, “Fó bí Isak abí-aná ɔbóbwe fó abí-aná ní.” ¹⁹ Táme Abraham lótsu mó ání Bulu ɔbétalí tsínkí Isak. Lélé mó, ɔkpa ɔkusɔ á, ɔlɔlanyá Isak fé ɔhá ání Bulu lakúsɔa tsu afúlito.

²⁰Hógyi léha Isak lóyulá mu atabí Yakob mu Esau. Mu ansí dun ání Bulu óbóbwe tásá ólehie há amú ékekó.

²¹Hógyitá bréá Yakob óbá bowu á, oloyulá Yosef abi anyó ámu, olobun mu oyi yíáhésu súm Bulu.

²²Hógyitá bréá Yosef óbá bowu á, óleblí óbée, Bulu óbée Israelfó tsú Egipte ómátó. Mú su óleda amú ólá óbée, bumási mu awú tswi mu.

²³Hógyi léha bréá bókwi Mose a, bəpu mu njín tsra asa. Tsúfě bowun ání óbu akíle. Mú su bumenya owie amu mbla ání óləwa tswi ifú.

²⁴Hógyi léha Mose lékiná ání bumátı mu Egipte owie mu bi tsíhé mu bi bréá óledan. ²⁵Olotsulá ání bəwáa mu Bulu ahá iwıasıntə, dun ání obénya lakpanbwe iwı ansıgyı bré itinbí. ²⁶Olotsulá ání busópa mu Kristo su. Tsúfě íbéhıe wá labi há mu dun ání obénya Egipte atonyahé fěé. Mu ansí dun iká Bulu óbėka mu ékekúsó.

²⁷Hógyi léha Mose lénatı Egipte ómátó, omenya owie amu óblı ifú. Mu ansı dun Bulu ání óhaa tamapú ansıbi wunsu. Mú su olotomi, omeyinkı óma. ²⁸Hógyi léha mu óleha Israelfó befi Katsun Nke gyı asi. Óleha amú bəpu obugya kpá amú obu-ónó, ménı Bulu-óbəpəá ótomó ahá ómóəpu ibı da amú bitı.

²⁹Hógyi léha Israelfó bətsun Ɔpu Pepe amotə fě ósolúv wəlıhesu bóna. Táme bréá Egiptefó é bee abətsun a, əpu amu lékutá amú.

³⁰Hógyi léha Israelfó benatı bómlı abuntıi ání bəpugyi iban wá Yeriko wúlu nkensíénó, ilobwie bun gbloo. ³¹Hógyi léha obu-ónó otsiápú Rahab mówu tsía ahá ání buməhə Bulu gyitə. Tsúfě óləhə Israelfó ansı awakıpu afóó wankláán.

³²Ilehıán ání nétrá wanlın ıku é? Bré mətəsó ání nówanlın Gideon mu Barak pú Samson, Yefta mu Dawid, Samuel mu Bulu ónósú atópú amu hógyi iwı asún. ³³Hógyi léha amú bəko ómá-ómá gyi amúsú, bəbwe tásá ida ókpa. Benya atásá Bulu léhie há amú, beha agyatá ndatə lekłı. ³⁴Bodun ogyá kpənkəntı, bumetin ísá. Hógyi léha amúá bəpən benya ówənlın, amú aku benya ıkó túmi, gyi amú anyabásó. ³⁵Bulu létsinkı atsi aku afúli há amú. Ahá bəpıtı amú aku ató alı mó amú. Mú óó á, bumotsulá kıná Bulu. İləwa amú ódweá bómə amú dun ání bėyinkı Bulu óma, ménı Bulu óbókusú amú, bénya nkpa ání ibı alé dun.

³⁶Bəbwe amótó aku ahinlá, pıtı amú mplı. Bəwa amú aku ıkan, pú amú tswi obu. ³⁷Beda amótó aku abwi mó, pú sáa bóı akotə, aku é besin ódayı ónó. Amú aku é beđı akúfa múa akpaláa nwəló-kpákpátó nátı kı, aku beđı akún. Beđinká akusu, wá amú aku é iwıasıntə. ³⁸Tekı megyı óyi ánfı odutə ahá ánfı bėtsıá asa. Adimbító múa abusu benatı kı fě ókun abəpú, tsıá dí abwi alatə múa mbótó.

³⁹Amú hógyi só Bulu ansı légyi amú fěé iwı. Ɔkukı ibı meda tásá Bulu léhie yáı. ⁴⁰Tsúfě atásá ibı alé, íbəwa labi iwı Bulu lóbwe agywun yáı há anıa amónyó fěé. Mú su amú nkwe buméetaki nyá mó, yófun bréá Bulu labwé anıa amónyó fěé anılafun mu ansıtó.

12

Anı Sı Bulu

¹Anıbu ódəm anfi bəpu hógyi tsıá ánfı odu bómlı anı. Mú su mlıha anı é atswı tógyıtásá ide anı bitıa ya óma pú lakpan ání ilakıklı anı kinkıfınkın tsalifwı, atomı tsii ósrı amóbú ida anı ansıtó ámu. ²Mlıha apu ansı dınka Yesusu. Məgyı anı hógyi nfıası pú mó ónómə. İniá oyin ansıgyı oduá ida

gyo mu sv á, olotomi wun ipian oyikpalíhesu wú. Omobu kpáí ání bókpaí mu tótó, alayó otsie Bulu owíe obíá ámu gyapísu.

³ Mlípukí ipian ání olotomi wun lakpan abwepó íbitó, bréá bolu mu, wá mu iwiasintó, méní òhé méeta mli, mli méesi mu hógyi. ⁴ Iwíá mlidépri le iwí lakpantó á, mli mókótáí pri yófon bréá mlési mli nkpa há. ⁵ Mli mátan itó ání Bulu lótoí kplá mli ánfí mli gyí mu abísú. Òbée,
“Mí bí, ní nebití fú ísu á, máho mó lalahé sv.
Ní nòwá iyin wa fu á, máha mó ikpən fu.

⁶ Tsúfé òhá ání ntòdwé á, mu ntòwá iyin wa.

Òhá ání nòpòbwé mí bí á, mu ntebití ísu.”

⁷ Tomi wun ipian fé ísu bode fú bití. Bulu dé mli ísòbití fé mu abí. Tsúfé obí òmòmò bu ínuá mu sí tamabítí mu ísu? ⁸ Ní òmebití fú ísu fé alíá òtòbwé mu abí féé á, idesuná ání megyí mu bi onutó fúgyi, kletobi fugyi mu. ⁹ Aní òsolóbv anísv así botebití aní ísu, anítobú amó é. Ntogyi só anímòotsulá ba iwiasí há aní Sí Bulu òvən amó, anya nkpa ání ítamatá? ¹⁰ Bré ítinbí pé aní òsolóbv así bótòpòbití aní ísu alíá bodeklé. Bulu mó á, alíá abówa alé sv òtebití aní ísu, méní aní é aní iwí bétin fé mu. ¹¹ Ní bode aní ísu bití á, ítehan aní alí bré ámòtò. Ansí tamagyi aní. Táme ísòbití ámu òma a, anítòbwé yilé, tsíá iwílwíiitò.

Atosundhé Pó Oláda

¹² Mó sv mli máha abatò iwu mli, akpawunutò ikpinkí mli. Mli wa iwí òwònlín! ¹³ Mli ha mli tsiátó iwa alé, méní abubúpo amò bóméésin tsukole, mbóun bénya òtsá.

¹⁴ Mli bò mbódí amlíha iwílwíi itsia mli òhagyi òha nsuné. Mli tsia nkpa ání mó iwí letin, tsúfé òhá ání mu iwí métin móowun aní Wíe. ¹⁵ Mli kí ání mli tò òkòkòkò mókòholí Bulu awítòle amò. Mli tò òkòkò é mási asón wá mu klòntò, méní òmòòpòv asón wá mli nsuné, iyinta mli tò akò. ¹⁶ Mli kí ání mli tò òkòkò é mókòbwe mu iwí mbòv òtòpò, ntée òhá ání òtamabú Bulu fé Esau. Mólòpò mu hande tse òtsáwòle atogyi hé. ¹⁷ Fé alíá mliyin yaí á, òma a, olòbodunká obi dehen oyíla tsú mu sí wá, táme mu sí lékiná mu ha. Ibv mòtáá òlèhé su kokólí mu sí, táme omenya mòtò òkpa.

¹⁸ Megyi íbúá mlétáí pò íbì da así mli laba. Òtínéá oklún tuun pò afú kpònkpònkpòntí bu, ogyá é idetsíí fé Sinaibu ámòú Israelfò bòyò mó así bréá Bulu dépv mu mbla há amó ámu así mli laba. ¹⁹ Inó bonu òkpe lófólí kókólókókú, bonu òme kpònkpònkpòntí kv lèlín bláa amó asón, sv bokokólí bée itsia alí, bómédékléá betrá nu asòvansu. ²⁰ Tsúfé bómétáí gyí mbla ámòú Bulu lówa há amó òbée, “Ní òbwi òkò kóráá iwí ída íbv ámu a, bódáa mu abwí mò” ámòsv. ²¹ Tóá bòwun íbv lówa amó ífú. Mó sv Mose óó léblí òbée, “Ífú lahá mí ndekpinkí!”

²² Mli mó á, Sionbv así mli laba. Bulu Òkiankpapòv amò wúlu yilé, igyi òsósó Yerusalemu pò Bulu-abòpò mpím-mpím ansí ogyíkpa mli laba. ²³ Bulu bití ámu abí, bogyi ahá ámòú bawánlín amó adá òsósó ámu ofiakpa mli laba. Bulu, ogyi ahá féé asón ogyípò amò wá mli laba. Mli laba ahá ámòú Bulu latsú amó ání bafon amò akláa wá. ²⁴ Yesu wá mli laba. Mògyí Bulu mva anyánpòsa nsuné ntam òma òlípò ní. Yesu obugya wúnyáhé amòú òpòv yilé ba òvən Habel obugya amò wá mli laba.

²⁵ Mó sv mli kí wankláán, méní mli méekiná Bulu ámòú òde mli asón bláa amò. Tsúfé Israelfò ámòú bekiná asón ání òlòwa Mose blí Sinaibu así nu ámu bómétáí srí sí ísòbití ámu. Ní aní é akíná òhá ánfí òdetóí tsú òsósó ánfí òme nu á, aní ísòbití bódvən amó klé. ²⁶ Bréá Bulu lótoí Sinaibòsv á, mu òme léha òsolóbv lekpinkí. Táme séi á, alahíé òbée, “Nétrá kpinkí òsolóbv òtsáwòle,

kpínkí osósó é tsía mótót.” ²⁷ “Nétra kpínkí mó otsáwolé” anfi idesuná ání Bulu obékpínkí ató bwehé ámu, lé mó inu. Tóá iméekpínkí ekekeeke pé obésian.

²⁸ Mó so mliha ada Bulu ipán. Tsúfè iwíegyi ání iméekpínkí abénya tsú mu wá. Mliha abu mu, anya mu ifú, ménì abégyi mu ansí. ²⁹ Tsúfè lélé mó á, ogyá aní Bulu ámu gyí, otóhó ató plíplíplíplí.

13

Alíá Abégyi Bulu Ansí

¹ Mlikita mli aba Akristofó dwetó kínkínkín. ² Mlimátan afóhòso. Tsúfè móléha akó bohó Bulu-abòpu afóó, imòwankí amó ní. ³ Mlikan obu adípósó, fé mliha amónyó dá obu. Mlikan ahá ání bode iwíwosun wúunsu, fé mliha amónyó dé iwíwosun ámu wúun.

⁴ Akúlu móa aká bóbúu aba amó abatsiátó. Okokó mádalì mu ba oma, tsúfè Bulu obébití ahá ání buda ahá ání bumegyí amó akúlu ntéé amó aká wá, pú mbua atópó féé isu.

⁵ Kóba asón umáduw mli odwe wa. Tóá mlibu igyi mli ansí, tsúfè Bulu lablí obéé, “Mméenatí sí mli, ntéé kíná mli ekekeeke.” ⁶ Mó so abétalí wá klun blí aníaa, “Mí Wíe Bulu gyí mí obuápu.

Mó so tótó móowa mí ifú.
Ntó nyankpusa obétalí bwé mí?”

⁷ Mlikan mli nkpá agyápu amóó begyankpá bláa mli Bulu asón ámu. Mlikí alíá bəpətsiá, amlinya hógyi fé amó. ⁸ Alí amóó Yesu Kristo gyí igye ámu a, alí ógyi nde, alí kén obétsiá bré féé é ní. ⁹ Mó so mlimáha atosunáhé otsan-otsan igyi mli ansí, ibitia mli le okpa wankláán ámu. Ibu aléá mléha Bulu obówa awitole há mli ojetó owonlín, megyi atogyihe mbia, ání itamawá labi koku há mósó agyípósu gyí.

¹⁰ Anibu afódie-asubwi kwá igyi ahapú amóó beha Bulu igyi osólósu nfi ámu buma okpa gyi mósó ató. ¹¹ Bulu igyi ohapú dehen tópu mbwì obugya wíé Owankíkpátó Owankíkpá inu yóbó amó lakpan iwí afódie, butópu aye amu mó ya mmuátse, yówa mó ogyá. ¹² Iní só Yesu é lówu mmuátse, ménì obópu mu onutó obugya gyóra mu ahá, amó lakpan su ní. ¹³ Mó so mliha adalí yó mu wá mmuátse inu, abokpəi ania mōnyo. ¹⁴ Tsúfè anumá wúluá ibétsiá yó osólósu nfi. Anigyó wúlu amóó íbá ámu. ¹⁵ Mó so mliha atson Yesu akanfu Bulu, iwé afódie ání anidépohá mu ekekegyíeke. Mógyi onótó asón ání anidépohá aní Wíe numnyam ní. ¹⁶ Mlimátan awitolewasu. Mlye mli atótó ha aba, tsúfè mó aná gyí afódieá itegyí Bulu ansí ní.

¹⁷ Mlibu mli nkpá agyápu, amliba iwiasì ha amó. Tsúfè botamadá okpónó mli oklásokú su. Buyin ání bəyēle alíá bəpəki aní oklásu onó Bulu ansító. Mliha amó abobwe amó agyómá ansigyísó, megyi nwe. Ní megyi alí á, imóowa labi koku há mli.

¹⁸ Mlitsia bə mpáí ha aní. Nyin ání aní klun medé aní pón ha, táme anidékélé abétsiá tsiátó wankláán brégyíbré. ¹⁹ Nhíé ndekléá mlibóo mpáí, Bulu oháa mí ansanki ba mli wá nkenyó ánfito kótóó.

Mpáí Tráhe

20-21 Iwilwii Ohapú Bulu, okósóa aní Wíe Yesu Kristo tsú afúlitó ámu oháa amlitali bwe yilé kugyíkúá odeklé. Nde mu kokóli mbéé, otsóon Yesu Kristos obwe tóá odeklé anito. Yesu gyí akúfa Okpapó kpənkpəntiá Bulu

lópυ μυ obugya ká ntam amóú ιβυ ινο bré féeé, mva μυ akúfa, bogyi μυ ahá amυ nsiné ní. Numnyam ιβwée μυ kle yóφon bréá itamatá! Amen.

Iklá

²² Mí apió, ιβυ mótóá ωwoló kútúklú nawánlín sísí mli. Táme nobwíí ιpa, mlyaa asυ amlinu mótó asón ánι ndepwá mli ωwonlín. ²³ Nde mli ιβι ha ánι balé anι pío Timoteo obu. Ní olwa asa bσtu mí nfi mú á, nékpa μυ abéba beki mli.

²⁴ Nehá mli nkpa agyápyu pó Bulu ahá atráhe féeé itsiá. Akristofó amóú bυbυ Italia ωmátó áμυ é behá mli itsiá.

²⁵ Nde Bulu kokóli mbée, ωwáa awitole ha mli féeé! Amen!

Yakobo ጋግሴ

Itsiáha

¹ Mí Yakobo ání ngyi Bulu muḃa aní Wíe Yesu Kristo osúmbi dé ጋግሴ áñfi wanlín sísi mlí Bulu ahá* ání mlíladasáín wá ጋyító fěé. Nde mlí itsiá ha.

Ansigyinya Ikplánto

² Apíó aba, ní mlowíe ikplán móa ason wunhetó á, ansí ihíe gyi mlí. ³ Tsúfě mlyin ání ní bəso mlí hóggi kí a, itehá mlitotomi tálí líí mlí ason wunhe fěé onó. ⁴ Ní mletálí tomi líí mó onó á, íbéha mlédan, wá alé, fón tógyítótó. ⁵ Ní mlitə oku léhián nyánsa á, okóli Bulu. Obéha mu faan. Omóowa mu pélitə, tsúfě Bulu təpə awitəle há ahá fěé nyánsa. ⁶ Táme ní fókóli mu a, pu hóggi kóli mu. Másusúu fée oméeha fó. Tsúfě ní fómohogyi ání obéha fó á, fəgyi fě əpəá ídá yó nkpa, íladá yó əma. ⁷⁻⁸ Ohá ání ogyi ali, mu agywun tamalíi tsukole əmádinká ansí obéé, ménya tətəotə tsú aní Wíe Bulu wá, tsúfě mu agywun igyi anyə.

Ohian Pó Iwinya

⁹ Ansí igyi Okristoyin ání əma tətə, tsúfě Bulu latsú mu fúá. ¹⁰ Ní Bulu obá iwí onyapó é asi á, ansí igyi mu. Tsúfě mu nkpa bətsun fě oyi ntswítswi. ¹¹ Ali ámúó owí onó iwá ənlun, itó ífá, mó ntswítswi təbú kpákpáa; ífá ámu alé tetá ámu a, ali kén iwí onyapó déyə ədehá alu obówu ní.

Isóki

¹² Bulu toyúlá ohá ání ototomi ikplánto. Tsúfě ní əledali mótó á, Bulu obéda mu ipán, há mu nkpa ání itamatá, igyi isugyi-ipa ámúó əlehiə obéé, mápəhá ahá ámúó butədwé mu amú. ¹³ Ní bəso oku kí a, əmáblí obéé Bulu lásə mu kí, tsúfě ohaa méetalí sə Bulu kí obéé, əbwéə lakpan. Bulu é tamaso ohaa kí obéé, əbwéə lakpan. ¹⁴ Nyankpəsa onutó əwólí laláhe témlé mu, bitíia mu wá isókitə. ¹⁵ Əwólí laláhe təkwií lakpan. Lakpan é igyi ohasu á, itəpú lowu ba.

¹⁶ Mó su apíó adwəpó, mlímáha ohaa əmle mlí. ¹⁷ Atə wankláán pó atokiehé yilé kugyíku itsú əsúsó. Itsú aní Sí Bulu, əsúsó atə wankíhé Əbwəpó ámu wá. Ətamatsə fě əpa móa onyé. ¹⁸ Mu apétó ələpu mu ənəkwalí asón kwíi aní, méni abóbwe agyankpəpu mu atə bwəhé fěétó.

Asónnu Pó Músógyi

¹⁹ Apíó adwəpó, mlínu. Mlíkwəsi nu asón asi. Mlí onó máwa əsa. Mlí mákwəsi nyá əbló é. ²⁰ Tsúfě əbló tamabwé tóá Bulu tekle. ²¹ Mó su mlíde tsiátó laláhe kugyíku le mlí nkpatə, amlísi lakpan bwe. Mbóun mlíba iwiasí, amlíhə Bulu asón ámúó aladú wá mlitə ámu. Mó obéha mlí əkláa obénya nkpa ní.

²² Mlíbwə dínka Bulu asón ámuəsu, mlímábwe mó anupó keke. Ní mləbwé mó anupó keke a, iwí mlídémle. ²³ Ohá ání onú Bulu asón, omegyí mósó gyi fě ohá ání alakí mu iwí ahuhwétó. ²⁴ Onyánátí mó asi pé á, alatan alíá olowun mu iwí. ²⁵ Táme ohá ání əleyaa asu nú Kristo mbła ámúó uləfon, itehá anitegyi iwí ámu, əmetan mósó, əde mósó gyi a, Bulu obóyulá mu əkpəgyíəkpəsu.

* 1:1 Yakobo létí Bulu ahá obéé, abusuan dúanyə ámu.

²⁶ Ǫhagyíŋha ání ǫbéε mude Bulu súm, táme ǫtamakítá iwí mu tóito á, ǫde iwí mlé. Mu Bulusúm igyi kpaali. ²⁷ Bulusúm oduá mó iwí letin, asvansu ma mó iwí, aní Sí Bulu tekle gyí, mléki awumbi móa asurapusu amó ikplánto. Mléki ání ǫyí ánfito lakpanbwe é iméegyí mliwu.

2

Fitáto Futi Ki

¹ Mí apíó, ní mliłahǫ numnyam Owíe Yesu Kristo gyi a, mliłáfutí fitáto ki. ²⁻³ Ní iwí onyapóá ǫdidí tatiá ıbu ibiá, ǫłwa sika ató pǫ ohiániá ǫdidí tatida bebá mli Bulu osúmkpá a, mliłáha iwí onyapó ámu otsiákpá, bláa mu mliıaa, obétsiá oyilékpá nfi; bláa ohiáni ámu mó mliıaa, otsiá asi ǫtineku ıwu, ntée odúnka ǫtineku lu. ⁴ Ní mlobú ahá amó iwinya su á, mliłmókópó agywun laláhe gyi asón ní?

⁵ Apíó adwepó, mliıyaa asu amlınu. Bulu léle ǫyí ánfito ahiánfǫ ǫbéε, bonyáa hóggyi ání mó ǫnǫ bu ǫnlın, abotsia mu iwíegyí ámto, fé alı ámóú ǫlehe yáı ǫbéε, mǫpohá ahá ámóú butǫdwé mu ámu. ⁶ Táme mli mó á, mliłǫkpóı ahiánfǫ. Nfíte mli, megyí iwí anyapó ánfı tesisi mli, tswın mli mánsu, sáma mli wúlu ahande wá ní? ⁷ Megyí amó dé Kristo idayilé ámóú ıdn mliwu ámu kpóı ní?

⁸ Bulu mbla ámu féé nwun, bǫwanlın wá Bulu ason wanlínhé amto gyí, “Dwe fǫ bá fé fǫ iwı.” Ní mliđé mósó gyi léle á, mómó mliđé ito wankláán bwe. ⁹ Táme ní mlofúti fitáto ki a, mliłabwé lakpan. Bulu mbla ámu lahá mli ıpón. ¹⁰ Tsúfé fǫá fegyı mbla ámu féésó, táme fepán kole pé á, fagyı pón ání fatón mbla ámu féé. ¹¹ Tsúfé Bulu lébli ǫbéε, “Máto mbua.” Mu kén lébli ǫbéε, “Mámǫ ǫha” é ní. Mó su ní fomǫkótó mbua, táme famó ǫha a, fomǫkókíná Bulu mblasu gyı ní? ¹² Bulu ǫbǫpu mbla ánfı itehá anitegyı iwı ánfı gyı ahá asón. Mó su mliki wankláán, mli ason blihé pǫ mli bwehétó. ¹³ Tsúfé ǫhá ání ǫtamawun ahá nwe á, Bulu omóowun mu nwe. Táme ní fotowun ahá nwe á, Bulu obóowun fu nwe mu asón ogyíké.

Hóggyi Pǫ Bwehé

¹⁴ Apíó aba, ní ǫku ǫbéε, mǫhǫ Bulu gyı, táme mu bwehé mosuná alı á, labı mǫmu mu hóggyı ámu bu? Mó odu ıbétalı há mu ǫkláa obénya nkpa? ¹⁵⁻¹⁶ Nı fowun fǫ aba akı buma ató didáhé pǫ ǫyı kehetǫ atogyıhe, táme fomaha amó, febláa amó fee, “Nehá mli itsiá. Mliıtsia wankláán. Bulu ǫkpáa mli, ǫha mli tǫá ıde mli hián” a, labı mǫmu fǫ ason blihé ámu ıłwa? ¹⁷ Alı hóggyı igyi ní. Hóggyı oduá yilébwe há fǫ bá ıma mótó á, igyi hóggyı wıhé.

¹⁸ Ǫku ǫbétalı bli ǫbéε “Fubu hóggyı. Mı é ntǫbwé yilé.” Néle bláa mu mbéε, “Suná mı fǫ hóggyı amóú yilébwe ıma mótó ámu. Mı é nósuná fǫ mı hóggyı tsú mı yilébwetó.” ¹⁹ Fǫ hóggyı desuná ání Bulu ǫkole pé bu ıwu? ıbu alé! Táme bı ání ǫhe laláhe féé bohogyı alı. Mó su butenyá mu ifú, kpınkı kpakpakpakpa. ²⁰ Fǫ ǫha mimláhe, fǫdekléá fówun ání hóggyıá itamabwé yilé igyi hóggyı kpaali? ²¹ Anı náın Abraham lóbwe yilé Bulu ansıtó, tsúfé olotsulá kpá mu bı Isak yáa pututǫ, tekı ǫyómǫ mu bó afǫdıe há Bulu. ²² Mliławun alıá nanáın Abraham hóggyı pǫ mu bwehé lenatı? Mu bwehé su mu hóggyı lǫfon. ²³ Alı Bulu ason wanlínhé anfi ıleba mótó ní. Ǫbéε, “Abraham lǫhǫ Bulu gyı. Mó só Bulu lóbu mu yilé ǫwepó,” tí mu mu nyawie ní. ²⁴ ıni su séı á, mliııı ání yilébwe téhá Bulu totsú ǫha ání mu asón da ǫkpa mu ansıtó, megyı mu hóggyı pé.

²⁵ Alí ileba ha obu-óns otsiápú Rahab é ní. Bulu lótsu mu ání mu asón da okpa, tsú tóá òb̀wwe su. Ọ̀lọ̀pụ̀ Yudafo akwá beba bude ansí wa kí mu ọ̀mátó ńáín, òleha amó betse okpa sri.

²⁶ Alí ámuó ọ̀jé uma ọ̀hato ógyi itowuhé ámu a, alí ní yiléb̀wwe memá hógyisu é igyi hógyi wúhé ní.

3

Ọ̀dando

¹ Mí apió, mli fée mli máb̀wwe iwí ató asunápú. Tsúfè Bulu obégyi aní ató asunápú anfi asón kinkíinkín. ² Aní fée anitepán brégyibré, táme ní ọ̀ku tamapán mu tóito á, mómó ọ̀lọ̀fón. Ọ̀bétalí gyi mu iwisu ọ̀kpagyíokpasu. ³ Apúki, dátobi ku pé butọ̀púwá ọ̀pónkọ ọ̀nó, pódámlí mu, súná mu ọ̀kpa pú tóá ọ̀wwee. Itehá otobú aní. ⁴ Mliki ntsusu-yibia idin ntsu ansító. Ilomoní, afú kponkponti tópo mú náti. Táme ọ̀tabu pátáplábi ku tédámlí mú, súná ọ̀tínéá iyóó. ⁵ Alí aní ọ̀dando é igyi ní. Igyi aní iwí itó túkúríibi ku. Táme itetálí blí asón akponkponti pótúsu iwí.

Igyi fè ogya plenplenbi aní itowá ipó yilé ogyá. ⁶ Igyi ito laláheá iteyíntá ató fée aní iwí. Itokpói nyankpusa, yíntá mu nkpatiátó fée. Isobití ogyá aní itamaduntó ọ̀dando ogyá anfi tetsánkí tsú. ⁷ Nyankpusa tetálí bwé pututombwi, mbubwi, awọ́ pú ntsutso mbwi akugyíaku butemántá. ⁸ Táme ọ̀haa mókótálí bwé ọ̀dando ọ̀manta kí. Itó laláhe ọ̀dando gyí. Ọ̀tamatsiá díín. Elín aní itómó són bó mú. ⁹ Anitópú aní ọ̀dando kánfú aní Wíe pó aní Sí Bulu. Mó kén anitópólwíí ahá ní. Táme Bulu onutó lób̀wwe nyankpusa fè mu iwí. ¹⁰ Ọ̀nó kole pé ámutọ́ ikanfú móa ilwíí tedálí tsu. Mí apió, uma aleá ibéba alí. ¹¹ Ntsuá ibu anúle pú ntsuá uma anúle bétalí lín tsu ọ̀bón koleta? ¹² Mángo oyi bétalí swíé kankaba? Ntée bafé oyi bétalí swíé mángo? Ekekeke! Alí ntsuá ibu anúle méetalí lín tsu ọ̀bón aní mótó ntsu ma anúletó ní.

Nyánsa Aní Itsú Bulu Wá

¹³ Ní ọ̀ku bu nyánsa móa asón asinu mlitọ́ á, mómó ọ̀púu mu tsiátó wankláán le mú suna tson mu bwehé pú mu iwiasibá aní itsú mu nyánsato. ¹⁴ Táme ní olu pú ọ̀nsípe tsiátó bu mutọ́ á, mómó ọ̀mápu ibi sí kántó, blí ọ̀bée muobu nyánsa. Ní ọ̀blí alí á, alawá afunu dínká ọ̀nọ̀kwali amosu. ¹⁵ Nyánsa anfi odu motsú ọ̀sósó. Itsú ọ̀yító ató ọ̀magyáa, tsiátó laláhe, pú ọ̀je laláhe wá. ¹⁶ Tsúfè ọ̀tínegyíótíné aní olu pú ọ̀nsípe bu a, aba asimánú pú laláhebwwe tétisiá unu. ¹⁷ Táme ọ̀há aní mu nyánsa itsú ọ̀sósó á, gyankpapu, mu iwí letin. Ololwíí, ọ̀təd̀wé ahá, ọ̀teba iwiasí. Otowun ahá nwe, ọ̀tə̀wé yilé. Ọ̀tamafítí fitátó kí, ọ̀tə̀wé ató tsú mu kluntó. ¹⁸ Ahá nsiné ọ̀lapó todú iwílwíiá itọ̀pó yiléb̀wwe ba.

4

Ọ̀yító Ató Dwe

¹ Nto tétí ikó móa itré wá mli nsiné? Megyí ọ̀wólí laláhe aní ideklé igyi mli su tọ̀poba? ² Mliapú ọ̀nsípe mli dé ató klé, mli mé dé mú nya. Iní su mli dé ahá mo. Mli ansí depe ahá atósó. Mú só mli détré kó ní, táme mli ibi méeda mú kí. Tóá swá mli ményá gyí, mli tamakólí Bulu ọ̀ha mli. ³ Ní mlakólí kóráá á, ọ̀tamahá mli, tsúfè agywun laláhe mli tọ̀pókólí mu. Ahá mlápówá iwí ansigyí su mli dé mu kolí. ⁴ Mli ladámlí ọ̀ma há Bulu. Mli méyín aní ní mli dé ọ̀yító ató dwe á, mli dé Bulu lu? Ní fodeklé fée fódwe ọ̀yító ató á, futə̀wé Bulu olupó. ⁵ Ntée mli dékí mli aa, kpaali Bulu ason wanlínhé amu ileblí ọ̀bée,

“Bulu tamatsúlá Ɔhɛ́ á múú ɔ́lɔpɔwá anító á múusu?” ⁶ Iní sù ɔ́tɔpú awítale tsɔtsɔɔtsɔ kpá aní, fé alá Bulu asɔn wanlínhé amu ðeblí ní. Ɔbée, “Ɖɔ̀kósú lí íwí atsupósú,

táme ɔ́tɔpú awítale kpá íwiasí abápu.”

⁷ Mú sù nde mli bláa mbée, mlibá íwiasí ha Bulu. Mlikusu lí Ɖbɔnsámsó, ɔ́bésrí nátí mli wá. ⁸ Mlikpɔkpe manta Bulu, Bulu é ɔ́békpɔkpe manta mli. Lakpan abwɛpó, mlifwí íbí lɛ lakpanbwɛtɔ. Ahá ání mli agywɔn igyi anyɔ, mliha mli klɔntɔ itn. ⁹ Mlisu, amliha mli íwí íwa mli nwe, mli lakpan sù. Mli mósí idámli isú, mli ansigyí imli péli. ¹⁰ Mliba íwiasí Bulu ansító, méní obótsu mli fɔ́á.

Aba Íwí Asón Bli

¹¹ Apíó adwɛpó, mli mátrá bli mli aba íwí asón. Mli mátrá tsii aba, kpóí aba. Ɖhagyíha ání ɔ́lele mu ba íá ntée gyi mu asón á, ilosuná ání ɔ́deblí ɔ́bée, Bulu mbla ámu íma alɛ. Iní désuná ání alatsú mu íwí ání ɔ́dɔn mbla ámu. Ní ɔ́dɔn mbla ámu a, múmó ɔ́medé Bulu mbla ámu bu. ¹² Bulu lówa mbla ámu. Mu pé ɔ́bétalí pó mú gyi aní asón. Mu pé ɔ́bétalí hɔ́ aní nkpa, ntée mó aní. Ní igyi alí mú á, fúgyí ma ání fégyi fú bá asón?

Ansí Pɔ̀dínká Ɖkesv

¹³ Mliya asu amlinu. Mli ahá á múú mli ðeblí mli aa, “Nde ntée ɔ́ke abóyo wúlu yilé kusú, yétsiá unu ofi ɔ́kɔle gyi íbíá nyá íwí” ámu. ¹⁴ Mbée, mliyin ɔ́ketɔ? Mliyin alá mli nkpatiátɔ bɔ́bwe? Mligyí fé agyinde, itedáli dínká, támɛ ítamawá ɔ́pá kɔkɔ, itɔfwí. ¹⁵ Mú sù tóá ilehián ání mléblí gyí, “Ní Bulu lótsulá há aní nkpa á, abóbwe iní ntée iní.” ¹⁶ Ní imegyí alí á, ilosuná ání mli ðé íwí tsu, pó íbí sí kántó. Lakpan íwítsú ánfí odu gyí.

¹⁷ Mú sù ɔ́há ání oyin itɔ wankláán, támɛ ɔ́tamabwé á, ɔ́de lakpan bwe.

5

Íwí Anyapú Asón

¹ Íwí anyapú, mli sù amlisura okitikítí, tsífé ipian kpɔnkpɔntí íbá mli sù. ² Séí ánfí á, mli atonyahé féé laplɔ́. Atéplɛ bawí mli atati. ³ Mli sika ató é ðakpóí, wí nkanu. Mú nkanu ámu obégyi mli íwí adánsɛ, yíntá mli ɔ́yólú fé alá ogyá teyíntá ató. Mli ðakle ató tsɔtsɔɔtsɔ yáí kpaali, bré ánfí ɔ́yí íbá bɔ́mɔ ɔ́nɔ́ ánfí. ⁴ Mli káin ání ahá á múú mli lóbo ípa, bɔ́yo agyómá mli ndɔ́tɔ, támɛ mli lékiná amó íkɔ́ ka ámu isú latú Bulu, túmí féé Owíe amu. ⁵ Mli latsiá ɔ́sólú anfisú, gyi nkpa múa ɔ́dwe pówá nfo fé nnantswie há mli ɔ́mɔké. ⁶ Mli lahá ɔ́há ání mu asón da ɔ́kpa ípón, mó mu, ɔ́mɛprí íwí.

Íklɔnya Múá Mpáibɔ́

⁷ Apíó aba, mli nya klɔn tsia gyo aní Wíe Yesu Kristo íbá. Mli kí alá ɔ́dɔtɔpɔ tenyá klɔn tsíá gyo nyankpɔ gyankpɔpɔ múa tráhe, pó alá otetsiá gyo bréá ɔ́sólú amu íbéha atɔ pɔ́pwe bówíe wóyí. ⁸⁻⁹ Mli é mli nya klɔn amlílu kínkín, tsífé aní Wíe, ogyí asón ogyípó amu íbá lafon. Mú sù mli mátsiá tóí mli abasu, méní ɔ́méesha mli ípón.

¹⁰ Apíó, mli pu Bulu ɔ́nósú atáípó amúú ðeblí Bulu asón ámu bwe mli atosuanhé. Bowun asón tsɔtsɔɔtsɔ, támɛ benya klɔn. ¹¹ Mli kí alá anitobú amú. Itsú alá botomi amú asɔn wunhetɔ sù. Mli káin Hiob é íwí asónsú. Alá olotomi mu asɔn wunhetɔ. Iní sù Bulu lóyulá mu mú ɔ́ma. Lélé, Bulu bu awítale. Otowun ahá nwe.

¹² Mí apíó, ndeklé mbée mli bú wankláán ání mli má tánu ɔ́sósú ntée ɔ́sólú, ntée ká tɔ́tɔtɔ. Mli “Íin!” íbwée “Íin!” mli “O-o!” é íbwée “O-o!” méní Bulu méesha mli pón.

¹³ Ní ɔku dé ipian wúun mlɛ́ ́, okókoli Bulu. Ní ansí de ɔku gyí é ́, ɔwáa ilo kanfo Bulu. ¹⁴ Ní ɔku délo mlɛ́ ́, ɔ́tí ɔpasua ahande aboba bokokóli Bulu, abokpa mu ofobí aní Wíe idáto. ¹⁵ Ní bokokóli aní Wíe hógyito ́, ɔbétsa mu ilo, ɔbókusú. Ní alabwé lakpan ku ́, Bulu obési mú f́é ḱé mu. ¹⁶ Mú alí su mlile mlí lakpan bli, amlíkokoli Bulu ha aba, méní ɔbétsa mlí ilo. ́há aní mu asón da ɔkpa mpái t́wá ogyá. It́yó agyómá wankláán. ¹⁷ Nyankpɔsa Elia é gyí f́é mía fonyo. Olokokóli Bulu kinkíinkín aní nyankpɔ mátswie. Lélé imotswie nfinsa múa ifon. ¹⁸ ́lélakóli mu aní itswie. Lélé nyankpɔ létíí, ileha ató lélawá alé ɔsolósu.

¹⁹ Mí apíó, ní mlɛ́ ɔku ɔdida hógyito ́, ɔku ɔsánkia mu ba. ²⁰ Mlibí aní ́há ámu lalé ɔkláa tsú lowu aní teki obówuto. Mú su Bulu obési mu lakpan tsatsɔtsɔ ḱé mu.

Petro Ɔwóló Gyankpapo

Itsidha

¹ Ɔwóló ánfí itsú mí Petro ání ngyi Yesu Kristo sumbí ɔyɔpó wá.

Nde mó wanlín sísí mlí ahá ání Bulu lalé bwé mu abí, mlíladásáin yóbwe afós Ponto, Galatia, Kapadokia, Asia yédał Bitinia ɔmátó féé. ² Ɔsí Bulu lalé mlí fé alí ámúú ɔlehíhé mó yáí ání íbá mótó ámu. Bulu latsɔn Ɔɣe Wankíhé amusu bwé mlí mu ahá, méní mlóbu Yesu Kristo, mu obugya é íbógyoráa mlí.

Bulu ɔhíe gyi mlí buale, ɔha mlí iwílwii tsɔtsɔtsɔ!

Ɔkpakú Aní Imóobwe Kpaali

³ Mlíha akanfú Bulu. Múgyí aní Wíe Yesu Kristo mu Sɪ pú mu Bulu ní. Mu nwewúun kpɔnkpɔnkpɔntí ámu su alakósóa aní Wíe Yesu Kristo tsú afúlito póhá aní nkpa pɔpwe. Iní lahá anílanú iwíasi ání aní ɔkpakú móobwe kpaali. ⁴ Mú su aní ansíɔn ání aní íbí bédá siadié yílé ámúú Bulu léhie ání ɔbópohá mu abí ámu. Alalá mó yáí ɔsósó wankláán há mlí, atósá itamayintá, itamapló, itamakpá é. ⁵ Siadié yílé ánfí igyi mlí ahá ámúú mlílahogyi amú klé. Mlí hógyí su Bulu túmí bun mlísu, ide mlísu kí alí yófun ató féé nkpa ɔhóke ámúú Bulu lalá yáí ání ɔbéle mó ɔwan ɔyí ɔnómaké ámu.

⁶ Ibo mótó ání ísókí ɔtsan-ɔtsan ide mlí tv, mlíde asún wúun, táme itó ánfí mlí ansíɔn mósó ánfí su ansí məkósí mlí gyí. ⁷ Tósá suá mlíde asún wúun gyí, mó obósuná ání mlílaho Yesu gyi léle ní. Tó butótó sika pepe ání itetalí yíntá kóráá kí beé, wankláán gyi. Alí kén bópu asún wunhe sɔ mlí hógyi ání íbú labi dɔn sika pepe kí beé, léle mlílaho Yesu gyi, méní mlétalí lí kínkín ní. Ibá alí á, békánfú mlí, wá mlí numnyam, há mlí idayilé eke ámúú Yesu Kristo ɔbéle iwí ɔwan ámu. ⁸ Ibo mótó ání mlímókówun Yesu kí, táme mlítadwé mu. Mlímedé mu wúun mó, táme mlíde musu hógyi. Iní su ansígyí kpɔnkpɔnkpɔntí ání ɔnó méetalí bí labólá mlító. ⁹ Tsúfé mlíde mlí nkpahóo amúú mlénya tsú mu hógyitɔ ámu nya.

¹⁰ Bulu ɔnósó atóipú amú beblí nkpa ánfí Bulu ɔbóho mlí ánfí asún tswi. Beteté mu awítale asún ánfítɔ wankláán, méní bónu mó asi. ¹¹ Kristo Ɔɣé letsíá Bulu ɔnósó atóipú anfitɔ, tsíá súná amú, beblí yáí alíá Kristo obówun ipian. Mú ɔma a, numnyam kpɔnkpɔnkpɔntí béba. Mú su besen ansító ání bébí bréá nkpahóo anfi íbéba pú ɔhá oduá íbótsɔn musu ba. ¹² Bulu léle súná amú ání megyí amú sú bude asún ámu ɔkan da, mbóún mlí su bude mó ɔkan da. Séi mó mlílanú asún ámu. Tsúfé Bulu lówa mu Ɔɣe Wankíhé tsú ɔsósó bebláa asún wankláán ámu ɔkan adapó alí asún ánfí, amú é beba mó ɔkan súná mlí. Bulu-abɔpu kóráá ansí tepé ání bónu alí asún ánfí asi.

Iwítúntɔ Tsíd

¹³ Iní su mlída iwísu amlíkita iwí. Mlípu mlí ansí féé dínka awítale amúú Bulu ɔbówa há mlí ekeá aní Wíe Yesu Kristo ɔbékplí tsú ɔsósó bele iwí ɔwan ámusu. ¹⁴ Mlíbu Bulu fé alí ámúú nyebí butobú amú akwíipó amú. Mlíamáha tsiátó laláhe amúú iletsíá mlító bré amúú mlíméyín tɔtɔ tsú Yesu iwí ámu igyi mlísu. ¹⁵ Mbóún mlíha mlí iwí itin mlí bwéhé féétó, fé alí ámúú Bulu ámúú ɔletí mlí ámu iwí létin amú. ¹⁶ Tsúfé bɔwanlín wá Bulu asún ámɔtɔ beé, “Bulu ɔbéé, ‘Mlíha mlí iwí itin, tsúfé mí iwí letin.’ ”

¹⁷ Mogyí ÷há ání mlítetí mliáa, mli Sí ní mlidé mpái bə ní. Otamakí ÷ha ansító ní ÷de ahá asón gyí. Mboún ÷hagyí÷ha bwehé ÷təpúgyí mu asón. Mú su mliɓu Bulu-ifúnya bwe mli bwehé kugyíku nke tráhe anfi ɗasí mli ÷yí ánfító. ¹⁸ Tsúfé mliyin tásá ÷ləpuká mli nwunso ɗkə, há mlilagyi ɗi tsú mli anáin amándié laláhe ámóó iletin mli ÷kpa ámutə. Itó ámóó ÷ləpuká mli nwunso ɗkə ámu megyí fé sika pepe móa sika futútú ání itetáí yíntá. ¹⁹ Kristo obugya ání ihíé bu ibiá ÷ləpuká mli nwunso ɗkə ámu. Kristo gyí fé okúfabiá ÷ləfən ha mbusuo kugyíku le, píná kuku ma mu ɗi. ²⁰ Asa Bulu ləbwe ÷yí á, əlehíhé tásá ɗéba Kristosə yáí. Mli só Bulu lalé mu súná bré tráhe anfitə. ²¹ Kristo lahá mlilahə Bulu gyí. Bulu ləkəsóa mu tsú afúlitə, wá mu numnyam. Mú só mli ansidun Bulusə, mlidé tásá alahíé ÷kpa kí ni.

²² Mlilagyi dinká ÷əkwalí amóó ɗu Kristotə ámusu. Mú su mlilatun mli ɗi há Bulu, mlidé aba dwe fé apíó. Megyí ansítə-ədwə mlidəpəhá aba. Mliyə mósú amlidwe aba wankláán tsu mli kləntə. ²³ Bulu lakwí mli pəpwe. Megyí nyankpəsa ání oméetsiá nkpa wá əpású ələtsən kwí mli. Mboún Bulu asón ámóó ɗu nkpa, ɗu ɗu bré féétə amusu ələtsən kwí mli. ²⁴ Bəwanlín wá Bulu asón ámutə bəe, “Anyánkəpəsa bogyi fé ífá. Amó numnyam é igyi fé ífá ntswítswi. Ífá towú, mú ntswítswi təbú kpákpáa, ²⁵ táme aní Wíe asón ámu mú bu ɗu bré féétə.” Asón anfi gyí asən wankláán ámóó mú ÷kan adapó bəda súná mli ámu ni.

2

¹ Mú su mlile agywun laláhe kugyíku le mlitə. Mlimátrá mlé aba, ntée bwé apinabwəbí. Mlimátrá pə ansí abasə, ntée tsii aba. ² Mliɓwe mli ɗi fé nyebí bəbwe, amliha Bulu asón ámóó iletin, tətə mēfráa mótə ámu ɗinka mli əwólí brégyíbré, fé alí ámóó nyópu-ntsu tedínká nyebí əwólí amu. Mēni ɗéha mlédan, nyá nkpahə tsú Bulu wá. ³ Mlilakápó aní Wíe amu kí, mlilawun ání əbu awitəle.

Akristofə Babwé Aha Pəpwe Há Bulu

⁴ Mú su mlíkəpə ba aní Wíe Yesu Kristo wá. Mogyí nkpa Owíe ni. Kristo gyí fé ɗwíá ahá bekiná mú ání ɗa labi, táme Bulu léle mú ání ɗu labi mu ansítə. ⁵ Ōhétə asón nebá beblí á. Mliɓa Bulu wá bré anfi mliɓu nkpa anfi, əbwe mli fé abwíá ədɛpuyi obuá bótswə mu mótə. Əbwe mli mu igyí ahapó ání amó ɗi létin, amlitən Yesu Kristosə ha Bulu igyí ámóó mu Ōhé losusúu suná mli, itegyí mu ansí ámu. ⁶ Tsúfé bəwanlín wá Bulu asón ámutə bəe,

“Bulu əbée, mlíkí, nalé ɗwí ání ɗu labi,
póbwé okonkísəbwi yáí Sion wúlutə.
Ōhagyí÷ha ání ələhə aní Wíe, ogyí okonkísəbwi ámusu gyí a,
péli méekítá mu ekekeke.”

⁷ ɗwí anfi híé ɗu labi há mli ahá ání mliləhə Kristo gyí. Táme há ahá ání bəmóəhə Kristo gyí mú á, Bulu asón ámu ɗeblí əbée,
“ɗwí anfi obu ayípu bekiná ní.

Táme móləbemlí ɗwí ání ihíé bu labi dən mú féé ní.”

⁸ Asa é á,
“ɗi gyí ɗwíá ahá bósutiin mósú dída ní.”

Bósutiin mósú, tsúfé bomegyi Bulu asón ámusu. Alí Bulu léhie yáí ání ɗa ha amó ni.

⁹ Táme mli mú á, mli gyí ÷má ání Bulu lalé. Owíe amu igyí ahapó. Ōmá wankíhé ání Bulu lapó mli bwé mu onutó ahá ni. Mlilálé mli tsú oklúntə pú mli ba mu ÷kandíe wánkíhé amu así əbée, mli bəda ofúla amóó alabwé

ámv iwí okan. ¹⁰ Teki bré ámv a, megyí Bulu ahá mligyí. Táme séi mó á, mlilabwé Bulu ahá. Bré ámv a, teki Bulu nwewúun uma mliṣv. Táme séi mó á, mv nwewúun laba mliṣv.

Bulu Nkpábi

¹¹ Apíó adwepó, nhíé nde mli olá da. Afóó mligyí, mliméetsiá ṣṣlóbv anfiṣv wá opá. Mó sv mlile iwí tsu nyankpṣa ṣwólí laláhe amóó itakó mli oklāa ṣá ámutó. ¹² Iníá mliá ṣmátóṣṣ tsíe sv á, mlitsia tsiátó wanklāán, méní ní bṣdeblí bēe mli tsiátó uma ale a, bówun mli yilébwe, fówun bēkanfó Bulu eke amóó obéba beki amó gyumagyihe amv.

¹³ Aní Wíe Yesu sv mliṣv aban mva ohagyíoha aní bapú túmi wá mv ibitv. Mliṣv ṣmá okpapó aní oṣe ṣmá ámv féesó gyí. ¹⁴ Mliṣv ṣmású akípṣv amóó ṣmá okpapó lalé obéé, bṣbítí lakpan abwepó ṣṣv, abukanfṣv yilé abwepó ámv. ¹⁵ Mliṣv yilé pṣka ṣṣon laláhe amóó aha mimláhe bṣteblí mábí sv tsú mli iwí ámv itin. Tsúfé okpa ánfisv Bulu déklé obéé, mliṣwéé mó ní. ¹⁶ Mliṣv nkpá fé ahá aní bṣtsie iwṣṣv, táme mliṣmápṣv mli iwṣṣṣtsiá ámv tin ansíbi bwé laláhe. Mboún mliṣv nkpá fé Bulu asúmpó. ¹⁷ Mliṣv ohagyíoha, amlidwe mli aba ahogyipṣv. Mliṣv Bulu ifú, amlíṣv mli ṣmá okpapó.

Asúmpó Iwiasibá

¹⁸ Nkpábi, mliṣv aní awíe ifú, amlíṣv obú ha amó. Megyí amóá bolwíí, bṣbṣv awitale há mli nkṣle. Mliṣv amóá bṣbṣv owuntṣlin mliṣv é. ¹⁹ Ní ilēba mótó aní behá mlowun iwṣṣṣin kṣkv kpaali, táme Bulu sṣ mlotomi hṣ mó faan a, Bulu ansí bégyi mli iwí. ²⁰ Labi mṣmṣv ibv ní fatomi, badá fṣ fṣ lakpan sv? Kṣkv uma mótó. Táme ní fṣbwé yilé asa fotomi beda fṣ á, Bulu ansí tegyi fṣ iwí. ²¹ Ṣṣon wunhe ánfí aná sv Bulu létí mli ní. Tsúfé mli sv Kristo onutó é lṣtomi ṣṣon ṣṣon wunheto pṣbwé mfántóhón há mli, méní mli é mlṣṣon mósú. ²² Bṣwanlín wá Bulu ṣṣon wanlínhé amutó bēe, “Ṣmṣbwe lakpan kṣkv. Ṣmemlé ohaa é.” ²³ Besia mv, mv mó omesia ohaa. Bréá oṣe ipian wúun a, ṣmeka ohaasv, táme olṣṣv mv ansí dínká Bulu, ṣṣon ogyípó okṣwalipṣv amṣṣv. ²⁴ Yesu Kristo onutó lṣhṣv aní lakpan fées sṣrá, beda mv mántá oyikpalíhe amṣṣv, méní abégyi iwí tsú aní lakpantó, tsíá nkpá há yilébwe. Tsúfé bṣwanlín wá Bulu ṣṣon ámutó bēe, “Mv iwí nlṣv ámutó mliṣv mliṣv. ²⁵ Tsúfé mligyí fé akúfa fwihé, fé alí amóó bṣwanlín wá Bulu ṣṣontó ámv. Táme séi mó á, mlilayínkí bá mliṣv Yesu, mli oklāṣv okípṣv pṣ mv okpapó ámv.

3

Akúlu Mva Aká

¹ Atsi, mliṣv mli akúlu alí kén, méní ní amótó akv bṣmahṣv Bulu ṣṣonṣṣv gyi kóráá, bowun mli tsiátó a, ibétse amó, megyí mli obétepi trá blāa amó ṣṣṣṣṣv. ² Tsúfé bówun mli tsiátó wanklāán pṣ alíá mliṣv hie bú ató. ³ Mli alé imátsu mli imi bwe, atati yilé didá ntée sika atóá ibv ibíá wató. ⁴ Mboún mliṣv mli alé itsu mli kluntó. Aléá itamayintá gyí móá ibv alé, ilolwíí. Mótéhié gyi Bulu ansí ní. ⁵ Tsúfé alí kén bímbí ámv atsiá bṣṣv amó iwí há Bulu, pṣv ansí dínká mṣṣv bobu amó akúlu, sv bṣwa akíle ní. ⁶ Alí kén Sara lóbu mv kulu, oletsíá tí mv obéé, “Mí wíe” ní. Mv abí mligyí, ní mlṣbwé yilé, mliṣv mliṣv tṣṣv ifú.

⁷ Alí kén mli ayin é, ní mli mli aká mliṣv ṣṣv á, mliṣv aní bṣma awútó ṣṣṣṣṣlín fé mli. Mliṣv mliṣv nwe, amlíṣv obú ha amó. Tsúfé mliṣv amónyo obénya Bulu atokiehé amóó igyi nkpá ámv. Mliṣv mli aká ṣṣon okpa ánfisv, méní ní mliṣv mpái bṣv á, tṣṣv méetin mli okpa.

Ipianwúun Yilébwε Sv

⁸ Itráhe-tráhe a, mli fée mliha mli agywun ibwe kole. Mlisu ha aba, amlidwe mli aba Akristofó. Mliwun aba nwe, amliba iwiasí ha aba. ⁹ Mlimápu lalaha ká lalaha íko. Ntéε ní ahá besía mli á, mlimásia amó ká íko. Mboún mliyula amó, tsúfé Bulu létí mli ání mlibóyulá ahá, méní obóyulá mli. ¹⁰ Bəwanlín wá Bulu asón ámɔtə bεε,

“Ní oko déklé əbée, mu tsiátó iwá alé,
otsia ansigyító a,
mómó osii ahá iwí ason laláhe blí,
osi afunu wa.

¹¹ Osii lalaha bwε, əbwée yilé.

Odúnka iwílwii, ogyáa mú əkpa.

¹² Tsúfé Bulu ansí bu yilé abwεpósó.

Ɔteyaa asu nú amó atə kolíhé.

Táme ətəkósó lí lalaha abwεpósó.”

¹³ Ma əbópu lalaha gyi mli, ní mli ansí ipé yilébwεsu? ¹⁴ Táme ní ɔlɛba ání mli dé ipianwúun yilébwε sv kóráá á, nwun lává mli olú. Opúni mátsíí mli, mlimánya əhaa é ifú. ¹⁵ Mboún mlibi tsu mli klɔntə ání Kristo gyí mli Wíε, mu iwí letin. Mliɔa iwísu, méní brégyíbré ní oko léfité hóggyi ámóú ibu mli tə ámu iwí asón á, mlébi lé mú ənó wankláán. Táme mlinya klɔn, amliba iwiasí le mú ənó. ¹⁶ Mli klɔn máha mli pón tətə iwí, méní ní buɔe ason laláhe blí tsú mli tsiátó wankláán ámóú mli lópu mli buo Kristo amu iwí á, péli békitá amó. ¹⁷ Ní igyi Bulu apé ání fəwúun ipian kóráá á, ibu aléá fəwun ipian yilébwε sv, dun ání fəwun ipian lalaha bwε sv. ¹⁸ Tsúfé Kristo é lówu ahá lakpan sv ətsáwɔle pé. Mu asón da əkpa, táme olowu há lakpan abwεpó fée, méní əbəkpa mli ba Bulu wá. Bəmə mu nyankpɔsa-oyí, táme Bulu lókusúa mu Ɔhétó. ¹⁹ Ɔlɔtsun Ɔhə ámɔtə yéda asón ámu əkan há afúli amóú buɔa obu ámu. ²⁰ Afúli amu gyí, ahá ámóú buɔmɔbu Bulu asón, Bulu lénya klɔn há amó bré ámóú aní náin Noa dé dáka kpənkpəənkpənti sré ámu. Ahá ikwe pé lótsun ntsubulá ámɔtə nyá nkpa. ²¹ Ntsu ánfí léli há asúbə. Alí ámóú ahá ámu bətsun ntsubulá ámɔsu nyá nkpa ámu a, alí kén asúbə ánfí dé mli nkpa hóə ní. Megyí mli iwí ifin asúbə təfwí. Mboún igyi ipabwii há Bulu ání mli klɔn ídí mli asi, imátrá ha mli pón. Asúbə ánfí lahə mli nkpa tsun Yesu Kristo kusú tsú afúlitə ámɔsu. ²² Alayó əsósú yétsiá Bulu gyəpɔsu séi. Bulu-abəpu, əhétó awíε pú túmi kugyíko bəbu mu asi.

4*Nkpatsiá Há Bulu*

¹ Kristo lówwun iwíəsin. Mú sv mliɔa iwísu mli é, amlipɔ mu əkpa ámu alí kén. Tsúfé əhá ání owun iwíəsin lalé mu iwí lé lakpantə. ² Iní sv əmátrá ha əwólí laláhe igyi mɔsu. Mboún əhá Bulu apébwε itsia mu klɔntə mu nkpa ání ɔlasi əyí ánfítə fée. ³ Asa mli lébemli Akristofó á, mli léyintá bré tsətsəətsə tsíá bwé tóá ahá ání buɔmeyin Bulu bətekle bwε. Mú aná gyí; atsi móa ayin asónwa, ntábu, pléikpada móa ntakpan onúkpa yə pú ikpitswée ání igyi mli akisítə. ⁴ Itobwíε əmátəfə ámu ənó ání séi mli tráa mli mli édsrí buo amó yóbwe lalaha. Mú sɔ buɔesíá mli ní. ⁵ Táme béle amó bwéhé fée ənó Bulu ansító. Mu əhá begyi akiankpapɔ pú awupú fée asón ní. ⁶ Mú sɔ beyéda Bulu asón wankláán ámu əkan há awupú ní. Amó lowu ámu igyi isúá Bulu labítí amó əyólúv, fé alí á tɛbítí əhagyíəha isu. Beyéda Bulu asón ámu əkan há amó, méní amó əkláa obénya nkpa fé alíá Bulu bu nkpa.

Bulu Atokiehé Kitá Wankláán

⁷ Tógyító onómá lafon ta. Mó su mlíkita iwí, amlíha mlí agywuntá idi, méní mlétalí bó mpáí. ⁸ Móbá idón mó fées gyí, mlídwé aba tsu mlí klóntá. Tsúfè òdwé ánfí odu òbéha mlétalí sí ahá lakpan kíé amó ní. ⁹ Mlípú ansígyí hó mlí aba Akristofó afós, mlímáblí mlíaa ilakpón mlí. ¹⁰ Bulu lakíé òhagyíòha ató òtsan-òtsan. Mó su òhagyíòha òkíta mu kletá wankláán, amlípókpa aba. ¹¹ Ní òku klé gyí Bulu asónblí á, òblí asón ání itsú Bulu wá. Ní òku klé gyí ahá sùm á, òpú òwónlín ámóú Bulu lahá mu amú fées sùm mu aba. Iní òbéha ahá békánfú Bulu tsón Yesu Kristosu tógyítótó. Numnyam móa túmí igyi Bulu klé bré féesót. Amen.

Akristofó Ipiánwúun

¹² Mí apíó adwepó, mlímáha asón wunhe kpónkpónkpóntí ánfí bødewéso mlí kí ánfí íbwíe mlí onó. Mlímákí mó ání asón pòpwe dé mlí tu. ¹³ Mlíha ansí mboún igyi mlí ání mlídé Kristo asón wunhe amú ku wúun, méní ansí bétrá hie gyí mlí eke ámóú mu numnyam bélun òwan ámu. ¹⁴ Ní ahá bødé mlí sia Kristo búto su á, idesuná ání nwun lawá olú. Bulu Numnyam Òje Wankíhé amú bu mlíto. ¹⁵ Mlító òkoku òmáwun asón ahámá, ntée owi, ntée lakpanbwe, ntée okéngyéwa su. ¹⁶ Táme ní mlígyí Akristofó su mlídé asón wúun a, imáwa mlí péli. Mboún mlíkanfú Bulu ání Kristo idá dín mlísu.

¹⁷ Tsúfè bré lafon ání Bulu obégyi òhagyíòha asón. Obégyankpá gyi mu onutó ahá asón. Ní Bulu obéfi mó así tsú anísu á, mómú nkálí ahá ámóú bómòhó mu asón wankláán ámu su gyi amú klé bóbwe? Ibéhie wá ifú.

¹⁸ Bòwanlín wá Bulu asóntó bée,

“Ní íbówa onlun asa Bulu òbóhó yilé abwepó nkpa á,

mómú nkálí íbégyi ha lakpan abwepó pò ahá ání botamabú Bulu é?

Iméetepí wá alé há amó.”

¹⁹ Mó su ahá ámóú igyi Bulu apé ání bówúun asón ámu bopóú amó iwí fées wa amó Òlepó ámu íbító, abókita yilébwéto kínkíinkín. Otegyi mu asónsú brégyíbré.

5

Bulu Akúfasv Kú

¹ Séí á, ndeklé mbéé, nótóí kplá mlíá mlígyí ahande Kristo òpasuato. Òpasua òhände mí é ngyi. Ntráa ngyi ipian ámóú Yesu lówun amú iwí adánsíe ogyíró. Mí é nénya mu numnyam amóú íbélun òwan ámu íku. ² Nde mlí kokóli mbéé, mlíkí ahá ámóú Bulu lapówá mlí íbító amúsu wankláán fé akúfa òkparó. Imábwe mlí fé bødé mlí hie, mboún mlíbwé mó tsu mlí klóntá alíá Bulu déklé. Megyí sika onsípe su, mboún òdwéá mlíbu ha osum ámu su. ³ Mlímábwe ahá ámóú Bulu lapówá mlí íbító ámu kpóunkpóun. Mboún mlítsia tsiátó wankláán ání íbóbwe nfántóhón há amó, ⁴ méní ekeá Kristo, ogyi akúfa akparó Owíe amú òbá á, òbéha mlí isugyí-ípa ání íbu numnyam, iméekpa ekekekeke.

⁵ Nyasubi móa mbitebí, mlí é mlípú obú há mlí ahande. Mlí fées mlípú iwíasiá kpa aba. Tsúfè bówanlín wá Bulu asón ámúto bée, “Bulu tókósó líí iwí atsupósó, táme òtówá awítòle há ahá ání beba iwíasi.” ⁶ Mó su mlíba iwíasi, amlípú mlí iwí wa Bulu túmí kpónkpónkpóntí ámu así, fówun obótú mlí fóa mu bré wankláántó. ⁷ Mlípú mlí asón wunhe fées wa Bulu íbító, tsúfè òtògwíun mlí iwí.

⁸ Mlikita iwí, amlidinka ansí iwísu, tsúfé mlí olupó, ogyi Ọ̀bunsám ná odekpóún, odeki fé gyatá, ọ̀de ọ̀ku dunká ọ̀kita wí. ⁹ Iní sù mlikita mlí hógyító kínkínkín, amlitin mu ọ̀kpa. Mlubi ání mlí aba Akristofó ání búbu ọ̀yító fẹ́é búde ipian ánfí odu wúun. ¹⁰ Táme Bulu híe ọ̀bu awítale há mlí tógyítótó. Múlátí mlí ba mu numnyamto tson mlia Kristonyo ikolebwetó. Mu numnyam amu bu unu bré fẹ́étó. Ní mlowun ipian kpalobí á, unówa ọ̀pá mu onutó obótsu mlí kósó, há mléyinkí líí. Ọ̀bówa mlí ọ̀wónlín, há mléle nlin Kristotó. ¹¹ Mubó iwíegyi bré fẹ́étó. Amen!

Iklá

¹² Silwano létsa mí nọwanlín ọ̀wuló kútúklú ánfí sísí mlí. Nyin ání opió Okristoyin ogyi, ọ̀bu ọ̀nọ̀kwali. Ndekléá nọwa mlí ọ̀wónlín, mí angyi adánsíe suna mlí ání asón ánfí nabláa mlí ọ̀wuló ánfító fẹ́é idesuná ání iní gyí Bulu awítale onutónutó ámu ni. Mlikita mótó kínkínkín.

¹³ Mlí apió ahógyipu amú búbu Babilon ọ̀pasuato behá mlí itsiá. Mí bí Marko é ọ̀há mlí itsiá. ¹⁴ Mlíbu aba-ọ̀dwe amú ọ̀bu Akristofótó ámu ha aba itsiá brégyíbré. Nde Bulu kulí mbéé, ọ̀háa mlí ahá amú mligyi Akristofó ámu fẹ́é iwílwii.

Petro ጋግሎ ነገራህ

Itsidha

¹ Mí Yesu Kristo osúmbi pú mu sumbí ጋጋጋ Simon Petro dé ጋግሎ áñfi wanlín.

Nde mó wanlín sísí mli fээá mllanya hógýiá ibu labi fé aní klé, Bulu mva aní ጋጋጋ Yesu Kristo yilébwe lahá anilanya ámu.

² Bulu ጋጋጋ gyi mli buale, ጋጋጋ mli iwilwii, tsúfé mllabí mva aní Wíe Yesu Kristo tsía.

Bulu Ahá Tí Pó Tóá Odedunká

³ Iníá anilabí Yesu wankláán su á, Bulu lahá aní tógýitáá abópጋtsiá nkpa áñi itegyí mu ansí. ጋጋጋ aní mu onutó túmitó ጋጋጋ, abénya mu numnyam pú mu yilébwe. ⁴ Mu túmi kpጋጋጋጋጋጋጋጋ ámu kén ጋጋጋጋጋ aní ato yiléá ibu bíá. Mú ጋጋጋ yáí áñi ጋጋጋጋጋ aní ní. ጋጋጋ áñi ጋጋጋ aní tsú ጋጋጋ ጋጋጋ laláጋ ámuó iteyintá nyankጋsa amጋጋ, atsጋጋn mጋጋ tsíá mu atsiábi. ⁵ Iníá Bulu labwé iní há mli su á, mllጋጋn mli hógýisu amlbwe yilé ጋጋጋጋጋጋጋ. Mllጋጋn mli yilébwe ámuጋ amlbí asón. ⁶ Mllጋጋn mli asónbí ámuጋ amlgyi iwísu. Mllጋጋn mli iwísuጋyí ámuጋ amlíwa nsí. Mllጋጋn mli nsiwa ámuጋ amlsum Bulu. ⁷ Mllጋጋn mli Bulusúm ámuጋ amlíwa awitole. Mllጋጋn mli awitolewa ámuጋ amlíwwe mli aba Akristofó. ⁸ Ní iní aná dedán mllጋጋ á, íbósuná áñi mllabí aní Wíe Yesu Kristo. Mu bí ámu désuná áñi mllawá labi, swíé abí ní. ⁹ Táme ní tsiátó anfi aná ima akጋጋ á, butamawun ጋጋ tsútsú. Amó ansíbi labwíé. Batan áñi Bulu lófwí amó lakpan dada amú lé amó iwí.

¹⁰ Mú su mí apíó adwepú, mllisen ansító. Bulu léti ahá, ጋጋጋ akú há mu iwí. Mllha mli bwehé isuna áñi lélé mllbu amótó. Ní mllidé iní bwe á, mllmээ́dida ekekeke. ¹¹ Ibá alí á, Bulu obéfinkí ጋጋጋ ጋጋጋyaa há mlówie aní Wíe pú aní ጋጋጋ Yesu Kristo iwígyí ámuó itamamó ጋጋጋ amጋጋ.

¹² Mmээ́si mli asón áñfi káin. Ibu mótsá mliyin mó dodo. Mllíu mli ጋጋጋwáli ámuጋ kínkíínkín. ¹³ Ee, nawun áñi iníá nenyá mbu nkpa áñfi mó á, ibu alé áñi nétsiá káin mli asón áñfi brégyíbré. ¹⁴ Tsúfé aní Wíe Yesu Kristo lahá mí nabí áñi mí nke itráa mጋጋጋ ጋጋጋጋ anfiጋ. ¹⁵ Mú su nótsጋn ጋጋጋጋጋጋጋ há mllétsiá káin mጋጋጋ mí ጋጋጋ.

Kristo Numnyam

¹⁶ Megýi nyánsa anilópጋsré ጋጋጋ bጋwa súná mli tsú aní Wíe Yesu Kristo túmi pú mu yínkí ba ámu iwí. Mboún aniléጋጋጋ pú aní ansíbi wun mu numnyam. ¹⁷ Tsúfé aní ansító aní Sí Bulu lጋጋ obú móa numnyam kpጋጋጋጋጋጋጋጋ há Yesu, bréá Bulu Onumnyampጋጋ amú ጋጋጋ ledali tsu ጋጋጋጋ ጋጋጋ, “ጋጋጋ gyí mí Bí ጋጋጋጋጋá olegýi mli ansí ní.” ¹⁸ Aní onutó lónu ጋጋጋ amú tsú ጋጋጋጋ, bréá ania mጋጋጋ anilí ibu wankihé ámuጋጋ.

¹⁹ Iní su anilahié wun áñi asón ámuó Bulu ጋጋጋጋ atáipó amú bebli tswí amú ihíé ibu mótsó. Ibéጋጋጋ wá alé há mli, ní mllayaa asu nú mó, gyi mጋጋጋ. Tsúfé amú asón ámu igýi fé ጋጋጋጋጋጋ idewankí oklúntó yጋጋጋn bréá ጋጋጋ ጋጋጋጋ, bake ጋጋጋጋጋጋ amú ጋጋጋጋጋጋጋጋ mli klúntó. ²⁰ Iwánkí mli áñi megýi Bulu ጋጋጋጋ atáipó amú onutó apé bጋጋጋጋጋጋጋጋ Bulu asón ámu. ²¹ Tsúfé megýi amú onutó lጋጋጋ amú agywíin blí Bulu ጋጋጋ asón tswí. Mboún ጋጋጋ Wankihé lébá amúጋጋ bebli asón áñi Bulu déklé.

2

Afunu Ató Asunápó

¹ Bímí ámu a, Bulu ɔ́nsó atáípo afunupo betsiá Bulu ahátɔ. Alí kén betsiá mlítɔ ní. Bóbwe híéé pú amú onutó atosunáhéá itómó bɔwa mlítɔ. Bókɔsó líí amú Wíe amú ɔ́lɔhɔ amú ámuɔɔ kóráá, póhí amú íwí. ² Ahá tsɔtsɔtsɔ bóbuo amú tsiátó laláhe pú péhla anfi. Amú sɔ ahá bókpaí ɔ́nɔkwali ɔ́kpa ámu. ³ Amú ɔ́nsípe sɔ békpekpée asón blí púswíí mlí kóba. Asón ogyípo Bulu léda íwíɔ ɔ́yí ɔ́pá ání ɔ́bébití amú ísɔ, hí amú.

⁴ Tsúfí Bulu mésikíé mu abɔpu amú bɔbwe lakpan ámu kóráá. ɔ́lɔwa amú ikan, tswí amú wá ísɔbití ogyá amú ɔ́ itamadun amú oklúklúklúkpa oklúntɔ.* Betsiá unu yófun amú asón ogyíké. ⁵ Mliyín ání Bulu mékiná atúfɔ amú bɔmɔbu mu amú ísɔbití. Mboún ɔ́lɔha ntsu léme amú fée. Noa muv ahá abasiénó pé lésián. Noa léda ɔ́kan bláa ahá alí bré ámuɔ ɔ́béé, bɔtsiá tsiátóá ilegyi Bulu ansí. ⁶ Ida mlí ansító ání Bulu léha ogyá lɔhɔ Sodom múa Gomora awúlu mlí nsúó. Amú lakpan sɔ Bulu lébití amú ísɔ, isuna tóá íbéba ahá ání bɔtɔkúsó líí muɔɔ ɔ́kekó. ⁷ Táme Bulu léle yilé ɔ́bwepó Lot mú alí bré ámuɔ. Ahá ámu tsiátó laláhe pú amú mblasómágyi letsiá han mu. ⁸ Oletsiá nú, oletsiá wun amú bwehé laláhe ekekegyíeke, iletsiá tó mu klɔn. ⁹ Iní fée ilosuná ání aní Wíe yín alá ɔ́béle yilé abwepó tsú ísókítɔ, pú alá ɔ́bébití laláhe abwepó ísɔ yófun ɔ́kéá ɔ́bégyi amú asón. ¹⁰ Múá idun a, ahá ání odu bɔtamagyi íwíɔ, íwítsú bu amú tó, bɔtamású sɔ tɔ íwí dun hakpan ání amú ɔ́wólí laláhe tekle. Bulu ɔ́béhe bítí amú ísɔ.

Ní bɔde anumnyampúá bɔbu ɔ́sósú sia á, itamawá amú ifú. ¹¹ Bulu-abɔpuá bɔhíé bɔbu túmi, bɔbu ɔ́wunlín kóráá bɔtamasiá anumnyampu anfi Bulu ansító. ¹² Afunu ató asunápó anfi bɔgyi fí pututɔ-mbwíá bɔma agywun. Bɔtɔkwíí amú keke, ahá bɔtekítá amú, mú amú. Bɔteblí asón laláhe tsú tóá bɔmonu mú así íwí. Amú laláhebwe béhi amú fí pututɔ-mbwí. ¹³ Alí amú bahá ahá bɔde asón wun amú sɔ Bulu ɔ́bɔpu asón wunhe ká amú akɔ. Bɔtegyi ɔ́dwe nketo, tsúfí ansigyíla bɔtɔbwé. Bɔtɔbwé péhla, kpóí íwí, bɔtowíe anitɔ aní nkegyítɔ. Bɔde íwí mlé. ¹⁴ Tɔtɔ ima amú ansigyí dun mbuɔtɔ. Bɔtamasi laláhe bwe. Bɔtemlé ahá ání amú hóggyi melí tsukole, há bɔtɔbwé lakpan. Bahíé bí ɔ́nsípe wa. Amú bwehé laláhe anfi sɔ, bɔgyówí ní! ¹⁵ Basí ɔ́kpa wankláán ámu tswí, yó bɔbuo Beor mu bi Bulu ɔ́nsó ɔ́táípo Bileam bwehé laláhe. ɔ́lɔdwe sika ání obénya tsú laláhebweɔ. ¹⁶ Mú sɔ Bulu léha mu afrímú lótoí wa mu, ílɔha olesi mu gbedéla amú bwe.

¹⁷ Afunu ató asunápó anfi bɔma labi kɔkɔ. Bɔgyi fí ntsuá ilakpí ntée nyankpúá ilabílá tuun, afú latsɔan mú nátí. Iní sɔ amú otsiákpá ání Bulu lalá yáí amú gyí oklún tuuntɔ. ¹⁸ Bɔtotsú íwí, ká ɔ́nótó, pú amú ɔ́wólí laláhe tun ɔ́nó, mlé ahá bɔtelábwé lakpan ání besi bwe imókúwá ɔ́pá. ¹⁹ Bɔtehíé ahá beé, ní begyi amú atosunáhésɔ á, béggyi íwí. Táme amú onutó bɔgyi nkpábi há tsiátó laláhe. Tsúfí nyankpúsa gyí ɔ́kpábi há tóá íde muɔ gyí. ²⁰ Ahá ání babí aní Wíe pú aní ɔ́lepú Yesu Kristo, sí ɔ́yító ɔ́wólí laláhéá iteyíntá nyankpúsa bwe, beyínkí yébitíwíé mótó, igyi amúsú á, amú tsiátó teláyíntá dun alá igyi yáí. ²¹ Ní bɔmetepí wun ɔ́kpa wankláán ámu kóráá á, tekí íbɔ alé há amú dun ání bówun mú yínkí ɔ́ma, sí mbli wankíhé amú bɔpɔhá amú ámuɔ gyí. ²² Amú bwehé ání lahá yébi anfi laba mótó. “Kíai tékpláí, lápó mu ɔ́dandu tsú” pú “Febie ɔ́prákuo ntsu ahágyíalíá á, ɔ́teláyébie ɔ́diba.”

* 2:4 Tataro bɔtetí unu Griiki ɔ́blítɔ.

3

Ani Wie Obáke

¹ Mí apió adwepó, íni gyí ɔwɔlɔ nyɔɔsiá ndewanlín sísi mli ní. Ndepu nɔwɔl anyɔ anfi káin mli, méní mlógywíin mú iwí wankláán. ² Ndekléá mlíkáin asón ámú Bulu ɔnɔsú atáipó wankíhé amu beblí yáí ámusu. Mlíkan aní Wíe, ogyi aní Ɔlepó Yesu Kristo mbala ámú ɔlɔtsɔn mu sumbí ayɔpósú wá há mli ámusu. ³⁻⁴ Gyankpapu a, ndekléá nékáin mli ání nke tráhe amɔtɔ á, ahinlá abwepú aku bóbuo amú onutó ɔwólí laláhe. Bómási mli, fité mli beɛ, “Yéɛ Yesu léblí yáí ɔbéɛ, mélayínkí bá a? Mú nkí mu mé? Tsú aní anáin lowu brésú ɔpá á, tɔtɔtɔ mókótse. Alí ámú ilenya igyi ámu ní.” ⁵ Bakí ansí tan ání ɔnó Bulu lópublí asón bímbí ámu, ɔsú móa así lɛlɛn, ɔsɔlɔbu ledalí tsu ntsutso. Ntsu é ɔlɔpɔbwé mú. ⁶ Ntsu kén ɔleha ɔlɔbulá yíntá bímbí ɔyí ámu. ⁷ Ɔnó ámu kén ɔletrá publí ání ɔsú móa así anfi mú íbétisiá yɔfun ekeá obégyi ahá ámú butamanyá mu ifú ámu asón, pú ogyá hí tógyító.

⁸ Táme apió adwepó, mlímátan íni músú. Ekewóle igyi fé nfi-ɔpím, nfi-ɔpím é igyi fé ekewóle aní Wíe ansító. ⁹ Ahá buki beɛ, Bulu tesi tsiá tóa alahíéá ɔbóbweɔ. Megyí alí igyi, mbóun klɔn otenyá há mli; méní ɔhagyíɔha ɔbédamlí klɔntɔ sí lakpan bwe, tsúfé omedékléá ɔhaa ɔbófwi.

¹⁰ Táme aní Wíe ɔbáke amu íbófwie ahátɔ, fé alhá owíkplu tofwíé ɔhata. Eke ámu a, ɔsúsú bósurá okitikítí kóklóklóú ŋa. Ogyá bénláin ntobíá ɔlɔpɔbwé ɔsú móa así féé. Ɔsɔlɔbu móa músú ató é féé bóho plíplíplíplí. ¹¹ Iná lélé Bulu obéyíntá ɔyító ató féé alí á, tsiátó mɔmɔ ilehián ání mlópɔtsiá, íbégyi Bulu ansí? Ilehián ání mli iwí bétin, mlósúm Bulu. ¹² Mlítsia tsiátó anfi pɔkí ɔkpa ha Kristo ɔbáke amu, amlíha mú íkɔsɔ ba. Bulu ɔbópu ogyá hí tógyító ɔsúsú eke ámu. Mú okunkúú é íbénláin unɔ ató féé. ¹³ Táme Bulu léhie ání ɔbóbwe ɔsú móa así pɔpwe há aní. Ɔtínéá ahá ání amú asón da ɔkpa bétisiá. Mú angyó ní.

¹⁴ Mú su apió adwepó, íniá mlígyó íni su á, mliyiwi iwí amlítsia tsiátóá mú iwí lɛtin, ɔlala méetsiá mli iwí Bulu ansító, méní iwílwii bétisiá mli mɔnyɔ nsíné. ¹⁵ Mlíámátan ání ahá nkpahóó sú aní Wíe dé íklɔn nya, fé alhá aní pío ɔdwepó Paulo lópu nyánsa ání Bulu léha mu wánlín asón anfi kén sísi mli. ¹⁶ Asón anfi aná iwí ɔlɔtáí tsú mu nɔwɔl fɛétó ní. Táme mu asón ámu íkɔ asinu bu ɔnlɔn. Mú su ahá ání butamakási tɔtɔ pú ahá ání amú hogyi melíí tsukɔle butédámli Paulo asón ámu, fé alí ámú butédámli Bulu asón wanlínhé bun amu. Mú ɔbéha Bulu ɔbéhi amú ní.

¹⁷ Táme apió adwepó, íniá mliyin mú alí su á, nde mli ɔlá da yáí. Mlíɔnka ansí iwíɔ, méní ahá anfi butamagyi mblasu anfi bómɔpɔ amú atosunáhé laláhe amu bemlé mli, amlíɔɔda. ¹⁸ Mbóun mliyo músú, méní aní Wíe pú aní Ɔlepó Yesu Kristo awítɔle pú mu bí bómoní mlítɔ. Numnyam íbwéɛ mu kle tsú séi púya bré fɛétó! Amen.

Yohane ጋግሰጊ Gyankpapu

Nkpa Asón

¹ Anidé ጋግሰጊ áñfi wanlín sísí mlí tsú Asón á múb itehá nkpa, ibu inu asa oyi leln amu iwí. Aní onutó anilónu mu asón, pú ansíbi wun mu, ki mu, pú ibi da mu. ² Bulu léle Nkpa ጋhapú áñfi ጋwan súná aní, anilówun mu. Anidé adánsie gyí, bláa mlí aníaa, mutéhá nkpa áñi itamatá ní. Mba ጋsí ámu nyó bu inu yái, asa alalé mu ጋwan súná aní. ³ Asón áñi anilónu pú tásá anilówun anidé mlí bláa, méní ania mlínyo abóbwe kole. Tsúfé ania ጋsí ámu pú mu Bi Yesu Kristonyo gyí kole. ⁴ Anidé mú wanlín sísí mlí, méní ania mlínyo ansigyí bófun.

Bulu Lówankí

⁵ Asón áñi anilónu tsú mu Bi ámu wá, anidé mlí bláa gyí, Bulu lówankí. Oklún kukukuko má mutó. ⁶ Mú su ní anidéblí aníaa, ania munnyo anidé mbagyí, táme anítráa aniná oklúnto á, anidé afunu wa. Anímédébwé dínká onakwali asón ámu su. ⁷ Táme ní aniná wanki amutó, fé alí á múb mu onutó ona ámu a, ikolebwé bu ania aní aba nsiné. Mú su mu Bi Yesu Kristo obugya amu tetin aní iwí tsú aní lakpantó.

⁸ Ní ablí aníaa, lakpan ma aní iwí á, anidé iwí mlé. Anímá onakwali. ⁹ Táme ní alé aní lakpan bláa Bulu á, obésikíé aní, tin aní iwí tsú lalaha féétó, tsúfé yilé ጋwepú pú onakwalippu ogyi. ¹⁰ Ní ablí aníaa, anímégyí lakpan abwepú á, anilawá mu afunutó. Idesuná áñi anímóho mu asón ámu.

2

Aní Bwale Ogyípó

¹ Mí abí adwepó, nde asón áñfi wanlín sísí mlí, méní mlímétrá bwe lakpan. Táme ní mlító ጋku ጋbwé lakpan á, anibu ጋhá áñi otokókóli aní Sí ámu há aní. Mogyí yilé ጋwepú Yesu Kristo. ² Tsúfé mulówu, pú mu obugya lé aní nwunsu mbusuo. Megyí aní nkole pé lakpan, táme oyiító ahá féé klé.

³ Ní anidé Bulu mblasu gyí a, mú ጋbéha abébi áñi anílabí mu ní. ⁴ Ní ጋku ጋblí ጋbéé, “Nyin Bulu,” táme otamagyi mu mblasu á, ofunupu ogyi. Ona onakwali. ⁵⁻⁶ Táme ní ጋku tegyi Bulu mblasu á, idesuná áñi mu Buludwe lófun. Tásá ibéha abébi áñi kolebwé bu ania Bulu nsiné gyí, anítsie nkpa fé Yesu Kristo.

Mbla Pəpwe Amu

⁷ Apíó adwepó, megyí mbla pəpwe kuku ndewanlín sísí mlí. Mbla dada amúb mlíyin tsú bré á múb mlilótsə hógyi amu ní. Mbla dada anfi igyi asón áñi mlilanú dodo. ⁸ Táme mbla pəpwe igyi. Tsúfé Kristo tsiátó pú mlí klé lalé mú súná áñi mbla pəpwe igyi. Oklún amu idetsóun. Wanki amu onutó idewankí dodo.

⁹ Mú su ጋhá áñi ጋbéé, ona wanki amutó, táme ጋde mu ba Okristoyin lu á, idesuná áñi otráa ጋbu oklúntó. ¹⁰ ጋhá áñi ጋጋdwé mu ba Okristoyin ná wanki amutó. Mú su tətətə mééha mu ጋbwe lakpan. ¹¹ Táme ጋhá áñi otolú mu ba Okristoyin mú tsie oklúntó. Ona oklúntó, su omeyín otínéá oyo, tsúfé oklún amu latin mu ansí.

¹² Mí abí adwepó, nde ɔwóló ánfí wanlín sísí mli, tsúfẹ Yesu Kristo sɔ Bulu lasí mli lakpan kíe mli. ¹³ Mí así, nde ɔwóló ánfí wanlín sísí mli, tsúfẹ mliabí ɔhá ámóó ɔbu inu tsú ɔyí nfiasí ámu. Nyasubi, nde ɔwóló ánfí wanlín sísí mli, tsúfẹ mliagyi Ɔbɔnsámsó.

¹⁴ Mí abí adwepó, nde ɔwóló ánfí wanlín sísí mli, tsúfẹ mliabí Ɔsí ámu. Mí así, nde ɔwóló ánfí wanlín sísí mli, tsúfẹ mliabí ɔhá ámóó ɔbu inu asa Bulu lóbwẹ ɔyí ámu. Nyasubi, nde ɔwóló ánfí wanlín sísí mli, tsúfẹ mli hógyi ɔnó bu ɔnlɛn, Bulu asón bu mliɔ. Mliagyi Ɔbɔnsámsó.

¹⁵ Mú sɔ nde mli fẹ́e bláa mbé́e, mliámápu mli klɔn dínká ɔyí pó mótó atósú. Ní ɔku dé ɔyí ánfí dwe á, ɔméesalí trá dwe aní Sí Bulu ɛ. ¹⁶ Ɔyító ató ámu iku gyí, ató laláheá itedínká ɔha ɔwólí; atóá ɔha towun, itedínká mu ɔwólí pó ntobiá ɔha tɔpótsú iwí. Iní ánfí odu kokɔko imotsú aní Sí Bulu wá, ɔyí ánfíto itsú. ¹⁷ Ɔyí ánfí pó mótó atóá itedínká ɔha ɔwólí fẹ́e detsúɔn. Táme ɔhá ání ɔtɔbwé tóá Bulu tekle obétsiá nkpa ání itamatá.

Kristo Alupó

¹⁸ Mí abí adwepó, bré tráhe ni. Mlikaɛn ání bebláa mli beɛ, Kristo olupó ámu ɔbéba. Séi ánfí á, Kristo alupó tsɔtsɔtsɔ baba. Iní désuná ání lélé bré tráhe ni. ¹⁹ Kristo alupó ánfí betsiá anitɔ asa bedali. Ní lélé aní klé bugyi á, tekí besi tsiá anitɔ. Amó anitɔdali lósuná ání bomegyí aní apió Kristotɔ. Mú sɔ bedali anitɔ ní.

²⁰ Táme mli mú á, Kristo lapó mu Ɔhe Wankíhé amu wá mliɔ. Mú sɔ mli fẹ́e mliabí ɔnɔkwali amu. ²¹ Megyí beɛ mliuméyín ɔnɔkwali amu, sɔ nde asón ánfí wanlín sísí mli. Mboún alíá mliyin ɔnɔkwali amu, pó alí ámóó mliyin wankláán ání ɔtínéá ɔnɔkwali amu bu a, afunu kokɔko ima inu ámu sɔ.

²² Ma gyí ofunupu kpɔnkpɔntí ánfí? Mubgyí ɔhá ání olekiná ɔbéɛ, “Megyí Yesu gyí Kristo, (ɔhá ámóó Bulu ladá mu ofúli amu).” Idesuná ání alakíná Ɔsí Bulu muɔ mu Bi Yesu Kristo amu. Mú sɔ mubgyí Kristo olupó ámu ni. ²³ Tsúfẹ ɔhá ání okíná Bulu mu Bi ámu lakíná mu Sɔ Bulu é ní. Táme ɔhá ání ɔlɔhɔ mu Bi ámu lahɔ mu Sɔ ámu é.

²⁴ Mú sɔ mliha asón ámóó mliónu tsú bré ámóó mliłótsɔ hógyi amu isin mliɔ. Tsúfẹ ní isin mliɔ á, múmó ikɔlebwẹ bétsiá mliha Yesu pó Ɔsí Bulu nsiné. ²⁵ Iní gyí tóá Kristo léhuɛ ɔbéɛ méha aní, igyi nkpa ání itamatá ámu ni.

²⁶ Ahá ámóó budekléá bémlé mli ámu sɔ nde asón ánfí wanlín sísí mli. ²⁷ Mli mú á, Ɔhe Wankíhé ámóó Kristo lópuwá mliɔ ámu bu mliɔ. Mú sɔ imehián ání ɔhaa ɔbétrá suná mli ató. Tsúfẹ Ɔhe Wankíhé amu tosúná mli tógyító. Mu atosunáhé é igyi ɔnɔkwali onutó. Iní sɔ mlika tóá olosuná mliɔ, amlitsia Kristotɔ.

²⁸ Iní sɔ mí abí adwepó, mliɔsia Kristotɔ. Fówun ní ɔbá á, péli méekitá aní, abétalí fia mu. ²⁹ Ní mliyin ání yilé ɔbwepó Yesu gyí á, múmó mliɔ ání yilé ɔbwepó Bulu mu bi okugyíaku gyí.

3

Bulu Abí

¹ Mliki alíá aní Sí Bulu tehié dwé aní sɔ bɔtetí aní mu abí. Lélé á, mu abí anigyí. Táme tóá svá ɔyí ánfíto ahá bomeyín aní gyí, bomeyín aní Sí Bulu. ² Mí apió adwepó, séi á, Bulu ahá anigyí. Alíá abébemlí wɔle ɔmákonýá lé súná aní. Táme aniyín ání Kristo ɔbá á, abélian mu, tsúfẹ abówun alíá ogyi. ³ Ɔhagyíɔha ání ɔɔn ansí ání mélian mu tehá mu iwí tetɛn, fě alíá mu iwí letɛn.

⁴ Ohagyíoha ání otóbwé lakpan á, odekusó líí Bulu mblaso. Tsúfè lakpan gyí Bulu mblasomágyi. ⁵ Mliyín ání Kristo léba oyító bele aní tsú aní lakpantó, táme mu mó otóbwe lakpan koku. ⁶ Iní su ohá ání mu Kristo bude mbagyí tamatráa bwe lakpan. Mú su ohagyíoha ání otráa ode lakpan bwe mókówun Kristo, omakóbí mu é.

⁷ Mí abí adwepó, mlimáha ohaa omle mli. Ohagyíoha ání otóbwé yilé á, mu asón da okpa Bulu ansító fé Yesu. ⁸ Táme Obunsám mu bi, ohá ání otráa ode lakpan bwe gyí. Tsúfè Obunsám dé lakpan bwe tsú bréá oyí lefi así opa. Bulu mu Bi Yesu Kristo léba oyító beyintá Obunsám gyumagyihe kugyíku.

⁹ Ahá ání babwé Bulu ahá butamatráa bwe lakpan, tsúfè Bulu tsiátó bu amótó. Mú su buméetalí trá bwe lakpan. ¹⁰ Tóá abópobí Bulu abí pú Obunsám abí gyí, ohagyíoha ání otamabwé yilé, ntéé dwé mu ba mégyí Bulu mu bi.

Abadwe

¹¹ Asón ání mlidónu tsú bréá mlidémli Akristofó gyí, adwéé aba. ¹² Mlimábwe mli iwí fé Kain. Obbwe Obunsám mu bi, mó mu gyama. Ntó léha só olomó mu? Obbwe ito laláhe, mu gyama mó lóbwe ito wankláán su olomó mu.

¹³ Mí apíó Akristofó, umáwa mli wánwan ní oyí ánfito ahá butolú mli. ¹⁴ Aní mó anyin ání aniladáli lowu así yó nkpa ání itamatátó, tsúfè anidé aní aba dwe. Ohá ání otamadwé mu aba lasin lowuto. ¹⁵ Ohá ání otolú mu ba gyí ahá omopó. Mliyín ání ahá omopó okoku má nkpa ání itamatá. ¹⁶ Alí ámóó Kristo lótsulá wú há aní ámu ilasúná aní alíá odwe gyí. Mú su ilehián ání aní é abówu há aní aba alí kén. ¹⁷ Ní oku bu ató, alawun ání ku de mu ba hián, táme omowun mu nwe há mu a, mómó oméetalí blí obéé, mutódwé Bulu. ¹⁸ Mí abí adwepó, ní igyi alí á, mlimápu onókpan dwé aba. Mboún mliha apu aní bwehé pú onokwali dwe aba.

Iklonwa Bulu Ansító

¹⁹ Ní anitódwé aba alí á, mó abébi ání anibuo onokwali amu ni. Mú su ní anilí Bulu ansító á, toto méehan aní. ²⁰ Ní aní klon ihá aní pón kóráá á, Bulu yin asón don aní klon, oyin aní bwehé kugyíku. ²¹ Apíó adwepó, ní aní klon méha aní pón bréá anilí mu ansító á, ifú méekitá aní. ²² Bulu obéha aní tóá anidé mu kolí, tsúfè anidé mu mblaso gyí, aní tsiátó é légyi mu ansí. ²³ Mbla ání Bulu lówa há aní gyí, ahóó mu Bi Yesu Kristo gyi, adwe aba fé alíá Yesu lébláa aní. ²⁴ Ohá ání ode Bulu mblaso gyí a, mu Bulu babwé kole. Bulu bu mu klontó. Tóá itosúná aní ání obu aní klontó gyí Ohe Wankíhé amóó olpohá aní ámu.

4

Ohe Wankíhé Pú Ohe Laláhe

¹ Apíó adwepó, mlimáho ahá féé ání beé, bobu Ohe Wankíhé amu asónsú gyi. Mboún mliso ohé ámóó budepusuná ató ámu ki. Tsúfè Bulu onósú atóipú afunupu tsatsaotsa babólá oyí ánfito. ² Iní apóbí ání ohé ámu itsú Bulu wá ní. Ní oku dé ató suná, oelblí obéé, Yesu Kristo léln fé nyankpusa a, mómó mu atosunáhé amu itsú Bulu wá. ³ Táme ní oku léblí obéé, Yesu méln fé nyankpusa a, mómó Ohe Wankíhé amu ima mutó. Kristo olupó ohé ámóó mlidónuá beé, idéba amu ni. Uaba oyító dodo.

⁴ Mí abí adwepó, Bulu ahá mligyí. Mlilagyi Bulu onósú atóipú afunupu amusu. Tsúfè Ohé ámóó ibu mlito ámu bu onln don móámóó ide oyí ánfito aháso gyí amu. ⁵ Yesu alupó ámu bumeyín Bulu. Iní su amó atosunáhé féé

igyi ahá ání bomeyín Bulu atosunáhé. Mó sv ahá ání bomeyín Bulu tóhó amó asónsó gyi. ⁶ Aní mó á, Bulu ahá anígyi. Mó sv ÷hagyí÷ha ání oyin Bulu tóhó aní asónsó gyi. Táme ÷há ání omeyín Bulu tamahó aní asón. Iní anitápóbí ÷nákwalí ÷hé ámu pó afunu klé ní.

Bulu Gyí ÷dwe

⁷ Mí adwepó, mlíha adwe aba, tsúfé ÷dwe itsú Bulu wá. ÷hagyí÷ha ání ÷tódwé ahá a, Bulu mv bi ógyi, oyin Bulu. ⁸ ÷hagyí÷ha ání ÷tamadwé ahá méyín Bulu, tsúfé Bulu gyí ÷dwe.* ⁹ Alíá Bulu léle mv ÷dwe súná aní gyí, ÷lpp mv Bi ÷kókónó ÷kole amó sísí ÷yító, méní abótsvñ mvsv nyá nkpa ání itamatá. ¹⁰ Megyí alíá anitódwé Bulu gyí Buludwe ÷nákwalísv. Mboún alíá ÷ldwe aní, pó mv Bi sísí aní, ání ÷bópp mv obugya le aní iwí mbusuo gyí ÷dwe.

¹¹ Apíó adwepó, íníá Bulu léhie dwé aní alí sv á, ilehián ání aní é abódwe aba. ¹² ÷haa mókóhíé wun Bulu kí. Ní anidé aba dwe á, idesuná ání Bulu bv aní klontó. Mó sv mv ÷dwe ləfon anitó.

¹³ Bulu lapó ÷he Wankíhé amó há aní. Mó sv anilabí ání ania mnyo anilabwé kule, ÷bv aní klontó. ¹⁴ Anilawun mó alí. Mó sv anidé adánsie gyí aniaa, aní Sí Bulu lówa mv Bi Yesu Kristo ÷béé, ÷béle anyánkpsa féé tsu amó lakpantó. ¹⁵ ÷hagyí÷ha ání olohogyi, ÷léblí ÷béé Yesu gyí Bulu mv Bi ámu a, Bulu bv mvtó, mv é ÷bv Bulutó. ¹⁶ Mó sv aniyin ÷dweá Bulu bv ha aní, anilóhó mósó gyí.

Bulu gyí ÷dwe. Mó sv ní ÷ku tódwé Bulu pó mv aba á, ÷bv Bulutó, Bulu é bv mvtó. ¹⁷ Iní désuná ání Bulu ÷dwe ləfon anitó ní. Mó sv anuméenya péli mv asón ogyíké, tsúfé anilatsiá nkpa ÷yí ánfító fé Yesu. ¹⁸ ÷há ání Bulu ÷dwe bv mvtó tamanyá ifú. Mó sv ní anidé Bulu pó aní aba dwe á, anuméenya Bulu ifú. Tsúfé ahá ání bvyin ání Bulu ÷bébití amó isv ténýá ifú. Iní sv ní ÷ku dé Bulu ifú nya á, ilosuná ání Bulu ÷dwe məfon mvtó.

¹⁹ Anitódwé Bulu pó aní aba, tsúfé Bulu légyankpá dwé aní. ²⁰ Ní ÷ku léblí ÷béé “Ntódwé Bulu,” támé otolú mv ba á, ofunupv ogyi. Tsúfé ÷há ání otolú mv ba ání otowun, méetalí dwé Bulu ání ÷mákóvwun kí. ²¹ Mbla ání Yesu Kristo lówa há aní gyí, “÷há ání ÷tódwé Bulu ÷dweé mv ba é.”

5

Tsiátó Laláhesvgyi

¹ ÷hagyí÷ha ání olohogyi ÷béé, Yesu gyí Kristo, (÷há ání Bulu ladá mv ofúli amó) a, Bulu mv Bi ógyi. Ní fótódwé ÷kwípó a, fódwe mv bi é. ² Mó sv ní anidé Bulu dwe, anidé mv mblasv gyí a, mó abóppbí ání anidé mv abí dwe ní. ³ Ní anidé Bulu dwe á, abégyi mv mblasv. Mv mbla ámvsu gyí é ima ÷nlin. ⁴ Tsúfé Bulu mv bi okugyí÷ku tetálí gyi tsiátó laláhesv. Aní hógyi anitápógyí mósó. ⁵ Ma ÷bétalí gyi tsiátó laláhesv? ÷há ání olohogyi ání Yesu gyí Bulu mv Bi ámu nkole ÷bétalí gyi mósó.

Yesu Kristo Iwí Adánsiegyi

⁶ Yesu Kristo gyí ÷há ání ÷ltsvñ ntsu móa obugyató ba. Megyí ntsu nkuletó ÷ltsvñ. ÷ltsvñ obugyató é. ÷he Wankíhé amó légyí asón ánfí iwí adánsie, ání igyi ÷nákwalí. ÷tamawá afunu. ⁷ Ató asa légyi Yesu iwí adánsie. ⁸ Mógyí, ÷he Wankíhé, ntsu pó obugya. Ató asa ánfí féé léblí toku kule. ⁹ Ní ahá begyi adánsie súná aní, anitohogyi a, mómmó ilehián ání abóhó Bulu klé ÷vñ. Tsúfé mv onutó légyi mv Bi ámu iwí adánsie. ¹⁰ ÷hagyí÷ha ání

* 4:8 Bulu gyí ÷dwe así gyí, ÷dwe itsú Bulu wá.

ἄλλο Bulu μου Bi ἄμου γυι λαὸ Bulu adánsιe ánfισυ γυι μου κλυτῶ. Αὐ κέν ἡγαγίῃῃῃ ἄνι ἁμῶ Bulu adánsιe ánfισυ γυι dé μου afunutῶ wa ní. Tsúfē ἁμῶ adánsιe ámú Bulu légyi tsu μου Bi ἰωι ἄμουσυ γυι. ¹¹ Adánsιe ἄμου γυι, Bulu lapó nkpa ἄνι itamatá há ανι tsυn μου Bi ἄμουσυ. ¹² ἡγαγίῃῃῃ ἄνι ἄλλο Bulu μου Bi ἄμου ἅυ nkpa ἄνι itamatá. Αὐ κέν ἡγαγίῃῃῃ ἄνι ἁμα Bulu μου Bi ἄμου má nkpa ἄνι itamatá ní.

Asón Tráhe

¹³ Mlilahῶ Bulu μου Bi ἄμου γυι. Mú συ nde ὡυλό ἄνι wanlín sísi mli, ménι mlebι ἄνι mlibυ nkpa ἄνι itamatá. ¹⁴ Tῶá itehá anitῶwá κlon yó Bulu ansítῶ gyí, akólι μου tógyítῶá igyi μου apé á, otonú ανι ἁμε. ¹⁵ Ní aniyin ἄνι otonú ανι ἁμε a, mómó akólι μου tógyítῶ á, aniyin ἄνι ἄβῆῃῃ ανι.

¹⁶ Mú συ ní ἄκω owun μου ba Okristoyin dé lakpan bwe á, ἄβῶ mpái ha μου. Bulu ἄβῆῃῃ μου nkpa. Ahá ἄνι ἄμύ lakpan méekpa ἄμύ wá lowutῶ asón ndeblí. Lakpan κω ἅυ ἰνωά itekpá ἡhá wá lowutῶ. Megyí ἡhá ἄνι ἄβwé lakpan ἄμου odu mbéε mlibῶῶ mpái ha. ¹⁷ Lalahε kugyíko igyi lakpan, táme lakpan κω ἅυ ἰνωά itamakpá ἡha wá lowutῶ.

¹⁸ Aniyin ἄνι ἡhá ἄνι alabwé Bulu μου bi ἄκωκω tamatsiá bwé lakpan, tsúfē Bulu μου Bi ἄμου togyo μου ἰωι. Inι συ Ἰbυnsám tamatáli bwé μου tῶtῶ.

¹⁹ Aniyin ἄνι Bulu ἡhá anigyí, táme Ἰbυnsám dé ὡyítῶ ἡhá féesῶ gyí.

²⁰ Aniyin ἄνι Bulu μου Bi ἄμου laba. Alahá anilanú asón asi, ménι abéβι Bulu Ἰnῶkwalipυ μου. Ania monyῶ anilabwé κωλε, ania μου Bi Yesu Kristo é anilabwé κωλε. Lélé á, μου nkωλε pé gyí Bulu Ἰnῶkwalipυ pῶ nkpa ἄνι itamatá ἄμου nι.

²¹ Mú συ mí abí adwepῶ, mlikι mli ἰωι wankláán ikpísúmsῶ.

Yohane ᾠωβλό Nyᾠᾠᾠ

¹ Aní yín ání Bulu lalé, mí ᾠpasua ᾠhande Yohane dé ᾠωβλό áñfi wanlín sísí fᾠa fᾠu abí. Ntᾠdwé mli fᾠé ᾠᾠkwali amᾠᾠ. Megyí mí nkᾠle pé tᾠdwé mli, táme ᾠhagyíᾠha ání oyin ᾠᾠkwali amᾠ é. ² Tsúfᾠé ᾠᾠkwali amᾠ bu anitᾠ, ibétsiá anitᾠ brégyíbré.

³ Aní Sí Bulu mᾠa mᾠ Bi Yesu Kristo bugyí aní buale. Bᾠwúun aní nwe, abᾠha aní iwilwii, aní ahá ámᾠᾠ anitᾠdwé aba ᾠᾠkwaliᾠᾠ ámᾠ.

ᾠᾠkwali Mᾠa ᾠdwe

⁴ Ansí lᾠhié gyí mli bréá nowun ání fᾠu abí ámᾠ akᾠ buᾠa ᾠᾠkwali ᾠkpa ámᾠᾠ, fé ahá aní Sí Bulu lébláa aní. ⁵ Aní yín ᾠdweᾠᾠ, mliha adwe aba. Megyí mbla ᾠᾠwe ndewanlín sísí fᾠu. Mbla ámᾠᾠ anilébi tsú bré ámᾠᾠ anilᾠtsᾠ hᾠgyí amᾠ ni. ⁶ Ní futᾠdwé Bulu á, fégyi mᾠ mblasᾠ. Mbla ání anilébi tsú bréá anilᾠtsᾠ hᾠgyi gyí, adwéé aba.

⁷ Ahá amlᾠᾠᾠ tsᾠtsᾠᾠᾠ baba ᾠyí áñfitᾠ. Bᾠdeblí bee Yesu Kristo mélin fé nyankᾠᾠsa. Ahá áñfi gyí ahá amlᾠᾠᾠ ᾠᾠ Kristo alupᾠ ámᾠ ni. ⁸ Mᾠ sᾠ mliki wankláán, ménᾠ mli gyumagyihᾠ mᾠᾠᾠwe kpaali, féki mlénᾠa mli ikᾠká féé.

⁹ ᾠhagyíᾠha ání ᾠmedé Kristo atosunáhé amᾠᾠ, ᾠlᾠtsᾠn mᾠ ᾠma yᾠ ᾠde tᾠ bambá suná á, mᾠa Bulu buᾠmegyí kᾠle. Táme ᾠhá ání ᾠde Kristo atosunáhé amᾠᾠ á, mᾠa aní Sí ᾠᾠ Mᾠ Bi ámᾠ féé bugyi kᾠle. ¹⁰ Ní ᾠkᾠ ᾠbá mli wá, ᾠmedé Kristo atosunáhé áñfi suná á, mliᾠáhᾠ mᾠ wá mli wᾠyítᾠ, mliᾠátsulá mᾠ itsiá. ¹¹ ᾠhagyíᾠha ání otsúlá mᾠ itsiá latsá mᾠ lakpan ámᾠᾠ ᾠdeᾠwe ámᾠ bwe.

¹² Asᾠn tsᾠtsᾠᾠᾠ bu unᾠá tekᾠ nébláa mli, táme mmedékléá nᾠwanlín mᾠ sísí mli. Mbᾠún nde ᾠkpa kí ání néba mli wá, ménᾠ mᾠa mliᾠᾠ abétsiá asᾠ, atᾠ nya ansigyí wankláán.

¹³ Fᾠ píᾠ tsihé ámᾠᾠ Bulu lalé ámᾠ abí behá fᾠu itsiá.

Yohane ᾄωυλὸ Saasɿ

¹ Μί ᾄωεπὺ Gaio, ntᾄdwé fú ᾄnᾄkwali amᾄtᾄ. Μί ᾄpasua ᾄhande Yohane dé ᾄωυλὸ ᾄnfi wanlín sísí fú.

² Μί ᾄωεπὺ, ndehógyiá iwɿ bu fu ᾄnlɿ, tógyítᾄ é ɿna wankláán fɿ alíá fúde fú Bulu sým. ³ Ansi lehíé gyi mɿ bréá apíó akᾄ beba bebláa anɿ alíá fude Bulu mbla ámᾄsv gyí, pᾄ alíá funa ᾄnᾄkwali ᾄkpa ámᾄsv. ⁴ Brégyíbréá nonú alíá mɿ abí Akristofᾄ bona ᾄnᾄkwali ᾄkpa ámᾄsv á, itehíé wá mɿ ansigyí.

Gaio Kanfᾄ

⁵ Μί ᾄωεπὺ, ɿtᾄ wankláán fúdebwɿ, fúde anɿ apíósú kí, títriu afᾄᾄ ámᾄ. ⁶ Amᾄtᾄ akᾄ baba bebláa anɿ ᾄpasua ámᾄ alíá fekí amósú fɿé. Bᾄ mbᾄdí afᾄsí amᾄ ᾄkpa alíá íbégyi Bulu ansi é. ⁷ Tsúfɿ Kristo sv bóna. Bᾄmedé tᾄtᾄ hᾄᾄ tsu ahá ánɿ bᾄmegyí Akristofᾄ wá. ⁸ Ilehíán ánɿ abéki ahá ᾄnfi odusu alɿ, fekí ania amúnyᾄ abᾄbwɿ kule yᾄ ᾄnᾄkwali agyómá ámᾄ.

Diotrefe mᾄa Demetrio

⁹ Nawánlín ᾄωυλὸ kv sísí mɿ dodo, támɿ Diotrefe dékléá ᾄbᾄbwɿ mᾄ iwɿ ᾄpasua ᾄhande. Mᾄ sv ᾄmedé anɿ pᾄbwé tᾄtᾄ. ¹⁰ Ní nebá mɿ wá á, nébláa mɿ mᾄ asᾄn laláheá ᾄdeblí tsú anɿ iwɿ. Múá ɿna ale kóráá gyí, ᾄbé, mᾄmᾄᾄᾄ apíó ámᾄ afᾄᾄ. ᾄde ahá é itin ka ᾄbé, bᾄmákɿ amósó, ᾄde ahá ánɿ beki amósó é gyáa le ᾄpasua ámᾄtᾄ.

¹¹ Μί adwepᾄ, mɿmákasi mᾄ bwɿhé laláhe anfi. Mboun mɿkasi yilé abwepᾄ ámᾄ bwɿhé. ᾄhagyíᾄha ánɿ ᾄᾄbwé yilé á, Bulu mᾄ bi ᾄgyi, támɿ ᾄhá ánɿ ᾄᾄbwé lalahɿ mᾄ méyín Bulu.

¹² Demetrio mú á, ᾄhagyíᾄha tetí mᾄ idayilé. Mᾄ tsiátᾄ é idesuná ánɿ ᾄha wankláán ᾄgyi. Μí é ntetí mᾄ idayilé. Mɿyín ánɿ mɿ asᾄn blíhé igyi ᾄnᾄkwali.

Iklá

¹³ Tekí asún tsᾄtsᾄtᾄᾄ bu ɿnvá nébláa fu, támɿ mmedékléá nówanlín mú sísí fú. ¹⁴ Nde ᾄkpa kí ánɿ ɿmᾄᾄwa ᾄpá kóráá néba mɿ wá, abétsiá asi tᾄí.

¹⁵ Bulu ᾄháa fú iwɿlwii.

Fᾄ anyawíe fɿé behá fú itsiá. Nehá anɿ anyawíe amᾄtᾄ okugyíᾄkᾄ é itsiá.

Yuda ጋግሪ

Itsidha

¹ Mí Yesu Kristo osúmbi Yuda, Yakobo mu pio dé ጋግሪ áñfi wanlín sísí ahá áñi aní Sí Bulu léti, ጋጋጋጋ amó, Yesu Kristo dé amósú kí. *

² Nde Bulu kokóli mbéé, ጋጋie wun mli nwe, ጋha mli iwilwii pú ጋጋwe.

Afunu Ató Asunápo

³ Apíó adwepó, tekí nahíé bwé agywuñ aní nówanlín mli ጋግሪ tsú nkpa amó Bulu laho mía mliño amó iwí. Táme ilehián aní nówanlín kókóli mli, amlipri hógyi amó Bulu lapóhá mu ahá ጋጋጋጋ pé ámu nwun.

⁴ Tsúfé aha akó banáin bowie mlito. Ahá áñfi adá ida ጋግሪtótó dodo há ጋጋጋጋ, tsúfé botamanyá Bulu ifú. Budebli bee, iníá Bulu tesí aní lakpan kíe aní so á, abétali tsíá tsiátó laláhe. Bakósó líi aní Wíe pú aní ጋkrapú Yesu Kristo ጋጋle pé ámu so.

⁵ Mliyin asón áñfi féé dodo, táme ntráa kain mli aní aní Wíe Bulu† lékpa mu ahá dáli Egipte ጋጋጋጋ, táme ጋma a, ጋጋጋጋ amóá buጋጋጋ mu gyi féé tsálifwí. ⁶ Mlikain aní Bulu-abጋጋ akó buጋጋጋ ጋጋጋጋ ጋጋጋጋ amó túmi ጋጋጋጋ buጋጋጋ. Mú so Bulu léha ጋጋwa amó ikan, buጋጋጋ oklúnto buጋጋጋ mu asón ogyíké kጋጋጋጋጋጋ amó. ⁷ Sodom móa Gomorafó pú nkuda aní ilekafia amó é betsiá wá atsi móa ayin asón. Alí kén Bulu léha ogyá aní itamadun lóho amó awúlu féé, púdá ahá féé ጋlá ní.

⁸ Alí nkude akúnpu anfi é buጋጋጋ nkude ni. Itehá amó buጋጋጋ lakpan púkpóí amó iwí, buጋጋጋ Bulu túmi ifú. Butebli abususu púkpóí ጋጋጋጋ bu numnyam é. ⁹ Bulu-ጋጋጋ dehen Mikael kóráá mébli ason laláhe bréá muጋ ጋጋጋጋጋ beprú Mose fúli. Tóá ጋጋጋ gyí, “Bulu ጋጋáa iyun wa fu!”

¹⁰ Táme ahá áñfi mú butebli ason laláhe tsú tóá buጋጋጋ mú asi iwí. Amó bwehé lelian mbwíá buጋጋ agywuñ. Múgyí tóá itehí amó é ní. ¹¹ Alí ahá ámu buጋጋጋ! Tsúfé bapú Kain amóጋ ጋጋጋ mu gyama ámu ጋkpa. Bakola sika yóጋwe tóá Bileam lóጋwe, bakósó líi Bulusó fé Kora.† Mú so Bulu ጋጋጋ amó. ¹² Ahá áñfi buጋጋጋ ifin da ጋጋጋwe atogyihe amó. Ní mliá amónyo mlidé atógyí a, péli tamakítá amó. Akrapú buጋጋ, táme amó nkule klé buteki. Buጋጋ fé agyindeá itamatswie, afú tጋጋጋ mú náti. Buጋጋ fé nyíá itamaswíé ntéé bapúli mú, tú mú asi, ጋawú plíplíplíplí. ¹³ Amó péliጋ bu nyányáa fé ntsusu-afuá iteda bobun ogbéጋጋጋ. Buጋጋ fé ntsrakpabiá ina detsuon nwulótáasu keke. Amó otsiákpá gyí oklún tuun aní Bulu lélayái há amó bré féétó.

¹⁴ Adam ጋma ilínto sienósító obí Enok lébli amó iwí asón tswí. ጋጋጋ, “Mliki, aní Wíe muጋ mu abጋጋ wankíhé mpím afin-afin beba. ¹⁵ ጋbá begyi ጋyító ahá féé asón, ጋጋጋ ahá aní buጋጋጋ mu ifú ጋso. Amó lalaheá babwé púkpóí líi muጋ, pú mu iwí ason laláheá babli so!”

¹⁶ Ahá áñfi buጋጋጋ ahásu, lé ahá ጋlá, bwé lalahe kugyíጋጋ bodeklé. Butoጋጋ iwí, bun ahá kጋantsapa, méní bénya tóá bodeklé.

ጋláda Pú Tóikplá

* **1:1** Ntéé Bulu dé amósú kí ha Kristo. † **1:5** Aní Wíe Yesu ntéé Yosua bu nwuló dada amó akoto.

† **1:11** Kora lóጋጋ líi Mose muጋ mu dehen Aaronsu.

¹⁷Táme apíó adwepó, mlíkain asón ání aní Wíe Yesu Kristo sumbí ayópó ámvo bebláa mlísv. ¹⁸Bebláa mlí beε, “Nke tráhe ámvo á, ahinlá abwepó béba. Bóbuo amó əwólí laláhe.” ¹⁹Bubu mlíto dodo. Amó dé mlí nsiné yintá ní. Amó onutó agywun dé amó kpa, tsufé Ɔhe Wankíhé amv má amótó. ²⁰Táme apíó adwepó, mlí mó á, mlípwe mlí tsiátó dínka mlí hógyi wankíhé amvsv. Mlíto mpái Ɔhe Wankíhé amv túmito. ²¹Mlitsia tsiátóá Bulu ədwe lasúná mlí, bré ání mlígyó aní Wíe Yesu Kristo ání əbéba bowun mlí nwe, há mlí nkpa ání itamatá ání.

²²Mlíwun ahá ání asón ámvo imedé amó wankí nwe. ²³Mlíprí akv le ogyá ámvo, pvhə amó nkpa. Mlíwun akv nwe ifúsó. Mlíki wankláán ání amó lalahε amv iméetsankí mlí.

Bulu Kanfɔ Mpá:

²⁴Mvtehá anitamadida. Mvtele lalahε lé aní iwí, kpá aní ba numnyam amóv ibv bomlí mv amv asi ansigyító. ²⁵Mv nkve gyí Bulu pó aní Ɔhópvo. Numnyam, obú, əwvnlín pó túmi itsóv aní Wíe Yesu Kristosv itv mv. Tsú bréá əyí məkótsúa asi, bətv nde póya bré fée. Amen.

Atóá Bελε Súná Yohane

¹ Iní gyí atóá Bulu léha Yesu Kristo léle súná mv asúmpó tsú tóá íbéba nke ánfítò iwí ní. Yesu lówa Bulu-òbòpυ léba bele mú súná mv osúmbi Yohane. ² Yohane légyí tógyítá olowun iwí adánsíε. Olegyi Bulu asón ámv pú asón ání Yesu Kristo lébláa mv fée iwí adánsíε ònòkwalísv. ³ Bulu obóyulá òhá ání òtekla mv ònósú òtòípó asun wanlínhé anfi súná Kristo òpasua ámv. Obóyulá ahá ání bòtonú asón ámv, gyí dínká mósú é; tsúfε mú fée bábi lafun ta.

Kristo Òpasua Asienó Amv Itsidha

⁴⁻⁵ Mí Yohane dé òwólú ánfí wanlín sísí Kristo òpasua asienóa mlibv Asia òmátó.

Òhá ámvú oletsíá, òbv unv, òbélabá amv mva Òhé asienó ání bulí mv owíε obíá ansító pú Yesu Kristo bogyíi mli bvalε, abvha mli iwílwii. Mvgyí òdansiyin ònòkwalípv, ogyankpapv á òkòkòsv tsú afúlitò, òyító awíε féeésú ogyípó.

Mutòdwé aní, òbòpυ mv obugya ká aní nwwunsv ikò, sí aní lakpan kíé aní. ⁶ Alabwé aní mv iwíε ogyíkpa pú mv igyí ahapú ání abósum mv Sí Bulu. Numnyam móa túmi íbwéε mv kle bré fée! Amen.

⁷ Kí! Òna nwlótáasv òbá! Òhagyíòha obówun mv. Ahá ámvú bòwò mv pía amv kóráá bówun mv. Mv sv òyító ahá fée bósu kóklókúú. Alí íbéba ní!

⁸ Aní Wíε Bulu léblí òbéε, “Mígyí Alfa móa Omega. Otúmípv amúú oletsíá, òbv unv, òbéba amv ní.”

Kristo Le Súná

⁹ Mí, mli píó Yohane ní. Mía mlinyò dé ipian wúun Yesu pú Bulu iwíεgyí ámv sv, anídé íklon nya líí kínkín. Bulu asón òkanda pú Kristo iwí asónblí sv balé mí ya Patmo òpv nsíné òsolósv. ¹⁰ Eke òkúá igyi aní Wíε eke á, Bulu Òhé léba msv. Nónu òme kv, íleln kóklókúú fé òkpe òtsáwvle pé mí òma. ¹¹ Òme amv òbéε, “Wanlín tóá fudewúun wa òwólótó, afòpuyá Kristo òpasua asienó, bogyi Efeso, Smirna, Pergamo, Tiatira, Sardi, Filadelfia pú Laodikea.”

¹² Bréá nedamlí mbéε anki òhá ání òde mí asón bláa a, nowun sika pepε òkandíε-oyíá íbv abámbi asienó. ¹³ Òha òkúá òlelian Nyankpòsa-Mv-Bi ámv líí òkandíε-oyí ámv nsiné. Òlòwa ligá, òbòpυ sika pepε òfé tsan mv kántó. ¹⁴ Mv nwun pú mv imi fée lofulí fé opulí mpútó ntée òhráda. Mv ansíbi aklambi é lówankí fé ogyá mpímpí. ¹⁵ Mv ayabi de ogyá kpa fé kòòbrí ání bafwí mó lé ogyátó inonv. Mv òme idetsulá fé ntsuá ídekpa yi. ¹⁶ Òde ntsrakpabi asienó mv gyòpító. Òdayí íya anyò kláklá íedali tsu mv ònótó. Mv ansító íhíε dεwankí fé òpawí. ¹⁷ Bréá nowun mv a, nemlí bun mv ayabiasí fé òha wuhé, táme òbòpυ mv gyòpí íbv dínká mósú, blí òbéε, “Mánya ifú! Mígyí Ogyankpapv móa Òtráhe amv ní. ¹⁸ Mígyí òkíankpapv amúú nowu ámv ní. Kí, mbv nkpa bré féeétó! Mv túmi lowu móa afúlitòsv.

¹⁹ “Wanlín tóá fawun bòtsun, móa ídebá séi pú móa íbéba òma wa òwólú ámvò. ²⁰ Ntsrakpabi asienó ámvú fowun mí gyòpító pú sika pepε òkandíε-oyí abámbi asienó ámv así ní. Ntsrakpabi asienó ámv igyí òpasua asienó ámv abòpυ. Òkandíε-oyí abámbi asienó ámv é gyí òpasua asienó ámv.

2

Efeso Ɔpasua Nkla

¹ “Wanlun asón ánfí sísí Akristofó Ɔpasua ání ɪbu Efeso wúluto ɔbɔpu fɛɛ,*
 “Ɖhá ámúú ɔde ntsrakpabi asienó mu gyɔpito, ɔna sika pɛpɛ ɔkandíe-oyí abámbi asienó ámu nsiné ámu ɔbɛɛ: ² Nyin tóá fɔdebwɛ fɛ́ɛ. Nawun alíá fohíé fɔde agyómá yɔ, pú alíá fɔde nsi wa líí kínkín. Nyin ání futamakle aha laláhe asón. Fakápú ahá ámúú bɔde amú ɪwɪ tɪ Kristo sumbí ayɔpú ámu, wun ání afunupu bɔgyi. ³ Fotomi wun ipian mí su, fómeyinkí ɔma. ⁴ Táme asón kole péá mbu fú ɪwɪ gyí, ɔdwe itráa ma mía fonyɔ ntéé fɔa fú aba nsiné fɛ gyankpapu amu. ⁵ Mú su kain alíá tekɪ fugyi asa fadida. Damli klɔntɔ, afulatsia fú atsiábi. Ní megyí alí á, néba beɛ fú ɔkandíe-oyí ámu lé mó aba Ɔpasua atráhe amutɔ. ⁶ Táme toku koleá ɪbu alé fú ɪwɪ gyí, futamakle Nikolai abúopu bwɛhé laláhe amu, fɛ alíá mí é ntaamakle mó.

⁷ “Ɖhá ání ɔbu asu onúu ason ání Ɖhe Wankíhé amu dé Ɔpasua ámu bláa asi. Néha ɔhá ání olegyi ɪsu obégyi Paradiso ndobítɔ oyí-abí ámúú itehá nkpa ámu.”

Smirna Ɔpasua Nkla

⁸ Ɖletrá bláa mi ɔbɛɛ, “Wanlun asón ánfí sísí Akristofó Ɔpasua ání ɪbu Smirna wúluto ɔbɔpu fɛɛ,

“Ɖhá ámúú ogyi Ogyankpapu móa Ɖtráhe, olowu lákósú tsú afúlito ámu ɔbɛɛ: ⁹ Nyin fú ipian wunhe pú ohian ání fɔdegyí, táme fɔbu ató! Nyin alíá Ɔpasua ámúú bɔde ɪwɪ kí beɛ, Yudafó bógyi ámu bɔde afunu wa dínká fúsó. Megyí Yudafó bógyi, Ɖbunsám abúopu Ɔpasua bɔgyi. ¹⁰ Máha ipian ání ɪbéba fusu ɪwa fú ifú. Nde fú bláa, Ɖbunsám ɔbéha békítá mlitɔ aku tswɪ obu. Ɖbɔsɔ mli kí. Bédínká fúsú nke dú. Ní lowuto ígyi ó á, fú mó wa ɔnɔkwali. Néha fú ɪsɔgyi-ɪpa, ígyi nkpa ání itamatá.

¹¹ “Ɖhá ání ɔbu asu onúu ason ání Ɖhe Wankíhé amu dé Ɔpasua ámu bláa asi. Ɖhagyíɔha ání olegyi ɪsu á, lowu nyɔɔsi amu ɪmɛɛda mu.”

Pergamo Ɔpasua Nkla

¹² Ɖletrá bláa mi ɔbɛɛ, “Wanlun asón ánfí sísí Akristofó Ɔpasua ání ɪbu Pergamo wúluto ɔbɔpu fɛɛ,

“Ɖhá ámúú ɔbu ɔdayí ɪya anyɔ kláklá ámu ɔbɛɛ: ¹³ Nyin ání futsie ɔtínéá Ɖbunsám owíe obíá itsie, táme fɔde fú hógyito kínkínkín. Bréá bɔmɔ mí adánsie ogyípó ɔnɔkwaliɔ Antipa mli wá ɪnu kóráá á, fumeɔkpa mí ɔma. ¹⁴ Táme mó ó á, mbu fú ɪwɪ asón kpalobí kv. Mlitɔ aku bɔbɔuo Balaam amúú olosuná Balak† alíá ɔbɔbwɛ Israelfó bɔbwɛ lakpan, ɔleha amú betsiá wá atsi móa ayin asón, tsíá gyi ɔkpɪtɔ-ató ámu. ¹⁵ Alí kén aku bɔbɔ mlitɔá bɔbɔuo Nikolai atosunáhé ni. ¹⁶ Mlɪdamli klɔntɔ. Ní megyí alí nóbofwie mlitɔ, pú mí ɔnótɔ ɔdayí ámu kó amú.

¹⁷ “Ɖhá ání ɔbu asu onúu asón ání Ɖhe Wankíhé amu dé Ɔpasua ámu bláa asi.

“Ɖhagyíɔha ání olegyi ɪsu obégyi atogyiɛ amúú bɔpɔɔhín ámu kv. Nétrá ha okugyíɔku ɪbwi futútúá bɔwanlín idá pɔpwe dínká mósó. Mu nkole ɔbébi dá ámu. Ɖhaa méɛbi mó tsía mɔtɔ.”

Tiatira Ɔpasua Nkla

¹⁸ Ɖletrá bláa mi ɔbɛɛ, “Wanlun asón ánfí sísí Akristofó Ɔpasua ání ɪbu Tiatira wúluto ɔbɔpu fɛɛ,

* 2:1 Ɖbɔpu anfi gyí Bulu-ɔbɔpá ɔlí há Ɔpasua ámu ni. ɪbu nfi móa 2:8, 12, 18; 3:1, 7, 14 étó. † 2:14 ɪni bu Numeri 22–24tɔ

“Bulu mu Bi ámúú mu ansíbi igyi fé ogyá ɔdandɔ, mu ayabiasɩ igyi fé kɔ́ɔbrɩ ání bapúwá ogyá, plú mɔ́ iwɩ ámu ɔbéɛ: ¹⁹ Nyin fɔ́ bwehé féé. Nyin fɔ́ ahádwe, fɔ́ hógyi, fɔ́ osum agyómá pɔ́ fɔ́ nsiwa lí kínkín. Nyin ání fɔ́debi bwé dɔn gyankpapu amu. ²⁰ Táme asón ání mbu ha fɔ́ gyí, fahá ɔtsɩ ámúú bɔtɛtí mu Yesebel, ɔde mu iwɩ ti ɔbéɛ, Bulu ɔnósú ɔtɔ́pó amu dépu mu atosunáhé mlé mí asúmpɔ́, bɔde atsi mɔ́a ayin asón wa, bɔde ɔkɩtɔ́-atɔ́ é gyí. ²¹ Naku mu ansítɔ́ ání ɔbédamlí klɔntɔ́ bobuo Bulu, táme omedékléá obési mbɔatɔ́. ²² Mú su néda mu, wá mu ɔ́. Obówun ipian. Ní mɔ́a ahá ámúú bɔde mbua tɔ́ ámu é bɔmesi, lé iwɩ lé mótɔ́ á, néha amó béhiɛ wun ipian. ²³ Nómɔ́ mu abúopu amu. Akristofɔ́ ɔpasua féé bébi ání mígyí ɔhá ámúú otowun ahá klɔntɔ́ pɔ́ amú nwuntɔ́ asón ámu ni. Néka okugyíáko ikɔ́ mu bwehé ɔnɔ́.

²⁴ “Táme mli aha tráhe ání mlilasí mlibu Tiatira wúlutɔ́, mlimóbuo ɔtsɩ ámu atosunáhé amúú bɔde mɔ́ ti ‘Ɔbonsám asɔn ɲáínhé’ amu mɔ́ á, mmóopu ato sɔráhé koku sɔrá mli. ²⁵ Táme mlikita mí atosunáhé amúú mlibu amutɔ́ kínkínkín yɔ́fɔn bréá néba. ²⁶ Néha ɔhá ání olegyi tógyítósó, ɔletalí bwé mí apé yɔ́fɔn ɔyi ɔnómáké túmi, obégyi ɔmá féésú. ²⁷⁻²⁸ Ɔbékpa amó owuntɔ́lnsu, bwíébwíé amó blúblúblú fé abua. Obénya túmi ámúú mí Sí lɔ́pɔhá mí ámu odu. Nópɔ́ mu bake ɔtsrakpabi há mu, púsúná ání alagyi ɩsu.†

²⁹ “Ɔhá ání ɔbu asu onúu asón ání Ɔɲe Wankíhé amu dé ɔpasua ámu bláa asl.”

3

Sardis Ɔpasua Nkla

¹ Ɔletrá bláa mi ɔbéɛ, “Wanlin asón ání sɩsɩ Akristofɔ́ ɔpasua ání ibu Sardis wúlutɔ́ ɔbɔpu féɛ,

“Ɔhá ámúú ɔbu Bulu Ɔɲé asienó pɔ́ ntsrakpabi asienó ámu ɔbéɛ: Nyin fɔ́ bwehé féé. Fɔ́bu ɔdá ání fɔkɩ nkpa, táme fawú fóna. ² Mú su tsinki, afɔ́wa fɔ́ ato tráhe amu ɔwɔnlín, tsúfé idekléá iwu. Nawun ání fɔ́ bwehé lesian mí Bulu ansítɔ́. ³ Mú su kain tɔ́á bosuná fɔ́ pɔ́ mɔ́a fonusu. Gyi mósú, afɔ́damli klɔntɔ́. Táme ní fometsinkí á, nóbofwie fótɔ́ fé owikplu, fóméɛbi bréá néba.

⁴ Táme aha aku bubu wúlu amutɔ́á bɔmákókpóí amú atadie.* Bówa atadie futútú, mɔ́a amónyɔ́ abénatí, tsúfé bafɔn. ⁵ Néha ɔhá ání olegyi ɩsu ɔbówa atadie futútú. Mméetsitsii mu ɔdá lé nkpa ɔwɔlɔ́ ámutɔ́. Néblí mí Sí mɔ́a mu abɔpu ansítɔ́ mbéɛ, míbɔ́ mu.

⁶ “Ɔhá ání ɔbu asu onúu asón ání Ɔɲe Wankíhé amu dé ɔpasua ámu bláa asl.”

Filadelfia Ɔpasua Nkla

⁷ Ɔletrá bláa mi ɔbéɛ, “Wanlin asón ání sɩsɩ Akristofɔ́ ɔpasua ání ibu Filadelfia wúlutɔ́ ɔbɔpu féɛ,

“Ɔhá ámúú ɔbwankí, ɔtamawá afunu, ɔde Owíe Dawid sáafi, ofínkí ɔhaa tamatálí fin, ofín é ɔhaa tamatálí fínkí ámu ɔbéɛ: ⁸ Nyin fɔ́ bwehé féé. Kɩ, nafínkí obu yáí há fɔ́. Ɔhaa méetalí fin mɔ́. Nyin ání fuma ɔwɔnlín, táme fagyi mí atosunáhésu, fómekpa mí ɔma. ⁹ Ɔbonsám abúopu amúú bɔde afunu wa bɛɛ, Yudafɔ́ bɔgyi ámu a, néka amó híé béba bɛda akpawunu fɔ́ ayabiasɩ. Amó féé bébi ání ntɔ́dwé fɔ́. ¹⁰ Fagyi mí asónsú, fanyá klɔn lí kínkínkín. Mú su néle fɔ́ lé ipian ámúú nópɔ́su ɔyítɔ́ ahá féé kɩ amutɔ́.

† **2:27-28** Israelfɔ́ lɔ́ 2:8-9 * **3:4** Bɔmákókpóí amú atadie asɩ gyí bɔmákóbwé lalaha.

11 Kí, nebá ní. Mọ sọ kítá itọ á múú fúbú amọtọ kínkínkín, méné ọhaa móhọ fú ịsugyí-ịpa lé fú ịbú. 12 Ọhá ání olegyi ịsọ á, nópọ mọ bwe mí Bulu ọtswékpa obu ámu ọtan. Ọmétrá dali ịnọ ẹkẹkẹkẹ. Nọwanlín mí Bulu ídá dínká mọsọ. Nọwanlín mí Bulu wúlu, igyi Yerusalem pọpwe amọ ídá dínká mọsọ. Wúlu á múú ịbékplí tsú ọsọsọ mí wá ba amọ, nọwanlín mí onutọ ídá pọpwe amọ é dínká mọsọ.

13 “Ọhá ání ọbọ asọ onúu asọn ání Ọje Wankíhé amọ dé ọpasua ámu bláa así.”

Laodikea Ọpasua Nkla

14 Ọlẹtrá bla mí ọbée, “Wanlín asón ánfí sísí Akristofọ ọpasua ání ịbọ Laodikea wúlutọ ọbọpọ fẹe,

“Ọhá á múú ọbẹtí mọ Amen, mọ sọ Bulu asón fée ịteba mótọ, ogyi ọdansiyin ọnkwalıpọ, ọtamawá afunu, ogyi Bulu atọ bwehé fée nwon ámu ọbée: 15 Nyin fọ bwehé fée. Fumeblí ogya, fómolwíí é. Ní fẹblí ogya ntée folwíí á, tẹkí ịbọ alé. 16 Táme fugyi bwiánbwián, fumeblí ogya, fómolwíí é. Mọ alí sọ nótu fọ tsítsá. 17 Fẹe, atọ onyapọ fugyi, fúbú atọ. Tọtọ médé fọ hián, táme fọma tọtọ, fọmeyín ání ohiáni fúgyi. Fúbú nwe, fú ansíbi labwíé, fóna yayá. 18 Mọ sọ ndetọ kplá fọ mbée, pọ kọba bọhọ sika pẹpẹá bafwí mọ ogyátọ mí wá. Mọ ọbẹha fénya atọ onutónutọ ní. Ntráa nde fọ bláa mbée, fúbóhọ atadié futútú, afọpọtín fọ péli móa fọ yayá ámu. Bọhọ afá da fọ ansíbisọ, méné fówun atọ. 19 Ahá ání ntadwé á, amọ ntọwá ịyin wa, bití amọ ịsọ. Mọ sọ wa nsí, afọdamli klontọ. 20 Kí, nlií obu-ọnọ, nde agoo tswí. Ní ọkọ lónu mí ọme, olefínkí há mí á, nébitíwíé mọ wá, mía mọnyọ abówa ịbọ gyi atọ. 21 Ọhá ání olegyi ịsọ á, néha mọ obétsiá mí wá, mí owíe obía ámọsọ. Alí kén mí é negyi ịsọ, ntsie mí Sí wá mọ owíe obía ámọsọ ní.

22 “Ọhá ání ọbọ asọ onúu asọn ání Ọje Wankíhé amọ dé ọpasua ámu bláa así.”

4

Ọsọsọ Bulusúm

1 Ịnị ọma a, nelawun atọ bámbá. Nowun ání obu lafínkí ọsọsọ. Nelanú ọme amọ ịlegyankpá bláa mí asón ámu. Ọme amọ igyi fẹ ọkpe. Ọlẹbláa mí ọbée, “Dọ ba nfi, mí ansuna fọ táá ilehián ání ịbẹba ịnị ọma.” 2 Bulu Ọje lẹba mísú ọsáwọle pé. Múbá nówun a, owíe obía kọ tsie ọsọsọ ịnọ, ọkọ tsie mósú. 3 Ọhá á múú ọtsie mósú ámu ịwí dé ogyá kpa fẹ abwi wankláán kọá igyi pépẹ móa futútú. Mú ọtneko é igyi fẹ nyankpótáa, ịde ogyá kpa bomlí owíe obía ámu fẹ ịbwi wankláán kọá igyi fitáa bọbwe.* 4 Owíe-mbíá aduanyọ-na ịtsie bomlí owíe obía ámu. Ahande aduanyọ-na bọwa atadié futútú bọtsie mbía ámọsọ, bobun sika pẹpẹ ịpa. 5 Ịnọ nyankpọ lówa ịbọ fwi bọ. Odekpíe, ọpráda depótí dálí owíe obía ámọtọ. Ịbia asienó ilí owíe obía ámu ansítọ, ịdetsíí. Múgyí Bulu Ọje asienó ámu ní. 6 Nowun gláasi ọpọ kọá mósú ịde ogyá kpa fẹ atufolibi, ịda owíe obía ámu ansítọ.

Mbwi akwá bọkí nkpa ana, ansíbi iduadúa amọ nkpá móa ọma fée, bobomlí owíe obía ámu ọbun nsuné ịnọ. 7 Amótọ ogyankpapo gyí fẹ gyatá. Onyọọsọ gyí fẹ ọnanswie yínhé. Ọsaasi ansítọ igyi fẹ nyankpọsa, ọnaasi é gyí fẹ oyitsú ání odefulí. 8 Okugyíakọ bọ abámba asie, ansíbi iduadúa mótọ móa mọ ọma fée. Bọde ịbọ wa ọpa onyé bẹe,
“Wankí, wankí, wankí gyí aní Wíe Bulu Otúmípọ.

Mulétsiá, ọtsie, ọbélaba.”

* 4:3 Ịbwi futútú ámu dá gyí ánfí yaspa. Pépẹ amọ dá gyí kanelia. Fitáa bọbwe amọ é dá gyí emerald.

⁹ Mbwi ámu butwá ilu ámu, pú numnyam, obú móa ipán há chá ámúú otsie owíe obíá ámuusu, omóowu ekekeeke ámu. Ní bəbwé mó alí á,
¹⁰ ahande advanyo-na ámu é bamli bun chá ámúú otsie owíe obíásó amu ansító súm mu. Mubúu iwu bré fěétó ni. Fówun babwíi amó owiepa ámu tswi obíá ámu ansító bli bee,

¹¹ “Ani Wíe pú aní Bulu!

Fólehián aní abópu obú, numnyam móa túmi há,
 tsúfě fólóbwe ató fěé. Fəbwe tógyító fó apétó.

Mó fěé ilaba mótó.”

5

Okúfabi Amu Létii Ɔwoló Amu

¹ Inu əma a, nowun aní chá ámúú otsie owíe obíá ámuusu ámu dé əwoló kúntáhé mu gyəpito. Bəwanlín ató dínká mó nkpa móa mó əma fěé, bəpu okpin tan mó ənó tse sienó. ² Inu nowun Bulu-əbəpu otúmípu əkwá ədekplón fité əbée, “Ma lófun aní əbémain ató asienó ənfi, tíi əwoló ámu ənó?” ³ Bumenya əhaa əsúsú ntée əsolósu ntée əsolósu ayasi aní əbétali tíi mó ənó, kla mó. ⁴ Inu su nehiə su, tsúfě bumenya chá aní əlɔfun, obétií əwoló ámu ntée əbékla mó. ⁵ Inu ahande amoto əkwé ləbláa mi əbée, “Mátrá su. Kí, Yuda abusuanto Gyatá, ogyi Owíe Dawid mu na ámu lagyi iwu. Əlɔfun aní əbémain ató asienó ámu, tíi əwoló ámu ənó.”

⁶ Inu nowun Okúfabi əku. Uelian aní bapú mu há igyi kí. Əlí owíe obíá ámu, akiankpa pu ana ámu pú ahande advanyo-na ámu nsiné. Əbu nsiebi asienó pú ansibi asienó. Mu ansibi asienó ámu gyi əhə asienó aní Bulu təwá sísi əsolósu anfiwu ətinegyiətiné ni. ⁷ Okúfabi amu lədalí ba nkpa, ələbəhə əwoló ámu lé chá ámúú otsie owíe obíásó amu gyəpito. ⁸ Inu mbwi ámúú buki nkpa ana ámu pú ahande advanyo-na ámu ə okugyiəku lémlí bún Okúfabi amu ansító. Okugyiəku dé əsankuo pú sika pepé blanwébi aní əhién bə mó. Bulu ahá mpáí gyi əhién ənfi. ⁹ Akiankpa pu ana ámu pú ahande advanyo-na ámu bude ilu pəpwe wa bee,

“Fólɔfun aní fótso əwoló ámu,

máin ató asienó ámúú bəputan mó ənó ámu.

Tsúfě bəpu fó há igyi, fəpu fó obugya hə ahá há Bulu.

Fəhə ahá abusuangyiabusuan, əblúgyiəbli, əmágyiəmə pú əsolósu ahá ətsan-ətsan fěétó.

¹⁰ Fayáí fó iwíe ogyiəkpá há amó, fabwé amó fó igyi ahapú aní bətsiá há aní Bulu ámu igyi.

Bégyi iwíe əsolósu.”

¹¹ Nelaki, nonu Bulu-əbəpu tsətsəətsə əme. Bəhié butə aní bəma iklátə. Bobomli owíe obíá ámu móa akiankpa pu amu pú ahande advanyo-na ámu.

¹² Bəpu əme kənkpaənkpaənti wá ilu bee,

“Okúfabi amúú bəpuhá mu igyi ámu lófun

ha túmi, iwínya móa

nyánsa pú awútó əwonlín,

idayilé móa numnyam pú kanfó.”

¹³ Inu nonu atáá Bulu ləbwe fěé əme. Múá iwu əsú móa asi, əsolósu ayasi pú əputə fěé, bude ilu wa bee,

“Kanfó, idayilé, numnyam pú túmi fěé

iletsiá chá ámúú otsie owíe obíásó amu

pú Okúfabi amu bré fěé!”

¹⁴ Múú akiankpapụ ana ámu beblí bẹẹ, “Amen!” Inu ahande aduanyo-na ámu bemlí bun súm Bulu mwa Okúfabi ámu.

6

Okpin Asienó Amu Main

¹ Mí ansítí inu á, Okúfabi ámu lémain atọ asienó ámuú bọputan ọwóló ámu ọnó ámutọ kọle. Inu nonuá akiankpapụ ana ámutọ ọkọle léle ọnó. Mu ọme lẹlin fé ọpráda ọbée, “Ba!” ² Nẹkí a, ọpọnkọ futútú ọku ní. Musu odinkápó ámu dé ita, bobun mu owíepa. Ọlọpọ ọpọnkọ ámu kplí ba ọsólósu fé isu ogyíróá ọtráa ọbá bọkọ isá tsotsọtsọ, ọtra gyí isu.

³ Bréá Okúfabi ámu lémain atọ nyọọsía bọputan ọwóló ámu ọnó á, nonuá akiankpapụ ámutọ onyọọsí lẹblí ọbée, “Ba!” ⁴ Ọpọnkọ pẹpẹ ọku lédalí ba. Beha musu ọdinkápó ọdayí iya anyọ títín kú. Beha mu túmí ání ọléé iwílwíi lẹ ọyítí. Mú sù isá lẹda ọtínẹgyíótíné, ahá bọmọ aba.

⁵ Bréá Okúfabi ámu lémain atọ saasiá bọputan ọwóló ámu ọnó á, nonuá akiankpapụ ámutọ ọsaasi lẹblí ọbée, “Ba!” Nẹkí a, ọpọnkọ bibi ọku ní. Musu ọdinkápó ámu dé skéeli. ⁶ Inu nonu ọme kú lédalí tsu mbwí ámuú bọtsie nkpa ana ámutọ ọbée, “Ayó olónká kọle ntée imọ olónká asa ọbọbwe ekewóle ikaká.* Táme máyintá nfọ móa wáin-nyí mó.”

⁷ Bréá Okúfabi ámu lémain atọ naasiá bọputan ọwóló ámu ọnó á, nonuá akiankpapụ ámutọ ọnaasi lẹblí ọbée, “Ba!” ⁸ Inu nowun ọpọnkọ ọkúá mu iwí igyí fé nsúó. Musu ọdinkápó ámu ọdáyí Lowu. Afúlító é buo mu. Beha ámu túmí ání ní beye ọyítí áku ana á, bọmọ ọku kọle. Bọpọ ọdayí iya anyọ móa akón, ọlọ móa ọsólósu mbwíkítá-atọ mọ ámu.

⁹ Bréá Okúfabi ámu lémain atọ nuusiá bọputan mó ọnó á, nowun Bulu asóntọ akítápó ámu ọkláa afọdiẹ-asubwí ámu ayasi. Bulu asón ámu iwí adánsiẹ gyí sù bọmọ ámu. ¹⁰ Inu bọsọrá okitikítí kóklókúú bẹẹ, “Oo! Bulu Otúmípu, fọ iwí lẹwankí, fọbọ ọnọkwali. Ọmenke fégyi ọsólósu anfisú ahá asón, fité aní obugya tsú aní amọpú ámu wá?” ¹¹ Mú ọma a, beha ámu féé ligá futútú, bebláa ámu bẹẹ, bọtráa tsia kpalóbí. Bọtsia yófun bréá bamó ámu aba asúmpọ ahógyipụ ámu é, ámu ọdudọ lẹfun asa.

¹² Bréá ndẹkí a, Okúfabi ámu lémain atọ siesiá bọputan ọwóló ámu ọnó. Ọsólósu lẹkpinkí kóklókúú, owí lebi tuun fé tati bibi, ọsra é lẹpẹ kọw fé obu-gya. ¹³ Múú ntsrakpabi bekpakpáa bun ọsólósu, fé afú kọpọnkọpọnkọntí látsọn kpakpáa pọntọ-abíá imọkọdan bun. ¹⁴ Nwólótáa lokuntá fé ọwóló, tsú mú náti. Abọ móa ọpọ nsiné ọsólósu féé lédalí mú otsiákpá. ¹⁵ Inu nowun ání ọyítí awíe pú ahande pú isá ọnó alúpú pú asikafọ pú atúmípu, nkpábi móa iwísu atsiápú beyẹnájín abusu abwí alatọ pú abwí mbótó. ¹⁶ Bebláa abọ móa abutá ámu bẹẹ, “Mlikpa bun anísu, méní owíe obíasú otsiápú ámu omóowun aní, Okúfabi ámu ọmẹebítí aní isu! ¹⁷ Tsufé ámu ahá isobítí eke ámu lẹfun. Ma ọbétalí líí mú ọnó?”

7

Bulu Ahá Mpím Lafakọle Advana-na (144,000)

¹ Inu ọma a, nowun Bulu-abọpọ ana, bulí ọyí afonka ana ámu féésó. Bude afú afonka ana ámutọ kínkíínkín, méní iméetrá tsọn ọsólósu, ọpọsu ntée ọyí kọkọ. ² Inu nowun ání Bulu-ọbọpọ bámbá dédalí tsu owí ọdalíkpa. Ọde Bulu Ọkiankpapụ atáá ọtọpọhíe mu ahá nsu. Múú ọlọsọrá okitikítí kóklókúú kpolí abọpọ ana ámuú Bulu léha ámu túmí ọbée, bọbáyintá ọsólósu móa

* 6:6 Ilosuná ání isá sù atọ béhíe wá ibiá.

ɔpu amu. ³ Bulu-ɔbɔpu amu lébláa Bulu-abɔpu ana ámu ɔbéé, “Mlumáyintá ɔsolúv ntéé ɔpu ntéé oyí kuku, yófon bréá nɔpu ató híe mí Bulu asúmpú ɔsɔkpu nsu asa.” ⁴ Inu bekla ahá ámúv bapó Bulu ató híe amú nsu amu fée. Amú ɔdudvɔ bogyi ahá mpím lafakvle advana-na (144,000). Amú fée bɔtsú Israel abusuan dúanyɔ ámɔv. ⁵⁻⁸ Behie ahá mpím dúanyɔ (12,000) nsu abusuan ámu kugyíkɔv. Abusuan ámu adá gyí, Yuda, Ruben, Gad, Asa, Naftali, Manase, Simeon, Lewi, Isakar, Sebulon, Yosef pú Benyamin.

Ɔɔm Aní Botsú Ɔmá-ɔmátɔ

⁹ Inu ɔma a, nowun ɔɔm kvá ɔhaa méetalí kla amú. Botsú ɔmágyíɔmá, abusuangyíabusuan, ɔsolúsv ahá ɔtsan-ɔtsan pú ɔblígyíɔblív. Bulí owíe obíá ámu pú Okúfabi amu ansító. Bɔwa ligá futúútúv, bɔvɛ mbláa. ¹⁰ Bɔsɔrá okitikítí kóklókúv beɛ, “Aní Bulu ámúv ɔtsie owíe obíásó pú Okúfabi amu tóhɔ ahá nkpa!” ¹¹ Inu á, Bulu-abɔpu amu fée belí bómlí owíe obíá ámu pú ahande advanyɔ-na ámu pú akiankparv ana ámu. Bemlí bun, pú ansító bun ɔsolótv owíe obíá ámu ansító, súm Bulu, ¹² blí beɛ, “Amen! Ikanfú, numnyam, nyánsa, ipán, obú, túmí pú ɔwonlín ibwée mu kle bré fée! Amen!”

¹³ Inu ahande amɔv ɔkvle léfité mí ɔbéé, “Amendí gyí ahá ánfí bɔwa ligá futúútúv ánfí? Nkónó bɔtsú?”

¹⁴ Múv nebláa mu mbée, “Ɔhande, fú yín.”

Múv ɔlebláa mu ɔbéé, “Ahá ánfí gyí ahá aní batsɔn asɔn wunhe kpɔnkpɔntí ámɔv dáli ní. Amú láfwí amú atadie Okúfabi amu obugyátɔ, ílafúlí futúútúv ní. ¹⁵ Mú sɔ bulí Bulu owíe obíá ámu ansító, bɔvɛ mu súm ɔpa-onyé mu ɔswékpa inu ní. Ɔhá ámúv ɔtsie owíe obíá ámu sv é obétsiá amótó, bún amósú. ¹⁶ Akón múa ɔmewólí méetrá kítá amú, owí ntéé ɔpawí é iméetrá tɔ amú. ¹⁷ Tsúfɛ Okúfabi amúv ɔlí Bulu owíe obíá ámu asu ámu ɔbɔbwe amú ɔkparú. Obégya amú nkpa, kpá amú ya nkpa-ntsu ámu ɔwíkpa, aní Wíe Bulu obétsitsíí amú ansí ntsú fée.”

8

Okpin Sienósi Amu Main

¹ Bréá Okúfabi amu lémain atɔ sienósiá bɔpɔtan ɔwólú ámu ɔnɔ á, ɔsósú lɔlvá fé dɔnhwírí-fɔn. ² Inu nowun Bulu-abɔpu asienó ámúv bulí mu ansító ámu. Beha amótó okugyíákv ɔkpe.

³ Bulu-ɔbɔpu bámbá lébá belí afɔdie-asubwi amu ansító. Ɔde sika pepɛ blanwébi aní bɔtɔwá ɔhíen ogyá mótó. Beha mu ɔhíen tsɔtsɔtsɔ, ɔlɔptsíá Bulu ahá mpávtɔ, púyédunká sika pepɛ afɔdie-asubwi amúv iyí owíe obíá ámu ansító ámu sv. ⁴ Mu ɔhíen ámu ogyási letsia Bulu ahá ámu mpávtɔ, kósú tsú afɔdie-asubwi ámu sv yó Bulu ansító. ⁵ Inu Bulu-ɔbɔpu amu lótsu ɔhíen blanwébi ámu, ɔlele ogyá afɔdie-asubwi ámu sv wá mótó, fun mú dá ɔsolúsv. Inu nyankpu lówa íbí fwí bí. Odekpíe, ɔpráda deɔvtí, ɔme ɔtsan-ɔtsan delín kóklókúv, ɔsolúv é dekpínkí kpakpakpakpa.

Ikpe Asienó Amu

⁶ Bulu-abɔpu asienó ámúv bɔvɛ ikpe asienó ámu é beɔa iwísv há mú fvlí.

⁷ Bulu-ɔbɔpu gyankparv lófvlí mu ɔkpe. Múv bɔtsu atsufolibi múa ogyá aní obugya lefráa mú, tswí mú wólí ɔsolúsv. Ní beye ɔsolótv asa á, mótó iku kvle múa mósú nyí pú mósú ífá fée lɔhɔ plíplíplíplí.

⁸ Bulu-ɔbɔpu nyɔsv lófvlí mu ɔkpe. Inu bɔtswí tɔkv fé íbɔ kpɔnkpɔntiá ídehɔ wá ɔpɔtv, ɔpɔtv yéé asatɔ kvle ledamlí obugya. ⁹ Ɔpɔtv mbwíá buku

nkpa f́éétó ýee asatò iku kole bowu, ntsusu ayibitò ýee asatò iku kole é lobwiebwíe.

¹⁰ Inu Bulu-òbòpù sáásí lófólí mu òkpè. Òtsrakpabi kpònkpòònkpònti kuá idè ogyá tsíí f́é obíá lékpa tsú òsósú bèdà ntsu tsònhéá íbù òyító f́éétóyèe asatò iku kole. ¹¹ Òtsrakpabi amù dá gyí “Òkitá.” Inu ntsu tsònhè amòtòyèe asatò iku kole lówa òkitá dùn òkpín. Mù òkitá sù ahá tsòtsòòtsòá bonu mù bowu.

¹² Òbòpù náásí lófólí mu klè. Ilòwò owí móa òtsra pù ntsrakpabitò ýee asatò iku kole. Mù f́éé lodun. Ini sù òyi kehè móa owi tahétó ýee asatò iku kole é loklun.

¹³ Nèkí a, oyitsu òku défulí, odesú kòklokókú òb́éé, “Ahá àní b́étsiá òsolùò anfisù asa Bulu-abòpù asa atráhe amù b́ófólí amù nkpe amù bugyówí tsenyò-tsesa!”

9

¹ Bulu-òbòpù núúsí lófólí mu òkpè. Nowun àní òtsrakpabi lékpa tsú òsósú bèdà òsolùò, bòpù ilán klúklúúklúá ima òka sáafi há mu. ² Mùò olefinkí ilán klúklúúklú ámu ònó, ogyási lèdalí mótó f́é obuntò. Ogyási amù ilèha nsaintò f́éé ilebi tuun. ³ Inu atsantsanku bèdalí tsu ogyási amòtò ba òsolùò. Bèha amù túmi bèe busóra ahá f́é nyankpòkpíe. ⁴ Bèbláa atsantsanku ámu bèe, bùmápu ònó da ífá ntéè nyí kuku, dùn ahá ámuú Bulu nsòhietò mèdín amù òsòkpí amù. ⁵ Bùmeha amù òkpa àní bùmóò amù, táme bòhíe wa amù iwòsin tsra anu kéké. Amù iwòsin ámu íbwé f́é alíá nyankpòkpíe-sorá tòhò òsin. ⁶ Ahá bódunká lowu nke ámòtò, táme bùméenyà. Bóbò mbódí àní bówu, táme bùmóowu.

⁷ Atsantsanku ámu belian mpònkòá bahíhíe amù há isá, tòku idin amù nwunso f́é sika pepè ipa. Bòwa anyánpòsa ansító. ⁸ Amù nwunso-imi bu iswí f́é òtsi klé. Amù ayín é igyi f́é gyatá klé. ⁹ Bòwa kántó atíntò àní bòpù dátò bwé. Ní b̀dèfulí á, amù atè totsúlá f́é mpònkò móa keké tsòtsòòtsòá busrí b̀yó isá. ¹⁰ Bòbù odú, itòsórà f́é nyankpòkpíe. Bèha amù túmi bèe, bòpù amù odú ámu pilan ahá tsra anu kéké. ¹¹ Ilán klúklúúklúá ima òka òbòpù gyí amù owíe. Butetí mu Hebrifò òblítò bèe, Abadon. Griiki òblítò é butetí mu bèe, Apolion. Mù así gyí, “Ató Oyintápù.”

¹² Asùn wunhè gyankpapù lámó ònó á. Anyò tráhe é íbá.

¹³ Bréá Bulu-òbòpù síésí lófólí mu òkpè a, nonu òmè ku lèdalí. Ilèdalí tsu sika pepè afòdiè-asubwi ámu okonkí ana ámòtò Bulu ansító inu. ¹⁴ Idè òbòpù amùò òlòfólí òkpè amù bláa òb́éé, “Sankí abòpù ana ámuú beklí mántá ntsu yílè Efrate ònó ámu.” ¹⁵ Bulu lèla amù yáí há alí bré ànfi, offí ànfi, òtsra ànfi, èkè ànfi pù d̀nhwírí anfi òb́éé, busánkí amù abuyòmò òyító ahátò ýee asatò iku kole f́éé. ¹⁶ Bèbláa mi àní isá akòpù ámu òdudùò bóbwe bliba lafanyò (200,000,000), b̀dín mpònkòsù. ¹⁷ Nowun mpònkò pù amósú adínkápó mí atowunhè amòtò, bòwa kántó atíntò. Àku klé lepè f́é ogyá, àku klé lebi, àku é klé igyi batè-nfò. Mpònkò ámu nwun igyi f́é gyatá klé, ogyá móa ogyási pù atonkodu dèdalí amù ònótó. ¹⁸ Alí asùn wunhè aku asa, igyi ogyá, ogyási pù atonkodu amù ilèdalí tsu mpònkò ámu ònó, ilòmò òyító ahátò ýee asatò iku kole. ¹⁹ Megyí amù ònótó nkòlè asùn wunhè túmi tédálí tsu. Ilù amù odútó é, tsúf́é amù odú igyi f́é iwò, ilù nwun, itepílan ahá.

²⁰ Anyánpòsa amùò besian òsolùò, bùmowu asùn wunhè amòtò ámu f́éé bekiná bùmèdamlí klòntò. Bùmesi òhè laláhe móa atunkwá bapù sika pepè, sika fututú, kòòbrí, abwí móa nyí aná bwé sùm. Alí òhè laláhe pù atunku anfi butamawun ató, butamanú asón, butamanátí. ²¹ Alí kén bùmèdamlí

klwntw sí amó tsiátw laláhe; igyi ahámw, akpé, atsi mwa ayin asónwa mwa owi ámw é bwe ní.

10

Bulu-òbòp Mwa Òwóló Tùkùríibi

¹ Inu nelawun Bulu-òbòp òwònlínw bambá òkwá otsú òsósú. Agyinde lobomlí mu, nyankpotáa ilan mu awunso. Mu ansítw lówankí fé owí, mu ayabi igyi fé òsòtí ání ogyá bu mótó. ² Òde òwóló tükúríibi kwá òletéí mótó. Mu gyòpí yabi iyi òpòsú, mu bina yabi é iyi òsolòsú. ³ Òlòkplón kòklókóú fé gyatá dékpòún, òpráda asienó ámw lòpútí. ⁴ Bréá òpráda asienó ámw lòpútí, mbéé anwanlín asón ámwú òleblí ámw a, nonu òme hámbá tsú òsósú. Òme amó déblí òbéé, “Máwanlín asón ámwú òpráda asienó ámw òlablí ámw. Pòwa fú kpawunuto.”

⁵ Mótó Bulu-òbòp amóú nowun, òlú òpò mwa òsolòsú ámw lótsu mu gyòpí òbí fúá yó òsósú. ⁶ Inu òleka òhá ámwú òbu nkpa bré féétó ámw ntam. Mólóbwe òsò mwa asi, òpò mwa mótó ató féé, òleblí òbéé, “Bumétrá sí tsiá! ⁷ Táme bréá Bulu-òbòp síénósí amú òbófólí mu akpe a, alí bré ámwto Bulu ason ñáínhé amóú òlehié yáí òbéé, móbwe ámw òbéba mótó ní. Òbéba mótó fé alíá òlebláa mu asúmpó, bugyi mu ònósó atópó amú.”

⁸ Inu òme amóú òde mí asón bláa tsú òsósú ámw létrá bláa mi òbéé, “Yòhò òwóló ámwú òlafínkí ámw le Bulu-òbòp amóú òlú òpò mwa òsolòsú ámw òbitó.”

⁹ Mótó su òyò Bulu-òbòp amú wá mbéé, òpòw òwólóbi ámw ha mi. Mótó òlebláa mi òbéé, “Hò, afòwí mótó! Òbówa fú òdwe débídébi fé òkwén, táme imékanáa fú iputo.”

¹⁰ Inu òhò òwólóbi ámw lé mu òbitó, òwí mótó. Òbówa mí òdwe débídébi fé òkwén, táme imetepí kanáa mí iputo. ¹¹ Mótó òletrá bláa mi òbéé, “Òlehián ání félablí asón ámwú òbéba ahá féésú ámw. Òbéba òmá féé, òblí òtsan-òtsan ablípó pò awíe féésú, fé alí ámwú Bulu lalé súná fú ámw!”

11

Adansifò Abanyó Amú

¹ Iní òma a, beha mí oyíá bótòpòsúsú ató. Mótó Bulu-òbòp amú lébláa mi òbéé, “Kusò afòyosusúu Bulu òtswékpa obu ámw pò afòdié-asubwí amú, afòkla mu asúmpó amú. ²⁻³ Táme másusúu nwunsínésú amú mótó. Sí mu tswí, tsífé Bulu lasí mu há ahá ání bumegyí Yudafò. Alí ahá ání bétatsáa wúlu wankíhé amúsu tsra aduana-nyò (42), igyi nke òpím-òkòle lafa-anyò aduesie (1,260). Néha mí adansifò abanyó bédídá akpekpe, há amó túmi, béblí mí asón ání nalé súná amú nke ámwto.”

⁴ Amógyí nfo-nyí anyò pò òkandíe-nyí anyò ámwú òlú Bulu, ogyi òyí féésú ogyípó amú ansító ní. ⁵ Ní òkwá òbwe agywun ání obépilán amú á, ogyá bédalí amú ònó, hò mu mótó. Alí òhá ání òdekléá obépilán amú obówu ní. ⁶ Bulu adansifò ámw búbu túmiá bétalí há nyankpò omóotswie nkéá bópòblí Bulu asón ámw féé. Búbu túmiá bétalí há ntsu kugyíku bédamlí obugya. Bétalí lé ason wunhe kugyíku é ba òsolòsú brégyíbréá budeklé.

⁷ Ní adansifò ání béblí amú asón tá á, òwíkitá-atò amóú òtedalí tsu òlán klúklúúklúú ma òkatò ámw òbókò amú ísá, gyí amósú, mótó amó. ⁸ Amó afúli bédí amú wúlu yilé brònsò. Bótétí wúlu yilé ání beé, “Sodom mwa Egipte.”* Inu bédá amú Wíe Yesu mántá oyíkalíhesò, mótó ní. ⁹ Ahá bótsw

* **11:8** Wúlu yilé ání dá onutó gyí Yerusalem. Bòpòkápó Sodom mwa Egipte, tsífé amú bwehé laláhe lehan aba.

abusuangyíabusuan, ɔblígyíɔblí, ɔmágyíɔmá pọ ɔsólúsu ahá ɔtsan-ɔtsan fẹ́tọ́ ba bẹkí afúli amọ nkensá mọ́a ifun. Bọmẹ́eha ɔkpa abọpula amọ́ kóráá. ¹⁰ Bulu ɔnósú atọ́ipọ́ abanyọ́ anfí bawú su ansí bẹgyí ɔsólúsu atsiápọ́. Bẹgyí nke kponkpontí, kíe aba atọ́, tsúfẹ́ Bulu ɔnósú atọ́ipọ́ anfí bawá amọ́ ipian kponkpontitọ́ kí. ¹¹ Táme nkensá mọ́a ifun amọ́ ɔma a, Bulu léha ɔhẹ́ lelawíe amótọ́, belakusọ́ líí ayabisu. Mọ́ su ifú lehie kítá ahá ání bowun amọ́. ¹² Inu Bulu ɔnósú atọ́ipọ́ abanyọ́ amọ́ bonu ɔme kponkpontí ku tsú ɔsósú, ilebláa amọ́ ɔbẹ́e, “Mlídú ba nfi!” Amọ́ alupọ́ amọ́ bulí bọ́de amọ́ kí, agyinde lotsu amọ́ ya ɔsósú. ¹³ Ɖsólúsu lékpunkí kpukpukpukpu alí bré ámọtọ́ kén. Ní beye wúlu amọtọ́ idú á, iku kule fẹ́e lobwie bun ɔsólúto gbloo. Ahá mpím-sienó (7,000) bowu ɔsólókpunkí ámọtọ́. Ifú lehie kítá atráhe amọ́. Mọ́ su bọ́wa ɔsósú Bulu numnyam.

¹⁴ Asun wunhe nyɔɔsi latsun, saasi srí íbá á.

Ɖkpe Sienósi

¹⁵ Mọ́ Bulu-ɔbọ́pu osienósi lófúli mu ɔkpe. Inu ɔme akponkpontí lelun tsu ɔsósú be, “Séi á, ɔyítọ́ iwíegyi lamli aní Wíe Bulu mọ́a Kristo, (ɔhá ání Bulu ladá mu ofúli amọ́) klé. Obẹgyi iwíe bré fẹ́e!” ¹⁶ Inu ahande adwanyọ́-na ámọ́ bọtsie amọ́ mbíású Bulu ansító amọ́ fẹ́e bobun, súm mu, ¹⁷ blí be, “Aní Wíe Bulu Otúmípu, adá fú ipán.

Fólétsiá, fóbú mu bré fẹ́e.

Tsúfẹ́ fapọ́ fú túmi kponkpontí amọ́
fi fú iwíegyi asi!

¹⁸ Ɖmá-ɔmá benya ɔbló,
bré lafun ání fú é fénya ɔbló.

Bré lafun ání fégyi awupọ́ asón.

Bré lafun ání fóbwe yilé há fú asúmbi, bogyí fú ɔnósú atọ́ipọ́ amọ́,
pọ́ Bulu ahá ání bọtenyá fú ifú,
nyebí pọ́ ahande fẹ́e.

Bré lafun ání féhi ahá ání bamọ́ ahá ɔyítọ́ fẹ́e.”

¹⁹ Inu befinkí Bulu ɔswékpa kponkpontí ámọ́ ibu ɔsósú amọ́, bowun mu Ntam-dáka obu ámọtọ́. Inu nyankpu lówa ibi fwi bi. Odekpie, ɔpráda depotí, ɔme ɔtsan-ɔtsan lelun kóklókókú, ɔsólúsu lékpunkí; átsufolibiá igyi fẹ́ akwebi léhie kpá.

12

Ɖtsi Amu Mba Bóti Amu

¹ Inu osúna kponkpontí ku lédalí ɔsósú. Nowun ɔtsi ɔkúá ɔdídí owí, mu ayabi yí ɔtsrasu. Obun owíepa, ntsrakpabi dúanyọ́ ipan mósú. ² Ɖtsi amu dé ɔmẹ́, ikwí de mu dwiín, odekikíni, ɔde okitikítí ogyo obí amu kwí.

³ Inu osúna bámbá letrá dalí ɔsósú. Nowun bóti kponkpónkpontí ɔkúá ɔlepe, ɔbu nwun asienó pọ́ nsiebí dú. Owíepa asienó bun nwun asienó ámusu. ⁴ Ní beye ntsrakpabi fẹ́tọ́ aku asa á, butí amọ́ lópu mu odú kíkí mla iku kule, ɔlebitiá mọ́ kpá beda ɔsólúsu. Ɖlú ɔtsi ámọ́ ɔmẹ́ de mu dwiín amọ́ ansító, méní ɔtsi amọ́ onyá kwí pé á, obótsu mu bi amọ́ mé. ⁵ Ɖtsi amọ́ lókwí obiyímbi ání ɔbékpa ɔmá fẹ́e owuntólunsu. Botsu kebi amọ́ ya Bulu wá, yéyáí mu obíású. ⁶ Inu ɔtsi amọ́ lésrí yó dimbísú ɔtínéá Bulu léla yáí há mu. Békí musu nke ɔpím-ɔkule lafanyọ́ aduesie (1,260).*

* **12:6** Nke ɔpím ɔkule lafanyọ́ aduesie (1,260) anfí igyi nfinisa mọ́a ifun.

7 Inu, isá leda osósó. Bulu-ɔbɔpu dehen Mikael mua mu aba abɔpu bɔko bóti ámu mua mu aba abɔpu. 8 Táme bóti ámu mua mu abúɔpu bometali líi amó ɔnó, begya amó lé osósó inu. 9 Inu bekpa bóti ámóú bɔteti mu iwɔ dada amu mua mu abɔpu beda osólósu. Mu bɔtetráa ti Bulu olupó ntée Satan pú ɔyító ahá fée ɔmlépo ni.

10 Inu nonu ɔme kóklókókú ku lelun osósó. Ilebli ɔbée,
“Séi gyi bréa Bulu ɔbóhɔ mu ahá nkpa ní!
Bulu ɔbópu mu túmi gyi iwíe.

Mu Kristo, (ɔhá ámóú Bulu ladá mu ofúli amó) é ɔbéle mu túmi ɔwan.
Tsúfé bakpá ɔhá ámóú oletsiá lé aní Akristofɔ lá ámu dá osólósu.

ɔbɔnsám méetrá ka asún dínká aní apíósó,
aní Bulu ansító e.

11 Bapú Okúfabi amu obugya pó mu iwí adánsie ámóú
begyi amu gyi musu.

Bumɔdwe amó iwí dɔbɔdɔbɔ,
su bumenya amó lowu kóráá ifú.

12 Iní su osósó pó mliá mliɔ inu fée
mlunya ansigyí.

Táme osólósu mua ɔpu,
mligyɔwí ní.

ɔbɔnsám laba mli wá ɔblósó,
tsúfé alawun aní mu nke trá mɔtsó.”

13 Bréa bóti ámu lówwun aní bafin mu dá osólósu á, ɔlɔkúsú kplá gya ɔtsi ámóú ɔlɔkwíí obí ámu. 14 Táme beha ɔtsi ámu oyitsu kpɔnkpɔnkpɔnti abámba anyɔ, méní ɔbétali fúli sí bóti ámu yó mu otsiákpá dimbísú inu. Bulu ɔbéki musu inu nfinso móa ifun.† 15 Inu bóti ámu léfen ntsu tsɔnhe dáli mu ɔnótó wólí ɔtsi ámu ɔma, méní íbékítá mu náti. 16 Táme osólósu légyí ɔtsi ámu bɔale. Ntsu ámóú bóti ámu léfen tsu mu ɔnótó ámu fée leme wíe osólótu. 17 Inu bóti ámu lénya ɔbló ɔtsi ámusu, pó mu ɔbló gya mu abí atráhesu. Amógyí ahá aní bɔtegyi Bulu mblasu, bɔde Yesu iwí adánsie gyí a. 18 Inu bóti ámu lési ɔda ɔpu amu ɔnó.‡

13

Mbwikítá-atɔ Anyɔ Aku

1 Iní ɔma a, nowun aní ɔbwikítá-atɔ kpɔnkpɔnti ɔko dédalí tsu ɔpu amɔto ɔbá. ɔbu nwun asienó pó nsiebí dú. Owíepa bun nsiebí ámu kugyíkusu. Bɔwanlín dá aní ɔlɔkúsú líi Bulusu dínká nwun ámu kugyíkusu. 2 ɔbwi ámu gyí fé dundu, táme mu ayabi lomóní, mu akuti bu iswí fé osísré ayabi, mu ɔnó é igyi fé gyatá ɔnó. Bóti ámu lópu mu túmi, iwíegyí pó ɔwɔnlín ku há ɔbwi ánfí. 3 Nowun aní ɔlɔ kpɔnkpɔnti ku idin ɔbwi ámu nwun asienó ámɔto kulésu. ɔlɔ ámu lómoní, íbétali mó mu, táme íleta, omowu. Ílɔwa ɔyító ahá fée wánwan, bekplá buo mu. 4 Bosúm bóti ámu, tsúfé alapó mu túmi há ɔbwi ámu. Bosúm ɔbwi ámu é, fité beɛ, “Ma lófun ɔbwi ánfí? Ma ɔbétali líi kó mu?”

5 Bulu léha ɔbwi ámu ɔkpa aní ɔbli abususu akpɔnkpɔnti pukusu lu musu. ɔleha mu ɔkpa aní ɔbwée túmíla kugyíkúá odeklé tsra adɔana-nyɔ (42), igyi nfinso móa ifun ámɔto. 6 ɔbwi ámu lóbwíí ɔnó, bli abususu púkpóí Bulu mua mu dá pó ahá ámóú bɔbɔ osósó, igyi mu otsiákpá amu. 7 Bulu léha mu ɔkpa aní ɔkóɔ Bulu ahá, ogyi amósó. ɔleha mu ɔkpa aní ogyíí iwíe

† 12:14 Nfinso móa ifun igyi nke ɔpim ɔkole lafa-anyɔ aduesie (1,260).

‡ 12:18 Iní bu nwóló

dada amu akoto: Inu nesi líi ɔpu amu ɔnó.

abusuangyíabusuan, oblígyíoblí, omágyíomá pú osólóso ahá otsan-otsan féesú. ⁸ Oyító ahá fée bósum obwi ámu. Ahá ání bómóosum mu gyí ahá ání bowanlín amú adá wá Okúfabi amú bəpəhá igyí asa oyí lebelun amu nkpa əwulótó.

⁹ Ohá ání obu asu onú. ¹⁰ Ohá ání ida yai ání békítá mu ndoun isátó a, békítá mu isátó, kpá mu náti. Ní ida yai ání oku obésin ədayí ənó é á, ədayí ənó obésin. Inu su Bulu ahá butómi, abulu kinkín amú hógyito.

¹¹ Inu netrá wun obwi oku é lówo dalí osólóto. Obu nsiebi anyo fə okúfabi, táme əlotoí fə bótí. ¹² Obwi ánfí líi obwi gyankpapu amu ansító, əloyo mu agyómá kugyíku obwi gyankpapu amu túmito. Inu léha osólóso atsiápó fée bosúm obwi gyankpapu amú əl ədinká mu, iletə, omowu ámu. ¹³ Obwi nyəəsí amu lóbwe osúna akpənkpənti. Əleha ogyá lekpa tsú osósó bəda, ahá fée bowun. ¹⁴ Əpə osúna amú obəbwe obwi gyankpapu amu ansító ámu mlé oyító ahá əbée, bəpwe əkpi, ogyi fə obwi gyankpapu amú bəwo mu ədayí iya anyo, omowu, ətráa otsie nkpa ámu. ¹⁵ Bulu léha obwi nyəəsí anfi əkpa ání əwáa əkpi ámu əhé, fówun ibétalí tóí. Inu əkpi ámu léha əbée, bómóo ahá ání bómóosum mu. ¹⁶ Əleha ání buhéie ahá fée nsu, amú gyopi ibisu ntée amú əsokpi; nyebí ahande, ahíánfə móa asikafə, nkpábi móa iwí agyípo. ¹⁷ Ohaa méetalí fə tətə ntée hə tətə, nkéti ohá ání obwi ámu nsuhieto, igyí mu idá ntée ibi ání ulí há mu idá dín musu.

¹⁸ Inu léhián nyansa, méní fétalí nú ibi ámu asi. Ibi ámu ulí há obwi gyankpapu amu, igyí oyin oku dá. Ibi ámu gyí lafasie aduesie-sie (666).

14

Okúfabi Amu Mva Mu Ahá

¹ Inu nelawun Okúfabi amu líi Sionbusu. Ahá mpím lafakule advana-na (144,000) bulí mu wá. Okúfabi amu mva mu Si idá dín amú əsokpi. ² Inu nonu əme ku tsú osósó fə ntsu lábóla, idekpa yi, ntée əpráda dəputí, ntée fə nsankuo tsotsətsə budəda. ³ Bude ulu pəpwe ku wa owie obía ámu, akiankpa ana ámu pú ahande advanyo-na ámu ansító. Ohaa má uná əbétalí súan ulu ámu osólóso anfisú, nkéti ahá mpím lafakule advana-na (144,000) amú Bulu lahə amú nkpa tsú osólóso ámu nkule pé. ⁴ Ali ahá ánfí gyí ahá ání amú iwí letun, bəmeyín ətsi, butobuo Okúfabi amu ətinegyíətineá oyó ní. Amú nwunsu iko əleka anyánkpoša féeətó, fə atə-abí gyankpapu há Bulu mva Okúfabi amu nu. ⁵ Butamawá afunu, əlala kuku é ima amú iwí.

Bulu-əbəpə Abasá Asən Blíhé

⁶ Inu nelawun Bulu-əbəpə əkə əna afútó, əde asən wankláan amú ibu nu bré féeətó amu. Ohá bebláa oyító ahá, abusuangyíabusuan, oblígyíoblí ablípo, omágyíomátó ahá pú ahá otsan-otsan. ⁷ Bulu-əbəpə amu ləkplun blí əbée, “Mlunya Bulu ifú, amlíwa mu numnyam, tsúfə mu asóngyibi lafun. Mlisum mu. Mlóbwe əsú móa asi, əpu móa ntsu fée!”

⁸ Bulu-əbəpə onyəsí é lóbwo mu, beblí əbée, “Babilon labwíé. Wúlu yilé Babilon labwíé. Tsúfə Babilon lahá əmá-əmá banu mu mbəatə-ntá ání itehá Bulu əbló təkúsó!”

⁹ Bulu-əbəpə saasi é búo amú, ədeblí əbée, “Ní oku lósum obwi ámu mva mu əkpi ámu, há bəpə amú nsuhieto hie mu əsokpi ntée mu ibi nsu a, ¹⁰ ali ohá ámu obónu Bulu əbló-ntá, bəmefráa mú asa bətséí mu wá Bulu əbló-əwəto ní. Bulu əbəpə ogyá móa atonkodu bítí mu isə, mu əbəpə wanklíhé pú Okúfabi amu ansító. ¹¹ Amú isəbití ogyá ámu ogyási bəkúsó yó osósó bré

féétó. Alí ahá ámu gyí ahá amóú bosúm ɔbwi ámu pú mu ɔkpi, ɔbwi ámu nsuhíetɔ din amósú ámu ní. Iwi móolwíí amó ekekekeke.”

¹² Iní só ilehián ání Bulu ahá bótomi líí kínkín, gyi Bulu mblaso, wá ɔnɔkwali há Yesu ní.

¹³ Inu nonu ɔme ku lótsu ɔsósú ɔbéé, “Wanlín tswí fée, ‘Ansí bégyi ahá ání bówu aní Wíe agyómátó tsú séi pýa!’ ”

Bulu Ɔhé ámu ɔbéé, “Ee, ibu mótó. Ansí bégyi amó lélé. Béda ɔkpónú tsú amó ipian féétó, tsúfé amó bwehé wankláán bóbuo amó.”

Bulu Asóngyí Iwi Atowunhe

¹⁴ Inu neláki a, agyinde futútú ku ní. Ɔha ɔková ogyi fé Nyankpusa-Mu-Bi ámu tsie agyinde ámusu. Obun sika pepe owíepa, ɔde tsini kláklá ku.

¹⁵ Inu Bulu-ɔbɔpu ɔku é lédalí tsu ɔsósú Bulu ɔtswékpa inu ba. Móú ɔlɔkplón bláa ɔhá amóú ɔtsie agyindesu ámu ɔbéé, “Pú fú ɔdayí ámu tin ató-abí, tsúfé ɔsolósu ató-abí lapé yóí. Mó tínbi lafun!” ¹⁶ Mó su ɔhá amóú ɔtsie agyindesu ámu létinkí mu tsini amu, tin ɔsolósu ató-abí ámu féé.

¹⁷ Bulu-ɔbɔpu ɔku é lédalí tsu ɔsósú Bulu ɔtswékpa obuto inu. Mu é ɔde tsini kláklá ku.

¹⁸ Móú Bulu-ɔbɔpu ɔková ɔbu túmi ogyá ámusu é lédalí tsu afɔdie-asubwi ámu así ba. Ɔlɔkplón bláa Bulu-ɔbɔpu amóú ɔde tsini ámu ɔbéé, “Pú fú tsini amu ka wán-abí ámu ɔkpítsa, tsúfé abí ámu ilapé.” ¹⁹ Mó su Bulu-ɔbɔpu amu lótswi mu tsini amu káka ɔsolósu wán-abí ɔkpítsa féé, kpá wán-abí ámu wá ɔtínéá batenyímé ntsu lé mótó. Iní ilí há Bulu ɔbló. ²⁰ Wílu amu mmuátse benyímé wán-abí ámu. Obugya lédalí mótó, idetsóun waa fé ntsu tsonhe. Mó iswító bóbwé máli lafakole adukwe (180). Mó oklú é bóbwé ayabi anu.

15

Bulu-abɔpu Pó Asun Wunhe Asienó Tráhe

¹ Inu nowun osúna bámbá ková ibu ifú, ibu wánwan ɔsósú. Nowun ání Bulu-abɔpu asienó bude asun wunhe asienó ání Bulu ɔbɔpɔbití ahá isu asa iklontɔ bólwií mu.

² Inu nowun ɔpu ková igyi fé ahuhwé, ilepe fé ogyá. Nowun ání ahá bulí mó ɔnó, bude Bulu nsankuo. Alí ahá áni gyí ahá áni bakó gyi ɔbwi gyankpapu amu mwa mu ɔkpi ámu pú nsuhíe-ibi amóú ilí há mu dá ámusu ní. ³ Bude Bulu osúmbi Mose mwa Okúfabi amu ilu wa beé,

“Aní Wíe Otúmípu,

fú bwehé bu ifú, ibu wánwan.

Fú bwehé féé igyi ɔnɔkwali, ida ɔkpa.

Owíéa mu iwíegyí tamamó ɔnó.

⁴ Aní Wíe, ma oméenya fú ifú, wá fú numnyam?

Tsúfé fú nkole lówankí.

Ɔma féé béba bosúm fú,

tsúfé falé fú yilébwe ɔwan.”

⁵ Inu ɔma a, nekí ɔsósú, nowun ání Bulu ɔtswékpa obu, igyi tati-obu amóú itosúná ání Bulu bu amó wá ámu ɔnó iya. Nowun mótó Ɔwankíkpa amu.

⁶ Nowun Bulu-abɔpu asienó amóú bɔpu asun wunhe kpɔnkpɔntí asienó bá amu. Bedalí tsu Ɔwankíkpa inu. Bɔwa ɔhráda atadieá ilówankí, ide ogyá kpa, bɔpu sika pepe ɔfé tsán. ⁷ Akiankpa pu ana ámuto ɔkole léha Bulu-abɔpu asienó ámuto okugyáku sika blanwébi ání Buluá ɔbu inu bré féétó ɔbló ibu mó dédéédé. ⁸ Bulu numnyam pú mu túmi leha ogyási lɔbolá Bulu

Ɖwankíkpa inu fée. Ɖhaa métaalí bitíwíé mótó, yǫfun bréa Bulu-abɔpu asienó ámu batséi asun wunhe asienó ámu fée wólí ɔsolósu.

16

Bulu Ɖbló Ablanwébi

¹ Inu nonu ɔme kpɔnkpɔnti kvá lɛdalí tsu Bulu Ɖwankíkpa inu. Ide abɔpu asienó ámu bláa ɔbéé, “Mliyo, amliyetsei Bulu ɔbló ablanwébi asienó ámu wólí ɔsolósu.”

² Mú su ɔbɔpu gyankpapo lɛdalí tsu Bulu ɔtswékpa inu yetsei mu kle wólí ɔsolósu. Inu ahá ámuó ɔbwi ámu nsvhiéto idin amósó, bɔde ɔkpi ámu sum ámu iwí létsitsii nlo akpɔnkpɔnti, ide amó dwiin.

³ Ɖbɔpu nyɔasi létsei mu kle wá ɔputo. Ɖpu amu lémlí fé fúli obugya. Tógyítá ɔbu ɔpu amoto lówu.

⁴ Ɖbɔpu sáási létsei mu kle wá ntsu tsunhe pɔ abɔnkpabi féeéto. Mú fée ilemlí obugya. ⁵ Inu nonuá Bulu-ɔbɔpá ɔteki ntsusu lébláa Bulu ɔbéé, “Oo Ɖwankípá fúbu inu bré fée. Fú asún da ɔkpa aní fabítí amó isu ali. ⁶ Tsufé bamó fú ɔnósú atóipú pú fú ahá, tséi amó obugya wólí ɔsolósu. Mú sɔ fahá bapó obugya há amó fée, bonúu ni. Iní lékanáa ha amó ní.” ⁷ Inu nonu ɔme kvá lɛdalí tsu afɔdie-asubwi ámu asi ɔbéé, “Ee, aní Wíe Bulu Otúmípu, fú isubiti igyi ɔnɔkwalí, ida ɔkpa.”

⁸ Músɔ ɔbɔpu náási létsei mu kle wólí owí. Mú su owí ɔnó lɔwa ɔnlin, lɛha mú ide ahá to fé ogyá. ⁹ Owí ámu ɔto okugyíɔku. Bulu búbú túmi asun wunhe anfi féesó, táme bekiná bumɛdamlí klɔnto; pówá mu numnyam, mbóun lwí bɔlwí mu.

¹⁰ Onuusí létsei mu kle wólí ɔbwi ámu owíe obiásó. Ɖbwi ámu iwíe ogyíkpa fée iloklun. Iwíɔsin su mu abúopu amu ɔbwi amó ɔdandu. ¹¹ Táme bekiná bumɛdamlí klɔnto sí amú lalahé amu fée bwe. Mbóun bɔlwí ɔsósó Bulu, iwíɔsin ámuó bɔdewúun amu su.

¹² Osiesí létsei mu kle wá ntsu yilé Efrateto. Ntsu ámu fée ɔlekpí lé mú ɔbóntó. Iní léla ɔkpa há awíeá botsú owí ɔdalíkpa pú amú isá akɔpó bétalí tsun ba inu. ¹³ Inu nowun ɔhe lalahé asa akvá bɔgyi fé agyóngyo, bɛdalí tsu bótí ámu ɔnótó, ɔbwi ámu ɔnótó pú ɔnósú ɔtáipú ofunupu amu ɔnótó. ¹⁴ Ɖhe lalahé anfi bubu túmi bwe ósuna akpɔnkpɔnti. Batsun ɔsolósu awíe féesó, méní békpa amó fée wá abato, béba bɔkɔ aní Wíe Bulu Otúmípu isá eke yilé ámuó igyi mu asún ogyíké amu.

¹⁵ Aní Wíe ɔbéé, “Kí, néba fé owikplu. Bulu obóyulá ɔhá aní ɔlɛda iwísu, alalá mu atadie yáí, méní ɔméenatí yayá, péli méekítá mu.”

¹⁶ Músɔ ɔhe lalahé amu bekpa awíe amu yéfia ɔtinekvá botetí inu Hebrifo ɔblító beé, “Harmagedon.”*

¹⁷ Inu Bulu-ɔbɔpu siénósí létsei mu kle wá afútó. Ɖme kóklókóú kv lɛdalí tsu Bulu ɔtswékpa inu owíe obiá ámuó ɔbéé, “Úatá!” ¹⁸ Inu nyankpu lówa ibi fwi bi. Odekpíe, ɔpráda ɔpɔtí. Ɖme ɔtsan-ɔtsan lɛlin kóklókóú, ɔsolósu ɔlekpíkpí kpíkpí kvá mú odu imáková kí tsú bréa ahá belin ɔyító ɔpá. ¹⁹ Wúlu yilé Babilonto léye asa. Awúlu yiléá ibu ɔyító fée ilobwiebwíe. Inu Bulu lékaín Babilon lakpan féesó, ɔlapu mu ɔbló kpɔnkpɔnti eweto-ntá ámu há mu olonu. ²⁰ Ɖpu nsné ɔsolósu kugyíko lófwi, abu é fée lɛɔja. ²¹ Atsufolibi akpɔnkpɔntiá mú odwinto bóbwe fé kilo aduenu (50) ɔlekpá tsú nwołótáasu bɛda ahásu. Atsufolibi amu ɔnó ɔnlin su bɔlwí Bulu.

* **16:16** Harmagedon asi gyí, Megidobu. Boko isá tsotsɔtsɔ ibu ánfisu.

17

Obu-ónó Otsiápó Kpònkpònti Amu

¹ Inu Bulu-abòpò abasiénó á múú bèkítá ablanwébi ámutò òkòlè léba bèbláa mi òbée, “Ba, ansuna fú alá bréá Bulu òbèbití obu-ónó otsiápó kpònkpònti á múú otsie ntsu tsòtsòtsòsò ámu isu. ² Mba òyítò awíe fée batò mbua. Òyítò ahá fée banu mu mbuato-ntá bò.”

³ Inu Òjé ámu léba misu, Bulu-òbòpò ámu lótsu mí ya dimbísú. Nowun òtsi òkò tsie òbwikítá-atò pépé òkòsò inu. Òbwi ámu bu nwun asienó pú nsiebí idú. Bòwanlín adá ání ilòkòsú líí Bulusò dínká mu iwí fée. ⁴ Òtsi ámu lówa atadiéá igyi faasi ntsu móa pépé. Òlòwa abutò wòlihe òtsan-òtsan, òde sika pépé owebi mu gyòpítò. Akísítò pú mu obu-ónótsiá ifin ləbulá mú dédéédé. ⁵ Bòwanlín idá kuá mú asi leñaín dínká mu òsòkpi bée, “Wúlu yilé Babilon, obu-ónó atsiápó fée oyín. Òsólòsò akísítò fée owíe.” ⁶ Nowun ání òtsi ámu lanu Bulu ahá obugya bò. Ahá ánfí bəmò Yesu iwí adánsiēgyí sò ní.

Bréá nowun mu a, ònó lobwíe mí. ⁷ Múú Bulu-òbòpò ámu léfité mí òbée, “Ntogyi ònó labwíe fú alá? Néle ason ñaínhéá ibu òtsi ámu mba òbwikítá-atò amúú òbò nwun asienó móa nsiebí dú ámu asi súná fú. ⁸ Òbwi á múú fowun ámu latsiá ki. Òtráa òma inu séi, òbélaba. Táme imóòwa òpá òbédalu tsu ilán klúklúúklú á múú ima òka ámutò yó òhkpá. Òsólòsò atsiápó amúú Bulu mówanlín amó adá wá nkpa òwòlò ámutò tsú bréá òyí lefi asi ámu ònó bóbwie amó, tsúfè bowun ání òbwi á múú oletsiá, òtráa òma inu ámu lalá bá.

⁹ “Iní léhián nyánsa ání bópònú mú asi. Nwun asienó ámu igyi abu asienó* ání òtsi ámu dé iwíe gyí múús. ¹⁰ Nwun asienó ámu ilí há awíe asienó é. Abanú bawú bòtsòñ, osiesi tsíe obíású séi á. Osienósí mókónyá ba. Òbá á, bré kpalobí ku pé obétsiá. ¹¹ Owíe okwesí gyí òbwi á múú oletsiá, òtráa òma inu séi ámu. Abasiénó ámutò òkòlè ogyi. Mu é òbèhí fè mu aba ámu.

¹² “Nsiebí dú á múú fowun ámu igyi awíe idú ání bóməkónyá tsíá obíású. Táme béyaí amó mbíású amó iwíe ogyíkpa. Amóa òbwi ámu bégyi iwíe bré itinbí. ¹³ Amó fée bóbwe agywun kule, pú amó túmi há òbwi ámu. ¹⁴ Amóa òbwi ámu bókò Okúfabi ámu, táme Okúfabi ámu obégyi amúsú, tsúfè mu gyí asítò Òsí pú awíetò Owíe ní. Mu abúòpò gyí ahá á múú Bulu latí amó, lé amó, búbú ònòkwali há mu ámu.”

¹⁵ Inu Bulu-òbòpò ámu lébláa mi òbée, “Ntsu tsòtsòtsò á múú fowun ání obu-ónó otsiápó ámu tsie múús ámu ilí há òmá-òmá pú òblí òtsan-òtsantò ahá. ¹⁶ Nsiebí dú á múú fowun òbwi ámu nwunsò ámu é ilí há awíe idú ání mba amónyò bégyi iwíe. Amó fée bólu obu-ónó otsiápó ámu, swíí mu atò fée, lé mu yayá, wí mu aye, wá tráhe ogyá, íbòhò plíplíplíplí. ¹⁷ Tsúfè Bulu lópu agywun ánfí wá amó fée nwuntò, méní bóbwe mu apé. Amó fée bópò amó túmi há òbwi ámu, yófon bréá Bulu asón ámu fée íbèba mútò.”

¹⁸ Inu Bulu-òbòpò ámu létrá bláa mi òbée, “Òtsi á múú fowun atowunhe ámutò ámu gyí wúlu yiléá ide òsólòsò awíe féesú gyí ní.”

18

Babilon Bwíe

¹ Iní òma a, netrá wun Bulu-òbòpò òkò é dékplí tsú òsúsò òbá. Òbò túmi kpònkpònti. Mu numnyam dèwankí wólí òsólòsò. ² Òlòkplín kóklókóú òbée, “Babilon labwíe! Wúlu yilé Babilon labwíe! Ilamli òjé laláhe òtsan-òtsan fée òñaínkpá. Ilabwé isia há mbubwi laláhe pú mbwikítá-atò laláhe fée.

* 17:9 Abu asienó ánfisò Roma wúlu idun ní.

³ Tsúfě alapó mu mbuatə-ntá ámu dá əmá-əmə fěé ənó. Mwa əyító awíe fěé bató mbwa. Ibiá agyípo fěé banyá iwí tsú nkpa ámuó olegyi amutə.”

⁴ Inu nelanú əme ku tsú əsósó əbée,

“Mí abí, mlíle iwí le mutə!

Mlumáwa ibi mu lakpan ámutə,

méni mu asən wunhe amu ku méeba mlísu.

⁵ Tsúfě mu lakpan lawə nwulótáa.

Mó su Bulu lakáin mósó.

⁶ Pw mu lalahéá alapógyí fú ahá ka mu ikə.

Pw mu bwehé ka mu ikə tsenyə-tsesa.

Ɔləp nta kpeklé há ahá bonu.

Mó su pw móa ibu ənlín dən mó aku anyə ha mu onu.

⁷ Alagyi ədwe laláhe, tsú iwí dubi.

Mó su pw iwíəsin móa asən wunhe ka mu ikə séi.

Ɔtebláa mu iwí əbée,

‘Owíe tshé ngyi, ntsie mí obiásó.

Megyí əsurapw ngyi, mmóowa nwe ekekekeke!’

⁸ Mó su asən wunheá igyi akón, isú pó lowu bótó mu ekewóle pé.

Bówa mu ogyá, əbóhə plíplíplíplí,

tsúfě Otúmípw aní Wíe Bulu gyí. Mədə mu isə bití.”

⁹ Ɔsulósə awíe amóó mwa amónyə bətə mbwa, begyi ədwe laláhe amu bówun mu ogyási, su kpísí. ¹⁰ Mu ipian amóó odewúlon amu ibówa amó ifú. Mó su béliú tsútsútsútsú blí beə, “Gyəwí ní! Babilon gyəwí ní! Wúlu kpənkpənkpənti, nkáli su Bulu labítí fú isə ətsáwole pé ali?”

¹¹ Ɔyító bíá agyípo bósu, gyi awirehə, tsúfě əhaa trá əma inwá əbóhə amó atə fəhé. ¹² Mólétsiá hə sika pəpə pó sika futútú ató, abwi wankláán pó abutó wəlihe, əhráda, ago, sríkí atati pó atati pəpə, nyiá ibu əfan, atóá bəpw sórófó-ise bwé, móa bəpw nyiá ibu ibiá sré, pó móa bəpw kóəbrí móa dátə pó abwiá ihíe bu akíle aná fěé bwé tsətsətsə tsú amó wá. ¹³ Oletsíá hə amó píprí, əhién, ohuam, apwse, ntá, olif-nfə, nfúó wankláán, ayó, nnantswie, akúfa, mpənkə, akeké, tsíá hə ahá nkpábi kóráá. * ¹⁴ Bósu blí beə, “Ntóbí amóó futekle amu fěé ladáli fú ibi. Ató amóó fótəpówá bite ámu fěé lahóli fú. Fómétrá wun mó ekekekeke!” ¹⁵ Bíá agyípo amóó batsən mwsu nyá iwí ámu fěé béliú ifóntó, tsúfě bude ifú nya aní bówun mu iwíəsin ámu odu. Béki mu ipian ámu, su gyi awirehə! ¹⁶ Béblí beə, “Gyəwí ní! Wúlu yilé, gyəwí ní! Teki fuhíe fubə akíle. Atati fútútú móa pəpə pó ago futədídá. Sika pəpə ató móa abutóá ide ogyá kpa srasrasra fótəwá. ¹⁷ Atonyahé tsətsətsə ənfi fěé lahóli fú ətsáwole pé!”

Ntsusə-yibi akanpó, mó ahande pó mótó agyómá ayəpó pó ibiá agyípo fěé bówa ifó mu wá. ¹⁸ Ní bowun mu ogyási amu a, bósərə okitikíti beə, “Wúlu məmə ləfən wúlu ənfi əyító fěé?” ¹⁹ Békpa isí wá nwuntə, gyi awirehə, blí beə, “Gyəwí ní. Wúlu yilé, gyəwí ní! Fú nyatə aní ntsusə ayibi awíe fěé anilanyá iwí tsú. Fú iwísu ató fěé lahí ətsáwole pé!”

²⁰ Ɔsósú atsiápó fěé, mlínya ansigyí. Bulu ahá, mu sumbí ayəpó pó mu ənósó atəpó fěé, mlínya ansigyí. Tsúfě Bulu lagyi mu asón, bíti mu isə, itó amóó alapógyí mlí ámu su.

²¹ Inu Bulu-əbəpw əwənlínpó əku lótsu ibwi kpənkpənti ku, tswí wa əpwtə. Móú əleblí əbée, “Alí Bulu əbəpw əblé bwíe wúlu yilé Babilon, əhaa méétrá wun mó ekekekeke ní. ²² Əhaa méétrá nu əsankuo adapó, ilu awapó, əténte

* 18:13 ahá nkpábi ntée anyánkpósa-oyí móa akláa.

afólipó pú ikpe afólipó nka wúlu amòtò ekekekeke. Ibi onó agyómá kòkòukò é iméetrá tsíá unu. Bóméetrá kwe nfúó unu ekekekeke. ²³ Okandíe kòkò méeetrá wankí wólí unu, òhaa é méeetrá nu okúlu móa aká papwe òme unu ekekekeke. Tsúfè tekí mu ibíá agyípú gyí aha kpònkpòntí òyító ní. Alapú mu atóla mlé òyító ahá féeé, há bafwí!

²⁴ “Babilon brònuṣu Bulu onósú atáípú amò obugya ibun. Múlómò Bulu ahá òyító féeé ní.”

19

¹ Inu féeé òma a, nonu òme kvá igyi fè òdòm ání bodekplón kòklókóú òsósú. Bodeblí bée, “Halelúia!” Aní Bulu tòhò ahá nkpa. Mu nkòle bów túmí móa numnyam, ² tsúfè mu isòbití igyi ònòkwali, ida òkpa. Alabítí okípú kpònkpònkpòntí ámúbòlòpò mu obu-onó tsíá yíntá òyító ámu isu, alafítè mu asúmpò obugya tsú mu wá.” ³ Bòtráa bodekplón kòklókóú bée, “Halelúia! Wúlu amò ogyási lakósú yó òsósú bré féeéto!” ⁴ Inu ahande advanyò-na ámu pú akiankpaṣu ana ámu bemlí bun sùm Bulu ámúbò otsie owíe obíá ámuṣu, blí bée, “Amen! Halelúia!”

Okúfabi Amò Oká Otsiáke

⁵ Inu òme kò lèlun tsú owíe obíá ámuṣò òbée, “Mlí Bulu asúmpóá mlitenyá mu ifú, nyebí ahande féeé, mlíkanfò aní Bulu ámu!” ⁶ Mú òma a, òme tsòtsòtsò lèlun, fè ntsu bóláhé détsòbun waa, ntée òpráda depòtí kòklókóú òbée, “Halelúia! Aní Wíe Bulu Otúmípu amò dé iwíe gyí. ⁷ Mlíha anya ansigyí, iwí isankí aní, awa mu numnyam! Tsúfè Okúfabi amò aká otsiáke lafun. Mu ka ámu lahíhíe iwí tá.” ⁸ Bèha mu òkpa bée, òwáa òhráda atadiéá ilòwankí, ide ogyá kpa. (Òhráda atadié ánfí ilí há Bulu ahá yilébwe.)

⁹ Múú Bulu-òbòpò amò lébláa mi òbée, “Wanlun fée, ‘Bulu layúlá ahá ání alatí Okúfabi amò òkátisiá nke ámu así.’ ” Múú òletrá bla mi òbée, “Asún ánfí igyi ònòkwali, Bulu wá itsú.”

¹⁰ Inu nemlí bun mu ayabítò, mbée ansum mu, táme òlebláa mi òbée, “Mábwe! Tsúfè Bulu osúmbi ngyi fè fóa fú apíó ámúbò mlidé Yesu iwí adánsie gyí amò. Sum Bulu nkòle pé!

“Tsúfè ahá ámúbò bode Yesu iwí adánsie gyí amò bòbò Bulu onósú asúnblí òhè.”†

Òpònkò Futútúsú Òdinkápú

¹¹ Inu móa nówun a, òsósú lafinkí. Nelákí a, òpònkò futútú òkò líí á! Mòṣu òdinkápú amò idá gyí, “Yilé Òbwepú pú Ònòkwaliṣu.” Otegyi asún, òtòkò isá é ònòkwaliṣu. ¹² Mu ansíbi aklambi igyi fè ogya plenplen. Owíepa tsòtsòtsò ibun mu nwun. Òbun dá kvá bòwanlín dínká mòṣu, òhaa méyín mó tsíá muto. ¹³ Òlòwa ligá ání bòwa mó obugyatò. Mu idá gyí, “Bulu Asún.” ¹⁴ Òsósú isá akòpò bòdun mpònkò futútúsú. Bòwa òhráda atadiéá ilòwankí, ide ogyá kpa bòbò mu. ¹⁵ Òdayí iya anyò kláklááklá kò lèdalí tsu mu onó. Mú òbòpòsáín òmá-òmá bun ní. Òbòpò owuntòlun kpá amó. Bulu Otúmípu amò òblé kpònkpòntí ámu òbòpònyímé amó fè alíá bòtenyímé wáun-abí. ¹⁶ Idá ání bòwanlín dínká òhá ámúbò òdun òpònkò futútú ámu atadiéṣu pú mu obíánsú gyí, “Asító Òsí, Awíetò Owíe.”

¹⁷ Inu nowun Bulu-òbòpò òkò líí owító. Òkòkplón kpòlí mbubwí ání bòna afútó féeé òbée, “Mlíba! Mlíbefia Bulu òpònú kpònkpòntí ámúbò alatswí

* **19:1** Halelúia igyi Hebrifò òblí. Mú así gyí, Kanfò aní Wíe Bulu! † **19:10** Ntée Ònòkwali amúbò Yesu lébèle owan ámu téhá ahá bòtetálí blí Bulu asún ámu ní.

ha mli ámu asi! ¹⁸ Méné mlégyi awíe, isá onó alípró, isá akópó akinkín, mpánkəsu adínkápró pó amó mpánkə, əyító ahá, iwí agyípró, nkpábi, nyebí pó ahande féé aye.”

¹⁹ Inu nowun áni əbwikítá-atə amu mva əsuləsu awíe pó amó isá akópó féé bekpa aba bəyóko əpənkə futútúsó ədínkápró amu mva mu isá akópó. ²⁰ Táme begyi əbwikítá-atə amusu, bekítá mva mu onósó ətóipó amó ətəwé osúna akpənkpənti mu idátó ámu. Ofúla amu ələpumlé ahá ámu əbwikítá-atə amu nsəhíetə dín amósó, bətosúm əkpi ámu bəpwe lian əbwi ámu ni. Bətswi əbwi ámu mva mu onósó ətóipó amu wá ogyá paati kpənkpəntiá ogyá móa atonkodu ihíe detsii mótt. ²¹ Əpənkəsu ədínkápró amu ləpu ədayí iya anyə ámu iledalú tsu mu onó ámu mó isá akópó atráhe amu féé. Mbubwi amu begyi amó aye plíplíplíplí.

20

Bəwa Əbunsám Ikan Nfi Əpím

¹ Inu nowun áni Bulu-əbəpu əku lékplí tsú əsósó. Əde ilán klúklúúklúá uma əka sáafi pó ikan kpənkpənti ku. ² Əlekítá bóti, ogyi iwə dada amó bəteti mu Əbunsám ntée Satan amu, ələwa mu ikan nfi əpím-əkule. ³ Ələtswi mu wá ilán klúklúúklú ámu, fin mó, wá mó onó sáafi, ménú Əbunsám méétrá talí mlé əmá-əmá ámu. Nfi əpím ámu əma asa béle mu kpalobi.

⁴ Mó əma a, nowun awíe-mbiá ku. Ahá ámu bahá amó əkpa áni bégyi asón ámu bətsie mósó. Nowun aha əku əkláa. Amógyi ahá áni bətu amó Yesu iwí adánsiegyi pó Bulu asón əkanda só ni. Amó kén gyi ahá ámu bəmotsulá súm əbwikítá-atə amu ntée mu əkpi ámu, bəmotsulá abəpu mu nsəhíetə dínka amó əsəkpí ntée amó ibasú ni. Bulu léha amó bətsinkí, amóa Kristo begyi iwíe nfi əpím-əkule amó. ⁵ Amó Bulu légyankpá kósə tsú afúlitə ní. (Awupú atráhe bəméetsinkí, nkéti nfi əpím ámu ilətsəni.) ⁶ Bulu lóyulá mu aha agyankpəpu amó ələkəsbá tsu afúlitə amu. Amó mó á, lowu nyəəsí amu uma amósó túmi. Bəbwe igyi ahapó há Bulu mva Kristo, mva amónyə bégyi iwíe nfi əpím-əkule amu.

Satansu Gyí

⁷ Nfi əpím ámu əma a, béle Satan obu. ⁸ Əbədali yémle əmá-əmá áni bəbu əyi afunka ana, igyi Gog móa Magog amu, ménú əbəkpa ahá tsətsətsə bəma iklátə buo iwí ya isá. ⁹ Nowun áni bənati tsəni əyító féé, káfiá Bulu ahá pó amó wúlu yiléá Bulu tekle, támé ogyá lekpa tsú əsósó behi amó akópó féé plíplíplíplí. ¹⁰ Inu bətswi Əbunsám ámu ələmlé amó ámu wá obun áni ogyá móa atonkodu detsii mótt plənplənpləntə. Mva əbwikítá-atə amu pó mu onósó atəipó afunupu amu bətsiá iwətsintə əpa onyé bré féétó.

Asóngyi Tráhe

¹¹ Inu nowun owíe obiá futútú kpənkpənti kuá əku tsie mósó. Nwulótáa móa əsulə bəsrí sí mu, támé bəmenya əjainkpá. ¹² Nowun awupó, nyebí ahande bəlú owíe obiá ámu ansító. Bobwií nwulótə tswi. Bobwií nkpa əwulə ámu étə tswi. Inu bəpu tsá nwulə ámu ləblí tsú awupó ámu bwehé iwí gyi amó asón. ¹³ Əpu léle awupóá bəbu móta ba. Lowu mva afúlitə é bele amóá bəbu amótə ba. Bulu légyi okugyíəku asón mu bwehé onó. ¹⁴ Inu bətswi lowu mva afúlitə féé wá ogyá áni itamaduntə. Inu gyi lowu nyəəsí ni. ¹⁵ Bətswi əhagyíəha áni bəmowun mu idá nkpa əwulə ámu é wá ogyá ámu.

21

Ἰσὺς Μῦα Ἰσλὺν Πῶρως

¹ Inu nowun ἰσὺς μῦα ἰσλὺν πῶρως, tsúfē ἰσὺς μῦα ἰσλὺν gyankpapu amu itráa ma inu. Ἰpu é itráa ma inu. ² Múu nowun wúlu wankíhē, igyi Yerusalem pῶrως amu, idekplí tsú Bulu wá ἰσὺς ἰβά. Bulu léhuhíe mú fē ἰσιά bawá mu ató wankláán, oyéfia mu kulu. ³ Nonu ἰμε κpῶnkpῶnti kuá ἰlélun tsu owíe obíá ámu asi ἰβέε, “Κι! Séi mú á, Bulu otsiákpá laba anyánpósatῶ. Obétsiá amótó, bóbwε mu ahá. Mu onutó obétsiá amótó, ἰbóbwε amó Bulu. ⁴ Obétsitsii amó ntsú fēé. Lowu ntée isú ntée ipian ntée asun wunhe kuku é ἰμέετρά tsiá, tsúfē ato dada amu fēé ἰlatsun.”

⁵ Múu owíe obíásu otsiápu amu lébli ἰβέε, “Κι, nde tógyító bwe pῶrως.” Múu ἰlεlabláa mi ἰβέε, “Wanlun asón ánfi tswi, tsúfē mú fēé ἰbu mótó, igyi ἰnῶkwali.” ⁶ Múu ἰlεtrá bla mi ἰβέε “Nabwe mú fēé tá. Mígyi Alfa múa Omega, Ogyankpapu múa Ἰtráhe. Néha ἰhá ání ἰμεwólí de mu nkpa-ntsu, ἰμέεka mú ἰkῶ. ⁷ Nῶpu oyúla anfi há ἰhá ání olegyi isu. Nóbwε mu Bulu, mu é ἰbóbwε mí bí. ⁸ Táme afúpῶá beyinkí mí ἰma, ahá ání bῶmῶho mi gyi, mbusuo abῶpῶ, ahá amῶpῶ, mbua atῶpῶ, ató alapῶ, ἰkpi atswépu pῶ afunupu fēé otsiákpá gyí ogyá paati kpῶnkpῶnti, ogyá múa atonkodu ἰhíe detsii mótó. Inu gyí lowu nyῶῶsi amu ni.”

Yerusalem Πῶρως

⁹ Inu Bulu-abῶpu abasiénó amóu bude ablanwé asienó amóu asun wunhe asienó tráhe ἰho mú ámutῶ ἰkole léba bebláa mi ἰβέε, “Ba, ansuna fú ἰσιά Okúfabi amu ἰbá betsiá.” ¹⁰ Inu ἰlekpa mí Ἰηétó ya ἰbu fῶáhē kpῶnkpῶnkpῶnti kusu, olosuná mí Yerusalem wúlu wankíhēá idekplí tsú ἰσὺς Bulu wá ἰβά. ¹¹ Bulu numnyam dewankí wólí wúlu ámuῶsu, ἰhíe dewankí hónánááná fē atsufolibi, ἰde ogyá kpa fē ahῶhwéá mú ansító lῶwankí. ¹² Bῶrως buntii trihe fῶáhē ku bómli mú, ἰbu aklon akpῶnkpῶnti dúanyῶ. Bulu-abῶpu dúanyῶ bude aklon ámu ἰnῶ gyo. Bῶwanlín Israel abusuan dúanyῶ ámu adá dínká aklon amuῶsu ἰkole-kole. ¹³ Aklon asa bu owí ἰdalikpa. Asa bu owí ἰkplíwíekpá, asa bu ἰσὺς, asa é bu ayasi. ¹⁴ Beyi buntii amu dínká abwi yiléyilé dúanyῶsu. Bῶwanlín Okúfabi amu sumbí ayῶpῶ amu adá dínká abwi ámuῶsu ἰkole-kole. ¹⁵ Bulu-abῶpu amóu ἰde mí asón bláa amu dé sika pepe oyíá butῶpῶsúsu ató. Ἰbῶpῶsúsu wúlu amu, mú abuntii pῶ aklon ání ἰlobomli mú fēé. ¹⁶ Wúlu amu swító pῶ mú teító fēé igyi kékéé. Bréá olosusúu mú á, mú swító, mú teító pῶ mú fuátó fēé igyi máli ἰpím-ἰkole lafana (1,400). ¹⁷ Inu olosusúu buntii amu trító é. Igyi ayabi lafanyῶ múa dúasie (216), nyankpῶsa atosusúhe ἰnῶ. ¹⁸ Abwiá igyi fē ahῶhwé bῶpῶpwé abuntii amu. Bῶpu sika pepeá tῶtῶ mefráa mú, igyi fē gláasi pwé wúlu amu. ¹⁹ Bῶpu abwiá ἰbu bíá ἰtsan-ἰtsan dúanyῶ wá abuntii amu ntswiasí. Abwi ámu adá gyí, yaspa, safiri, agate, emerad. ²⁰ Onik, kanelia, krisolit, beril, topas, krisopas, yasint pῶ ametiste. ²¹ Abutó wulhe fútútú wankláán dúanyῶ bῶpῶbwé aklon amu. Iklon amu kugyíku igyi butóbi fútútú kole. Sika pepeá tῶtῶ mefráa mú, igyi fē gláasi bῶpῶwá abrῶnu wúlu amotῶ. Fétali ki tsun mótó.

²² Mmowun Bulu ἰtswéekpa kuku wúlu amotῶ, tsúfē Bulu Otúmípu amu muva Okúfabi amu gyí Bulu ἰtswéekpa inu. ²³ Wúlu amu imehián owí ntée ἰtsra wankí mótó, tsúfē Bulu numnyam tῶwánkí há mú, Okúfabi amu é gyí mú ἰkandíe. ²⁴ Ἰmá-ἰmá bēnatí wúlu amu wankitῶ. Ἰyító awíe é bῶpu amó numnyam ba mótó. ²⁵ Bῶméefin mú ἰnῶ aklon, tsúfē oklún ma

inu. ²⁶ Omá fée bópu amó numnyam pó amó obú ba mó. ²⁷ Tógyítá mó iwí metin, mbusuo abəpó ntée afunupu bumóowie wúlu amoto, nkéti ahá ámóú bəwanlín amó adá wá Okúfabi amu nkpa əwolótó amu nkole.

22

Nkpa-ntsu Tsonhe

¹ Inu Bulu-əbəpu amu losuná mí nkpa-ntsu ámóú iləwankí fé ahəhwé ámu. Idetsóon tsu Bulu mwa Okúfabi amu owíe obíá ámota. ² Ntsu ámu ina brəonv yiléá ida wúlu amu nsiné. Nkpa-oyí ilí ntsu ámu agbemgbe anyə ámusu, itoswíe abí ətsan-ətsan ətsragyíətsra. Itoswíe tsé dúanyə ofi əkoleto. Mó afitáa é igyi afá há omá féeótó ahá. ³ Tógyítá Bulu lalwíí mó méetsiá wúlu amoto.

Mboún Bulu mwa Okúfabi amu owíe obíá obétsiá inu, mu asúmpó bósum mu. ⁴ Bówun mu ansító, mu ida é bédinká amó əsvkpi. ⁵ Owí méetrá ta inu ekekeke. Buméetrá hián əkandíe ntée owí, tsúfé ani Wíe Bulu əbəwankí wólí amósó. Bégyi iwíe bré fée.

Yesu Iba

⁶ Inu Bulu-əbəpu amu lébláa mi əbé, “Asón ánti bu mótó, igyi ənkwalí. Ani Wíe Bulu tée tóá ibéba suná mu ənósó atəpó. Muláwá mu əbəpu əbé, əbéle tóá ibéba nke ántito suna mu asúmpó.”

⁷ “Kí! Imóowa əpá néba! Əwoló ántito asón béba mótó. Mó su Bulu obóyulá əhá áni olegyi mó féesó!”

⁸ Mí Yohane lónu asón ánti, nowun mó fée. Bréá nonu asón ánti, nowun ató ámu é á, nemlí bun Bulu-əbəpu amóú əlele mó suná mí ámu ayabito, mbée ansum mu. ⁹ Táme əletrá bláa mi əbé, “Mábwe! Tsúfé Bulu osúmbi ngyi fé fúa fú apíó Bulu ənósó atəpó, pó ahá ámóú bégyi asón ámóú bəwanlín wá əwoló ántito ámusu. Sum Bulu nkole!” ¹⁰ Múú əlebláa mí əbé, “Mápu ato lesúnáhé ánti njáin, tsúfé mó bábi lafon ta. ¹¹ Ha lalahe əwepó əyo mu lalahebwe. Ifinto otsiápó otsiá mu ifinto, yilé əwepó é əkita mu yilébweto. Əhá áni əbé, mápú mu iwí há Bulu osíi mu iwí ha Bulu.”

¹² Inu Yesu lébláa mi əbé, “Kí, imóowa əpá néba! Nebá iko əkakpá. Néka əhagyíəha iko mu bwehé ənó. ¹³ Mígyí Alfa móa Omega. Ogyankpəpu mwa Ətráhe, asi Otsuápu pó ənó Əməpó.

¹⁴ “Bulu obóyulá ahá áni bode amó atadie fwi, méní bétalí nyá əkpa tson wúlu yilé ámóú ibá ámu ənó wíe mótó yégyi nkpa-oyí ámu abí. ¹⁵ Akíai obésin iban ámu əma. Amó gyí; ató alapó, mbwa atəpó, ahá aməpó, ikpi atswépu pó ahá áni botekle afunu, butəwá mó é fée.

¹⁶ “Mí Yesu láwá mí əbəpu mbée, əbá bebláa fu asón ánti, afupubla Akristofə əpasua ámu fée. Mígyí Owíe Dawid mu na, mu ató ogyípó pó Bake Əsrakpabi wankíhé amu ni.”

¹⁷ Inu Bulu Əhé ámu pó əká pəpwe amu beblí be, “Ba!”

Əhagyíəha ánti onú asón ánti əblí əbé, “Ba!”

Əhagyíəha ánti əmewólí de mu əbá. Əhagyíəha ánti odeklé əbá, Bulu okie mu nkpa-ntsu ámu.

Itráhe

¹⁸ Mí Yohane, nde əhagyíəha əlá da kpákpáákpá. Mbée, ní əku lónu ato lesúnáhé əwoló ántito asón, ələpu kv tsíá mótó á, Bulu é əbéha asun wunheá ibu əwoló ántito ibéba musu. ¹⁹ Ní əku é léle təku tsú əwoló ántito á, mómó Bulu é əbéle mu ogyíkpa ánti ibu nkpa-oyí ámu pó wúlu wankíhé amóú nəwanlín mó iwí asón wá əwoló ántito ámota.

20 Ǿhá ámúú ǿde ntobí ánfí ɪwɪ adánsɪe gyí ǿnǿkwáɪsɪv ámv ǿbée, “Ee!
Imóǿwa ǿpá néba!”

Amen! Owíe Yesu, ba!

21 Aní Wíe Yesu ogyíi Bulu ahá boale!